


四庫全書存目叢書編纂委員會編

齊魯書社

四庫全書存目叢書

集部
第三三冊



責任編輯：孫言誠 賀 偉

ISBN 7-5333-0615-5



9 787533 306151 >

EB47/07

四庫全書存目叢書·集部三三

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

廣東精裝印務有限公司印製

787×1092 毫米 16 開本 37.75 印張

1997 年 7 月第 1 版 1997 年 7 月第 1 次印刷

印數 1--100

ISBN 7-5333-0615-5

Z·60 集部定價：127800 圓

集部第三三冊目次

集部·別集類

尚約文鈔十二卷附錄一卷

〔明〕蕭鎡撰
江西省圖書館藏清光緒三十一年蕭氏趣園刻本

..... 一

淡軒稿十二卷補遺一卷

〔明〕林文撰
莆田縣圖書館福建省圖書館藏明嘉靖四十五年林炳章刻民國重修本（張琴鈔補）

..... 一六九

吳竹坡先生文集五卷附載一卷詩集二十八卷

〔明〕吳節撰
浙江圖書館藏清雍正三年吳琦刻本

..... 三二五

尚約文鈔十二卷附錄一卷

〔明〕蕭鎡撰

江西省圖書館藏清光緒三十一年蕭氏趣

園刻本

附《四庫全書總目·尚約居士

集無卷數》提要

原序

皇朝文獻盛於江西濬總角時瓊多寓公每
承樂以來文物之盛一時館閣儒紳多吉郡人而西
昌爲尤著正統戊辰濬試禮部下第首見大司成蕭
先生於太學先生西昌人也濬時雜諸生中季試先
生得所作特召以見且加獎勵己巳之變先生恆夜
集諸生於燕居之堂論及時事輒憂形於色濬時發
一言先生輒首肯公卿間有詢及諸生者先生必斥
名以過譽歲辛未又試禮部不利南歸甲戌復來先
生已陞秩入內閣參預大政是歲濬叨登進士第選
入翰林讀中秘書又明年擢任史官以諸生厠迹門
下每有述作先生見之輒過爲稱許因延譽公卿間
天順改元先生南歸家居歲甲申捐館舍今二十有
五年矣季子昉以膺貢來京師得祁門司訓將之任
以先生遺稿見屬爲序嗚呼先生不可得而見矣今
見其遺文如侍先生左右親睹其德容而聞其警歎
然瞻思之頃恍惚若在前後而卒不可復見方且嗚
咽哀慕之不暇又焉能爲之言哉雖然天下士出先

生門者多矣今所餘無幾而濬獨幸後死又受知最深所以永先生之傳於不朽者其責實在濬焉於是乎投淚而序之曰嗟乎人生天地間具形與氣形動而爲威儀氣出而爲言辭人死則威儀隨形漸盡惟言也者宜於其心發於其氣著而爲辭彰載於簡冊而長留於天地之間千萬年而不朽觀其述可以得其心因其言可以知其世先生生於洪武長於永樂仕於宣德正統之間而大用於景泰是時氣化隆洽人心淳樸猶未至澆漓一時士夫制行立言類以質直忠厚明白正大爲尙而不爲睢盱側媚之態浮誕奇崛之辭先生稟純篤之性處和平之世平生爲人凡立心行己涖官臨事如其爲文其人不可見已見其文如見其人然濬起自遠方一見先生卽待以殊禮所以開發成就之者雖燕國公之於子壽六一公之於子瞻不是過也濬雖不足上擬古人而先生所以陶鑄後進者方之二公實無愧焉先生之詩文皆有爲而作達意而止質實之中而有自然文彩醇然其無滓穢如其無類淡乎其有餘味得孔子從先進

尙約文鈔 原序

二

之意噫世無復斯人亦無復斯文矣先生諱鉉字孟勤官至太子少師戶部尙書兼翰林院學士既老自號尙約居士云
賜進士第禮部尙書掌詹事府事國史副總裁門人
瓊山邱濬

尙約文鈔 原序

三

尙約文鈔

目錄

卷一

疏六首

表一首

賦一首

箴一首

說一首

卷二

記十三首

記十一首

卷四

序二十一首

序二十七首

尙約文鈔

目錄

卷六

序十六首

跋十八首

卷八

傳八首

贊十六首

哀辭一首

卷九

墓表十五首

墓誌銘八首

卷十一

墓誌銘十五首

古近體詩三十二首

尙約文鈔目錄終



尙約文鈔卷一

明泰和蕭 磁孟勤著

宗後學上田敷政校刊

疏

乞致仕疏

景泰三年六月初三日

臣本乏學識誤蒙天地厚恩萬一莫報凡有所知敢
不盡言臣竊見今歲六月初一朔旦日食謹按春秋
之書日食或妾婦乘其夫或臣子背君父或政權在
臣下或夷狄侵中國皆陽微陰盛之證而胡安國以

尙約文鈔

卷一 疏

爲日者眾陽之宗人君之象克謹天戒則雖有其象
而無其事若不畏天則必召災天之示人可謂顯矣
伏惟皇上以神聖之德居至尊之位削平僭亂中興
邦家踐祚以來勤於宵旰董正治官選賢任能恢弘
治理而又進講經筵以求帝王爲治之道大開言路
以通天下幽隱之情圖治之心可謂切矣夫何上天
告戒不一而足今春上星恆近日太白晝見今又日
食於朔日視朝之時夫豈無故而然哉其必庶官失
理紀綱不振法度廢弛大政乖缺而致然也況今胡



虜日近邊境入寇爲患不言可知且天心眷愛人主凡有災祥必先示之以兆欲其修德以圖承天休保無疆之治也臣伏望皇上思祖宗付託之重念繼體守成之難因天告戒惕然恐懼減膳撤樂避御正殿廣求直言倘已有過則速改之更加嚴畏復召詞臣講求所以敬天法祖保邦致治安邊禦寇之要君臣同心無事虛文務敦實行見諸事功則天變可消人心自服國治兵強夷狄之禍不足慮矣臣見今春星變之異亦嘗上言求退朝廷未允其請而又寵承拔擢自愧才識疏略捐軀莫報上孤天恩下招眾議雖天地之量曲爲包容而犬馬之心誠不自安乞將臣先行黜罷放歸田畝以答天意以謝天下然後陛下慎簡中外賢才以資任使以召天地之和以開萬載太平之治不勝幸甚

軍政疏 景泰四年六月初十日

臣竊惟兵者國之大事所以防姦而禦侮保泰而安民然軍必有將將者三軍之司命也兵法有大將有萬人之將有千人之將有百人之將要使小大之任

尙約文鈔 卷一 疏

二

各得其人然後調度之際克濟乃事國朝用兵之制一本古法而參之以時宜一軍之中有總兵有左右副總兵有參將又有坐營把總管隊等官往往擇人以任之蓋欲防姦禦侮保泰安民者也近年以來承平日久兵備懈弛總兵乏統馭之才偏裨失遴選之道其把總管隊等官多有貪緣冒進菲才濫充以致士氣不揚戰陣無勇甚則貪圖賄賂剝削官軍視兵政如等閒與士卒爲仇敵失利僨事職此之由邇者恭覲皇上繼承大統赫然奮發思刈羣盜附眾強兵累勅在京總督總兵等官留意訓練官軍從公揀任將士于謙膺總督之任石亨任總兵之職理合祇奉德意即將各營把總等項官員分別賢否具奏黜陟遴選至公堪把總者令爲把總堪管隊者任以管隊照依先前定擬用心提督操練不許徇情作弊因而輕易動那以後遇有事故陞調等項應合選人代替如有私自那移委用者宜飭總督總兵官指實參奏拏問治以重罪庶使體統不紊而任用得人武備修舉而邊事不悞矣緣係處置軍務理合具題伏乞聖

尙約文鈔 卷一 疏

三

裁

陳時務疏 景泰四年六月 日

臣竊見保國之要莫先於武備安民之務必急於禦寇武備修則國家寧謐虜寇息則黔黎樂業國泰民安則天下和平矣邇者胡寇逞凶入京畿恣爲剽掠被其荼毒人皆痛切今雖附順而猖獗之勢暫息覲覲之心猶存將欲緩其師懈其兵也得乎孫子曰無約而請和者謀也又曰用兵之法無恃其不來恃吾有以待之無恃其不攻恃吾有所不可攻也吳略曰

尚約文鈔

卷一

疏

四

君子於安平之世刀劍不離其身所以居安慮危治平防盜之故爲今之計當堅甲利兵深溝高壘儲糧練士秣馬養銳嚴飭防備及用行間則寇可息此備禦切要事情合亟具題伏乞聖裁

論武備疏 景泰四年七月二十七日

竊見南京爲國家根本重地武備不可不修其地前有
有大江戰守之策操江爲上是以洪武年間設立濟
川江淮二衛官軍專一駕駛快馬船隻操習水戰以
壯國威以防外侮永樂年間因建北京惟命都督等

官把總練習遇有一應供用北京之物始定輪流差撥運送當時事有所統船隻堅完加以軍夫整齊差使均平故人心悅服近年以來把總之官或因保取別用或因事故不存船隻朽爛軍夫逃亡操江之事有名無實運送官物不能無誤況濟川江淮二處軍旅多係湖廣江西等處人民中間多有親管官員作弊指以令回原籍修造爲由一放夫船經二三年不赴衛者見在夫船代當差使絡繹不絕勞逸不均不惟軍伍空缺抑且虧損官物有悞上供深爲未便乞

尚約文鈔

卷一

疏

五

勅該部行令南京參贊機務等官兵部尚書徐琦寧遠伯任禮都御史張純等官計議講求操江之策仍於濟川江淮二衛中推選謀勇廉勤能幹指揮或都總揮一員專一把總操江修理船隻整飭軍務庶實有所歸供應不致誤事威武振揚根本安固事關供修武備冒昧奏聞不勝俟命之至

現按以上各疏篇末俱有歲月及批答之上諭以其無關宏旨且與文集體例亦不甚合故附歲月於題下而餘悉皆從省云

陳時政疏

臣聞言之逆耳者惟聖君乃能聽事之難言者非直臣不敢言然上有仁聖之君斯下有盡言之臣三代以上莫聖於帝舜而伯益猶以淫佚怠荒爲戒三代而下莫聖於太宗而魏徵尤以十漸不終爲規方今陛下日月之明天地之量智周萬物而求諫常恐不及憂及困窮而從善有如轉圜是有納言之君又遇可言之時愚臣又豈敢緘默而不吐露心腹也哉然臣之所欲言者惟願陛下戒侈靡以節民力勤政治而謹嗜慾任舊德而務正學而已伏睹陛下初登

尚約文鈔

卷一 疏

六

寶位煥發德音大赦天下首命庶官薦舉賢能恩澤所加遠近無間羣臣鼓舞於朝萬物條暢於野所謂聖人感人心而天下和平者此其效也夫何卽位未幾三年而土木遽興雖茅茨土階非今日之所宜而峻宇雕牆亦前聖之所戒昔漢文帝欲作露臺召匠計之費直百金帝曰百金中人十家之產也何以臺爲以文帝之富貫朽粟陳於百金尙且惜之陛下何不惜千金之費而欲撤已成之宮以更新乎唐太宗常有氣疾百官以大內卑溼請營一閣以居帝憚煩

勞而不之許以太宗之治斗粟三錢於一閭尙慮擾民陛下何不愛萬民之力而取材木於遠方乎矧後宮創制本乎太宗皇帝之宏規模素弘堅同乎堯階禹宮之儉約傳之萬世可無震凌太宗皇帝旣任其勞於前陛下當守其成於後雖當改者猶宜不改未可改者豈宜更變乎臣之所以願陛下戒侈靡而節民力者此也自古帝王未有不以勤而興以逸而廢書曰自朝至於日中昃不遑暇食此文王之所以勤政也我太祖皇帝在位三十餘年未嘗見日而臨百

尚約文鈔

卷一 疏

七

官今或東方已朗朝鼓初聞旭日已且朝儀方肅似非古人庭燎待賢之意也若謂四方無虞可以從容於殿陛則民情可畏大獄蝟興誠臥不安席之時也若謂天下乂安可以優游於庶政則飛蝗蔽天民食窘乏誠戰兢惕勵之日也雖安不忘危治必思亂猶恐患生於所忽尙何可一息之或怠乎臣之所以願陛下勤政治而謹嗜慾者此也仲虺告成湯曰能自得師者王傳說告高宗曰惟學遜志務時敏是古昔人君未有不學者也然帝王之學豈效儒生尋章摘

句哉程子有言一日之間接賢士大夫之時多親宦
官官妾之時少則自然氣質變化德器成就臣願陛
下於萬幾之暇進舊德之臣以待左右以備顧問講
求帝王經世之要古今治亂之由則惟精惟一遵路
遵道逸樂無益之事無自而萌芽佛老異端之說無
由而眩惑矣臣之所以願陛下任舊德而務正學者
此也臣荷國恩備員內侍久欲有言恐冒天威思之
累日不敢驟進然大馬思報效之誠當不辭直言之
罪謹具所聞瀆啓聖聰已往者雖不可追而方來者
尤所當謹願陛下審而思之擇善是從追大禹之克
勤師成湯之不吝敦崇節儉與民休息則太平之基
將與天下同悠久矣臣誠愚昧罪當萬死伏願陛下
矜其情而赦其罪使後來者得以盡其言則天下幸甚
現按是篇與同邑尹宮允訥菴遺稿中之陳修後
宮疏首尾無殊惟尹疏中稱臣所欲言者惟願陛
下節民力謹慾勤政治務正學而已以故中列
四段而此篇則分三段合勤政治謹慾爲一條
較之尹疏少第二段凡二百二十餘字其餘字句
間有不同而詞意究無稍異疑先生曾鈔尹疏漏
未標名而子孫以爲已作編集時未加考訂遽爾
屏入亦未可知觀以前各疏篇末俱有年月及率
聖旨云云而此篇獨無是亦一證近閱安福李忠
文公時勉古廉集中亦載是疏豈亦由編集時疏

忽之所致歟足見集須自編并預戒後人
集外之作不得任意採錄庶免此失耳

陳易儲疏

臣聞人事順其序則天地安其常人事失其宜則天
地示其變此休咎之明徵古今之通驗也粵自三代
以來授位之命順序爲正故其時陰陽調氣化洽羣
生和萬物育三代而下近侍擅權奸臣希寵故其時
或日月薄蝕或星隕如雨或地震如雷凡若此者非
天運之使然實人事之所召也欽惟陛下以仁聖之
資紹承大統宵衣旰食勵精圖治體禹湯文武之心
然嘉祥未集地震先見天變若此寧無所致哉誠以
變不虛生妖不妄興也夫天道健而動者陽之義君
之象地道柔而靜者陰之義臣之象陽伏而不能舒
陰熾而不能抑於是地震焉今皇太子正位東宮
宗社生民之主君之義陽之象也屬廣西土官司都
指揮黃竑希恩寵馳奏請上立己子爲皇太子奏至
命中貴傳示百官寧非陽伏而陰熾乎連旬地震如
雷舉朝駭愕正所謂人事失宜天地示變者此也矧
無易樹子霸者所禁堂堂天朝廢置若是得無啓天

下後世之議乎願陛下崇陽抑陰以回天變不愆不忘率由三代舊章禹之授位於啓無論矣若成湯未立太丁而外丙仲壬之後仍復太甲太甲即太丁之子也武王之後成王幼冲周公監國而輔道之周公曾立己子爲皇太子乎伏願陛下毋聽黃竝之言立寢易儲之念庶幾紹殷周之統緒嗣三代之雅化成憲聿遵宗社莫安人事順序天地安常則天下幸甚萬世幸甚

現按此篇與訥菴遺稿之地震疏前半亦皆無殊及至於是篇有地震焉句下此篇接以今皇太子正

尙約文鈔

卷一疏

十

位東宮云云而尹疏則接以今陛下欲升六部而京師地大震是陰威陽微奸臣專制之有其漸云云不特與首段奸臣擅權意緊相呼應即核之明史尹傳所謂未幾以地震上言請福寧知縣者亦相符合若先生之疏重在易儲似不待地震而始諫矧先生誌陳芳洲少保墓有云廣西土官黃竝希恩寵請上立己子爲皇太子奏至未幾遣中官以竝疏覘公等公曰無易樹子霸者所禁堂堂天朝得無啓天下後世之譏乎上怒曰自古父有天

表

命釋奠先師謝表

正統十三年八月初三日

伏以聖主隆師興上丁之秩禮小臣承帝舉令甲之鴻儀溫綸鳳拜於明堂文範肅將於禮殿顧慙弗稱感激良深仰惟皇上德奉三無功參二極恢弘化理經緯人文天載無聲幹神機於不測道心惟一入聖域而獨優學識作人庠校日新於多士齊莊恭已葵牆時見於先師文廟肇朔旦之成規太學謹春秋之盛典臣謬緣成均祇奉王言學俎豆而未能豈堪小相儼冠裳之有翼恐負聖恩自生民以來六經垂憲莫盛於聖由列祖而上五禮和衷莫備於斯惟孔子集羣聖之大成惟皇上冠百王而首出神乎曠代明薦宣時顧大人興禮樂之期宜辨賢而序事矧天子建中和之極多經武而秉文將命爲榮詎意凡庸之忝竊得門或寡仰瞻高美以凌兢敢不嚴惟寵命懷見聖克由之心欽若休光勵事君勿欺之訓伏願帝懷明德天保聖躬作君作師五典弘敷於四海遵義遵道兆民永賴於萬年

賦

尙約文鈔

卷一表

十

世直堂賦 有序

翰林侍讀吉水周功敘先生示予以世直堂事蓋其六世伯祖伯寬仕宋直寶謨閣力詆賈似道姦邪又約左史徐麟仲共言之不報竟去曾祖以立元至正間由鄉貢被薦入館閣與修宋遼金史上書當以宋爲正統附載遼金事大臣不能用罷歸尊府員外公岐鳳國朝永樂中嘗爲漢王府紀善王有奪嫡意作寶賢堂引用匪人公獻箴切諫王怒誣以他事被黜之三君子所存者直道所進者

尚約文鈔

卷一 賦

三

直言雖皆不見用而懷然爲綱常之重祖孫奕世克濟厥美豈多得哉先生亦嘗有言於朝矣幸見嘉納則又有光於世直也其爲堂於斯匪徒彰前人亦用以啓厥後也予覽其事而起敬輒爲賦之其辭曰

繫文江之仁里兮在昔著康礪洲惟茲有堂而肇考兮迺爰度而爰謀垣墉塗而不畫兮節稅摩而不雕匪鼻鬼而崢嶸兮亦瓏玲而樛流楣蘭若之芬芳兮戶薜荔之綢繆挾光景以四時兮滌埃壘而覩幽豈

於焉遊佚以康娛兮於以景仰乎前修嗟汝南之遙胄兮歷季宋而嗣興當寶謨之直閣兮憤未展其修能愍險人之柄國兮噫皇路之險傾譏忠賢而任佞兮昵詭譎而遠貞叩天關以陳言兮孰揆余之中情冀左史之可語兮復申章而致誠既忠告而莫我信兮遄歛衽其長征宋改命而元受兮迺文獻之是徵創三史之纂修兮議正朔之相承曰大宋禮義之邦兮豈遼金之可方波流靡靡而忘返兮慨正閭之不明懿寶謨之文孫兮列石渠之羣英抗正統以歷陳

尚約文鈔

卷一 賦

三

兮寥寥數其綱常彼呢訾以脂韋兮迺謂余言爲狂悲哉時不可爲兮聊稅駕康故鄉荃再葉而繼休兮亦幸遭康治世條藩國以司諫兮謂可伸其夙志何彼惛而不知兮羌違常而覲異背繩以追曲兮耿余衷之侘傺高楚元之穆生兮故昌邑之冀遂假寶賢以獻箴兮奈何圓鑿而方枘盡吾職以事人兮雖斥遠其猶未悔嗟惟祖孫之承藉兮式雲仍於奕世遵一轍而不改其故兮歷困踣而弗替夫帝降之渾全兮固徑直而不同吾能養其浩然兮將塞天地貫金

石而弗墮使道義不充而餒兮寧不骯骯而喔咿偉
周氏三夫子兮挺直節而蹈危前者作而後者率兮
懷風烈之在茲仰世美而垂裕兮瞻斯堂而載思亂
曰堪輿淑氣於維直兮君子秉之致臣職兮彼昧不
能此世式兮明揭日月聲輝赫兮有構斯堂惟民則
兮嗟嗟子孫長無數兮

箴

默齋箴

翰林檢討曾君暹明晉以博士居太學有年矣嘗

尚約文鈔

卷一 賦 箴

古

名其游息之齋曰默士大夫從而爲說和之余獨
以謂不然默雖孔子嘗云而用於所宜弗專尙也
不曰言未及之而言謂之躁言及之而不言謂之
隱乎彼金人之銘有所激而爲之也是故躁固不
可隱亦不可二者均之不可欲專主於默得乎唏
使曾君多言邪矯而正之可也曾君飭身修行非
法不出諸口又從而瀆告之是以常人待之也然
則曷爲而名齋邪用於所宜而已矣爲之箴曰
洪範五事其二曰言機發於中匪言曷宣孰俾多言

不知宜默聒聒啾啾斯爲賊德未而言以言聒之
同而不言不言聒之言而紛紛儀秦之辯默而昏昏
老氏之愚或言或默亦惟其宜君子之齋大易之時

說

李氏二子字說

太僕寺丞李君庭修嘗名其子曰邁名其弟庭明之
子曰邁二子者旣冠賓爲之字邁曰種德邁曰紹德
李君欲有以勉之也間過予請爲說焉問其所以名
字之者乃曰邁字種德取韋大禹謨篤臯陶邁種德

尚約文鈔

卷一 箴 說

主

之義通字紹德取康誥祗邁乃文考紹聞衣德言之
義嚮若李君者可謂善訓其子者矣邁說者以謂勇
往力行之意而邁之爲言述也物之可種者多矣力
稼穡則黍稷重穰之出於畎畝者皆可食也勤封植
則梗梓豫章之產於邱陵者皆可材也而臯陶之所
種者在德焉事之當紹者亦多矣考作室則吾之所
以肯構肯堂者不可後也厥父舊則吾之所以肯播
肯穫者不可緩也而康叔之所紹者亦在德焉然則
邁乎其思所以種德哉邁乎其思所以紹德哉德也

者聖賢之所有亦吾之所同有者也前人之所得亦我之所同得者也充之而爲仁執之而爲義文之而爲禮樂體之而爲孝弟忠信大而軒天地揭日月微而貫金石感豚魚無不之矣是故種種此者也紹紹此者也適而不務乎此則所種者或蕘稗矣適而不務乎此則所紹者非箕裘矣適也通也其亦知所務哉李君以書經登進士第歷中書九載遷今職而其尊府尙經先生受封敕壽考於家二子者既有高明祖父作之於前而君又惓惓圖有以勉之者如此得尙約文鈔卷一 說 夫

尙約文鈔卷一終

尙約文鈔卷二

明泰和蕭 鐵孟勤著

宗後學上田敷政校刊

記

謹思堂記

少傳抑菴王公嘗於其官居治燕息之所曰謹思間命鐵爲記而述其所以名之之義曰昔先公以瓊守來京請老時因謂某吾欲有所屬計汝能行者以之言其最當謹者凡三事此三者吾平生所慎重而不

尙約文鈔卷二 記

敢忽者也爾必識之勿忘蓋先公之沒幾五十年而某所以念慮者未嘗一日少間幸遭逢列聖勉效職業得以寡過至於今豈某之所能實先公之教也幸爲我記之不獨識區區之私且俾王氏子若孫知某所以致有今日者非苟焉而得甚矣公之克邁先訓也天下之理具於心而發於思然所謂思者有謹焉有不謹焉大而天地日月陰陽寒暑之變小而日用飲食起處動作之故遠而九州四海蠻夷荒忽水土習俗之宜近而君臣父子夫婦昆弟賓主之道雖皆

吾心所固有然昧之而弗思思之而弗謹則發於其事見於其政未有不乖舛錯繆而爲人所疵議者矣況體於身行於己最切而要如太守公所屬者其得不謹思也哉馳車羊腸雖危無傷也而康莊或至於顛躓操舟三峽雖險不患也而安流或至於覆溺何則謹與不謹異也鎡自弱冠以鄉後進得接公於家既而舉進士以親故獲假館公所最後入翰林以僚屬日往還侍公左右聆其言無一不當於理考其行逮於所言者蓋寡也且厯事五朝官躋保傅所陳謀

尙約文鈔

卷二 記

二

猷措諸事業未嘗幾微踰矩度之外何莫非謹思所致哉其所以承明天子恩眷久而不替偉然爲當代老成人宜也獨念公於今已八表在常情處之宜自暇逸之時而猶拳拳服行先訓不稍怠豈誠有不足邪無他衛武公行年九十有五猶不忘儆戒作抑詩使人日誦於其側孔子錄之至今傳焉蓋公之心卽武公之心也然則斯堂也凡在鄉邑者所當聞風興起況王氏之子若孫其得不敬念之哉用敢以所聞於公者次第其說以塞命若夫武公之云尙有待世

之傑然者顧鎡何人奚敢與於是

壽親堂記

福建參議吉水鄧君履純母黃氏宋宜人今年壽九十有一君以公務來京師間過余請曰吾母年耄矣而吾廢祿遠方不得侍朝夕於心歉焉茲欲請於朝歸休林下治一室扁曰壽親日致養其中幸吾母益隆壽考而吾得盡菽水之歡以樂天年雖三公之貴不願易也可爲我記之余曰君以磊落之材受方面之寄方當推其膏澤下於民以答明天子之寵命而

尙約文鈔

卷二 記

三

未及致仕之期乃浩然以其私求去請之將不允請而允之余記無難者君竟以情告上果不允下之吏部吏部以君走訴再四情詞懇惻代爲力請乃允之遂速余記余不得辭焉嗟夫人子愛親孰不欲其壽而得之者恆尠也先王制禮八十常珍者一子不從政九十飲食不違寢者其家不從政蓋禮緣情制其厚於老者如此夫壽至九十則得之者益尠宜人子於禮無或敢違也而世之仕或溺於利欲而不言或有所顧忌不敢言又或有言之而不見聽者焉夫言

之而不驕固末如之何也有所顧忌不敢言猶可以情恕彼溺於利欲而不言抑獨何心哉今君當顯融之時乃能謹於禮制決然求去以爲其親壽孫君子視之固理之當然者以人情言之其亦可謂難矣君之歸錦衣輝煌日奉甘旨而慈顏怡愉益衍其壽於期頤族嬭見者莫不嘖嘖稱歎誠子孫以君之壽於親者爲法余不知今之世有此者幾何人哉故特爲記之以爲茲堂慶君能毋忘求去之意以致夫愛日之誠則余言不爲溢美矣

一初堂記

監察御史左君鼎嘗率族人於其始祖之墓構屋數十楹顏之曰一初之堂蓋因其先世嘗有欲作亭鐫譜於此取蘇文公譜引之說以爲名而又有作來山書院爲始祖祠且爲歲旦祭埽期會之所者遂斥其故址以爲此堂其左室則俟饒譜於其中以畢作亭之意其右室則以待族子弟之游學者以廣書院之規而歲時會祭墓下則序坐於堂之中合而顏之以昔之亭名者所以繼先志也至是援例展祭將還屬

爲記按左之先本丹陽人南唐時有諱鄰者徙永新之逢橋是爲左氏初祖卒葬里之坎塘山則堂之所在也鄰三子曰璩曰璩曰璩璩歷宋元迄今廿四世矣其出而仕者璩之後五十有六璩之後三十有五璩之後三十有二其間舉進士者十有六領鄉薦者三十四試三舍者六應童科者十有三死王事祠於學者三封股表閭者一蓋其曳青紫享祿秩於時者踵相接而以學行表儀於鄉者尤多以故相傳有逢橋八百左之號其感如此然其初本鄰一人也宋紹熙

中作譜者攸縣尉曰利見至其曾孫敬子始以譜鐫諸梓而欲作亭者承事郎監萍鄉州務寅孫也書院不知其所始欲復修葺之且欲割田以供祀而未如其志者鄉貢進士譜詠也正統壬戌君與族姪輔同第進士明年同拜御史以憂還於是與其兄穀蘭暨族姪率性邦新與凡族人之尙義者拜埽墓下慨然興水木本源之念於是堂爲之構焉然則君可謂知所重矣夫以一人之身離而至於百千人漠然慶弔不相赴此蘇文公所以嘆也惟仁人君子興起其間

爲能念其初本一人之意相與合其離而維持之則族雖眾而不至於散然能知此者幾何人哉左氏自鄭以來至於今可謂盛矣中間利見敬子諸君旣爲之譜而寅孫名亭獨能識一本之義今御史君與族人又能爲堂以繼之使後之人觀譜於斯游學於斯展拜會晤於斯油然而感夫作者之心思所以嗣承勿怠則斯堂之構豈曰小補而左氏之盛有涯也哉余與君同鄉郡特喜其能知所重故不辭而爲詳記之俾歸刻之石以告來者

尚約文鈔

卷二 記

六

思厚堂記

冬官營繕員外郎李君同仁恆念其先累世忠厚欲景行而未能也因名所居之堂曰思厚間疏其行事請予記之李氏世爲吉水望族曰思明始由邑之谷村徙金灘歷數世曰德新家產不貲其兄德陽弟德明皆輕財好義而德新樂施尤甚作義倉以周閭里之貧乏每歲計口給衣食不能婚嫁者助之貲德陽之子士彬嘗造舟以濟徙涉修橋以便往來設義漿以飲行者而其子資敬等及其姪宗振昆仲分金銀

至用斗斛其餘則散諸族嫻鄰里之貧者君之尊府曰直心性孝友母病躬侍湯藥衣不解帶者數年讓伯父以膏腴之田八十畝嘗有家僮盜財而逃遇諸塗執之僅窮告以方自鬻於人直心曰汝旣負我今被執又負他人矣與一縕袍舍之蓋李氏處而隱者其忠厚多類此其出而仕者國朝以來本和爲常熟丞允成爲贛榆令仲正爲南豐令或奏減租稅或勸民出粟以賑飢者而朝海爲嘉祥幕職有仁政旁縣之民皆歸之擢知曹縣移疾歸父老贖金帛皆不受於是涕泣遮道留其衣履而後去其忠厚又如此噫此君所以名堂而欲景行之歟夫人有所爲本於思猶行者之東西由乎志思其厚卽無所不厚思其薄卽無所不薄矣李氏先世無問仕不仕所存所措皆厚之道使其子若孫不知所率循而日淪於薄其不有忝厥訓哉君自擢進士薦歷郎署十有餘年於今其聲績藹然播紳間究其所爲一本於忠厚可謂善繼述者由是觀之李氏之澤當未艾也詩曰高山仰止景行行止君旣能之矣又曰靡不有初鮮克有終

尚約文鈔

卷二 記

七

尙冀於是勉焉

封溪楊氏迎薰堂記

贛水東下千餘里陡折而西其上爲臨江郡之望與縣皆曰清江清江又東三十里曰封溪蓋世所稱樟樹鎮者是也溪之涯閭闔而處者數千室不啻樓閣亭榭鱗次櫛比彌望而不可窮其間翼然而高官然而深亢爽而虛明面陽而負陰特處乎封溪之勝者則楊君敏遜所謂迎薰堂也楊氏世承忠厚自其祖以上皆壽考令終而其父安常甫年踰七十益康強尙約文鈔卷二記

無恙敏遜天資秀穎克振厥家日奉其親如此而所以名堂者取大舜彈琴歌詩之意云歲己巳夏六月觀光京師既求搢紳士作詩歌詠之矣其嫗家國子助教劉翔又求予文記之按爾雅東風謂之谷風南風謂之凱風凱風卽所謂薰風也四時之氣不同其風亦爲之異然過於鼓舞則簸揚飄忽當舒之際而萬物被其撓傷於嚴凝則凜冽慘慄當收歛之餘而萬物爲之病徘徊桂椒之間而不驚徜徉戶庭之內而不怒能使人胸襟和平煩煥消釋所謂阜財而解

愠者其爲薰風乎是風也雖常常有之然宜之者惟

其時樂之者惟其人焉方今聖明在上民物熙皞蓋自三代以還非無小康而足以上繼有虞之盛者惟今之時爲宜也迺敏遜既遭逢其盛則於斯堂也豈但取其清冷者與心謀暢達者與意會而已蓋其所

尙約文鈔

卷二 記

九

以奉其親友其弟昆接其族人賓客於此怡然囿於和氣之中而不知悠然與造物者游而獨得則其所謂迎薰者殆將有超然於景物之外者矣然則所謂其人樂之者予與敏遜有取焉既爲之記乃從而歌之曰偉堂之構兮封溪之湄宏敞靚深兮薰風時來怡親於斯兮優哉游哉又歌曰封溪東流兮堂構韓而聖人在上兮萬物皞熙廣南風之薰兮吾與爾同歸

募萱堂記

予讀孟子書至其論大孝終身慕父母而獨取於舜未嘗不低徊嚮往歎舜之所以爲聖人而眾人之所以莫及也夫天理民彝無乎不有亦無時或泯也昧者汨焉於是始隨遇而所慕隨遷如所云云有不可

勝慨者此予於楊君清慕萱之堂有感也清字迪已世爲金華武義人自言宋華文閣待制諱元範清熙中任澧州貳教授者其十幾世祖也當時朱文公爲澧守所贈詩墨跡具在蓋衣冠之裔也自家居時痛其父早世而幸母之尙存也作堂以奉之比後出而從事公府正統庚申始得冠帶需次吏部居京師五年而念母之心未嘗少替至是有釐山衛知事之命顧王程之有限慨定省之日疏於是名向所作之堂曰慕萱閣請記於予予以謂迪已之意則善矣然願有進焉古之所以稱大孝者非徒於其親拳拳而思眷眷而念也有人於此旦暮不違於左右而好勇鬪狠以危父母可謂孝乎或者勞於王事不得以養而立身行道揚名後世可謂不孝乎故曰失其身而能事其親者吾未之聞也今迪已榮膺祿秩有職任之重矣尙當秉忠報國克己奉公而不敢一爲非義以貽厥母之憂則所以慕其親者不亦大哉蓋舜之所以爲大孝者不獨怨慕而已迪已於此尙知所擇乎顏子有言舜何人也予何人也有爲者亦若是請以

是爲記迪已以爲如何

清意樓記

蕭氏世家南溪先叔父始徙武山下栗塘之上子姓日蕃而居室之構益新以威正寢之東有樓十楹巽然特出眾屋之表者予弟季敏所謂清意之樓也經始於正統乙丑秋落成於是年冬據亢爽之地處高明之位憑軒而望則武山方正如屏特立其前而巖厓谿谷峯巒迴互蒼翠之色日臨几席之上而樓之勝於是具焉或天清雨霽則白雲時生輪囷徘徊渺然其浮游太空而無心去留也或夜靜月出則輕風徐來披拂窗戶泠然其灝氣襲人而萬象皆秋也或曰此其所以爲清意者邪季敏曰不然天下之物待於外而足者非其至也卽其中而自得焉者乃其至也今夫水非不至清已及其時雨暴至溝澮皆盈潢污行潦縱橫四集雖江湖之大不能保其不溷者外物爲之累也今我則不然席先世之餘澤當太平之盛世不求乎榮故爵祿不入吾心也不絀乎事故是非不干吾慮也是以方寸之間澄澈無滓其坐若忘

湛然冰壺之與居也游息以時灑然塵土之脫略也
招白雲於巖阿挹輕風於天際不知宇宙之間復有
樂加於此者乎噫季敏之言清意可謂遠出於人矣
至是其子銘來京師省予間求記既爲次第其言又
從而爲之歌曰朝傲睨兮煙霞夕棲息兮林邱尊有
酒兮架有書堯舜在上兮吾又何求恥奔走兮溷濁
曠然靈府兮纖塵不留明月兮清風窗戶颯兮素秋
吁嗟樓兮清意渺高蹈兮伊誰與傳

杏林書屋記

尙約文鈔

卷二 記

三

吉水之里曰重石歐陽氏世居之去重石同里而近
曰醴塘則歐陽氏之彥持節所徙也持節嘗治室爲
游息之所扁曰杏林書屋蓋持節攻醫讀儒書自神
農本草黃帝岐伯問答與夫司馬遷所載扁鵲渚干
意等之說以及後世所著方書脈訣五運六氣之類
靡所不究至於五經百氏秦漢以來歷代之史與夫
山經地志陰陽卜筮之籍亦皆廣收而兼積之暇則
研究以自資焉自其父杏芳以醫名持節克紹先業
雖間以所學教授於鄉然鄉人有疾疢請之治輒往

未嘗以寒暑蚤莫而廢貧而無藥資者常予以成劑
富而獲效不能報者不責焉以故鄉人踵門而請者
相屬其聲藉然於時而持節則往往有慕於儒其扁
居室以此者所以示厥志也正統庚申之歲萬安大
姓曾氏曰時望嘗遭疾持節治之效厚報之不受曰
能求當世大人先生爲吾記所謂杏林書屋足矣至
是時望寓書京師屬刑部主事周鐸調記於予嗟夫
爲醫者必託之杏以自高命儒者必假之書以自見
二者固不可以兼得雖然儒而不屑於醫者有矣未

尙約文鈔

卷二 記

三

有醫而不資之儒而能精者也醫而不資之儒其荒
誕無據鹵莽爲害也可勝道哉今持節席先世之業
既益致其精矣而又能資之書以探其本其所以自
名者蓋非徒以夸耀於世毋乃景仰前人而思所以
效法之歟然則持節其可謂賢者邪噫使持節能始
終其志以自勉則杏林之名不專在廬山而在醴塘
之上矣

退思堂記

吉水周君源字仁本正統甲子春得內黃令既至克

勤厥職嘗於公廨之後築堂十數楹爲燕息之所名曰退思之堂今年上計京師間屬予爲記問其所以名之義曰自吾之至內黃也適廢弛之後念民事之至難而材力之有限乃於臨政之暇輒退休於此而竊求諸心凡一邑之間流移者思所以歸之困窮者思所以振之賢能者思所以進之強梗者思所以化之學校思所以興農桑思所以勸獄訟思所以理盜賊思所以息貧不能婚者思何以爲娶窮死無所歸者思何以爲葬深思於公退之餘而勵行於臨政之

尙約文鈔

卷二 記

五

際如是者凡三載向之所思者始頗有端緒而日收其效焉然吾心方歉然未敢自以爲得也故欲刻石於堂之中俾蚤莫出入接於目則隱於心而日思其所未至庶幾可以少進焉若得一言以爲記其幸大矣嗟夫天下之事常患任之者之弗思耳設或思之則行之有方法施之有次第欲毋收其效得邪是故郡得一賢守焉日致其思則方千里之地可拱而治也縣得一賢令焉日致其思則盡百里之地可拱而治也通天下之郡縣舉得賢守令而日致其思則天

下有不治而民有不安者乎予聞周君在內黃邑中嘗大旱禱之輒雨鄰邑蝗數爲害其境獨無私竊疑之以爲是或偶然爾及得其所謂退思之說然後知所以致此者有本焉不可誣也周君固可謂賢令矣然予嘗論之爲政有成者非難政成能保者爲難使周君自是不勉以怠內黃之治其能久而不墜邪周君所以惓惓屬記者其殆有見於此乎故論著之蓋不特使觀風者之知周君且以慰內黃之人他日去思也

尙約文鈔

卷二 記

五

心遠樓記

予弟季運嘗於所居之西作樓數十楹爲燕休之所旣成而與客落之客有起而賀者曰斯樓也宅幽而地勝惟隱者宜處請用陶靖節之詩名曰心遠若何季運喜曰吾志也而客得之於是數寓書屬記未有以復也至是中子會來京師道季運之意不置乃爲之言曰天下有至樂者寓於耳目之前而接於思慮之際宜處於是者皆得之然而往往有不能者何哉外物爲心之累者多也心爲外物所累故雖閑居野

處而憂患輾轉於其中是非雜遘於其外雖無車馬之喧闐闐之擾而塵之境自若也惟其心曠然超乎萬物之表而與造物者游故鬱鬱然憂患恐懼之不知榮辱禍福之兩忘而凡景物泉石之勝觸於目而入乎耳皆足爲吾適舉天下之樂不足以易之此大方之家而隱君子之所擅有者也今季運當承平之時席祖考累世之澤家無匱乏之憂身忘發召之役眾所趨附者固無求焉而眾所背馳者則已獨得也心不爲外物所累是以仰而望山則蔚然屏障列乎

尙約文鈔

卷二 記

六

几席之上者與目謀俯而聽泉則泠然金石奏乎鳥履之下者與耳會而凡旦暮之間林壑之晦明煙雲之歛舒雖四時變化不窮然無往而非可愛者於此而樂之蓋有不知封君之爲富卿相之爲貴也此季運所以賢遠於人而客以之願望於季運者歟季運三子皆教之讀書尙禮節恂恂然日侍左右客至則款留於此觴酌談笑頽然不知日之既夕蓋至是而季運之樂有不可勝言者矣予老且病他日幸謝事而歸曾登斯樓之上舉酒相屬推靖節之意一爲賢

弟賦之然未也姑爲記以俟

攬秀樓記

處士季廣予從兄也繇南溪徙栗塘有年嘗於其居之東作樓若干楹日游息其上往者展省時爲之信宿處士問名焉因取太白之詩名曰攬秀客從而贊之曰偉哉斯樓之得名也其稱情矣乎泰和之山最近而有名者曰武山地理家以謂茲山具五星之象秀氣所萃也自縣治西行至是一舍許隱者之居以十數莫有與之附麗者而獨斯樓相直焉其峯巒之

尙約文鈔

卷二 記

七

峻拔巖崖之迴互突然虎豹闢谿谷而躊躇莫前也矯然鸞鳳翔雲霄而盤旋欲下也浮屠老子之宮隱顯乎長林絕壑之間樵夫牧豎之蹊出沒乎叢篁灌莽之際蓋山之秀氣四時不同朝暮異態而不出戶庭跬步一舉目盡得之是他人所不能致者處士攬而有之樓之所以得名豈誣也哉予笑曰不然客言誠辯矣然僅得其粗也天地之秀鍾之山川而山川之秀鍾之人人鍾之而不自知物有以蔽之也彼其名跡紛擾而利欲競進也是以禍福得喪雜然前陳

而奔走酬應之不暇又惡知其所貴惟囁囁然富貴利祿不動其心然後清明之氣超乎萬物之表而直與山川之秀並峙同流於天地之間然能如是者幾何人哉今處士生聖明之世以有用之材韜光匿彩而日優游泉石以終其身所言者忠信所服者孝友不撓是非之網不受紳笏之累蓋平生胸次無纖毫塵氛雜其間視茲山壁立萬仞殆將相與揭宇宙而無窮也豈直招清風迎素月晨夕之頃已邪於是處士謝曰吾弟之言良是幸爲我記之蓋因循未果倏

尙約文鈔

卷二 記

六

更十載矣至是中子會來京師處士以書速予因憶往者與客辯論之說理或有當遂次第爲記以復處士焉

挹秀軒記

王君希德來京師間圖其所謂挹秀軒者屬爲記因指以示予曰吾家居泰和城西距所居西北不五里許地名曰官倉上有屋數十楹隱然出於林木之間者實吾就耕之所而所謂挹秀軒在焉其東一里許爲吾弟希誠別業也又東一里許則吾兄檢討別業

也自吾經營於此鑿深以爲池其鮮可以羞賓客因高以爲圃其蔬可以給饔飧而秔稻之藝連亘阡陌非有大水旱常得歲焉吾於是少暇輒偃息軒中憑高而望其後則玉華武姥諸峯蒼巖翠壁蟠龍蛇而躍虎豹者可數也其前則章貢龍灣諸水澄波修渚駐光景而涵煙霏者可掬也而長林絕壑清泉白石雜然見乎左右者無不可愛焉客或過而樂之因名之曰挹秀然吾心以謂非獨爲一己適也竊念家君自仕於朝以來五十年於今年七十有四矣幸明天子憐其老而賜之歸使吾兄弟日相與奉二親往來於此以罄一日之歡人子之至願豈獨私一己哉幸爲我記之嗟夫君之志誠善矣而軒之所以名者予將有說天地之秀鍾之山川而山川之秀泉石景物之勝不足以自擅必也魁壘俊傑之士煒然特出其間而後足以當之也尊府在當朝文章功業磊磊然軒宇宙冠古今而君昆弟皆卓偉英發日溫清奉引於膝下所謂挹秀其在是乎昔陳寶荀淑同里閭相往還而諸子弟若元方慈明輩更迭侍左右當時

尙約文鈔

卷二 記

九

有德星之瑞今以尊府爲之父而得賢昆弟爲之子使誠如君所願欲斯軒之秀於今豈有倫此邪惡知其不有德星之瑞也請以是書之圖上以爲他日之徵

永慕堂記

凡人之賢者莫不思其親若哀痛感慨對食而興悲語及而殞涕終身抱恨不能自己者必其有所激也水均之趨下也其或迴而爲旋奔而爲瀾蓄射而爲湍呼洶鳴咽之聲窮日夜歷四時而不止得非有不

尚約文鈔

卷二 記

干

平而然者耶噫此周氏永慕之堂所以作也周氏世居萬安縣城之北曰藻宇秉清曰鐸字秉訓皆周氏之賢者秉訓以進士今爲刑部主事閒詣予請曰先人存敏府君三歲而孤賴祖母陳氏孀居守節教育以底於成先人凡再娶先妣寧塘溫氏生兄藻甫一歲而先妣卒先母鄧林劉氏生鐸方七歲而先母又卒蓋先人之沒年三十有二沒後越三月而不肖鐸始生先母劉守節自誓以撫育鐸兄弟者凡數年而始終辛勤以長以教以成其家室者大抵祖母陳孀

人力也夫爲人子者幸及父母之存必有脂膏滲漣以致其養而鐸兄弟不幸父母皆早世今雖竊官於朝祿入可以供菽水之具而吾親不及待矣鐸之抱恨終天庸有已邪甚矣吾心之悲也蓋嘗名所居之堂曰永慕以示吾兄弟之志幸爲之記俾儻敬無忘焉宜可嗟夫父母之慕人心所同彼其忽忘之者物有以移之也惟賢者不爲物所移然幸嘗致養以承一日之歡則悠悠之思雖不能免而猶可以少舒焉惟其自幼失所怙恃孤癯困踣之餘而劬勞之恩顧復之德未嘗少酬於萬一於是風木之悲羹牆之念蓋有沒齒不勝其痛者此永慕之堂所以名而予所謂有所激而然者也方今聖天子在上凡朝臣之克舉其職者九載秩滿於其親皆有以官封之秉訓在職既卓然效勞績尙益勤慎自勉以圖其久遠異日寵命自天光輝顯大豈不足爲永慕之慰乎揚名顯親孝之大者也予特重秉訓之請故因爲記而併有以告之

尚約文鈔卷二終

尚約文鈔

卷二

記

干

尙約文鈔卷三

明泰和蕭 鐵孟勤著

宗後學上田敷政教校刊

記

名公翰墨記

國子博士王君希稷平日所得當時名公筆札最多
既別爲之帙而於此則以其贈遺之封緘與來往之
手帖雖片紙隻字皆裝潢成卷間以示予屬爲之記
總計二十四人共二十七帖曰東里者少師兵部尙

尙約文鈔

卷三

記

書兼華蓋殿大學士廬陵楊公贈太師諡文貞者也
曰溥者少保禮部尙書兼謹身殿大學士南郡楊公
贈太師諡文定者也曰渙者禮部尙書武進胡公曰
時勉者祭酒安成李公也曰英者王公曰習禮者錢
公皆禮部侍郎苗公則兵部侍郎三人者皆翰林侍
講學士或兼掌或嘗任其職者也問者禮部侍郎金
公驥者吏部侍郎魏公榮者大理少卿沈公也嘉言
姓習翰林侍讀吳節侍講也叔蒙者侯官太尹梁君
昶者雲南憲副蕭君也俞宗大謝輔皆郎中張承翰

御史也瑋者吏部主事戴瑋麟者國子學正王麟也

楊穉尙寶寺丞劉孚劉華甫皆給事中也蓋君之尊

府抑菴先生自翰林厯官至吏部尙書而君爲之家

嗣故其所交際上之爲父執其次則平昔所往還者

皆一時鉅公碩士知名當世之人而其翰墨非可率

易而得者也君有以得之又珍重而愛惜之如此

亦可見其爲人之大都矣諸公者在今之世人莫不

知之然或書號或書名而缺其姓數世之後懼有不

得而知者予故爲著其姓氏疏其官封特詳俾後之

尙約文鈔

卷三

記

二

觀者有考焉是亦博士君之意也王氏子孫誠緹襲
而謹藏之庶諸公之翰墨垂諸久遠獨非幸歟而予
亦得廁二簡於其中不尤幸歟是爲記

石陂別墅記

泰和佳山水其西鄉諸山有名而最近者曰武山山
之南一峯鉅鏐峭厲若芙蓉秀發卓絕天表者曰虎
鼻峯其下漫爲平岡長阜蜿蜒扶輿或斷或續至所
謂石陂而止則歐陽君廣哲之別墅在焉屋凡若干
楹面陽而負陰地極爽塏出門而望則西原金田諸

山列峙百里之外者皆可指數而文筆一峯尤峻拔可愛卻顧左右則金華沓隴東塘南富岡巒連屬於數里之內者若迴抱焉石陂之源其一自方橋循武山之麓而下其一則由南塘注之陂合流至武溪而入於大江其涯多良田沃壤阡陌彌望乾則堰陂水以灌溉澇則決而殺之無水旱之憂故獨得歲於是泉石之勝足以供釣遊土地之產足以資歲計而茂林修竹之深邃足以滌埃壒而遠煩囂宜君於此乎經營也君嘗爲予言自永樂辛卯已有於此願侍先

尚約文鈔

卷三

記

三

人宦游於外其後復爲職任所拘未遑也正統丁卯之歲私念將老矣歸休有期迺命兒曹卜築焉而不自意成就如此幸爲我記之予以謂君之志善矣君之時則未也君自掇高科以登朝雖數歷中外二十餘年然未克大有所施而今表然爲憲佐明天子方委以中州之寄政宜竭誠效忠以展所蘊豈得言其私哉雖然知止者君子之所貴也君爲人清修博雅勢利澹然無所動其心其志於退休固宜也乎冀且病歸期旦夕可待君他日倘遂所志當幅巾藜杖幽

尋石陂之上相與優游徜徉舉酒相屬以敘平生之好一爲君賦之豈不樂哉然而未也姑爲記以俟重修建昌縣學記

西安潘君彝之尹建昌也治既有方百務具舉獨常往來視學官以謂庠隘不足啓觀瞻興教化欲修治之未暇適景泰改元之春慨然捐己貲爲之倡諸僚屬相與協贊之而邑之士民與凡大夫之致政而歸者咸出穀爲之助於是購材庀工撤禮殿而高大之既又見兩廡重門與夫明倫之堂東西之齋會饌之所休宿之舍以及庖廩廩庫各以序爲堂後之亭曰環翠學官所偃休也門左右之亭曰泮水曰望江賓客所往來也總之爲屋若干楹弘敞靚深言言翼翼經始於是年十一月一日而落成於明年某月某日

尚約文鈔

卷三

記

四

邑人父老喜學之更新而大潘君之成績也以教諭張君提書來屬爲記建昌之學宋崇寧二年始建於縣治之東其後凡再徙而至於今縣治之西元元貞間縣陞爲州知縣孫輔臣重修之國朝洪武初州復爲縣知縣倪恭復修而大之今潘君所修大抵循恭

之舊而又增大之也天下之學不可一日而無其所
以學者不可一日而廢教之所出也自黨庠術序之
法立而後君臣父子夫婦長幼朋友之道明故曰三
代之學皆所以明人倫也後之爲郡邑者不知政之
所重在此往往視以爲不足務甚者學舍頽圯生徒
無所於寓弦誦之聲寂然不聞而猶莫之省教之所
以不明治之所以不至人材之所以不廣也今潘君
在建昌獨知修廢墜於數十年之後使建昌之學者
咸相與藏修游息於其中而日講乎人倫日用臣子
尙約文鈔卷三 記 五

之大節則一邑之教化興風俗感人材出而潘君之
治成矣其爲國家之助豈小補哉予素交潘君遠喜
其爲政知所重也特爲之記俾刻諸石以告夫來者
保定府重修先聖廟記

孔子之道大且明也自漢初設太牢之祀其後歷代
益致尊崇唐宋以來遂用王者祀巍然冕服南面當
座自天子至郡邑守長親執祿獻直如師弟子云者
而其廟則與王者之宮無以異蓋聖人之道久而益
明故後世所以尊崇者愈篤不忘理自然也若夫制

有崇卑禮有隆替則存乎其人焉保定郡學大成殿
稽之石刻肇自宋熙寧四年而修於元至元至正間
歷歲既久日以頽壞兼之制度湫隘不足以妥明靈
壯瞻仰正統九年教授白琮乃以其事言於府繼達
之朝請改作之詔許焉於是郡自太守大原常公某
暨諸僚屬實董其役衛自大寧都指揮同知王公某
及參佐咸出貲以相其成而三學凡在教職者亦皆
協力贊襄之庶謀既同眾工偕作經始於正統十年
冬而落成於十一年之夏蓋舊廟凡五間今增爲七
尙約文鈔卷三 記 六

舊無東西凡十四間今增爲十八門中外各三庫如
門之數而牲房倍焉凡其規模地位視昔益加深廣
而土木堅好丹漆鮮治瓌傑閎麗言言翼翼邦之人
士莫不瞻顧咨嗟以謂是廟之修自元至元迄今百
七八十年未有若此之壯觀者是不可毋刻石以紀
其盛於是白君乃以書走京師請記於予竊嘗以謂
宋興八十餘年天下之學始克大立而我朝太祖高
皇帝造有區夏不一二年間雖海隅障徼四方萬里
之外莫不有學其度越前代如此皇上嗣位首增風

紀之員俾專董學政蓋天下之學爲之一新然當此時猶往往有卑陋狹隘頽圯不治者不獨爲郡邑者之過任教事於此者亦有罪焉耳今觀保定之學白君爲之一倡而府若衛大越小罔不翕然贊助以後爲羞而其所成就至如此則夫所謂存乎其人者顧不然歟保定固多秀士自是而後歲時歲祀周旋俯仰之間益足以感發其興慕嚮往之念將見習詩書譚禮樂出而取高科建功業者接跡於時則所以振起人材爲當世之用以副朝廷崇尚學校之意未必不在是舉也予嘉諸公之知所當務故特爲記其始末以告後之人若夫出貲力以助工費其姓名不能盡載者具刻碑陰

浮梁縣儒學科舉題名記

爲郡邑者修其政教於人所不爲者爲之斯所謂良吏也已事有若淺近而所係甚大彼不爲者非不爲也不知爲也朝夕弊焉校簿書赴期會效其勞動自以爲爲政莫急於是也至其關風教垂久遠之事乃忽之而不爲噫是豈知先後者邪饒爲洪大郡浮梁

尚約文鈔

卷三 記

七

又饒名邑也前代科舉姑不論國朝自洪武壬子查

仲原以春秋中吳伯宗榜進士迄今七十六年凡二

十六科中鄉試者若干人中會試甲榜者若干人亦

云盛矣而未嘗有石刻者至是知縣事趙侯應間詣

學詢知其狀歎曰豈非闕典歟乃募工伐石取國初

至今凡中鄉試會試者總若干人之姓名盡刻之併

以所習經附其下既完走書抵京師求記於是兵部

武庫員外郎程君道興以屬予竊以謂科目雖一時

之事然鄉邑人材所由興國家治化所由感聞里風

尚約文鈔

卷三 記

八

俗卽所由成也故必有石刻以紀之先王之世士之爲善者表厥宅里樹之風聲蓋所以寓獎勵之道也使爲郡邑而不知此則夫可書可傳之事亦泯焉而已將何以爲世勸邪浮梁之科舉者前此未有石刻蓋亦因循之弊耳今趙侯特修舉之使數十年之墜廢一旦章章在人耳目而鄉之老長嘗及識者則指曰是爲某人某人也其子弟則肅然起敬曰此吾邑之先輩也此吾家之父兄也莫不歆豔嚮往亦思所以奮勵接武於後然則趙侯斯舉其所係豈淺鮮哉

在循常者既不知其所當爲而趙侯獨毅然爲之推此以求其爲政先後緩急可知已程君以某經中永樂甲辰進士蓋與名於此者宜其請記之勤也予爲之記非徒頌趙侯之美且以諗夫凡爲政者焉

館陶縣重修譙樓記

正統十年秋館陶縣重修譙樓成太尹袁君合僚屬賓客以落之既而耆民宗友諒等相與謀曰吾侯所以壯觀吾邑者至矣不刻石以紀其事將無以垂永久於是屬儒學訓導李伸具述始末而以袁君予同

尙約文鈔

卷三 記

九

鄉也走書幣京師請記焉館陶在禹貢兗州之域秦屬東郡漢屬魏郡其後或入東平或附濮州沿革不一其改隸東昌則自國朝洪武二年始漢武帝時河嘗決於此爲屯氏河隋煬帝通爲永濟渠今河流南徙渠亦久廢獨衛河自西南而來經縣治北折注於直沽凡直隸南境暨河南諸郡賦稅之輸商賈百貨之販皆繇於此故館陶壤地雖狹小不能百里而在東昌爲名邑焉縣之廨宇洪武初縣丞歐陽源所建厥後嘗圯於水隨修葺之獨譙樓卑隘弗稱正統九

年袁君以胃監生來宰是邑始至詢民利病與凡政之便不便者罷行之越明年歲豐人和治以大洽迺謀撤而新之出己貲爲倡於是貳尹鄺秀徐志善主簿高翔典史謝志英各助俸金鳩工購材以棟以度以約以秣庶民驩趨不督而勸經始於其年某月某日而訖工於某月某日爲樓三間承以崇臺繚以高墉土木堅好規模弘壯政令於焉而出納吏民於焉而奔走鐘故所無也爰始鑄之與鼓並列於樓之上經鉤考擊以警晨夕邑人士女顧瞻嗟嘆莫不頌侯

尙約文鈔

卷三 記

十

之製作而懷其德不忘夫門非細故也在易重門擊柝取豫備之意而詩人詠歌夫有仇將將者蓋其高亢嚴正亦君子所取焉然民事未修而遽及於此非政也今袁君當歲豐民和之後必不得已革陋興廢而其所成就實足爲一邑所瞻仰動不違時又合於禮是皆可書也迺爲之記俾後之人有以考焉袁君名範字宗範爲人豁達閎爽有幹局世泰和儒家云

遵化重建鐘鼓樓記

遵化爲縣隸今順天府之薊州距都城東三百里而

遙禹貢冀州之域漢時右北平之地也國朝自建北京以來常宿重兵於此其爲衛者三曰遵化曰東勝曰忠義爲所者一曰寬河實惟鉅鎮洪武初嘗於縣治西南築臺二爲樓其上一以懸鐘一以置鼓歷歲滋久鼓樓頽塌殆盡鐘樓僅存而弊壞甚矣都察院左副都御史麻城鄒公來學巡撫之暇見而歎曰遵化密邇喜峯關外夷朝貢往來必由之道顧頽弊若此不撤而新之無以壯觀邊鎮而懾服遠人之心既與總戎都督僉事宗公勝參將都指揮僉事胡公鏞

尙約文鈔

卷三 記

十二

馬公榮等議合則又曰昔者樓離爲二今欲併而一之於義既無所損且不至傷財勞民而功易成也何如眾皆曰然於是命署都指揮僉事蔣源等董其事材取於封內所產之羨力募守備及農功之餘費捐已與凡同志者之俸揆時相方以策以擣軍民聞之皆奔走效勞不督而勸自景泰某年某月某日始事至其年某月某日訖工制度有程高廣適宜崇臺宮

言飛臺翼翼楹楹戶煥然惟新而鐘鼓所以警夫昏聵者不失其節邦之人士莫不咨嗟歎美以謂是

舉誠足以緝姦宄之觀覲聳遠人之觀聽而爲圻甸慎固封守之表率也落成之旦總戎參將暨諸僚吏相與謀曰斯樓之作雖集眾力而成然倡而率之實都憲公之志不刻石記之將無以垂久遠而識公與勝等嘗勦是邦也迺專使者走書幣屬筆於予天下之事恆廢於因循而成於振作方正統間無事日久武備之驟弛極矣聖天子中興整齊百度以謂邊境疆理尤在所急乃命都憲鄒公以提督之寄總戎參將宗公胡公等以鎮守之責蓋東自永平山海西抵

尙約文鈔

卷三 記

十三

居庸之關悉俾經營而遵化實在所轄鄒公乃能慨然欽承以興廢補敗爲事而宗公等日相與協力以相其成凡諸障塞關隘千餘里間旣已堅完而又推其餘功以及於此昔先王之教列樹以表道立鄙食以守路國有郊牧置有寓望凡有益於國於民者無不爲也今樓之作於事雖小然所以警怠惰服遠人作士氣嚴防禦是亦郊牧寓望之類關係甚大使當是時凡受命一方得專制其境內者皆能如公等所爲則國家豈復有外裔之慮而疆宇之寧謐兵民之

樂業可勝頌哉是不可以毋書用特書之不獨著公等之績且以爲一時任事者之勸亦俾後之人有考也若嘗有勞於是役而此不能詳者具列其姓名於碑陰云

汝寧府重修社稷各壇記

古者凡封國必設其社稷之壇而樹之田主豈徒然哉土穀民之養壇壝神所依受命長民必先社稷則壇壝之治不可一日緩而凡封內諸所當祀者皆在所必舉大率以爲民也我太祖高皇帝有天下卽詔

尙約文鈔

卷三

記

三

郡邑各嚴所祀而凡社稷山川屬壇皆規爲之圖又製爲祝文頒之天下使歲時將事者遵用之其急於爲民如此當是時爲郡邑者莫敢不趨令旣其後也廢弛者往往有之蓋守令之得人與否俱於是見焉汝寧河南大郡也郡之諸壇皆洪武初通判董渙所建社稷壇在城西山川壇在城南風雲雷雨城隍附郡屬壇在城北故制旣卑下狹隘不足以稱而又歷歲滋久藩拔級夷赤白漫漶郡人病焉景泰二年龍泉項君棐所勤以前鄉貢進士贊幕都府來守是邦

下車之始卽問民所便不便而罷行之蓋未踰時人用大洽於是按行諸壇喟曰是役不可後也明年謀諸僚吏告郡之父老拓而新之首築社稷壇壇螽以石四出爲陛其下則布以氈繚以周垣而靈星之門與夫庫廚宰牲各有其所磁漆器皿靡不具備壇之隙地樹以松柏外爲土牆環植以柳旣又治山川壇又治郡屬壇悉如其制又各爲齋宿之房以間數之社稷壇二十八山川壇十五郡屬壇三自某月某甲子始事至某月某甲子訖工蓋覆塗堊悉完以固規模制度言言翼翼當祭之期君率賓僚以往卽事邊豆潔清登降有數凡百執事罔弗恪恭邦人士女願瞻歎息以謂歷歲之廢一旦而舉不可以無紀也於是教授馬蕙致書京師請記於予郡邑之務固繁然莫大於事神治民二者而已以輕重言則民爲重以先後言則神爲先故凡汲汲於神者所以汲汲於民也方今明天子在上下內外百度悉遵成憲而高皇帝所頒禮制具在爲郡邑而不知務乎此謂能盡心民事得乎汝寧爲郡領州縣十有二而陸耕者半之項

尙約文鈔

卷三

記

四

君至盡給民秔稌之種俾爲水田方秋而潦人用歎
咨明年給種如初土沃苗碩歲乃大熟居民咸舉手
謹忭曰我侯之賜也夫壇壝修飾莫享以時吏之職
既舉矣雨暘不愆祥慶來下神亦宜無羞焉然則項
君所爲不違於今又合諸古事神治民可謂兩得之
矣是役也社稷爲大故記之特詳而山川厲壇皆牽
聯書之以遺汝人刻焉俾後之人知項君嘗勤是邦
當益修治之勿廢也

重建長春觀記

尙約文鈔 卷三 記

圭

雲南長春觀舊在郡城崇正門內之東圖經不載其
所始正統戊辰冬燬於火皇上卽位之三年是爲景
泰壬申歲總戎都督同知沐公璘參贊軍務兼巡撫
左僉都御史鄭公暉相謂曰長春爲觀實古蹟況爲
國家祝釐之所廢而弗修是爲缺典顧舊址湫隘不
稱而城之西隅隙地寬閒亢爽足以改卜曷徙而新
之議既克合卽具疏請於朝許焉於是沐公偕其弟
某出白金若干兩爲之倡而鄭公極力經營勸募以
相其成時都知監左監丞羅公右監丞黎公方出鎮

於此聞之而喜各捐貲以助乃揆時相方選材庀徒
經制施爲各以其序中爲殿曰三清其後殿曰玉皇
玉皇殿之東西各爲殿曰三官曰梓潼其外爲門曰
靈星次爲山門又次爲中門中門外左爲殿以庇輪
藏右爲祠以祀黔寧王其稍後則左爲道紀司右爲
齋堂鐘鼓之樓方丈之室與夫廊廡庖廡庫圉之所
既完以密而像設供玩日用什器之類靡不畢備蓋
經始於是年四月而落成於明年八月之望總之爲
屋凡若干區棟宇言言簷阿暈飛丹堊鮮冶金碧輝
煥高明靚深環偉軒豁環而望之則金馬起於左碧
雞倚其右後附商山前臨滇池而太華玉案諸峯皆
效奇獻秀於顧盼之間仍命道紀司都紀凌道崇以
典祠事雖不改舊名無侈新規而勝概壯觀視昔百
倍邦人相與歎羨咨嗟皆曰二公於是觀其功實大
拓地於闕闕而居民一無所擾用工以萬計而役徒
不以爲勞貲費以千億而上下不知所出使吾邦之
士歲時稱慶習禮於此翹首跂足瞻望祝頌以聳遠
人之觀聽詎止且夕不有所紀將何以垂後而傳遠

尙約文鈔

卷三 記

六

乃寓書京師屬真人邵公以正圖之而邵公以請予
惟道在宇宙間無乎不有包天地而不以爲大運日
月而不以爲功貫古今而不以爲久自黃帝老氏清
淨無爲長生久視之說興而爲其徒者相與推演之
日以益盛故自京圻以達於中州通都大邑靡所不
被下至遠方雖僻陋荒忽窮邊側境山海萬里之外
莫不尊奉之蓋其教之行也久矣然其興廢莫不有
數存乎其間苟非得人欲其廢而復興恐有不能幸
成者此雖道家之說有所不能異也滇南自永樂中

尙約文鈔

卷三 記

七

劉公淵然以道法顯太宗皇帝召用之錫以長春真
人之號而觀名適合是觀之始盛也既而邵公得長
春之傳爲今上所寵擢已非一日至是又錫以守玄
冲靖弘濟真人之號俾領道教事眷禮優厚而斯觀
適成是觀之益盛也顧不有數哉然必有待沐鄭二
公而後其廢以興何也蓋沐氏自黔寧王以來既歷
三世皆能以忠孝植家以寬仁澤物滇南之人生而
父母之沒而烝嘗之而總戎公式克繼承而弗替鄭
公自麓川不靖卽奉上命以來贊理邊事遂兼巡撫

日夜竭精力億心思以求副所委託飢寒者必卹違
法者必誅而參閭之績歷久益著二公之名昭於南
服無有遠邇悅慕稱頌異口同聲凡有興作莫不鼓
舞歆動以後爲羞斯觀之成非二公之力不可也嗟
夫天下之事莫不由於得人而興不得人而廢獨長
春觀乎哉惟能任乎數之自然而益盡乎理之當然
則天下無不可爲之事矣故因爲記而并著之使後
之人知是觀之興有自而爲其徒者當有以嗣承之
且永邦人之思於無窮也

尙約文鈔

卷三 記

六

佑仙觀興造記

佑仙觀在武山東南武姥岡下龍王洞之上俯而旁
視大江走其前焦原閬川王山諸峯環其外蓋自泰
和縣治左右百里間求寺觀形勢若此者不多見也
觀基於元仁宗皇慶壬子之前殿相傳高明壇所
徙後殿則國朝洪武初新建者皆極壯麗瓌傑土木
堅好非若近時苟簡之爲然歷歲既久日入於壞正
統戊午觀主道士劉厚峯竭己貲修葺之歲辛酉其
徒戴道淵乃建三官殿於後殿之右爲屋三間周以

迴廊既完已歲乙丑蕭紫虛又建玉皇閣於後殿之左爲重屋三間護以甍壁而朝碧虛前所治之凌虛亭附其旁無改作焉初觀之與里大姓張氏涂氏皆與有力然始終扶植之者吾蕭氏之功爲多比年來有所興造資實蕭氏輒居其半蓋道淵之殿其徒溫曰常實相之而主其事則吾兄西軒也紫虛之閣其徒郭道弘實相之而主其事則從兄季廣也費或不數則紫虛道淵各持簿募諸里中有得輒記之錙銖積累以至於成而經紀規畫蕭氏長少往往周旋其間以故觀之舊廢壞者今皆煥然一新所未有也乃今有之椽摩棟揭言言翼翼蓋佑仙之壯觀於是勝於昔矣方武山威時寺則有梵雲雲峯觀則有高明天寶鐘鼓之聲相聞不特佑仙也兵燹後相繼廢獨佑仙自開創至今百三十餘年歸然尙存夫豈無故哉觀之前輩吾未之識而獲識其所謂譚以善黃與立者二人皆八十餘超然塵物之表而與立嘗爲齊號府樂舞生尤端謹守戒法今在觀長少凡十餘人皆與立之徒則世之欲以智力取勝譽者不足言

也自以善與立之沒觀之幾廢者數矣賴厚峯一人辛苦支立使其緒不墜於地而紫虛道淵等又能相與繼承之得以復振於今日則佑仙所以不廢獨存者豈不以其人乎哉是宜表而出之以爲凡爲道者之勸使佑仙之後人自今以往益勉力不怠以嗣以繼則雖長有此觀可也前年吾展墓南還道淵嘗從亡子彥朝乞記未暇作也至是曰常領牒京師復以請念吾子夙願也乃爲述其大都俾持歸刻之若其里人嘗出貲力及諸道童姓名未及備載者則列之碑陰

弘善寺經殿記

佛之道深至矣大而天地之覆載日月之著明四時之代序極宇宙之廣無不包小而鳥獸之飛走草木之華實耑稟肖翹之生滅以至毫釐之微無不具遠而億萬劫之內前乎無始後乎無終靡不貫近而日用之間感應之機因果之報無不該故佛之言闊勝大汪洋演迤論其空寂則自無色相至於無受想行識雖一言而莫容語其弘濟則自大千世界至於

恒河沙界雖累言而不能盡蓋自東漢以來歷晉宋齊梁隋唐以至於今其師徒相傳反覆辨說多至數百萬言而其輯之爲經以相授受者總之爲五千四十八卷而其他論著者俱不與焉於乎何其盛也懷柔縣東南寅洞里鳳林山有寺曰弘善者常德長公主所建也寺成之後三年是爲正統丙寅之歲十有一月朔旦詔賜大藏經凡若干卷俾永永護持其寺於是公主不勝歡忭乃捐己貲造經殿二於正殿佛座之兩旁共爲四聯各置匾函納經於其中繪以五彩飾以金碧刻雕工巧莊嚴靚麗誠他所罕見也既完命中使阮公徵爲記公主之建寺也蓋上念皇考與皇太后鞠育之恩欲藉佛力以報稱萬一既成而上賜之以至是又有經典之錫者蓋所以嘉公主之至誠而欲成其一念之孝焉夫典御十方拯濟萬品佛之威靈神力固無以尙矣然非其微言遺訓闡揚宣說人固莫得而知之而所謂大報恩七篇又皆專言乎孝欲人由之而極其業是亦有關於世教者矣夫孝者百行之本也公主惟其孝誠純篤故能荷上

尙約文鈔

卷三 記

主

之恩錫於此與訓典所在時集其徒發而宣揚之則所以資皇考之福祈聖母之壽保佑聖躬縣延國祚而於身於家亦得以蒙慶澤於無窮皆於此而推之矣孝之道豈曰小補之哉然則經之度闕固當日尊日嚴不得而褻慢之也於是起敬焉故特爲記殿成之年月日併書夫素所聞者以告於後之人

尙約文鈔卷三終

尙約文鈔卷三 記

主

尙約文鈔卷四

明泰和蕭 鉉孟勤著

宗後學上田敷政校刊

序

抑菴先生文集序

太宗皇帝臨天下首選進士二十八人入翰林爲庶吉士使盡讀中秘書爲文章必欲其上追古之作者厚其既稟而責其成當是時凡在選者莫不奮勵濯磨爭先恐後而表然特出於眾者不過三數人泰和

尙約文鈔

卷四 序

王先生其一也宣德初二十八人顯者無幾獨先生與永豐曾公臨川王公偕拜詹事府少詹事於時三公之文章內而京邑外而遠方不獨搢紳士雖庸人小子往往傳誦之而三詹事之名隱然擅天下旣而曾公先物故正統中先生與臨川王公先後由館閣出任列卿其位益尊其文益重於是當時稱二王者無間言焉無何臨川王公又物故景泰以來獨步當世先生一人而已方諸公讀書時太宗屢閱試之謂曰文章稱韓歐輩彼豈天成邪若曹但力學患今無

韓歐輩邪蓋先生資性敏絕過人而又蒙上之作養

充之以問學自六經子史百氏之言橫豎鉤貫靡不

爲己有故其爲文章浩乎沛然不必勞心苦思而千

數百言下筆立就其汗漫演迤若大河長川沿洄曲

折頃刻之間輸寫萬狀略無疑滯之意其閎肆高古

若連峯疊嶂層聳間出秀氣之發上薄霄漢不見刻

削之態蓋其體之鉅故其聲之震也洪其蓄之深故

其流之及也遠所以成一家言而爲當世所推重豈

偶然哉於是其子翰林檢討希稷彙次爲若干卷來

尙約文鈔

卷四 序

屬序嗟夫韓退之文李漢序之歐陽公文陳師道序

之皆見誦於當世今先生之文而鉉爲序得無陳李

類邪雖然陳李之序因韓歐而傳則鉉爲序未必非

幸也敬序而不辭先生名直字行儉別號抑菴清忠

大節歸然當朝老成人今任少傅兼太子太師吏部

尙書年七十有四云

坦菴先生文集序

永樂中泰和有兩梁先生皆以文章名當世伯氏蓋

泊菴先生仲氏則坦菴先生也泊菴先生之文雄渾

浩汗如萬里長江沿洄百折而層瀾疊波激射起伏
觀之使人心掉膽慄茫然失守少而視之則清麗峻
潔一塵不浣如泰華芙蓉參絕霄漢深於辭者也坦
菴先生之文泓渟澄深如千頃之波茫無際涯而微
風恬波文采煥發觀之使人正襟歛容肅然起敬徐
而察之則端重典則不矜不肆如莊人正士動合矩
度稱其伯仲者也然泊菴先生在翰林論思之地故
其名煒然聞天下天下之人識與不識皆知梁翰林
之文當時所貴重者而坦菴先生自少爲學官四方
尙約文鈔 卷四 序 三

其所自得者也夫以先生之文其重當時如此其傳
之後世無疑也豈待鑑之贊而後傳耶然叔莊之屬
既不可辭而鑑亦竊自念幸以鄙言得託名字於先
生之文之後尤不敢以辭也因特論次以歸之先生
諱混字本之坦菴其別號也泊菴先生諱潛字用之
云

臞叟曾先生文集序

學士曾公故泰和儒宦家自少與其兄椿齡先生治
書經相爲師友探深鉤賾窮日夜不厭邑之名經生
者從而質疑受業相繼於門既偕中鄉選椿齡先生
先登第爲翰林庶吉士以卒公乃獨留養親於家自
是日大肆力於文章子史百氏橫豎淹貫斬追古作
者以與之並不特治經工時文而已蓋抱利器弗試
者幾二十年一舉而中會試第二再進而擢廷試第
一遂以名聞天下天下之人無問識與不識皆竦然
歎慕之當是時凡以制科入翰林者有所作往往循
時文之舊欲爲古學必更考其素所擯置者經時累
歲然後得以應酬於人公獨不然始至卽以其平日

蘊蓄者隨所遇而發之昭然雲漢麗天而風雨雷電
晦明開闔變化不測也淵然江河行地而恬波安流
洄渟委曲百折必東也鏘然韶漢在廷而絲竹金石
遞奏間作太古之音也一時先生長者相顧譽嘆而
在輦類者皆自以謂不及推重之蓋朝之搢紳與夫
四方賢士求者日益多而公所以應之者殆無虛日
噫何其能也無他公之學也久故其所積隨取而具
足其氣威故其所發旁達而莫禦其識博故其引物
連類典則而中度此所卓然成一家言而用之朝廷
商約文鈔 卷四 序 五

自號臞客云

石溪類集序

石溪類集者翰林侍講學士周功敘先生所作也先
生吉水人石溪其所居地集以地名者所以著其望
也先生年二十餘以書經掇高科聲動場屋比入翰
林尤以古文詩歌擅名當時當時館閣諸前輩長者
皆愛重之而天下之人識與不識皆知周翰林之文
章求者之履日滿外戶而先生所以應酬之者沛然
有餘其詩歌清肆典則若金石之奏輕重疾徐悉協
音律而書疏序記碑銘之製演迤閱博若江河之放
紆餘百折瞬息千里蓋永樂以前諸先輩以古文名
家者不啻十數迨至宣德以來所以繼起而和應者
先生其傑然者歟先生在翰林三十年於今其所作
甚多不自收拾此集爲其子滁州學正蒙所編次殆
什之三四而已然觀此則其他固可以想見也竊嘗
以謂士君子之文章係乎志志有高卑文所由以工
拙也先生之曾祖以立當元修三史時上書言宜以
宋爲正統遼金附書不合去先生承其家學切切以

是陳之諸名公至以之言於朝及見時政之得失亦
歷歷有所條奏皆關生民休戚國家大計尤人所不
敢言者蓋先生少有大志常欲致君上爲堯舜而澤
必被天下生民而後已及既荷眷遇居禁近不得施
諸行事於是乃始見於言語文字間其載諸集中者
可概見焉然先生大意所欲論著固不止此雖然觀
此亦足知其志之所存予故特爲論次之列諸首簡
非敢僭也先生之命也

蔣處士詩集序

尙約文鈔 卷四 序

處士蔣氏字吾望世家梅溪梅溪去縣治西北四十
里其地平曠衍迤四無山阜而田最上腴南有陂曰
茶灘潦則決之江旱則引以灌溉故梅溪之田無凶
歲而所入常倍蔣氏擅其利數世矣處士家既富饒
然未嘗以之自足自少穎敏喜讀書知古今道理落
落有奇節蓋其材可以用也而處士甘於恬退不肯
求知於人嘗治軒曰適安又作樓曰望江因以自號
鄉人遂稱望江而不名雅好交游有所過從輒爲之
傾倒焚香奕棋清論雅謔不盡歡不止蓋泰和西鄉

稱故家文物之盛未嘗不歸之望江也處士既不求
仕進於是徜徉泉石之間日以詩自娛興之所至一
於詩焉發之雖不雕琢刻鏤劇目鉅心以爲工然清
新典則和平沖淡直欲上追唐盛時之作而與之並
亦大雅之音也嗟夫以處士之材使得一郡一邑治
之以展平昔之所蘊其政績當有大過人者處士既
不肯求知於人而當時又無有相知有氣力者舉而
致之位以故徒優游於聖明之世而樂爲太平之逸
民也予與處士別三年今壽六十有四矣自輯平生
所作爲一帙寓書京師曰幸爲我序之處士予從姊
夫也素相與莫逆惜予徒知處士而力不足故特爲
序其詩而道其出處加詳使後之人讀其詩知處士
之志而蔣氏子孫寶藏於家亦足以考乃祖父遺澤
所在也

南郭子詩集序

南郭子者萬安東溪郭君季鉢之別號也予少時嘗
一訪焉君方弱冠而尊府卽溫翁亦尙無恙聞出所
爲賦數首示客予從旁讀之鏗然金石之鏘鳴粲然

珠玉之磊落私心起敬以謂若君者異日不遠到不止也其後予叨竊科目日碌碌世務君則留心古學器然養高泉石間或勸之仕輒搖首遠去蓋彼此契闊者四十年於今雖嘗音問相及獨時時往來於懷恨不獲一見以敦夙好也歲冬十月忽寓書以所作南郭集一帙遺予屬序予受而閱之累日其五七言古體出入李杜律絕則倣盛唐諸賢爲之大篇短章春容閑肆察其志蓋欲上追古作者以與之並非獨徇世俗之好而已予因爲之歎向日所見以起敬者

既以爲難得不意今之造詣一至於此也則又歎國朝列聖相承網羅豪傑天下之材自毫髮絲粟以上靡不出爲時用以謂文章畢萃於館閣而山林之下無復有遺賢矣乃今得見有如君者因又疑世或有之蓋予未之知也雖然設予偶未之知未必不有知而道焉者而不少概見抑又何哉然則如君者果不多得也君年未六十不幸以疾廢然君素高尚就使不廢於疾予知其不肯局促於祿位也審矣豈非其負於己者重故其視於外者輕邪將自得於言語文

字之工而以謂功名不足懷邪惜也君不求知於人亦莫之知者予雖知之究無益於君也雖然若是集者自足以傳世知不知何患哉敬序以歸之

司務王君奏疏卷序

天下之事惟豪傑能言之亦惟豪傑能行之審事理之幾察形勢之會明利害之要識時務之急燭人情之微知之必言言之必盡不計乎利害而游移莫決不憚乎威武而趨起弗前幸上之人聽焉而盡用之澤生民安社稷若反手然故曰惟豪傑能言之也韓

信連百萬之眾開炎漢之業而其謀蚤定於登壇之所陳諸葛保全蜀之民成鼎足之勢而其計預決諸隆中之所對當是時二賢者躬言之而躬行之無一不售故曰惟豪傑能行之也使言之而無徵則其言徒言也行之而不效則其行徒行也此豪傑之士所以不世出歟王君鍾字期山河間靜海人也以教官陳國家大計上察其忠擢都察院幕職俾參贊邊務給之弓馬陞遣以行大丈夫至是亦可謂榮矣嘗得其稟讀之計慮精審籌畫明晰可謂有用之言非汎

焉塞責者比竊以謂此固豪傑之言也因念自醜虜跳梁以來陳策者指不勝屈未有特然進之以職俾得自効者迺君獨蒙皇上之簡拔大臣之推薦亦可以少展其抱負矣夫關隘章徽皆天設險以限番漢者也人力不修則寇得以覬覦之使堊山堙谷繕城堡據要害一夫撫劍而瞋視雖百萬之虜敢睥睨其閒哉今君所理白羊之口乃寇所必由之路以君素所謨畫者試用於今日予固以謂必能行之者也能言之能行之非豪傑之士歟雖然守一職易張大勢

尙約文鈔

卷四 序

七

難君計有所出尙當爲朝廷言之將見功顯當時名揚史冊追蹤淮陰武侯而使之不得專美於前不但今日之榮而已焉殺賊奴取金印繫肘後當自茲始予固知醜虜之無能爲也於是太學生溫良君爲考官福建時所取者重君之去以此卷求序特次第其說贈之

劉氏倡和詩序

廬陵劉君慎修鄉貢進士春之尊府也春中乙榜不就卒業太學當是時安成李先生任祭酒設爲教條

所以訓誨誘掖諸生者備至君聞之大喜以其子之得師將有成也作七言近體一章寓春以致期勉之意朝之搢紳見者皆倚而和之春旣稟粹成帙至是以可予序竊嘗以謂世之爲父兄者莫幸有佳子弟爲之後而爲子弟者亦莫幸有賢父兄爲之前也子弟之生聰明俊偉者往往有之然或挾浮躁之資或溺傲侈之習衣服輿馬日驅逐馳騁於形勢貨利之塗而不知止求其能歉然韋布自居服習禮義討論詩書以遠大自期者蓋少也幸而有之而爲之父兄者不知所以成就焉或導以奔競或縱之逸樂或左右之以和時射利徼旦夕之近效求其能優游獎進次第涵蓄而又作爲詩章以諷曉誨敕之使之日進高明之域此豈多見哉故曰得佳子弟固難得賢父兄尤難也今春抱一經游上庠以友天下士可謂佳子弟矣而劉君家居數千里之外其形於言不爲憔悴無聊之態而藹然優柔之氣約其子於禮法之中得非父兄之賢者耶夫詩發乎性情止乎禮義則其感人者無不至也以君爲之倡而諸搢紳互賡迭和

尙約文鈔

卷四 序

三

多至數十篇音韻諧律呂鏗鏘協金石得非有所感發而然耶春輯而藏之使著之當時傳之後世劉氏之文獻不亦感矣哉然則春其尙勉承乃父之志可也

歲除致齋太學聽琴詩序

正統己巳歲除享太廟前期百官皆致齋是日之夕坐一清軒中僚友三數人過予清論久之因邀博士陳君抱琴以來維時天宇澄霽列宿在戶陳君攝衣肅容爲鼓一再行學錄魏君倚而和之始於關雎之

尙約文鈔

卷四 序

三

風終之以猗蘭龜山之操宮商諧和律呂間作凡在坐者皆悠然忘塵俗之思若相與周旋揖讓於唐虞三代之世也於是分韻各賦一詩而咸謂予宜序竊以謂古君子無故不去琴瑟今瑟世所不好而琴獨或尙之蓋其能養性情變氣質消渣滓宜鬱堙使人不知進於中和之域凡憂傷愉佚怨慕不平可憤可感於中者皆怫然因所觸而各有得焉非如世俗之樂啁啾泛濫使聞之者昏瞶惶惑流而忘反者也方今明天子維新政治百辟效績而予與諸公處優閑

之地以訓迪爲職務及茲休假得相與講論道德以敘一日之雅所謂一張一弛文武之道而予輩獨蒙賴焉亦何幸歟或以謂今之時憂勤惕厲之不暇尙何琴之爲夫君子之欲建大功立偉節或謀謨廟堂籌算帷幄亦必平和其心志展布其四體不動聲氣折衝樽俎之間而後足以有爲也若夫瞋目而語難鳴劍而抵掌不得其志則輒然怒形於色甚者悲歌感慨而流涕此特小丈夫之事君子無取焉況琴有益於人非世俗之樂比乎抑予有感焉聖天子方宵旰求賢諸公皆道德明秀足以膺薦剡承寵任而予自去年以來衰病日甚行當懇請於朝幸察而憐之放歸田里則雖欲與諸公久此以處不可得也今夕之會豈偶然也哉故特序而不辭詩不以齒者因韻爲先後耳既列其姓字復註其家世歷官之詳於下方俾後之人有考云

陳氏世德錄序

工部尙書陳公恭簡以其所輯世德錄若干卷示予屬爲序蓋公之尊府中行先生以深謀遠識受知太

尙約文鈔

卷四 序

上

祖高皇帝而公則以宏材雅望自太宗文皇帝以來效勞績荷恩眷以至於今故其所列皆奎章宸翰誥命諭祭之製而碑銘敘傳挽詩之類亦皆當時名公鉅人之所撰述而陳氏之世德實寓於斯予既正襟肅容讀之因作而歎曰於序此陳氏之所以感也當太祖創造之初天下豪傑之士翕然響應悍臣猛將接跡當世而謀謨帷幄之中獨先生與劉伯溫二人焉伯溫蓋嘗顯於朝矣先生乃獨高尚其事始授供奉司丞則辭繼授翰林學士又辭及授中書左丞授尙約文鈔卷四序五

孫者先生父子之謂矣昔孔子論杞宋而歎其文獻不足今觀是編所輯蓋陳氏文獻足徵者也豈惟著於今實足傳於後予故特論次其大者爲序俾後之讀者知陳氏之盛蓋有所自云

彭氏文獻集序

滁陽太守彭君光嘗輯當時名公所贈詩并其先世家藏遺墨圖書所得題跋凡若干首爲三卷名曰文獻集屬予序間受而讀之不獨見一時魁人碩士藹然交際之情至其先世所以數遺子孫而君之所以珍愛祖考手澤不敢襲易者皆於此可以考見也竊嘗惟世之人稱故家有族使其與閭閻崛起之家挈長度大初無少異然而人必重之者何哉由嗣守者世有其人而文章典籍足以有所據依焉耳前日之所貽今日承之而有光今日之所傳後日徵之而足信所謂文獻者蓋如此也或者不此之重而惟貴富之圖則必秩祿傾王公園田亘阡陌府庫餘貲財而其屋室之鉅麗衣服之華靡輿馬之赫奕不極一時之盛不止也彼其自以爲若是足矣曾不一再傳泯

然若浮雲之散求其一事彷彿前日不可得況所謂
貴富者哉君子所以不欲以此易彼者爲是故也彭
氏新喻大家自其先世以文物著於鄉蓋數百年於
今君乃卓然繼起思有以光大其緒業而卒克遂所
志者以有前人遺澤之存也使後之人又能承君之
澤繼嗣之勿忘彭氏之威詎有涯涘也哉昔孔子論
杞宋而歎文獻之不足夫以孔子之聖猶不能無徵
而言況他人乎君所以惓惓於是者有以哉君字緝
熙豁達有幹局自校官用薦爲臨淮令多惠政去而
尙約文鈔 卷四 序 七

王氏翰墨卷序

王氏泰和世家仲凱甫王氏遺老於今吏部尙書抑
菴公爲族叔父詩簡凡二十八首皆公所寄翰墨也
仲凱甫既裝潢成卷至是遣其子潛自金齒走萬里
謁公京師且屬潛言於公必得當世有名者爲序以
傳之後公遂以命鑑初仲凱甫之考思忠洪武三年
進士授蕭山知縣坐累謫鳳陽復舉爲都督府斷事

又坐累謫戍金齒三子伯初仲凱叔吳偕往自至謫
所不通音問者久之前十餘年公之兄行敏訪求得
焉由是音問始通於是仲凱甫嘗寄詩公輒和之而
書簡往來一歲之間凡一再至故能致多如此嗟夫
於此可以觀王氏族誼之厚矣思忠初被謫時三子
皆幼及今伯初叔吳又皆物故獨仲凱甫康強無恙
然年亦七十有八矣數欲與公相見又欲還泰和展
墓切切焉鄉土之思公念其老屢書止之然仲凱甫
於今亦孫曾滿前而伯初之子鑰以征麓川功爲百
尙約文鈔 卷四 序 十八

戶王氏在金齒者亦可謂感歎世常稱鄉之故家往
往日文獻之族誠以非賢無以承其先而非文無以
考先世之德故有賢子孫者作必得前人之手澤爲
之依據焉孔子曰文獻不足故也足則吾能徵之矣
其亦有感於是歟今王氏在泰和固爲衣冠之族及
遷徙他所亦能卓然自立以無忝厥世可謂多賢矣
而仲凱甫又能存公之翰墨表而出之以貽其子孫
抑亦知所重哉公之文章名天下得之者若獲拱璧
沉王氏後人固不得易視之也鑑於公忝嫻好故承

命不敢以蕪陋辭特序而歸之公名直字行儉抑菴其號也永樂甲申進士歷詹事府少詹事兼翰林侍讀學士知制誥國史總裁陞禮部侍郎充經筵官進今職云

梁氏族譜序

梁氏之先本長沙人其徙居泰和者自南唐徵仕郎勝用始至宋贈知吉州逢吉二子曰君崇君傑君崇子曰子華子華四世曰蕃皆嘗爲顯宦於時蕃又四世曰不移曰仲敏不移二子日用之永樂中累官至翰林侍讀曰本之累官至魯府紀善仲敏宣德中以子貴贈承德郎刑部主事子曰洞挹之繇進士歷官刑部郎中紀善先生嘗修梁氏續譜前太師楊文貞公今冢宰抑菴王公皆嘗爲之序所以紀其世德官封甚備而於郎中以後未及焉今郎中之子曰相叔修增修其譜復以序屬予梁氏諸先輩如楊王二公所稱者予恨晚生未及識之而嘗得親炙侍讀紀善先生又獲交於郎中之三先生其文章風節在當時蓋所謂表然者也三先生既沒諸子曰叔蒙侯官尹

尚約文鈔

卷四 序

九

叔車廣西憲副叔莊國子學錄叔濟河南檢校而叔修今爲興濟校官皆以學行稱於時其處者曰叔干叔榮亦皆約身飭行隱然無忝於諸父焉梁氏今日

何其盛也所以致此者豈有他哉詩書之澤而已梁氏在宋元時嘗盛矣而居縣東門之外園池亭榭登覽之勝彌望他族莫得而間之鄉人稱其處曰梁家巷百餘年來其名號雖存而舊基遺址不知其幾易主欲求當時一二已漠然不可究詰矣獨衣冠文物之美前作而後述伯倡而仲和泰和之稱宦族者莫或先焉非詩書之澤其能致然耶由是觀之所謂故家者在此而不在彼較然明矣紀善先生所修譜既皆有法叔修一循其例增之而不敢有所加損焉亦可謂善繼者也予嘉叔修之志因爲之序而併有以

尚約文鈔

卷四 序

三

論之云

洲下羅氏族譜序

族之有譜非但紀世次而已蓋自吾之身等而上之爲父爲祖至於受氏之始自吾子孫推而下之至於百世不啻自吾之父祖兄弟與吾之兄弟旁而衍之

至於總麻袒免之親以至於無服上之而有所承下之而有所屬旁之而有所及絲牽繩繫自千萬派而歸於一本使仁人君子於此據而考之惻然動其尊祖敬宗之心而親親之念日以益厚而不敢菲薄於族之人此譜之所爲作也泰和洲下羅氏本於中國蓋自唐昭宗時曰琬爲光祿大夫充內都知事朱梁初避地徙家吉州之岐下琬三子超延達分三派達徙泰和之中國四世至公瑞三子曰楚憲仲仲四子季曰糾糾生實實生坦遷洲下則洲下始祖也五世尙約文鈔卷四序

至勝祖廣居室殖貲業其緒益大又六世曰宗仁宗智羅氏闔族蓋千餘指矣宗仁洪武中舉孝廉以親老辭詔賜路費遣還終於家宗智隱居樂義今年已九十猶康彊如少壯時二人者歸然其族之望而敬珣則宗智甫之子也敬珣以尊府命重修族譜蓋洲下自坦以來至是十一世其間諱行生娶卒葬書之特詳而推所徙之自則本於琬敬珣承樂丁酉與予同鄉選其後中乙榜厯柏鄉雲夢司訓今爲河泊大使藹然純篤君子也觀其汲汲於是譜可以知其用

心之厚矣夫以宗智甫之命敬珣遵承之而不敢違其爲心不有合於予前所云者乎使族之人覩斯譜咸惻然動其尊祖敬宗之心日相親厚而不淪於澆薄則宗智甫子父所爲豈小補於羅氏也哉敬珣間以序爲請予念同年之好特推其意序之

徐氏族譜序

族之有譜所以譜其族之出必謹其知而不強其所不知也一姓而羣處焉其近者耳目之所經傳聞之所及不謹而志之更一再世欲詢其大都而歲月倏尙約文鈔卷四序

已變遷老長日至彫謝將漠然無復有能記憶者矣既其遠也分徙之不常昭穆之莫辯或強而求之歷世已久雖窮搜旁考而冒妄之患生傳會之訕至蓋判然難可以牽合者矣夫不謹其所知其原始於忽忽而日久則至於遺忘強其所不知其流至於誕誕而無稽則人莫之信是二者皆過也而強所不知其過尤甚孔子曰吾猶及史之闕文也今亡已夫史闕文其事至小孔子奚歎焉非以其所關者大歟噫譜而強其所不知何取乎譜其族之出無取乎譜其族

之出則人莫之信也固宜可不大哀乎予於豐城徐氏之譜特有取焉譜之修藏於族之賢者曰南高從而續之則其從孫今廣東參政曰正必端也南高當永樂中嘗慨其宗系散佚歷訪之不得於是斷自其祖漢臣始著之裁三世今參政君不敢有所加謹綴下方總之五世而已徐氏世居豐城邑治之西其先莫詳所從徙漢臣四子曰彥方彥章彥良彥才章三子曰南高南英南濱南英二子曰孔昭孔安孔昭二子曰必慎必端必端即參政君而南英孔昭則君之

尚約文鈔

卷四 序

大父父也譜之所著世次如此或者謂豐城之徐實漢高士孺子之後然譜不之及所謂致謹者歟使南高而不謹所知當併亡其三世參政君或強其所不知將不止於五世而所謂忽且誕之弊有不可勝言者二人者惟知乎此故其所著足以取信於人人而徐氏之子若孫有賴焉此予所以有取也嗟乎自漢臣以前莫之知則亦已矣自今而後據是譜而益廣之可以至於無窮然則南高與參政君有功於徐氏豈小哉予故特爲序之若夫二人者出處操行之詳

焯然爲時所推重者載之別錄此不道

鄭氏續修族譜序

族可一日無譜乎不譜則昭穆無以明疏戚無以辨上焉不知其所承下焉不知其所繫支分派別不知其所遷徙既其久也聲問不相通欣戚不相涉婚嫁死喪慶弔不相赴漠然若秦人之視於越不少介於中者無惑乎其然也是以仁人君子思所以統宗合族者必於譜焉謹之有以作於前矣設爲其後者不知所當務以謂事有急於是者吾姑徐徐焉更一再

尚約文鈔

卷四 序

五

傳相去益疏遠故老口語相傳者日滋息持其編帙莫知所聯屬其患視昔之所病無以異是以又貴有其人以續乎後也雙溪鄭氏之譜始修於連江傳宗顯今續於武選主事廷憲雙溪在泰和邑南三十里鄭氏其先出滎陽再徙金陵采端明殿學士穀之子新通判吉州遂家泰和邑中其後凡再徙至今雙溪蓋居雙溪者又有新舊之分焉自端明迄今若干世歷時既久子孫益蕃感而歷歷可指數若前日者以有譜在也自古爲春秋學者有年歷譜牒之說漢太

史公約世本修史記因周譜明世家當是時典籍猶有可考晉唐以來有姓氏簿狀有姓苑姓林有氏族志家譜則有韋氏裴氏之類蓋更五季以後始皆亡之今所見者歐蘇譜而已夫古人之所急而今人以謂姑徐徐焉者豈故爾邪其亡之久故也惟仁人君子知統宗合族莫切於此故汲汲焉求之而幸有其人以續於後然後其心庶少慰若鄭氏之譜是已宗顯修譜時力能得諸先輩序共道鄭氏之所以感故今主事君屬序不復重述其故特序所以續譜之意

尚約文鈔 卷四 序

五

以歸之主事君名清廷憲其字以書經第正統壬戌進士在武選籍然有聲於時

三溪彭氏族譜序

族不可無譜久矣何也蓋受氏既遠則其生必蕃其生既蕃則勢不能以無分勢既不能以無分則雖同本宗而喜不慶憂不恤死喪不赴亦理之必至者此譜之所爲作也譜之作有法則自吾之世等而上之有以見其初本於一人自其初一人推而下之有以見系雖眾而不紊而旁考吾之兄弟與吾父祖以上

之兄弟則自期功緦麻袒免而至於無服皆可一覽而得之如此則其生雖蕃而恆有以統之其勢雖不能無分而恆有以合之是以君子必於斯盡心焉自唐以來作譜者非一人所以作者非一例而世之所稱者惟歐陽公蘇老泉爲有據老泉主宗法止於五世而已歐陽公則做鄭立詩譜史記年表之意爲圖自始祖以來迄於五世五世既盡復揭之爲一圖衍而下之至於無窮今之爲譜者大抵皆歐陽公之例也三溪彭氏世爲臨川著姓曰字字所高蓋彭氏之卓然者宣德丙午以書經中鄉選歷教職有稱於時至是因其舊譜而重修之斷自其所可知其不可知者略焉彭氏之先嘗戚矣至君祖德基父自中皆有隱德而君復遭時自奮取科名以應仕於四方蓋於今爲益戚既爲譜圖於前復著別錄於後以紀其世德而生卒歲月與夫葬某所娶某氏併皆附焉君之用心亦可謂勤矣世之不知務者於其他則汲汲爲之至於譜乃以爲迂闊而莫之爲不知統宗合族長其仁慈忠厚之風消其刻薄暴慢之氣於此焉有助

尚約文鈔 卷四 序

五

也然則彭君其可謂知務者哉吾於是取焉故特序以歸之

潮陽李氏族譜序

天下之至嚴者禮而已矣禮也者所以定親疏決嫌疑別同異明是非而無所苟焉者也事不由於禮則必苟苟則因循遷就親疏之不定嫌疑之不決同異之不別是非之不明如人行中夜俛俛焉莫知所適之東西其不倍違乖戾爲人所指疵者蓋鮮矣予觀潮陽李氏之譜其可謂禮之至嚴者歟譜國子學錄

尚約文鈔

卷四

序

五

景齡所修也李氏不知其先所徙相傳元時有仕於潮者因占籍焉此潮陽李氏之始也其裔曰思謙思謙生元中元中生憲舉則景齡之曾大父大父父也元中生方彌月而父母皆沒鞠於外姊夫魏氏遂冒其姓至於今未改憲舉以明經中鄉選應興化教授嘗作李氏譜將請於朝以復其姓未果至是景齡成其先君子之志因其舊譜而續修之間以質予求爲序予受而諦觀之其規畫位置雖祖歐陽公之例而其實與蘇文公之譜暗合焉蘇之序有云唐長史味

道刺眉州卒官一子留於眉眉之有蘇氏自此始而譜不及者親盡也予少時雖知其說而未考其詳及入翰林讀書中秘因得蘇氏刻譜觀之然後知文公之譜用宗法止於五世然五世以上蓋亦莫之知所錄纔四世焉今李氏亦因游宦遂家於潮而其所知者亦不過五世則亦蘇譜之類也凡人於事非禮以爲據則不免前所云云之弊故欲尊其祖而強所不知以傳會情之牽也欲復其姓而安於所冒以不決愛之蔽也不牽於情不蔽於愛非知禮君子其孰能之予於景齡之譜有取焉故特表而出之以冠諸編端俾李氏子孫讀之知迺祖父之所爲不苟者有以也

尚約文鈔

卷四

序

五

浮山李氏族譜序

翰林檢討安成李君克述間以浮山李氏族譜示予蓋其曾大父昂霄與其兄順陽所輯錄而君編次之以成帙者屬爲序按浮山之李相傳以謂白芒所分白芒之族實出唐宜春刺史游游則嶺南節使憲之子而西平忠武王晟之孫也白芒距分宜南境爲近

故凡自白芒分者皆號爲西平李氏而譜不及者遠不能詳也自白芒凡再徙至南田徙浮山其間墓址墳墓歷歷可徵然更宋元之變失其世次而譜亦不敢傳會名字以實之者重傳信也其斷自七承事而下所可知者於今蓋十有三世其尤近而詳者則自徙浮山以來又七八世矣浮山雖上下兩房先後異徙然皆五十六承事之後上房實業極盛至國朝伯亮以人材徵仕至司獄而著下房在元時昂霄翁以學行稱於鄉至今檢討君父子蓋益著矣宜春刺史

尚約文鈔

卷四 序

五

其歷年計不下三四百年之久其間植德秉義者殆非一人蓋至是始有發達之兆焉使繼今益相與培植維持之將不有嗣西平之休聞於後者乎在李氏子孫勉之而已此蓋檢討君所望於後人者也予因序譜特推其意以言之

灘江王氏族譜序

灘江王氏族譜者興寧訓導琳中韞所修也中韞間以示予求爲序且曰斯譜始修於九世祖盤山繼修於伯父效先琳則因伯父之舊增續之一遵成法而

尚約文鈔

卷四 序

五

未嘗毫末加損其間幸爲之序俾後之人知琳雖嘗用心於斯而實敬慎如此王氏之來秦和自諱迪始宋熙寧中迪爲洪州左司理棄官隱青原山中二子曰伯始伯仁伯始卜居灘江故灘江之譜迪爲初祖也伯始伯仁分上下兩房五傳至復四子曰圭顯璋瑩蓋又分爲四房焉圭生彥彥生盤卽所謂盤山者盤生應道應道生昭德昭德生恆樂恆樂生景先景先生中韞蓋自司理以來至中韞之子於今十有五世矣王氏故衣冠族入國朝尤著或由科目或用薦

舉子復爲國子博士效先厯象山敬先厯岳池皆教諭嗣先桂平令伯輝德慶訓導起霖新會丞然皆先後物故矣今存者中韞與其弟上舍生慥豐潤訓導并祈門訓導度也王氏一門何其威哉竊嘗觀鄉邑故家大族往往居室埒封君田園亘阡陌而子孫不知持守之道更數世之後蕩然弗存或委靡而不振者有矣獨王氏恬然處於鄉初無豐貴厚產勢醖熏灼可以耀人之視聽而簪纓蟬聯先後相望繼承不乏何哉詩書忠厚之澤有以作興維持之也中韞之譜雖因前人之舊敬慎而不敢有所加損然詳紀備載使後之人覽之油然而興起其繼述之念中韞未必無意於其間也予故爲論著以歸之若夫敘昭穆辨親疏溯流窮源以知一本之故則諸先輩言之詳矣此不復道

唐溪郭氏族譜序

吾郡萬安郭氏獨多於他姓其族非一然皆以故家稱於時若唐溪郭氏其一也郭氏之彥曰紹字子繼歲秋八月以賢良薦至京間以譜示予求爲序按譜

尚約文鈔

卷四 序

三

始於磐石其先居符竹二世曰天益自符竹徙今唐溪之陂頭蓋天益壻龍泉上州蕭氏陂頭之基蕭氏故地也自初徙迄今凡十有二世而其族益盛其間曰庭實曰以德在前朝皆至顯宦子繼之尊府曰仕道洪武丁丑進士由行人厯官至順天府尹而沒其明達之才剛毅之氣廉介之操至於今指紳之士與夫鄉人父老猶稱之此其譜之可徵者也予反覆是譜而觀之有以知唐溪郭氏之所以威而其所以爲故家者豈偶然哉夫所謂故家者不患無以作於前而患無以繼於後當創造之初必其有以知成立之難儉勤忠厚以植其業故以一人作之而有餘厯數世之後日遠月忘祖宗之業相視而莫之顧非有傑然特立鮮能振起家聲而不墜故雖子孫之眾而繼之者常不足也幸而得賢子孫有以繼之此故家之所以益盛歟唐溪自盤石天益肇造於此其後起而續聞者固不少然至庭實以德爲著迄於國朝則府尹君尤著者也府尹之後而子繼又務讀書與其兄經字孔綸皆知卓立以承前人之休則郭氏之所以

尚約文鈔

卷四 序

三

感者豈非世有其人歟吾聞郭氏之族今雖多散處
然皆不出唐溪春秋之祭及歲時正旦之慶必會於
孝思之堂長幼羅拜凡二百餘人是族誼猶未散也
今某又能惓惓以譜爲事而修輯之使族之長幼觀
是譜者油然興起其水木本源之念思所以繼之而
無忝於先人郭氏之威詎有涯哉

尙約文鈔卷四終

尙約文鈔卷四 序

重

尙約文鈔卷五

明泰和蕭 鑑孟勤著

宗後學上田敦政校刊

序

送憲副彭公赴任山西序

彭公毓敬以廣東僉憲九載績最擢山西副使於其
行廣之諸生在太學者相率求言贈之且曰公之在
嶺南也下車之初卽檄所在之學各置二簿署其一
曰獎勵凡生徒制行純雅問學有進者書之其一曰
懲戒其頑不率教過而不悛者書之付之學官按臨

尙約文鈔卷五 序

日察其實而進退焉又以爲學政之與弛視乎師儒
之賢否故凡學官有缺必訪經明行修之士薦諸朝
俾任其職而其中學行優等者卽殊禮以待其不然
者則正色以泄之由是爲師儒者有所感激思所以
表率於上爲生徒者有所勸懲思所以進趨於下如
是者數歲之間嶺南凡七十七郡縣非獨通都大邑
藹然教化之洋溢至若遐陬僻壤士習素怠於學者
亦皆欣然知所向方焉蓋公之績其威如此又曰公

之去廣之士皆思之而生等獨蒙造就以有今日其思之尤深不得以爲贈將無以慰生等之私而著公之績於久遠願以請也初公之之廣也予嘗贈以言蓋有所規諷之矣公謝曰人之言其利博哉予固知公之有意於教也至是公之成就果卓卓如是若復有所陳於其行得無復出邪亦惟頌公之績以志其勤焉耳古君子之贈言非徒然也有規焉有頌焉惟其當而已矣當頌而規是爲浮辭以相激躁也當規而頌是爲好言以相悅諛也規而不躁頌而不諛則其規也非爲厲其頌也非溢美何所施而不可哉然則予於彭公向也以頌奚過焉惜也不腆之辭不足著公之績於久遠則亦聊以慰諸生之思且告晉人之未知公者以爲他日之徵云

送樂僉憲赴任廣東序

憲臬居方面之上所以檢二司糾郡縣者也朝廷旣建百職矣而猶防壅蔽聖姦慝也於是都有都臺憲臬之設焉都臺掌風紀於內者也憲臬掌風紀於外者也故憲臬視都臺地雖有內外之殊然爲天子耳目

尚約文鈔 卷五 序

臣一而已矣凡居是職者必皆在京三法司之屬或在外藩屏之僚譽望夙著爲大臣所推薦者然後得以致之其他不與焉其重而不輕也如此樂君象乾始以薦居湖廣憲幕在任九載能績煒然旣而又以薦爲浙江僉憲未踰時政聲藉甚上下間於是人皆曰以樂君之材今而後得以展其素蘊矣無何竟以憂去至是服闋有廣東之命於是刑部郎中羅君崇本謂予曰子與樂君相好能毋言於其行耶嗟夫予言何足進哉然予竊見今之居憲臬者往往避彈劾

尚約文鈔 卷五 序

之勢隆忠厚之譽而於所當爲或有未盡何則有司親民者也不能綏撫其民而苛刻焉爲憲司者固宜黜罰之矣而乃優容之至於民無所赴愬或去而爲盜有司固不自言憲司亦不以聞安在其爲耳目臣也廣東固爲名藩然大海在其南庾嶺據其北峒居島處之民難撫易動而珠璣犀象齒革羽毛百貨之產皆足以啓貪而誨盜吏於是者得毋有肆其苛刻者乎有之而弗知不明也知而弗能去無勇也不明無勇其何以副朝廷委任之重耶樂君之材自昔爲

當道所推許今之往也適遭明天子當宁求賢之際盡心以奉職斯其時也惟君勉焉予見嶺海之間肅然秋霜之勁而藹然陽春之和矣

送劉司訓赴嚴郡庠序

十年前予與今壽昌貳尹劉君士器同載上京師時昌言侍君抵郡城舟中因以所作質之予其氣足以充夫辭其辭足以明夫理盡其卷無有不當予心者予與劉君交久莫逆見昌言之作而大喜爲之賀曰令子誠力學不已一第不足取也自後予忝官於朝

尙約文鈔

卷五 序

四

劉君有壽昌之命或上計或滿考來京胥晤之頃必問昌言所爲知其年益以壯業益以成但意其不得一面以爲歉歲秋七月昌言領薦來謁予旅邸予見之喜且訝因謂昌言曰爾伯父士皆歷河南憲副士拯爲兵科給事中俱由進士尊府雖不及會試然與士拯聯登鄉榜鄉人皆嘖嘖稱羨以謂劉氏之盛也今子獨不能少待一二歲角技於有司以嗣乃父伯之志而汲汲於此邪則又私竊自念君子得時則行深閉固距而不試非也旣爲人所知而被薦猶拘拘

以待科目非固邪昌言之來未爲不可也昌言旣試內廷優等得嚴郡庠司訓瀕行請言於予嗟乎予能毋言於其行邪士之所以窮經者體與用而已體者學之謂也用者教之謂也然二者可易而爲哉記曰學然後知不足教然後知困學而至於知不足教而至於知困其於體與用庶幾矣乎昌言以明敏之資承家學之懿既有出於人矣使於是益勉焉而不怠以止則他日造詣遠大不有光於乃父伯也乎壽昌嚴郡屬邑昌言距親舍密邇一味之甘亦得致左右

尙約文鈔

卷五 序

五

其真遂所欲矣而予之所言不可以不念也昌言拜家慶之暇尙質之尊府其以爲然否乎

送劉司訓赴蕪湖縣學序

司訓以儒士明經舉自昔爲然而莫威於今蓋異時廣科目之選鄉試之額視今三倍會試乙榜所取如之爲教官者往往由是焉出以故資於薦舉者少自洪熙以來減科舉之數非學校弟子員不得與鄉試比歲雖稍增解額而乙榜所取如故天下之教官日缺以故資於薦舉者多蓋資於彼而豐於此亦勢使

然也士抱一經矻矻然窮日夜之力於十餘年間一旦出而膺有司之薦雖不如科舉之煩密然以韋布之士率然伏殿陛之下不半日之間而三場皆具必經旨不倍而文辭煒然中程度者然後在選列亦可謂難也已夫以得之之難宜其任職無不稱然亦或不愜所聞何哉蓋恃其已得而不知教與學之不可以已也傳曰學然後知不足教然後知困其此之謂歟載言字行之泰和劉氏之彥也其先尊府河南憲副士皆與其從父士拯士器皆由科目知名當世行之爲人端重通敏可喜昨者以詩經被薦一賈而售可謂得家學之懿矣今司訓蕪湖將以教人爲責者也夫學固貴於施教尤貴於不廢學蓋學者其本也教者其用也故學必至於知不足教必至於知困然學與教之道得而可以任司訓之職無忝也行之而務乎此則人將曰行之真可謂賢司訓也推本而言又將曰行之能光其父叔之訓者也苟如是則無負於今之薦舉也必矣予與憲副君兄弟相好非一日而士拯又適以太平經歷會於此敦久要之義故

於行之之去不以頌而以規

送劉通判赴任嚴州序

劉君尚紀洪熙中由薦舉擢廣東興寧令其後歷武昌陽城臨海四縣凡十有八年始滿三考至是有嚴州通判之命君在官廉介自持粗衣菲食以率其妻子未嘗一毫非義取於民政頗嚴切而其志主於利愛故中間屢遭詿誤幾困矣然謗者之口不足以勝譽者之舌不害君之爲聲也泰和數十年來爲州縣於外著能績致理效卓卓爲時所稱道者先後相望至論特然不混以清苦自名者君未嘗不在偃指中其得今命也人皆以爲宜或曰今之通判不若昔之爲令也令雖縣正也通判雖郡佐也正則事之張弛操縱皆得專制而已足以行其志故其爲聲也易佐則事之張弛操縱皆不敢專制而已不足以行其志其爲聲也不難乎是不然令雖得專制然責叢於一身而其任實重通判雖不得專制然責有所分而其任亦輕任重則難爲任輕則易稱亦較然章章明矣況以劉君之材去難而就易使終始不易其操圖

惟取績以自效則郡之聲將不十倍於縣乎劉君勉之他日聞浙水東有赫然隆譽望者必尙紀也

送張君赴金華貳尹序

永樂丁酉泰和中江西鄉選者凡十有四人張君時薦其表然者也越四年辛丑擢進士第授南京監察御史當此時邑之先達爲御史者或陞或黜相屬去後進者尙未繼起獨君卓然以風紀自任其聲藉甚搢紳間蓋泰和稱名御史必曰張君予忝廁十四人之後方連蹇於家見君日進於顯融私心竊喜意謂

尙約文鈔卷五 序

八

其功業可立致遠大異時爲同年之光者其張君乎既滿考入覲以公務當復命一言之誤得秀水貳尹以去在職未一載連遭憂制自是困挫幾十年至今而後有金華之命君需次吏部時嘗自陳以謂宣德以來屢下恩詔小大之臣自非以賊敗者雖大辟之罪猶得還職獨臣以應對之失猥滯外任書奏下吏部吏部持不可而在朝公卿之相知者屢以君學行薦亦格於例不果用嗟夫以君之學之材嘗顯矣一坐小累竟不得復列朝著以展其素志此不特予同

年惜之蓋凡鄉之仕於朝與夫雖非鄉故而嘗交游者皆爲君惜也然予竊念之抑或有不然者何哉君子之仕也不能小者不能大不能屈者不能伸蓋不務充乎己以自足而徒恃乎外以求進未有能濟者也故必窮通一視夷險不易率是而行斯無往而不達矣金華大邑也貳尹邑佐也以君十餘年抑鬱之懷一旦發諸設施之際推所有而致之用予知邑人之蒙其澤而君之能績將大著於此誠如是雖欲終屈於下僚不可得也奚遽爲君戚戚哉然則張君所

尙約文鈔卷五 序

九

以光同年者未晚也當翹首以俟

送貳尹龍君赴任序

予弱冠時龍君允常已爲邑庠弟子員其資性號聰敏通悟讀書不數過卽臺臺成誦聞人鉅卿所爲詩文一再經目輒記憶不忘爲文章下筆立就若不構思而辭旨煒然有過人者先生長者多愛重君以謂故家子弟聰悟如此科第不足取也當是時君年少志銳謂功名可俯拾特有所未暇耳乃日優游田里以植業養親爲事或勸之仕輒搖首不顧自是荐更

憂制而向之壯心豪氣無復存矣年踰四十始以例入國子監爲諸生又更十年至於今而後有番禺貳尹之命或者爲君惜曰以君之材之學平生所以自處者如何人所以期待之者如何謂當躋華陟要一展所蘊以自見於時而方且挈舟懷牒走嶺海之間鬱鬱爲人佐豈所宜邪是不然凡士君子之出處固各有命焉要務盡其在己者而已故得不厭晚惟其終位不愧卑惟其稱夫以百里之地而出政治於其上者令而已其次則丞也丞不能盡夫贊佐之道令可得而獨理乎故爲丞者一動心其間澤固可以及民也況番禺爲廣州附郭邑藩府之所密邇貴人使客之所往來苟能修其職於此又可以致名聲著能績爲進取之地非下州小縣蔽於幽遠者之比則君之得雖不蚤而可以圖終也位雖未高而易於求稱也奚宜以晚出秩卑爲恚而不盡其在己者乎明乎此而後有以知義命之所在也君聞之欣然謝曰環雖不敏敢以不勉予喜君之將有成也因序以贈之

送曾太尹赴江陰序

尚約文鈔 卷五 序

十

曾君季宗爲令於旌德未朞年舊令復職君應調上吏部至是有江陰之命戒行同邑仕於朝者相率屬序贈焉初君之在旌德也因民之俗而爲政不煦煦以爲德不赫赫以爲名凡禁令之施務存大體而不肯操切苛察以盡其情居未幾民大安之比其解任也莫不齋咨太息不忍其去謀相與留之以例不可而止及有今命或者曰旌德在山谷之間民淳事簡故曾君得以行其政江陰常之大縣也舟車之所會衣冠之所出而戶口之數租賦之征訟獄之理供億之辦皆非旌德之比曾君於此殆將難爲乎此非知言者人惟其材之不逮也故優於爲小而不足於大如其材之充也非遇夫榮錯夢結之地有不足以自見焉千金之駿非不健且疾也然必得四通五達之衢然後足以馳騁而自快使其局促於荒塗仄徑之間雖欲免於顛隕不可得安求其能超軼絕塵也乎曾君以磊落之材宜無施而不可者然昔之旌德小試也今之江陰大行也君於小試旣已得其效矣則於大行而曰難爲豈理也哉請以君是行卜之也憶

尚約文鈔 卷五 序

十一

予弱冠接君於邑庠當時君以楷書被召告歸卒業焉一時同事者四人惟君長身白晢意氣偉然予固私計君當遠大也及今閱歷四十餘年向之同事三人已皆困頓不振獨君翩翩然方得百里之命以去然則君亦可謂大器晚成者邪夫惟其晚成故其進未已也君誠於是勉焉異日最續之書蹟顯秩荷寵褒未必不自茲行始矣奚難云乎哉是爲序

送劉司訓赴武進儒學序

劉君臯叔良前監察御史叔用弟也予與叔用進士

尚約文鈔

卷五 序

三

同年嘗敦世好蓋先運副公實從前吏部尚書槎翁先生昆弟三人叔用乃祖東原先生其季也在當時昆弟卓然以詩鳴惜予生晚不及識之而識叔用之尊府士方先生尤落落負奇節克世其家然自槎翁先生舉於鄉及叔用始以科目繼其後予深爲之喜叔用亦以予克嗣先人遺緒喜之兩人者深相得也叔用爲御史滿三載竟沒予每言之未嘗不爲之齋咨太息而或至於流涕焉今年秋忽叔良領薦至未幾叔用長子元又領薦至予方思叔用而不可見一

且見其弟又見其子其欣慰可量耶至是叔良得武進司訓元得慈溪司訓予因念槎翁先生昆弟垂裕於今七八十年之間而孫曾繼起如此劉氏詩書之澤一何盛哉叔良行請言於予嗟夫予豈但與御史君世好叔良亦世好也惡能毋言於其行邪朝廷育人材必建學校以教之司訓所以任教事有師之道焉欲盡乎師道必充乎己而後可夫以令祖昆弟之文章炳炳軒天地貫古今子於是而涵濡其家學益勉焉毋怠以之充乎己卽以之教乎人使武進之士

尚約文鈔

卷五 序

三

日握衣於堂下以得明師爲賀如此乃爲有光於先世之澤也設或未然而徒居司訓之位其能毋譴邪叔良弱冠教授里中累舉鄉試不偶而清苦自勵益甚予知其能盡師道也審矣今之爲御史者往往於司訓之秩滿者取之安知叔良異日不繼乃兄之烈乎在勉不勉如何耳叔良必勉之毋讓乃予所望也送太常少卿王君詩序

王君益夫始以修宣廟實錄入內閣書制敕機密文字遂繇中書舍人歷太常少卿蓋於今二十年矣君

博學善論議於古昔成敗當時人物高下事體便不
便歷歷如指諸掌嘗以其意見有所陳說屢蒙嘉納
自負其所有不肯媵姁脂韋以隨於人搢紳長者多
知君而予知之尤深咸以謂益夫有用之才使之施
諸政事當煒然著聲績非但一時翰墨之工而已至
是有南京之命或者惜之曰王君智足以燭幾學足
以應務材足以立事謀足以適時而久處禁近諳典
故是宜日置明天子左右俾得少展布有所廣益顧
乃處之遠外何邪是未知朝廷用君之意也祀與戎

古

贈馮司務序

司務九品秩耳然部事無所不當問自屬司之達堂

上堂上之下屬司與凡在外百司之公文出入者率
由焉五日則悉條其所出入者面進之諸司政務有
遲錯皆得以糾舉掾吏之不法者往往立之庭下督
責焉其職甚要也每旦詣堂環揖罷左右序立輒表
然在郎中之上九載秩滿陞員外常例也其或爲知
者所薦則擢方面郡守而去者累累有之其望甚高
也凡在是職者皆然而吏部又六曹之首以地而輕
重之蓋視輩類特出也職甚要望甚高又特出乎輩
類故授之者常難其人而得之者常不易其秩幸而
在所選非但自以爲過望雖鄉之仕於朝與夫平日
相往來者亦皆爲之喜且賀焉馮顯字景清大名之
開州人繇鄉舉入太學至是有吏部司務之命鄉之
人皆爲之喜於是介國子助教胡君琮請予文賀之
景清始者在諸生中循循謹禮度予固察知其爲人
其後歷政稽勲三載人多稱之夫美職得之則喜不
得則病恆人之情也不得不以爲病得之不以爲喜
其君子哉司務固美職在吏部尤所謂美者也然有
事之者有友之者有使之者上焉者事之者也中焉

者友之者也下焉者使之者也事之而不以其誠則慢友之而不盡其道則謗使之而不得其情則褻以怨如是而欲久安而無譴亦幸矣景清於此其亦知所慎哉不以秩卑而自少不以職美而自多惟所當爲者日加勉予知景清之造於遠大也不難矣

贈太常少卿劉公晉秩序

景泰七年五月初九日翰林院修纂宇通志成以進是日上御文華殿審覽畢卽詔吏部凡與纂修者各陞秩有差於是劉公宣化以右春坊大學士兼翰林侍講陞太常寺少卿兼翰林侍讀諸同年在朝若禮部侍郎姚公等皆爲之喜曰劉先生爲吾儕榜首齒德俱先今諸君皆進一級而吾劉先生得進二級紆紫腰金其恩莫大吾徒之華也不可無以爲賀乃相率徵文贈之而以屬予公正統壬戌科進士第一人也初永樂丁酉秋公與予實同鄉選蓋家居凡二十有六年一舉而魁天下之士在翰林僅十有五年累進而與九卿之列誠可謂榮矣夫其積之久故其發也必大培之深故其成也必速公自鄉選入翰林蓋

尚約文鈔

卷五 序

七

四十年於今其所以培植者如彼而所以成就者如此宜其爲同年所推服而思有以爲賀亦其好賢之心有不能自己者歟國朝自洪武庚戌以來至於今凡二十五科而進士第一者予郡凡七人焉七人者惟今少保陳公官一品其至四品者則前少詹事曾公暨公與彭君純道三人而已其他雖清德雅望一時寵任無比如胡先生者官亦不過學士豈才智相去若此遠耶所遭之時異也我朝之制翰林官之尊者不過五品是以永樂以前名位之極止於學士而已洪熙以後列聖尊寵儒臣以謂學士不足以褒異於是自三少而下至尙書侍郎之拜往往有之今公幸遇聖天子偃武右文之日稽古纂述之事歲不暇給而公之才之學實足以欽承之非千載一時之會歟夫齒德在人者也時在天者也以在人之修而承在天之眷予意公自今以往不造於一品不止也諸公之賀奚但今日已耶若予者又烏可不爲之賀耶故不辭而特次第其說以塞請尙諸公重同年之會竊願以鄉選之好厠賓筵之末也

尚約文鈔

卷五 序

七

贈朱主事序

儒與法家非兩塗也自太史公倡爲六家之說謂儒者以六藝爲法博而寡要勞而少功法家可以行一時之計而不可以長用於法是法與儒始歧爲二然當是時凡決大獄欲徵古義往往詔博士弟子治尙書春秋者定疑法則是猶有用儒之意也後世議者不之察乃曰三尺非儒者所長至爲讀書不讀律之說噫何其言之悖也使律之理出於書之外儒者固無用也律之條必傳書而爲也而曰非儒者所長其得尙約文鈔卷五序

也刑部郎署法理之職也以儒者而任法理之職宜其謂非所長者而反以能績稱儒與法可歧而二之邪議者殆未之思也廷寵抱一經積十餘年之勤既有其本矣今而任刑部蓋始試其政也夫推移無常者事也一定不易者理也以不易之理而尙無常之事豈非儒者之善用法也乎書曰伯夷降典折民惟刑典刑非二物也廷寵勉之無令鄙者議吾儒無用送張太守復任蒲州序

張君廉字惟清陝之咸寧人也爲蒲州知州凡七年尙約文鈔卷五序以憂去越數月州民三百餘人詣闕乞奪情視州事上特徇其請允之君當還職於是同知黃蒼時以公務在易州聞之喜乃持書抵國子學正謝琚請文以贈書言張公繇刑部照磨調臨汾登九載而有蒲州判官之命期年其政大行吏民畏服之知州適缺軍民僅千人以公請於朝遂授前職公爲政簡而嚴明而信介然自守蒲爲州九十里夏秋兩稅十餘萬軍民雜處治之者常不勝其擾而征輸亦往往不能辦公既處之有方軍民相安莫敢犯其令征輸不用鞭

朴每先事與之約民謹趨之無一人後期者詞訟至庭一言而決囹圄恆虛羣隸無所爲吏人日令習字而已以故蒲之治常爲山西最焉先是給事中劉益嘗有事於州還言河濱海神二祠卑陋不足以供祀乞敕知州張廉修理之命下公卜日鳩工浮木於河陶瓦於鄉不需一力一錢於民民但觀祠成而不見役之及己至若舜禹孔子之廟公府之廡煥然一新蓋公之材磊落有爲如此蒲民所以眷眷不忘公也予質之謝謝以謂良然予嘗歎今天下之郡縣不過尙約文鈔 卷五 序

乎賢守令也每讀漢循吏傳輒爲之扼腕健羨不已及聞張君在蒲事然後知今之人蓋有之但予未之知耳夫民固不可以威制而可以德感也德之盛則其感愈深若張君所爲可見已使自今以往益勉力不怠以止則漢史所書何足多邪予雅樂道人之善而遽喜得張君故因黃請而次第其說贈之且勗其終焉

送太尹周君復任內黃序

內黃大名屬縣也大名之爲縣者凡八而內黃爲最

下其地渴鹵不毛可作治者什四五民盡力治生業僅足自給稍縱而游惰輒困不自勝轉徙而之四方者往往有焉周君仁本始爲太尹於此歎曰衣食不豐雖卓魯不能以爲治乃悉召縣之耆老問之皆曰地產誠薄然俗長於織作大率租稅之入公府之需皆布也於是籍民之婦女因其少老而爲之程人歲成布若干疋爲之限而督察之失期而不辦者有罰不失期而辦治且加贏者賞之公府常賦之外聽民自便民既得以應公府之急而又私其贏餘皆勉於尙約文鈔 卷五 序

趨令君又教之樹藝畜牧皆有方法積之以漸而待之以寬守之以廉而行之以恕居一年日入於治比及三載大名八縣獨內黃之治最焉予嘗讀班固循吏傳尤愛龔遂治渤海勸民務農桑令口種一樹榆百本蠶五十本慈一畦韭家二母雞五雞秋冬課其收歛於是郡中皆有畜積而渤海之治獨稱於當世私竊自嘆何當時循吏之盛而今之爲郡縣於外如固所書者卒未之見也豈今之人不如古邪及今周君之政於內黃之人蓋與所行大類私心獨喜然後

知古人之事未嘗不可行特今之人莫之行耳夫政不患其難行而患行之不久內黃之治既效矣使周君自是益力行不怠以止何卓魯之不可及邪今之人猶古之人也於是君以三載考最還職邑之仕於朝者徵文以贈予與君同郡且舊因喜而爲之書
送學士周先生赴任南京序

先生吉水大族其先世在宋元間與其尊府員外公在國朝皆以言事剴切顯名於時先生亦嘗有所陳說爲今上所采納矣而其大意猶欲有所論著也嘗

尙約文鈔

卷五

序

三

謂予言吾曾祖以立當元至正間與修宋遼金三史上書以宋爲正統附載遼金事時不能用竊欲成其志而未能焉蓋先生屢欲言之朝弗果而先生之心予有以知之矣今者膺學士之命當之南京或爲之惜曰周先生自擢進士選庶吉士入翰林歷官至今三十年其博學擅名文章天下之人咸聞知而通敏有識量雖輩行皆自以爲不及然當時同年而進者位六卿長省寺往往而是而先生乃始得從五品之秩於茲況先生數年以來親侍經筵進講左右日有

所開說以裨益治道而今乃使之違遠以去雖有所蘊蓄莫得敷陳於前在先生將有不釋然者矣此非知先生者翰林之職至於學士雖常見之人亦知其極榮其他蓋不足較也而先生心尚恬退四三年前已營度爲去之計今皇上之寵命適遂其素心其喜可勝道哉夫君子欲行其道事與言二者而已大者見於事其次著之言得著之言雖不見於事可也而著言者非閒且靜莫能焉昔司馬溫公修資治通鑑居洛十五年始克成之得非閒且靜之力歟今先生

尙約文鈔

卷五

序

三

有意著述適得閒靜之地自是可以成前人之志儼平昔之願此先生所以欣欣然而去尙有不釋然者哉雖然方今明天子在上議禮考文時也欲有所制作舍先生其誰召命自天璽書諄諭其可以簡便自遂邪予忝居僚末辱先生愛厚爲知己故於其去特推其素心以解或者之說且有望於先生焉

送亞卿楊公赴南京戶部序

皇上入正大統當時潛邸侍從之臣若小若大罔不被超擢東萊儀公兵部尙書姑蘇楊公禮部尙書致

仕嘉興應天兩俞公太子少傅少保南昌余公僉都御史太原朱公大理丞獨晉江楊公絳伴讀爲戶部郎中久之不得調人皆惑之至是朱公遷大理少卿公特陞戶部侍郎有南京之命於是人始知公之有待也或曰公侍潛邸時最以端謹稱及在地官恂恂耶署間不肯幾微自矜銜而焯然著能績於時此其人誠所謂簡在帝心者是宜置諸左右備股肱心膂之寄顧乃俾之遠外不得朝夕進見何耶此非知言者京師雖輦轂所在而南京實根本之地皇上所甚尚約文鈔 卷五 序

未踰年特驛召還遷兵部遂有太子太保之拜然則楊公之任其能終三年淹也乎予又知公之果有待也於是瀕行郎中薛遠等徵文以贈予近於求文者輒拒弗與念公同僚又重薛請也特爲之書

送方伯萬君赴任山東序

正統十三年當述職之歲天下自方嶽至府州縣之長皆朝會京師其間以老病自言者百數上憫之悉從其請於是方面之缺者凡三十餘人吏部數以聞上難其選輒報罷至是復以爲言乃詔三品以上各舉所知如例而方伯廉憲之選必合辭僉舉乃允焉蓋同時膺方伯之薦者凡三人南昌萬君觀其一也君字經訓永樂辛丑進士擢南京監察御史用薦陞嚴州知府丁外艱服除改知平陽在南京赫然以廉能著稱在嚴州其績尤著於時而平陽之民懷其惠利者追思至今蓋君之賢見重於人久矣及得今命皆曰若萬公真可謂不負所舉者也竊嘗列職詞垣叨在侍從日得親覩聖天子所以遴選方面之臣重而不輕之意觀見則燕勞之陛辭則告飭之而方面

之臣亦皆竭心殫慮以求自見於世未嘗不作而嘆曰於乎上以賢待下下以忠應上豈非明良相逢千載一時之會哉夫士平居抱經濟之才常患不得乎時以行之也得時矣而不知所以行奚可哉萬君自筮仕以來於今三十年雖嘗職風紀任專城之寄然未若今茲之大行其道也山東固齊魯地其爲府六爲州十有三爲縣八十有九地方數千里民不下百萬戶聖天子一旦以是任委之君則一境之內治有所未治民有所未安其誰之責邪夫未得時而欲行者妄也得時而不思所以行者違也行而不由其道者過也以君之賢推平日所抱負者行之予見海岱之間將有頌于蕃于宣者矣

送參政嚴君赴任雲南序

正統戊辰夏五月上詔在廷大臣各舉所知以任方面於是廣西道監察御史嚴君頤戶部亞卿余公實薦之或以在職日淺爲疑余公曰何以日之深淺爲也比年御史泄事於光祿吾所知者十數人往往以事去其間寬厚勤慎焯然著聲稱者嚴御史一人而

尚約文鈔

卷五 序

五

已若問所選吾以身任之事聞於是君有雲南參政之命宣德丁未初君以乙榜任江陰司訓既九載用薦擢桐城令未幾又用薦爲御史在桐城施惠於民無赫赫之威而民稱思之爲御史雖獨持風紀而不事苛刻嘗按治西蜀遐陬絕微靡所不至而措置邊務綽有條理蓋君之處心以寬故人之忌之者少其臨事以敏故已不勞而能有功此其所以致聲績於當時而膺今日之薦也予嘗讀史記至褚先生附載匡衡事以謂衡十年之間不出長安城門而至丞相或守之日久不得或爲之日少得之皆歸之命乎特以其說不然士君子之仕也視其材何如耳材誠不逮邪雖守之日久不得謂爲淹也材誠卓越邪雖爲之日少得之未爲速也設不問其材之高下而一談之命則是卑鄙猥瑣之徒不必讀書力善亦可坐致卿相矣豈理也哉嚴君自任教官以來於今纔二十年一旦爲名藩之佐受三品之秩亦可謂寵榮無比矣然以嚴君之材而又得余公爲之地則其所以致此豈偶然也乎雖然雲南大邦也參贊重任也比年

尚約文鈔

卷五 序

五

邊夷不靖冒干天紀大兵行當殲殪之矣然軍資之所供餽餉之所給非藩屏大臣規畫之其誰責邪然則君之斯行誠立奇功建偉績之時也豈得優游自逸哉惟君勉之毋負聖天子寵任之意

送李太守赴任吉安詩序

正統十三年夏詔廷臣各舉堪任郡守者上親銓注之蓋同日與薦者凡二十三人而國子助教李君孟承有吉安之命宣德以來方面郡守之職多用薦舉蓋自近侍之臣與夫省寺諸司之屬以薦而去者先

尚約文鈔

卷五 序

天

後相望獨國子監自博士助教以下僅四十人久者二十年近者不下十餘年其得與薦聞者無幾至是李君一旦以從八品超陞正四品之秩而又得吉安大郡方千里之任於是朝之士莫不驚愕歎羨而交游往還者私相慶幸以謂李君之荷特恩如此也或者曰李君之材則誠幹濟矣吾未知其守或又曰李君之守蓋素所能者吾未知其材噫相知不深而欲隱度論能得其實者鮮矣若李君者獨予深知之其任教職於外雖以善教得名至其所設施多出人意

表而郡邑大夫事有不可者輒諮而處焉其材可知也家故饒裕而二親方具慶壽考常欲有以自效爲二親榮夫以功名爲心則財利不足以奪其志由是推之其守可知也吉安信大郡然自昔文獻之地其民往往尚氣節崇禮讓畏誅罰導之而易從教之而易化威之而易服非若他州縣之鬬訟弗友挾數而用術不可以信義化誨也異時爲之上者於己有未盡則視爲難治今李君以卓越之材又能廉介自守予見不動聲氣於黃堂之上而九邑之民帖然相安

尚約文鈔

卷五 序

天

於田里之間如此則李君無負於薦舉有光於國監而他日之遠大未可量也於是郡之舊嘗同寅者重李君之去各賦詩以贈予爲序云

送許太守赴任南安序

餘姚許君南傑爲太常博士屢爲當道者所薦弗果用至是復以薦有南安太守之命宣德中詔簡進士入翰林爲庶吉士比永樂初二十八宿例積學中秘當是時在選者僅三十人獨許君等八人先被詔賜之襲衣給以居室其恩寵尤厚厥後三十人者或留

或去而八人之中許君在太常葉君爲縣令眾皆惜之及今兩人者同日被薦超陞正四品緋衣象笏任專城之寄蓋當時三十人者惟二君爲先達於是眾人又莫不歎羨以謂士之出處固自有命不可以先後論也崇卑不足計獨念三十人同處館閣時意氣軒軒然莫不以功業自期待迄今幾二十年光融特達者固不少然其中淹滯不振者亦有矣而二君方且承聖天子寵命坐一方專制千里之地張弛操縱之柄皆由己出平生所期待者一旦見諸行事則其

尙約文鈔

卷五 序

三

志顧不快哉此固足爲二君賀然予尤爲許君喜何也許君爲人謙虛而不矜端重而有守蓋在輩類中莫不推其純然君子也而南安爲郡在庾嶺之下贛江盡處所治者三縣其土沃而歲入倍其民淳而獄訟簡蓋洪屬郡十有三獨南安爲易治夫以簡靜之地使好大喜事者臨之則民將奔走之不暇今南安獨得許君南安僻郡也許君好靜者也以好靜之人得閑僻之地予見暮然臥治於上而民熙然相安於下許君之聲績可勝頌哉此予所以爲之喜也君戒

行舊嘗同爲庶吉士者相率賦詩以贈而以予忝一日之長故推爲序云

送楊太守赴任漢陽序

景泰改元之歲上用大臣議罷薦舉之令凡方面郡守有缺悉從吏部選任之歲秋九月在廷以選而擢郡守者三人焉其得湖廣之漢陽曰楊君德敷予泰和之表然者也君前太師文貞公族子始以禮經魁鄉選來京師一舉而登進士列出入公所循循然未嘗少異於人既而得南京大理評事以去居官九載

尙約文鈔

卷五 序

三

亦惟務盡厥職而不敢以門地自矜非處鄉郡者不知其爲公之從子也予心敬之比公沒以績最拜太僕丞乃始頎然特出眾人中欲樹功業於時每閱馬諸郡還輒以民之困懇懇爲當道言思有以濟之雖予之鄙亦辱屢言之不置予敬之加焉至是有漢陽之命或惜之曰太僕丞九卿之佐也今郎官御史出而居方面之上者接迹以楊君之材獨不當建大旆擁高蓋相先後其間哉君聞之曰是不然吾以眇焉書生一旦致正四品之秩惟職弗稱是懼尙敢他望

予於是歎曰楊君誠可謂賢而予所當深敬者也郡守之重古昔爲然壤地之廣以千里人民之眾以萬數其能張弛操縱生死曲直之者太守也夫方面之上自參政憲副以次非不尊且顯也然日受委託僕僕然巡歷郡縣之不暇欲有所輕重其得以自遂邪而太守獨端坐黃堂之上偃然專制其境內使其無澤民之心則已如有澤民之心孰得而禦之也其爲職不既重矣乎楊君自少知自重其所負已不凡近矣及更事既久乃惻然欲有以濟民之急而惜不得尙約文鈔 卷五 序

送劉僉憲赴任廣東序

劉君孚字誠之與予同里閉自少爲邑庠弟子員卽循循雅飭表然特出輩類中爲文章日見造就旣而選鄉貢禮闈皆高等當殿試予在翰林與執事收卷

得所作而讀之觀其立意之高遣詞之瞻深嘆羨焉及揭榜果第二甲第一由是有刑科給事中之命六年遂掌科事益盡心厥職未嘗一日優游以嬉蓋君自爲弟子員以來予與之往還三十年其立心其行己所見罔非可愛也頃者予過其私第因謂之曰方今方面之職多缺而所舉皆廷臣六年以上者若擇賢能劉君當在所選矣君謝曰予敢他望乎竊念老母今年七十有五而予在職已八載幸及滿考得蒙褒封之榮平生之願足矣敢他望乎予因嘆曰孝哉劉君之用心也未幾竟薦得廣東僉事或者曰劉君在眾人中所謂傑然者今同列與薦者往往緋衣金帶而君獨授五品之秩得毋有不釋然者乎君聞之曰此非知我者乎離家十年日夜老母之念今幸便道拜膝下以紓曠違之私雖千金之賜卿相之貴不願易也敢他望乎予於是又嘆曰孝哉劉君之用心也人惟心存於孝則施之無往而不可何則孝者仁之推而仁者卽所謂不忍人之心也今夫見孺子入井而惻然視僵尸橫道而不一動其中者忍與不

忍異也今劉君拳拳於其親如此一旦施之蒞政臨民之際其肯專刑罰之尙而不隱然於下之人之利病哉予知劉君自是得以行其學矣於是君戒行鄉之仕於朝者相率徵文以贈因不辭而爲之書

送尹司訓赴上海序

永樂初務厚尹先生任上海教諭當是時泰和爲教官於外者不數人而先生在上海獨毅然以師道自重學者化服之上海之人稱之至今先生兄弟二人其子孫甚眾而以科目薦舉入官者不下十數然獨

尙約文鈔 卷五 序

自道歷任至太平貳守其他皆不離教職蓋泰和於今稱教職之威必曰尹氏云前漢陽教授曰克智務厚先生之從孫而如古則克智教授之子也先是其從兄如恢已爲上海教諭矣至是如古復有司訓之命蓋務厚先生去上海於今四十餘年而如恢如古以從曾孫獲世其官於此是豈偶然也哉或者曰昔者務厚先生之爲教上海也所談者周孔之言所服者仁義之行所由者先王之道不特取科舉微利祿而已而往時學者亦皆能遵先生之教以故先生之

名顯當世而稱於今不衰如古之所談所服所由未知能如務厚先生與否而今之學者之遵教恐不皆如曩時學者也然則如古於此不難爲繼乎此非知言者君子之爲教要不可以苟焉而已今昔致異者非所以爲教也是故所談必周孔之言所服必仁義之行所由必先王之道而科舉利祿誠非學者所急也吾之所以爲者如此彼學者之遵與否吾何知焉蓋如古所以盡於己者如是而已矣夫教諭長教者也司訓分教者也如古之職雖不若如恢之專然二君皆務厚先生孫也所爲無愧於前人上海之人固將曰務厚先生遺澤也尹氏賢子孫也設有歉焉其如議何哉故爲二君者無他法乃祖而已矣詩曰伐柯伐柯其則不遠舍柯而伐柯予未之聞也如古行鄉之仕於朝者求言爲贈予於尹氏有斯文之好因不辭而爲之書

送劉君復任序

永樂十九年夏四月太宗文皇帝分命大臣巡撫天下各副以近臣一人賜之璽書俾所至察民之利害

尙約文鈔 卷五 序

而爲之興革考牧守以下之廉墨者而去留之當是時戶部侍郎李昶巡撫山東而泰和劉君士拯以兵科給事中實與偕行李公爲人尙寬厚多所假貸君獨持風裁所按有不奉職者輒罷斥蓋州縣吏望風解印綬者相隨屬山東之民翕然稱快暨復命太宗嘉勞之然當道有務苟容者反指目君爲惠事無何仍命鎮守交趾竟坐小累去自是更歷憂制償而復起迄今踰二十年始以太平經歷滿三載上吏部既考最還官朝之大夫士相率賦詩送之而國子博士尙約文鈔卷五 序

詔書屢下凡屈在下僚者求之如不及如劉君者一爲知己所薦其能久淹於府幕乎安知其不繼今而顯融也乎因序以望之

送太尹劉君復任義烏詩序

正統辛酉春吏部言在京之職少缺而進士需次日久若簡其賢能者俾爲縣正亦足以爲治詔可之於是一時以進士擢知縣者僅二十人其素所往來者皆知其能稱所任而劉君伯詢則知其尤稱者也伯詢得金華之義烏以去人或謂伯詢以英年明經取高第出入朝著未嘗更吏事一旦使之臨民試諸設施之間失所宜處矣乃伯詢到官問民利病而罷行之均徭役薄賦歛勸農桑廣儲儲居未幾民化翕然於是修理縣廨崇飾學宮至若顏孝子宗忠簡黃文憲諸公祠堂之久廢者皆捐己俸重創之又立明德新民二坊於縣東西以示勵己化民之意蓋昔之墜者悉復其舊既三載考績浙之藩臬以最書天官復署以上考於是伯詢聲稱藉藉紳間矣夫以進士出宰百里之地推其平日所蘊蓄而發之政事雖

不足以舒其少年之銳氣而逞其發軔之雄心予固
知其所施鮮不稱其所任也然謂伯詢爲尤稱而今
果如予所料何邪蓋伯詢廬陵銅溪大族其祖竹溪
嘗爲武進丞父習之今爲廣東憲幕得諸家教者有
素也以進士爲縣正諸公之所同得之家教伯詢之
所獨故以謂尤稱者豈妄也哉然予所望於伯詢者
當不止此凡爲政者始謹焉而化未成不可也化成
焉而終弗善不可也謹其始成夫化善厥終伯詢異
日遠且大孰能禦哉茲當考最還職朝之交游皆爲
詩以贈而給事中陳君公宜徵序首簡予嘗託交伯
詢父子間不能毋言也因不辭而爲之書

送右副都御史盧公致仕序

景泰元年春右副都御史盧公自寧夏上書以病請
驛召還京師陛見之日上惻然憫之詔致仕公卿大
夫咸爲之榮於是都憲陳公重同寅之好徵文贈焉
公金華之東陽人也繇進士爲御史以清慎著名正
統丁巳擢僉都奉敕巡撫大同宣府之境既而調寧
夏贊理軍務經營河山之際數千里之地夷夏之人

莫不畏其威而懷其惠十有餘年於茲蓋一時以重
臣受邊寄者先後相望而表然流聲實於天朝者公
其尤也至是以病去或爲之惜曰嚮者公在邊當寧
謐無虞之日得以從容措置故德刑之政有以浹於
不而功烈赫然足以白於時今邊境不靖而寧夏爲
西北之重鎮必得公老成之人諳練軍務者指麾其
間然後足以警服人心雖不動聲氣將有瞻望其容
儀縮手而避卻者蓋公當此時不可以言去朝廷亦
未宜聽其去也此非知言者大夫不均我從事獨賢
北山所以興歎也今明天子新卽位誕敷仁政必自
優老始而公乃能知止足決去就於耄之年蓋壯
而竭其力者臣之忠也老而全其身者君之澤也君
臣上下各盡其道他人所不能得者公獨得之豈非
千載一時之遇哉此公卿大夫所以榮公也雖然昔
富鄭公歸老於洛耆英之會當時慕之然朝廷有大
利害知無不言賢者之於君國未嘗一日忘諸懷蓋
如此今公之還三洞雙溪之勝誠足以娛老然西北
邊平昔所經歷之事有可爲皇上告者其得不日思

所以自盡哉於是陳公日子之言良是其書以爲序
敬書之

尙約文鈔卷五終

尙約文鈔卷五終

序

早

尙約文鈔卷六

明泰和蕭 磁孟勤著

宗後學上田敷政校刊

序

送州判劉君致仕序

永新劉君守良歲夏四月以海州判官滿考來京師
不謀於所親不告於朋友自言吏部致其事而去望
望然辭予以別惟其志之果也問之曰自君出青監
筮仕以來不及十載精悍之氣猶見眉宇非不足以

尙約文鈔

卷六 序

有爲也而遽去豈安於自佚而厭煩奔走耶將惟身
是圖而民事非所恤耶不然磯於形勢而矯焉以自
高邪何其年未至而果於去也劉君曰凡先生所以
責我者皆是也而返之吾心非此之謂也誠有所未
安焉夫施之而無不宜行之而無不達得志者之爲
也利澤足以裕其家名聲足以昭於時有材者之爲
也吾材不逮人而命乖數奇故寧違焉以求吾心之
所安吾始判定州既而改海州凡兩拜命皆掌馬政
職任雖重而事不得自專何則州之上有府又其上

有太僕又其上有兵部馬之蕃耗不可期而上之所徵有定額雖欲自專得乎往者在定州幸歲屢豐猶得以效職自至海州數年歲比不登雖賑卹之詔屢下民之困苦自若也吾既不得自專則見而莫敢言言而莫之信又惡能慙然無介於中而安享祿秩邪故辭而不居者所以遂吾之心而不敢貪冒以取譴也嗟夫劉君所云若此誠君子之言哉天下之民不患水旱之爲災而患有司之不卹使凡爲有司皆能以劉君之心爲心則在治下者豈復有愁恨嘆息之尚約文鈔

卷六 序

二

聲哉然則君之去豈彼年老疾病苟焉而退休者之比誠足爲尸位素餐者之大戒也予故特著其言使鄉之不相知者加敬劉君而爲有司者聞之亦當赧然於中矣

送修撰周君序

周君中規今皇帝初科廷試第一人也爲翰林修撰既六載至是得疾乞假調治上許之君爲人負奇氣有大節常落落不肯在人後爲文章務自己出未嘗蹈襲陳腐以苟就篇章必期至乎古人而後已尤尙

義不近小利當其意卽捐千金不惜非其意一介弗予與人交驩如也雅與予厚自爲同官入則各盡職務以相勉出則賦詩奕棋以相樂蓋予自得交周君而鄙吝乃不復萌於胸中也嗟夫予方喜得君而遽去則予烏能已於言乎竊嘗以謂天之於是人也欲其任重而遠到必置之憂患寂寞之地困其體而拂其心使之堅其志趣以成偉器蓋翕而張之弱而強之固理之自然也百圍之木棟梁之具匠石所需也然自拱把以至於尋丈其間牛羊之踐履厓石之傾

尚約文鈔 卷六 序

三

輒風雨霜雪之摧撓困亦甚矣夫以周君舉於鄉歌鹿鳴而來一旦魁天下士官居禁近推恩二親以及其妻子得於天者固多矣然蹟君之材之器其造詣當不止此而遽以疾去或者天有意於君乎不然何其速邈若此也顧君請告時疾殆甚今已少間矣計抵家之日有骨肉之親有奉養之具有醫藥之資將不釋然脫體乎則所謂得於天者端可必矣雖然有疾而請告疾已而就職臣子之誠也若燕安之溺田里之眷而不以遠大自處豈周君所宜爲哉於是同

寅諸公皆賦詩致屬願之意予爲序云

送王君還泰和序

王君希誠來京師侍其尊府太保公三載於今矣去年秋公力遣之歸不去再三遣之終不行至是復作序道其所以遣之之故不得已而後聽命然猶油油翼翼有不忍遽別之意噫蹟君所爲豈今之人哉予舊辱愛於公自前年以來公屢上章請老於是予每朝朔望輒約前期過其邸至則君必具酒肴留款焉問問之故曰先生每與家君談論去後家君未嘗不

尚約文鈔

卷六 序

四

爲之怡悅予於是歎公之待蒙何其厚而君又能有以承順其親如此也及遣君不去公嘗令予示意於君君曰唏親有急當不遠千里赴之願乃捨之去吾弗忍爲也且誠禍患邪雖避於家抑豈能免設有命焉卽處此何懼哉予於是又歎公愛其子之至而君之所以孝其親又如此也君之言固人子所當然者然世之爲子弟安於豐侈佚樂平居之時猶且擇利害而爲之趨避況緩急之際守死不移可得哉予故謂君所爲非今之人蓋古之人也公序所屬數事

惓惓焉皆天理人情之至其於田廬貲產之區蓋未嘗一語及之於此可以觀公之所教而君之所以篤於行者有以也夫贈言而勉之以科名曷之以仕進期之以顯達皆世俗常談非君所樂聞亦非予所望於君也獨念公所屬數事其最重者奉祖宗保嗣續而進之以曾子之孝君於此烏得不勉哉以君前所爲若是予固知君之能勉矣然猶瀆告之者蓋成人之美亦君子之道也用特次第其說非但贈君且以爲鄉邑仕宦家子弟之勸云

尚約文鈔

卷六 序

五

送蕭恆哲還泰和序

同邑官於朝以道義交者不過三數人其尤厚則今刑部郎中蕭君仰善也予二人之相厚不獨以同年故蓋先人爲山東運副時君之尊府用道先生以靖江王長史留南京先人屢假館焉二父俱以詩名當世有倡斯和以故相與莫逆而予二人幸繼其世好是以自聯科以來迄今二十年猶一日也予二人既相親厚於是兩家子弟嘗往來亦得如子姓焉恆哲君之中子也自侍二親官舍朝夕過予眉目明秀恂

恂然執子弟之禮又攻書辭業通敏出其輩類予甚愛之至是奉其父命候太宜人起居於家告別於予嗟夫恆哲視予爲父執則予視恆哲猶子姪也於其別也獨能毋言邪世之贈後進以言者往往勉之以文藝勸之以仕進而予獨不然者何也彼之所言者外也予之所言者內也夫爲舊家大族之子孫貴乎有以承其世澤也承其世澤豈文藝仕進之謂哉蓋必秉德行義以無忝前人之聞望斯可已設或恃其門地挾其貴富蕩以敗度驕以凌物如是而不願墜尙約文鈔 卷六 序 六

其家聲厥亦鮮哉雖文藝仕進有出於人君子無貴也恆哲以明敏之資席累世詩書之慶人固期恆哲以大有爲也今之歸也於太宜人溫清奉引之隙尙益勤學問以求其所未至慎以處已虛以下人恕以接物使宗族稱孝鄉黨稱悌如此則承蕭氏之世澤將不在恆哲乎是蓋耶中君之教也予所願於恆哲者也若夫力文辭取科第以爲利達之資恆哲之餘事也此不復云

送都憲鄒公省墓序

都察院左副都御史麻城鄒公巡撫吳中歲八月來朝既竣事上疏言臣父母累蒙誥贈而未得展焚黃之私乞假許之大夫士相知者咸爲之榮賦詩贈行春坊贊善錢君屬予序或者曰蘇松諸郡財賦甲天下比年水旱荐飢疫死者相屬聖天子宵旰憂之特簡命公以巡撫今乃不此之急先其私而後其公殆不其然此非知言者始公之得命也卽請留是年輸京米三十萬石賑濟既至又發諸郡儲廩凡百餘萬繼之而閭閻勸分者又數十萬民病不能田者給種子募人代之耕窮窘顛連者躬摩拊子養之日夜勞苦不得休幾以致疾而是秋下田適大熟病者瘡飢者飽熙熙然相安如平日其所以推朝廷德意而致之民如此謂非公之功不可獨不能假一月之閒以爲父母地邪皇上所以許之者殆亦所以慰其心而勉之力也嘗讀詩四牡至豈不懷歸竊惟當時燕勞其臣何眷眷於其所私也及考北山之什其言憂我父母則不免於嗟怨然後知先王所以待其下通人情合天理非後世所及而周之所以感與其所以衰

尙約文鈔 卷六 序 七

皆於此可以考見焉夫無公義固不得爲忠無私情亦不得爲孝導之孝所以勸其忠也皇上之心其古先聖王之心歟抑予於公有獻焉往年尙書廬陵周公巡吳中始至有所罷置上下譁然議之至相與指目以爲笑公不爲動行之自若久之粒米狼戾公私皆給足於是乃相與德之迨其去適歲歉所在赤地然後相與稱之而追思謳歌者至於今不衰今公之巡撫未久其得乎民與否未可知也既畢所事而往幸訪周公之績損益行之必使吳民稱思如周公然後足以副明天子之委託而報恩意之厚也天下之事不善不必同善不必異惟其適而已以是爲序如何錢君曰仁者之言也請書之遂爲之書

送彭甥公祿赴丹徒司訓序

予姊夫今吳庠教諭彭士瀄先生三子公祿其季也公祿自幼數往還予家或就學焉予見其資質端重謙謹而讀書日知向方私心喜之以謂此彭氏令器也既而先生爲巴東教諭公祿攜書從之日續學績文爲科舉之業是時予游宦京師不相聞者久之之前

歲省墓南還因得見公祿於家其儀貌偉然其文辭粹然私心益喜以謂別公祿十餘年不意其成就如此歲夏四月公祿領薦書上吏部謁予旅邸蓋別去又三閱寒暑而其儀觀其文辭大有進於前者矣私心益加喜以謂公祿不造於遠大不止也居三越月得丹徒訓導戒行請言於予嗟夫予欲勿言邪公祿予甥也以他言進邪非公祿所切者必切於公祿莫若卽尊府所以爲教者告之尊府先生始者教巴東巴東小邑也其後教吳吳大縣也先生居小邑不爲約處大縣不爲泰而所以教其生徒者必要其成以故兩學之士莫不化服先生之教而稱思至今今公祿之丹徒丹徒距吳密邇聲問相接也使能以先生爲法人固稱公祿賢子矣如或違焉其能免見謫於人邪雖然公祿之曾祖叔介先生歷官香山丞其清德直氣有古君子風予之所聞亦公祿所聞也公祿之祖晦翁先生雖未仕其秉德行義無愧於隱君子予之所見亦公祿所見也然則尊府豈徒然哉其得於家學者有本矣公祿欲法尊府之教其亦宜知世

德所自歟公祿至吳庠拜尊府先生其爲予以前所喜者爲賀而以後所言者質之亦或以爲然也

送陳君赴應天府丞序

正統十四年冬南京應天奏府丞之缺上詔吏部擇廷臣之賢者往補之吏部以六科給事中獨陳君宜在工科最久且最著能績遂舉以應詔可之命下之日公卿大夫咸謂吏部之薦人也公聖天子之知人也明而陳君之受職無忝也陳氏泰和宦族自宋元至今餘科第登仕版者八十餘人君則正統壬戌進

尚約文鈔 卷六 序

士也爲人謙恭而端重祇慎而通敏居近侍數年顯然務盡其職而被服儒素未嘗少變其初其存心尤厚私竊以謂若陳君俾之佐大藩守大郡其所設施當有過人者及今蒙寵擢則既喜其果如所料而又不能無責望於君焉南京爲太祖高皇帝定鼎地應天所隸則畿甸之域也詩云邦畿千里惟民所止夫王畿四方之表率民止於是而能安則天下之民舉安矣而所以能使斯民之安者將不在尹與丞邪陳君前在工科嘗奏言順天輦轂之下其民疲於供

億自今凡進獻餽遺及其他不急之費宜從省儉者凡數條上立爲罷之彼其時君固存心於愛民也夫得言而能言之者豈至得行而顧不能行之耶予知陳君之必不然也北京之順天猶南京之應天其民皆畿民也君居朝廷之上因耳目所聞見尙能推而言之況身履其任親臨其民得不惕然惻隱於心而施諸政事乎君其勉之今而後南畿之民將有蒙其休澤者矣予與君同鄉邑且素所愛重也故因其行而有以告之

尚約文鈔 卷六 序

送刑部侍郎姚君赴南京序

景泰改元之初廷臣有言南京太祖高皇帝定鼎之地國家根本係焉而六部院寺諸司堂上之員多缺非所以悖本慮遠之意於是上特敕吏部慎簡其人往補之蓋同日以薦授亞卿者三人焉桐廬姚君夔大章其一也戒行其弟刑部員外龍納言重手足之義不忍別請文以贈君始以太學生從翰林侍講安福劉球先生受經予獲接之正統壬戌昆弟聯中甲榜而君擢吏科給事中在職歷有所陳皆國家大計

予既羨姚氏兄弟之盛及觀其所建明又以謂劉先生之高第弟子如君者不多得也及有今命則又私竊自計方今士之立朝久者餘四五十年近者不下三二十歲曾不得一列九卿之次者何限而君自登第以來幾及十載超然位少秋官秩正三品其寵榮光顯之盛奚啻千百之什一者哉夫以遭際之盛如此則其所以責望之者亦不可謂不重也南京去輦轂爲遠自江浙閩廣以南數千里之地與夫直隸百二十郡邑之民有不平於心不能赴愬於此者必之

尙約文鈔 卷六 序 三

焉其能生死曲直使之各盡其情而無所嘆息愁怨者秋官之任也秋官得其職則獄訟爲之理獄訟理則民無不平而政治有以浹於下則聖天子可以高拱默運無南顧之憂矣其所以責望之如此不亦重也乎而予竊以謂君必能稱所任使何哉君既學於劉先生劉先生何如其存心也觀弟子於其師徵其師必於其弟子然則君自今其益知所勉矣予特因納言之請既識其別而復以此告之納言尙當以遠大期其兄弟徒戚戚於其去爲也

送大參程君赴任山東序

給事中黃門職也方今禁近之最清且要者莫踰焉蓋非獨封駁章疏而已政治之利病生民之休戚天下國家之大計至若人材之進退錢穀之出入刑名軍務之便不便皆得以條陳之或有大姦慝則相率論列於廷聖天子往往虛心聽納而當時仕於朝者亦皆知其爲公論所在莫不望而泯其非僻之心其爲清且要蓋如此也予不啻相接獨素所厚者二人焉其一崑山葉君盛其一休寧程君信也程君長吏科葉君長兵科二君皆磊落奇偉有所見未嘗不言有所言未嘗不盡必求稱其職而後已一時士論多歸之頃予教國子國子散地也予又寡交際在朝雖異時常所往來者非有事不至二君乃數辱過予予於是乎不獨歎二君之盡職且高二君之義以謂不可得也至是皆以薦有參政之命程君得山東葉君得山西予方資二君以自慰而二君遽棄予去心甚惜之而或者過予爲非是以謂方今天子宵旰求賢以充庶位尤以方面爲重二君皆簡在帝心者今日

尙約文鈔 卷六 序 三

之命所謂選擇而使焉者也夫山東西京師股肱郡也而二君所理皆邊備誠國家之所急二君平日既剴切以爲言其得不一動其心爲上理之邪致功業之隆膺廟堂之擢端在茲行也子奚遽戚戚其去哉予有愧乎其言蓋予所惜者私情也或者之云公義也不敢以私情妨公義故於程君行諸同寅請文爲贈因不辭而次第其所聞者以復之

送僉憲陳君赴任浙江序

陳君德清以河南道監察御史爲大臣所薦詔擢洊尚約文鈔

卷六 序

五

江按察僉事同寅齊若成與凡相知者皆爲之榮徵文贈焉陳氏泰和世家君前蒞波丞一敬先生令子今地官亞卿學士公從弟也爲人精敏爽閭自爲校官時人已稱道不置口比爲御史益清謹自勵執法不同甚爲在上者所愛重其巡歷福建也不赫赫以爲威而吏民靡不嚴憚之蓋一時爲御史於斯聰明磊落者多有至論其介特持重務存大體若陳君者可偃指數也然則予將何言於君行邪雖然不可無以塞諸公之請也洊東南大藩也爲臬司於方面之

上廉憲則有若軒公冰蘗自守偉然一時之望爲之佐者予不能盡識而所知者憲副則馮公僉憲則歐陽君熊君彭君今陳君又繼往焉此五人者皆出於江右皆所謂表然者也以軒公爲之長而數公爲之佐蓋不獨風紀之振肅至於學校屯田之專任者亦罔不克盡厥職而凜然皆足爲諸司之表率洊之憲臬何其盛哉竊嘗以謂君子於天下之事不可以苟

同然亦不可以徒異也苟同則安於附和而或至於失己之非徒異則務爲町畦而不免夫失人之患失

尚約文鈔 卷六 序

五

己不可也失人尤不可也有一於此以之自處且不可況爲百司表率邪軒馮諸公所著稱於洊右者知此道也今君之往其亦慎所擇哉陳君得於父兄之教有自予所以瀆告之者非但塞諸公之請亦重鄉邑之好故云耳君到官聽理之暇會歐陽諸君予舊所厚善者幸爲致區區之意

送憲副彭公赴任山東序

古之君子善其職者不以外內卑高爲輕重也以外內卑高爲輕重則內而高也喜外而卑也不免戚戚

矣惟不以外內卑高爲輕重而喜戚悉視乎志之行與不行內而高也非所喜外而卑也非所戚君子之爲固與眾人異歟以予所聞若永豐彭公祖期殆所謂古之君子非邪公始以書經登永樂乙未進士以親老乞爲教官就養得南雄教授九載秩滿調建寧又九載用前少師楊公薦拜廣東道監察御史兼董南直隸學校凡七年用今冢宰王公薦擢吏部考功司郎中蓋又四年於茲矣公爲教授御史皆以訓誨爲職業諄諄然設科條立方法時其課試正己而表

尚約文鈔

卷六 序

夫

率之凡其所經歷授高科躋膺仕者累累有焉其清德雅量不特南雄建寧之士之被其化雖直隸郡縣之學者至今猶稱思之其在考功循資格謹成憲確然自守人無敢干以私事有不可者輒侃侃爲其上言之必得而後已一時居郎署磊落奇偉者比肩於朝至論其爲人則皆曰彭公君子人也及是有山東憲副之命或者曰異時官於斯者其薦也或爲寺卿或任方伯率以爲常焉今彭公既不得升於朝又爲憲佐以去或者將有不釋然於中邪此淺之爲丈夫

者之論而非深知彭公者也公以親之故慨然舍美官而求教職帖帖然居下位者幾二十年此其視勢利爲何如故其拜御史也人皆以爲榮而公自若也其爲郎中人又以爲榮而公自若也蓋君子之仕患志之行不行何如耳內而高也非所喜外而卑也非所戚則公之是行必思所以勉盡厥職固不待予言而未嘗有不釋然者矣於是吏部諸同寅相率賦詩以贈而以予同郡相好屬序首簡因不辭而爲序云送劉侯赴任泰和序

尚約文鈔

卷六 序

七

劉侯芳字永馨正統己未以書經登進士第觀政刑部頗然特出輩行中尤爲尙書魏公所愛重當是時在京諸司經簡汰之後無缺員以故一榜進士除縣令者什二三侯得長楊令以去長楊在夷陵山谷間最爲荒僻蓋裁省小邑也人皆惜侯不試於劇而用於卑陋侯至之日治之一如大縣民用欣喜未期月其化翕然迨侯以憂去相率詣郡借留者千數蓋侯之得民如此至是有泰和之命人皆歎曰劉侯今而後試於劇矣於是泰和之仕於朝者相賀以得侯爲

幸徵予言贈其行贈者增益其所不足之謂侯出身進士通今博古而其材又有以濟之顧何待予言哉雖然不可無以復也泰和雖大縣前此令於是者往往以爲難治以予觀之治之誠有道民不化服者鮮矣昨者莆田余公以通判之職實臨敝邑六七載之間小民恃之如孺子待哺於其母既其去也相與稱道追思之至今不忘若是謂泰和爲難治可乎然余公亦進士也今侯以進士繼其後其所施設不言可知所惜者侯以魁壘之材爲百里之淹耳然長楊小

尚約文鈔

卷六 序

九

邑也侯且不鄙其民而撫綏之泰和大縣也得不動心其間哉蓋湛盧豪曹必斬蛟螭刺犀象然後足以展其用不如是無以別利器泰和之行或者侯之願也韓退之有言士不通經果不足用今泰和先得余公繼得劉侯皆出於進士前此數十年未嘗有者敝邑之民抑何其幸邪惟侯厚自愛當執筆以俟續之成焉

送推府雷侯赴任詩序

一郡之上必有專職以理刑獄非謂刑爲重治化爲

輕也民有弗平固不能無訟訟而無以理之則下之情將鬱抑而不達政治無由而平教化無由而成矣吉固爲劇郡然民俗知禮讓尙廉恥威之以誅罰易懼也檢之以法制易從也是以自昔理刑獄於此者往往克稱厥職未嘗以爲難治比年以來民乃健於訟其在郡者不可知其詣京師而訴者一歲之間至數千不啻噫何其多也夫民情常利近而憚遠有拂於心而求直焉縣能理之其肯舍縣而言於郡乎郡能理之其肯舍郡而數千里奔訴京師乎然而或有

尚約文鈔

卷六 序

九

桀鷙頑狠弗循教令者既見理於郡邑而猶必欲告許以逞其私此則不率之民爲法所必誅者也朝廷知其然是以凡來訴者輒下於藩臬郡縣俾得以自理而下於郡者什常七八其委任之重可知也雷侯碩廣之連州人爲推官德安五載矣至是有吉之命或者曰德安爲湖廣僻郡事簡而民訟少故雷侯得以行其志今吉之民訟視德安將倍蓰什伯雷侯於此其殆難爲乎此非知言者君子之仕也當視其在己者何如而不以其地爲輕重也是故地僻事簡不

爲喜地大事繁不爲憂其所蘊者有其具故無所施而不可也雷侯在德安以憂制去德安之人至今稱思之既有其效矣今之之吉也尙以昔之所自爲者推致之吉之人有不服從侯之令哉惟侯念朝廷委任之重而勉焉異日著嘉績蒙寵褒未必不自今茲始侯旣行郡之官詞林者分韻賦詩以贈委予序諸首簡敬不辭而爲之書

送王司訓序

王君希薦旣授應天府庠司訓戒行請言於予曰願

尙約文鈔 卷六 序

王

服膺以自勉也嗟夫予何言之足進邪而希薦有望於予如此可無以復之乎夫庶官之設常視其職之高卑而爲其責之輕重職之高也其責重職之卑也其責輕自然之理也然或有職高而責輕職卑而責重者何哉政之立也有成規事之制也無定理毀譽之來得以分之職高而責輕矣理十人者任十人之寄理百人者任百人之寄各任其所理他不得而與焉職卑而責重矣以今觀之所謂職卑而責重者其惟教官乎教官雖卑有師之道焉嘗反復乎學記之

說學然後知不足教然後知困則知學之有本也善待問者如撞鐘叩之以小則小鳴叩之以大則大鳴則知教之有方也旣知教之所由興又知教之所由廢然後可以爲人師則知師之有要也夫府州縣學之設自教授以至於訓導爲之長者總其綱爲之貳者分其教或倍焉或半焉雖多寡不同其爲師均也均師之位同師之道美惡之相形白黑之異趣而任之稱不稱判焉然則所謂職卑責重者不其然歟希薦今太子太保抑菴先生從子國子博士希獲其從兄也自少抱一經從事科目矻矻然數十年之勤及今始試諸用亦可謂難矣呻其佔畢以示之方嚴其教條以求其效亦可謂勞矣使希薦知職卑責重俛焉於此以盡其心其不有光迺父兄哉恃門地之高怠當爲之事非予所望於希薦也夫好言以相悅人情也直辭以相規豈人情哉然希薦所以屬予者求益者也非求諛者也予故推其意而道予素所聞者以贈之

送梅菴任長洲教諭序

尙約文鈔 卷六 序

王

予蕭氏世有積德至先君乃大發之先君之德修於家著於鄉其爲同知蘇州爲鹽運副使山東也尤以清節善政稱於世及其沒無一錢之羨足帛之贏以遺其孤其廉介如此鉉兄弟二人幸克嗣先志而鉉獨無似常懼墮繼承之道故日夜刻苦思讀書以自奮及竊第濫官於朝人於是歎以爲先君之德不獨有諸躬而且及其子也蓋再世而諸孫之中又得樂焉樂自幼予授之經既長從今詹事抑菴王先生游能感發勤厲務記覽作爲文章以自見宣德丙午獲

尚約文鈔

卷六 序

三

爲之先也今祖父蓄德儲祉以貽汝旣勤且厚矣然烏可不知所以繼嗣之道而忝之耶況長洲蘇之屬邑實汝祖嘗臨之地方今聖天子在上修文教以理天下而於師儒之職尤擇人以任之汝毋以其職卑且易爲而常思其尊且難者勉以盡其責焉則無忝於乃祖父之積德而汝之進亦未可量也予材薄能鮮而叨竊過分於前人之緒知不能有光也故於汝深有望焉樂也往哉勉之

送周太守赴任德安序

尚約文鈔

卷六 序

三

太守古諸侯職也壤地數百里戶口之眾以億計其僚佐與抗禮者不過三二人其屬則自令丞以下至於牛羊倉廩傳驛之官多至不可數而府史胥徒奔走之役不與焉一政之便欲致之下莫得而疵也一事之不便欲言之上莫得而沮也故士君子仕當時欲行其志與其居方面之佐莫若爲太守非謂方面之佐不如太守之貴且尊也以太守得自專張弛輕重予奪之柄皆已出而膏澤之下於民者易也是以朝廷於是職未嘗輕畀之人非大臣之舉薦必吏部

之推選然則今之爲太守惡可不知其重耶周君秉
訓繇進士授主事刑部陞郎中清慎平恕獄無冤滯
煒然著聲績擢紳間至是用薦有德安之命蓋自歷
秋官以來僅十年超然朱衣象笏躋四品秩亦可謂
榮矣雖然朝廷擢君此位者豈徒榮君哉誠有所付
託也夫太守州縣之長民之師帥也太守得其人則
四境之內治不得其人民豈無有不安其所者乎德
安爲郡在湖湘號稱易治比年苗蠻不靖民苦供億
蓋非昔者之比矣夫民之供億爲甚勞而軍需之費
不可省於是急之則怨生緩之則誤事治法征謀其
亦有所出乎然則朝廷所付託者蓋在此也太守之
職得自專而朝廷付託乃至重周君於此可不思所
以盡心哉於是周君行有日矣大夫士咸作詩爲贈
屬予序因爲書首簡而告以平日所聞者焉

尙約文鈔

卷六 序

雷

尙約文鈔卷六終

尙約文鈔卷七

明泰和蕭 鑑孟勤著

宗後學上田數政校刊

跋

書李寺丞金陵送別卷後

大理寺丞李君奎爲監察御史時嘗奉命巡歷浙江
適戶部侍郎河南王公督運於杭頗失紀律君卽劾
奏旣復巡歷蘇松諸郡人相謂曰是御史蓋嘗劾
奏王侍郎者也皆狼顧震懼慄然不敢犯一時語御

尙約文鈔

卷七 跋

史得大體者李君爲稱首其還朝也大夫士相率賦
詩贈焉題曰金陵送別至是君求予追作其後予以
謂古人之爲文章皆述其耳目所聞見以紀一時之
實若出之追作則必想像摹擬致揄揚諷詠之意其
失實甚矣君安取此乎予非敢以古人自居然與君
皆學古道者也學古道則不敢不以古人待君卽無
以復嚴命君其忍辜區區之期望邪

恭書潘氏所藏令旨後

刑部郎中潘鑑以其曾祖州判公所受令旨示予屬

識其後拜稽而觀之蓋我太祖高皇帝龍鳳十年爲
吳王時所頒給者也公初名標後避諱易名樞字景
岳饒之鄱陽人元季嘗偕其弟景進挾所學鄉試不
偶退與饒之士十數人日講道自高稱東湖十秀才
太祖旣平陳友諒駐師東湖因召所謂十秀才者見
公奇之擢安福州判官受旨俾參總戎以往時安福
寇首雖奔竄而餘黨復合爲州害公竭力攘卻以安
其民焯著聲績始饒江東屬也洪武紀元改隸江西
而安福改州爲縣公奏當避籍貫上以公有德於民
尙約文鈔 卷七 敬

特署主簿俾終其任將九載召赴闕下未及用而卒
治行見宋太史景廉先生所爲銘甚悉公旣沒其子
孫遂家安福鑑公曾孫也由進士拜刑部主事至今
職景泰初推恩封其父以己官母妻皆安人鑑喜得
封敕於是又幸此旨無恙乃裝潢成卷誓永遠並藏
以爲家寶鑑亦可謂賢矣哉宋先生謂州判公治爲
江右諸邑最而又意公位不滿其德當於其子孫望
之先生之言驗之今日尤信潘氏子孫拜觀宸翰其
亦知所本矣敬書以歸之

題龍氏家藏蘭亭卷後

文選郎中龍君士郁間手其家藏宋時蘭亭卷示予
屬識其後蓋記墨跡石本各二幅畫一幅總之爲一
通前墨跡仁宗御書遒勁高古觀之令人肅然起敬
次則高宗臨賜陳康伯者俊逸清麗逼真可愛要之
皆非尋常摹擬者可到畫僅四尺許而蘭亭之景畢
具其山水樹石人物筆意極工緻題云乙酉歲何端
禮畫考之是歲蓋徽宗崇寧五年也石本其一定武
所刻其一唐僖宗乾符初裴綰所書卷前後多用御
尙約文鈔 卷七 敬

府之印而前一段鈐縫皆政和宣和圖書豈此卷本
徽宗所蓄至紹興十九年高宗乃禪之以賜康伯歟
後十年康伯始拜參知政事是年蓋秦檜當國康伯
奉祠時也當是時善類屏斥殆盡而康伯乃有此賜
其特恩歟卷末有紹興庚午陳璠題識庚午康伯受
賜之明年也璠當是其子然傳載康伯二子偉節安
節無所謂璠者豈傳所載者其字此其名歟不可得
而知矣元太史許有壬旣爲之跋又作歌其後反覆
歎惋不置讀之使人可感可悼蓋有不容復贅者獨

念御府遭靖康之難此軸猶存而高宗之賜康伯之受至今三百餘年翰墨如新誠希世之寶也乃爲龍氏所秘豈偶然哉龍泰和甘溪故家其先世所藏翰墨甚富此特其一耳君之尊府儀制公存時嘗以見示展玩之餘恍然如昨於以見君克承其家於先世手澤猶珍襲之不敢失墜如此況其他乎此其所以爲賢也君清慎好學予素所敬愛者故因其請特識以歸之龍氏子孫尙敬嗣守之哉

書尹教授所藏楊王二先生文後

尙約文鈔 卷七 跋

正統戊午秋尹君克智以起復擢漢陽教授瀕行輯其舊赴臨邑京山教諭時今少師東里楊先生所贈序二首赴常州教授時今禮部侍郎抑菴王先生所爲跋一首聯爲一卷示予屬題其後二先生俱與君有世契其所以爲君告者既詳備諄切矣而君自典教臨邑以來迄今三十有三年所以處己誨人之方靡不深悉奚俟予瀆告竊意君於二先生之文所以緹襲珍寶如此者誠知所重也二先生德尊望隆其文章足以名當時垂後世天下之人仰慕奔走欲求

而不可得者君乃兼得之豈無自而然哉君不惟身體之又將諭其子若孫世守之焉使君之爲人與二先生之文並傳豈非幸歟此予所謂知所重也而予得以鄙言綴二先生之文之後不又幸歟故爲書其大都以歸之

戴氏東山遺藁跋

吏部稽勳主事戴璫間出其曾祖仲才先生東山遺藁示予屬識其後凡爲記一篇七言律詩七十五首蓋先生之子嗣安所輯錄者也先生少日嘗從鄉先

尙約文鈔 卷七 跋

五

輩受易書春秋三經業成遭元季之亂閉距不試迨國朝興邑大夫累聘禮之而先生已老矣乃日徜徉山水間以詩酒自娛詩不求工而悠然發乎性情止乎義禮有一唱三歎之遺音而世之繪飾以爲華刻雕以爲巧者乃或不及焉噫於此可以見先生所存矣先生旣沒其孫曰弁由兵科給事中歷湖廣參政日尋爲湖之德清教諭而璫由進士選翰林庶吉士遷今職戴氏之福蓋未艾也然詎非先生所以垂裕者歟韓退之有言莫爲之先雖美不彰莫爲之後雖

感不傳美有以彰於前斯感有以傳於後蓋觀之戴氏東山遺稟而其言益信

跋李祭酒上章請老圖後

畫小道也而於世或有助焉昔二疏以年老辭位去當時祖餞供張之感行道太息好事者或繪之圖至今指其圖道其事猶爲之感發興動歎羨而不能已畫其可少邪國子祭酒安成李先生於正統丙寅丁卯二年間凡四上章以老辭上輒不許至是言其病實不任教事乃許之於是六館諸生無以報德託當

尚約文鈔

卷七

跋

六

時有名善畫者繪圖十幅爲一卷各有標目求摺紳跋其後而予所識則曰上章請老焉夫事有得爲者不嫌其同也二疏之圖傳於前先生之圖顯於後奚可異日道哉後有觀其圖歎其事感發歎動不能已而先生之清名高節亦相與久而不泯則畫顧可目以小道而謂於世無助邪敬識以歸之

題東坡西山詩墨蹟卷後

右東坡謫黃岡時游武昌西山詩遺墨岑象求跋併樓鑰所和爲一卷淮安通府李君敬家藏焉東坡文

章翰墨名當世觀其詩句之跌宕字法之道勁足以想見其豪逸之氣而岑之跋樓之和亦復如精金良玉觀者自知爲奇貨不待贊也獨念自元豐以來三百四五十十年於今凡幾經兵燹而墨蹟如新豈易得者哉李氏藏之誠足爲家寶也因識以歸之

題給事中黃公奏議後

通政黃公驥永樂中爲禮科給事中使西域凡三往返此奏蓋最後還朝時所上也其言貢馬之害皆目擊身親之者故詳備剴切足以感悟上意自是稍制其附託而陝以西之民爲之少蘇則公此二章其爲功豈細哉惜乎當時知之者少也其子軌間以示予讀之起敬因識其後云

題李司訓所藏米書卷後

米元章書東坡題金山寺詩卷正統中司訓李君瓊爲太師英國公瑄寶公舉以贈之者東坡之文章南宮之翰墨皆名當世公不靳以遺李君其賓主相得可知然公之沒至是已三年矣觀物思人爲之感慨因識其後云

尚約文鈔

卷七

跋

七

題李司訓所藏趙秉文墨蹟後

金趙秉文自號閑閑道人爲元帥必里罕賦樂善堂
仍自書之時正大四年也計至今三百餘年矣太師
英公不惜家藏之舊爲李君貽時藹然風致可想也
詩語諄切而字極遒勁自成一家要之皆難得者李
君尙屬子孫珍襲之且毋忘太師公知己云

書程氏澤存卷後

世之爲子孫者於其祖考手澤或連篇累牘棄置弗
惜或片紙隻字寶愛之不忘豈人之趣向殊爾哉賢

尙約文鈔

卷七

跋

八

不肖存乎其間也若國子博士程君溥澤存卷尙
已君之尊府世勳翁燈花詞蓋一時寓興之作而君
珍襲之二十年於今若大訓然豈非賢哉君子謂觀
人者於其微可以知其大予於程君亦云

題梅溪蔣氏族譜後

右梅溪蔣氏族譜甥恢重持以示予求識其後譜記
自唐侍中紹錄始逮今凡十六世而其可詳者自正
卿而下九世焉爲之序者前有鄉先生蕭尙魯既又
得今少詹事兼翰林侍讀學士王公福建按察僉事

廖君皆炳然可考者也恢重今少傳兵部尙書兼華

蓋殿大學士東里楊先生之壻此帙蓋因其諸父所
修居先生貳室閒時所別錄者予觀之因歎曰蔣氏
之所以威豈偶然哉良由其先世忠厚儉約以植其
本而繼嗣者能率由之以延長其澤故其枝葉日蕃
衍而不替如此使爲子孫者皆思前人之勤而益加
培養蔣氏之威容有既乎恢重能惓惓於此可謂有
志者也遂書以歸之恢重其尙篤念之哉

跋蒲田康氏族譜後

尙約文鈔

卷七

跋

九

右蒲田康氏族譜一帙康榮孟嘉今少傳兵部尙書
兼華蓋殿大學士楊公之甥也以廣西按察知事考
績來京師出以示予屬識其後夫所謂世家大族者
非必祿位之崇貴產之富足以震耀一時也貴乎有
高明祖父作於前而又得賢子孫繼於後其義善忠
信足以裕於身刑於家而表著於一鄉如此雖微高
位厚賞而日久彌盛得非所謂世族乎康氏居蒲田
自泰然而下十餘世矣其間雖未有以祿位顯者而
修德行義實爲州里所推重譜之作始於復立成於

彥英彥輝而續成於孟嘉足以見康氏之作而繼之者非一世而蒲田文獻之可徵者蓋在於此也公與翰林侍讀梁公皆爲之序侍讀公謂大康氏之宗者在孟嘉今其言既驗矣而公又謂蓄之久者其發宏所以致望康氏之子孫何其遠且大歟康氏子孫勉之而已予尙以多言爲哉

題宋元祐辛學詩卷後

宋元祐辛學詩石刻在開封府庠兵科都給事中葉君威摹以歸裝潢成卷屬識其後詩凡七十二首磨

尙約文鈔

卷七 跋

十

滅殆半而序猶完作者蓋呂大防劉摯韓忠彥蘇轍諸公皆當時所謂賢者元祐之盛至此之屢歷觀諸公職務之暇而偶及於此其氣象可想見也然北宋碑在汴者難更僕數此詩獨爲葉君所取何哉豈以其能歌詠當時盛事邪抑事有適然相遭者邪將諸賢繼被斥逐固當鬱於昔而顯於今歟無乃物之遇不遇亦各有數存焉也自元祐辛未至今三百六十餘年一時遺事而卒取重於葉君庸非幸哉葉君清文雅度予嘗欽挹愛慕之者觀其用心於此其他可

知也因其屬書以歸之

題李氏先世萬言書後

吉水谷平李氏其先世有曰景春者宋高宗時以布衣詣闕上書陳八議萬有餘言其於當世之務靡不曲盡迨今幾三百年讀之猶可想見其忠愛懇惻之意然竊怪當其時金虜陸梁和議誤國患莫大於此而書無一言及之豈嘗別有敷陳邪無乃以謂外攘之功必本於修內治邪彼蓋各有見也雖然以一布衣猶且及此使得祿位其言當又何如邪惜其時當國者之不見用也李氏子孫能珍襲之至今非世有賢者能之乎敬書以歸之

尙約文鈔

卷七 跋

十一

跋廟堂碑後

右孔子廟堂碑唐虞世南書議者謂其體段道媚舉止不凡真一代之寶也予少時嘗館鍾氏今邵陽教諭尙清從予游嘗蓄此碑借學焉然欲得不可故學未成而罷深以爲恨今年曾進士輩自陝歸以此本遺予甚喜命工裝潢畢寄次兒渭使朝夕學之因題其後如此

跋蕭氏所藏解先生題梅墨蹟

吏部主事蕭君穎之間以所藏梅卷前翰林學士解大紳先生所題者因其次子縞會試京師命裝潢成軸屬識其上先生文章擅天下其所與游者率當時名士若所謂伯齡仲齡季齡昆弟是已仲齡主事君之尊府伯齡季齡蓋其伯叔也先生論殷鐵石梅經宋廣平梅賦無補於世而瀾東西筆墨之好漸成風氣不可復制尤覺無謂其大意蓋謂梅譜與畫雖不有之可也然又引蘇軾之言以謂可寓意於物不可

尙約文鈔

卷七

跋

三

留意於物且謂游藝適情聖人未嘗不以爲教似又未嘗決以爲不必有何哉噫先生之言抑揚反覆意蓋有謂焉觀其稱仲齡季齡皆清修好賢玩物喪志宜無此失其所以惓惓致戒者別有在也先生沒三公亦皆物故計當時至今五十餘年主事君乃能珍惜尊府之所遺不啻拱璧而先生之言藉以不廢洵知所重矣玩他人之書畫雖不可守先人之手澤則爲宜蕭氏子孫獨不念君之所重哉縞還多猝未有以復君命至是君長子考功員外郎彝繼以請顧不

可以已也特爲識之如此云

跋國子博士王先生墓表祭文後

國子博士澠江王子復先生墓表贈太師兵部尙書兼華蓋殿大學士楊文貞公所撰祭文則吏部尙書前翰林侍讀學士抑菴王公所撰也先生之子某得其稟藏於家至是某之子慥在太學乃以之裝潢成軸間持請予識其後予讀之而知先生之賢於人也予雖未識先生然聞之老長之言先人居時嘗題正旦詩於壁求凡往來能詩者和之一日近出暮歸

尙約文鈔

卷七

跋

三

見和詩清麗可愛問之則先生也先人大稱賞而先生遂以知名鄉邑間厥後先生由科目歷仕宦其持已行事皆如太師楊公所書蓋人之稱先生者尤多然先生之知名實自先人始也嗟夫讀楊公之表知先生之爲人讀王公之文見先生之交道二公清德著朝廷文章冠當世其言足以爲人之輕重而先生兼得之其賢於人也於此可見予故特書以遺慥俾王氏子孫珍襲之以爲他日之徵云

尙約文鈔卷七終

尙約文鈔卷八

明泰和蕭 鑑孟勤著

宗後學上田敷政教校刊

傳

劉處士傳

處士姓劉氏名立字執禮雅軒其別號也世家泰和城北之湫溪其先徙自長沙蓋居湫溪凡若干世至處士之父曰彥章贊同里之鄭氏處士生焉未辟而彥章甫卒賴母鄭鞠之既底成立慨然念劉氏之乏尙約文鈔卷八 傳

承祀也乃謝其外祖父母而迎其母以歸方是時劉氏之故址莽然荆榛瓦礫之所處士不憚勞苦以次經營修治之不數年屋室垣墉一復其舊里父老咸相與稱歎以謂劉氏有子也所居據泉石之勝前卽湫溪後有象山環宅之田皆膏腴上賈而又有竹林園池之利處士日課僮奴耕鑿以殖其業暇則與賓客游樂偃休其中貴人文士有過從者輒爲之傾竭雖數不厭奉母鄭克盡孝敬妻母劉無子孀居四十餘年處士往來問候不懈既沒也服喪三年若己母

然姊嫁蕭氏者生子甫一歲而姊夫賈於外不返母

子無所託處士割產以養其姊而出貲以教其甥既

又不遠數千里邀其姊夫以歸蓋處士平生篤於恩

義率類此邑大夫聞其賢敦禮之爲耆碩一里之務

咸屬焉有爭訟不平者得處士片言輒解去鄉人方

化服處士然處士憚於勤竟以病謝免自是日徜徉

山水間翫自得而已配蕭氏有賢行子男四旭昶

昇杲皆端重禮度克世其家昇以詩經中正統丁卯

鄉選會試凡再中乙榜皆不就以太學生援例卒業

尙約文鈔卷八 傳

於家間嘗道處士行義於予予家食時卽聞處士好

讀書子史百氏皆通大意而尤精地理陰陽卜筮之

說夫士君子心有所用其勢不得不爲善惟溺於利

欲無所用其心於是始放越恣肆日沈汨而不知止

亦理之然歟處士惟知務學以殖其內是以義善有

諸躬著於家而稱之人人於乎若處士可謂卓然自

立者矣

雲溪處士傳

處士姓楊氏名佩字子佩雲溪其別號也楊氏泰和

宦族世居邑西之上園至處士始徙雲溪蓋自邑治西行二十里而遠其山水林壑之勝獨雲溪最而處士擅有之因以自號鄉人尊之悉稱雲溪云自其父時饒貲業往往膺重役處士年方十四五已能躬任其事不以累父父沒敬事二兄有事必躬先之不以累其兄其篤於孝弟如此族人有遠戍者欲鬻其故址處士力止之而資給其去曰先業毋庸棄所假幸歸日見償利不計也鄉里匱乏者輒發廩周之或有爲不善必仗義屏之使遠去邑之豪嘗挾勢暴橫依尙約文鈔

卷八 傳

三

附者爭趨唯恐後獨處士不爲屈卒亦無能害焉蓋處士之行義又如此自幼聰敏好學通易經習舉進士未就而罷遂不復肯仕先是二兄已各營別業距雲溪適東西相直不二三里而近牛羊之道相交隴畝之植相入也於是二兄年皆七十餘處士亦六袞矣佳時令節三人者杖屨往還阡陌間鄉人見之皆肅然起敬以爲楊氏之威而處士所以奉其二兄益恭每賓客過從必躬迎以來款燕終日不厭蓋處士知適意自得而已他一切榮利不顧也配康氏讀書

工詩子四人長曰繼年十九以易經中鄉選會試中乙榜得溫縣教諭以卒繼之子憲亦中鄉選今爲大學生蓋處士善教不獨成子之材而又及其孫也論曰往予造處士雲溪之上與之語甚相得也爲留信宿而去蓋處士爲人豁達警敏而本之以忠厚夫士惟知自重不肯輕以徇人故寧困約終其身而不悔古所謂隱君子處士殆近之矣

習詹事傳

公姓習氏諱經字嘉言以字行臨江新喻人其先徙尙約文鈔

卷八 傳

四

自袁之萬載世爲邑望族曾祖漢舟祖均泰皆不仕而以仁厚稱於鄉父懷恭用明經薦授南雄郡學訓導歷平江瀏陽秩滿陞湘潭教諭以公貴封翰林編修致仕母吳氏封太孺人公自爲童子誦書屬對已出其輩類稍長工詩歌每命題下筆立就先生長者歎譽之聞其姪侃舉進士瞿然奮曰我可以後耶遂從其伯父國子學錄懷清受詩經已而隨侍湘潭改習春秋日夜刻苦自勵永樂丁酉以儒士中湖廣鄉試魁其經明年登進士第當是時太宗皇帝方崇文

治詔選翰林庶吉士續學中秘以待用一時在選者十五人公其一也未幾預修天下郡志越二歲雲南守臣進黃鸚鵡有旨試庶吉士詩賦中者僅六人皆授職公居前列授編修預修通鑑直解宣德丙午修太宗皇帝仁宗皇帝兩朝實錄又預修君臣故事丁父憂去起復陞修撰正統初預修宣宗實錄並充經筵講官賜白金文綺實錄成陞侍讀賜金織襲衣銀幣有加旋丁母憂服闋適甲子夏旱奉命禱東嶽將事恪恭甫畢大雨沾足有司爲勒石紀其事乙丑同

尚約文鈔

卷八

傳

五

考禮部試丁卯考京闈鄉試人服其公已進太常寺少卿壬申夏五月命守阜成門未幾陞詹事府詹事贈公父太常寺少卿母妻皆恭人越三月得疾終於官九月七日也春秋六十有五子二人曰襄曰襄皆端重好學克世其家公生平識優材贍而溫恭典重未嘗少矜於人雖渾無厓岸而嚴於操守不妄隨而苟止也書無所不讀自經傳子史百家以及歷算醫卜天文地理之說橫豎鉤貫爲文章弘博演迤若無際涯而於詩尤長清肆閑雅可喜當時求者接踵

於戶而公應之恆有餘然雅負經濟嘗陳六事一曰奉天道欲人君懷敬懼以勤政務二曰重人道欲敦孝弟以廣親愛三曰隆君道欲開經筵備講論之益四曰重臣道欲親商榷審可否之宜五曰簡文職欲嚴選舉慎考課之典六曰修武備欲選將帥明戰守之術其他尊主安民之略尤多蓋公汲汲以康天下爲心不但專文學而已在太常再踰年爲詹事僅數月而其僚屬吏胥下人至今稱思之予最晚出仕翰林在公後然及見當時與公同輩行者以十數皆煒

尚約文鈔

卷八

傳

六

然特出者也而獨公與周功敘劉廷振二先生以鄉郡故相知尤深二十年間諸公皆風雨散去予亦且衰老既哭劉先生又哭周先生以謂幸存而顯者猶有公可相慰藉也今又哭之不獨賢人君子難可復得而知己彫謝若此可勝歎耶於是其子襄扶柩將歸追念平昔爲掇其歷官行治之概爲傳畀之藏於家庶後欲知公者得以有考云

論曰予觀中世所謂豪傑士或矯亢以自高或周旋以同俗雖享榮名建事功往往而是然求及中庸之

門戶猶歎焉若公平生不翕翕以趨時不翹翹爲異
端慎自守而其成立乃如此嗚呼其可謂篤行君子
也已

西軒先生小傳

先生姓蕭字孟廉鉉之兄也嘗於所居之西開一軒
置圖書游息其中因以西軒自號鄉人尊之咸稱曰
西軒先生云先生甫四歲而先君用賢良薦貳守蘇
郡七閱月以事謫河南凡十八年然後復起爲山東
運副先君居官守廉介又久於謫籍家具蕭然先生
尙約文鈔 卷八 傳 七

賴母恭人長教之自幼循循讀書知禮節稍長卽順
然特立出則應門戶入則奉母恭人於家已而白恭
人省先君於山東至金陵或訛言先君臥病先生聞
之偕一力渡江浦捨舟由鳳陽歷徐涉泗僕僕然暑
雨泥潦中徒步千數百里抵運司於時先君固無恙
門者以告弗之信既見驚且喜曰不意若成立如此
也久之先君考績京師復徒步從行數百里至濟始
登舟道途有所見先君輒命先生賦詩而已屬和之
自是歸先生之德量大異前日矣蓋觀省者凡再未

嘗幾微以跋涉爲勞先君沒奉母恭人尤致孝敬鉉
自幼荷先生之愛甚至比趨學知向方愛之尤深鉉
出仕時子尙幼先生爲經紀其家撫諸姪若己子然
有失則諄諄然提誨之蓋先生存心坦夷忠厚於孝
友最隆也然負直氣不肯脂韋嬖倖在人下人有過
面折之不少貸既改卽驩然不以介於懷自鄉族內
外輩行者皆樂其簡易而喜其直子弟則服其化誨
而憚其莊也年五十卽以家政委諸子卜別業於柳
塘居之日徜徉泉石間公府未嘗涉蹟邑大夫鄉飲
尙約文鈔 卷八 傳 八

屢賓禮之皆不赴慕慕自得而已孺人樂氏三子曰
樂準因至是先生壽七十有三孺人七十有六孫曾
滿前享有甘旨識者以謂先生平生孝友忠厚之報
焉先生長身玉立風采凝重少壯時喜交游落落有
大志今冢宰抑菴王公前魯府紀善坦菴梁公皆嘗
禮致於家使諸子就學焉梁公喜飲先生日與之傾
倒醉則高論雅謔甚得也王公禮法自將先生深敬
之公亦雅敬先生爲記其所謂西軒者二公皆以謂
先生可以有爲也蓋二公去而先生日樂於自適利

祿富貴漠然不動其心至於今而先生老矣鉉自展
省時別先生蓋又更十載於茲昨者樂以國子助教
繇南京考績過旅邸因相與憶先生欲一侍不可得
私竊念江鄉間疇昔與先生同時而處者往往挾其
貲力騁智以詭眾恃勇以凌弱輝赫振耀一時者何
限乃至於今或泯泯無聞而先生躬孝友忠信之行
退然於眾人中而卓卓自立如此然則先生豈獨蕭
氏之望哉一鄉之望也使得其位出所有以自見詎
止一鄉已耶惜乎世之知先生者少也用不揆其辭
尙約文鈔 卷八 傳 九

之不腆敬次第先生行己之概遺樂俾寓歸錄諸家
乘傳焉

太子太保金公傳

公諱濂字宗瀚姓金氏其先世居潯之栲栳堡高祖
繼先仕元爲宛平簿卒官因家邑之明時坊曾祖誠
國初自宛平徙淮安之新城占籍山陽焉祖德考銘
皆不仕三世皆以公貴贈榮祿大夫太子太保兼戶
部尙書妣皆贈一品夫人公賦性警敏豁達自少勤
問學經傳子史臺臺成誦補邑庠弟子員永樂戊戌

以書經第進士拜湖廣道監察御史凜然持風裁宣
德初巡歷廣東江西所至有聲旣還浙江豪徒史慶
因亡命有司索之不得皆被累詔公往捕獲之以父
憂去官尋起爲陝西按察副使方是時虜酋朵兒只
伯擾邊遂敕公巡撫兼督甘綏各郡糧餉規畫有方
兵食給足以功擢都察院僉都御史分鎮寧夏久之
陞副都御史虜既款附邊境乂安公暇日輒詣學命
諸生講論經史將校環聽之雖寒暑不廢西人翕然
頌公以理不獨邊務修而已且志教化也未幾召還
尙約文鈔 卷八 傳 十

陞刑部尙書在職悉心庶獄姦慝無所貸而欽恤一
念不忘正統戊辰間寇鄧茂七作亂勢張甚命偏師
往勦之以公理兵政時將校多不戢士公患之有犯
者一繩以法授諸將以方略而躬撫輯其民俾各適
有居賊境盪滌民用以寧遂全師而還公之功爲多
以故職兼太子賓客尋進太子太保兼戶部尙書景
泰初邊務方殷供餉匱乏公日夜經畫以濟一時之
急有所見輒言於上汲汲以足國爲己任疵訕紛騰
毅然弗顧也聞四方水旱憂形於色講求荒政奏遣

使賑卹嘗辭師保之俸詔優答之謂其於軍國之事多所用心公益感激自效日忘其勞君子以謂公於是職無愧焉景泰五年二月二十日以疾卒於位享年六十有三配高氏累封一品夫人公卒甫踰月而夫人亦卒次王氏子二人長輔良弼以明經中鄉選公自入官以來歷事五朝威名偉績卓然一代重臣而尤爲今上所知訃聞嗟悼輟視朝一日命有司治葬事遣官諭祭追封沐陽伯諡榮襄公平生篤於孝居父喪哀毀弗勝出必徒步未嘗乘騎閭里中太夫尙約文鈔 卷八 傳 士

後之欲知公者有徵云
論曰金公可謂瓌璋傑然者也士當平時謹章程勤政績若可勉焉而緩急之際能不寤東者鮮矣公始終更踐內外磊落著聲烈固有大過人者然或者猶以爲可及也至若講求經理眾論以謂不便乃決意行之國賴以濟比其沒君子尤惜之此可多得哉嗚呼可謂瓌璋傑然者也
篁岡處士傳
處士姓蕭氏字邦彥其曰篁岡者蓋卽其地以自稱尙約文鈔 卷八 傳 士
而鄉人因以尊稱之者也蕭故泰和宦族居南溪者凡十五世自處士之尊府始徙居禾坑今再徙而居篁岡蓋又三世焉處士少卓越負奇氣與人言馳騁傾竭不肯媵媚脂韋以取容於時行義著於鄉人皆信服之嘗爲區長董一區之賦又嘗爲百夫長率眾採木湖湘山中不漁取於民而事以辦治故在官長前應答侃侃無所屈而官長亦皆刮目待之所徙禾坑距故居五里篁岡又倍之其鄉之俗素桀驁不相下稍有弗平輒鬪訟鬪暴不已然處士素尊族誼凡

宗族有緩急處士必赴處士有緩急族之人亦羣起而赴之是以所在必行其志未嘗一毫挫於人晚歲家益裕乃更務爲忠厚不復與人校是非教子姪皆使之讀書爲善曰爲善植家之本也初處士之高祖與鎡之高祖同出先高祖嘗以季弟爲伯兄後遂棄其名分欲正之不果至是處士與兄文升謀貽書鎡曰吾弟掌天下之教而家之名分不正可乎乃合兩房子弟置酒約敕曰自今以往尊尊卑卑毋循襲舊弊可也由是子姓藹然親睦無敢有異議者蓋百十

尚約文鈔

卷八 傳

三

年之謬一旦改而復歸於正卽此一端處士平生大節可概見也年八十髮猶未頽白步履啖食如少年時而好賓客益甚一子曰漢端重卓立諸孫皆循循攻書遵處士之教篁岡舊傳爲黃岡自處士之徙更今名云

論曰士所行過庸眾人者必其有所負也所負既高則其所行益異豈特沾沾術智爲哉處士居鄉未嘗以辭氣加人而人皆化服之亦其所樹者義焉耳惜也不得位以表見於時然蹟其所成就亦可謂磊落

不羣者矣

胡處士傳

處士胡君字重通泰和社溪里人也社溪之胡徙自黃漕蓋南城丞箋之後其先與忠簡公同出自高祖以上當宋元之交往往以節義行鄉里取官勳於時自曾祖以下乃恂恂然讀書好禮以忠厚相傳於家君蓋能率其祖考者也天資聰敏自幼所讀書傳及秦漢唐宋以來諸史至於古文詩賦之類歷歷暗誦不忘見時人之作輒能辨其高下皆切中於理蓋可

尚約文鈔

卷八 傳

西

與進取者也然念其母孺人蚤喪而尊府高年多病以故晨夕油油然不忍去左右家雖不甚豐而甘旨之奉必極力營之賓客過從則爲之傾倒以悅其親心至其病也湯藥必躬進其殆也保抱扶持之窮日夜不以爲勞其沒也葬祭皆哀旣其久也言及輒悲蓋君之孝如此昆季四人伯兄重簡先卒君於是與仲兄重連弟重宣相友愛甚至公私之務一以身任之事有疑難者必取決焉而君未嘗厭煩撫諸孤姪如己子然蓋君之友悌又如此君之材旣可以有

而又能篤於義故其言不獨兄弟信之至於宗族與夫鄉黨遠近小大無告之人有不平來愬者一言區處之皆帖帖罷去自予往還社溪於今幾四十年嘗竊自歎胡氏居山中累世山中諸大家以貲業相雄長者不少獨胡氏諸少長循循然禮法自將何其威哉而君蓋於今輩類中其尤者也去年秋誦言於家訪予京師予未之信也歲夏四月忽相見旅邸執手勞苦之因歎曰君非今世之人蓋古之人也自予仕於此相過者累累有之非服賈即訟獄也君獨無所

尚約文鈔

卷八 傳

五

事而至豈非難得者哉留之數月而別其別也念無以相遺君有二子曰岐曰峻皆清俊好學而岐習舉進士其志非底於成不止於是撮君平生爲傳以貽之俾傳焉

論曰君之祖良心翁予嘗得其所作詩讀之清新典則其氣冲然有以想見當時忠良長者之風及得侍教君之尊府最久其心渾然未嘗肯以一毫非禮加諸人蓋能篤其世守者也君雖飄落有用世之意然其所存不異厥祖考與時之設械任數以矜名射利

者殊科其積累固有所自哉惜隱約以終其身而今亦將老矣故特爲著之云

太孺人郭氏傳

太孺人郭氏諱妙清世滁州人同郡贈兵科給事中劉君某之妻刑部右侍郎清之母也以子貴封太孺人初給事君娶李氏韓國公善長之姪生四子曰安道守道存道全道二女李沒太孺人爲繼室方此時給事君暨安道守道以攻醫能琴名漢庶人高煦在南京禮致府中太孺人隨侍焉永樂丁酉生清財兩

尚約文鈔

卷八 傳

六

月漢庶人遷臨棠劫給事君偕二子以往給事君歎曰父母老矣誰能爲我養者太孺人曰養舅姑婦職也君亡慮遂攜李氏子女暨清還滁有司以漢庶人被遷隨行者家屬俱當徙督迫之就道里豪有乘機利其居業者危言恐之太孺人拒以理毅然不爲動里豪慚而止既而果不徙居業賴以全然是時子女方幼而舅姑年皆八十餘臥病在牀孺人日扶持奉養無少怠至沃盥之具皆身親之歲庚子舅姑相繼沒適守道還自臨棠太孺人相率竭力備棺衾

以襄既畢則盡歛所蓄召守道遺之曰吾幸了婦事當從汝父於役資業悉付汝也於是攜全道暨清往臨棠至則給事君久病方瘥寓舍蕭然四壁立太孺人日夜辛勤理生業家爲之饒給事君察庶人所爲多不法懼禍及私以語太孺人太孺人歷陳所以規避計給事君遂稱疾不起宣德初庶人果敗同事者皆及誅獨給事君獲免人皆異之不知太孺人有助也給事君既請戍遼東明年將全道訴於京久之不得歸適歲飢戍遼者多失所太孺人經營百方家幸尙約文鈔 卷八 傳 七

以完清甫成童雖艱難中必延師教之給事君以全道代戍孺人暨清南還太孺人瀕行悉籍所有封鑄屬之全道不私一物所齎衣被而已至滁卽白給事君遣清入郡庠凡飲食衣服百需皆太孺人經紀之往往脫簪珥以佐費給事君沒既終喪清攬軍務自貴州還朝始迎養京師哀命寵加日事甘旨人皆爲太孺人榮然是時蓋老矣踰年以疾終其子之官舍景泰甲戌十二月十六日也壽八十有二太孺人自高曾以來爲元總管其母沙氏亦總管之子雖

生貴富家然其父時業日益落故太孺人之歸祇順淑柔克修婦道不獨孝於舅姑其撫前室四子二女恩意均一踰於己出給事君嘗有所分資必請先四子而後及清或有不給惟取四子之足雖不及清無纖毫介意比其長也皆擇良偶婚嫁之人尤以爲難蓋清嘗爲予稱太孺人之善如此及太孺人沒清又備述事狀求爲之傳嗟夫予固樂道人善而又知太孺人之賢矣況清嘗從游太學顧可使之泯沒無聞邪迺次第所述俾傳焉

尙約文鈔 卷八 傳 贊

七

論曰太孺人之行非獨其子言然嘗質諸其鄉人之習劉氏者皆以謂良然昔劉向傳列女凡一節之善靡不備錄非特存其事蓋勸戒之道寓焉嗚呼使大孺人得列其閒凜然爲世教重矣

贊

魏尙書待漏像贊

挺乎松柏之姿粹乎金玉之章蘊於中也春風而和氣發於外也烈日而秋霜旣列職於大卿實專掌乎邦禁持三尺而日嚴爲九重之所任蓋其學之博足

以論道而材之達足以適時德之宏足以勝重而氣之盛足以有爲宜乎不茹吐於剛柔嘗效忠於獻替雖眷隆於今日曾受知於先帝惟處高而益謙斯福祿之川至噫後之人覩其儼乎若思之容有以想見其坐以待旦之意也

刑部尙書楊公像贊

霽乎春陽之和皎乎玉雪之清也確乎立志之端坦乎宅心之平也攻其文不獨取當代之科第展厥武蓋嘗試胷中之甲兵也既敷歷於郎署益欽承乎寵

尙約文鈔

卷八 贊

九

榮也廟堂禮樂雍容乎春官之卿邦國禁令整肅乎秋官之刑也其功業之超如泰山喬岳人不見其運動而聲華之重猶景星慶雲人皆知爲文明也若公者揆之今不知其所匹方諸古非房姚范富諸君子殊不足與之抗衡也

大理丞蕭君維禎像贊

承累世之箕裘紹名家之詩禮既明敏而疏通亦溫厚而豈弟人但見有材以資其進修而不知績學以爲之根柢始決勝於賢科卽知名於朝士任郎署則

奏嘉績於秋官爲丞佐則持正議於大理偉年華之方壯焯聲譽之日起是宜膺寵遇之日隆而不至於遠大不止也

薛亞卿像贊

夙鍾秀於山川蚤蜚聲於科第外則藹然和氣以接人內則凜然冰霜以自勵清名著烏府之僚偉績顯秋官之貳其執法也克謹三尺之攸施其巡歷也能體九重之德意是惟明堂梁棟之材豈但清廟瑚璉之器宜其寵命有加而福祿兼備也哉

尙約文鈔

卷八 贊

十

王撫軍畫像贊

生勳舊之家長承平之世風雲之陣講之有餘龍虎之韜蘊而未試享富貴而不驕樂琴書以自遂使其獲膺寵命見效當時予知其投筆封侯若拾芥於平地也哉

香山貳尹叔介彭先生贊

卓越之行磊砢之姿學足致用氣足昌時外雖懷乎其難犯中實藹然而自怡分教近庠旣已遂其啓發佐政遠邑益可宏其設施光先世之慶澤爲後進之

表儀蓋偶聞其名尤足致人景仰況親炙其像得不爲之興悲也歟

雲南憲副蕭君仰善像贊

其生也芝蘭玉樹之產乎名家其出也景星鳳凰之瑞乎聖世蓋其貌粹然允契乎厥心而其氣浩然足充乎厥志早肆力於遺經遂擢名於高第薦陞郎署幸承雨露之榮超擢憲臺益重冰霜之勵僚屬服其清而樂其和遠人憚其威而懷其惠然猶翼翼謙恭兢兢寅畏宜其令譽之日章寵命之疊至蓋梁棟之材瑚璉之器知效用之有時孰得量其造詣也哉

楊助教像贊

生於清白之家嗣乎衣冠之世修業惟篤於詩書體躬克惇乎孝弟名既捷於翰墨之場職復膺乎文學之寄繼承寵擢列六館之師儒爰作範模表四方之賢士蓋僚友服其雅懷而搢紳慕其高致然猶慊乎抱冲俛焉自勵蓋福壽但見其益增而祿位孰量其所至哉

宋長史子環遺像贊

公之學也素蘊蓄於成年公之出也實遭際於明時確然端重之行粹然純雅之姿再歷郎曹而職專於考課兩遷王相而名重於京師然君子猶惜其材德之備而未究功業之施觀儀形而致歎論夙昔而興思孤峯白雲茂林清池意其神遊八極之表或者尙來往於螺山之陽鷺渚之湄也乎

山東憲副彭公曷像贊

儼乎其外之恭粹乎其中之亙淵乎其學之深允乎其行之臧務策名而奮身科第求終養而淹職郡庠晚乃典學政以柱下之史繼復掌考課於天官之郎遂佐藩憲益承寵光惟其心確乎不變故其政焯然日章有斐不謬惟武公以自勵急流勇退真若水之可方斯人也所謂富貴不能淫貧賤不能移者宜其優游自得而壽考之無疆歟

處郡太守李公信圭遺像贊

其體胖焉以舒其容肅焉以莊繼舊家之簪紱與威世之賢良既嘗窮經廛戰場屋已乃射策入對明堂爲邑既齊聲於定馬典郡方擬蹟乎冀黃蓋節操挺

然松柏之晚翠而襟度靄然蘭蕙之春芳雖壽止六
表而子若孫仰其垂裕所謂沒世不忘者也

王主事像贊

坦乎其心之平肅乎其貌之恭靄乎其詞之博浩乎
其氣之充發爲文章猶水湧山出俊逸而演迤著於
事業如輕車熟路磊落而清通故能馳令譽於郎署
承寵敕於九重而又濟之以祗慎持之以謙冲宜其
方進而未已致寵命之日隆也

朱教授像贊

尙約文鈔

卷八 贊

三

儼然其色之莊而粹然其容之清靄然其心之和而
淡然其趣之平研經籍以自得戰文場而擅聲鄉校
歷官既三持乎教鐸秋闈選士實五典於文衡蓋其
所蘊取之而不竭故其所發用之而愈精此其所以
日享乎壽考之福而欽承乎寵遷之榮也歟

泰和貳尹張君像贊

靄然者貌而其中則介乎自持確然者守而其材則
卓乎有爲其游上庠也實翺翔乎俊造之列其佐大
邑也常蹈履乎循良之規蓋接其文采固皆詩禮之

發而考其政治罔匪惠愛之施既謙冲而祗慎亦直
亮而坦夷予見其寵榮福壽日進於遠大而名位祿
秩奚但止於今斯而已乎

陳公雲司訓像贊

其學有以成乎人其材足以充乎器觀其外偉然而
有儀知其中奮然而自勵模範乎庠序之中周旋乎
禮樂之地雖日耽臯比之樂而不墜青雲之志吾見
其方矯鵬翼以圖南又安能測其九萬里之所至哉
王古平先生父子遺像贊

尙約文鈔

卷八

贊 哀辭

三

其父也超然山澤之癯其子也表然師儒之秀蔚乎
橋梓之同榮挺乎椿桂之偕壽方冠服之雍容正詩
禮之授受蓋考其時傷往而莫追然覩其像知有以
垂裕於厥後也歟

哀辭

漢濱先生哀辭

有序

先生姓錢氏諱鏐字立志吉水圓塘人吳越武肅王
鏐之後也曰漢濱者居旁有澄陂千頃名漢陂嘗以
自號鄉人尊之因稱曰漢濱先生云先生當元季世

讀書力行以古人自期待嘗挾所藝就鄉舉連不偶於主司既而嘆曰此何足爲吾累也遂歸隱文昌山中日以養親行義爲事壬辰之亂所在相攻剽先生奉郡檄率二三同志爲捍禦計未幾文昌之境陷於賊先生請兵於郡戮力克復之以功權署廬陵簿親舊避地者皆歸焉困窶者常周之其後鄰境皆陷文昌亦獨立不支先生遂挈家以逃雖盡喪所有而忻忻自得人間之故曰吾幸閭室免於難前人遺澤深矣他遑恤也國朝平定海宇先生始還一復其故業

尙約文鈔

卷八

哀辭

五

於是先生老矣乃徜徉山水閒日與士大夫觴詠自娛贛守許莘以明經薦於朝符下許遣人以書幣詣門請焉先生懇以老辭年七十以壽終於家鉉於先生鄰邑嘗聞之長老言先生者義如不及貴雖不甚豐即捐千金弗惜也方歲歉時有士人告糴焉先生欲不受其值度不能卻乃曰屬近日匱乏宜少需耳其人愀然曰吾家待公舉火也先生曰毋苦嘗遣人索米當還有卽相濟也其人歎恨而去遭先生之僕於途詢之則已致米其家矣蓋平生所爲多類此然

非以要名也鉉生也晚恨不及一識先生而幸得奉教於先生之孫今禮部侍郎公爲門生且辱愛焉則猶私淑先生者也先生之德義蓋所謂沒世不忘者在他人尙思之不置況鉉之嚮往追慕者業有年而獨能已於言乎乃爲辭以哀之辭曰

悲哉四序之不淹兮日月習其如馳有嫩一人之嫵修兮羌既往而不可追潛予心之懷恨兮冀踵武於前修曼長夜之莫且兮欲執轡其何由曰在昔之懷厥內美兮寔幽懷其誰謂滋蕙蒨於庭皋兮樹留夷

尙約文鈔

卷八

哀辭

六

於堂下冠切雲之纈裁兮佩五采之陸離被明月以容與兮雜寶璐而委蛇獻荆璞以效忠兮何和氏之莫遇也騏驥矯以馳騁兮何伯樂之弗顧也忽遭世之狂攘兮哀生人之傷豺虎也瀝義膽誓過滔天兮般隄障而莫之禦也顧漭瀟以悵悵兮潔吾身而去之保厥美以俟時清兮寧申椒而佩之老冉冉其將至兮亦幸復安於故所握瑜瑾而韞諸橫兮雖沾之而遠與集芰荷以爲裳兮芻桂蘭以爲宮奄乘化以歸盡兮何傷乎令終荃慶澤久而彌威兮夫安知其

所極眇高山之仰止兮能不增予之太息繫稻案以
陳庶羞兮潔蠶勺而實瑤漿瞻故山之邱隴兮幸得
奠乎羽觴惟令名之可以永存兮夫奚患乎遠而託
巫陽而致辭兮聊以摅乎我私

尙約文鈔卷八終

尙約文鈔卷八 哀辭

毛

尙約文鈔卷九

明泰和蕭 鎡孟勤著

宗後學上田敷政校刊

墓表

左春坊左庶子兼翰林侍講周君墓表

周君諱旋字中規溫之永嘉人正統丙辰擢進士第
一入翰林爲修撰九載績最陞侍講景泰壬申懷獻
太子立進左春坊左庶子兼舊官授奉政大夫又明
年是爲景泰甲戌正月二日夙興方盥櫛造朝忽得

尙約文鈔卷九 墓表

疾尋卒朝之賢士大夫相知者聞之咸驚愕悼惜謂
以周君爲人其造詣宜不止此豈天於賢者固吝其
進邪何其卒之暴也卒後一月將歸柩葬其鄉於是
其孤冤介吏部郎中黃以載謁予文表墓噫君予友
也奚庸辭按君曾祖德銘祖思賢父大順皆弗仕大
順以君貴贈翰林修撰母陶氏贈安人君六歲喪父
未冠又喪其母煢然自立入郡庠爲弟子員卽奮發
刻苦於學輩類咸推讓之每科舉必以魁自期雖屢
弗偶而其志不少挫卒用有成入翰林適詔選庶吉

士俾續學中秘月爲文章而考其成君旣在選首遂日夜進學不厭其業益修其名益重同考壬戌會試得今春坊大學士劉君儼所作大稱賞擬置高等同事者沮之君不平爭之愈力已而廷試劉君果魁選人服其識而君因之致疾在告久之還朝遭今上卽位慨然歎曰安夏攘夷此其時也上疏萬餘言皆當時急務其於親賢遠佞勤政講學之類語尤剴切多見納用進講經筵與修歷代君鑑皆受白金文綺之賜卒時年五十有八君旣早孤故居家雖儉約而於尙約文鈔

卷九 墓表

二

戚甥內外恩意尤厚叔父嘗一至官所留弗忍別外姑寡處迎養終身其卒也皆殯葬焉教諸子雖嚴爲條約然煦煦不忍傷之與人交傾肝膽不事畛域有過從者興至卽款留之奕棋觴詠忘其日之夕也爲文章恥陳腐務出己意爲奇語每有作輒呼酒引滿三數行索筆一揮千百言立就汗漫演迤理致油然求者屢接於戶而君應之常有餘有集若干卷藏於家配同邑章氏封安人子男五冕纓冠紉綬女一適士人其孫男一祖陸其墓在某山之原國朝自洪武

辛亥以來至正統丙辰六十六年閒凡二十設科狀元及第者蓋二十人率皆磊落瑰璋之士其閒位公卿處有密建功立業者往往有之然鬱堙沈滯未及一命之遷而忽焉以沒者豈少哉君自少卽有志於天下及遭其時意謂可行也不幸困於疾旣疾之平乃不克少延以竟所願豈人之君子天之小人之說果然歟抑修短豐嗇幸不幸固自有命哉然而敷歷侍近進大夫之列其文章事業又卓卓著當時名後世如此以視他人蓋可無憾矣表而揭之墓以貽周尙約文鈔

卷九 墓表

三

氏子孫宜也特論次之

肇慶知府李公墓表

宣宗皇帝龍飛第一科進士凡百人李公應庚其一也公初以禮經魁江西鄉選是年減進士額而公復褒然在高等於是人知公之文學特出於尋常人已而一榜皆賜還俾需次於家越三歲遣官驛召至京師明年春文華殿覆試之於是人又謂進士常制而公是科獨榮授行在兵部車駕清吏司主事久之丁內艱去未終喪詔起復仍授前職將滿九載用薦擢

肇慶知府兩閱月而終公在兵部禮法自將政務酬酢皆有條緒時靖遠伯王驥爲尙書掌部事甚見獎重多所咨度嘗奉使廣西檢閱帑藏毫髮無所失又使廣東董木植軍民安之武臣有欲求公過誣之者無所得則飾辭謗之然公之行素孚於眾謗卒不行而名益顯又嘗使陝西大同北直隸諸郡既又奉敕四川調選軍士所至事以辦治蓋公居官謹恪有守爲其上所知故屢見委任雖或惜其賢勞然其致聲績亦多以此其在肇慶不鄙夷其民一以禮化誨之

尙約文鈔

卷九 墓表

四

俾豪強者革困瘁者紓民翕然相與從其令雖不及漸涵以久而追思之至今公諱寅應庚其字號清節李之先居餘干之舊宅源有曰伯玉者仕宋至禮部尙書曾祖啓翁資貴溪之大嶺江氏遂爲貴溪人焉祖明遠父獻誠皆不仕母翁氏獻誠以公貴贈承德郎兵部主事翁氏封太安人公生五歲而孤鞠於伯父獻文甫十歲讀書勤敏過人獻文愛之甚撫如己子公亦敬事獻文如父公成立獻文之力居多公家居極儉約而奉母盡孝在官不暇給而教子尤爲臨

終遺言治喪不用浮屠無一語及家事蓋公平生爲人大節如此生洪武戊辰正月一日其卒以正統甲子八月二十日享年五十有七配祝氏封安人子男四敬義直通義薦爲常山訓導直景泰辛未進士擢刑部雲南司主事女五俱嫁爲士人妻孫男六福祿禧祥祚祈福爲邑庠生女五公之沒諸子歸其喪以其年十一月十日葬其里高家嶺之原至是十有一年矣直聞詣予請表諸墓嗟夫公予同年友也始公以文學取高第列夏官曹屢按事外服克效勞績一

尙約文鈔

卷九 墓表

五

時藉然動聲譽人固意公大用也而久不進及肇慶之命則謂官四品制方千里之地可以少伸矣乃忽焉不爰中壽以沒此其理胡可問哉雖然在公固若可憾而直兄弟方且奮然繼起日見顯用於今天之所以厚公或在此未可知也然則古所謂位不滿其德者宜有後不其信歟不其信歟

處士劉君墓表

泰和珠林里有篤行君子曰劉君仲兼其孝友刑於家其文學著於鄉其信義稱於人人正統甲子五月

二十六日以疾卒於正寢於是享年六十矣諸子既以其年十二月十六日葬君於居近寅山申向之原越五年是爲正統戊辰其子貢來京師求予文表墓先大夫家居時嘗從君之祖槎翁先生游予與君蓋有世好宜貢之予屬也君諱并仲兼其字劉氏世爲泰和宦族君之高祖存實曾祖快軒元時皆泰和州學訓導祖諱崧字子高卽槎翁先生也洪武初以薦授兵部郎中歷官至禮部侍郎權吏部尙書終國子司業父士鴻有學行徵至京將授官卒君生甫一月尙約文鈔

卷九 墓表

六

而孤母周氏年十九守節自誓撫君以至於成君自幼卽感激思自樹立十二三頭角嶄然出則就良師傳讀書爲文章於學入則奉其祖母與母之養於家久之學優行成鄉之大族爭迎致爲塾賓而君遂大有聞於時永樂宣德間朝之士夫相知者交薦君之材可用而邑令宋懋又舉爲校官君懇以母老辭不就惟日以督耕稼教子弟爲事澹然一毫勢力不挂於心時母孺人年八十無恙詔方旌表其門而君蒼顏華髮日率諸孫怡愉以承其歡人以謂孺人之爲

母君之爲子可謂慈孝兩盡者也君娶陳氏克勤儉相易甚得婦道子男四廣貢續拱皆端重好學廣爲邑庠生習舉進士貢亦舉教官未就女二人蕭宜陳清其壻也孫男三符表驄孫女四君爲人天性慈孝喪其祖母與母時皆哭泣盡哀以不逮事其祖父言及輒流涕宗族之孤嫠鄰里之貧乏周之惟恐不及與人交語言恂恂未嘗少拂其意晚號謙菴有謙菴集若干卷藏於家予少時與君相往還見其文學行義表然出於人竊意擢高科躋顯仕而尙書公之事尙約文鈔

卷九 墓表

七

業至君益輝光發達無疑也二三十年來吾邑一時俊偉豪傑之士出而爲世用者累累相繼而君獨鬱然泉石之下養母以終其身此豈無所見而然邪夫所見益高則其所顧益重君所以莫肯以此而易彼也然則君之篤行豈一世之士哉故特論著之俾揭諸墓上

秀水教諭周君墓表

周君侯車司訓江都時予與今雲南憲副蕭君仰箚以進士赴召便道訪學舍是暮追送江泚留宿舟中

三人者相與序契闊達旦不寐非獨以家居相好也蓋君尊府是修先生爲周府奉祠正時先人以蘇州同知謫役太邱實相與於河南其後先生擢衡府紀善仰善之尊府爲靖江長史實相與於京故予三人者篤念世契相親厚如此也越數年君以考滿及丁母胡孺人艱服闋過予者凡再執手驩如平生比有秀水教諭之命予與仰善餞於都門外別焉意謂繼此當復相見也孰計至秀水不三載而君竟死乎尙忍言邪君諱轅侯車其字周故泰和爵譽里大姓厥

尙約文鈔

卷九 墓表

八

誘掖諸生盡其方法諸生化服之迎母孺人就養焉秩滿預遣其子奉孺人以歸既考績復上章乞還展省中道聞孺人訃不勝哀毀居喪葬祭盡禮三年間葬前此不能葬者數喪嫁兄弟之孤女數人創祠堂以祀其先買田二十畝以供祀事服除遷秀水爲教一如江都正統乙丑七月二十三日疽發背以卒卒之時衣冠端坐與諸生訣拱手而逝其生洪武乙丑四月九日壽六十有一娶胡氏得婦道前卒於江都之官舍繼某氏子男三恬恪愷皆讀書教於鄉女二

尙約文鈔

卷九 墓表

九

長適郭某次在室孫男七人梁棐梁栗梁榮梁果諸子既歸君柩葬某山之原至是恪以薦仙居縣訓導戒行踵門泣請予表墓嗟夫君之成立可謂困且艱矣然德義修諸己以之事親而孝推之交友而信施之教人而化繼是以往若將以有爲也而竟止於斯豈非命邪雖然跡其平生所爲使得當世名公鉅卿表暴之可以不朽矣如予者何足以與此姑論次之蕭處士用泰甫墓表

泰和有東西鄉王山蕭氏東鄉鉅族也王山始名匡

山其後改今名云蕭氏五季時有諱占者繇金陵徙居茲山之下世有聞人處士諱吉字用恭曾祖蒙聖祖天與父顯聞母胡氏當元季壬辰之亂顯聞與其弟繩武傾貲結眾以保衛其鄉者凡五年監州達里馬識禮賢之聞於省府檄顯聞爲安福同知繩武爲承新州判未幾參政全子仁總兵征袁次泰和用讎家言將奪其產而殺之顯聞先幾遁去繩武與顯聞二子用中用周皆就捕同日以死既而顯聞赴江東亦死焉處士顯聞季子也五歲而孤常痛不逮事其

尚約文鈔

卷九

墓表

十

父不爲子弟之過既長從前尚書劉子高先生游善事其母而與其兄用昌用高相友愛尤篤國朝平定以多賦爲萬石區長不漁取於民而事以辦治有不給出私帑佐之居數年益困於役兄弟相謂曰吾得爲太平幸民足矣何以多貲爲乃悉以先疇獻諸朝謝去廬市優游山水之間無何用昌謫海寧用高亦以事他出處士獨奉母以居盡力以致養延名師教諸子皆使之讀書女弟在室者備資裝嫁之嫁兄之女暨族之孤女如己女然母沒葬祭盡其哀從母羅

寡居無嗣以子致嗣其後其沒也葬祭之如母然蓋處士之篤於行義如此處士既失其先業於是益辛勤爲生計廣畜牧時種植墾田於匡山之陰又墾於石硯坪築龍潭之塘以潴水高深數十丈灌漑千畝田日以增家日以裕乃實倉廩以周人之急儲藥材以濟人之病中歲以家政授諸子先廬之燬於兵者命諸子以次修葺之歲時燕集賓客滿前子孫迭侍人以謂故家大族更世難之後僅存而復興從容晚節如處士者蓋少也永樂壬寅九月二十五日以疾

尚約文鈔

卷九

墓表

十

卒享年七十有一葬近里大隴山之原配同邑龔溪劉氏有賢行子男四迪昊迪晟迪昊迪春昊旻先卒晟卽政也出爲同文後女三其壻曰李友義曾子孚康修敬孫男十五女七曾孫男五處士之葬於今二十有八年是爲正統己巳歲其曾孫益以事來京師聞詣予求表墓予居邑西鄉距王山僅百里然自少聞故老道顯聞兄弟捍賊被禍事常憤然不平於心及見鄉人佃蕭氏田遠近相望知其爲處士兄弟獻官者則又嘆其能輕資保身如此也蕭氏之產嘗覆

矣而處士兄弟復之既而獻之官矣又克經營其緒餘而子孫享有之則大家右族所以興替者豈係貴產薄厚哉要在其義善何如耳若處士之行義蓋不獨刑於一家雖著之一鄉一邑可也故特爲論次之俾碣諸墓上

通奉大夫廣東左布政使戴公墓表

景泰五年春正月廣東左布政使戴公方述職病不能朝上章乞致仕先是公累請不允至是察公實病許之既還而病良已越十有二月疾復作遂卒是月尙約文鈔 卷九 墓表 主

十三日也壽六十有五諸子卜明年某月某日葬其鄉某山之原前事其季祀來京師奉公之弟嘉興教授昇所述狀踵門泣請曰先人之葬既徵銘納諸幽若又得一言顯揭之阡俾昭無已不肖孤兄弟之願敢請嗟夫公出守江右也雖不及深交然嘗與公姪前吏部郎中璫今兵部郎中珉游聞公行治爲詳則於記請奚容辭公諱弁字士章饒之浮梁人也戴氏在晉時有諱濟者官侍郎扈從南渡家金陵其後徙歛之黃墩又徙婺源之桂巖宋時諱士先以進士令

錢塘始徙今浮梁之東山遂家焉曾祖德誠元以才薦授巡檢非其志棄去祖璫國初累辟不就號東山先生考嗣安恭謹長厚以公貴再贈至朝請大夫陝西右參議母徐氏再封至太恭人公自爲童子穎敏過人弱冠補邑庠生受書經刻苦於學爲文章下筆數百言立就輩類推讓之永樂甲午領江西鄉薦明年中乙榜授湖廣崇陽訓導崇陽士習素下公至嚴立規程而以身爲教生徒翕然丕變會邑令缺郡檄攝令事公既施設有法而一處以公邑人皆稱服自

尙約文鈔 卷九 墓表

主

後有不平者往往不質於有司而質之公宣德丙午九載考最簡陞兵科給事中在官恪恭朝夕凡所封駁務略細故存大體時應天等郡匠役多隱漏命公往清理公處置有方人無敢欺者己酉夏受命巡歷漁陽盧龍諸鎮還備陳屯守經理之宜上嘉納焉明年秋三載書稱敕授徵仕郎其父母妻皆官封之正統乙卯用大臣薦奉敕偕中官御史出居庸關歷宣府開平諸路凡一切邊務悉便宜處置而將之堪否士之強弱皆効舉而簡閱之還奏稱旨特加獎賚陞

陝西右參議夙夜治事於外孺人閔氏卒官舍子女呱呱然公弗遑內顧凡諸歛殯皆同寅經紀之己未春朝廷以皋蘭以東迭烈孫之地爲虜衝宜設衛於是鎮守大臣推公往公至相險要築城堡凡百所需皆用區畫僅踰月而營繕悉就肅州邊餉甚艱公按地設屯守方略又募商納粟以助不加賦而邊儲以充諸郡軍伍未清公驗籍督理之越四三年民弗擾而兵政以肅西番數爲邊患詔擇方面賢能者往視之咸以荒外不樂往公獨毅然請行或勸以兵進公

尙約文鈔

卷九 墓表

五

曰夷性犬羊耳臨之以威不若撫之以德撫之弗從用兵未晚也於是諭以朝廷恩威導之利害皆頓首納款西土以寧甲子秋陞湖廣右參政錫之誥命進朝請大夫贊治少尹父母妻皆加恩焉尋丁外艱去戊辰冬服闋調廣東馳驛赴任會廉雷諸郡獠獠弗靖公與安鄉伯張安招撫之還至羚羊峽猝遇賊舟公登岸散遣僕隸獨據胡牀坐賊揮刃直前公弗顧徐曰我戴參政也責以大義賊聞之投刃謝曰公與楊參議清廉愛百姓何敢加害初不知誤犯耳羅拜

而去楊參議蓋信民也黃蕭養作亂率眾圍廣州軍民乏食公設法計口給之眾既得食城守益固賊以呂公車來攻人皆恟恟公則出已帑爲倡懸賞募士以鐵汁蠟炬焚其軍賊不敢近廣西參將武毅來援扼於賊不得前公與眾計閒道與武約令併力以進武至城賴以存無何公當進表北行軍民懼其去賊日益滋乃相與臥於道泣留之時信民爲僉都御史任巡撫以爲然乃遣他官代行留公偕武毅駐金利會董都督軍剋期進戰遂擒其渠首餘黨以次悉平

尙約文鈔

卷九 墓表

五

公之功爲多凱閣上大書遣使勞以羊酒楮幣金織襲衣陞公爲右布政使命下公已丁內艱去廣人合辭乞復之詔奪情乘傳之任廣人聞公來間巷驩動謂公爲可恃也踰年再陞左布政使蓋未幾致仕公先配閔氏初封孺人再贈恭人繼李氏三子瑛瑄玘玘鄉貢進士女二適查珽孫琰皆閔出也孫男六孫女四公兄弟七人而公居長平生孝友著聞爲給事中時嘗歸省父左股患疽十餘年至是益甚公爲餽之遂愈居喪致其哀鄉人子弟咸則之在京師嘗於

所居旁構屋數楹以待鄉里朋友力難賃居者同年鄭君常以事被逮公力爲申雪之既而常與進士崔遠及其子某皆相繼死公捐貲買棺以歛又返其骨於鄉鄉人有傭工者寓居得疫疾劇甚或謂宜徙之他所不然且相染公弗聽濟以藥餌竟瘞其人誓終身力役以報公厯官中外餘四十年其大節磊落固不可及而其細行可書者又如此爲文章長於詩宜德中瑞星騶虞暨元夕觀燈之類皆有所進獻屢蒙宴賚其所作多清新典麗爲人所傳誦有蒙菴集若

尙約文鈔

卷九 墓表

七

千卷藏於家予觀江右戴氏自承樂宣德以來可謂盛矣每得鄉閭會試等錄考之往往子父弟昆相接跡而究其所出則皆公之兄弟羣從初非疏遠之族因歎何以得此於時哉及跡公所行然後知其所以承先裕後者皆體之以躬故其子弟亦皆率循效法之至於如此之盛非偶然也公之論議在朝廷功業著陝右而深仁偉績焯乎嶺海之間皆當時之人所共知至其服於躬刑於家浹於其鄉則人知之者或寡夫事固有本末本深而後末茂末有本之撥而未

蕃也若公所行可謂有本矣其所以覆庇其後也固宜予故特爲表暴之俾鄉之人不獨慕公之顯融要知戴氏之盛其來有自

贈工部主事劉君墓表

景泰五年秋永新劉君成以其子善課最詔追原所自贈如其官承德郎工部都水清吏司主事明年善狀其行謁予曰孤無似不幸四年喪母七年喪父而賴底成立以有今日者皆先人遺澤也方先人棄背時孤兄弟皆幼愿無所知稍長始獲聞潛德懿行於

尙約文鈔

卷九 墓表

七

族之長老謹識之弗忘迨今四十餘年前輩日以彫謝耳目所聞見日以益遠不得當時名能文者一言顯揭之懼將遂沈湮無聞有負明天子所以寵褒之意不肖之罪其何道焉願有請也按君諱成字晏成劉氏先世居永新之後隆興宋丞相沆同出九世祖某始徙邑城東之樟楓今爲樟楓里人曾祖德忠祖相高父子桓皆隱德不仕妣陳氏君自少磊落有大志讀書折節慨然欲效用於時然遭父蚤喪而田稅故浩穰有司屢簡長其區之賦日供役不暇於是乃

始置書歎曰吾無以遂初志植身修行得爲善人足矣蓋循循然人則孝友於家出則推愛利於鄉外內翕然稱之永樂丁亥大饑疫癘死者相枕藉君視鄰里饑不能起者率僮僕攜飢粥往食之死而無歸者具棺衾葬焉或以癘氣爲戒弗聽爲之益力歲己丑朝廷採大木湘榔閒縣符君爲千夫長率眾以往於時夫丁皆貧窶下戶至山場多病瘡饑餓以死君憐之予藥劑分食飲服療之無資費者貸之而不責償比竣事還踵門而謝者無虛日至有感激出涕者母

尚約文鈔

卷九 墓表

大

嘗患風艱舉動君日侍飲膳不離側母欲還外家懼肩輿頓蹙則躬抱負以往仍抱負以歸從子曰懷英自幼父篤疾不能撫則取而長教之若己子然歲開家塾延名師教族人子弟其日給資俸皆出於己以爲常人尤難之劉氏家素饒先廬甚宏壯旣而爲暴客所燬殆盡君辛勤營締之未幾悉復其舊蓋劉氏先業墮而復振者君之力居多一夕遭疾知不起遂前期籍家事付其長子且語以葬處而以穀一囤與懷英其與資諸子增弟姪有差明日晨興沐浴畢衣

冠適正寢設酒果召族婣鄰里酌別如平時少頃而終永樂庚寅某月日也享年四十有一配永寧瓦岡謝氏有賢行贈安人繼沈氏子男三長道麟次卽善次彝道麟善謝出彝沈出也道麟以子數貴贈南京貴州道監察御史善中應天鄉選繇胄監生授工部主事女三其壻尹孟端龍暹吳崇俊孫男八敦敦敦敏汲竿篴某敷景泰辛未進士任南京監察御史曾孫男若干其葬以沒之後四日墓在近里荷木山之原嗟夫世之人非不知爲善然以謂無益故往往有

尚約文鈔

卷九 墓表

九

怠心而卒無以就君子則不然俛焉日孳孳爲之豈計功利哉其所以獲報者理自然也跡君生平以布衣處田里閒而濟人之急惟恐弗及旣不及沾一命以自效而又不得乎下壽誠若可異然比其沒久焉而子若孫相繼顯融於朝寵命下臨終古有耀天之所以報施豈薄也哉用是可爲爲善者勸故特爲論次之俾鑲之墓上

封監察御史張公墓表

應天之句容縣有張公者其孝友稱於鄉再世矣公

諱逸字伯安景泰壬申以子諫恩封文林郎福建道
監察御史人咸以爲榮然公所以重於時者以行義
不以貴也會祖進甫祖仲明父穀賓張氏世有隱德
至穀賓益敦孝友藹然聞一鄉洪武中家園產瑞瓜
同蒂駢實以獻太祖高皇帝喜曰靈貺之臻也宴賚
之御製嘉瓜讚道其事人以謂張氏致此且大居無
何邑人有與弟穀恭同姓名者坐事自經死有司掩
捕其弟以塞責穀賓走訴闕下或戒之曰訴之且重
得罪不聽訴之併就執穀恭慟曰我被誣有司命也

尚約文鈔

卷九

墓表

子

兄何爲者穀賓曰吾赴弟之難奚悔焉卒俱死籍其
家人傷寃之然穀賓之名自是愈益顯穀賓三子長
伯達次公次伯啓偕謫崇山奉母胡氏以居伯達尋
調赤水卒公留弟養母躬往繼戍焉旣去而母亦卒
公聞訃哭踊絕而復蘇者屢執喪三年哀毀踰禮旣
免喪嘆曰人奚可不學不學殆無以自立尙欲遠紹
先德乎時同寓以學行名者王子立趙弼輩公與之
日相友善以讀書力行爲事由是雖在謫戍表然以
士行稱族叔穀善自蜀經赤水還抵永寧遭疾將不

起公聞之晨夜馳往營救之百方穀善竟得全公傷
父叔死非命而兄亦早卒與其弟友愛尤篤雖離居
音問日至比老還故鄉必相約偕行其弟以事不果
公僑寓京邑以俟越三載不至始還句容病革語諸
子曰念吾弟不置吾之棺其材良爲我釐爲二留其
一遺之蓋公平生孝友如此公在赤水時朝廷嘗命
內外大臣採木於蜀軍夫道赤水夷人往往依險阻
伏弩邀射之上怒命都督李敬按兵察其故夷人相
煽欲爲變公單騎入其境曉以利害夷人素服公悉

尚約文鈔

卷九

墓表

子

聽命遂以無事則相慶曰微張公吾輩其兵死矣公
急人之難雖死易之有以孤託者必經紀其成立費
費不計也嘗得夷童爲義子爲之婚有男女矣聞其
本良家子爲夷所掠卽資遣還其家征麓川師還多
道病且死公見之輒昇置驛中予善藥且飼之粥全
活者甚眾死者給棺殯之爲識其墓蓋公平生之義
善又如此公之名著於蜀滇之閒久故其還也夷人
相率遮留之不得則涕泣送之遠焉而後去所遺廬
舍邱木至今無忍毀伐之者景泰癸酉七月十五日

終於正寢享年八十有三配孫氏有賢行贈孺人前公卒十一年矣子四人謹讚諫諂女二人姚或姚廣其壻也孫男九悰恆恢恪慄慙慙忱悵孫女二公天性孝友平居言及父母輒嗚咽不自禁恪守先訓羣從同爨者八百指恩意均一而常處之以嚴子弟有過雖頽白者猶撻之一錢尺帛無敢入私室者歲時朔望必盛服率長幼謁先祠畢坐堂上諄諄訓飭之子孫服其教無敢違當時鄉邑稱禮義之家必歸之張氏云篤嗜經史雖老不倦工詩有集若干卷藏於尚約文鈔

卷九 墓表

三

家子弟俊秀者必資遣就明師以學諫始從教授何邦寧繼從忠愍公劉廷振以禮經第進士由行人擢監察御史凜然持風裁實公之教也諫捧藪歸省踰年而公卒於是詣京師援例還守制將卜以是年十月二日以公與孺人合葬於其鄉南橋義隴之原謁文諸隧始予與諫交見其端謹尙氣節固意其爲名家子而未知其他也旣而伏讀高廟實錄及太史宋景濂所爲頌備詳嘉瓜事然後知其所積者厚矣最後得公所寄忠愍公詩讀之於是又知張氏所以光

前貽後者皆公爲之也或者謂張氏世敦行義造物者既委和毓秀爲之兆宜日受其福乃反更得禍何哉無他福禍之來固以類然所遭有弗當雖天莫如之何也惟君子爲能確然不變而理卒復其常然後知天必久而後定在古之人亦云豈獨於今然邪若公流離顛頓債而復起而孝友忠厚之念始終不易卒之躬膺寵封顯融光大而張氏之盛日進未已天報施可誣也哉故特爲論次之非特示張氏子孫且以爲世之篤行者勸

處士戴君墓表

處士姓戴氏諱侗字伯初其先杜陵人也唐季檢校
太子尙書令昭以南平節度使鎮越因家金華之浦
江越二十四世曰景和子曰仲積處士之曾大父大
父也景和在元時有隱德翰林學士黃公潛卿爲銘
其墓仲積國朝贈奉議大夫太醫院使其墓宋公景
濂實銘之蓋戴氏之先德具焉考原直與其兄原禮
皆儒醫浙之以醫名莫出其右者太宗皇帝在燕邸
兄弟俱被召原禮歷官至太醫院使而原直先卒上

每顧問院使嗟悼之方原直留藩府時處士年尙幼
獨與母陳氏居刻苦務學日底於成立甫弱冠失所
怙執喪哀毀踰禮自是奉其母甘旨溫清以孝聞於
時母以上壽終哀毀尤甚常痛父早喪自少壯至於
老言之未嘗不流涕忌日必素食終身不忘勤於理
家錙銖素積以致豐裕儉於自奉而急於振人之窮
與人交逾久益敬宗族婚友恩意尤篤喪不能舉者
輒爲經紀葬之鄉人有不平來愬者必處白其當咸
帖帖而去縣大夫延問時政則具以民瘼告之院使

尙約文鈔

卷九 墓表

五

公居京師屢往省視少師姚廣孝太常少卿袁廷玉
素善其父見之喜日上政欲用藩臣子弟而子適來
幸甚將薦之懇以母老辭院使公致仕歸處士無復
仕進意惟益務大其先人之業蓋孝友之行鄉人稱
之無閒言云正統辛酉五月十三日以疾卒得年六
十有四初配蔡氏繼黃氏皆賢德蔡先卒三十有五
年黃卒亦十五年矣子男六統統統統統統統而
統亦先卒女一緯富春徐祥其壻也孫男八琥琬琬
琬琬琬琬琬孫女二處士既卒之明年諸子以十一

月壬申卜葬於近里楊塘藥師塢之原而以蔡氏黃
氏附越十有一年是爲景泰三年統來京以處士狀
介吏部員外郎吳希純謁予文表墓嘗聞處士省院
使公時公故人方自新守襄陽坐累當死一日其僕
以鈔百錠白金百兩寄公所而公他出處士爲受而
藏之公不知也越數日其僕暴卒寓舍會有例死罪
皆聽贖公退朝喟曰自新守廉介陷重辟隨行惟一
僕又卒奈何處士以所寄告公喜且異之謂處士能
爲人所難也翼日自新之弟餘家來抵公泣訴貧乏
尙約文鈔

卷九 墓表

五

無以脫兄死公授以處士所寄發視之封識如故自
新賴是獲免遇所知卽誦處士所爲以爲難由是一
時遠近稱之鄉人至今猶有能道其事者嗟夫貨利
人所欲蓋有乘機抵巇掩取之者矣惟君子能以理
勝私是故非其義一毫不苟得推而大之百金可揮
也處士所爲大類裴晉公還玉帶事然晉公致相位
或者以謂陰陽之報而處士乃隱約終其身蓋相懸
若是也雖然不及於躬安知其子孫之不終享哉處
士之善多矣獨此事尤爲當時所稱道用特揭之阡

以爲戴氏他日徵

贈監察御史劉公墓表

公姓劉氏諱鼎字伯釐一字器重萬安鄧林里人景泰二年五月甲子以子孜恩贈文林郎山東道監察御史錫之敕命寵嘉之矣又明年秋孜以薦擢山東按察使迺撰次公行實詣予請曰先人積德蹈義不有諸躬以敷遺其孫雖幸荷朝命然未有文以表諸墓懼無以昭顯於後敢以圖於夫子噫公予郡人也況其子以禮請尙奚庸辭按劉先世祿廬陵徙永豐尙約文鈔 卷九 墓表 五

凡若干世再徙今萬安者公之曾祖子清也子清豪宕有勇略尙義樂施嘗保障其鄉邑鄉之人倚重之臨川吳文正公爲誌其墓子桂平公之祖也從游文正公之門與劉須溪諸賢交仕至淇州學正嘗建鄧林義塾延師教鄉之子弟文正公爲之記云子學隱公之父也敦行飲德以世其家娶蕭氏泰和名族公兄弟三人長伯宣次公次伯樞父母沒兄弟俱幼愿而賦重事繁真能相救公年十三有京倉之役焚然一身備嘗艱苦留滯十餘載而歸則居業園田悉爲

有力者所侵斂蕩然無復存者乃始收拾緒餘以自立家雖貧歲時飭粥恆晏如也居數歲日以充裕於是稍廣田廬理先業足自給卽已不求贏焉常念父母蚤世四時薦祭必致其誠生日尤悲痛曰罔極之恩何可忘也無何伯宣伯樞相繼卒遺孫六人皆撫教之若己出旣長爲擇士族畢婚嫁且經紀其家女兄適李氏早寡無後迎歸養之終身女弟許適石伯璣伯璣戍遼絕音耗或有求婚者公曰有是哉卽不幸伯璣不還吾妹甘貧當使相守也伯璣果不還養

其妹守節而終蓋公平生行義率類此公自幼俊爽不羣在困阨之中知以讀書爲務雖無所師授而能資朋游以講說四書子史皆通大意卜筮算數靡不精究尤工小楷下筆百十行不經意也雋於教子遣就明師學而日督其課程文字多親手抄錄授之竟日不厭劉氏之譜經元季兵亂失之嘗歎曰吾里同姓異族者甚眾譜可不作乎於是與其從子顯容參考世系爲家譜以傳稟僅成而沒家無留貲然賓客過從輒爲之傾竭鄰里匱乏者以告卽分所有周之

或有忿爭來質者諄諄諭必得其平然後已晚歲恬退自守不肯與流俗混屢爲異己者所詆訾弗校也故聞其沒無問內外疏戚愚良咸悼惜焉初娶郭氏先卒繼李氏封太孺人子男三長顯仁郭出也次顯愚次孜李出也女三適士人周秉章張孟廣郭秉和孫男八儀修化仵休仗僂俱孫女二曾孫男若干曾孫女若干公沒以正統丙辰七月八日享年六十有八葬以其年十一月之廿九日墓在其里南坑之原蓋公沒十年而後孜以明經舉進士任御史又五年而後公受贈命又二年是爲景泰癸酉始得碣於其阡嗟夫士君子篤爲善天必厚之以福者非力能致之理固然也然往往遽迴於始而幸通於終或不享諸身而收效於後其遲速豐嗇之故蓋有莫或知之者矣惟能勉其所當爲而不責報於旦暮旣其久也天人之理各盡茲乃所以爲君子歟公以童子孺然自立而能篤行義以終其身卒之褒章賁臨邱隴有耀而所以垂裕後人者方隆未替天於君子之人曷嘗忘之哉故特爲論次如此非獨以彰劉氏慰其

尙約文鈔

卷九

墓表

元

子孫乃亦以詒其鄉里也

禮科給事中贈刑部郎中劉公墓表

太宗皇帝臨御之十有八年詔吏部簡天下文學之士嚴試之拔其尤者爲皇太孫侍從當此時郕城劉公實在首選繇校官授國子博士日侍講讀文華殿宣宗皇帝卽位念侍從之舊擢禮科給事中寵任之公感激知遇竭心力以效職蓋清名偉節凜然聞當時者始終十年正統丙辰春懇以老辭是年八月十七日以疾終於家旣葬之十有九年是爲景泰甲戌歲迺以其子璣恩贈奉政大夫刑部郎中於是璣聞以同官陳君汝礪所爲狀請曰先人存時蒙列聖厚恩得備侍近旣幸全大節以沒而錄勤隱終又有敕有誥以示褒卹若不得當世名能文者一言揭諸阡則無以彰累朝之大賜以蓋覆其子若孫傳之無已不肖孤之心慊焉願竊有請也按公劉氏諱順字從善世家郕城之召陵曾祖諱某祖諱參父諱清皆不仕然皆篤行義鄉稱長者父以公貴贈徵仕郎禮科給事中母宋氏爲太孺人兄弟五人公其季也性穎

尙約文鈔

卷九

墓表

元

敏特異未弱冠補邑庠弟子員時無錫倪先生爲教諭以師道自居慎許可然獨亟稱公曰異日魁中州多士其劉生乎公聞之愈蚤夜淬礪弗懈由是業日進聲譽日起輩類日益附洪武丙子以書經就鄉試果第一於是人皆歎倪先生知人而公不負所期待也明年會試中乙榜授鎮原訓導改通州秩滿陞華陰教諭以憂去服闋改永年公所更學皆僻邑士習素下累年乏科貢公則嚴課程督之而先之以力行生徒翕然化服取科貢者相屬仕於四方者亦皆能倚約文鈔

卷九 墓表

三

中次王次衡女二人西安通判王文邵陽典史朱文其壻也孫男十五人鎮鐸鏞錡銳鑑鏜鉞鏗鉉鏘銘鐔金孫女十人公平生敦孝道在邑庠時日以違遠其親爲念至華陰遂迎養焉承顏愉靡閒朝夕甘旨之味必躬進之華陰人視之以爲法父遭疾日夜侍湯藥衣不解帶者數旬比卒奉母扶柩以歸哭泣之哀行道之人憐之導諸子必以義方諸子皆有立而璣尤表然致聲績於時皆公之教也初公以解魁致身清要璣亦繇進士敷歷部屬父子同朝烜赫倚約文鈔

卷九 墓表

五

當世人以謂劉氏之威中州鮮倫也旣而公不及中壽以沒而璣亦仕久不振竊皆惑之乃至於今璣方位大夫駸駸乎顯融而公屢蒙哀命光賁邱隴於是人始信天之報施必久而後定其理不誣而世之爲善者乃欲計功利於旦暮間不可得也然則以公所爲而積之遲且久劉氏威可量哉予與璣同年嘗聞公爲人如行狀所云者故特表諸墓以俟

贈兵部主事前盧氏丞李公墓表

河南陝州盧氏丞李氏實之沒旣與其配余氏合葬

於其里熊家山之原有年景泰庚午之歲迺以子郁
恩贈承德郎兵部武選清吏司主事余氏贈安人明
年郁用薦擢太平知府以去至是寓書京師曰先父
母沒未有表其墓者而荷蒙明天子不以郁不肖錫
之官封幸莫大焉今欲樹石墓隨刻所得敕詞於上
以彰寵命若又得顯者敘述其行治之概於下方使
永永無窮不肖孤之願敢以圖於先生公諱實字篤
恭盤泉其別號也李氏世家南昌之牆下有名九世
祖某始徙居豐城之營塘曾祖如淵祖仁靜居營塘
尚約文鈔 卷九 墓表

七世而人猶稱牆下李氏考濟英元季又自營塘徙
黃溪今爲黃溪人妣熊氏公孝友篤於家行義著於
鄉學問積於厥躬而聲聞達於郡邑嘗自得也嘗
築一室扁曰盤泉書屋授徒其中蓋將終身焉永樂
庚寅郡守田憲聞其賢舉秀才強起之公不得已應
辟至京應試諸司凡六載無纖毫之過於是理刑浙
江道公爲人素清介嘗暮夜風雨中有詣其邸舍者
公以謂鄉人延之入詢之乃曰吾父爲某官坐事適
公訊鞠幸少寬貸俾獲免請以橐中銀盡二十八枚

爲謝公從容曉之曰而父誠誼誤耶當自無累設有
跡也安用此爲今執爾於官則吾之名益顯而爾重
得罪吾弗忍爲也急去毋污我其人慚感而退當時
聞者稱之歲己亥有盧氏之命至官能協於令使不
忌己而得施其政先是邑學校弛甚公爲條約俾有
所循據而時往程督之學政爲之一新邑軍民雜處
而軍多富室官府徵科急則令民假之軍後雖倍償
而需利不已官府從而追呼鎗楚其民蓋不勝其擾
公則立戒以絕別區畫儲備以給公用不使一毫驅

迫於民邑中翕然稱治北京營建率民往赴工民間
公往權趨之在工日久有死者皆棄葬識其窆仍封
束其所遺衣物并所賞胡椒之類給其家貧寒甚者
周之使不至失所比竣事還竟坐微累罷邑父老相
率走送數十里不忍別作詩慰遣之乃去公既罷歸
喟曰壯而仕倦而休今而後得遂初志矣於是日徜徉
山水閒以自娛家雖約樂販人之困或至不給不
悔也歲大疫鄰有閭門臥疾不能舉火者公命家人
日爲飡粥食之旦暮躬秉燭往視或以爲戒公曰吾

豈不自愛哉顧死生有命況鄰里義當相卹也往視
不懈鄰之疾日瘳而君亦無恙人尤以爲難平居冠
婚喪祭一遵朱子家禮佛老禱祀之事未嘗一涉跡
爲之愛其子資遣就明師學郁所以明經擢科第者
皆公之教也所爲詩有盤泉集藏於家正統乙丑八
月十七日以疾卒享年七十有七安人余氏諱順字
順正出士族內行甚備宣德戊申八月二十六日卒
享年五十有二公初娶黃氏繼余氏又繼周氏子二
人長曰固黃出也蚤卒次即郁余出也正統己未進

尚約文鈔

卷九 墓表

五

士歷禮部主客吏部考功兵部武選主事至今官女
二人聶子緒聶曰睿其壻也孫男二人孫女五人嗟
夫士君子立身行己屹屹於當世者非苟爲異也將
以行道焉耳時未至則思善其身時既至則思推己
以濟物及旣不行而退亦必俛焉孳孳以明其志而
未嘗一日以自佚孔子所以疾沒世而名不稱而多
殺身成仁者爲此故也公自結髮讀書以來中閒嘗
小試矣不幸以齟齬窮而其澤物之心雖老不倦豈
無自而然哉卒之不於其躬而於其子天語寵褒邱

隴有耀皎然揭日月於百世之下蓋亦理之適也其
爲李氏子孫裕奚止一時已耶用特爲表之使觀者
有考

贈淑人劉氏墓表

宣德乙卯夏四月二十有九日都察院右副都御史
東莞羅公亨信之淑人劉氏以疾卒於家明年正統
丙辰十二月十一日其子泰以柩葬近里麻地橫祖
塋之右時公以右僉都御史奉命出鎮陝右諸邊郡
嘗求春坊庶子周崇述先生爲之銘矣越十有五年

尚約文鈔

卷九 墓表

五

是爲景泰改元之歲公以今職巡上谷雲中之地得
請致仕泰適來省候於是以前銘所書多遺逸乃自詳
述始末泣請文表墓曰非此無以昭後世也按淑人
諱某劉氏世爲邑鉅族祖達道父景宜俱不仕以長
者稱母封氏有賢行淑人天資貞靜少爲父母所愛
年廿三歸羅氏公方爲邑庠生日力學不暇卹家事
淑人奉舅姑助祭祀供飲食接上下靡不曲盡未嘗
以家爲公累旣而公繇進士拜工科給事中丁內艱
起復調吏科淑人凡再至京師旣貴矣而自奉儉約

無異平時且暮計俸入經紀以佐賓客日用之費尤勤女紅太宗皇帝御朝恒早淑人往往縫紉不寐聞雞鳴輒告公曰朝其時矣值雨雪則預起爲治具以故公職近侍未嘗一日不在上左右無何公坐累謫交趾與淑人訣曰吾踰瘴海居異域還期未可知親老子幼非汝誰託淑人泣曰吾觀君存心行己他日當遠到幸毋自沮養老慈幼婦人職也於是躬操井臼事織紵以植其家居數年公得召還見二親康強怡怡三長女已嫁而子泰益趨於學大喜曰果然不尙約文鈔卷九墓表

采蘋皆列之於風非獨美之所以著治之始於內也夫以都憲公清忠偉節卓然爲當世名臣而患難富貴不一動其心向非淑人爲之內其孰贊襄之耶或者以謂淑人蓋雞鳴采蘋之倫使當時名公聞人一爲表襮之將不泯滅矣顧予之鄙曷足及此雖然泰之請不可辭不然無以慰孝子之心也用特論次之俾碣之隧上

蕭母王孺人墓表

王氏泰和楓林里宦族孺人者處士學文之女適南

尙約文鈔

卷九

墓表

毛

岡蕭氏是爲啓宗甫之妻也孺人居家鍾愛於其父母既嫁善事其舅姑舅嘗久臥疾啓宗甫日夜扶持憂形於色孺人竭力助之弗少懈至輟簪珥以資醫藥而舅之疾良已舅沒奉其姑益謹姑素喜施予遇廢疾餓者輒推食食之孺人罄所有以順適其意姑甚安焉啓宗甫自少負材學謂功業可立就既而以母老兄仕遂茂意進取日以所得教授於鄉暮然自適孺人訢訢焉理內政有所匱乏未嘗使啓宗甫知之二子曰高曰達皆俊爽啓宗甫遣就良師習舉進

士孺人躬紡織以資費二子所與游有過從者爲之具饗殮設酒肴雖數不厭高以薦爲贛榆訓導嘗迎就養孺人猶縫紉紡績不廢高嘗以爲言孺人曰此女婦職也奚擇貧富爲勤惰邪念姑老久違養亟命達侍歸歸未逾年以卒正統丙寅十月二十日也享年六十有三子男二高遠也高歷贛榆山陽訓導九載績最擢南京國子學錄達薦清河訓導不果就女三適士人段公敬李喬之嚴承德孫男二侃儼女二二子既以某年某月某日葬孺人於近里梧桐之原

尙約文鈔

卷九

墓表

哭

矣越五年是爲景泰辛未高奉今廣西布政使梁公所爲銘屬表墓予家食時嘗與啓宗甫有一日之雅比仕於朝又累累接高遠焉聞孺人之懿德淑行洵有如前所云者及觀梁公銘又以謂良然嗟夫女婦教令止閨門之內而能盡其職者恆鮮彼恃聰明以干外政悖矣若孺人謹謹焉守禮節於以事舅姑而順於以相君子而宜於以臨子婦而教豈不盡職哉盡職而無傳不可也故特論次之俾鑣諸阡以爲鄉族女婦勸

彭母時孺人墓表

孺人姓時氏諱關前香山丞泰和彭叔介先生繼室也時家淮安孺人之父曰興從太宗高皇帝定天下有功累陞至驃騎將軍福建都指揮使孺人其第三女也歸先生于香山先生居官持廉介未嘗苟取一錢於民家具蕭然孺人處之泰如也衣雖更澣濯而縫紉必精食雖不豐侈而調餽必適器雖止髹漆而洗滌必謹或以謂先生清德爲當時所重孺人之內助居多先生沒孺人喪祭盡哀先生一子曰彥晦四

尙約文鈔

卷九

墓表

哭

孫其第三曰顥士洵孺人於諸孫獨愛士洵自其出爲巴東吳庠教諭幾二十年孺人躬爲經紀其家撫士洵之子曰銓自孩提以至成人如己所生衣服食飲必親視之至其有室猶眷眷不厭孺人雖於士洵獨厚如此然有所蓄必均給諸孫恩意靡不周至焉正統壬戌九月初二日以疾卒其生洪武戊申十一月十一日享年七十有五葬近里荆柴洲之原厥後銓以薦得巢縣訓導嘗求予表孺人墓未暇也景泰改元之歲士洵告致仕速予再三士洵予姊夫故予

自弱冠往還彭氏當是時彥晦甫夫婦年皆八十餘
恂恂然執子婦之禮孺人則怡顏悅色接之甚恭孫
曾諸婦翁然化服之予目擊而知其然蓋孺人聰明
有智識知道理其言動必謹儀度而不苟故當時不
獨彭氏無擇外內少長愚良稱其賢至於鄉黨婚姻
家凡習彭氏者皆知孺人之爲賢也先王盛時閨門
之閒必惇乎女教故習俗美而王道之成易自世教
不明士論不及乎閨門之隱於是母儀姆訓蕩然無
餘矣乃至於今有若孺人之賢隱然爲彭氏外內所
尙約文鈔 卷九 墓表 早

化服豈易得也哉故特爲論著之俾刻諸墓上

尙約文鈔卷九終

尙約文鈔卷十

明泰和蕭 磁孟勤著

宗後學上田敷 政教校刊

墓誌銘

太子太保兼兵部尙書贈特進光祿大夫左柱國太
師諡忠襄儀公墓誌銘

景泰五年七月十七日太子太保兵部尙書儀公薨
於位前七日以疾聞上命中使挾醫來視候問者相
屬於道疾劇特賜白金五十兩爲湯藥費降敕慰問

尙約文鈔 卷十 墓誌銘

公受命感激舉手加額曰臣以菲材叨竊逾分臨死
猶煩眷念雖殞首不足以報語畢潛然淚下自是不
復言越三日竟不起享年七十有三訃聞上深嗟悼
輟視朝一日仍賜鈔萬緡敕工部治喪葬贈公特進
光祿大夫左柱國太師諡忠襄遣某官某賜祭而召
其長子海於家於是諸子奉柩歸葬有日乃以太常
卿許公所狀事行求余銘惟公祇事列聖幾三十年
清忠直節表然爲國老成人而余自與公史館同事
以來蓋二十年於今尋愛厚甚至義奚容辭儀氏世

爲東萊之高密大宗曾祖諱均祥元宏化司照磨祖諱仲和稅課副使皆以長者稱父諱智字居貞博學強記國朝永樂中由教職歷州郡正至布政使宣廟爲皇太孫時太宗擇羣臣有德望者爲之輔遂召任禮部侍郎俾侍講讀多所規益宣廟恒稱先生而不名卒贈太子少師諡文簡配孫氏贈夫人四子公其季也公諱銘字子新天性孝友事二親恪恭子職敬讓諸兄怡怡然不違篤於問學凡經傳子史百家之言靡不探歷爲文章力追古作者而詩於五七言律

尙約文鈔 卷十 墓誌銘

尤長親終喪祭盡禮人尤以爲難洪熙改元用兵部侍郎戴綸薦授禮科給事中文簡蒙贈諡公援例歸焚黃道經武定州廉知漢庶人謀不軌還朝奏之人初以爲疑未幾果然咸服公識宣德丁未受命直文華殿與尙書陳山張瑛日侍左右備顧問屢直言有所陳說九載秩滿陞翰林修撰正統初預修宣廟實錄三年實錄成陞侍講受白金文綺之賜又明年今上就封邸府簡授左長史府事無擇鉅細悉委之公其納誨裨益尤多十四年秋虜寇犯邊太上皇北狩

上監國事文武小大之臣劾論權奸誤國者其餘類悉當誅議未有所定公越班頓首颺言法必不可貸得請然後已上卽位首擢公禮部左侍郎經筵侍講景泰二年陞南京禮部尙書上念潛邸之舊尋驛召還加太子太保兵部尙書仍兼詹事府事時少保于公掌兵部軍國大政必與公參決而行公亦樂爲之盡嘗以災異數見上疏極言弭災恤患其要在於敬天法祖任賢納諫節用省刑必如此然後天意可回也既又繕寫皇明祖訓進之上雅知公忠直咸嘉納焉明年特賜誥命於是曾祖祖考皆贈榮祿大夫太子太保兵部尙書曾祖妣祖妣妣及其室皆一品夫人蓋儀氏至是光顯極矣公在府僚中獨以老成爲上所重而憂勤謙抑日有不足未嘗少以寵遇自矜故其沒也當時無間識與不識聞之皆爲羨慕太息有出涕者夫人耿氏賢有法度先公三年卒繼姚氏子男六人曰海曰江曰漢曰澍曰清曰濤江醫學訓科濤中山東鄉選會試乙榜不就今爲國子生女二人皆適士族孫男十人琮琛琳瑜珪璋珩瑁瓊曾

尙約文鈔 卷十 墓誌銘

孫男二人某某公平生性剛果負直氣遇事輒發不暇顧計不肯一毫徇於人有拂之者正色督其過然其人既悔卽驩然如初不宿怨不思能人以是親愛之平居攻苦食淡珍異華靡之好未嘗一經於心教子孫必於禮義躬率導之雖歷官於朝享有重祿然先業之外未嘗更營尺寸以爲裕後計嗚呼若公者可多得哉墓在其邑鄭公鄉先塋之次葬之年月日則是年冬某月某日也銘曰

奕奕萊山東海之濱鍾靈毓秀篤生偉人於惟文簡
尚約文鈔 卷十 墓誌銘 四

先皇之傳公實嗣興克承厥祜玉署青瑣敷歷有年潛邸相臣忠無與肩惟帝念功擢春卿副繼遷宗伯往理南部篤眷不忘亟召來還命保儲官仍長夏官帝曰舊人朝夕余弼公殫一心其弼惟直侃侃在廷知無不言褒命有誥湛恩駢蕃於乎忠襄惟國良輔生榮死哀諸福全具考德撮辭納於幽藏終古有輝
鄭公之鄉

前光祿大夫少保戶部尚書華蓋殿大學士兼文淵閣大學士陳公墓誌銘

公諱循字德遵永樂乙未太宗皇帝北京初廷試進士第一人也陳氏世家泰和之東城公生洪武乙丑五歲喪母十歲喪父仲兄德達亦早卒獨與伯兄德遜同居相友愛尤篤初入鄉塾時讀書不三數過輒背誦老長咸異之其從父一敬罷官歸從受業大有造詣年十七爲邑庠弟子員文學已出其輩類部使者行縣屢試之在高等聲譽籍然永樂甲午中鄉試第一明年禮部會試第二廷試第一先是嘗有識云龍洲過縣前泰和出狀元至是楊文貞公爲諭德在南京寄二絕其一云龍洲過縣千年識黃甲初登第一名從此鼎鼎題榜首東城迎喜過西城其後六年城西曾鶴齡舉進士第一後十八年真定曹鼎爲泰和典史亦進士第一楊公以爲詩識而其初則爲公發也授翰林院修撰賜第萬寶坊與修五經四書性理大全書明年書成蒙宴饗九月公與扈從還南京丁酉駕復幸北京命東宮監國諭德楊公士奇職輔導益以贊善梁公潛公留翰林明年梁公以職務違錯被逮且籍之使者至自行在人皆惶懼公與梁居

尚約文鈔

卷十

墓誌銘

五

同院盡力庇其家梁平日所作詩文悉估書冊賣錢入官公遣人訪求於市倍價贖還今鐫梓以傳者公所贖也庚子十一月車駕赴行在公署掌院事辛丑三月敕南京翰林院凡文淵閣所貯書籍自有一部至有百部以上各取一部以來公如數取得百櫃與編修林誌等護行四月至京書進公等悉留京師會三殿災詔求直言公言過用民力數事比他言者切實顧獨不及於患甲辰四月隨大駕北征阿魯台八月還京仁廟嗣統九月陞公翰林院侍講洪熙元年

尙約文鈔

卷十

墓誌銘

六

乙巳六月宣廟嗣位公得請省祭於鄉宣德元年丙午朝廷以修太宗仁宗皇帝實錄遣官驛召公起預其事戊申公被召命入直南城齋官前之西廊與太常卿楊公溥共事日承顧問命中貴二人更番與偕辰入西出自是免公常朝賜宅玉河橋之西已酉置直廬於南城河西而命公與楊溥移直於此舍人朱祚待詔周迪雖亦共直而事悉主於公與楊至於要務則朱周不得預上出宿齋官則中貴偕四人者夜宿直廬以俟召命庚戌五月陞翰林院侍講學士冬

隨大駕巡近邊旬日乃還自是大駕出巡咸扈從焉辛亥正月會夫人人生子未幾而病三月卒朝廷憫之賻賚甚厚遣官護其喪以歸且治其墳葬蓋特恩也壬子以前所賜宅隘復賜於其南之城下癸丑公病蒙恩遣中貴范和攜醫藥療治每三五日一臨視必有錫賚病或寡效輒易醫藥公不能入覲者數月凡賚近臣公亦如之病既瘳入覲時有效雅頌作詩歌獻者上疑其求進怒之以示公公曰詩誠不工但有忠愛之意遂釋然不之罪又有勸讀大學衍義者其

尙約文鈔

卷十

墓誌銘

七

語頗類譏諄上赫然怒命籍其家既而令中貴以問公公曰俗士處遠外不知聖上無書不讀怒之誠當但緣於忠愛無他也中貴還奏上默然而思久之比逮至竟緩其法二人者御史張楷僉事陳祚也蓋公處禁密其將順上意多類此甲寅九月公隨大駕巡邊過宣府萬全至尋麻林而還歲終上不豫遣中貴諭旨於楊溥與公俱入文淵閣共事乙卯上賓天入閣之命遂不果寓東閣日與王公直王公英三人者偕處預聞討論文學之事既而受命修宣廟實錄正

統元年三月公預受敕兼經筵官自是日與少傅楊士奇楊榮尚書楊溥學士王直王英李時勉錢習禮侍讀苗衷侍講高穀修撰馬愉曹鼎日侍講讀於上前至於刪正講章采選故事以進則出於二三人手公預其一丁巳六月間繼母喪給驛至家戊午史館進實錄公蒙恩頒至所資金幣庚申服除至京授職如故壬戌五月九載滿考陞翰林院學士甲子三月少師楊公士奇卒四月二日上在經筵命公入文淵閣用事既而中貴傳旨凡應制等文字及大官給膳尚約文鈔卷十 墓誌銘八

悉同士奇日侍經筵講說經史故事如故乙丑十月陞公爲戶部侍郎兼翰林院學士己巳春夏皆旱六月南京奏大內火宮殿俱被災以奏示公公請頒恩詔以回天意遂命草詔視草方畢大雨終日又數日公以病在告七月虜寇犯邊上欲親征禮部尚書胡濙等率百官請毋親行雖優詔褒答而勢不能止公曰此必輔行者之固也嗟嘆久之八月駕留虜庭十七日聞於京又明日有言擁立郕王者公颺言虜寇理屈而情畏天勢必不敢久留聖駕今但當立皇太

子正位東宮以郕王輔之徐圖迎復豈容有他議耶遂奉皇太后旨草詔二十二日頒行天下翼日公以前所議特進戶部尚書旬日之後景泰立公不能止十月十日虜酋也先以太上皇帝入京師悉眾侵德勝門直欲犯闕預遣人來索大臣胡濙王直于謙出迎駕公曰此必詐計宜先遣使問安覘駕果在卽出迎不可緩規還報見太上皇帝力言虜實無意奉駕還但挾以爲內侵謀耳公曰若然宜陞首將固城守戒輕戰令各馬坊焚所積草以困之賊見所積草火相視頓足大駭不數日馬果飢公又請募勇士潛行召宣府大同永平遼東各邊守兵赴京迎駕所遣五人惟二人得達其三爲虜所截見敕始懼而有退志十五日夜也先以十七騎脫身先遁十七日從紫荆關出口餘眾留殿以防追逐閱數日宣府兵至卽命追虜而止遼東等處邊兵皆公所謨畫也景泰元年庚午遣中貴諭旨於公等欲尊生母吳氏爲皇太后令考前代故事可準者公曰故事惟有宋仁宗以生母宸妃李氏爲皇太妃一事耳餘無可準況今皇太

后受尊號在先自古尊無二上中貴以言不允必欲尊之乃加皇太后以二字上爲尊之至聖爲德之至日上聖皇太后八月十五日太上皇帝駕還京師先日公聞中貴云明旦駕回迎居南城公力言其不便不允後禮部數請令百官朝朔望亦不允公語禮部曰請雖不允然不可不請也中貴問公上皇駕還當詔告天下否公曰此誠天祐國家曠古所無之事豈特布告天下更須肆赦以侈上皇恩慶從之九月公受敕同知經筵事辛未三月陞公與高穀俱少保階

尚約文鈔 卷十 墓誌銘 十一

榮祿大夫尚書任事如故壬申廣西土官都指揮黃竑希恩寵自廣西馳奏請上立己子爲皇太子奏至不發遣中貴以竑意覘公等公曰無易樹子霸者所禁堂堂天朝得無啓天下後世之譏乎上怒曰自古父有天下傳之於子未聞有譏者遂出竑奏示百官令會議以聞既以眾議更立一時遷擢東官官屬除他職外文武官任師保傳至二十有三人公則以少保兼太子太傅固辭不允時武人有希恩寵告言內臣交通南城受錫賚者公據理力辨其無有語聞迺

止公間欲有所規正遂率內閣同官集古聖帝明君行事名曰勤政要典上之歲癸酉皇太子冠命胡濙等行禮旬月後前皇太子更封沂王之冠乃命公行禮蓋以公嘗有無易樹子之議故示之意也公因天象示警自以濫居保傅不能毗輔所致乞罷職不允間又率同官高穀蕭鎡商輅等上疏勸上惇孝友任舊德躬勤政戒侈用因及禁掖慢游事上召公等入見問曰卿等所言禁掖事何自而知公曰得於都人之口伏惟陛下有則改之宗社生靈之福也上曰朕有固當改但君臣同體慎無聽人離間公等惶恐頓首謝自是不復召見矣加授公光祿大夫甲戌公上疏引年及備陳衰疾力求致仕疏凡再上皆不允中貴間諭旨於公云上欲有所述作公曰永樂十六七年之間太宗皇帝嘗命修天下郡志臣亦預纂修未成書而止必欲述作莫如成此一書中貴以聞遂命進士分行四方采事實之未備者增修之又以資治通鑑綱目無宋元事命率儒臣倣朱子所作例續爲一書二書並敕公等爲總裁官天順元年丁丑正月

尚約文鈔 卷十 墓誌銘 十一

景泰不豫不能躬祀郊廟社稷十四日至不能視朝
公與高穀蕭鎡商輅遇中貴與安右順門就告之曰
永樂中大駕或三五日不能視朝則令百官赴東宮
朝參啓事此祖宗舊例公所知也今事如此須請復
正統東宮代視朝參爲便與安首肯徐曰此公等大
臣事興安當贊成於內公卽出與禮部侍郎鄒幹姚
夔等議會多官共爲之比多官至從違不一公曰從
者請先署姓名於奏橐從者遂眾明日章上批答不
允又明日公等復率文武百官上章期必允乃已因
尙約文鈔卷十 墓誌銘 七
章尾列官職姓名數多比寫完日晡不及上矣明旦
百官奉迎聖駕重登寶位公等皆懼忤以爲大幸上
退御文華殿召公與蕭鎡商輅諭以仍舊視事公等
皆頓首謝又明日有徐某平昔因屢求公薦不得致
憾至是以迎駕功日侍上前遂恃勢進謗仍脅六科
彈劾公賴上仁明宥勿問翌日復趣六科十三道再
彈并令法司誣以重罪竟戍遼東公東行寓道中及
謫居之日摘取所記前人詩聯成絕句并和凡千首
以詠所志分爲十卷名曰東行百詠集句自丁丑至

辛巳凡更五載是歲十二月乃謨太宗文皇帝仁宗
昭皇帝宣宗章皇帝今上皇帝神功聖德頌凡四章
各百句七言近體詩二十首進呈奉玉音送翰林院
旣而陳情疏進又奉玉音陳循歷事朝廷年久曾效
勤勞因被石亨等挾私誣害坐罪充軍今覽其所奏
是非明白情實可矜特放回原籍爲民閑住蓋是時
公所上疏僅萬言備陳所以被誣罔之由故得恩旨
如此嗚呼觀公所陳訴而皇上卽以之寬釋者有以
見天地之量日月之明而公因得以辨其是非於旣
尙約文鈔卷十 墓誌銘 七
往豈特一時朝臣耳聞目擊者信之天下後世之人
亦信之也壬午四月公自謫所還京上表謝恩而歸
抵家五閱月以疾終於正寢是歲十一月十七日也
享年七十有八曾祖源可祖觀定考彥和俱以公貴
累贈榮祿大夫少保兼太子太傅戶部尙書文淵閣
大學士曾祖妣黃氏祖妣繼祖妣劉氏妣曾氏繼母
胡氏妻曾氏繼郭氏俱累贈一品夫人側室莫氏子
男二人堯民舜民皆恂恂讀書有立克世其家女四
人刑部司務李遇定州學正蕭望劉銓龍彪其壻也

孫男若干人某某女若干人公初以經學爲學者所宗既以古文擅天下自立朝四十餘年遭遇列聖咸蒙眷顧而尤爲宣廟所知蓋公熟知先朝典故內閣事體文辭製誥之類凡所應酬揮筆立就他人苦不足者已常覺有餘洵當代大手筆也是以委任之隆無與爲比正統以來奉命爲會試考官者一南京應天府鄉試考官者一廷試爲讀卷考官者四受命釋奠先師孔子者十奉敕撰太學進士題名記者三撰重修南京先聖廟學碑者一恩意始終未嘗有間其所尚約文鈔

卷十 墓誌銘

西

以被擊而去者實爲異已所擠非朝廷本意也堯民舜民將以卒之又明年是爲天順甲申某月某日奉公柩葬於某鄉某山之原前事以公門人館陶訓導王翔所述年譜謁余屬銘嗟夫余與公生同鄉仕同朝在內閣同事又五載知公爲詳故撫其年譜所述略其小者而著其大者爲銘云銘曰

宋廬陵魁文公天祥其贊辭云車載斗量我朝高科繼繼而起泰和之魁實自公始惟公之學有委有源一瀉千里濤湧翻始終詞垣一心五世官臣地官

寧帝之制陳謨摠誠論事效忠紫詰褒侈恩光隆隆彼何人斯貝錦之織我皇聖明昭如天日一時之枉千載之伸何以致之堯天之仁始公之去賢者悵惘今公之歸宵人泚頽公之故廬渠渠芳洲俄新其卜茂木高邱公德多有胡不期頤刻銘其藏後人之貽通議大夫都察院左副都御史鄒公墓誌銘

尚約文鈔

卷十

墓誌銘

五

景泰七年七月二十九日都察院左副都御史鄒公巡撫蘇松諸郡還京至淮陰驛以疾卒年五十有五訃聞上爲之悼惜亟遣官諭祭命有司治葬事既又錫之誥命進階通議大夫祖惠和考希魯俱贈通議大夫都察院左副都御史祖妣石氏妣徐氏俱贈淑人示特恩也時公長子瀚在淮奉柩歸葬於鄉而仲淪在京師乃以兵部右侍郎王君偉所爲狀詣余泣請銘噫公與余素交厚尚忍銘邪而義不得辭乃爲序而銘焉序曰公諱來學字時敏湖廣麻城人鄒氏世爲邑大家曾祖諱某暨祖俱以隱德稱於鄉而考故業儒兼通醫術爲醫學訓科以公貴累贈中順大夫都察院右僉都御史妣累贈恭人以至今贈焉公

自幼屹有成人之志比長篤問學以春秋經中永樂
庚子鄉選擢宣德癸丑進士拜戶部主事以廉勤通
敏稱嘗督軍餉陝西之鎮番學畫有方邊人賴以給
足今靖遠伯王公驥時以兵部尚書行邊一見器重
之既又奉敕以便宜總理預備倉糧於淮揚等郡盡
心營度聲績焯然還陞員外郎靖遠伯征思任發於
麓川以向者知公也即奏隨行公督兵當前鋒能出
奇制勝降附者不可勝計靖遠伯上其功陞郎中受
白金文綺寶鏐之賜宴勞有加以內艱去尋詔起復

尚約文鈔

卷十

墓誌銘

七

陞通政司右參議俾總督永平山海備倭正統己巳
虜酋犯順京師戒嚴特陞都察院右僉都御史提督
永平山海總兵鎮守等官軍務及順天永平二郡兵
民悉兼撫之凡東北一帶關隘當修守者聽隨宜處
置公申嚴號令簡練部伍往來要害之區躬親相度
整飭之因言承平日久武備懈弛關隘非不可守也
特以軍士雖多而精壯者爲權豪所占不少宜懲艾
簡閱庶克有濟又言京師四塞之地而虜酋敢深入
者以有險不守故也今言者類以斂人畜害芻粟爲

計甚非安攘之策臣愚以謂莫若分遣文武大臣有
勇智者選在京士馬各據關隘振揚聲威首尾相應
虜若深入則內外夾攻必得其利若徒擁重兵京師
倉猝分調未免緩不及事廷議多躋公言上亦知公
果可大用手敕公率所部精銳趨紫荆關易州偕昌
平侯楊洪追躡虜後事平復受白金文綺之賜景泰
癸酉陞左副都御史兼提督居庸紫荆倒馬白羊龍
泉等關凡所在鎮守等官悉聽節制公又建議以謂
畿甸迤西山川固爲險阻而夷坦者尙多使分閫武

尚約文鈔

卷十

墓誌銘

七

臣能日就月將以修理之亦可據險而守乃往往虛
應故事訖無成功臣非不知因循者恆人情更張者
招物議特以邊疆事重不忍坐視偷安也上深嘉納
之甲戌秋蘇松常鎮諸郡累言比歲水旱相仍民疫
死者道路枕藉詔廷臣議舉文職有德望才智者一
人往撫綏之僉謂無如公宜即日敕公蒞事公受命
遂言蘇松之民疲困極矣雖寬卹百方飢者自若乞
以今年輸京米三十萬石已徵者悉貸予民來秋聽
臣擘畫償官庶國賦不虧小民得濟上從其請蘇松

之民聞之大喜公至首發倉廩振飢窮勸農桑修水利然又以謂根莠不薅則嘉穀不遂乃察官吏之姦貪與凡大家之暴橫者悉繩以法由是小民咸惜公來之晚而姦吏豪家大不便其所爲相與飛言釣誘間染之公不爲動行之益堅夙夜循行往來不少休竟以憂瘁致疾比議事京師茶然非復昔日之鄒公矣以疾懇辭不允因乞假省墓許之於是又建議以謂往年蘇松等郡之糧俱軍兌輸京頃因邊警調軍征守令民自輸遂致役民十五萬加以盤費之資須

尙約文鈔

卷十

墓誌銘

九

否反覆籌度斷然有一定之見其壯志奇節真可與共成勲業者也初公之在山海也雖嘗竭其精力然大率行其所無事耳而歲適屢豐邊人樂業朝廷倚以爲重比去日軍民借留之有司乞留之總帥暨中貴同事者亦交章留之至再三焉其在蘇松也勤勞視山海數倍不啻蘇松之人不獨稱慕者寡且有違言何哉無他公之在山海也久澤之及人者深人信而懷之其在蘇松未久澤之及人者淺人未信而懷之得效所以異者亦其理宜也使假之年歲奚減山海哉此朝之大夫士所以爲公惜也銘曰才磊落以有爲又得其時竭其力以大施厥積輝而厯銀臺佐憲府兮荷蒙主知服朱衣綰紫綬兮屢承寵私屬委付之方重全終始而弗虧是皆可以無憾者惟不得中壽而遽死吁其可悲

資善大夫工部尙書諡文襄周公墓誌銘

工部尙書吉水周公致仕之又明年是爲景泰四年十月三日以疾卒於家春秋七十有三訃聞上深悼惜敕工部遣官治葬事諭祭者凡再諡曰文襄初宣

宗皇帝在位之五年念南京根本之地而蘇常諸郡賦稅半天下吏既不稱任小民往往失其業以故多逋負深憂之於是特擢公工部侍郎往浚其事先是有司徵民賦石常加倍而不足公至則曰石加三斗可矣里豪相傳以爲笑公命有司徵米官貯之擇富室謹厚者輸之京石加三斗而足越一二年有羨矣又一二年羨者益充溢乃所在立倉以儲其贏名曰濟農倉歲歉則發以賑濟平時凡朝廷所用若織造供應軍需之類皆於此乎取之蓋民賦歲石三斗之

尚約文鈔

卷十

墓誌銘

三

外漠然不見他役之及已而官府無復科律之擾民大以爲便倉之贏儲多至數百萬於是戶部言濟農倉米皆出於民而失之稽考乃分遣曹屬盡括歸之官然是時公已致仕矣公之去也東南之人咸驚愕失色曰吾郡可一日無周公乎蓋士大夫相與惜於朝農工商賈相與惜於野欲留之而公實病代公者懲其所爲民輸賦聽自便蓋石加七八斗以上而逋負自若徵需雜然及乎民而民莫知措手足比公之沒適東南連歲大水蘇松尤甚殍死者相枕藉有司

赤手莫之救而小民相與叫號涕泣於道曰使周公在吾曹不至此極也嗟乎公自有巡撫之命先後二十有三年所理京畿自江以南十三郡方數千里之地悉躬綏輯之方存時人或言其便不便其去而卒也乃相與謳吟追思之於今不衰此豈好異哉蓋公之政出於公故民始被其澤由焉而不知公之心本於仁故民終感之深至於久而不能忘也嗚呼若周公者可復得哉公諱忱字恂如別號雙崖其先會稽人唐末有諱勃者爲御史中丞率兵討黃巢留鎮九江因家焉七傳至宋太子詹事世修遷南昌之武寧

尚約文鈔

卷十

墓誌銘

三

又四傳至敷文閣學士友賢友賢生兩浙宣撫汝翼汝翼生瑞州知府應合應合生天驥仕元爲吉州路總管因家郡城之北隅又三傳至南康路知事鑑則公之曾祖也徙今吉水之月岡曰仲德公之祖也曰秉昂公之父也再世皆弗仕然皆以長者稱於鄉母龍氏有賢行公生而穎異爲童子屹然有巨人志其父目之曰是子必亢吾宗迺延明師教之受書經既冠以祖命贅廬陵彭氏補郡庠弟子員永樂癸未中

江西鄉試明年登進士第是時太宗文皇帝誕修文治簡進士曾榮等二十八人入文淵閣俾進古學公自陳年少願進學其間太宗皇帝喜曰是真有志者命增爲二十九人改翰林庶吉士旦暮大官供膳月給膏燭之費公感激自奮日夜篤於學蓋自是沛然有餘矣與修永樂大典歲壬辰授刑部主事公爲人既精敏而又盡心簡牘故有所推謝無不曲當能聲籍然搢紳間明年扈從至北京與修五經四書大全及性理大全書書成賜襲衣楮幣十四年駕還南京尙約文鈔 卷十 墓誌銘 三

命公先行清道明年陞員外郎復扈從還北京屬新建大倉成命公督運南北畿郡之賦仁宗皇帝卽位聞公名欲大用之於是封建親藩慎選輔導特授越府長史賜誥命封父如己官母妻皆宜人給假歸省賜白金楮幣宣德庚戌遂有巡撫之命公所至宣上德意鋤剔姦暴扶植善良民翕然化服之聞父喪遣人驛聞乞守制不許命奪情視事是年冬召還京議事公歷陳江南利病多見采納特賜巡撫京畿之印復敕公兼理屯田命郎中王瑄謝澤鄧浩隨行八年

賜誥命贈祖父父如己官祖母母妻皆淑人九年南畿水敕公行寬恤之政旣而命考察所屬官吏入朝上念其勞遣中官賜羊二十頭酒五十餅勞之正統改元驛賜白金文綺仍敕公巡撫總督糧務是年冬復敕公提督京衛屯田聞繼母喪乞守制不許明年轉左侍郎階正議大夫資治尹兩賜敕命修舉畿郡之務及撫輯被水之民又明年復敕公兼治兩浙且兼理兩浙鹽課有練達老成克稱委任之褒尋敕審南京諸司重獄用矜疑平反者數百人九年舒池諸郡連歲水旱民鬻子女以自給公言之朝卽發粟以濟并贖其子女還之幾千人十年巡歷至丹陽丹徒二縣飢民相率求食公卽發粟爲粥以贍之民賴以全活者不可勝數明年復敕公治松江嘉興沿海等處以防倭寇公乃規畫立寨堡造戰艘練軍士以備之而倭卒不爲患今上卽位陞戶部尙書浹旬公以舊制懇辭調工部未幾仍巡撫京畿命郎中朱昂趙泰主事張愷吳復隨公分理所至興利除弊一如侍郎時朝廷邊鄙多事屢命公督造軍械動以百萬

公措置有方民不知勞而事悉辦治明年舟至丹陽得風疾卽上章乞歸不許懇辭至再乃命馳驛還京察其實病遂詔致仕公得命翌日卽就道初公年六十時嘗營草屋若干楹於雙崖至是日偃休其間足跡未嘗入城府賓客過從輒傾倒爲驢驘然自得也明年疾復作竟不起夫人彭氏婦道母儀表於鄉族子男四人長仁俊輸粟佐邊敕授冠帶次仁侗仁儉仁廣女一人適胡廣武孫男六人女九人曾孫男四人女六人墓在其里黃岡之原公厯事五朝凡四十

尚約文鈔

卷十

墓誌銘

三

若干以籍驗之果然吏民驚服以爲神莫敢飾詐者以故朝廷有所命必降璽書委任之隆無與爲比而公得以展其才略保全終始未嘗有一日顛蹙之憂平生不事厓岸約己下人天性孝友形之實踐撫孤姪如己子待宗族姻戚恩意必均章縫有求者務適其所欲下至醫卜方外之流亦未嘗不遂意以去性嗜書手不釋卷雖老吟詠尤工長篇大章沛然莫禦而春容閑肆有唐人之風應人之求不以公務叢脞少有靳惜所著有奏議稟平反錄葦軒小草雙崖集

尚約文鈔

卷十

墓誌銘

三

歸田橐若干卷藏於家銘曰

嗚呼文襄出惟其時獎拔自天奮其華蕤薦厯郎曹實云膚敏繼相親藩惟職之盡粵我宣考閱茲畿民任公股肱俾敷吾仁公拜稽首敢不效力吹煦拊摩去其蠹蟻始公未至民用彫殘暨公之來日以富完公未毫荒孰令公去俾我困飢莫知所訴公奄已矣天子悼嗟治葬於原諭祭於家考厥初終太常有諡褒答恩榮列聖之制惟公垂裕雙崖之陲不戚其止不泰其施每每高邱有鬱封樹嗚呼昭茲文襄之墓

嘉議大夫禮部右侍郎前翰林學士謚文肅錢公墓誌銘

天順五年五月二十二日嘉議大夫禮部右侍郎前翰林學士吉水錢公以疾卒里第春秋八十有九訃聞上悼惜命工部遣官治喪葬命江西布政司官諭祭予謚文肅一時自三司而下暨朝之達官顯人南北過是郡者弔祭相屬於門而凡宗族婚友鄉黨州里之人無不感戚疏愚良弔哭皆哀且相與嘆曰錢公吾郡遺老今而後不復有斯人也嗚呼古所謂好德尚約文鈔卷十墓誌銘

考終之君子公足以當之矣其子鳳躍卜明年某月某日奉公柩葬其近里洲背山之原前事衰經踵門以福建僉憲高君超所述狀泣請銘嗚呼公鑑先輩嘗辱厚者也義奚敢辭按公諱榦字習禮錢氏其先本吳越武肅王鏐之後宋初忠懿王宏俶之子子惟濟爲吉州防禦使留再任其子忻因家廬陵之滾源厯三世曰貴和始徙居吉水之諸源世爲望族曾大父以吉大父立志考好德三世皆不仕以文行重於鄉妣陳氏得婦道甚公自幼穎敏不凡入家塾讀書

過目成誦稍長篤志於學并日夜勤勵不厭父母鍾愛之遣就翰林修撰張伯穎先生習舉進士公於經傳子史旁蒐強記務得其指歸爲文章多腹藁若不經意而沛然有餘苦心思索者不能及入邑庠爲弟子員方岳名公每按臨視學咸見器重僉憲裴公璉有柏臺訓子詩卷以索題公援筆立寫以進裴讀之竦然起敬曰奇才也因以徧示十三郡之士由是公名大振於時永樂六年江西鄉試第一七年會試第十適駕巡北京止廷試暫寓太學八年冬駕南還九年廷試第二甲第二十八入翰林爲庶吉士十二年春駕復巡北京未幾召公授翰林檢討階承務郎十四年冬扈從南還十五年春扈從巡北京二十二年同考禮部會試仁宗皇帝即位命公與泰和王公直每早朝侍左右備顧問有所言必謹錄以進罷朝乃退賜白金文綺有意大用公矣陞翰林侍讀與知制誥洪熙改元敕授承直郎贈父以己官母陳贈安人妻王封安人同修太宗皇帝實錄宣宗皇帝即位同修仁宗皇帝實錄賜假展省宣德改元起召入覲仍

舊職二年同考禮部會試四年考南京鄉試五年兩
朝實錄成賜金織襲衣銀幣考禮部會試陞翰林侍
讀學士誥授奉直大夫贈父以己官母妻皆宜人七
年考北京鄉試十年春今皇帝即位敕修宣考實錄
明年正統改元預充經筵講官每日循次以講章進
充廷試讀卷官三年授協正庶尹宣考實錄成賜資
有加陞翰林學士考南京鄉試四年充廷試讀卷官
六年考北京鄉試九年公上章乞致仕詔不允十年
考禮部會試進五倫書被賜養冬十月陞禮部右侍
尚約文鈔 卷十 墓誌銘 天

郎授嘉議大夫公以老病不勝任辭詔諭遣就職頃
之命權署吏部公在禮部朝廷大制作大議論有所
咨必詳審稽考以復慄慄然惟獲戾是懼在吏部端
坐堂上謹銓衡謝請託不動聲色四司嚴憚之於是
搢紳士咸敬服公以果足當大任也十二年復以老
病請上察其誠許之賜宴資公卿大夫祖餞都門外
各以詩文贈觀者嘖嘖嘉歎舟發潞河公大歌歸去
來辭喜動顏色及還子孫日侍側愉愉然也年逾七
十精力不衰賀者填門必冠衣款接不以寒暑少怠

貴人賢士求其文者日至常從容酬應之有以郡縣
事屬者輒戒門拒絕自號三宜居士間於所居西偏
治一室扁曰頤老暇即靜坐其中閱書畫撫孫曾他
一切世務不以介於懷退居十五年清風高節如一
日公爲人廉潔莊重操履純篤人不可干以私官居
不以家累自隨平生惟於宗族務盡恩意煦煦然勤
厚也自家食時已推所學教鄉人子弟比官京師名
公鉅卿爭遣子若婿受業國子諸生亦往往執經於
門公悉心開導之多底造就有取高第至顯官者在
翰林三十年凡考兩京鄉試者四考禮部會試如之
八爲考官無一疵議鑒別之公出其門者稱思之至
今公爲文章必循矩度務追古作者以與之並不肯
苟且以徇世好而於詩尤擅長短章長篇清邁典重
藹然唐人之風所著有應制集詞垣彙詞垣續彙吉
安府志若干卷藏於家配王氏繼曾氏俱有賢行子
二長鸞停次鳳躍皆績學敦行以承其家鸞停先公
卒女一適士人王全忠孫男三女三曾孫男若干女
若干嗚呼吉郡自國朝以來翰林文章擅天下而吉

水先輩三人焉永樂中則縉紳解公光大胡公洪熙至今則公也三先生俱以魁傑之材蓄所學以致顯用功業在朝廷詩文滿四海聲名著後世真不相上下至若知止勇退恬然自得壽考而終則公一人而已然則奚可以不銘邪銘曰

於嗟錢宗其始王家武肅垂休蟬聯厥華宋官於吉實防禦使其子曰忻祖惟忠懿留家廬陵始之滾源文水諸源乃其再遷考卜於茲閱歷斯久惟禮惟詩不失世守蘊極而發篤生我公孝友於家仁義在躬

尚約文鈔

卷十

墓誌銘

手

一經昕夕濂洛洙泗推其緒餘式魁多士歷試累進遂躋詞林譽聞盈廷寅畏小心仁祖見知置諸左右納其所陳眷顧彌厚逮事列聖益殫厥忠思養駢蕃秩祿日崇公材魁壘允堪大用一時仰之龜龍麟鳳公文淵澄有委有源後學尊之北斗泰山年至乞身豈敢留祿匪曰遺榮曰知止足養其天和十有五載大耋考終高風猶在帝曰噫嘻惟余老臣卹典自天治其祠境撮公平生恩榮終始亦有善慶貽厥孫子文山之陽鬱然宰木述德讚銘嗚呼文肅

翰林檢討兼國子助教羅君墓誌銘

君諱克中字伯初姓羅氏吉之吉水人也爲國子助教以績最擢翰林檢討仍教國子在職二十年駕臨太學者凡再皆賜襲衣重以冠帶至是君方慶幸以謂遭逢之盛而暴得疾越三日竟不起時景泰二年二月乙亥也壽六十有九君自効力於學經傳子史百家之言靡不淹貫入廬陵邑庠爲諸生永樂辛卯中江西鄉選小錄刻其所作見者咸嘖嘖稱歎以謂不可及遂以知名於時會試中乙榜授陽江訓導陽

尚約文鈔

卷十

墓誌銘

手

江士習素下君至進生徒於學時省而月試之未幾其化翕然取科貢者接跡連丁外內數服除陞諸暨教諭其教一如陽江由其門而出者益眾蓋又九載而有國子之命國子諸生聞君至執經就問者相屬然君不獨勤於教尤以古文詩辭自喜求者之履日滿外戶而君所以應之者不厭雖不持禮幣來者率予之未嘗介意也以故名公顯人往往愛重君爲之鼓譽其沒也相與痛惜之羅氏係長沙凡三徙而至廬陵之梅林有曰重道號養晦先生者當信國文公

勤王時實率族眾從之文公被執乃辟地吉水之同
水鄉曾祖某祖毅然父文道俱隱德弗仕母彭氏兄
弟三人君其長也二弟曰肇初思初君屢徙其居所
至必置田宅始由同水谷坪僑居里之富威既而仕
諸暨復家諸暨後又葬其父長沙之寧鄉亦植業焉
於是命其弟肇初居富威思初居寧鄉而其子珪環
則居諸暨元配蕭氏繼翁氏子五人長珪環也其幼
曰玘琪璣女三人長適諸暨王潞餘在室孫男二人
女四人君爲人灑落不羈於世事若不經意至論古
尚約文鈔 卷十 墓誌銘

今文章高下時人之得失事理之當否歷歷如指諸
掌然頗惑方士之說謂丹砂可製爲白金鉛汞服之
不死余嘗力辨之雖面從余言然終不悟也有餘貲
輒爲術者所給卒之日家無十金之儲二子者奉君
之柩歸葬於其鄉某山之原請余銘嗚呼羅君郡賢
者也余忍銘邪不銘也又可忍乎銘曰
眾矯矯而高翔兮獨俟命而安卑彼翕翕而諧處兮
吾寧自守而莫知醉頽然而臥兮醒高詠以詩晚荐
慙夫清華兮倏委運而與世辭歸哉卜宅故山兮惟

後人之永思

曾蒙益墓誌銘

嗚呼士能強學力行而不得乎命可以自少邪士不
強學力行而得乎命可以自多邪蓋強學力行在乎
己窮達天壽存乎天幸乎天者常人也盡乎己者君
子也噫若蒙益盡乎己不得乎命以死其志亦可悲
矣蒙益名庾姓曾氏翰林侍講學士鶴齡先生之子
今禮部精膳員外郎蒙啓河南道監察御史蒙簡之
弟也母安人陳氏先生五子蒙益其季也自幼岐嶷
尚約文鈔 卷十 墓誌銘
不好弄先生嘗口授以童子書數過卽能暗誦久益
不忘先生甚愛之稍長就里塾師額額然晝夜自苦
於學或嘲曰殊煩聽也奮曰焉有厭人讀書者邪自
是日記千百言以爲常甫十五六籍傳疏子史百家
之說及前代典故靡不鉤貫問輒應之無弗知者詩
賦諸作下筆立成而尤工舉子之業吏部侍郎洪瑛
先生友也間就蒙益齋舍因與論春秋數十條不能
難大驚謂先生曰令子咄咄跨竈矣先生喜遣就侍
講劉球先生受春秋不踰時盡得其要領先生謂陳

安人曰幼兒能讀書吾雖死不恨先生每喜輒言之如此明年先生歿天子遣祭自公侯貴戚至於卿大夫士莫不奔走賻弔當是時先生諸子惟蒙毓蒙益在殯側哭泣之哀承接之禮人皆以爲難既襄事蒙益奉母安人日盡承順以慰悅其意安人甚安之惟蒙益言是聽綜理家政綽有條緒而於諸兄尤恂恂致恭焉平居屹然自處如老成人諸兄或有事相可否蒙益在旁不動聲氣徐發一言無不切中鄉人老長皆曰蒙益不獨文學非他子弟可及至其爲人亦不可及也先是弱冠時嘗一就鄉試不偶既歸益奮發自勵其志將不底於成不止至是竟以疾卒正統甲子十月二十六日也其生洪熙乙巳二月某日享年二十娶歐陽氏浙江按察僉事廣哲之子一女遺腹踰月而生以卒之年十二月某日葬於泉山先塋之次曾氏自金陵徙泰和唐宋以來爲邑大族高祖存翁瑞金教諭曾祖九韶沔陽黃蓮湖大使祖伯高贈翰林修撰父即學士先生也其世德之詳具載少師楊文貞公所爲先生墓表云蒙益既葬蒙啓間狀

其行詣余請曰吾弟之喪甚矣老母之思也不求銘傳於永久非但無以昭吾弟於地下且無以解老母之思而盡爲兄者之心焉嗟夫始蒙益強學力行將以有爲也雖父兄之望蒙益亦然及不得年而死當時聞者且爲之驚惋太息況其父兄邪況蒙啓邪此其所以可悲也嗟夫古之人所以傳者非必其偶於命得年而死也蓋其義善足以取重於人而人爲著之耳然則蒙益奚憾惜不腆之辭其能使蒙益傳邪而蒙啓以同年之故見屬義不可拒乃爲之銘曰厥稟之粹兮厥材之良充乎其學兮需時翺翔菌桂申椒兮人服其芳秀而未實兮曷尤彼蒼壽雖云短兮其存則長不偶乎命兮噫庸何傷故監察御史劉君墓誌銘南京廣西道監察御史劉君學足以成其文材足以任其氣介足以厲其行其志不大有爲不止而年僅三十六以卒嗚呼斯人也天曷不畀之壽以相其成歟君既卒之十有二年是爲正統丙寅其子元領薦來京師間以刑部員外郎叔車所爲狀詣余泣請銘

噫君余同年友也其可以辭按君諱準字叔用劉氏泰和珠林文獻之族其先繇金陵徙至今二十世以科第登仕版者三十有九人而以他塗顯者不與焉高祖伯威曾祖宗榮元時皆泰和州訓導祖子彥號東原先生國朝爲豐城教諭與仲兄吏部尙書棧翁先生皆以文章鳴於時其詳見侍讀梁先生所著銘云父士方有學行未仕母羅氏君自幼英敏風成從其父受書經父沒益自淬厲不復以筆硯從人年十四館授於鄉十八挾藝游場屋不中歸盡出所業焚之曰豈吾之說不合於經邪於是悉屏去時人文字日夜潛心經傳未幾胸中耿耿然大有所得矣永樂癸卯中江西鄉選越三年會試擢進士第詔需次於家又三年驛召至京觀政禮部明年有南京之命君在職毅然以風紀自任嘗有倉官五人被誣法當死囚繫久不得白君視獄詢得其情乃詣都憲言其枉竟出之五人者各致白金爲謝君曰法當爾非我若德也一無所受先是圻內鋪面有稅鈔所司徇私無問貧富概之以定額民至自傭不能償所徵至是詔

簡御史廉幹者定其去取都憲以屬君君既受任富民猶有緣前弊行賄覲免者君不染毫髮一處以公由是民之貧而獲蘇者蓋多嘗承命覈光祿寺歲費錢穀時寺丞某與其屬以革後因緣盜官米七百斛君疏其實於朝悉置之法蓋君守官盡職多類此既三載考最將還官以疾卒北京之旅邸宣德乙卯九月十六日也卒之日發其裝蕭然無所有惟書籍而已鄉之仕於朝者相與治棺衾權厝於南門之外又二年復資以歸其喪其子元等乃卜葬於居近官土巷之原君娶梁氏侍讀公之女前兩月沒於南京子三人長元也慈溪訓導次曰亮曰亮皆聰敏力學可愛女二人長早卒次在室孫一曰徵君爲人落落負奇氣自視無前非其人不屑就卽其人賢遇之驩如也見事是非輒發不肯嬖媚苟隨於人臨財非其義一介不以取予也長於文學觀政時宗伯胡公禮致於家誨其子在南京都憲吳公亦遣其子與孫受經焉所著有平巷集若干卷藏於家惟君之得於已見於行施於政者有出於人故不得其壽以死搢紳士

相知者皆痛惜之況余同年乎況其子乎爲之銘曰
豸冠繡服兮榮命自天躋顏四齡兮一胡弗延惟人
之行兮求厥否臧順受其命兮何有短長吁嗟劉君
兮雖死不死垂聲於後兮以燕翼子

尙約文鈔卷十終

尙約文鈔卷十 墓誌銘

天

尙約文鈔卷

明泰和蕭 鐵孟勤著

宗後學上田敷政校刊

墓誌銘

劉處士墓誌銘

處士姓劉氏諱鑑字從亮別字朝東泰和沙谿里人
也劉氏故大宗宋元以來以貲甲其鄉曾祖本立祖
明道父煥文雖皆不仕然所交游盡邑中之賢若陳
海桑先生前吏部尙書劉棣翁先生實往還其父子

尙約文鈔卷十 墓誌銘

間以故劉氏之聞獨著於時處士自幼穎敏不羣從
梁子瑗先生讀書輒通大指以父命爲族父伯彰後
事伯彰如事所生喪祭一循禮而不違其母死疫癘
鄉俗凡疫癘死者葬多簡略或勸處士宜從俗處士
曰死生命也已懼禍而儉其親不子卒以禮葬而亦
不及於禍撫幼弟從啓克盡友愛先業之良者悉讓
之人尤以爲難嘗爲區長董鄉之賦不擾於民而賦
以足歲歉輒發廩振困乏不能償者不校也喜交游
有父祖之風賢大夫士有所過逢卽傾倒不厭雖老

釋之徒干謁其門亦無不得所欲以去其輕財重義
出於天性然也晚尤惓惓教子孫以學故子孫皆端
重禮度克世其家宣德己酉十月廿七日以疾卒距
所生洪武癸丑五月十三日得年五十有七配蕭氏
有賢行子三人澄湜源澄先卒女三人其壻蕭孟復
蕭儼鄭仲修皆士族孫男四人榮渠槩某女若干人
以卒之明年十二月初六日葬仙槎鄉石古坑之原
越廿有一年是爲景泰改元之歲某來京師介其族
叔祖順天府庠司訓本誠詣予請銘曰父遺命也予
尙約文鈔 卷上 墓誌銘 二

之防退然不自以爲功兮終泉石以徜徉壽宜延而
弗遂兮義聞則章撮迹泐銘於茲兮嗚呼不忘
故處士蕭公墓誌銘
蕭處士之沒而葬也既十有九年是爲景泰庚午之
歲其子珏汝堅擢銅陵知縣乃始狀處士之行泣請
銘曰願有謁也久矣嗟乎予自弱冠往還處士家處
士卽異視予其後與汝堅同鄉選款接尤厚非特予
爲然自當時賢大夫若前蜀府紀善坦菴梁先生今
太子太保抑菴王先生憂制家居皆嘗遣汝堅兄弟
尙約文鈔 卷上 墓誌銘 三

少家食時嘗聞老長言歲壬午東沔之民相聚攻剽
爲羣盜莫之敢禁處士獨率鄉丁助縣官討禽之磔
其渠魁縣南門外一境以安竊壯其所爲欲一接之
而所居東西鄉相距百里弗之遂也獨時時聞處士
節槩卓犖奇偉者於人心益歆慕之然予日以游宦
於朝而處士亦老且死矣夫以平昔所嚮往未得一
見而於其既沒欲摹擬於言語文字之間尙忍爲之
邪雖然非此無以慰孝子之思也乃爲之銘曰
懷瑜握瑾兮弗市而深藏探虎穴而虜其子兮萬夫

和館背巷家焉祖處敬父宗魯世業儒而宗魯尤深
有和唐集若干卷藏於家處士自少聰敏出羣類既
長更事益落落可愛洪武初以多貲爲鄉人所嫉宗
魯被誣謫海外處士亦坐累繫官既得釋卽往省視
而宗魯已沒於時二弟諸妹皆幼處士亟還日夜辛
苦治園田膺門戶弟妹婚嫁各以其時居數年貲業
一復其舊而二弟亦長矣乃籍所有均分之先時有
不給嘗出私財以佐費至是宗族之長有言當償者
處士曰兄弟同氣吾其可私厚哉悉無所問處士與

傳文鈔

卷十一 墓誌銘

四

人交必盡誠信所言據是非無阿比有所規畫切於
事情人皆敬服焉族姪鄰里有忿爭不平者爲委曲
開釋之皆唯唯而退晚年非公事不涉迹官府油然
自適而已宣德壬子某月某日以疾卒於家距生洪
武戊申某月某日享年六十有五配陳氏元襄陽路
照磨崇禮之孫處士子鉉之女甚得婦道後處士十
餘年卒子二人長卽珏永樂丁酉中鄉選凡再會試
皆得教職不就由太學生有命次珏女三人康叔
完羅叔奇彭公亮其壻也孫男五翰忠淳洞 孫女

五墓在其山之原方汝堅自太學得告歸處士雖爲
之喜然數數飭勵之其意固不能毋望汝堅顯融世
其家也而汝堅輒連蹇竟處士之沒蓋自中鄉選以
來至今三十四年始獲遂所志豈非命邪然處士雖
不及見之生時而卒享其成於既沒使其有知亦可
以少慰不恨矣銘曰

勢利眾趨孰能好賢耆如渴飢有識則然既承厥先
益惇世美匪惟飾躬用成其子逾六望七壽弗云長
惟茲義聞於乎不忘

傳文鈔

卷十一 墓誌銘

五

故處士蕭君墓誌銘

處士蕭氏諱壘字季哲考鵬漢府君於鉉爲從叔父
處士則再從兄也其先德見今太子少保抑菴王公
所爲叔父銘爲詳蕭氏世以忠厚孝友聞處士能篤
其家訓然自少落落負奇氣不肯嬖倖在人下叔父
愛之甚遣就翰林侍講余學夔先生受書經既又禮
致紀善梁本之先生御史任敬敏先生館於家處士
卒業焉學成未試當洪熙改元詔郡縣簡民之多貲
而素行爲人所服者專董其鄉之賦處士在選列於

是慨然嘆曰吾不復遂所志矣乃日從事於公府雖與諸兄弟同其役然有急諸兄弟皆以咨處士處士一以身任之不辭居鄉無怨惡於人而事以辨治其酬應公家未嘗有所失邑大夫咸敬禮之於宗族尤厚凡死喪患難非橫之事赴之惟恐不及有忿爭不平者以告皆爲處白之自高曾以來賞甲一鄉處士兄弟六人二兄先卒存者四人而三人者之業日倍於舊獨處士無有所增益蓋處士平生喜賓客惇契義不屑屑於營利故也然自州里鄉黨婚友無遠邇尙約文鈔 卷上 墓誌銘 六

疏戚皆稱賢焉嗚呼於此可以觀其爲人矣初娶歐陽氏禮部主事允俊先生之女繼龍氏子三人曰銓曰銓曰鏞銓以薦爲保定之清苑訓導女一人郭某其壻也孫男三人曰某曰某曰某處士之生洪武辛未八月十四日其卒以正統己巳十月初四日享年五十有九墓在近里於是銓自清苑走京師求銘嗟夫予弱冠時叔父念其貧乏俾與處士從梁任二先生游二三年間晝則連講席夜則共被臥其後予竊鄉舉及爲進士家居近二十年處士出入必惜凡有

事必相與周旋其間自忝職於朝處士之書無時不至也蓋處士於予志趣之合恩義之隆如此嗚呼孰知今棄予而死邪然則非予銘其誰宜銘乃忍哀而銘之銘曰

疏達之材魁壘之器不豐其貴絛惇於義坦懷下士自牧以卑嫉彼宵人氣以凌之雖蓄未施無忝厥世胡天不相而壽止此壽而止此其聞則多弟爲銘之嗚呼弗磨

中憲大夫雲南按察副使歐陽君墓碑銘

尙約文鈔 卷上 墓誌銘 七

雲南提刑按察司副使泰和歐陽君之沒而葬也今太子太保吏部尙書王公嘗爲之銘矣越二十有一年是爲正統戊辰之歲其壻王積希誠致其子禮書京師屬余曰先人墓道之石未立願以請也按君諱和字允和歐陽氏泰和蜀江里著姓曾祖孚先祖以定父觀民皆隱德不仕君之昆弟子姓國朝以來由科目登仕版者幾二十人而取進士第實自禮部主事允俊始其次則君也君自少落落負奇氣熟於應務雖不事城府遇事輒發而委曲當理精思審處者

或不及也永樂壬辰以進士試事大理寺已卓然著聲望又明年拜雲南道監察御史在職凜凜持風裁而存心平恕凡獄訟經君論理者咸自以爲不冤其長所見或異必從容引喻要歸之理而後止由是隱然名動京師而在輩類者皆敬歎以謂不及嘗出按廣西桂平有悍卒六七十人素持官府長短以自豪帥閭莫能制持憲者亦不之問民有罹害至死者其家訴之君始君之至諸悍卒聞其名稍自戢既而見君蕭然以爲不足畏也捕告者毆擊幾斃君盡獲之按

尙約文鈔

卷十一 墓誌銘

八

其前後所爲多應死悉寘之法皆款服自度不免一夕經死獄中桂平一境稱快焉仁宗皇帝以皇太子監國南京當是時小人有事南京者往往務爲詭秘上下爲之惶惑君曰東宮吾君之子也何可計私匿情邪有所問悉以實對仁宗皇帝大喜亟稱曰歐陽御史真識大體者也洪熙初嘗問君安在蓋有意顯用之而君已滿考有雲南之擢君至滇南滇南之人相謂曰是往者雲南道歐陽御史也不可犯在任僅四年聲績不減御史時而人尤以寬大稱之父喪去

官至南昌之樵舍驛遇暴客以卒聞者痛惜焉配萬安山陂謝氏有賢行子一人卽澧端重恭謹克世其家女二人長壻楊維其次希誠也孫男幾人君享年四十有二其卒以宣德戊申三月初一日其葬以是年十二月某日其墓在近里沙隴之原永樂中泰和爲御史者三人焉彭百鍊尹崇高其一人君也三人同時立朝慨然以風紀自任入則肅百僚出則繩奸弊當時豪強者斂手回避而小民相慶幸恃以自安余私竊自念此三人者非特一邑之英乃當代之賢

尙約文鈔

卷十一 墓誌銘

九

材其磊落奇偉之績雖前史所書不是過也三人者風聲氣烈真不相上下而君獨謙讓蘊藉常有所縱捨不規規誅罰之先尤足多者彭尹二公既皆以齟齬終君方且表然藩臬之上人皆幾其遠大也乃竟不得其壽以死天之於人其福禍予奪之際惡可問哉悲夫銘曰

於穆文皇綱紀四方雷動輒馳萬國來王朝著典章有條有理糾慝繩違曰惟御史惠文之冠凜然其威繡衣日綢白簡霜飛偉歐陽君治世之瑞持憲烏臺

聞聲丹陛馳馬所經秋殺春煦豪強脅息困瘁其蘇
受知仁廟方擬大用出佐藩臬南邦所重始君立朝
著稱嚴明既臨外服乃以寬平惟君之材豁達磊砢
宜其所施無乎不可惟君之器右之左之人畏其難
我則易爲材器之豐厥壽何嗇天之難謀於焉爲武
人之在世孰短孰長惟茲令名永矣弗忘沙龍之原
有封有樹隧道刻辭歐陽君墓

國子學錄鍾先生墓誌銘

先生自幼篤於學父母愛之日資遺就名師游比長

尙約文鈔

卷十一 墓誌銘

十

從前吏部尙書劉公子高受詩經既又卒業國錄蕭
公子所之門當是時二公之高足弟子以十數獨先
生有名文章蔚然通敏可愛而於詩尤長洪武中用
薦授贛縣訓導丁外艱去服除改南雄府學永樂初
以裁省上京師陞趙王府伴讀在職僅十年闔府僚
皆得罪先生亦被逮輸作久之遂有國子學錄之命
越三載以病乞致仕先生舊明詩在贛庠生徒往往
有以書禮經來質者先生爲據案講說皆得其指歸
三經生從游者日益眾比去也欲留不可皆涕泣送

之其在南雄亦然在藩府謙勤小心論議正直同輩
咸推讓以謂不可及教國子諸生從者視贛南雄尤
多先生居兩京十五年自當時名公鉅人或知其文
學或察其行義莫不敬禮先生而翰林學士胡公知
之尤深嘗言鍾先生觀其外癯然一儒生求其內自
守不移矯然壯者也其爲時所重如此求詩文者日
相屬於戶而先生所以應酬之者不厭有集若干卷
藏於家先生諱亮字啟晦姓鍾氏唐越國公紹京之
裔蓋自宋朝奉大夫文正與兄文定始自贛興國徙
尙約文鈔

卷十一 墓誌銘

十一

居泰和之柘塘其後凡再徙而後至今之西塘曾祖
淵伯祖以敬父與吾其世德之詳具載前翰林侍讀
梁公所爲狀母蕭氏以賢德稱先生初娶蕭氏繼劉
氏子六人鈞鏞鈍銓鏞銑女二人郭東維胡貴琢其
婿也孫男十六人女十五人永樂中仕而得致仕者
蓋少先生獨以官還其鄉邑里遠近咸爲之榮居歲
餘竟以疾終永樂己亥二月十三日也享年六十有
一以是年十二月某日葬其鄉泉溪山之原先生爲
人慷慨有大節質而不矜和而有禮與人交辭氣煦

煦然勤厚未嘗有所忤亦未嘗苟有所屈游宦二十餘年雖齟齬不振而清操雅度至今人猶稱之先生之葬至是三十又三年是爲景泰辛未之歲鈍以薦在候官訓導乃始狀先生之行泣請銘嗚呼先生余表兄也義奚容辭銘曰

懷瑜握瑾兮曰惟其時及遇而出兮弗克大施氣浩以充兮迺昌其辭終要歸盡兮名則不隳饒石幽堂兮後世之詒

前石首知縣陳君墓誌銘

尙約文鈔 卷十一 墓誌銘

三

太宗皇帝臨天下銳意文事嘗詔館閣近臣偕當時文儒集中秘修五經性理大全書書成一時從事者往往仕於四方余多不及識之而知其賢者一人焉陳君文璧也至是以疾卒於家其子工部員外郎浩奉春坊贊善錢君所爲狀丐銘余與君仕相先後不能盡得其爲人比年叨與陳高二少保先生在內閣二先生與君同年常道及君以謂君之學之材實勝於人而仕久弗振卒齟齬以老然君一不以介意方少年時所交皆天下英俊駸駸然日嚮顯用君固自

若也及年月已邁向所交者皆風雨散去平生所懷竟不復施用君亦自若也審如是得不謂之賢乎余既聞二先生之言及今讀其狀良然則於浩請銘尙何顧而辭君諱文璧字廷圭陳氏世家華亭之東郭曾祖某祖某父某皆不仕君自幼秀穎絕倫甫成童已有能詩名比爲郡庠弟子員名遂大著永樂甲午一舉魁鄉選明年擢進士第入翰林爲庶吉士遂有纂修之命君既得所欲益刻苦於學自是材日以充文日以進每一篇出人爭傳誦歲辛丑授石首知縣尙約文鈔 卷十一 墓誌銘 三

石首當江湖要衝驛使往來無虛日前爲令者供億應酬之弗暇奚遑卹民事君至嘆曰令所以爲民也豈私身圖爲乃詢諸父老凡邑之事或罷或行若之何而便悉爲罷行之長民之役必更置以善良人所信服者豪姦弗率教者悉實諸法不貸居未幾民化翕然相謂曰前此爲令未有若今公者也邑多山虎數爲患君令善獵者檻其一去爪牙縱使游山谷間以示其餘其餘見者皆遁去虎患以息境有神祠巫假其靈以規利里民欲徵福不復謂其誕至有貨產

鬻子爲費者君卜日具牲醪爲文以告神畢卽縛其巫及諸惡少嘗相煽以惑人者痛箠戒絕之仍刻其文於廟一境驚歎始知向者之非君之善政多此類洪熙改元朝京師邑姦民前爲君所懲者挾怨以事誣之君不辨遽引服免歸家居十餘年未嘗一涉跡公府惟以所學淑後進遠方聞而至者屢滿外戶正統丁巳郡庠諸生合辭舉爲師而寧波知府鄭珞亦交章以薦至京豐城侯李公賢聞之請於朝以爲塾賓許之授訓導李公鎮南京遂偕往蓋相與處者踰

尙書文鈔

卷十一 墓誌銘

古

顯位屢德君不置口門生故吏凡蒙恩禮者亦稱思之至今嗚呼若君者不謂之賢可乎於是諸子將卜是年某月某日以君與其配合葬於其鄉蟠桃山之原余爲之銘曰

時之通行也吾不知其所喜時之不行也吾不知其所恥行否何係命焉爾爾其所不計者由天而所享者在己嗟惟陳君卓乎有偉身連蹇於一時名光昭於百世何以慰君庶其在此

贈資政大夫太子少保兼都察院右都御史羅公神

尙書文鈔

卷十一 墓誌銘

古

道碑銘

永樂十五年正月十四日吉水羅公仲淵以疾卒於家後三十有九年爲景泰六年其孫通以太子少保兼都察院右都御史滿三戰天子嘉其績進資政大夫推恩二代於是公得贈如通官配胡氏贈夫人各錫制詞以褒寵之通既薦告閒詣予請曰嗚呼惟吾先祖於羅氏其承先裕後之功實大卽見所居之周橋締造艱辛亦實創自先祖一人迄於今孫曾殆數百指而通所以叨蒙國恩致有今日者皆先祖之教

也乃者葬時蓋嘗求少保金公爲之銘少詹事曾公爲之表然是時通在下位例不得追贈自忝副都御史以來凡兩蒙恩典如又不豎碑墓道將無以彰明天子之大賜以昭先祖義善於無窮竊願有請也按公諱恭仲淵其字曰作息菴者別號也羅之先繇錢塘徙豫章唐末有諱則者由豫章徙廬陵之印岡其後又分徙分宜之白芒宋之時居白芒者曰弘正爲吉水主簿居印岡者曰礪谷家感甚主簿以族故往省之道經邑之東池暴疾卒遂葬其地至今名其處

尚約文鈔

卷十二

墓誌銘

六

爲主簿塘子孫因卜墓近曰澄溪家焉主簿若干世至元章元章生以誠公之曾祖祖也以誠生二子用明用行用明公之考也公兄弟五人者相友愛以養其親而公居長尤魁壘負奇氣嘗學易有用世志既而歎曰吾豈有不得已者乎乃退然隱居以終養親沒竭力營葬祭撫諸弟皆成其室家繼又歎曰兄弟幸義聚而公私之需無以給可乎於是挈所有南游漢沔北抵魏晉之郊非徒服賈而已凡歷名山勝蹟必吟嘯終日所至訪其賢者而交之久之歸胷中耿

耿若有所得而囊橐益不貲未幾又之揚州因與當時豪俊縱酒爲樂焉其叔用行聞之亟往索其囊橐欲分之公慨然曰叔與吾父二人耳分之固當乃盡出所有均爲二聽叔取其一既又以己所得者歸與諸弟均分焉族黨婚友皆以爲難而公未嘗幾微見言邑鄉先生長者聞之喟曰仲淵輕財重義如此古之人不多得也公以所居湫隘欲他創有善青烏術者曰蕭會龍終歲延之家一日得今所居之址密與公往視則羅氏故業也先是礪谷感時列置倉於其上以楹計之凡二十八各以一宿目之礪谷沒而家落鬻於里王氏至是王氏家復落將鬻之矣公得之而喜躬謁武功山仙壇卜之凡三卜習吉卽趣歸以白金四百五十兩償王氏遂徙居之洪武丙寅歲也居旁有南山因名之曰羅浮自號羅浮山人云歲戊辰以事註誤至京謫籍江寧縣時鄉郡仕於朝者同邑解公胡公泰和楊公新淦金公皆相與往還甚好四方賢士過從幾無虛日公皆爲傾竭隱然名動搢紳間由是郡簡爲耆老每鄉飲公必在賓席永樂初

尚約文鈔

卷十二

墓誌銘

七

上言便宜十事時太宗皇帝方勵精圖治凡百遵成
憲覽公言深見嘉納仁廟監國時江寧上元兩縣官
以造戰車不如法繫御史獄得重罪公上言縣官得
罪誠宜但新授者不能如其故民歎望乞宥之戴罪
理縣事俾自新仁廟曰老人既稱縣官賢戰車重事
而貽誤何邪公頓首曰是所謂安能每事盡善者也
仁廟善其對即日釋縣官頃之應天府丞張某者繫
獄使人求公爲言如言兩縣官者覲得免公曰兩縣
官誤公事吾故公言之今府丞所坐私過也吾敢面
尚約文鈔 卷十一 墓誌銘 九

謾哉張衡之後以盜官鈔事覺籍其家不足償乃誣
公嘗受寄鈔十五萬遂逮公獄時所誣鈔直白金二
千兩人皆爲公惜公長子三錫在家聞之晨夜趨赴
傾貲如所誣償官迺得釋公雖遭重費然好事益甚
其孫通驥方弱冠皆威禮幣遣就國子黃先生習舉
子業歲戊子通年始十八以儒士中應天鄉試第二
公撫通甚喜然當時搢紳不稱通早成而稱公善教
也通既擢御史公曰吾可以休矣遂得告以歸結茅
廬羅浮山下扁曰作息菴徜徉其中閒曳校行歌聞

里間有不識者問其姓仰而指山曰魏乎吾同宗也
問其字俯而指流曰淵乎吾所以名也蓋貴富聲利
漠然不以動其中嚮嚮自得而已卒之時壽七十有
二夫人胡氏有賢行後公十年卒子男三長三錫以
通貴贈如公官次敷錫永錫女一彭秉德其壻也孫
男若干長卽通次曰驥遵勳達導明通永樂壬辰進
士歷官至今職驥鄉試不偶抑鬱成疾以死勳丁酉
鄉舉明爲邑庠生曾孫男若干濂正統甲子鄉舉淮
景泰甲戌進士刑部山西清吏司主事師望癸酉鄉
尚約文鈔 卷十一 墓誌銘 九

舉績學於家公墓在近里曰八十畝離山坎向之原
嗟夫始公讀書約飭時意謂青紫可屈指取及既放
身沈湎於時乃落落然惟義是急卽喪千金曾不一
動其心卒之成就如此豈非所謂豪傑之士哉予故
爲序次其概而詩之辭曰

羅始於妘暨杭以遷支衍豫章簪纓蟬聯聿來廬陵
惟唐季世袁之分宜廬陵攸徙曰吉水簿庵終於官
派於澄溪久乃富完公承其休弗彰以晦鬱而必發
魄磊光大爰考新宅爰質於龜三卜一繇肇祥於茲

惟公偉材同拘於度在義所趨千金弗顧壯寓京邑
晚歸於田搢紳所藏壽福具全慶鍾令孫敷歷顯仕
帝曰汝賢長予憲事東朝保副兼贊五兵文武備資
赫然厥聲帝曰噫嘻訓由乃祖贈命褒詞駢蕃錫予
二品之服犀軸龍章寵數自天燁其有光人始謂公
積善弗享孰知報施久乃不爽羅浮之陽有我斯邱
刻詩墓碑以永厥休

翰林侍講學士周公墓誌銘

公姓周氏諱敘字功敘別號石溪吉水泥田里人也
尚約文鈔 卷十一 墓誌銘

自少有大志入翰林即以著述爲己事其先世嘗有
言宋遼金史當以正統歸宋遼金附書者公因作書
言諸先輩不果用正統中復言諸朝詔許其自修公
得請日夜纂輯極勞苦不厭蓋公平生所論著甚多
宋史其尤注意者也然又以謂讀書不徒事空言而
已於是正統以來累有陳說今上卽位上疏言制治
保邦十二事一曰開經筵備講論專對之益二曰諭
臣僚嚴內外交通之禁三曰明賞罰酌輕重予奪之
施四曰任將帥預戰守防禦之術五曰專委任革監

臨牽制之害六曰慎選舉重犯賊連坐之法七曰通
漕運審遠近轉輸之策八曰增屯種減軍民饋餉之
勞九曰厚耕桑嚴守令殿最之績十曰限僧道定寺
觀多寡之額十一曰公鹽法重豪貴中納之罪十二
曰廣旌褒資一時急務之宜既又言中興太平十四
事觀公之心無日不在朝廷無時不在天下直欲其
聲名上追古人以與之並忘其身之病且憊而爲之
也初公之除南京也實其本意比考績詣闕上勉留
之既數日懇以疾辭去自後每有大除拜往往擬公
而公疾日益甚竟齋志以沒訃聞相知者皆爲之痛
惜出涕嗚呼以公之材而不底於大用其命也夫周
氏居泥田者唐長慶閒徙自廬陵之烏東代有顯聞
七世祖應龍宋紹定進士六世祖京孫直寶謨閣抗
章力詆賈似道奸邪不報去曾祖聞孫元至正鄉貢
進士卽嘗言正統宜歸宋者祖觀以子貴贈奉直大
夫兵部員外考岐鳳用明經薦七轉而至兵部職方
員外郎致仕於家以卒其行治具見太師楊文貞公
所爲銘母王氏濟陽學教諭子職先生之子有賢德

尚約文鈔 卷十一 墓誌銘

封宜人公生時其祖在石溪得異夢喜曰是子他日必亢吾宗自幼穎敏絕人九歲隨父即墨父日出部署軍餉母宜人親授孟子諸書過目成誦十一能詩善屬對弱冠隨父國監從翰林修撰彭汝器受書經大有造詣永樂甲午江西鄉試高等戊戌會試當首選主司謂其儒士非繇學校真第二然小錄自鄉試至是累刻其所爲經義誥策學者爭相傳誦一日之閒名動京師廷試中第二甲第一同時選翰林庶吉士凡十五人公其首也預修天下郡志三載雲南守尚約文鈔卷十一墓誌銘

既終制適正統改元之歲預修宣宗皇帝實錄明年考禮部會試入經筵侍講論賜楮幣白金文綺戊午夏四月宣廟實錄成賜金織襲衣白金文綺有加陞翰林侍讀以父憂去壬戌起復明年夏旱奉命祀南嶽公將事敬甫祀畢大雨遠近沾足民傳頌之甲子考京闈鄉試是冬有南京翰林侍講學士之命馳驛抵任三載考最還暴得風疾嘗乞告不允服藥少閒至是復作遂不起景泰壬申三月廿七日也享年六十有一配羅氏同邑名家子有賢行初封孺人再封宜人子五蒙同伯咸恆良蒙同伯俱中江西鄉選蒙會試中乙榜任滁州學正同伯方卒業於家女一李文珙其壻也孫男一曰俊公平生負氣節外和內剛見義輒爲無所避自高曾至於今同居累世初皆其兄勉總家政勉卒公恆嚙蹙之懼極力區畫以承之公有政事材既不克施用故於家尤詳創始祖祠葺家祠建先考祠作世直堂修宗譜修祭祀儀注修家政錄修鄉約既又刻乃父職方集刻詩學梯航刻類編唐詩重修吉安郡志日不暇給蓋不獨詳於家其

大意且欲傳於後也惜宋史未就而已公於書無所
不讀識見既高材亦優贍率意製作筆不停揮而典
重敷腴出人意表詩尤清肆涵蓄馳騁盛唐四方求
者踵至而應之恆有餘工行草書有晉人風致辭翰
兼到蓋自洪熙以來其傑然者也蒙嘗輯其所作碑
銘序記詩賦書疏總之若干卷屬予序名曰石溪類
纂藏於家讀之知其志之所存公之沒禮部以言上
遣有司諭祭且命給舟歸其喪蒙既奉柩還將卜是
年月日葬於新淦梅峯壇之原前事致書幣專恆詣
向約文鈔

卷十一 墓誌銘

五

予泣請曰先人臨終遺言必得先生銘嗚呼鑑忍銘
公哉始員外公在卽墨先運副在山東二父患難相
往來莫逆也比公在翰林予忝僚末公念世好特兄
弟視予辱交僅三十年蓋厚焉宜公於我乎屬也嗚
呼鑑忍銘公哉雖然公實命之尚奚辭庸披淚論次
大概而繫之以辭銘曰

磻州世澤文江濱蟬聯簪組光前聞偉哉夫子繼清
芬力規姚姒攻皇墳厥辭大放卓不羣隋珠文貝瑤
與琨扶摘星宿揮浮雲長江激射搏桑根一息千里

爭崩奔五世三紀居詞垣論思啓沃承帝恩浩然吐
氣思經綸中興決策奮所陳再三披膽排天閭愧不
善斲操郢斤公翰旁睨莫效勤信歟命乎奚戚忻歛
厥膏馥裕後昆高岡盤盤溪沄沄精氣上徹河漢津
吁嗟電炤千秋春有欲徵者視斯文

祁陽教諭張君墓誌銘

景泰乙亥正月六日祁陽教諭安成張君以疾卒於

官年六十七其子翰林檢討業聞訃哀毀將迎柩以

歸迺狀君行治泣請曰先人平生讀書力爲善將以

向約文鈔

卷十一 墓誌銘

五

有爲也而仕久弗振不肖孤幸叨竊於茲意謂荷明
天子光寵得錫之官封以爲親榮庶償其夙志行及
三載詎意奄然至於大故不肖之心痛焉若又不得
當世顯者一言掩諸幽使潛德卓行沈泯無聞不肖
之罪萬死莫贖願有煩於先生其可君往祁陽時嘗
以乃考司訓公所得先運副贈詩示予讀之有感於
中因念君能寶先世所遺不墜誠可謂孝孰知一別
十年而君竟不可作耶君既與予有世好則於業之
請尙何顧而辭君諱行字汝觀古愚其別號也張氏

之先本清河人南唐時有諱德廣者仕永新因留家焉子姓日蕃宋季閩族起義兵佐丞相文天祥勤王死徙殆盡於時有諱雲甫仕爲宣義郎者獨徙家安成之書岡今爲安成人也再世至君之曾大父景初好古高尚人以謂有陶靖節之風大父宗簡遊江湖閒卒不返考如旭諱旦蚤孤遭兵亂克自樹立國朝平定始發憤篤問學用知者薦爲醴陵訓導久之罷去文章行義爲鄉後進所宗母劉氏生母毛氏君生於醴陵之官舍自幼閉習庭訓旣還益好學不倦鄉尙約文鈔卷十一墓誌銘

貸俾得自新從之諸生德之者無閒言旣而苗寇出沒爲害當此時有司自救不給奚遑卹學校君則捐己貲爲倡募眾力疏泮池築門墉之類以防侵掠諸生始有固志得盡力於學祁陽科貢視監利稱焉君事親孝與人交忠教子弟嚴而有則義所當爲雖難不憚少之時耕樵之事皆躬親之急人之難在邑庠瓊人有仕京師南還者遇暴風舉家溺死僅存三口過君君罄力資之不足則攜以謁諸好事者得鈔數百錠資遣以歸在監利里人有商者選疾亟甚命昇致學舍給藥餌濟之如子姪然及卒殯葬之以禮藉橐中所有還其家無纖毫遺失者蓋君爲人尙義疏金錢率類此好文章書畫與凡古今人手蹟有所得則類次之雖多不厭所作有采芹古愚等橐藏於家孺人邑南劉氏年十八歸君恪盡婦道雖父母故貧未嘗以貲裝不備爲慊舅姑之養尊幼之給未嘗以朝夕勞動爲辭凡喪葬之需祭祀賓客之奉皆竭力經紀之迎從姑嫁而無依者養之如己親取孤甥貧而不能存者育之如己子蓋君平日以義善著聞者

大抵孺人爲之內也前君二十二年是爲正統甲寅五月二十九日以疾卒於家年四十六君凡再娶子男四人長德次業也繇進士拜今官次憲次教女三人長適周正謨次適黃恭次在室男女之季者皆繼劉氏出也孫男七人女六人孺人嘗權厝矣至是諸子啓其窆將卜是年某月某日合葬於其鄉某山之原嗚呼官封之榮在人子不能必其有亡然朝廷所以待士士所以榮其親者舍是無以爲重也故或終身不得或有之而不少待則必以爲恨雖然存沒一尚約文鈔 卷十一 墓誌銘 五

憾已銘曰

孰謂初艱而卒以窮惟樹之滋迺底於豐豈巧其遭亦惟其時素位而行何有崇卑令問式彰迺弗中壽不有於躬用昌厥後婉婉女工君子好逑沒不同時而同斯邱邱原崇崇恩封褒美何以致之惟君有子監察御史任先生墓誌銘

先生姓任氏諱時字敬敏受菴其別號也世家秦和城西自少資性不凡磊落負奇氣喜辯論而以禮法

自將恂恂然未嘗以所長矜人生平於書無所不讀往往背誦如流嘗從鄉先生蕭尙仁受書經得其指歸爲文章浩瀚演迤數百言下筆立就而於詩尤長補邑庠弟子員連遭數喪家居餘二十年鄉之子弟從游如歸先生亦樂以所得懇懇爲之言當是時非獨爲弟子者相與稱先生雖同輩類亦皆推讓自以謂不可及遇諸塗輒歛手卻立稱曰先生先生云自家居時諸弟子已累累有登高科躋膺仕者先生永樂甲午中鄉試第七明年會試中乙榜上命覆試得

尚約文鈔

卷十一

墓誌銘

五

文之優者二十四人先生在前列卒業太學第戊戌進士奉命往貴州地志還授交趾之古藤令能不鄙夷其民民皆化服三載考績詣藩府適交蠻拒命陷古藤鎮帥成山侯王通素賢先生遂留幕下移檄草奏多出先生手王師北旋先生齋帑庫餘金來輸詔以其職巡倉南京未幾用薦拜雲南道監察御史在官凜然持風裁按治山東不求赫赫之譽而人嚴憚之滿六載懇以老病乞致仕時年方踰六十鄉邑在朝者留之不聽居鄉油然適意山水閒非公事

未嘗蹟城府客至飲酒賦詩而已士君子高之致仕
凡十有五年以疾終於家景泰元年六月二十三日
也壽七十有六娶曾氏繼蕭氏皆以恩贈封孺人子
男三長能紹曾出次能矩能升蕭出能矩今爲邑庠
生皆端重好學克世其家女二劉子望彭士敬其壻
也孫男幾女幾曾孫男幾先生曾祖某祖某皆不仕
父保冲贈文林郎雲南道監察御史母康氏贈孺人
先生既材高而命數奇故其文不見之制作而獨傳
諸其徒澤不溥於當時而僅施於所遇名不博知天

尚約文鈔

卷十一 墓誌銘

三

下而特見重於搢紳之閒其沒也聞者無擇遠近愚
良咸哀惜之嗚呼可復得邪諸子將以某年某月某
日葬先生於某山之原前事能升走京師徵銘銘弱
冠受業先生之門辱愛特深向者展省時拜牀下言
笑猶昨也孰知曠違幾何而先生永訣矣嗚呼痛哉
銘雖不忍銘先生而義不可辭謹攷涕爲之銘曰
嗚呼先生學嘗小試矣而其變臭者莫知仕固光顯
矣而未獲竟其所施懷瑾握瑜惟邦之良適於己者
雖少垂於後者則長卜兆於茲百世其藏嗚呼先生

袁君文淵甫墓誌銘

君姓袁氏諱鈍字孟純文淵其別字也景泰丙子三
月二十八日以疾卒於家享年六十有九君平生制
行甚高而尤好施予方是時朝廷屢詔民有能出粟
佐官賑濟者旌褒之君聞之曰吾敢不力以應命蓋
宣德乙卯出穀五百石正統辛酉二千石景泰癸酉
千七百石悉輸之官而閭里貧不自給者則已賙卹
之歲以爲常最後邑侯以其屢年所出穀聞之朝上
嘉其義賜冠帶終身人皆以爲華而君慊然若不自

尚約文鈔

卷十一 墓誌銘

三

足者故其卒遠近之人聞之無問識與不識咸悼惜
之諸嘗蒙其惠者則相與奔走弔哭追思之不忘袁
之先世家豫章之西山宋祥符中有號漁隱者始自
西山徙豐城之韶江族益蕃衍人稱其所居爲袁坊
云五世曰月舟宋元帥府元帥四世祖曰心逸元江
州儒學提舉曾祖諱某祖諱某父諱某皆不仕而皆
以長者稱於時母朱氏繼王氏皆有賢行君七歲而
喪母事繼母能得其懽心稍長即知務學以自立其
父道從都昌教諭熊子維受春秋既又從定國教諭

丁季恆學詩非父命未嘗一日捨所事以歸既精舉業矣則慨然嘆曰朱文公謂舉業壞道吾豈有不得已於此者哉乃盡棄所業日大肆其力於經史百氏以求所謂道者閒則發爲文字詩歌以見志慨然取適泉石閒其視世之貴富聲勢泊如也奉二親極孝敬親沒居喪致其哀事伯兄文溥禮意尤隆舊所居甚弘麗悉以讓之而別構於所居之偏日相聚怡怡從兄某以襄陽令歸老於家未嘗一日不省之蓋其孝友誠篤出於天性如此晚節益自約教不肯俯仰

尙約文鈔 卷十一 墓誌銘 三

以徇俗其所交非端謹之士弗與閒或一至城邑未嘗少留邑大夫鄉飲禮請之輒不赴見人之機變者尤深疾之曰吾不忍爲也更號曰愚齋篤於教子凡子弟之聰敏者無擇疏戚必勉其爲學且導以學之方故子弟服其教往往有成君之學自以謂有所得然不以資進取獨時時發之言議閒嘗論二程易學謂明道得易之數伊川得易之理於諸子最喜莊周之書謂其知經其論葬書則曰在審天地生氣死者得其養則生者蒙其福奚必泥某山某水哉其他

所言雖不皆合中道要之自立意見不苟爲蹈襲而已所著文集有曰誕言曰覆瓿凡若干卷藏於家初娶林氏無子繼徐氏大理評事立孚之女有婦道子男七漸沂沈瀚渾淪洋女一適士人徐某孫男二李某漸克承父志以君治命率諸子卜是年十二月某日葬君於里之高埠車之原前事其從子進士潤介刑部主事游明致漸之言請銘往年潤從游太學時嘗爲余道君所以教己之故并及其爲人余竊異之至是得其邑人丁東英所爲狀讀之果然及詢之明

尙約文鈔 卷十一 墓誌銘 三

明同鄉也以謂良然嗚呼以君之學之行使見之用固足以饒世範俗乃甘隱約以晦於時比其老卒蒙褒榮之命此其與沒世而名不稱者殊科是固不宜毋銘也銘曰

彼脂韋而走趨吾寧偃蹇以自愚眾任巧以雕斲吾乃返剋以爲樸奚幾我知祗用自怡匪謂博施而蒙寵私何以昭之刻銘於茲石可泐也名歟弗隳

劉處士墓誌銘

處士姓劉氏諱某字子啓樸軒其別號也景泰元年

六月廿四日以疾卒於家其子善等將以四年二月某日卜葬於玉泉里坤申山寅艮向之原前期中子寬寓書幣奉監察御史羅俊所爲狀至京師請銘蓋寬在太學時嘗相與往來甚勤宜其予請而予弗辭也按劉氏其先由金陵徙吉之廬陵再徙泰和玉泉里曾祖福可當元時泰和爲州補州庠弟子員遂築室學宮旁家焉兵亂不果仕祖志遠考壯武皆以善稱於鄉處士始辟失怙恃祖母王鞠之自幼已屹然異常兒稍長從翰林庶吉士曾與賢游甚見器重恆尙約文鈔卷十一墓誌銘

其子相友焉當是時邑之名能教子者不過三數人處士其一也爲人耿介自負遇事是非輒處白其可否不妄隨而苟止以故人多信服之有忿爭不平來質者從容慰解之皆唯唯而去其他公府事一切戒門拒絕常恐況已也平生少病卒之前一月得疾歎曰吾殆弗起矣取黃歷閱之謂家人曰某日時吉吾當終至期果然享年七十有二配鍾氏有賢行子男四人長善次信寬鼎信以薦授汝寧府學訓導寬正統戊午江西鄉舉入太學選任固始縣學教諭女幾人適某門孫男五人璟琚琦珂珮孫女幾人嗟夫教子人道莫先也不知務者率多闕田廬蓄金帛以謂貽謀之計在此遂視讀書爲迂闊或知所慕尙而又不得其方卒於無成以故人莫樂爲之若處士教子之篇而諸子能率其教卓然底成立豈不足爲世道勸乎是固不宜毋銘銘曰

始艱後豐理固宜然履坦抱中式全其天人孰無予鮮克由教文學用時惟教之效毋云好違豈曰尙同靜以自怡壽考令終蓋蓋高邱玉泉之里識窹以銘

昭於世

泉州府倉副使楊君墓誌銘

君姓楊氏諱自懋字復之四明鄞人自少讀書立行慨然欲有以自見於世年十六出爲里塾師刻意爲文詞下筆輒數百言立就率由程度當時自輩類咸推讓以爲不可及前進貢夙望者往往折節與之交其聲藉甚閭里閒宣德中以易經應鄉試不遇歸歎曰是有命焉然不可遽已吾將利器以俟命邑宰聞其賢召爲從事君遜逃之宰怒執其家鈞致君不尙約文鈔

卷上 墓誌銘

五

聽將傳之罪君不得已就焉滿六載上京師雖客邸稍隙力學不厭凡再試京闈再不偶授福之泉州倉副使念曰勤苦讀書將以行吾志乃不意命之奇一至此乎旣而悔曰乘田委吏孔子猶屑爲之敢不盡心哉在官凡若干年以疾卒君家居孝其親友其弟昆其需次吏部歸省也母朱氏尙無恙凡朝夕所以奉養承候之禮備至浣澣之細亦躬親之未嘗付之人孝友之行鄉邦稱之至今其爲邑從事清慎自持事必歸忠厚邑有吳甲者爲勢家所誣邑宰聽其囑

必真諸法君力爭得免邑人相傳以爲難然君他所

全活者尤多第君不以言人亦莫能盡知也在泉州

恪謹所事郡自守而下愛禮之屬德化令丞皆缺檄

君往攝焉當寇亂彫剋之餘能撫輯其民而事以完

集民大悅之踰三月還泉州君雖勤力效官然以不

獲如志恆悵悵不樂卒之時年五十七景泰辛未十

一月三日也娶張氏有淑行子男三長守陳浙江庚

午鄉試第一明年擢進士選翰林庶吉士次守陞守

隰孫男一茂元楊之先世有顯者曾祖輔道祖浩卿

尙約文鈔

卷上

墓誌銘

七

俱有隱德父九疇業儒鄉人稱曰樓芸先生君平生志科目不遂常以爲恨比聞守陳登進士喜曰吾所爲墓科名者非以微富貴求顯吾先世耳已雖不得吾兒乃幸得之復何憾邪君子於是悲君之志所著有梅濱囊大明律賦潛虛註若干卷藏於家至是守陳將歸奔喪乃以其同官戚瀾所爲狀謁予泣請銘

銘曰

緊勵學以進取兮志胡弗酬仕不振而趨尤兮噫將誰尤心徒勤而事左兮命莫與謀幸有子而繼述兮

抑又何求我爲銘以慰君兮昭哉斯邱

少保禮部尙書贈太師諡文定楊公夫人高氏墓誌銘

景泰四年正月廿一日故少保禮部尙書兼武英殿大學士贈特進光祿大夫左柱國太師諡文定石首楊公之夫人高氏以疾卒於家是年冬十二月二十日葬其鄉高陵祖塋之左明年秋其孫尙寶司丞壽以母喪未終來京援例請終夫人之喪事上聞特命有司治葬事仍遣官諭祭於是壽謁予言曰嗚呼惟尙約文鈔 卷上 墓誌銘 哭

我先祖府君歷事列聖前後四十餘年所以效勞績被寵遇者既顯聞於時而綜理家政同患難偕褒榮者實吾祖母夫人相與始終焉不有銘以昭之則其馴行淑德將遂至泯泯也竊有請於先生按夫人諱某高之先本某郡人自其祖諱某洪武初任石首教諭子孫占籍於是始爲石首人父諱子林舉孝廉授河南洛陽丞佐縣稱最母孺人汝氏有賢行夫人生未睟而母卒祖母某氏鞠之夫人容貌秀整頤然以長而凝重簡默旣長精女工循禮教居閑未嘗蹟屢

屏外內族嫺稱之永樂甲申洛陽府君考滿南京將家累以行時楊公以翰林編修預機務內閣適喪偶聞夫人賢求爲繼室夫人遂歸焉久之公陞司經局洗馬當太宗文皇帝北巡仁宗皇帝以東宮監國公與二三大臣同輔導坐累被逮夫人自是素食不御酒肉攜其前室子女與己之子還石首養其姑當是時姑詹氏太夫人年已七十餘日夜以公爲憂夫人備致孝養怡顏悅色以慰釋之而撫諸子女恩意均一無纖毫薄厚其閒其於宗黨婚友無間疏戚遠近尙約文鈔 卷上 墓誌銘 哭

靡不盡其道太夫人安焉公頌繫凡十年始得釋夫人聞之拜太夫人畢然後御酒肉而所以孝養太夫人益敬謹不衰公自洪熙宣德以來日被眷注典機密重事累蒙恩擢而夫人自宜人淑人以進亦累受誥命之榮正統壬戌公增秩少保夫人遂加封一品夫人始自家來京師蓋自居官舍五年而公沒率柩以歸又八年而終於是春秋七十矣夫人性寬厚謹儀度自公遭患難日勤庶務雖或不給未嘗少怨逮公無事貴富矣而服食澹素未嘗少變其初服太

夫人及公之喪皆克盡禮而處媵妾撫諸子孫一主於慈蓋公平生所以得盡心於國而無內顧之慮者夫人之助爲多公之子男三敦昱旦敦昱皆先卒敦前夫人彭氏出昱旦夫人出也旦輸穀佐官賑濟受冠帶於家孫男五壽孝泰來本壽司丞也銘曰文定之興夫人有家不替其勤不隨以華帝曰好德允配君子褒命屢頒龍章有煒惟其克相由裔以豐惟其有常善始而終雖不耄期亦躋中壽鑽銘幽石用貽厥後

尚約文鈔 卷十一 墓誌銘

罕

表太孺人墓誌銘

太孺人袁氏諱某處士吳君一昌之妻翰林編修匯之母也景泰四年十二月十一日以疾卒於家享年六十有九袁氏世家新喻之瑯琅里太孺人之考子春爲人敦厚詳雅循循然自約教人之過失是非未嘗啓諸口鄉以長者稱之太孺人年十九歸吳氏時處士孤立諸弟皆幼外窘於徭賦而內迫於貧往往服賈湖湘閒經歲不返家政悉委之太孺人既無賊獲之助給饔飧操井臼太孺人悉躬任其勞於是姑

老矣而性頗嚴重太孺人事之極恭每旦就寢空問起居畢卽具甘旨以進左右承順務得其懽心有不如意輒惶懼若無所容者久之姑甚安焉居常乘月紡績以爲業風雨則燃松明繼之所爲布精緻莫及鬻諸市常易售而價倍處士之家日裕者太孺人之助爲多處士待諸弟妹極友愛冠笄婚嫁一以禮未嘗以貧廢太孺人將順其意不敢違處士喜賓客有過從者輒款留終日太孺人多方爲治具不少厭處士嘗曰吾所以得遂其志而無內顧之慮者吾妻之

尚約文鈔 卷十一 墓誌銘

罕

相我也諸子稍長必進之於學暮歸問所業有不能對者則反覆開導之匯弱冠出教里塾得束脩喜而獻之太孺人曰士貴志遠大挾兔園冊以終身非所望於汝也乃言於處士遺補邑庠弟子員歲時之費一皆太孺人經營周給之匯中鄉舉逾年而處士沒比後兩試春官皆乙榜歸省常悵悵不樂太孺人曰吾兒但無廢所學窮達有命奚戚戚爲遠中進士入翰林遣人迎養太孺人曰吾老矣不能汝從也但勉事朝廷無忝厥先雖死不恨諸子嘗曰吾儕所以幸

底今日不爲庸人之歸者吾母之教我也太孺人尤
急人之難鄰有夫婦貧甚不能存者每至必輟所食
食之憫其寒則解所衣衣之或有利其產增價以購
之者其妻曰太孺人德我至矣誓不他與而卒歸之
吳氏蓋太孺人平生所爲率類此子男三長卽匯次
溥次湍女二長適傳益凱次適何明倫孫男二高吉
孫女三諸子將卜以某年某月某日葬太孺人於其
鄉吟峯之原前羽匯以大理少卿張君固所爲狀詣
余泣請銘嗟夫太孺人之德盛矣然古禮婦人教令

尙約文鈔

卷十一 墓誌銘

望

不出閨門雖有幽閒淑女之德非因事以自見或者
卒泯於無聞故必觀其事姑然後知其所以爲婦觀
其相夫教子然後知其所以爲妻爲母也今太孺人
於數者各盡其道如此其賢何如哉然則若太孺人
者其可以毋銘邪爲之銘曰

躬儉勤敦惠慈相厥家罔不宜成其子顯於時揆之
鄉莫與夷奄其逝矣曷可追煌煌喪命覃恩私今雖
不及後有期嗚呼百世徵此辭

尙約文鈔卷十一終

尙約文鈔卷十二

明泰和蕭 鐵孟勤著

宗後學上田敷政校刊

詩

挽長史坦行先生

忽忽秋已暮淒淒北風涼哲人久云逝感我增慨慷
先生豪傑士蚤歲攻文章潛心墳典閒馳譽翰墨場
吟詩擬曹謝作賦期班揚維時洪武中明詔徵賢良
幡然乘時起壯志思翺翔鵬鵬凌層霄驛驛馳康莊
尙約文鈔 卷十二 詩

日陪夔龍徒濟濟登廟廊校書石渠署出入瞻清光
于焉沐恩寵維藩佐賢王西廣幾千里迢遞趨炎荒
桂林瘴癘多梅關道路長到官十載餘悠然樂且康
雄才自不羣直氣孰敢當四箴寓儆戒八事勞分張
無慚江都董願致東平蒼遂令五嶺閒至今人仰望
偉哉令子賢庭訓遵義方題名黃金榜擢職銓曹郎
我忝同年好蒹葭倚琳瑯先生我父執厚意詎敢忘
俯仰成昔今能不中心傷遙瞻龍門原孤墳依崇岡
封樹既蕭蕭宿草亦茫茫歲月易徂謝奄忽更星霜

自古聖與賢豈不皆淪亡惟當立勳節身沒名亦彰
奚必薤露歌涕下霑衣裳視此金石銘千載流遺芳
送太常少卿王益夫之南京四首

朝辭承明廬駕言適舊京舊京佳麗地宮闕凌秦清
高才際盛時濟濟容臺卿恤祀良所重獨荷皇命榮
開歲條旬日春陽載和柔相送都城門冠蓋擁道周
豈無樽中酒可以敘綢繆所念在知己別離非所憂
長河未流漸驅馬涉遠道薊北猶餘寒淮南已春草
方舟越大江滄波漫浩浩良時不我留嚴程到須早
尙約文鈔卷三 詩 二

詞垣二十載託交翰墨餘高情慕右軍浩思擬子虛
聖朝重樞樸大材寧見疏合並諒有日毋爲傷索居
送郭紹容省親遼陽
故人興言邁攜手同行行問云欲何之定省遼陽城
嚴親久乖違歲月悵徂征高堂有老母去住難爲情
人生在盡孝孝盡心乃寧
金陵夏五月相逢多故人涼夜共歡娛愛至情逾眞
信宿展燕婉清言應達晨別離方在茲此意誰與陳
豈無一樽酒聊敘平生親

皎皎晨月明盈盈朝露晞迴風激長波好鳥鳴高枝
方舟不可住後會未有期徘徊新河濱欲別仍遲遲
耿介丈夫志惻愴奚所爲

關河萬餘里驅馳詎云近水潦時雨多塵昏北風勁
海洋闊無垠驚波晝相競豈不懷苦辛親顏會當覲
去去勿復辭孝子名終令

去親親孔懷寧親親亦喜茲行盡孝思豈獨營甘旨
幽幽毓蕙蘭熒熒競桃李顯揚諒有期榮耀何足恃
眷言及早歸勉旃在吾子

尙約文鈔卷三 詩 三
經訓堂爲彭君士英作

西城山水佳桃源深且幽高人雅好靜結宇依山邱
後有松竹林前俯清江流插架萬卷書聊以爲貽謀
一經願教子羣從同藏修業成各奮起擢桂當清秋
垂裕眞良圖此外何所求優游泉石下高風誰與儔
眷言後來者努力承笑褒

題山水圖

青山何岩巖下有嘉樹林高亭晝閒敞窗戶含層陰
前村夜來雨石瀨張素琴好鳥鳴簷間始知春意深

迥無外物累默處抱冲襟對此案上書悠悠千載心
安得謝塵羈扁舟諸遠尋

身已與世違超然景方寂嘉樹敷層陰芳苔閒行跡
飛淙如練懸斷崖若天闢亭亭山上雲齒齒溪中石
豈無同心人高譚共晨夕簷虛嵐溼衣窗迴風生席
雅趣良足耽營營竟何益

樂隱爲尹克俊賦

行愛溪中水坐愛溪上山富貴非所願悠悠心自閒
地偏輪軸稀蓬門晝常關清風天外來入我窗牖閒

尚約文鈔

卷三 詩

四

豈無一樽酒可以銷憂顏葉落驚秋徂鳥哢知春還
既忘是與非寧復虞險艱雅志固如此高蹤安可攀

題九鷺圖

宣德年間邊景昭彩色翎毛稱獨步近時林良用水
墨落筆往往皆天趣驚鷺雁清溪流寒鴉古木長
林幽等閒得意即揮灑一掃萬里江南秋此圖九鷺
真奇絕散立清煙乍明滅日長坐久看轉親飄然點
點青天雪翱翔霄漢殊不驚欲下未下渾有情潛蹤
獨趁水邊食延頸忽向蘆中鳴吁嗟林生精藝有如

此座客見之誰不喜洞庭微渚在眼前腹色慘澹涼
颿起方今聖主覃恩波四海山澤無虞羅悠悠羣鷺
各自適雖有鷹鷂奈爾何

題胡氏讀書樓

金臺之山深且幽社溪下繞金臺流青峯碧水總秀
麗中有百尺縹緲之飛樓樓中少年尙文雅皎如玉
樹珊瑚鈎架上貯書一萬卷牙籤錦軸堆牀頭經史
三冬頗足用文章千古猶窮搜眠遲松月落虛牖起
早花露沾輕裘嗟生此志亦已久攀桂屢擬蟾宮遊

尚約文鈔

卷三 詩

五

行當挾策舉鄉里便期接武登瀛洲書中富貴可立
致但須勤苦毋夷猶良賈深藏戒自滿農夫力穡終
有秋昨者嚴親偶過我愛爾之意何其周手持此圖
共披玩頓令指點豁吟眸邀我題詩勸爾學此意雖
善非良謀讀書須用自己力旁人之說寧相投嗟哉
胡君慎勿憂如此令子誠罕儔生乎生乎不可以少
休從此努力追前修

鷺鷥和王抑菴少傅作

浙瀝涼風秋菱荷總枯折一鷺立沙汀羽毛自鮮潔

何似離渠真有情殷勤相顧飛且鳴

鷓鴣和王抑菴少傅作

楊柳百尺條臨流何依依下有雙鷓鴣綺翼驕春暉
但得沙頭日相伴不願雲閒分散飛

題竹贈彭士章之宣城

東坡畫竹師與可聽泉道人得其傳胸中尋常有造
化筆下頃刻生雲煙忽然寫出篋管谷參差千枝萬
枝玉秋晨恍對瀟湘浦春日如行渭水曲青山一徑
綠溪深白晝風動寒蕭森石根疑有鬼神會水底時

尚約文鈔

卷十一 詩

六

聽蛟龍吟彭君如何得此畫愛之直擬千金價爲言

道人不易得當代名家此其亞嗟哉彭君真好奇竭
來過我索題詩泮池宦遊歲已久節操凜若冰霜姿
我亦平生好幽獨撫卷揮毫詠淇澳故園似在清溪
旁會倚長林結茅屋

題畫梅送族姪恒司訓宣城 有序

徽州太守孫從吉善寫梅有名當世至是致仕於
家其愛淑貞秀才任道遜妻也能傳父業此二幅
予得之道遜特以贈季固司訓云

武山巖石怪且奇老樹下走虬龍枝枝頭一夜吐萬
蕊清香披拂天風吹別來幾載居京國夢寐猶疑見
顏色此去宣城近故鄉無惜殷勤寄相憶

北風吹寒天雨雪燕山萬木凍欲折忽然梅樹同陽
春照眼冰花獨高潔當時送別臨路歧含情折贈瓊
林枝豈無桃李好顏色此意歲寒相與期

南皋漫興

朝衣脫卻換荷裳自是郊居引興長松徑晚煙蘿薜
暗藥欄春雨杜蘅香傳經有客隨藜杖載酒何人間

尚約文鈔

卷十一 詩

七

草堂更擬垂綸理輕樞武陵溪水卽滄浪

送李佑之赴陝西參議

十載寒香侍上台旬宣分陝用奇才黃河九曲天邊
落華嶽三峯馬上來長樂月明鐘響靜樊川春漲水
波回當年召伯留遺澤會看甘棠到處開

送族弟鑑仲司訓黃岡

鄱陽西轉是黃岡獨捧除書向邑庠前代風流慙二
阮故家文物羨諸王傳經共說年方盛歷宦遙憐鬢
已蒼相送橋門渾惜別同宗情意自難忘

送承流姪孫之贛

早歲窮經眾所知芳晨相送惜臨歧
霜蹄歷塊猶無敵風翮搏空會有時
江路春花銷客恨驛亭煙柳繫離思
丈夫有志終騰達盛世功名莫嘆遲

送彭士章教授揚州

維揚自昔屬名州博士才華邁等流
明世總知儒道重榮遷卻羨聖恩優
潮將海氣侵鬢舍樹引淮雲擁郡樓
倘遂投簪歸老日會應相訪艤扁舟
送蕭汝機考績還任

尙約文鈔

卷三

詩

八

六年贊幕向衡州考績還官寵命優
祖席正當金闕曙歸帆遙指洞庭秋
相逢旅邸憐長別偶話鄉園感舊遊
秩滿榮遷應指日期君此去莫淹留

海棠花上白頭翁

海棠含笑倚東風可愛深紅映淺紅
眼底長年春不老相看惟有白頭翁

題梅贈彭教諭赴宜城任

鐵作枝柯玉作花淡煙疏影自橫斜
歲寒一段冰霜操只在西湖處士家

題竹贈彥溫孝廉

春日蓬萊過雨時忽看阿閣鳳來儀
參差萬箇湘江上爭似瓊林玉一枝

題墨竹贈公居甥

月池東畔種篔簹老幹扶疏耐雪霜
見說昨來風雨後幾枝瀟灑出林長

挽永豐劉楚奇先生

惟實集附錄

遊魂竟入鳳臺鄉地老天荒歎渺茫
綠水青山迷道路白雲黃壤蓋文章
功名分上無心願經史案頭有墨香

尙約文鈔

卷三

詩

九

墨香恨到九京應不瞑泉扃耿耿夜天長

尙約文鈔卷十二終

附錄

蕭鑑字孟勤宣德二年進士需次於家八年帝命楊溥合選三科進士拔二十八人爲庶吉士鑑爲首英宗卽位授編修正統三年進侍讀久之代李時勉爲國子監祭酒景泰元年以老疾辭既得允監丞鮑相率六館生連章乞留帝可其奏明年以本官兼翰林學士與侍郎王一寧並入直文淵閣又明年進戶部右侍郎兼官如故易儲議起鑑曰無易樹子霸者所禁矧天朝乎不聽加太子少師震宇通志成進戶部

尙約文鈔

附錄

尙書帝不豫諸臣議復憲宗東宮李賢私問鑑曰旣退不可再也英宗復位遂削籍天順八年卒成化中復官賜祭鑑學問該博文章爾雅然性猜忌遇事多退避云

明史

公始舉丁未進士第需次於家庚戌召至京辛亥試文華門以禮樂明備天地官爲論與考者八十三人取中十二人以公爲首丁母郭夫人憂甲寅宣宗閒問少師楊士奇汝老矣欲得一二二人可教以待用者汝其擇之士奇曰進士中有蕭鑑者臣邑子也今居

憂於家可用是秋詔與馬愉等俱在翰林比二十八

宿讀書明年至京適上賓天英宗命爲翰林庶吉士

其秋授編修預修宣廟實錄正統戊午實錄成甲子

命公與張益入內府校書乙丑陞侍讀丁卯二月國

子祭酒李時勉以老辭眾難其人陞公爲祭酒公一

遵李公教法而和易誠篤大得六館師徒心景泰庚

午公陳情辭以老疾已賜俞允而監丞鮑相等合諸

師徒上章請留如陽城故事復勉留之辛未三月駕

幸大學命坐講周易之恆卦賜銀幣犀帶其秋兼經

尙約文鈔

附錄

筵官及冬公進講罷上命兼翰林院學士內閣辦事

公謝弗稱不允壬申二月陞戶部右侍郎四月陞太

子少師俱兼學士閒欲有所規正與同事集古聖帝

明君之事可爲法者曰勤政要典上之多見采納癸

酉祭酒王恂卒監丞安貴言學士蕭鑑任祭酒諸生

悅服乞照胡儼例不妨內閣職務時來提督儀型後

學上不許其眷遇之隆如此會天象示警公與同事

上疏勸上惇孝友任舊德躬勤政戒侈用及禁掖慢

游事上召問曰卿等所言何自而知公等對曰得於

都人知之陛下有則改之宗社生靈福也上曰朕有
固當改但君臣一體慎無聽人閒言甲戌上欲有所
作述公與同官議曰昔太宗嘗命修天下郡志未及
成而止今欲述作莫此爲先遂命進士分采天下事
實之未備者增修之以資治通鑑綱目無宋元事命
選儒臣倣朱子所作例續之二書皆敕公等爲總裁
丙子志書成進戶部尙書仍兼學士公性穎悟絕倫
五歲能歷歷對長者道故事咸歎曰奇童也七歲能
屬對九歲學詩十六從御史任敬敏習舉業攻苦日

尙約文鈔

附錄

三

夜務記誦爲文章又從紀善梁先生本之卒經業授
以古詩法遂有聲搢紳閒泰和古學自文貞倡而王
文端公陳學士實和之公雖後出而能師事楊王二
公與陳公同事館閣壘鳴篴應不獨泰和之盛抑天
下之盛也公爲人廉潔端謹操履純篤人不敢干以
私退居凡八年高風清節如一日嘗築別業於南皋
爲休老計名曰尙約軒由是人稱尙約先生

錢文通
公溥所

撰墓誌

生於西昌長於東魯聞道德之賢關繩軒裳之祖武

其識之邃也博達於天人其學之富也該通於今古
惟有德而有儀不柔茹而剛吐文章顯於詞翰之林
興趣適乎圖書之府未卜其爲舟楫爲霖雨際盛世
之奇逢已知其爲慶雲爲景星起斯人之快覩其中
心蓋退乎若不自居其朋輩則昭乎共相推許也

周
士敘所撰像
贊見石谿集

尙約文鈔

附錄

四

尙約居士集

無卷數 江西
巡撫採進本

明蕭鑑撰鑑字孟勤泰和人宣德丁未進士官至
戶部尙書文淵閣大學士兼翰林院學士事迹附
見明史陳循傳按鑑爲蕭鵬舉之子鵬舉學詩於
劉崧鑑亦不墜其家法史稱其學問該博文章爾
雅其門人邱濬序稱其文正大光明不爲浮誕奇
崛蓋洪宣間臺閣之體大率如是也

淡軒稿十二卷補遺一卷

〔明〕林文撰

莆田縣圖書館福建省圖書館藏明嘉靖四

十五年林炳章刻民國重修本（張琴鈔

補）

附《四庫全書總目·淡軒稿十

二卷補遺一卷》提要

淡翁文集

余

交如夫人者也惟影響
見其人文已矣夫未見
其人見其文人固並世
者李杜韓歐吾後焉讀

林標花公集前序

其文躍如目中哉淡翁
及第入翰林苑官學士進
秩春卿吾髫齡相傳故
老知其人傳誨焉未見
其文亦且大都矣乃今

聞孫去非君持公文索
休序未間謂曰若翁之
文雅矣曰然宏而肆矣
曰狀易而淡矣曰然蓄
而精矣曰狀去非君曰

奚知之曰以翁素履攸
德知相肖似耳讀之果
雅矣宏而肆矣易而淡
矣蓄而精矣雅可以辨
志也宏而肆可以辯學

也易而淡可以辨操也
蓄而精可以辨識也淡
翁志學操識弗類夫八
人未及見者文以傳之
讀其文者翁之形群可

想無紛之矣去非君曰
力綿梓未十一吾過也
休曰君誤矣名夫文者
代不歟幾人人不多幾
篇篇不多幾句句不多

幾字鄭鵬鵠以一詩名
空梁落鷺泥競工者忌
過下敲推居狀巧拙失
是敘乎哉識翁者文已
長物矣夫去非君曰唯
嘉靖辛卯秋仲吉黃後
學九華山人郭日休書



題淡軒先生遺集

岳陽貳守去非先生出
每歷其先曾祖學士淡
軒公集與俱樽得請觀
焉歛衽終讀但見備體

叙一

協極理到而氣昌孟德
人之言哉先生因命曰
子愛先集且連吾林爲
編次何如全刻實限吾
力千百而十一可也夫

全音之樂非師曠弗審
全音之味易牙知之操
敢衡公文哉第以板本
便于楮毫事力詘于全
舉不如梓一二之速傳

叙二

摘約於博爲卷者十以
傳之便耳雖然公之傳
不在文也自及第至終
官達不易塞人無改評
碩德完名典刑天下一

獨儀家化俗也矧經制
啟沃之勲猷于竹帛琬
琰焉寄論世者必曰公
曰公公之傳不在文也
傳之者先生意也亦其

叙三

先君子經幕錦衣時志
焉梯用是不敢辭役識
其私于末簡

嘉靖乙酉春三月吉

賜進士出身奉議大夫南

京戸部貴州清吏司
中晚學眷生梅南廖梯

頓首拜書



叙四

淡軒先生詩集目錄

湖廣岳州府同知 希範刻于岳陽公署

南京大理寺左寺正 孫炳章重刻于金陵公署

卷第一

四言古詩

默齋詩三章章八句

五言古詩

懶窩 王庵 巢父 丙吉

淡軒稿 目錄 一

樂善軒 牧愛堂 蘭花卷 木石圖

山水四景 四首 山水四景 四首

花鳥四景 四首 松竹石圖

蓬萊仙趣

七言古詩

叢竹圖 梅花圖 牧牛圖 捕魚圖

雙鶴圖 八駿圖 德星堂 巢翠樓

琴鶴山房

山水圖為連江趙庶子賦

山水圖為王編修賦

山水圖為鍾先生賦

唐明皇元帝醉歸圖

雲庵為顏大夏司訓賦

風木圖為周尹賦

鳳鳥圖為薛氏賦

郭熙雪景為雷主事賦

卷第二

五言律

淡軒稿

目錄 二

鳳林晚日

馬嶠晴雲

邱墩勝槩

鍾嶺仙踪

高橋柳色

古祠槐陰

竹林晚翠

菊圃秋香

過金山寺

梅月書屋

勿欺齋

孝友堂 二

山水圖 二首

山水四景 四首

山水四景為貳守劉公賦

七言律

玉堂賞花和李文建公韻 五首

金臺夕照 潞清晴雲

延溪深隱 二首 九華清隱

山水圖 二首 林泉居 二首

水仙花 水亭先隴

西郊先隴 壺山草圖

遊石室巖 鄧林書屋 三首

瀟江書室 二首 江湖勝覽 有序

風煙雪月四梅 四首 樂靜軒

淡軒稿

目錄 三

敦本堂為孔先生賦

雙竹為曹御史賦

讀易為杜御史賦

梅月雙清為李主事賦

煙雨萬竿為李主事賦

送柯孟時洗馬主考京闈

送劉贊翁先生主考南畿

送王編脩祀東岳

送邢檢討省親

送巡撫廣西刑侍李公引疾歸籍雲

送都御史劉公鎮撫遼東

送都御史顧公致仕

送李御史巡按京畿

送李御史巡鹽兩淮

送劉行人使琉球

送族姪員外赴南京

送翁世資主事書最還

送區主事之南京二首

淡軒稿 目錄 四

送周參政之閩和楊少師韻

送王少卿赴南京太常

送李大參年兄赴蜀

送按察副使顧君赴福建

送張僉憲之廣東 送宗兄僉憲湖廣

送郡守陸公述職 送范知府

送祥鳳族姪二首 送方通判致仕

送黃知縣

送丁太尹復任官塗

送周主簿之吳橋

送王教授之韶陽

送方北解元會試 送廬守初會試

挽金尚書 挽章侍郎

挽張僉都 挽周學士二首

挽叔訓先生 挽李太守二首

挽林狀元

挽陳會元尊甫二首 挽夏主事乃祖

淡軒稿 目錄 五

挽錢季恂

挽監生林子顯妻

卷第三

五言排律

挽東湖徐處士二首

七言排律

瑞雪應 制 瑞龜應 制

聽馬行春 挽劉寺丞父

挽先輩鄭一舍 挽江處士

五言絕句

蒲萄 四首

七言絕句

鵲 二首 雉 二首

鷹 二首 鷲 二首

雙鵲圖

鵲圖

衡宇寶壺

草堂吟琴

鳳嶺巢雲

楊窓映雪

蘭江別意

采石懷古

匡廬翠黛

江漢朝宗

淡軒稿

目錄

洞庭春色

彭澤秋容

赤壁夜月

黃鶴遺風

愛桃 愛蓮

愛菊 愛梅

五馬出遊

王右軍

淵明像

宋徽宗圖

歌

壽星圖歌 有序

三衢處士鄭先生挽歌

峰山草堂賦 有序

淡軒先生文集目錄

卷第四

雜著

宋三甥字說

鄭氏三子字說

趙樞貯慶字說

晉源字說

約肆軒藏有序

慎齋藏有序

集義軒銘有序

瑞瓜銘有序

猶相札圖有序

淇園書舍銘有序

思政齋銘有序

三肖辭有序

淡軒稿

卷七

黃生諱宇辭有序

僊耳休公像贊

周庶子先生贊

浙藩理官前居贊

箭郡吳推官贊

林御史贊

致政鄭公贊

柏臺記瑞引

林孺人挽詩引

書贈太師塞公忠貞卷後

書懷二都賦卷後

卷第五

序

紅泉講道序

省耕圖序

望嶺風木圖序

風木圖序

琴瑟軒序

瑞麥序

寒江釣雪序

養志堂詩序

玉塘清隱詩序

壽溪四景詩序

卷第六

序

品樹成陰序

聯桂喬木圖詩序

黃雪蓮李易齋二先生詩序

淡軒稿

卷八

壽封吏部尚書兼翰林院學士李公詩

序

贈工部侍郎翁君序

送右僉都御史高君赴南京都察院序

贈給事中張君任吏科序

贈戶部主事陸君考滿序

贈刑部照磨陳君序

送布政使石公遶閩序

送山西按察僉事戴公復任序

送群守謝君赴漳州序

送王同知之任莆郡序

贈興化衛指揮使張侯序

送劉指揮還温州衛序

卷第七

序

送劉知縣之任莆田序

送增城令之官序

送葉太尹復任湘潭序

淡軒稿

卷九

贈景軍邑軍楊君序

送陳知事之任序

贈判簿唐侯修水利序

送葉教諭之戎陽序

送司訓朱先生赴湖庠序

送巡檢李孟盛赴麓塘序

送林推岳還玉融詩序

送鄭孔均還家序

中書舍人沈君視序

鄭母鄭孺人倪詩序

林氏家譜後序

陳氏族譜後序

卷第八

記

崇安縣重脩儒學記

恩榮堂記

垂裕堂記

世勲堂記

拙庵記

雪香亭記

叢竹小齋記

淡軒稿

卷十

霞洲八景記

卷第九

誌銘墓表

金谿王處士壽藏銘

雲南道監察御史黃仲淵墓誌銘

兵科給事中姚君墓誌銘

贈翰林院脩撰林先生墓誌銘

楊州教授林敬齋墓誌銘

陸然墓誌銘

逆齋林先生墓誌銘

姚處士墓誌銘

南庄老人柯君墓誌銘

鄭義姑墓誌銘

進齋陳處士節婦林氏合葬墓誌銘

封禮科給事中耕隱劉先生墓表

陳處士墓表

卷第十

行狀

淡軒稿

卷十一

方處士行狀

祭文

祭松江府教授鄭先生文

祭宛平鄭相公文 祭顧君惠仲文

哀辭

庶子周先生哀辭

傳

仕隱先生傳

文集目錄

淡軒先生文集補遺目錄

五言古

秋江別意送林廷著應舉

七言律

題小景

寄萬壽觀陳道官二首

再贈陳都紀二首

七言絕句

鸛鵒

畫眉

鸛鵒

白頭烏

淡軒稿

卷十二

策

殿試對策

序

文昌林氏族譜序

送華甫姪鈞州學正序

會試錄後序

廣誌墓表

先考隣脩府君廣誌

仲弟古愚墓誌銘

從兄懷玄處士墓表

鄭安人墓銘

處士質夫君墓誌銘

記

林氏重建孝友祠堂記

余氏祠堂記

雜著

撰曾仍贊

送方燦任連州序略

淡軒稿

卷十三

與音字說

南湖鄭三先生祖室記

東坡曾氏族譜序

淡軒先生詩集卷第一

湖廣岳州府同知 希範刻

南京大理寺左寺正 保

陵

四言古詩

默齋詩三章章八句

寒暑代謝品物流形化機然運歲功自成妙道

精義昭如日星聖人無言至教自明

似不能言何何鄉閭終日不違然識如愚仁而

淡軒稿 卷

不佞雅也孰如聽言觀行用警千余子

運乎默齋辟雖之隅禮門仁宅君子之居彼美

君子如珪如璧心然道尊四方是式

五言古詩

懶寓

尼父誨不倦千載道有傳回也語不情所以成

大賢君子恒下思法天日乾乾一思許下慎或

至終身慙卑哉張夫子純孝格管天一官八尚

寶室通

君王前朝進無逸戒夜誦九我篇孜孜企先哲
忠孝誠兩全作富氏以懶其然豈其然

玉庵

美哉連城寶始蘊荆山璞中和秉天地輝光澤
草木下和識其具於焉獻京國圭璧與琚璜玉
人慎雕琢上可禮神祇下以嗣徽清懿彼學仙
流天資自超卓簡疎功已成保持志彌篤結卷
以玉名允矣寓深託

渠父

淡軒稿 卷

神允育天下懇懇為民謀禪位未得舜嘗以讓
巢由巢由聞所讓終身若胎羞洗耳清冷水舊
濁無復留將育樊仲甫邇來飲其牛厭此洗耳
水軀之飲上流墳典事弗載不識誠育不若人
尚高潔於世淡無求禪位既得舜美憂天下憂
寥寥千載下伊誰可為倚夷齊固讓國秦伯終
逃周仁人與至德千載揚其休

丙吉

漢相執家賢少卿曰丙吉輔國能用儒執云起

刀筆道逢圖死民過之恬不詰曰茲當禁捕實
惟京兆責頃逢人逐牛舌吐喘何急問之行幾
里方春非熱極陰陽乖變調所憂相之職惟古
善治人儒吏出於一蕭曹漢元功寡學衆所惜
後來稱相業大體或未識賢哉丙少卿庶矣伊
周匹

樂善軒

人稟天地性萬善與之俱仁義均固有無間賢
與愚夫何利欲誘或爲氣稟拘所習日相遠善

淡軒稿

卷一 三

張遂異超君子貴明善思誠以復初去惡甚去
疾好善好色如始終一忠信安敢替斯須偉哉
閻氏子嗜樂與世殊既不溺聲色亦靡重璫璣
孜孜企君子樂善名其居出與善人交歸讀古
人書尚期篤踐履勿徒誇名譽所以脩天爵其
斯之謂與

牧愛堂

周君景者心奉命宰百里撫綏仁且誠水蘄慎
操優好惡同於民饑寒猶切已所以六載間民

安事亦理婦惟勤籽機農盡力耕耔恬無愁嘆
殷比屋弦歌起時雨滋桑麻春風藹桃李竭來
觀楓宸善軍諒無比惟君不自矜保民如赤子
牧愛揚堂居朝夕恒疊々願言持此心勿少間
終始循良並古人汗青播千祀

蘭花卷

托根在幽谷瘦葉森以蒼雖爲衆草伍焉能閔
其香所以宣尼父援琴寓深傷至今千載下令
人挹孤芳

淡軒稿

卷一 四

木石圖

竹老鳳竇殘栢古虬根出上垂千尺藤下覆萬
年石巋然霜雪中觀此歲寒物儼若夷齊翁遺
世挺特立爲愛明堂資豈製卽官筆歲々空山
中相依避春色

題山水四景

東風吹餘寒生意遍林壑草色沒芳洲鶯聲出
幽谷遊人恣追尋田父事東作何當賦歸來共
此山中樂一水繞漁溪孤亭俯淇澳紅酥艷新

連綠陰滿葉竹棲鳳獨高翔靜生雙鷗浴居
有餘清吟倚石欄曲玉宇動商飈郊墟早涼
萬水脫殘黃千峰露瘦碧有客感秋聲危然生
一室賦罷不成寐寒蟬吟四壁萬里布同雲九
霄降滕六樹開頃刻花山峙崢嶸玉塞馳失滿
橋迴棹迷剡曲何似袁門人擁衾睡方熟

題山水四景

淑氣轉林壑青陽變故陰新花發枯木弱極鳴
幽禽居人感物候索居鬱冲襟駕言訪知己携

淡軒稿

卷一 五

我床上琴欲調陽春曲庶以遭知音子期遽云
遠悠七千載心山星隱雲深危峰倚天立澗轉
暗泉通林疎斜影入有客樂餘閒相從恣所適
披襟納松風臨流坐苔石浩歌澹忘歸於焉以
終夕

蘋末起西風秋聲振林壑山雲卷復舒林葉掃
遠落農事告而成歸來閉茅屋郊墟轉新涼夏
卷窓下讀榮辱了不聞終身成獨衆

四野布同雲六花散川陸峰巒欽屏翠溪澗橫

寒玉孤舟何處宿垂釣清江曲寒魚不上釣取
醉來所欲江村如可賒且盡杯中綠

春景

陽和着化鈞生意滿動植嫩竹長烟梢天桃醉
春色谷鳥遷喬鳴池鷺時並翼感茲天地仁物
性各自適

夏景

薰風春雨餘園林夏初及簷前發舊枝六花如
玉碧雙鳥何處來音磬時並立好景屬詩家

淡軒稿

卷一 六

衰句頻拾

秋景

寒簷委荒渚敗荷滿清渠白鷺引翠鳥時來爭
水魚立殘水深淺雨意將何如纖鱗鳥啣去立
驚空躊躇

冬景

林寒冰雪積百卉俱摧殘早梅破萬玉山茶吐
紅丹於禽噉為背錦雉朱其冠愛此林下景相

松竹石圖

古松倚天碧幽篁拂雲長
托根倚巖石歲寒歷
冰霜松也負美材可以往
明堂竹疏中蕭管可
以儀鳳凰異哉此奇石百
尺凌穹蒼擎天不為
柱駕海宜為梁知音嗟不
遇於焉且保歲何人
達此意松雪趙子昂

蓮壺仙趣

吾聞三神仙瑤草秋不歇
訪以渤海丹萬里涉
一葉飄流列仙居瓊樓天
與海驚鷗臥聽輪誰

淡軒稿 卷

能踵其轍於焉嘆空歸仙
凡隔胡越

七言古詩

叢竹圖

西江有客愛此君環栽門
徑如雲屯蒼雪四簷
酒情霜翠清三迤翻南
薰讀罷閑窓慰寥索更
愛此君堪比德虛而有
容君子心直而不枉君
子節繁枝略洗待月過
留料直節凌霄高非圖
結實未雙鳳曾製巨竿
求六鰲而大今作烏臺
客回首江村十里隔夢
隨夜雨聽寒聲興遂西

風賞秋色伊人巧為竹傳
良興可資簞同適真

毫端貌出渭川景淡烟疎
雨連昏晨一見令人
渾不俗反覆看未猶不
足閑情彷彿到沅湘
雅趣依稀在淇澳醉來
吟對好像開非為黑雲
將雨催袞袞護芳造竹
所蔽之矣必借宅栽

朝回展玩掛高壁宵中
塵慮悠然息勝於林下
陪七賢不慕溪邊石六
逸憚君替爾遠故柳歲
寒三徑猶未荒節下留
題多秀句莫惜珠璣寄
玉堂

淡軒稿 卷

梅花圖

扁舟曾作西湖客歲晚
十杯正簫瑟飛花六出
鋪瓊瑤萬樹寒梅同一
色積素凝華路不通
脂香兩微生風枝上翠禽
鳴未歇須臾凡月生直
長空別來客中空記憶
幾從驛使問消息陰邊
彷彿到孤山夢裡依稀
彷彿姑射今朝展卷畫
中看只疑身在西湖間
此筆題詩三嘆思何時
歸去同歲寒

牧牛圖

世人孰識田家樂東作方休放牛牧桑麻蔽野
草色深老特遲行引黃犢黃犢隔溪食飲泉老
特回顧不受牽收兒投鞭釋其怒爲憐母子情
當然荷簑荷笠行且歌舉頭村巷炊烟多老翁
念兒出門望依依相見樂如何

捕魚圖

滄江浩浩水連天沙灘四望迥無邊狂瀾駭浪
日洶湧蛟龍魚鱉潛深淵江頭族聚有村落筆
籬參差列茅屋携妻稚子同舟居平生惟以漁

淡軒稿 卷一 九

爲樂昨夜春雷初啟蟄江漸流盡添新碧冥
變化登天潢網中所得僅盈尺颶風忽作鯨浪
揚截江大網衆流張巨鯉纖鱗無所遁銀絲細
切堆雪霜玉露洒空秋氣清村醪正熟鱸可羹
醉歸蓬底臥明月一曲滄浪歌濯纓江天覆水
六花積珠綴蓑衣玉爲笠釣絲欲下水已膠縱
不得魚情更適世人多樂田家翁雨暘時若歲
屢豐誰知旱潦不可測室家缺望倉箱空或者
可樂惟樵叟山林草木皆爾有積薪買穀育妻

竿出入寧能逃虎口爲漁活計在江湖衣食易
足但易輸收綸罷釣恣戲謔狂歌醉舞相剪扶
我聞呂望昔起渭非熊之占先兆瑞又聞嚴陵
隱富春客星帝座時相對一爲周家興大業一
爲漢室重風節聖賢所處豈偶然千古數名垂
不減二公德望誰其匹漁家之樂我能識郡縣
有門誓不入軒冕縱榮終不易今日展卷爲爾
歌各安爾業無嗟訖人生富貴轉眼過臨流不
樂將如何

淡軒稿 卷一 十

雙鶴圖

胎禽自是禽中仙雲飛水宿自年牽載籍不歸
緱嶺外駕輪不上蓬萊巔雙飛何日來庭前雪
中對舞同翩跹縞衣濕透瓊瑤潔丹頂洗出珊
瑚鮮雪晴舞罷更回旋鷄群屹立何昂然一舉
凌雲奮千里數聲喚月聞九天鱗來欲啄靈芝
田渴來思飲瑤池泉獻瑞自當並鸞鳳托棲宜
肯隨烏鳶清介久聞蘇子愛高情獨得林逋傳
此日開圖見雙畫濡毫爲賦雙鶴篇

八駿

周家八駿號八龍一朝同入天關中驂駟騏驎
失其貴宛西冀北群皆空一一佳名布世見三
十二蹄疾於電巡行庶慰蒼生憂却赴瑤池王
母宴昔聞渼陂龍馬生負圖而出稱四靈義皇
因之畫八卦宏開治道昭文明我願龍馬生此
日瑞應文明追古昔八駿徒誇萬古名縱造瑤
池亦何益

德星堂

淡軒稿

卷一 上

凌雲喬木羅千章綠陰深處開華堂堂前橋梓
秀晚節塔下蘭玉輝春陽隱居自是太丘高長
者高風邁能繼厥恤長施里閭仁燕翼深爲子
孫計有子有孫俊且賢承歡問寢相後先祖抱
孫兮置膝上子服父教趨庭前一門慈孝誰不
笑兩世期頤世尤鮮勝事端可追荀陳爰以德
星揭其扁太丘昔訪荀淑居季方持杖元方車
兩翁相對恣歡飲六龍侍側皆怡愉于時德星
聚百里應瑞已嘗書太史徒聞後世爲美談今

見君家能濟美矧君有孫負奇才名魁黃甲登
蓬萊推

恩將錫褒封詰歸寧有符還鄉來擁笏垂紳侍
左右日折黃封爲親壽堂中賓客視爲常此事
當時有無否

巢翠樓

百粵古號山水鄉山明水秀惟五羊龍津之流
潤百里喬松百丈磨穹蒼覆水二松猶特異乃
在烟霞最深處接葉交枝翠幄張中構小樓曰

淡軒稿

卷一 上

巢翠工師無事巧經營靡彫靡飾天然成茸葉
爲蓬代陶瓦椽枝爲棟直爲樑高入日上樓中
坐一點市塵飄不到蓬窓夜敞鶴同棲湘簟畫
開雲共臥茲樓深廣僅丈餘堆床萬卷皆圖書
膝下傳經有賢子座中聚首皆鴻儒屋頭颯颯
天風起靈竇號空聞數里笙竿琴瑟相和鳴若
聽仙韶五雲裏夜涼海月正當空八窓虛碧梧
玲瓏夢斷羲皇清不寐恍疑身在琉璃宮景融
極適心悠然飄飄何異登瀛仙誰言蓬島渺無

路此是人寰別有天高人好此樓居好少小遊
遊今已老他年我亦乞歸田半榻烟霞期借我

琴鶴山房

江南山水稱括蒼古松鬱鬱羅千章幽人雅耽
山水趣綠陰深處開山房詩書萬卷琴一張書
餘掃榻焚名香時取素琴彈一曲離鸞別鶴聲
洋洋萬籟寂々風不揚滿庭松月生夜涼白鶴
翩翩雲外下松間對舞相低昂須臾引頸鳴且
翔般々按節諧宮商仙姿自是知音侶曲終相

淡軒稿

卷一 三

對兩相忘更期騎鶴來

帝鄉夢琴入奏登廟廊古來至和感靈瑞九重
天上儀鳳凰

題山水爲連江趙庶子

閩南昔號山水窟山勢西來何崒嶭金鰲浮海
駕峰巒群馬飲江遠奔突曉晴文筆青棟天夕
陽覆釜凝蒼烟蝴蝶雙峰屹南峙鳳凰展翼翔
高巔地起平曠勢欲息鬱鬱忽忽佳氣集凌雲
喬木聳千尋盡棟彫薨環百室大江浩浩日東

趨寒流繞屋相紫紆宗室王孫自南渡却來此
地營華居支分派別聚國族文獻迄今尚如昨
風俗古稱洙泗如詩書世積雲仍讀賢仍挾策
對臨軒細書廿載遊詞垣正爾代言掌綸綍飄
然引疾歸田園故園山水渺何許松菊依然親
舊主有時乘月釣秋江有時課僕耕春雨人生
此樂孰與爭誅茅還作宜休亭早退非緣全晚
節歲寒泉石尋幽盟慚予同里復同官獨憐此
日不同還開圖爲君賦歸隱唵魂長繞山水間

淡軒稿

卷一 古

山水圖爲王編脩賦

興陵山水天下最扶輿清淑氣攸萃峰巒聳拔
數里環湖澤汪洋衆流匯水光山色媚朝昏丹
霞碧靄相氤氲雲邊古剎參差見雨後泉聲遠
近聞山前甲第聚名族數似高墻隱喬木盈門
軒益賓友過出屋吾伊子孫讀居人長歌歸去
來松菊深中三逕開臨流展席藉芳草鏡石題
詩掃綠苔興來更欲尋別墅載酒携琴任容與
西山放鶴步夕陽東臯叱犢耕春雨山中之樂

復何如枝葉絕勝馬車沆華翼斷杜陵宅盤
谷誰爭李愿居古來山水不自貧增重在人而
已矣開圖揮酒寫新題慙慙爲表高陽里

山水圖爲鍾先生賦

高山疊疊千萬重凌空削出青芙蓉遠山逶迤
亘百里浮川越澗如游龍飛瀑淙淙瀉石壁萬
頃澄江漾寒碧雲松兩竹翠高低霞彩烟光媚
朝夕茲山神秀鍾於人豈惟草木滋精神看山
三纔不足數要同崧嶽生甫申中有美人抱幽

淡軒稿

卷一 十五

獨牙籤玉軸書連屋窮歲長垂董子惟上寃黃
龍下漁洛一朝挾策來

帝鄉雲梯高步登玉堂繕籍殷名驚海內故山
重爲增輝光客裡別來幾寒暑夢中每想讀書
處桑梓依依入望迷萬里微茫隔烟樹却來寫
入畫圖閣玉堂展翫心自閑何日成賦歸去
時與山人相往還

唐明皇兄弟醉歸圖

別駕一自潞州還唐祚中興社稷安開元至治

在勤政友愛兄弟古所難高樓新構扁華蓋
罷相親樂共樂華路香塵撲面來醉歸五馬相
馳逐諸王才俊世罕同孰知愛國如周公當年
若進無逸戒治效庶追三代風古來萬乘戒遊
逸宴樂之歡那可極荒淫驕侈端在茲天寶末
年悔何及

雲庵爲顏大夏司訓賦

親恩罔極同乾坤子心欲養親弗存匍匐負土
既喪事結庵還傍親之墳杳杳音容不可即思

淡軒稿

卷一 十六

親朝夕惟瞻雲影落松楸翳白晝陰連窅冥
黃昏憶昨少年侍膝下日調甘旨問寒溫朝出
必告親所往暮歸欲慰親倚門而今宦轍隔萬
里回首瞻雲何處村目極天南腸欲斷夢回枕
上淚空吞於馬引疾謝師席愆然涕泗歸丘園
雲中舊庵尚無恙奉親遺體依親魂世人耆老
溺富貴誰念伏臘曠蘋蘩多君純孝敦古道庶
今澆俗能還淳

風水圖爲周尹賦

括蒼孝子身姓周雙親早作泉臺遊劬勞大德
嗟莫酬思親長抱終身憂邇來作宰聞海陬
蒼回望雲悠々雲中斧屋上一丘悲風捲地號
松揪寒散颼颼風颼颼朝々暮暮春還秋樹殷
欲靜風不休子心欲養親不留音容難於地下
求縱有三鼎將誰羞花封感此雙淚流胸中空
貯萬斛愁昔聞負米有仲由卑魚已往繼者疇
知君孝感追前脩嚴名當與二賢侔碩推此道
教遠州閭闢厚化愚民偷力貧膝下奉髓終勝
如禴祀烹羊牛

淡軒稿

卷一 七

鳳鳥圖爲薛氏賦

聖人御九五禮樂昭文明網緼和氣塞六合山
川瑞應產四靈惟鳳實爲四靈一背義負仁備
七德不搏不擊百鳥隨飲醴栖梧餐竹實舜樂
簫韶奏九成翩翩五采來虞庭周室興三白文
武于時曾向岐山鳴茲鳥端由盛德至自此見
之世尤罕接輿謾發楚狂歌已矣膏興尼父嘆
雲龍風虎泰運開我

朝廊廟皆真才梧桐適生朝陽地和鳴雖離復
喈喈重熙累洽

聖繼聖吁咈都俞和且敬麟鳳摠在朝陽間絕
勝圖書符瑞應昔聞薛氏居河東金昆玉季三
鳳同君家迥出河東裔孫子王立才而聰異日
行當附鳳起五采翺躍五雲裏我今揮筆爲留
題勿俾斯言爲虛美

郭熙雪景爲雷潛主事題

我昔過建溪歲逼嘉平月玄冥呵寒布同雲滕

淡軒稿

卷一 六

六剪水作飛雪川原一色白皚皚千秋萬樹璫
花開霞閣有客吟詩出劍水何人乘興來武夷
溪流縈九曲溪暖殘漸瀉鳴玉重々疊嶂露舊
青落落長松挺新綠古來雪景稱夏珪郭熙此
畫尤絕奇寫出瑤池與瓊島令人一見心神怡
建溪才子青雲客十載思家歸未得粉署朝回
對此圖滿目溪山宛如昔我爲題詩興不關夢
魂迢遶閩南山何當拂袖賦歸去同歌白雪山
水間

溪軒先生詩集卷第二

湖廣岳州府同知孫希範刻于岳陽公署

南京大理寺寺正 孫炳章重刻于金陵

公署

五言律

鳳林曉日

海底陽鳥出林端萬象明洞花分遠色巢鳥去

新聲出谷聞樵唱穿雲見客行高人惟枕起蔥

帳夢初成

溪軒稿 卷

馬嶠晴雲

從龍為雨後隨意意傍深山伴月從軒卷因風

自往還陰連岩樹暗影度石溪閑何日期來此

疎茅借半間

印墩勝槩

一墩渾若印屹立峙中流不為洪濤泛疑隨大

地浮靈蹤千古在佳致四時幽詩客頻登眺

杯作勝遊

鐘嶺仙踪

仙去幾千載遺蹟隔世氛山深多種藥洞古羊
藏雲鶴影中天度棋聲靜夜聞客來無覓處空
自立料應

高橋柳色

沿溪多種柳截岸架梁密葉凝烟翠飛虹跨
水長行人無病涉醉客或尋涼題柱誰家子高
車遠故鄉

古祠槐陰

祠宇槐陰裡爭傳閨闔門家數期不墜世德藹

溪軒稿 卷二

如存秩秩明昭穆詵詵衍子孫歲時脩祀事蘋

藻侑芳尊

竹林晚翠

插竹為期誓俄然已作林早成登第志負讀
書心勁節禁霜雪深根幾古今子孫常愛護願
繼舊纓綬

菊圃秋香

解組歸田日東籬菊正黃肅霜存晚節零露西
秋香醉採情何極吟看趣自長悠然相對處幾

度訝崇桑

過金山寺

古刹俯幽岑寒流八面侵乾坤同浩蕩日月自
升沉波動搖燈影潮狂壓梵音幾回山下過無
分一登臨

梅月書屋

梅梢初吐月有客啓山房移榻延疎影朗簾納
暗香書聲閑裏靜詩興醉中狂登遍逋仙句清
光夜未央

淡軒稿 卷二 三

勿欺齋

君子思誠意孜孜謹獨知顧茲幽暗處嚴若見
神鏡動靜須交謹公私有異岐始終惟一致何
愧聖賢爲

孝友堂 二首

孝友稱鄉族仁風播海隅墳荒委室奏詩禮經
庭趨群從怡如也雙親順矣手闌欄無辭謝
不愧斯歟

劉氏儒宗曾人稱孝友家椿萱晚境樂無窮

春花迎榻頻聽雨稱觴滿泛霞高風殊可仰清
譽達京華

山水圖

一水環門碧群峰插漢蒼舊誅茅結屋旋種竹
爲莊叱犢耕春雨陰風步晚涼何時乘詔起垂
白侍巖廊

少小別江鄉而今異已蒼桑麻荒杜曲雞犬靜
韓莊喬木風霜古空山月露涼看圖思舊隱清
夢繞回廊

淡軒稿 卷二 四

春景

乾坤回淑氣勝景滿春山雨濶鳴環翠雲峰露
髻鬟漁翁移艇出村女汲溪還古剎無尋處鐘
敲杳霭間

夏景

結屋青山下開門碧水前池魚吞藻露鷺鷥遊
茶烟隔嶺閑樵唱沿流放釣船一飯籬犬吠有
客訪林泉

秋景

一水澄秋色群峰淡落暉雁投寒渚下漁逐暮
潮歸古寺初鳴磬孤城半掩扉行人狂喚渡舟
子去如飛

冬景

同雲連野暝密雪洒風斜山掩千重翠林開一
色花沙明迷落雁野寒絕飛鴉孰識詩翁樂攜
壺問酒家

山水四景爲貳守劉公賦

樹隱三間屋門橫獨木橋山行留謝屐水飲剽

淡軒稿

卷二 五

顏瓢徑雨苔痕積庭晴鶴迹饒詩人應不厭乘
輿日相招

別墅清溪上幽居夏正宜門閑無客到機息有
鷗知慢爲來薰捲床因就竹移書餘無外事相
對一枰棋

野客登危石茅亭俯碧流菊香三逕露月色一
天秋垂釣魚吞餌移帆鶴避舟不堪清景迫詩
思更相留

同雲連四野滕六遍江城天地浮九濫川原積

素平賦因梁范就詩向漸橋成高卧無人問窮
簷千夢清

七言律

玉堂賞花和李文達公韵

乾坤和氣毓群芳歲久方開不顯常三本瑞符
三相兆八花巧配八仙粧莫誇異品求姚魏且
賦新題和李黃龍草制麻遮共賞偷閑半日樂
壺觴

淡軒稿

卷

清和景共賞偏憐素淡粧玉帶筆名新賜白金
腰應瑞舊園黃調元金鼎歸儒相何事瑤池何
母膳
朝回美用遶尋芳紅藥官階在自常不與牡丹
爲近侍獨邀箇箇伴新粧數聲隔葉鶯香巧隄
影穿花蝶翅黃一曲耶歌直絕唱和難甘罰曲
流觴

最愛開時殿衆芳花根秘閣更超常白黃濃淡
三分色葩萼低昂一樣粧往昔惜香惟頃刻于

今吟對任昏黃老來叨入斯文會量淺難容醉
後觴

珠玉盈筵句吐芳花前莫厭賞尋常高情頻起
詩人興浩態難爲畫史粧萱草當堦斜映綠
花隔檻遠分黃念子久負歸休志來歲無緣共
此觴

金臺夕照

層臺百尺聳高寒晚景無邊落照間光映殘霞
輝北闕影垂薄靄掛西山林端樹色催鴉集雲

淡軒稿

卷二 七

外鍾散送鶴還歸客驗行休策蹇重門無事尚
遲關

路渚晴雲

離亭休唱遏雲歌雲本無心聚散多出岫遠從
關海起隨風輒向潞江過團陰晚送催詩雨倒
影晴籠浸月波親舍南瞻何處是思歸遊子欲
如何

建溪深隱

建溪深處舊淪居松菊環門護草廬盤桓軍

顏氏樂架度圖史晦庵書殘紅滿硯花慵掃清
翠交庭草不除溪上詩翁今已去高風千載重

鄉閭

久慕漳南有隱君建溪深處臥閑雲清泉白石
供吟興淨几明窓隔世氛苔砌雨晴留鶴跡墨
池水暖戲鶯群絲衣賢子承顏暇燈下詩書課
夜分

九華清隱

遠聞勝槩每心馳此日乘閒一訪之逕積苔痕

淡軒稿

卷二 八

宵雨歇庭留花影夕陽遲華峰分翠來蓬瀛綠
水流波入藕池月上主人隨鶴返更燒銀燭索
題詩

山水圖

獨木橫橋跨石磯白雲深處客來稀春深滿地
花頻掃日落巢松鶴白歸罷釣獨回江上艇抱
琴誰扣月中扉更憐絕頂無尋處幾杵僧鐘出
翠微

紫迴蘿逕造柴扁喬木陰陰一草亭出澗飛流

千丈縹緲門列障四圍屏
吾牆而過留蝸篆松
楓風來墜鷗翎出處聖賢應有道
移文奚愧北山靈

林泉居

卜築城南屋數椽箇中別自有林泉
客稀不爲門景閉心遠方知地自偏
分得稻畦移菊種留得沙渚借鷗眠
醉來歌罷滄浪曲揮洒新圖作輞川

林泉咫尺隔塵寰邀矣高蹤不可攀
明月清風

淡軒稿

卷二 九

將興遠浮雲流水與心閑
石庭過雨因花掃野艇乘風載鶴還
眞信箇中有深樂移居何必入商山

水仙花爲僧賦

半爲淡白半深黃金盞銀壺一樣粧
夜月水邊斜弄影春風林下暗吹香
洛川神女羞爲態山谷詩人欲斷腸
知是當年逢賈島故留仙槎到禪房

水亭先隴

鳳凰山下水亭南
斧屋巍々舊築三壺嶠屏開
青削玉蘭溪帶繞
碧拖藍蘋蘩歲展春秋省
林檎時承雨露涵
底用穹碑書祖德
行人過此一停驂

烏石先隴

地擁荷珠自異凡
千年玉樹此封緘
牛眠久肇神僧卜
螭刻猶存太史銜
種麥有畦侵壟墜
採薪無斧及松杉
神靈千古應如在
顧我雲仍酬一盞

淡軒稿

卷二 十

壺山草堂圖

山到壺公是故鄉
畫圖寫出舊書堂
雲濤曉漲千巖白
海氣晴添半夜涼
庭竹凝烟簷滴翠
檻花飄露硯浮香
別來漫憶躬耕處
付與漁樵醉夕陽
幾間茅屋蔭長松
逕轉溪橋路幾重
碧樹深中巢獨鶴
白雲斷處露危峰
一轍送晚漁舟笛
數杆敲風梵宇鐘
詩社主人猶在客
當年題詠尚留蹤

遊石室巖

藍輿緩步訪招提
逕入煙蘿路不迷
山色有無雲聚散
鐘聲遠近寺東西
紅橋澗底看花落
翠滴松梢見鶴栖
落日催歸餘興盡
南廊掃葉強留題

鄧林書屋

鄧林迴轉路縈紆
喬木深中宅一區
藤杖何人過草閣
雲梯有客步天衢
翠交庭草春風滿
影瘦瓶梅夜月孤
持節久聞清憲紀
窮經信不負

淡軒稿

卷二 十一

名儒

早歲文章獨老蒼
窮經十載隱茅堂
青藜照夜長吹簫
丹桂凌雲遠送香
寂寞一區楊子宅
縱橫萬卷鄒侯庄
而今乘憲三朝貴
回首山川倍有光

憶昔携書觀國光
獨留書屋鄧林庄
春風庭草仍交翠
曉雪牆梅幾度香
珠室當年曾閉戶
孔門早歲得升堂
一官未遂歸來興
三迕依然鬢已蒼

漁江書室有序

三山趙君德言舉明經教浙之龍泉間嘗示
余以先世所作漁江書室圖卷鄉先正暨諸
諸紳皆有詩文屬題于後余惟德言宋文昭
公休少穎先生其十一世祖也高祖溶贊趙
同冒其姓未復文昭道學鉅族也江南之學
者咸宗焉諸作略無一言及之者余故表而
出之俾閱是卷者知書澤之有自云

淡軒稿

卷

書牕晃花露研硃硯片香物理遠窮探月窟文
儒長會聚星堂賢不匿淵源學講道芹宮播述
芳
漁江鉅族育山房
倚出長林聚趙鄉
吳祖當時崇理學
雲孫奕世讀書香
文成珠玉輝詞海道
嶠青肥廬草堂自是文昭處
遠亢宗英俊絕餘芳

江湖勝覽有序

金陵蔡應和侗儉士也喜作游觀樂同字具

符卷曰江湖勝覽一日道甫托余邑宰許侯
索題卷後余因語侯曰夫遊非一有志於著
述而遊有志於仕宦而遊有志於貨殖而遊
漢司馬子長負不羈之才志於著述故欲歷
覽四方採古今勝蹟以傳胷中之趣然後發
爲克棟汗牛之書千載而下稱史學者莫或
出其右應和其殆志於著述而遊歟不然憲
倉黃公大尹林先生何其以子長之事告之
苟爲仕宦而遊歟金陵神臯聖壤也山川壯

淡軒稿

卷二 三

麗宮闕雄偉禮樂教化所自出麗臣碩士
言傑論曰接乎耳目欲求博物洽聞者舍是
將焉適今應和顧乃去京師離鄉井跋危涉
險不遠數千里而至於斯其必志於貨殖而
遊歟侯曰非也嘗聞應和之言曰天地一旅
亭也萬物皆過客耳於是遂托於商旅以寓
遊觀之樂若將終身焉者其功名且不屑置
規規貨利者哉予曰然則應和其莊周所謂
天道者歟因賦詩以歸之

聞道家居在 帝都一生浪跡走江湖東窺津
泗西已蜀朝涉沅湘暮越吳吾離索久忘鄉土念
驅馳豈爲利名圖莊生所謂天遊者今見斯人
可與遊

風梅

姑射仙人降玉霄凌風環珮散瓊瑤
宮旌額
吳初落商鼎調羹實未饒雪盡暗香空外度月
明珠影水中搖一夜欲寄江南使萬片紛紛折
處凋

淡軒稿

卷

烟梅

幾株寒烟罩月先仙姝欲粧欲深歲不將素臉
誇常態暫借烏紗換異粧月淡西湖微見影霜
清未開情閒香晚未不許風吹散獨化真心向
太陽

月梅

園林薄暮六花晴高掛梅梢月正盈
蟾影瘦添
跡影瘦桂香清奪晴香清三更風露孤檣滿萬
斛珠璣一色明翠羽嘈嘈啼未歇羅浮深處夢

初成

雪梅

試問孤山路幾程梅花深處六花盈
冷侵素面欺霜白先照水魂借月明
十里瓊瑤同一色半庭松竹伴雙清
詩翁獨步茅簷下不用推敲句自成

樂靜軒

禾川南去是花庄新闢畬田舊草堂
野馬不來松菊徑沙鷗獨占水雲鄉
一犁好雨春耕早半

淡軒稿

卷二 五

楊清風午夢長擾擾利名從可樂
曾如靜裏詠滄浪

敦本堂爲孔先生賦

東魯高瞻闕里門巍巍道德準乾坤
爵封衍聖尊宗子學闡遺經繼別孫
洙泗邇源流益遠衢溫分派澤如存
頤言來商加培植枝葉敷繁本自敦

雙竹爲曹御史賦

兩竿聳翠柏臺陰千畝曾誇渭水潯
影動午風

雙鳳舞般鳴夜雨二龍吟舊班猶濕英皇淚
勁節真同伯叔心柱史朝回相對處滿懷佳句費搜尋

讀易爲杜御史賦

志士孜孜希聖賢潛心一室玩章編道窮大極
原無極圖辨先天及後天進退存亡知數定精微
潔淨得心傳而今已寡平生過造詣還須假數年

終日乾乾誦九三義文周孔遠窮探硃研花露

淡軒稿

卷二 六

清晨點燈藝蘭青靜夜談必也學隨年並進自
然心與理相涵而今致用文明世經術應無愧聯巷

梅月雙清圖爲李主事賦

仙郎高興逸孤山圖寫雙清每獨看萬樹梅花
開水畔一輪桂魄掛林端水現夜過夢魂冷玉
骨時雙詩骨寒粉署吟成渾不寐瑤琴更取月中彈

烟雨萬竿圖

千畝栽禾千自刑環門留得萬瓊玕水霜不變
三冬節烟雨潛四六月寒滿地龍蛇浮月影舞
驚風依風翰無邊詩興使人處移署朝 目
在青

送柯孟時洗馬上京闈試

京尹上言傲主試儒臣承

詔出蓬萊魁星光並金星聚添鑑明同月鑑開
至理莫教違聖道浮詞未必得真才門墻自此
皆桃李無限庄田亦富哉

淡軒稿 卷二

送劉贊善先生赴南京鄉闈主試考

玉堂東掌舊儒臣主考南畿善得人旭日九天
辭 紫禁文星五夜照蒼昊崑山採玉能送月
滄海求珠欲辨真微林歸來心似水芙蓉拾可
聽清新

送王端清祀東嶽

玉音特遣玉堂人千里西書祀岳神恩拜
九天承重命禮成三獻享明禋雨暢時若天心
順民初成寧帝澤新歸日龍顏知有喜載歌四

牲宴嘉賓

送邢檢討省親

恩封已授二親官疏乞歸寧特賜還王畧深中
傾別酒白雲飛處望歸山

誥頒錦軸雙鸞耀衣舞華筵五綵班遙想寸心
頻戀闕夢隨曉漏覲天顏

送巡撫廣西刑部侍郎李公引疾歸縉
雲

長才勁節玉無瑕服遠奇勲

淡軒稿 卷二 六

帝所嘉自許摠忠惟爲國共憐引疾早還家問
醫好種董林杏逸老惟栽陶徑花台輔只今需
碩德蒲輪不日上京華

送都御史劉公鎮撫遼東

節鉞躬持下九天法星萬里照三邊霜臺久肅
朝端政沙演今專閫外權刁斗殷沉閣夜月旆
旌影動掃秋烟

聖明無復憂東顧茂績當垂竹帛傳

送顧都御史致仕

早陳三策際雍熙晚執臺綱肅百司正色每令
權貴避忠言深悟聖明知四朝雨露恩殊渥百
歲冰霜節不移此日功成成白首乞歸應與二
疏期

一封優詔出明光特許懸車入故鄉燈下久閑
焚諫草袖中猶欲進彈章烏臺路遠風霜少綠
野堂閑日月晷

聖主九重思舊德蒲輪不日到巖廊

送李御史出按京畿

淡軒稿 卷二 九

玉節晨持下九霄駢駢四牡駕星輶清秋膏雨
隨車霽白日飛霜拂簡瓢古柏臺中清憲紀甘
棠巷裏聽民謠周爰八郡宣皇澤歲向人民頌
帝堯

送李御史巡鹽兩淮

觀風重選柏臺賢

天語丁寧對御筵膏雨曾沾三晉地法星高照
兩淮天家家煮海亭民竈處處停橈賈客船漕
運四通邊餉足聞聞頻聽頌豐年

送劉行人使琉球

皇華歌徹鳳池頭兩袖宸熏拜冕旒玉節躬持
天闕曉使星速照海門秋風迎舟楫鯨波見霧
旌樓臺礪氣收此去好宣仁義化須令外國苗
中州

送姪長清員外赴南京

宦途十載嘆參商邂逅相看髮各蒼紫紫朝天
期極武清雲曉雨員連床笑因內日丹心吐
為傲霜晚節香莫違辭榮漸廣愛相期早還入

淡軒稿 卷二

壺陽

送翁世資主事書家還

二難大行古名儒藉藉賢聲播兩都風雨連床
諧舊約池塘得句夢初醒心悲原上雙鶴影
斷天南一雁孤我亦弟兄嗟久別老來無分會
江湖

送區主事之南京詩有序

罷余家兄教廣序以滿秩使道還家屢為余
道館下生曰區賢德夫賢美而行粹從余後

詩經恒有相長益異日為名進士必其人歟
或問其弟子之學者家兄必首舉德夫以對
余欣然記姓名每以不得一識面為憾永樂
癸卯果推廣東鄉試第一閱所錄程文尤嘆
服不置宣德庚戌余領鄉薦為上春官而德夫
亦至始酬夙所願既而鄉捷進士余忝官翰
休德夫奉命歸請書于家繼又聞德夫居母
憂今年春以服闋起召來京相見即懇問家
兄已物故矣追感泣下無何德夫懼南京冬

淡軒稿 卷

官主事將別而去予同念德夫於家兄為師
弟同道也於余同年也於其行也軍已於言
乎遂成二律以叙別冀德夫誦予之詩追念
家兄之教俱厥職勵厥行不負為名進士則
作同年同道庶皆有光焉余與德夫為同年
非他人比故敢寓以規誡云

吾兄昔歌五羊城羨子文章老成(象)萬里青雲
誇獨步九(象)黃甲喜聯名簪花曾共瓊杯醉衣
錦先為得里榮一自都門分手後相思明月幾

虛盈

相逢正喜叙同年客邸寒燈夜猶連曙月鵲班
同北上秋風馬首獨南旋路分燕市連晴雨街
樓鐘山隔瑞烟別後若能相慰處好待秋葉還
前賢

送周祭政之開藩和楊少師韻

一封璽敕照金泥兩袖爐熏出玉墀

天語丁寧辭闕日皇仁宣布到閭時霜清海道
宵閒柝日肘腰船曉曉懸旗喙息蠻童皆胆落威

淡軒稿 卷

名單平己先知

新祥除書來西首舊陳治策對丹墀待心劫節
高當世樂侮奇勳建此勝公還雕落肯翦錦詩
成石馬試茶旗在朝尚憶為郎日清白節傳古
四知

送王少卿赴南京太常

蓬萊深處曳長裾俊逸才華世罕如筆法遶承
家學在論音頻對

御筵書官聯玉署承恩久禮典容臺拜命初明

到向京親舍近晉陵東望是鄉間

九重奉命出蓬萊
話別都亭酒一杯
官拜西京親

帝里職司二禮肅容臺
龍江錦字層湧泉
鐘阜紅雲五色開
公暇想多吟眺興
詩詩數年玉堂來

送李大奉年兄赴蜀

名聯黃榜憶同年
羨子才優兩峻遠
瑞旭九天辭北闕
福星萬里照西川
按行日叱王尊
叔題

淡軒稿 卷二

詠詩賡杜荀鶴
喜遇西江劉憲副
春風到處共同旋

送按察司副使顧君赴福建

除書倖出九重天
觀察爭稱得鉅賢
詩節久為烏府使
稿文曾作玉堂仙
紅袍利刃新裁錦
白簡乘輿早著鞭
聞海下車人便喜
陽春有御過周旋

朝回曙色尚熹微
龍色行秋去若飛
聞海共迎驄馬至
吳門爭看繡衣歸
三春雨露宣

皇澤六月風霜肅
憲威田野熙熙無
菜色法星晞並福星輝

送張僉事之廣東

內臺執法舊馳聲
廣憲新遷重老成
振珮晚辭雙鳳閣
褰帷春入五羊城
枕柳滴翠蠻烟歛
荔子垂丹海雨晴
郡國按行時駐節
無違詩景入懷清

送廷輝宗兄僉憲湖廣

一別俄驚十載間
客中重見別尤難
謝庭得句

淡軒稿 卷二 五

空成夢姜被連床
未盡歡歲晚荆南
憐獨往月明前北
憶同看遙知柏府
相思處雁度衡陽
雪正寒

送郡守陸公述職

紫禁鐘殘玉鑰開
珊七環珮集蓬萊
民功奏上天顏喜
仙樂散齊曙色催
花壓烏紗陪宴出
勅頒王璽錫恩來
還期真負兒童約
竹騎春風候道隈

送范知府

小試雷封僅半年政聲已達九重天梁公豈久
淹彭澤黃霸今聞在潁川未約村童騎竹馬須
令郡吏壯蒲鞭浦良莫負名卿薦台軸應知自
此邊

都門設祖饌同年禁柳啼鶯三月天日下

恩承新雨露荆南路繞舊山川臨歧握手難分
袂駐馬停杯欲贈鞭建立功名須及早青春歲
月易推遷

送祥鳳族姪

淡軒稿 卷

卻却儒冠着秀冠霜威不入舊壇寒謝荆莫厭
平反屢抗疏誰知諫諍難權倖聞風先落膽周
窮德仰畫開顏古來風憲稱賢者擬列芳名竹
帛間

祖帳晨開北郭門柳歌都句情難傳論文久愈
從三世邇來遂思出一源欲依風聲追祖德好
傾忠董報君恩莫言官路雲泥異同姓於人古
所執

送方通判致仕

悠然^解改組出朝端烏石山前早掛冠蒹葭勝竹
金帶重黃堂牢似草堂寬鑑湖逸興初歸賀潮
郡丈風尚慕韓北牖夢回清運迫句成應不費
吟安

送黃大尹之未底

幾度都門惜解僑每懷官轍隔東西久知異政
能訓雖督屈長才試判難桃李春風開滿縣桑
麻時雨翠連畦吏閒此邑佳山水公還循行任
品題

淡軒稿 卷

送丁太尹復任當塗

政聲早已動詞林一識韓荆喜自今向邑久淹
無愠色百年不改有清心先邊去路王喬駕馬
肯行囊子賤琴作傳自當歸直筆題詩柳且頌
徽音

送周主簿之任吳橋

天子飛龍十二閑枚人自古選能官驛輜肯重
王良御騏驎今歸伯樂青莫犯千金辭馬價須
令百里沃民廩吳橋入夜房星現肯肯初收牧

地寬

送王教授之韶陽

說鈴連駕入韶陽使道西行過故鄉師道之和
遵孔孟士氣復見踵余張折梅度嶺題詩寄保
乳鍾潭和酒常更愛溪山多勝槩詩收珠玉富
吟囊

送方玘解元會試

喬木蒼蒼舊閨門十年文獻有仍孫高舉升仕
登蟾窟遠步青雲和

淡軒稿 卷二

帝關忠節尚期追二相文章早見占三元分岐
愧乏黃金贖敢效仁人贈以言

送盧宇初會試

落日坡亭祖帳開懸懸話別且停盃一經催第
承家學三策

臨軒識異才驛路寒威殘雪積禁城春色早鶚
催醉歸馬上花簪帽知是瓊林賜宴回

倪全尚書

比來戎旆自逍遙梁下不堪一夕凋聽履下聞

登玉殿騎箕忽觀上丹霄蒼生仰德咸揮淚
聖主懷賢為輟朝遺像當歸麟閣上英雄不用
薊歌招

挽章侍郎

早遊玉署事編摩典禮南宮兩異儲官歷
四朝勲業舊誥封三世寵恩多交州猶仰星
輅至淮浦俄驚旅視過家學繼承欣有子少年三
策占巍科

挽張僉都

淡軒稿 卷二 天

天道冥冥不可知大賢胡享不期願窮通壽夭
雖由命生死榮衰更有誰太史揮毫書舊德行
人墮淚讀新碑更怜垂鶴雙親老腸斷西風痛
白眉

挽周學士

早陳三策奉臨軒高步瀛洲入禁垣金匱書成
三聖史玉堂官耀
五朝恩衛文履得忠良士進講時陳切直言六
十一年成大夢源源慶澤在兒孫

蓬露殷哀徹九泉詞林知己共潸然經生獨逝淵源學

聖主深懷諫諍賢史貶遠金明正統文追秦漢著遺編巍馬鬣文江上入夜奎光照昊天

挽叔剛先生

閩南桑梓舊同鄉客裏論交在玉堂愧我頑愚成錮疾多君藥石有良方看花紫陌曾聯騎剪燭清宵或對床此日追思猶夢寐寫來哀些淚行行

淡軒稿

卷二 无

文星一夕暗南閩詞苑爭驚喪哲人三傳誰能明筆削九重空待掌絲綸虞廷正覩來儀鳳魯叟寧知泣路麟跖也永年顏也天難將此語問蒼旻

挽李太守

早年致用際明良中外勤勞兩鬢霜仕已何曾形喜愠窮通惟自信行藏心存愷悌今黃霸志在澄清昔范滂正擬辭榮歸綠野南柯一枕夢何長

七十年華嘆擲梭哲人逝矣痛如何去思未起甘棠詠哀挽翻開蓬露歌四友堂空素夢斷三休亭在夜魂過東林原上龜螭碣千載令人感慨多

挽林狀元

策對臨軒第一人絀書金匱老詞臣文騰天府輝奎壁瑞應

皇朝集鳳麟滿謂百齡天與壽詎知一夢歲逢辰康林山下深埋玉宿草芊芊馬鬣新

淡軒稿

卷二 三十

挽陳會元父

卜築東湖地自寬肯堂肯構爲遺安庭栽荔子千年澤軒老梅花幾歲寒進士登朝稱令子大夫錫爵贈高官龜趺螭首書潛德留與行人拭淚看

大帶深衣雪滿簪菊松溪處徑開三經傳累子魁天下跡比遺民老水南讀罷梅軒書未掩夢回槐國睡初酣官封五品推恩典共荷皇朝聖澤覃

倪學正鄭先生

四朝講道區青纒夢熟黃梁致仕年萬里關山
歸旅觀八壺霜露洒新汗名齊北斗諸生仰學
紹南洲英世降孤子終天深抱痛載星歸去淚
潸然

倪夏主事祖處士

九十年來一布衣姑蘇城下樂仙遲渭川未入
非熊兆寶室先開賦鵬悲寧不為懸吳子劍墓
門新刻祭邕碑料知山水經行處千古為風似

淡軒稿 卷

一時

少微昨夜陸黃昏吊客忍忍總在門白杜題詩
無故老青雲登第有賢孫未需祿養陳三釜終
擬
恩封賁九原積善古來天所報千年餘澤尚如
存

倪錢季問

故行供水賢佳城孝弟遂聞月旦評道元共降
勞父事家居幽室愛先情四庭曉雨荆花落謝

初秋風玉樹傾惟有詩囊佳句在讀來尚記舊
時名

四十年來一夢醒才晁命短恨難平孔門好學
傷顏子漢室求賢惜賈生掛劍九泉朋舊約扶
棺千里弟兄情讀銘追感當時事欲寫哀歌兩
淚橫

挽監生林子顯妻

婺星午夜噴穹蒼飛訃俄驚到遠方月冷鳳幃
空夜夢塵埋鸞鏡罷晨粧鼓盆此夕歌莊子舉

淡軒稿 卷二 三

案無由見孟光惆悵舅姑俱白髮高堂甘旨復
誰將

夢入重泉罷畫眉深閨寂寂掩朱扉客中不寄
回文錦窓下猶留斷織機雨洒殘春花有淚雲
龍清夜月無輝夫君千里傷心處纔聽寒砧想
寄衣

凌軒先生詩集卷第三

湖廣岳州府同知孫希範刻于

南京大理寺左寺正曾孫炳

陵公署

五言排律

挽東湖徐處士二首

佳兆牛眠處新阡馬鬣崇淒淒荒草露飄飄
楊風巨筆揮潛德深衣想舊容名儕高士列行
與古人同別業澄塘上遺庄綠野中逕錢陶令

淡軒稿

卷三一

菊絃絕伯牙桐化鶴來仙客歸鷗失海翁傳家
留懿範教子有成功門掩孤燈暗齋懸一榻空
送愁寒夜笛吊影暮秋鴻哀挽詩千首遺言盡
數封賢郎懷手澤讀罷恨何窮萬卷書香遠
鍾世祿崇一經繩祖武百葉振儒風教子垂
訓怡親極婉容范田宗族共姜被弟昆同習
東湖上躬耕北隴中閑雲隨履履流水入孤
不作金門客俄成皓首翁窮通惟俟命經濟
功處士星初墜華胥夢已空

室夫梁鴻憲帳紅塵滿龜碑碧鮮封獨流遺愛
在食報永無窮

七言排律

瑞雪應制

四野深雲一色同六花呈瑞在嚴冬九重北闕
銀為瓦萬壑西山玉作峰乍覺梨花輕點地宛
如柳絮任飄風元連巨簪應難解素積川原香
葉窮冷氣夜侵雲母帳寒飈曉滴水晶宮圍圉
草木回春暖曜欽來年兆歲豐黎庶謳歌均海

淡軒稿

卷

宇宸章煥耀示撫冲微臣啟首陳評頌萬歲三
呼學筆封

應制瑞龜

聖化洋洋萬物熙乾坤和氣產神龜胚胎獨栗
金精秀瑩潔渾如玉色奇章隆昌期應獨見有
開佳兆必先知著震舊伏西江地蓮葉新華太
液池自是唐堯為曆日遠同大禹負大時書成
魯史祥方出樂奏虞庭鳳裁儀伏觀四靈今畢
至小臣敬獻太平詩

總馬行春

來總萬里候天方夙夜憂勤食不遑非假霜威
凌白日欲來元氣煦青陽容詠適歷岍岵地巡
歷深探瘴瘴鄉細柳迎搖銀營落綠花輕點誘
鞍香使星一夜輝穹漢膏雨隨車需遠荒雲散
郊垌轉驚鳥翳遮岩壑避神羊諸司共識令臣
典百姓爭迎古召康教被搖僅遵禮義仁策貪
酷效循良桑麻賦畝仁風徭絃誦閭閻化日長
廣采民謠歸史館頻收詩句付奚囊直言曾落

淡軒稿 卷三

奸邪膽動節恒存鐵石腸入親
龍顏深育喜當年八駿謾齊芳

挽劉寺丞父

早膺鶚薦親楓宸解組花封遂乞身江石田園
尋舊業山中泉石卜新得析肱載喜傳三世則
股肱間壽二親棠列翠泰心寂已庭趨許禮訓
傳已雅恩而贈官如子一夢俄驚歲在辰萬里
淒涼無復曉杏林零落不成春銘題宰石公祚
竿劍掛長松故舊人千古青山埋玉處幾多行

含鄭先軍

講義朝瞻藉已數名海內聞筆法
少詩才騷雅鮑參軍登名未占龍頭選
化簡地下文萬里旅魂歸故國一封枯骨成
墳墳蔽悲慈月驚求侶影斷斜陽雁失羣
曉爲南北別幽明遷作死生分閭閻哀絃
低階砌菱蘭播遠芬別業尚存東野菊
半池芹耀科自古希途灝下地而今

淡軒稿 卷三

無分百年成白首何慚三世踵青雲
誰能和貽後書田子魯耘我愧真酬親
成哀些欲心焚

挽江處士

早侍嚴君宦遠方歸來隨意卜行藏田園舊業
休休遠泉石幽盟引興景郡裏正懸高士榻
忽暗少微光溫玉樹埋黃壤營已除
子過廷恩學禮季方聰兩憶連床

在故人已少惜琴亡自慚鷄絮無由奠淚洒新
箋寫挽章

五言絕

蒲萄四首

繁葩結組綬紫實懸珠璣摘來休釀酒聊以充
歲饑脩蔓高千尋繁陰覆十丈紫瑩實累三草
龍結珠帳簷底虬龍蟄昂然奮怒鬚一乘雷雨
起頷下吐明珠漢使西域歸移栽遍中國不有
釀酒人涼州那可憐

淡軒稿

卷三 五

七言絕

鶴

人間何處有芝田遶海將軍路幾千寧似日陪
鑾鳳侶五雲深處舞蹁躚
皓衣丹頂曳玄裙獨立昂藏迥不群高舉未橫
千里翼長鳴直入九天聞

雉

雙飛戛戛出林間五采文章絢羽翰若使岐山
時一見未應不作鳳凰看

雙眠雙浴復雙飛文采輝煌錦出機不是性剛
能束節未應繪上象龍衣

金縷采眠煥情穢終日臨流影自窺舉世但知
文可愛一心猶介有誰知

鷹

爪翅凌霜志氣豪金眸百里見秋毫山中狡兔
無遺類當道豺狼莫爾逃

解降直上五雲深碧漢飛騰隘上林此日將軍
初罷行閑未倒底逐飛禽

淡軒稿

卷

鷺

池塘水滿柳垂陰留得雙鷺伴醉吟不是主人
耽愛惜石軍書法已無今

柳塘泛渚復眠沙雪羽霜翎玉不瑕引頸長鳴
知自適相隨喜入石軍家

雙鵲圖

星稀月皎倦南飛銀漢橋成路轉微穩占萬年
枝上宿不煩三匝嘆無依

鷓鴣圖

苦竹叢深路不分聲聲相應隔湘雲別來忽向
圖中見彷彿江南曲裡聞

衡宇寶壺

門對壺山絕四隣暫分風月伴吟身寶他時斷
壺中境界莫忘當年舊主賓

草堂吟翠

萬山當戶翠屏張隱几吟來興自長曾似連床
風雨夜夢隨春草到池塘

鳳嶺巢雲

淡軒稿 卷

鳳山一室白雲深門徑綢繆香莫尋一旦從前
因作雨誰言出岫本無心

梅窓映雪

六花積素映晴光展卷梅邊夜正長莫道孫窓
今寂寞程門遙見立游楊

蘭江別意

蘭江景物不禁秋况復江頭送別舟客路無窮
人北去離情不盡水東流

采石懷古

江上何年已跨鯨荒墳宿草幾回青沉波捉月
非因醉欲往湘江吊耿醒

匡廬翠黛

千尋翠壁倚天開一道飛泉樹杪來詩景滿懷
吟不盡今人空憶謫仙才

江漢朝宗

一水沅沔通朝宗大海自趨東孤舟北上
觀光客憑闕丹心一片同

洞庭春色

淡軒稿 卷

東風開霽洞庭春萬頃澄波一色新湖底魚龍
初變化喜來桃浪躍天津

彭澤秋容

客帆晚度陶彭澤兩岸葉聲寒瑟瑟當年五柳
半為薪謀與蘆花作秋色

赤壁夜月

東山月出一天秋萬籟沉：水自流吹徹洞簫
人不見一聲白鶴掠孤舟

黃鶴遺風

偶於樓上讀遺文鸚鵡洲荒日易曉黃鶴不歸
仙子去空留陳跡鎖寒雲

愛桃

昨見桃花滿樹開今朝零落委蒼苔玄都景物
須臾事誤却劉郎又再來

愛蓮

太極圖窮混沌先光風霽月興無邊翠交庭草
皆生意靜向池前說愛蓮

愛菊

淡軒稿

卷三 九

草荒三逕始言還採菊東籬意自閑曾次悠然
天地外忘言相對有南山

愛梅

梅花深處靜揮毫香影詩稱百世豪若使調元
歸鵬鶴孤山應與傳巖高

五馬出遊

自古明君戒逸遊省方一出爲民憂弟兄友愛
雖堪樂他日荒淫信有由

沉醉扶歸五馬遲宴開花萼重連枝若能友愛

如周且豈患漁陽動鼓鞀

右軍

范露青深墨沼波寫成道德五千多也和揮酒
窮昏旦未信當年博一驚

序製蘭亭筆入神寫成道德興元新當時若使
同環愛也作胎陵地下塵

淵明像

一力難扶骨運遙折腰寧似賦歸田南山相對
忘言處松蘿深中別有天

淡軒稿

卷

宋徽宗畫

瑞本堂開罷同安說將膚思寄毫端觀成五色
文林算破銀塘碧玉盤

瘦碧輕紅染未乾那知無夢到金鸞金元一百
餘年事此日分明畫裡看

歌

壽星圖歌有序

忘云雅北有大星云南極老人星常以秋分之
旦見於南丁見之則主壽昌天下安寧賢士進

用故古人慶時明盛則壽星呈其瑞甫尹劉侯
今年三十又七由國子監學錄外任連州判簿
旋以最績授太平縣丞洊陞邑令其撫字吾苗
能宣布皇仁周斯民於壽域而屬之圖焉作歌
于上以祝其壽其善於所禱也與歌曰

皇明壽域開八荒仁澤涵煦何汪洋民無疾癘
家室康綢繆和氣薰等蒼老人薦瑞符南方三
台列宿增祥光

聖皇垂拱御明堂群賢翕集同贊襄我侯奉命

淡軒稿 卷三 士

來青陽陽春百里仁聞彰時維九月歲告穰
禁閑歇奉延張同官頤介壽無疆星圖來獻尤
異常我爲作歌歌侑觴仰熾而昌壽而臧歌壽
昌兮頌我皇我皇明聖臣忠良綿七遐祚天與
長萬方熙皞樂黃堂

三衢處士鄭先生挽歌

先生族聚三衢裏鄭公之鄉君子里慶澤相承
幾百年合族同居二千指兩制咸稱禮義門一
門和氣如春溫墳篋迭奏樂昆季詩禮趨庭齊

子孫貲產由來傑鄉邑長者高風人共識貧家
負稅仰代輸凶歲倒囊徧周急時遭乖戾瘟疫
興幾家死病時相仍市藥買棺躬視殮不辭瘴
毒來侵凌亭潭之溪有古渡春漲橫流波縱怒
造成舟楫代興梁病涉之人由坦路禮聘明師
建里塾族孫從曾咸樂育非謀利祿擇賢科欲
以詩書化淳俗篤生賢子白眉良黨還春秋陋
穀梁青雲早折騰官桂白簡秋飛烏府霜養陳
三鼎樂餘年童顏皓髮霜滿顙正擬鸞封降雙
闕俄驚蝶夢歸重泉少微黯淡夜無色春杵寥
寥閭巷泣訃音遠報
日邊來孤子奔役走匍匐發潛鉅筆托史遷深
刊真石垂千年我歌滌露奇涼恨臨箋不覺雙
淚連

賦

峯山草堂賦

峯山草堂甫判薄唐侯讀書之所也侯隱約其
中若將終身適用知者以賢良方正薦來治茲

邑能以所讀書施之於政事百里之內民皆翕然順化侯於政暇輒與舊書相親慨然堂廡不可即因繪爲圖以寓故鄉之思某敬爲之賦也

曰

浙山水之明秀兮形勝異常勢蜿蜒而磅礴兮馬驟鸞翔鬱峰山之峻嶸兮突起武康鍾造化之神秀兮儲靈發祥帶苕川諸流兮惟水泱泱聳喬林之蔚鬱兮上摩穹蒼簇華屋以居兮鱗次蜂房挺入雲之甲第兮巨族惟唐昔鳴珂之

淡軒稿

卷三 圭

里兮君子之鄉因居第之隙兮構此章堂匪飭其棟兮匪彫其梁誅茅代瓦兮墾土爲牆外所植者松竹交翠兮蘭桂競芳池蓮夏吐兮離菊秋香中所聚者牙籤玉軸兮紺帙縹囊左圖書史兮積案盈箱倚後人兮金玉其相聞達不求兮晦迹深藏承家學之源委兮世澤深長下重子之帷兮踞六籍之浩穰迺孟之高深兮以程周爲梯航陋蟻螢與蠶壁兮匪居匪處蘭膏以繼晷兮韓檠夜張雜絲竹之韻兮香伊與

琅學積厥躬兮聲譽彌彰遺世運之泰兮大運之昌大張禮羅兮以網俊良應謁刻而起兮大親

聖皇試諸內廷兮吐錦繡之肝腸司民社之寄兮未治胥陽愛民如子兮視民如傷復民於禮義兮勸民以耕桑蓋能循所學兮以爲爲政之方窮經致用兮素志以養仕優而學全儼舊書之在旁既草堂於故里兮夢寐無忘（憶湖荆榛兮白鹿跡荒道垂於後兮千載有光惟峯山

淡軒稿

卷

之草堂兮可以同令名於無疆

遠軒先生文集卷第四

廣岳州府同知孫希範刻于岳陽公署

南京大理寺左寺正曾孫炳章重刻于金

陵公署

雜著

宋三甥字說

余妹夫汝陽司訓宋君景履有三丈夫子長農仲牧季謙司訓君命之名也又嘗援陶翁字子例字農以汝勤字牧以汝謙字謙以汝高矣述

淡軒稿

卷四 一

者致書余曰古人父不教子惟先生舅也敢請為說以訓戒之俾知所以成人之道焉余惟書曰若農服田力穡乃有秋管子人生在勤則不墮夫農於耕士於學其於勤一耳汝父命名字之意必其俛焉務舍若農之力於耕也懇焉去惡若農之力於耘也毋為幽莽母為滅裂則晨之道得矣汝勤其慎之易曰謙君子卑以自牧夫易為卦六十有四惟謙卦六爻皆吉傳曰天以下而光明地以卑而上行謙亨汝知汝

淡軒稿

卷四 二

父命名命字之意必其恭以持已遜以下人勿虛而為盈勿約而為泰則牧之德進矣汝謙其慎之謙者樓之別名漢書謂門上為高樓以望者曰謙莊子有曰麗譙謂華麗譙屹盆取崇高觀遠之義耳汝知汝父命名命字之意必其善以崇德明以廣視勿安於隘勿蔽於淺近則謙之義明矣汝高其慎之噫三甥者競與聯輝幼知嗜學余素所期待者農今冠矣牧與謙勉亦有日余因其請並為說諄諄訓之遂忘形穢而不覺珠玉之在側也尚以是訓質於司訓君未知其當意否

鄭氏三子字說

南雄郡守鄭君丈夫子三人長曰復陽次復南次復泰君致仕歸將謀為冕子冠問字於予予曰昔蘇老泉自為名說訓其軾轍二子子謹所教遂以文章與老泉齊名故三蘇之名振耀於百世君盍為名說以訓之乎君曰古者父下教子惟吾子不斯為說字之責以成人之道與

大之教也予時逼北上未及爲抵京之明年圖復陽已冠且進學郡庠矣始以行代名尚未有字予曰是予有所諾矣因考之於書陽者天地生物之功於人爲仁故字陽以仁卿南者文明之方於時爲夏故字南以明卿泰者通也廣也安舒也體之舒泰者誠意之驗也故字泰以誠卿陽也其體天地生物之心因在我固有之理自親而推之以仁民自仁民而推之以愛物則仁之爲教得矣南也遺

淡軒稿

卷四 三

文明之世必明其本明之德以造高大光明之域以囿乎聖朝文明之化則明之爲教盡矣泰也必慎其獨知以致於自懾故心無愧怍則廣大寬平而體常舒泰矣豈有意未誠而能舒泰者乎是道也爲終身規非爲成人之責而已耳雖然賓師之命字言教也以言教者丁寧於頃刻之間其教爲易忘以身教者薰陶於歲月之久其教爲有素嚴翁南雄君忠信脩於身孝弟行於家仁愛及於民學行惇篤之君子也三子

者曰侍左右得於薰陶漸染也久矣尚其因成人之字日進其學日修其德以繼志尚賢自期不負厥翁顯名於當時俾人人皆曰是父之子則予之命字亦與有光焉三子者交相勗誥三蘊不得專美於昔

趙黼時慶字說

趙黼黼並日將冠其大父良齋翁以時慶字之且求余爲之說余稽載芟之詩有曰綿綿其黼又曰匪今斯今釋者謂黼黼苗閭草也匪今斯

淡軒稿

卷四 四

今言非獨今時有此豈年之慶也翁之命字蓋取諸詩云余殆以爲說也然余嘗即治田之事觀之有溝洫以修蓄洩有堤堰以蓄衡冒地利矣矣而陽時若早潦無虞天時和矣其時之也深其種之也時時耘之之功不歇則後麥日滋茶麥日揚其爲兩熟也甚矣而何在其看鹿充實可以供祀事洽百禮而爲豐年之慶也哉則豐年之慶之所自其於德之功之功之功小矣上士可以喻農田可以喻學黼士而志於

學者也生長閭閻之胃高規曾矩學則地利也
道達

聖明之世崇儒右文譬則天時也濟之以仁義
之源閭之以詩書之澤來時而出思所以立身
行道以顯厥親以充厥宗則在作樞密天畀而
獨備而松栢而復其履豐年之慶也必矣樞密
從鄉貢進士某授詩經師友淵源蓋有自余
學荒才謏無以為說也頓禰母慈厥恩母廢厥
學則業之所就亦可量也苟惟自芥誠恐是下

淡軒稿 卷

則難運世人似勇之機樞其勉諸

魯源字說

余從兄年幾四十始得美璋之慶喜謂余曰夫
男子生必志於學學必宗於洙泗同名之曰洙
余領薦上春官時洙始八里塾秀爽可愛發余
歸有子家洙已著錄群序習書經以攻舉子業
禮度謹飭為天頗通於義心竊喜之余將止上
從兄又謂余曰筆目將為洙加冠竊字之以魯
源子為我釋其義以訓之夫洙水名也發源於

不息可以喻進學之有漸明道體之無窮
一也顏曾思孟濬其流者也周程張朱揚其波
者也千萬世之下經生士子有志於學以求聖
之道者苟不沿波邇流以達洙泗之源委其
至於他岐之惑也鮮矣洙也幼入小學習子
泗掃應對進退之節禮樂射御書數之文則宗
於朱氏之教歟長入大學明乎格致誠正節孝

淡軒稿 卷四 六

治平之道則宗於曾子之教歟夫曾朱二子之
學皆宗於魯洙泗流派之正者也洙之所學可
謂能沿曾朱之流派以邇洙泗之源委者矣今
已成入矣入學亦有年矣蓋仕將有日矣俾治
於入者必本備於已者惜之則無負於聖賢之
學而命名命字亦無負矣洙其勉諸

約肆軒稿

其肆懼其流於曠蕩也問求求于書其名扁

之意予爲之箴曰安肆日偷君子所戒莊敬自持罔敢或懈肆苟不防曠蕩是歸檢之束之規矩無違言失之肆先捫其舌彼行或肆必至顛蹶賢哉伊人約肆名軒念茲在茲永矢勿諼

慎齋箴并序

清漳顏士堅氏名其所居曰慎齋文人韻士爲發其義也詳且切矣士堅復囑吾友鄭君某索予題竊意士堅所慎者蓋欲得其要也昔程夫子之論天德王道曰其要只在謹獨

淡軒稿 卷四 七

余故特爲慎獨箴以告之不知果當士堅之意否歟

惟天之道於穆不已四德循環曰惟誠耳惟聖法天終日乾乾純亦不已自然而然人稟天賦厥初不異智愚之分格於形氣情隨物遷理爲欲蔽惟聖希天惟士希賢自脩之道誠意爲先誠意爲何在慎獨焉隱微之間念慮之發理欲二途時焉省察天理以存人欲斯過勿謂幽暗人孰我窺勿謂微密人孰我知未形者跡已動

者幾十日所視十手所指恐懼戰兢臨深薄復爲善去惡務慊於己意既誠矣中心浩然內德不萌外物不牽馴致其極亦純乎天正心脩身齊家治國天德王道要在慎獨我爲爾箴爾宜三復

集義軒銘有序

安成劉君求相隱君子也家居以孝友稱又能推之於鄉族朋友無適而不宜也其從兄侍講公名其軒曰集義蓋謂古之人所以養

淡軒稿 卷四 八

浩然之氣者乃由集義始欲其由孝弟之道擴而充之俾事之皆合義則心無愧怍其爲氣也配義與道充塞天地無間而爲聖賢之歸矣噫富哉集義之言乎因爲之銘

人受天地萬理具焉克塞無間正氣浩然氣失所養利誘欲牽歛焉而餒以躓以騫彼美君子集義乾心惟有孝友躬行所先宗族睦鄰黨稱賢非義弗復非義弗言厥初用復體充氣完氣配道義理純于天爰書集義式名斯軒念茲

在茲永矢勿謬

瑞瓜銘

洪武癸丑夏六月旬客民張觀之圃有嘉瓜
產焉二實並蒂形色異常世所罕見之瑞也
觀不敢私遂告之邑輒以獻之於朝

高皇帝曰草木之祥生於土亦惟其土之人應
之於朕何預乃御製贊出內帑以表觀之誠
翼日薦于

祖廟暨

淡軒稿 卷四 九

宣帝又採其事入五倫書以垂不朽觀之孫監
察御史諫敬作卷以紀之于以昭

國恩揚祖德也夫惟萬物之生皆囿天地之氣
氣之盛者則所生之物必異於常若靈芝瑞
麥嘉禾嘉瓜是已周雅綿綿瓜瓞之詠美周
家子孫之盛大也噫瓜之瑞固本乎天地之
和氣天地之和氣實聖德之所感也然不生
於遠荒而生於畿內不生於公卿之家而生
於張氏之圃豈是偶然乎哉其兆瑞於子孫

者聖德餘澤之所霑也文敬述其事為之銘

曰欽惟

聖朝君臣同德仁陶義薰和氣充塞畿民樊圃
嘉祥兆先異瓜雙秀合跂歧顛民不自有敢
以

上獻

聖德謐冲農功是勸既製以贊復賚以饒爰命
太廟薦瑞告虔周有嘉禾漢有瑞麥農圃致祥
世所罕得粵稽詩雅瓜瓞綿綿美周後嗣愈

淡軒稿 卷

遠愈傳於皇我

皇子孫千億穆穆皇皇建中建極俯視張氏亦
育子孫子濟壽域孫居諫垣子子孫孫承承
繼繼興我成休不顯亦世

猶相札圖銘有序

猶相札圖者為閔憲金華王公作也公解官
猶乳明旦憲堂西亦有猶札而母死馬子伊伊
夫所恃其猶聞之走往之視若哀其孤為移置
其棲均之乳若不知為他子然識者異之憲金

公爲序其事
家備亦有此
美公治獄恒以求生爲心秉憲尤以威強
爲仁旌節所臨人皆以有脚陽春日之其
氣藹乎一心惠澤霑於八郡凡有生之類莫
不其仁焉矧其家之所畜之感乎誠與北平
一仁心之所感召也因爲之銘曰仁馴
信及豚魚稽經據史厥事匪虛堂以憲食
學邇淵源志存忠厚昔司河教飲恤
淡軒稿 卷四

淇園書舍銘有序
淇園書舍漳衛指揮夏公講讀之所也
閱之胄少嗜學嘗構屋數楹於居第北
窗數千卷侍養之暇延明師邀以講

武公以進其學以成其德因名淇園書舍
元景泰林先生嘗爲之記縉紳善吟者皆有
詩梓成一卷仍圖書舍於其首一日袖以求
予題彼世祿之子孫習於侈驕而由禮者鮮
今公安淡薄親儒碩樂詩書古所謂將之儒
者也其衛公之徒歟因作淇園書舍圖銘以
美之銘曰

瞻彼淇園有宅一區渠其屋君子攸居中積
維何維詩維書外植維何綠竹猗猗書以進情

竹以比德座有鴻儒門無俗客衛美武公詩歌
淇園我銘厥居衛風是續

思政齋銘

別駕丘侯倅莆郡幾兩考矣惟以平易近民
爲政無宿怨無暴怒事雖出於倉卒者亦必
熟思而後行之故政皆無失民多沐其惠焉
侯扁其退居之齋曰思政予爲之銘曰

惟心之官以思爲職思則得之反是則失惟役
之司親民其責政之臧否民以休戚別茲莆郡

民勞地瘠寒欲我衣饑欲我食疆欲我鋤弱欲我植一苟弗思政惡乎立猗歟丘侯有學有識柔以制剛簡以理劇仁以恤民動以樹績思政名齋以休以息心和氣平忿懲慾室沈潜几杖展轉枕席思之如何豈徒無益事與理俱心與理一理也既得行之益力以安群黎以表三邑惟昔周公夾輔王室思兼三王夜以繼日一宜於民維行是急忠在朝廷功存社稷勗哉丘侯周公是式

淡軒稿 卷四 主

三省詞

靖安邑簿胡某嘗得太常卿黃養正先生爲書三省二大字遂裝演爲軸日掛堂壁間益欲視之以自警耳予嘉其知用心於內故爲之詞曰

緊昔曾子聖門大賢四科所列莫或之先所守者約動求諸已日省厥躬三者而已三者伊何傳習之功交友之信爲謀之忠忠必盡已信必以實不習其傳於師奚益造次顛沛無時不然

一貫之唯道卒以傳希聖者賢希賢者士若人希曾三省是事鉅軸大觀日鑒于前反身脩德寡過省愆唯我常人匪直三者隨事省察其庶幾也

黃生綽字辭

予姻家黃君體立名其冢子曰綽益取先儒釋詩中綽爲開大之義也年甫二十卜以是臘二十日爲三加冠將責以成人之道請于字之予字生以紹大既繹其義又告之以辭

淡軒稿 卷四 主

是日也命擴者宣是辭以告之生苟因子所告追考是詩求武公所以自警者勵其學而脩其德其於成人之道乎何有生其勗諸尚圖毋忝命名命字之意云

猗黃嚴君以綽名生生年及冠學已有成請予爲字式更其名惟綽之義開大是釋既綽且寬若無檢飭寬廣自如和易中節動容周旋率履不越昔衛武公年既踰耄德器早成老猶悔過現成是從禮節自蹈辱聖武公聖域深造賢哉

八戶忠孝既盡元宗顯親月一嘉
已爰加爾冠爰命爾字復告以辭
八之道端在於是

脩耳林公像贊

鵠乎其春溫儀儼乎其山立文炳乎其外彪
粹乎其中積其權科也有光乎梨嶺之蜚聲
記民也克續乎端州之偉績孝哉九牧之賢
仍允矣宗族之所儀式

淡軒稿

卷四 主

周庶子先生像贊

手問學聖隨道暇經乎詞賦玉珮瓊瑤確
操歲寒松栢瑩乎精神秋水芙蓉乘風雲
浪奮頭角於

衡石室細書直筆迥追班馬經帷進講忠言
忝程朱入黃扉未執

中之政記王樓忽膺天上之書惜乎方之所
未盡展學之所蘊者未盡敷感讀遺文

而後學瞻遺像足以敦薄夫者

潮陽理官翁君畫像贊

端莊肅穆儼乎其容和厚易直廓乎其淵乎
具學之懿盡乎其德之充其清也瑩乎秋空之
月其介也凜乎歲寒之松明五刑以列教欽哉
惟此出片言以折獄明生於公惠澤均霑於人
郡仁敷遠播於九重猗若人也其立心制行卓
有古于氏之風者歟

莆郡吳推官贊

淡軒稿

卷四 主

粹乎其質金玉其相富乎其文錦綉其彪
乎宣尼筆削之旨秀出乎昌黎過化之鄉早魁
鄉榜出贊黃堂政尚公明夢靈臺之秋月
歛恤鵠生意於春陽噫昔蘓子容之於
忠獻之於開封豈惟一郡咨以匡弼其
而大擢以密勿於

林御史畫像贊

質粹外和內剛學宗古哲教承

大造而登黃甲東憲節以肅堂綱心望乎冰壺
霽月威凜乎烈日秋霜抗直言而權戚不避踐
直道而顛沛弗忘此所以能銖視軒冕而甘韋
布以老故鄉

致政鄭公贊

胃襟坦夷儀容肅穆 紹南胡才優入幕不早
八品之官不辭五斗之祿去六袞而仕不以爲
連甫一考而還不以爲速是蓋能以義命自安
而不以貧富爲憂樂者歟

淡軒稿 卷

栢臺記瑞詩引

栢臺記瑞之詩喜雪而作也蓋天地積陰溫則
爲雨寒則爲雪雪者五穀之精也西北人諺曰
要宜參見三白三白爲豐年之兆閩夷瘴之方
地氣常溫暖故雨多而雪罕見月閩有雪則道
理入地豐稔可期毒害消弭瘴厲不作其爲瑞
也莫大焉是烏可以無記哉

皇上御極之明年改元成化元日立春是日也
天色精明和氣嘘暖人心悅豫異日而始焉霏

微或作或止殆將彌旬有潤澤之益無涸竭之
虞已而寒威凜冽地氣嚴凝忽焉雨變而爲
蕭蕭瑟瑟自夕達旦乃止山川田野積表

瓊瑤一色土膏起而生意勃興殆與詩
之益之以霏霖者同一優渥沾足

是農民歡喜私相告曰是雪也吾老
公今日其兆而必有所自皆舉手相慶

而溢一聞之而中按閣監察御史
之甚一聞人喜賦詩二首以紀瑞翼曰

淡軒稿 卷四

臣朝紳諸君子日率諸行臺謝恩

頌和之致政方伯公粹爲一帙題曰

瑞走書命予和予拙於詠賦矧陽春白

公知公知可以賦述六事以引諸作

八人之一端以理之也蓋人心順於下

心順於上所以致瑞者以此洪惟

臣朝聖聖繼作

皇上承重熙累洽之運屢下寬恤之詔誕敷

蕩之恩而公之按閣善體

皇上愛民之心德足以循吏政仁是
威足以祛奸暴明足以直冤抑濱海
鼓舞和氣克溢所以感天心至瑞雪
豈無所自云昔蘇子守扶風得雨
不自以為功而歸功於造化公
詩以紀瑞不自以為功而歸功於
廷皆可書也因併書於終篇為紀
樂穠珠玉難道讀者之嘖

林樞人挽詩引

淡軒稿 卷四 九

右宗鉅閱其傳既遠遭中微之後
至於復其始者山馬故天必為之生
一配以德輔德上以孝承宗祀下以
承先業以成其君子復始之志故曰配
萬福之源予於柯處上林樞人信之矣
離水之王湖入唐九牧後也幼讀書風
父母賢之擇所宜配以歸處士處士求
由學士之遠孫性至孝遭家中艱既志
先業祖攸行守以居斯積善以流

賢子孫也樞人善承順其志孝事舅姑相先
祀儉勤以致羨餘於是田廬年者復之祠墓祀
者脩之族人舊廬敝者為葺之諸姪幼孤者撫
海之冠婚之均產業以分之凡處士志之所欲
為者莫不助而成之處士尤篤義方之教子孫
甫成重即遣入里塾讀書習禮節長孫潛弱冠
遭許邑庠攻舉子業期致用於時樞人以嚴為
慈自里塾歸者必偕其勤怠而勸微之於邑庠
歸者必以勵志問學以振先業為戒潛素泰平

淡軒稿 卷

廷封賜及第第一人拜翰林脩撰是雖先世之
慶澤處士之義方所以助而成之者實樞人力
也所謂萬福之原者非歟樞人是歲冬十二月
卒計報潛朝夕哀哭追慕精神之交潛有慕樞
人之賢咸作詩挽之既葬成快囑予引夫挽詩
哀而作也有鄉戚僚友平生相交識而哀之
者有地之相若也遠聞其風慕其賢而哀之者
其交識而哀之者感以情也聞風慕賢而哀之

者感以德也情寓於一時德可傳於後世今觀
諸神仲阮儒人之作多詳其德蓋可傳於後
世者也柯後半之子孫述祖德者尚於是而考
焉儒人與予同出得聞其德之詳改撰其可纂
之大者書於群玉之石

書贈太師奎公忠貞卷後

贈太師謚忠貞奎公義為洪熙初少師兼吏部
尚書仁宗皇帝賜忠貞之印降初以褒之蓋追
念 監國時公兼詹事宣輔道之功反 嗣位

淡軒稿 卷

贊夏以正道歷二十餘年夷險一節

玉音褒獎意甚懇切又欲其子孫保之於無窮
也公敬錄是

初為卷太師文敏楊公榮識于後矣公之子尚
寶卿英復求題臣惟君臣相遇自古為難必其

上有

聖明之君下有忠良之臣一心相孚君以臣為
腹心臣敬君如父母天地此上下交泰之時也
臣追惟公自進士事

太祖皇帝敬慎小心

太宗皇帝入繼太統益見信任

命太子監國時特

命公輔導以公忠實也

宣宗皇帝嗣位凡國政皆與謀決尋以公年高
不欲煩之以庶政專以弘化為職所以待公益

厚矣

今上嗣位之五日公卒加其贈謚官其子尚寶
勅所謂與國戚休信與公歷事

淡軒稿 卷四 三

五朝崇哀始終公所以得此者蓋公以故事君
以義殉國耳為公之子孫尚其念公之勤勞幸
情厥德所以保守之道良在於斯臣奉讀再四
謹書于卷末云

書懷二都賦卷後

右懷二都賦太常少卿姚江陳先生弱冠侍父
遊宦時所作也藁成未嘗以示諸人藏之書篋
中於今餘二十年矣此者家嗣禮科給事中嘉
猷丁內艱守制于家搜得舊藁以嘉其重錄之

裴黃為卷將以示諸子孫於永久屬予書卷後
予彼讀再四輒然其凌雲之氣也鏗然其擲地
之聲也撫然其忠孝之意也為之嘆服不已噫
昔之善作賦者多矣有構思十年而成者有八
丈千而八韻成者蓋其才之敏鈍也吾祖父軒
公嘗曰司馬相如賦之聖者蓋由胸中自在流
出雖鑒竭他人氣力為之終不能反然則先生
之賦作於弱冠頃焉而成是亦自在流出也予
聞左思賦成嘗以示張華張華曰君文本重於

淡軒稿 卷

世宜以經為名之士思乃謂於皇甫謐謐見之
嗟嘆遂為作序由是能文士莫不欽衽稱美相
傳誦焉先生尚求如謐者序之則都下必為之
紙貴匪直傳於子孫而已

書留耕耕春雨圖卷後

留耕山名予族父南康太守士敏公笑親之域
在焉春雨者感雨露既濡履之而興休陽之情
也繪為圖者蓋欲時為展玩以繫終身之思也
是卷也圖之者吾前壽溪顧公士良也序之者

翰林學士廬陵解公縉 天台楊公觀也銘之

卷一 留耕安錢公罕也記之者淮南石公光霽

以者則有清州嘉士蕭公尚仁等十八其

海湧雲鏗金戛玉不惟述其山水環抱

之茂而已其感慕怨哀之情隱然於

之讀之足以興其不忘之思耳公

國學為郎中為少卿為郡守隨地

以隨朝夕放玩於蘋藻之興未嘗

於心於親之音容未嘗不若見於羹臠

淡軒稿 卷四

新語示慕者歟夫墓者親之體魄之所

者親之枝也公自幼推至於成手不

不脫自保、敢少有虧其行傷其體以辱

士、謂全歸者歟是卷其所益不少公沒

也一不既拱其冢子邑博勤珍藏愛護不

慨一澤之如存抑且思其親之所思以致

之孝焉公商山唐福唐尉橫公後橫公名

公貢上成墳壙於墳側感甘露白鳥之祥

孝子公之父子所以能嗣其孝者益有

詩曰孝子不匱永錫爾類爲嗣人者尚其引之
勿替

淡軒先生文集卷四終

淡軒稿

卷四
荃

淡軒先生文集卷五

湖廣岳州府同知 孫希範刻于岳陽公署
南京大理寺左寺正 孫炳章重刻于金陵公署

序

紅泉講道序

道原於天而具於聖人之經易以通幽明書以紀政事詩以道情性春秋以示法戒禮以正行樂以和心凡道德性命之蘊古今名物之懿皇

淡軒稿

卷

極之所以建彝倫之所以敘心術之所以正皆於是乎賴自吾夫子之刪述願曾思孟之授受六經之道煥然大明如日中天凡有目者皆得而覩焉有志於學者誦其經而究其心則聖人之道不可勝用矣厥後煨燼於秦火薄蝕於漢儒絀夫其明而道亦晦矣至宋周程繼出以續千載不傳之緒六經之道復明於當世而渡流周程中輟張朱末起學者質仁爲俚仁爲無所取正或淪於異端之歸吾族祖四年公深爲此

懼以族子艾軒勵志聖賢之學足為學者宗乃
建義塾於水南之紅泉延艾軒為師歲捐穀千
餘石以贍學者時四方從遊者以數百計卓然
有南夫子之稱其學篤意踐履之實不專於訓
詁之攻究極性命之微不專於科舉之文故及
門之人出而仕者皆能建勲立業為朝之名臣
退而處者皆知迪德蹈義為鄉之善士東南學
者翕然化之此所以為艾軒之教也艾軒去綱
山繼之綱山沒樂軒繼之樂軒沒學正則又繼

淡軒稿

卷五 二

之及門者亦不下百人田回年公從子也皆艾
軒親炙高弟得師友之淵源也吾苗在陳隋鄭
莊露講學於南湖在唐則吾祖蘊藻歐陽詹讀
書於泉山至宋艾軒講道於紅泉由是文風大
振遂有海濱洙泗之稱其盛矣哉夫艾軒固足
為學者宗然非義齋之倡以師道尊之必不輕
於往教則學者亦無所資以取正其不至於離
經畔道流於異端幾希此回年公所以有功於
學者大矣回年之裔孫曰某者明敏嗜學亦深

舊德稱慨慕先世所為為序紅泉講道之
事予惟艾軒之正學回年之義齋東南學者皆
所私淑而景慕者矧其為子若孫者乎尚其心
乃祖之心學艾軒之學以無背無忝云

省耕圖詩序

食者民之天農者食之本而勤者為農之要務
也益勤則穡事成穡事成則衣食足衣食足則
禮義興而風俗美矣農之效所關若是其大歟
然所以省其勤惰而勸懲之者又在乎郡縣之

淡軒稿

卷五 三

吏此知仁和縣事周君省耕圖所由作也杭為
江南一都會且當孔道仁和杭屬縣也臨乎上
者有藩有憲有郡又有巡撫使巡按御史為縣
者日惟送迎奔趨受事庭下有不遑暇食又奚
暇農事之恤哉矧杭之民多業商賈相尚以侈
靡相習以技巧相高以富饒惟事逸末而力本
者少噫臨其上者既鮮勤農之政處乎下者又
薄為農之業故民無私積一遭饑饉義倉所儲
不足以資饑民十一之給其不至於徙死者幾

希此皆不知務農之所致也景泰壬申周君出
宰仁和學足以立身才足以應變仁足以惠民
恭足以事上蒞斯邑將五載慨其民之逐末而
力本者少於政暇出行阡陌以省農事秋官郎
中夏君嘉其重農事力作圖贈之善賦詠者皆
有作適以奏績來京出是圖求予引予曰噫君
之牧民可謂知爲政之本歟古之人以省農而
出匪直勉其治田之時用力之齊而已耳必以
父子之慈孝兄弟之友愛隣里相周相恤之道

淡軒稿

卷五四

以勸之以息其悖教犯義之風以興其謙遜廉
耻之行俾和氣克溢於田里而豐年於斯乎感
召矣爲政之本孰有大於此者君苟有志於此
上之爲大吏者不以奔趨以撓其志下之爲細
民者不汲汲於逐末率盡力於畝畝之中君得
以時行省農之政以致丁寧勸率之意則古之
豳風可復見於今日否則是圖也特玩好之物
是詩也亦空言也雖然古之守令皆畫耕織之
圖於門非獨爲其民勸使爲吏者出入觀覽而

知其本也然則是圖也亦守令之所當有者顧
力行何如耳君名傳字守約湖南春陵人以明
經領正統甲子鄉薦卒業大學學優而仕者歟
篁嶺風木圖序

姑青林君希柱一日謁余於石幢書舍示予以
篁嶺風木圖卷泣而告曰嗟予先君孝慈備至
置田祀先延師教子下以貽燕翼之謀上以盡
報本之禮胡彼蒼之弗慈俾溘然而先逝惟予
小子歲甫十二趨庭之訓未聞負米之勞焉致

淡軒稿

卷五五

尚賴毋慈劬工卯翼晨僅而桑夜燈而續畢我
冠婚以底成立勸我就學訓嚴斷織方圖終養
倏棄朝夕詩所謂欲報之德昊天罔極者矣卜
吉于篁嶺之原莖已二十年于茲慨九原之不
作奄歲月之屢移陟彼丘隴感霜露之凄其載
聆風木徒洒淚而歎歎蘋藻之奠雖數曾如奉
膝下之甘飴昔喪先君子未有知是而知養毋
也亦違今余老矣展省之禮亦已踈于昔時此
余之爲悲其諸異乎人之悲歟因求善繪者繪

馬是圖敢求予一言庶以慰余終身之思余曰
嗚乎人子分形膝下實本一身喘息呼吸氣通
乎親故親之存也承顏順志必致其誠於其沒
也哀痛惻怛必盡其情於其祭也聚精神以感
之必求養我以思成嗟世之爲子者或能致敬
於親之養鮮能致哀於親之喪益終也固人之
所易忽遠也尤人之所易忘甚矣希杜之爲孝
也墓嶺之木已鬱鬱然而抱矣髮上之髮亦皇
皇然而皓矣其思親之心未嘗以老而或情焉

淡軒稿 卷五 六

詩曰永言孝思孝思惟則孟子曰大孝終身慕
余姑取二書之言以慰孝子林君希杜

風木圖序

曩偕計吏上春官道涵江與余姻友黃師贊氏
別其嚴翁樞齋處士具酒止于宿翼日出送數
里然後別余而歸其於篝燈對床之語臨歧把
袂之言懇懇惟以忠孝相勉雖富者百金之贈
其利之溥莫是過也余拳拳服膺不忘在橋門
時欲致書以謝慚所學者未克副其所望故不

果暨余入官翰林聞處士已下世矣得訃爲之
痛悼不已又聞師贊欲得余文以銘處士墓余
心諾之但世次行實未得其詳故久未克爲而
處士已葬矣去秋余省親歸重過舊館門巷如
昨處士邇不可即追感誨言不覺潸然淚下每
欲以炙鷄絮酒往酹墓下奈奔馳人事未克酬
所願此心恒怏怏耳一日師贊持風木圖求序
余展而觀之丘隴松楸宛然在目恍若致身於
墟墓之間因謂師贊曰子益感臯魚欲養不逮

淡軒稿 卷五 七

之思故作是圖以寓孝思於不忘歟夫身者親
之枝也墓者親之體魄所藏也人子之於親之
歿也無時無處而不致其思焉非必陟丘隴目
松楸然後有以發其思耳是故道而不徑舟而
不逆一舉足不敢忘乎親也忿言不出惡言不
入一發言不敢忘乎親也能脩慎恐辱亦可謂
善思乎親者矣然思親莫大於顯親顯親莫大
於立身忠也孝也立身之要也處士志存忠孝
雖未嘗施諸有政以行其志然所以教於家者

無非忠孝之道足爲子孫立身謀余追念臨別之語尚未嘗一日忘稔過庭之訓者久其可忘乎必當思踐其言以成其志俾人人皆曰處士有子則所思者風水云乎哉余許劍之心惓惓於處士也久矣遂因予之求述此以告且以寫余悵悵之私云

琴逸軒序

饒之浮梁黃生秉琛沭陽司訓戴先生之鄉戚也以予於先生雅厚謁予懇懇而請曰生嘗聞

淡軒稿

卷五 八

一軒於居室東奉親之退坐其中惟讀書是事書餘則取琴而援之作古操一二開闢官商不素疾徐有節冷然敲雪澗之水鏗然擊霜天之聲令人襟宇澹然而澄徹怡然而和暢亦一時趣之適也曰名其軒曰琴逸適客江湖久矣每於良霄月明白晝風清其身雖客而其心未嘗不寤寐於軒中茲將歸故里以適疇昔之趣敢求一言序之予曰古者教成於樂益徵律歌咏抑揚感發使之消融查滓動盪其血脉流通其

精神千以養其中和之氣而成其中正之德琴之爲教大矣琴樂音之最清者絃象五行徵象十二月方員象天地廣狹象所尊卑以備身理性以反其真者也琴之爲教又非衆樂之比故君子無故不徹焉主是歸也坐二親於堂上列群弟於左右取琴而撫之辟其邪僻急憤之氣調其和平淳雅之音殆見父母之心以樂兄弟之情以怡是不惟教成於己而且教成於家矣且古天子賤以琴治邑趙清憲以琴治郡大舜

淡軒稿

卷

以琴治天下琴乎琴乎其軒中一時之適乎

瑞參序

莆郡厚司訓仙居趙先生以瑞一日謁予曰仙居濱海邑也地廣而廬蔽恒歎正統戊午春宜興倪侯未長是邑越明年夏參大熟一莖二穗三穗者不可以一二本許邑民皆以爲長民者德政所致遂相率爲詩歌以爲豐年之慶以效昔漁陽人之頌張堪走以薄宦遠方不能矢詩歌贊什未敢丐吾子一言以記之庶以彰侯之

德政且以致走千里之賀忱耳余曰倪侯行何德政而致然歟頌聞其詳先生曰侯以國學上舍生用廷臣薦求宰吾邑務學重農深恤民隱寬以禦強暴而強暴化仁以撫孤弱而孤弱寧慈嘆之殷轉而謳歌爭競之風變而禮讓官和於政吏和於事民和於家農和於野商賈和於市百里之內藹然一和氣之所克故能上格天心而雨暘若下及植物而瑞麥產余曰噫侯之所以致茲瑞者益有遺歟古所謂和氣致祥信

淡軒稿

卷五 十

不誣矣是宜紀諸太史氏以爲後世長民者勸豈特今日詩歌云乎哉愧余於侯固未嘗荆識朕親茲豐年之應質諸先生之言則侯之德政所以和民心而感天心者從可知矣雖然靡不有初鮮克有終古人之大戒也余頌侯亂今而往勿以邑已治而滿厥志勿以政已成而怠於心宜視民如傷恒存頤治而未之能之心吾知德愈隆位愈尊業愈廣和氣之召必不止是則侯之一身當爲國家之瑞矣今日一麥之瑞豈

是爲侯多哉

寒江釣雪序

予歸省客有賢而隱者特寒江釣雪圖屬予序予詰之曰耕牧樵漁皆古人所託以隱者子獨隱於漁何哉客曰具禾耜事畝畝深耕易耨則倉廩以寔農可業矣然早潦或虞焉操斧斤入山林晨往夕歸則薪爨以富樵可業矣然豺虎或觸焉荷簑笠執鞭繩三百維群九十其惇富哉牧乎然牧之不適其性則有善觸善耗之患皆

淡軒稿

卷五 十

非吾所樂也漁之所得多則可饋賓友少則持易一醉雖無三者之利亦無三者之憂故吾樂爲之耳予曰風雨雪月皆可漁也子奚獨樂於雪乎夫魚風則躍浪而起雨則乘流而下月則吸露而出斯時也一舉網纖巨無遺矣至若嚴冬大雪植者僵飛者絕溪澗凍而不流絲綸膠而不收彼游而沫者皆深藏密匿以避沍寒魚惡可得客曰吾非利於漁者第所居距江半里許每歲晏江空輒棹小艇而出垂釣而坐頃焉

同雲彌布滕六滿空綏綏而下璀璨而集溪
幻而瓊瑤升木變而珎琪汚濁化而潔白矣於
是乎投竿而起推蓬四顧不知與戚逼人但見
凝華奪目雖策蹇驅迴剡棹舉不足以喻其興
之適且清白之操又有契吾之心顧吾雖不得
魚而所得於中者莫大焉予曰然則子之所志
超乎物之外也彼衆人之所趣者子則否之衆
人以爲迂者子則樂爲之斯圖也其寓意深矣
然予抑有聞焉昔姜望嚴光皆隱於漁者也一

淡軒稿

卷五 三

則聘而起以爵業顯於周一則聘而不起以風
節高於漢二者子將奚擇客笑而不答予因書
所問答者以序于上方客吳姓名某字時俊西
湖宦族也其兄時行廣州別駕弟時望海州學
正云

養志堂詩序

養志堂者水南盧君守道奉母之堂也守道用
知者以邑庠司訓薦將別母去而受命于朝矣
其友繪圖爲卷既請致仕負外陳公記又各賦

詩爲贈益式迨其歸以慰母之思也詩既成什
屬余引昔曾子養曾有酒肉將徹必請所與問
有餘必曰有恐親更有所與也孟子曰若曾子
可謂養志者矣守道用是名堂益志乎曾子之
孝也大哉曾子之孝乎凡所以養志者無不盡
其道焉匪直飲食一事而已耳故曰事親若曾
子可也夫父母之志孰不欲其子之賢也然知
所以教者爲辭欲其子學之成則斷織以勸者
孟母也欲其子之勤則和膽以助者柳母也欲

淡軒稿

卷五 三

其子之忠則倚門而望者賈母也欲其子之親
賢則截髮延賓者陶母也之數母之爲教者皆
廬母所志也毋海寧令質中先生之配先生敦
古道凡修其身施於家施於官者足以表世勵
俗矧其閭閻之內得於儀刑者乎此母所以善
教善者有自守道年十三侍先生於宦所周旋
左右內外以孝稱者無間言其所以養志者記
之言詳矣今爲一邑師範風俗之淳澆闢焉人
才之賢否係焉尚其承順毋志以古賢母之所

者推之以淑於人俾出其門 能爲之
思爲廉之歸則母之志慰矣是不惟養志之
至彭而母教之賢由是聞於天下傳於後世
此固守道之素志其友之所期待者予因其請
而先發之以爲群玉導母黃氏壽七十有子三
人最即守道次同季某同學行如其兄領鄉薦
上春官云

壽溪四景詩序

山水窟宅也而景之最深者惟壽溪焉溪之

淡軒稿

卷五 古

二夷曠幽爽居人不下八九十家有沃壤可耕
稼有泉石可釣遊有荔陰可憩息環溪皆山之
逶迤廻合爭奇競秀變態萬狀不可殫述溪之
北有山特起而聳秀若芙蓉者曰華峯阻溪而
南望八九里許有山截然高厚八面蒼翠獨出
諸峰之表者曰八壺近者可登而遠者可眺令
人澹然而應慮息悠然而情景融信騷人逸士
所宜居也宋狀元黃公度之裔孫曰樵翁樂
其山水之美自東里析居于茲居第之西南爲

陳倉東南爲徐井倉則前朝富室陳姓所播今
毀矣故址尚存井則宋狀元徐鐸所鑿居人至
今飲之翁初號漁隱應明經薦山教邵武既致
仕更號曰樵歸翁耕於斯讀於斯訓子孫於斯
會耆英於斯且享耄耋以終於斯益心體仁智
之深故得乎山水樂壽之效者也翁之孫曰孟
東克繩祖武亦以明經中乙榜分教荆南今踰
十載矣追念昔日釣遊耕讀之所邈不可即遂
卽壽溪景之勝者繪爲四圖時焉展閱故山風
致宛然在目若夫東風布暖淑氣和柔窺泉壑
井尋芳虎丘則壺嶠之春遊也倦鳥歸巢林明
斜照散策陟危放歌晁嘯則華峰之晚眺也雪
棠螢窓左圖右籍學究天文文勝奎壁則爲陳
倉之書室參差萬玉雪月交光寒波蘸影朔吹
飄香則爲徐井之梅莊孟東以滿秩西是圖來
京堯史宋公旣爲之記甫能吟者繼以詩歌復
屬余序夫後余惟山水因人而顯也尚矣若漁
溪之周九峰之蔡西山之真以道學顯浣華之

淡軒稿

卷五 古

杜愚溪之柳眉山之蘓以文章顯富春之嚴鹿
門之龐以隱逸而顯今樵歸翁徒居壽溪始歷
三世長子偶從子建皆以進士爲世名臣孟東
復以明經而居師席壽溪山水之顯也蓋有漸
矣孟東胤今益勉進脩俾道學文章儼美於數
君子則壽溪之名未必不與瀛溪諸山水同稱
於無窮焉

淡軒稿

卷五 去

淡軒先生文集卷六

湖廣岳州府同知 孫希範刻于岳陽公署

南京大理寺左寺正 孫炳章刻重千金

陵公署

序

品樹成陰詩序

品樹者東里黃氏之喬木也黃為河南光州世
德之家至唐御史公滔始遷入閩築室于莆城
東里以居常植二樹於居第之南相對峙如品

淡軒稿

卷

然始有浮圖曰涅槃者素和公積德之厚因請
而識曰品樹成陰黃氏子孫必衆多者既而茲
樹鬱然淳熙日以茂盛翠聳雲霄陰敷庭戶而
黃氏子孫足派繁衍簪組蟬聯登仕版者毋慮
數百指其尤顯者若宋公度公以狀元魁天下
泳公應童子科賜五經及第獨不懼四如二先
生皆以理學鳴於我

朝以來子孫之傳彌久彌盛皆能以詩書世其
業簪組世其官忠孝世其德若吏村都給事中

耕禮部郎中慶瓊州知府重監祭御史建翰林
檢討壽士其他擢進士與文學應擢貢者不可
具述閱數百年其言之應不啻若合符節嗟乎
識緯之言固儒者所不惑積德裕後亦天理之
必然昔王晉公祐嘗手植三槐於庭曰吾子孫
必有為三公者已而果然龜子以為善之為報
在於子孫者天之已定種德之符也吾觀黃氏
之先德積於身善及於人其子孫所以多賢者
蓋已天之已定理之必然也種德之符已此

淡軒稿 卷

種樹之目豈識緯云乎哉然先世既勤植立
於數百年前之為子若孫者又從而灌溉於數
百年之後故茲樹實四時歷霜雪而容節不改
箭之稱焉未必黃為首為善之報猶猶未艾也
也今司訓先生曰清寧者其裔孫也於不報貢
以書註魁分教新會茲以內縣起復以父老就
養告于

朝得教隣邑候官蕭縉紳大夫咸嘉其能以孝
道培植世德故以品樹成陰為圖各賦詩以頌

其美屬于序予因以三槐事證之其所期於先
生者遠且大矣尚祈勉諸

聯桂喬木圖詩序

聯桂喬木圖者祈州學正君存敬為先世作也
學正之先世矩軒松湖二公父子同登宰進士
傳至慎齋子木二公兄弟同登元進士聯桂坊
之作蓋肇於此胤是子孫蕃衍承源委之學以
明經以進士以鄉貢出身者不可枚舉甯稱耀
科之盛者莫或之先故人皆以專門之經歸於

淡軒稿 卷

聯桂之林今學正君作聯桂喬木圖者非誇其
先世科第之盛閱閱之遠蓋欲聯芳趾美以不
泰于先耳圖之上乃儒紳皆有詩囑予引予惟
矩軒為宗正簿松湖知同安縣慎齋知瑞安州
子木同知福州其忠愛之政清介之節輝映後
先郡乘宗譜所載炳炳若丹其所以得此者蓋
能以所學措之於用耳非直復科第取爵祿而
已也所謂專門之經者其以此歟雖然四公者
唐睦州刺史蘊公所自出蘊與兄藻皆以進士

士明經起家藻爲院殿以文學顯蘊爲西川節
推以忠節著初同赴舉時嘗題梨嶺有各折一
枝挂之句然則聯挂之所自其來遠矣爲聯挂
子孫者不可不不知

黃雪蓬李易齋二先生詩集序

閩藩大參穗城彭公錄其鄉先輩黃雪蓬李易
齋二先生詩集將餞梓以廣其傳屬予序大矣
哉詩之道乎古詩三百篇上自朝廷制作下及
里巷歌謠孔子刪定以列於經以垂教萬世可

淡軒稿

卷六 四

以淑人心厚倫紀美教化以其所發皆得乎性
情之正也降是變而爲騷爲選爲律或尚高古
或尚雅淡或尚清新其體製既殊其辭調亦異
然尚高古者或逼於險怪尚簡淡者或涉於淺
露嗜清新者或過於謬巧言愈工而意愈薄
愈號而調愈下得其性情之正者或鮮故有刑
後無詩之嘆其可追古作者惟漢之蘇晉之陶
唐之杜之數君子焉觀其處患難顛沛之中不
忘君父之念非涵養之深而得性情之正者鮮

然乎益詩之體製可變而性情不可變也今觀
二先生之作騷宗於屈選宗於陶律宗於唐其
音聲軀軀錫其辭渾厚典雅高古者不失之險
怪簡淡者不失之淺露清新者不失之謬巧益
屬於三百篇之旨而得性情之正者幾有選風
雅若楊伯謙者出必將列之於正音以與陶杜
並名於世奚患其傳之不廣且遠乎昔趙德序
韓識者有挺檀鐘蠡測海之譏予亦蹈此者與
若欲所序無愧於所作如劉之於柳蘇之於歐

淡軒稿

卷六 五

尚侯大參公之執筆云

慶封吏部尚書翰林院學士李先生壽

八十詩序

上復政政元之初首召南陽李公入掌文淵閣
事明年

上率在廷文武群臣上

皇太后徽號又推恩賜三品以上廷臣誥封其
父祖公之尊翁先生以公貴進封吏部尚書兼
翰林院學士又明年春先生入謝闕庭時壽八

十夏六月十四日爲初度之期同掌文淵閣事
太常少卿兼翰林學士彭公翰林學士呂公詹
事府詹事陳公暨錢劉黃倪四學士柯尚寶少
卿發脩撰凡八人相率命書繪者繪南山圖取
詩中壽考維祺以介景福二句爲韻各賦詩以
祝先生壽俾文引之人之恒言曰壽在天不可
必非人所能爲文曰不然所以得之者有自本
於天也本於君也所以致之者有適存乎人也
退惟國初天下大定之日天地渾厚純固之氣

淡軒稿

卷六 六

充塞於兩間河南居天下中氣之所鍾爲尤盛
故先生氣質清粹出類拔萃全高明令終之福
此其壽得乎天者也國朝聖聖相承禮樂教化
漸被乎四海深仁厚澤之所涵煦躋斯民於仁
壽之域此其壽得于君者也先生之生其賦予
之厚既得於有生之初其培植之功又加於有
生之後忠存於畎畝教成於家庭盛德雅量足
以敦勸乎里俗精神風采足以表率乎朝紳黃
耆台背足以應壽昌之瑞此其壽之得於已者

也先生以學士公爲之子善承家訓務聖賢踐
履之學入掌內閣文足以輔擬皇猷德足以參
謀國政仁足以潤澤生民得祿入以爲親養受
相封以爲親顯先生樂有忠孝之子其心怡其
遇順故其壽益增此非壽之得於子者歟所謂
致壽之有道信矣夫人之生地受天地之理同
國國家之仁初未嘗有厚薄間但凡民所爲有
逆於理而害於仁故得壽者鮮惟淳篤君子所
存所履一循乎天以助成吾君之德化所以得

淡軒稿

卷六 七

享壽考於無窮也詩曰其德不爽壽考不忘先
生以之先生以齒德爵爲天下遵尊榮莫大焉
然未嘗以是爲自榮爲父老者惟以植勳彌節以
昂其子爲子者惟以行通揚名以顯其親微是
年彌高德彌邵而爵彌隆有八十而九十曰九
十而百歲曰六鄉而三孤自三孤而三公遊之
輔於君者益周德之澤於民者益廣又當爲太
下國家慶匪直爲今日之慶而已耳文下揆愚
陋階用是以引作者又爲南山詩五章章四句

以綴其志云節彼南山峻極于天陶和鑄粹
生鉅賢節彼南山和氣攸萃惟賢之生惟國之
瑞節彼南山有高其崗爰有丹穴產此鳳凰
山之雲時焉而雨輔成化工溥澤下土南山何
有有岡有陵允矣君子三壽作朋

慶工部侍郎翁君序

皇上復正大位夙夜孜孜以簡賢輔治爲先務
凡郎署之官操行廉正蒞政公勤識達政體之
大者輒膺顯擢天順政元之秋九月

淡軒稿

卷六 八

上親擢戶部郎中翁君世資爲工部侍郎朝野
舉以朝廷知人之明相慶明年春正月上
皇太后徽號推恩賜大臣諸追封其父祖君進
階通議大夫贈其祖父母父母如其秩益特恩
一甫在京大夫相率造予請曰吾甫之先正在
唐宋間位宰執登樞密居諫議者比比有人降
自元迄今擢倫魁登進士而居侍郎者實自君
始甫盛事也宜一言慶之予曰噫君之所以可
慶者匪直在乎峻擢而已在乎才之美也君

乎其有止也確乎其有守也廓乎其有容也毅
乎其有斷也明乎其有別也謙謙退遜未嘗以
賢智先人亦未嘗以爵秩之崇卑爲意其肅正
公勤之德譽簡在

帝衷故有今日之命此所以爲可慶也彼名浮
其實德負其位是亦倖進而已矣以慶爲然君
之所以得此者豈無所自乎哉翁之先世唐承
贊公官諫議大夫至宋諱某兄弟六人相繼登
進士第時號六桂屹乎鉅儒宗也祖士寧府君

淡軒稿

卷六 九

以寬厚稱於鄉考翰林檢討以學行聞於
朝君聞道於家庭刻意於踐履其受
朝廷超遷褒寵之命以顯父母之義方以衍先
世之慶澤者宜矣雖然君曩在司徒所典者一
司之事今貳六卿所司者天下之政其輕重大
小相去遠甚君尚思所以負其重且大者觀甫
之先正唐則林氏文祖蘊摯之忠孝乃祖諫議
公之德學宋則蔡忠惠之諫諍劉夙劉朔之論
詆近習陳正獻之斥秦檜起張浚林艾軒專心

踐履之學劉後村之選學碩德鄭正字之危言
諫諍陳大龍之孤忠大節記諸國史都乘炳煥
若丹青人之所望於君者蓋在此也其勉之哉
送右僉都御史高君赴南京都察院序

御史臺朝廷綱紀之地也綱紀正則朝廷理朝
廷理則天下治居臺端掌朝廷之綱紀者在廷
文武大臣之匪其人百官有司之失其職友臣
天下政治之失其道或有所不知知而有所不言
言而有所不行行而有所不宜於天下者其責皆歸

淡軒稿 卷六

焉此所以居臺端者恒難其人必剛果正直寬
仁明恕足以維持綱紀者斯能勝其責也迺而
京都察院以缺都御史來告

上詔廷大臣合舉克勝其責者往蒞之僉以大
理寺丞高君上達應詔上達之賢簡在
帝衷遂陞為右僉都御史以掌院事上達江古
貴溪儒習恪遵義訓篤意家學之源委景泰
未柯潛榜名進士也拜某道監察御史陞大理
寺寺丞其立

朝正色垂紳百辟以之而震肅其出按旌淑別
懲都邑以之而澄清其理刑明慎以鞠獄欽恤
以存心哀矜以雪冤故枉者直屈者伸而平反
皆多其剛足以決疑其正足以守道其明足以
燭遠其寬足以有容所謂剛果正直寬仁明恕
上達其以之上達所以能若是者益本乎所學
者正所用者克踐其實耳仰惟聖天子嗣登大
寶敬天勤民求賢共治諫無不從言無不聽正
臣子輸忠竭誠建勲立節之日今南京文武大

淡軒稿 卷六 七

臣皆老成舊德率能以道事
君者也上達是往也總憲度於臺端為
朝廷維持綱紀以正百辟以善天下之治以澤
天下之民苟百司所行政有弗循於正道事有
弗合於時宜所當言者雖權倖貴戚必無所顧
避矣所以勝其責者豈外是哉若然則不負
聖天子知人之明不負廷大臣薦賢之公而家
庭源委之學亦無所負矣上達將辭行秋官大
司寇陸公等需言為贈文與上達為門生座主

相知取稔故所贈之言如此

慶給事中張君再任吏科序

吏科給事中泰興張君宗超以九載考最當峻擢而去矣

上命留之仍以掌科事益重其賢也同寅諸君子皆爲

朝廷得人慶徵予言以序其事予惟

朝廷置六卿以統天下政治又設六科給事中以稽六卿政治之得失以簡御煩以內制外庶

淡軒稿 卷六 三

續威風萬民用又者用是道耳給事中之責不

輕而重也審矣入侍螭陛載筆紀言上之命令

政教下之敷奏復逆必審之之允然後得以出

入焉此古納言之責也政與理垂事與法遠矣

墨賊黨之無所懲畏者必抗疏彈劾而撫倖不

避焉此古言路之責也出直路鼓日受訴牒以

達下情以辯民枉洗獄訟冤滯之嘆廣

朝廷欽恤之仁此古路鼓之責也且

朝廷於擢任庶官之際必命掌科事者與吏部

卿共其事察其優劣權其可否量材而授之職

處德而定之位俾官無繆曠之失士得選調之

公此又其責之尤重者歟夫以一人而數者之

責之重皆集焉非通經學古見道之明立志之

確者其能勝之乎君學志於明道仕志於行道

改於責之重者皆能任之而無所難其愛知於

淡軒稿 卷六 三

皇上知人之明則業愈廣位愈崇斯有以副諸

君子之所期待者矣君其勗哉

慶戶部主事陸君考滿序

余同年進士河南陸君仲謨宣德甲寅冬擢爲

戶部主事時

朝廷簡戶部官之廉能謹厚者總理石渠等五

倉糧草事戶部卿僉以君爲宜

宣廟可之命往蒞之君仁而明敏而慎介而通

下車卽召其官屬暨吏胥百執事而告之曰民

國之本也兵民之衛也馬則兵事所乘者也兵

難所以衛民而實賴民以養養兵所以固其衛
愛民所以固其本苟民則則本傷國且不寧兵
又曷仰給乎若等其吾言是聽以謹若事以備
若職上下同心庶幾乎足國足兵之道於是杜
侵漁之弊定出納之期擇委積之所規畫精密
措置適宜官屬翕然信從行之越三四月民皆
欣欣然而相告曰備賦稅以供

上吾民之職也今能去我培尅之患恤我轉運
之難使我得及時以耕以穫者非陸君之仁乎

淡軒稿

卷六 古

兵則曰給芻豆以飼馬

朝廷之政也今能使我支給不缺秣飼以時而
致孽產以蕃以息者非陸君之功乎於今二年
民無怨咨兵無缺望誠可謂知足國足民之道
無負

朝廷之命者歟茲以滿秩人之需其惠者懼其
代去而莫之留咸來徵于言以頌其美予惟人
民部古地官司徒職也所司者雖土田戶口財
賦貢獻廩祿之事而教民之道實繫焉故曰衣

食足而後教化行通

朝廷屢下寬恤之詔蓋慮民阻饑而不親不遜
者或有為有司者率不體乎是惟知賦稅之
供為己職之稱民或凋弊恤不之恤且以培尅
為賢噫彼於養之之道蓋有不知之者矧於教
乎使吾陸君它日得以專民部之政惟是心以
加諸彼必能廣

淡軒稿

卷

朝廷寬恤之恩恩貪吏倍克之患天下之含吏
以實而斯民禮義之行成矣今日之政之善豈
足以罄其所蘊哉蓋窮經學古者予故即今日
之政之善知其異日可用於大也

贈利部陳照磨序

皇朝以道德仁義陶化天下餘七十年于茲矣
賢才之盛曠古所未有也

宣廟慮山林或有遺逸之民未盡出為
國家用乃詔天下有司薦賢良方正之士以聞
四方之士靡薦而起者于予而未正為忤舉獻
其惟帝臣之時也

上即位命銓曹領入內廷辭而試之不偶者復於民賢者第爲二上焉者授以京秩次焉者則縣之丞簿也時鳳陽陳嶷九峯褒然上選故得爲秋官照磨其友東魯傅霖等求文以贈夫自結繩之治不可復而包犧氏書契作焉後世風降俗偷事日以繁而僞日以滋非據簿書以稽之則奸弊紛出而爲治將有不勝其難矣故今天下內有臺省外至於郡皆設照磨吏私出入官異可否皆得糾察而舉行之益以清案牘爲

淡軒稿

卷六 六

職者也案牘清則吏治明吏治明則民心服而治道成矣況秋曹所掌者刑名事之曲直人之死生所關尤重照磨之職非賢良曷克以蒞于茲予聞九峯嚴翁之倅台也惠澤旁洽于人心政殷翁稱于

朝野九峯承家學之源委所以爲政之道得之濡染者稔矣其於是職乎何有雖然肯董仲舒晁錯鮑氏兄弟皆以賢良詔而超弘敷偉績炳耀千古益以學之優也予願九峯仕優而學則

德益進業益脩聲名日起異日陞台輔以佐廟堂俾功業顯於時聲名垂於流庶不負

國家以賢良而召不負有司以賢良而薦而仲舒數君子亦遠有光焉照磨之職能否豈足爲九峯重輕哉遂因傅霖之請姑書此以告云
送布政使石公還閩序

布政使古方伯也一方之郡邑百司皆其所統也凡官之賢否政之治忽民生之休戚風俗之淳漓其責咸歸焉所以宣布

淡軒稿

卷

天子之政化以安一國方之其職不輕而重也審矣故於是職者缺必公直而有為違政事之大體者然後足勝其重也景泰間元閩中遭尤沙悍寇流毒之餘竄者未盡復周者未盡蘇殘孽未盡除郡邑未盡得人此所以尤難其人

時閩藩以布政使缺員聞于

朝天官即承
天子命慎選以浙之金華郡守石公瑄爲之時朝野皆以方伯得人爲閩人慶公晉人也以明

經爲宣德癸丑名進士初拜禮科給事中用薦
出守金華其給事

上之左右也小心慎密命令章奏出納惟允忠
謀諫論足任諫垣之重其治金華也寬猛相濟
郡民無不蒙其澤威嚴遠振隣寇不敢闖其境
天下治郡以賢稱者莫或出且右故有閩藩布
政之

命聞於斯時正值難治之秋公下車開誠布公
張綱振紀民之流者思所以復之困者思所以

淡軒稿 卷六 六

蕪之餘黨之未滅者思所以招而撫之仁足以
及寡孤柔足以憐好暴智足以竭幽隱廉足以
愧貪墨節邑以之而澄清閭閻以之而輯睦歲
遭歉公躬臨列郡行採荒之政民無阻饑之憂
者皆其力也聞海濱洙泗之風幾復古矣茲以
六載考績來

朝聞人咸恐公陞擢而起弗獲終惠于民公旣
以取書

上命仍復舊治夏官郎中何君宜閩人也率鄉

之仕京者聯帛爲軸微言贈其還余與公聯登
進士同仕于朝知公之履歷甚悉故述政蹟可
書之大者以復所請若夫惠愛之在閩載諸童
稚之口碑可追召伯甘棠之詠者他日必爲觀
風者采之余雖老尚當執筆爲公不一書之

送山西按察僉事戴公復任序

古者天子以時巡狩所以行慶讓之典一風俗
通民情也後世此禮不可得而復故周命揮人
漢道掾史唐置觀察使宋置監司省四方制諸

淡軒稿 卷六 九

郡舉察糾劾爲天子之耳目益古之遺意也
國朝參酌古典環天下分爲十有三道道置按
察司自方伯連帥而下皆在按屬視漢唐宋之
制則秩崇而責專矣故於是職之選必廷臣練
達之久明大體而達時宜者然後得以居之山
西按察僉事戴公守一三年滿秩天官以善能
聞

上命復厥職且將

錫之誥命以寵異之將歸戶科給事中王君惠

氣等躡余而言曰守一以御史三宸復陞是職
昔在御史也父踐清要其於大體也明出按諸
道其於時宜也達故今在山西也食墨殘酷者
皆望風消沮窮簷茅屋之下得以舒眉吐氣頌
其德者翕然其等嘉其職之舉且惜其別頭一
言以贈夫按察有疑有副有僉皆相與贊襄肅
政之寄者長則主刺憲司提綱振紀以爲群僚
倡副與僉則以時分按諸郡縣凡官之賢否政
之得失民情之通塞皆得熟察而周知之去惡

淡軒稿

卷六 三

而舉善朝發令而夕行焉則惠之及民又廣且
速矣矧山西地瘠而歲恒歉且邇遼疆戡虜不
時出寇民貧而勞故

朝廷屢蠲徭賦以寬卹之又擇賢守令以撫
牧之爲牧苟失其道則民各不勝疲困分按於
是者誠能假霜威以布陽和則事半功倍澤之
被民又不逮且易歟今公得爲是官可謂得行
其志者矣余因王君之請故特舉自古按察之
重喋喋爲公告庶使同是職者視公知有所警

也公魯人以科目發身云

送郡守謝君赴漳州序

按閩監察御史許君觀風至漳以郡守失道當
黜乃封疏驛聞于

朝請選賢者更之

上以命吏部吏部以御史謝君鵬舉應命益慎
選也命下朝野皆以得賢守爲漳人慶吏科右
給事中潘君榮漳人也率郡之在京者求言以
贈夫漳雖遠處閩海之窮然地廣土沃其民務

淡軒稿

卷六 三

本宋朱文公晦庵先生嘗爲郡守開誠布公以
仁其政導德齊禮以善其俗民皆翕然順化欲
行經界法以復古先王之政不果而去歷今數
百年經守其郡者不知幾人其當時良規美法
可以行千百世而無弊者皆變易殆盡獨冠婚
喪禮之行於民者至今尚存而弗失比年屢遭
山海寇發騷擾之餘吏失撫綏之道加以漁獵
因之以凶歟民亦困矣其望賢守以父母之不
啻若饑渴之於飲食也

朝廷慎選於君托以千里之命益以君明經而
取進士為御史正色直言風紀以振雪冤其程
刑獄以清其斥姦邪而權威不避允矣良御吏
也君之所學於經若書蓋有得於文公蔡沉二
先生師友之淵源者用之於御史所以善其政
者以此今以文公之學治文公過化之鄉尚其
追求文公所以治漳之良規美法宜於今日遵
而行之以革吏弊以蘇民困以興民俗則文公
之治可復古矣且君之先君子永樂中嘗為閩
按察副使吏服激揚之公民懷撫綏之仁於今
不忘君其行矣遠有光於文公治漳之追近有
光於憲副公按閩之恩閩人皆於君焉是君
其最諸

淡軒稿

卷六 五

送王同知之任莆郡序

閩東南一大藩也以郡隸者八以邑隸者五十
惟莆為郡最小邑雖有三仙遊游洋僻在嘉
中地瘠而民稀負郭邑特一莆田耳然自古稱
為海濱鄒魯得與中州齒者蓋以居民比屋業

儒而已晨歲

國家凡有造作供億事藩府往往不以民數田
產多寡計惟以郡視八而均之莆為郡若邑者
莫或散以不均之情與藩府抗唯唯命是從
或者反以阿媚上司為恭先斯集事為能民貧
不能勝者輒迫富者以代漁獵之氣又從而高
下其手是以民財日以竭民生日以凋敝風俗
之不古若蓋有以也欽惟

皇上嗣登大寶治化一新育

淡軒稿

卷

牧簡省天下事務求斯民之安吏部凡內外官
興選者詳密考核貪酷庸懦者皆罷歸老而倦
于勤者如詔書興致仕即吏賢以補之其於親
民之職遠簡尤嚴惟楊王侯宗易以紳選老成
致有或守莆郡之

命令下莆官遊于京者咸相慶曰莆得此賢
哉守民俗不難於復古矣蓋侯以科目登身歷
仕

四朝三為郡佐所居民化所去民思前後幾二

千載能穀藉藉於朝野間善於親民之職也審
矣且永樂初在國子時嘗奉祀來莆郡月餘而
歸斯時也民尚富饒素麻滿野絃誦之聲遠邇
相聞皆侯耳目所聞見者也侯今奉

天子命往佐茲郡以父母斯民爲心親昔日使
轍所憇之地畎畝或變而汙萊矣閭閻或變而
丘墟矣感今思昔豈不惻然動於中慨然以復
古爲分內事乎是必告諸長貳同寅協恭而確
可否恤民隱革吏弊去煩爲簡轉難爲易以納

淡軒稿 卷六 五

斯民於熙皞中其於風俗之復古也何有哉固
朝廷簡賢安民之意而爲父母之責庶於斯乎
盡矣侯濱行莆人士屬予序以送予知侯有可
爲之才遇可爲之時故以風俗可復古爲莆人
賀云侯名震其居官善績之可紀者大評王先
生之序已詳茲不贅

贈興化衛指揮使張侯序 已未夏

古者寓兵於農伍兩軍旅之師即比閭族黨之
民也將帥司馬之職即卿大夫士之官也降自

秦漢而下兵民政而爲二不可復合也久矣我
朝文武並用內設五府以司兵政置六部以總
民事外則兵統於衛所民統於郡邑民出賦稅
以給乎兵兵禦暴亂以衛乎民兵民之名雖異
而其用實相須也然山陬海隅之境兵多悍戾
民多愚朴或相欺凌而爭訟之風以起統兵者
但知有兵而不知所資以養者在乎民治民者
但知有民而不知所恃以安者在於兵由是不
相能者在在右之莆僻居閩海之隅海寇不時

淡軒稿 卷六 五

竊發環千里之地爲衛者二一濱海曰平海一
負郭曰興化負郭者與郡邑相峙兵民難處先
是爲將帥爲守令者亦惟各私所司而於民兵
相資之道莫或之審永樂中指揮使張侯來鎮
是衛號令嚴明師律整肅海寇不敢闖其境悍
卒不敢肆其暴賊能壯金湯於千里安黎庶於
一方者也今之爲郡邑者又皆能盡牧民之方
且知養兵之道故統兵者不徒治兵而已知所
以愛乎民也牧民者不惟治民而已知所以愛

乎兵也文武協德兵民相保文恬武熙優游於
晁治久安之世也宜矣過蒲歲屢歉無籍之徒
迫於饑寒相聚爲盜竊掠於民上甚困焉侯聞
之下緝捕之令嚴巡邏之禁無何渠魁就擒餘
黨盡獲千里之內閭閻靖靜鷄犬不驚民皆得
以安居樂業郡邑晝感侯有及民之惠聯帛
爲幃屬予言以贈夫世祿子孫恃父祖勲勞之
舊負

朝廷恩寵之固狂驕奢之習克由乎禮者或鮮

淡軒稿

卷六 美

今侯知兵民之相資用儒術以輔武事可謂不
忘父祖積累之艱不負

朝廷崇報之厚者矣余聞侯之先君子起家以
勲勞守之以忠厚其所以貽厥孫謀者益有自
云

送劉指揮還溫州衛序

溫州衛指揮劉侯某以漕運至京師

陛辭歸地官主事王君崇惠持軸走告於余曰

劉侯儒將也先君子永樂初以靖內難功陞懷

遠將軍同知溫州衛指揮事先君卒侯襲其職

侯襲性聰慧嗜學循謹好士親賢廉而仁習而

勇母夫人慈而能教恒勸以忠孝勿忘以先

業侯所履惟謹嘗名其所居之堂曰謹德蓋欲

朝夕惕于目以自警其在溫也居民懷保障之

功其轉運也甘苦得士卒之心夫知人之善而

不稱是沒人之善也今其歸也願爲序其寔以

送之庶以政余之私云余惟今之爲將者率皆

席父祖之功者也驕侈之習澹與性成或惟指

淡軒稿

卷

趙之是先務交結之是圖而作兵謀師律情莫
之和或逞血氣之勇專騎射之習而作詩書禮
樂視爲迂談是皆不思

國家崇德報功之厚父祖積功累業之艱者也

有若侯者遭文恬武熙之世樂詩書禮樂之目

具賢於人也遠矣夫能承父業遵母訓孝也保

障一方積餉爲里忠也愛惠士卒仁也折節下

士禮也四者之德皆備於身名堂以謹德可謂

能踐其寔矣孔子曰有武備者必有文事吾於

張侯有以徵於古矣余不文姑次第王君所告者以頌其美

淡軒先生文集卷六終

淡軒先生文集卷第七

湖廣岳州同知

孫希範刻

南京大理寺左寺正

孫炳

陵公署

序

送劉知縣之任莆田序

上以天下縣令用京官所舉者或匪其人迺

命吏部以進士為之重親民選賢德也進士劉

君求素得令作莆或曰邑大治也雖余應之曰

淡軒稿

卷七

夫莆麓爾處乎閩嶠之窮田多望山築海為膏

沃者不能三之一農艱於明然以阻山阻嶺舟

楫不通而無轉運之勞故賦稅之輸亦不至於

後時民懷肚畏威囂訟之聲不造縣庭士比屋

業儒自肯以海濱郭魯稱應唐而宋公卿相望

去今雖遠而儒風揭然若存閩屬邑五十而易

治莫莆若也後世未令是邑以能稱者非無其

人智者恃其明而不知先之以仁才者逞其能

而不知本之以德勇者肆其猛而不知濟之以

寬雖欲平其政而政日以煩雖欲安其民而民日以擾蓋有不和令無善治之實而反以難治誣吾邑也今以劉君為之不難而易也審矣劉為安成鉅宗世承儒業家庭之內父父子兄兄弟弟出而仕者皆清介忠謹足以表侯諸紳退而處者皆寬厚謙恭足以教勸風俗君需筆有自遠經術敦豈弟有古君子風茲其往也惟以飭厥躬者飭厥政以理於家有理於官以慈乎幼者慈乎民蓋有不假法令二施不待聲威

淡軒稿

卷七 二

之出而民無不治矣傳曰其為父子兄弟之法而後民法之也君之謂歟君於政暇尚其明經術以淑士類教禮義以淑人心俾鄙魯之風益振則其善治直可與循良並稱矣又何患焉乎難治之有客唯唯而退適前任于京者柳特請言以贈余因以語客者書之以明前之易治且以慶前人之幸云

送增城令健君之官序

馬在肆非伯樂之顧莫知其為千里之材玉在

璞非卞和之獻莫知其為連城之寶士之負卓異之才者非當路之明後而薦之殆將碌碌庸眾伍焉充顯於時以究所蘊哉奉新諸君孟詢以邑屏生陞國學種學讀文以古道自勵簡默謙和精明鎮重待已介而待人也誠制事果而為慮也周蓋學之成行之修而不反於進取者也六館之士莫不帖帖敬服然莫或能屬之政通政呂公其同屏也且為同道之師友相知為最志慮欲具其才行卓卓者言於當路然

淡軒稿

卷七 三

以國學生進有常資不果今年夏上下得縣今詔諸國為學生之賢者通政公即疏孟珣之賢以聞上擢為東廣之增城令而有吏遊者皆喜其知過於其行也各賦詩為別屬余言并於前余惟君子之仕也不患爵祿之弗崇惟患其學之弗充不患聲譽之弗彰惟患其德之弗藏城有卓越之才雖或淹滯也時豈終晦也哉譬猶良馬美玉世有伯樂下和必不和作肆終於璞而已也夫令古子男爵也有百里民社之寄俗

之淳清民之休戚皆在令焉係其職不為不重
矣聘超選之足係主坤之譽俾無負伯和樂國
之和在斯舉也雖然百里非大賢之路以孟珣
之才之美茲情小試焉耳異日當齊將驥而貢
天閑列瑞輿而薦余爾余尚拭目以俟較焉

送葉欽尹復任湘潭序

余聞楚之善為邑者邵陽令何侯某湘潭令葉
侯某二人而已第未得其政績之詳焉今年夏
葉侯以考績來京既言上取將復任刑科給事

淡軒稿 卷七 四

中湘鄉李公某來告予曰湘潭於吾邑相距百
里葉侯之善政吾以省親還道過其邑故知其
詳侯游之德漢人以胃監生來令湘潭初謁告
城隍見廟中以帛製為福書邑民姓名作上問
諸守廟者則曰邑民有請福果應則以此券所
願侯曰神所以然相乎令以保佑乎民者也民
所為善惡則禍福以之若因其請而後福之是
私也愚民何其惑甚且厚誣吾神乎即命徹而
焚之止民無以私禱而褻廢於神又邑治內有

土神祠二諸吏卒皆言邑之官僚事有誣誤求
之則免不爾則禍患立見侯曰孔子曰獲罪於
天無所禱也是亦非所當祀宜亟毀之至於學
宮山川社稷二壇及祀典所載之祠祀者葺之
故者新之邑有潘祠能惑民者除之且是邑濱
大河路當交廣要衝百貨所萃凡中官部使上
司往來者皆欲邑官以物為贄否則以他事訶
譴之贄皆出於民故民日以困為令無愛民之
心者亦欲於此以譎上官莫敢或與之抗甚者
矣我

淡軒稿 卷七 五

又藉此厚歛於民以私於已侯下車聞之惻然
召其民而告之曰財者民之命也財竭則民困
矣我
國家輕徭薄賦所以寬恤吾民也至矣而今而
後凡貢賦有常額者吾民皆當如期輸納其勿
稽違彼訶譴將何有於我哉民翕然順從上官
知其不可撓咸嘉其能不復以私怒焉三載閭
閻無私謁吏不敢肆其奸民之困者以甦流者
以復貧者以富雖歲饑饉相仍而國賦以充師

事俯有以足其所以能若是者皆由乎有愛民之誠心而又知為政之大體焉耳第愧吾職卑不能薦之於上以守一郡藩一方俾忠政之民者廣始請一言以贈庶以表余之私抑且以為為邑者勸余惟

聖天子孜孜簡賢守令以安養天下元元使為令者皆若葉侯其民風之歸於熙皞也何有稽於古為邑者有一於此傳循吏者必表而出之今侯之善政皆古之所可書者余雖不文庸次

淡軒稿

卷七 七

第季公之言書以歸之俾他日傳循吏者有所采焉若夫惟賢讓能朝廷大臣之事侯亦安於所遇而已

慶景憲邑宰楊君序

邑有令有丞有簿又有幕也其秩雖有崇卑受天子命以于百里之民其職則均也苟能以愛民為心則民心歸之曷嘗以秩之崇卑而異視之獨祿君丞九隴惟誠愛物政民不欺其宰而碩議獨歸於丞員半十尉武陟發原賑饑其惠

獨歸於一尉而守令皆愧服于觀湖之青田邑慕楊君植宗於古人為益信君吾莆名族胄少負治才既為幕青田恒曰一命之士苟存心利物於人必有所濟吾今得贊畫邑政以于百里之民亦可以行吾所存矣以公宅心以燕守已以勤蒞事民之強者抑之弱者植之困者蘇之流者復之不暮年百里之內翕然順化藩臬聞其賢遇膠轄事輒委之事隨理而民且不擾於是藩臬大臣益加愛重恒遣攝邑篆比悍寇弄

淡軒稿

卷七 七

兵潢池嘗承委分撫其民皆安堵寇亦無敢闖其境者用薦陞其邑主簿邇巡撫侍郎孫公以青田地廣民稠增置景寧縣以分理之深知君得子民之道乃疏其治行薦為景寧令

上從所言邑人林存暨在京者相率求言以慶予惟君以一幕職處今丞簿之下得乎民之心悅誠服果何道而致然歟亦惟心於愛民而已君今所治者邑則新也官則舊也邑鮮新其民惟舊官雖舊其政惟新孔子曰敬事而信節用

而愛人使民以時君尚用是道以新其政以惠其民則民悅之服之敬之愛之下但如今日而已耳殆見立生祠樹棠碑皆作是馬在君其最諸以毋負大匡爲賢之公以毋負朝廷用賢之意則予所言者不爲虛美云

送陳知事之宣府序

朝廷用吏部言成均之士喬踰強仕積學久者皆以願仕遠方起之慮其淹也吾簡陳君恒肅拜爲全之宣府古衝和事衆惜其才之屈成曰

淡軒稿 卷七 八

夫士之用世隨其才之高下而榮辱其往焉猶寶之售貨因其物之重輕而低昂其價焉滿其價則喜否則拂焉而怨此恒情也恒肅刻志勵行積學有成不汲汲於進取蓋不肯安於小成者也以之收一郡軍一邑得專其事必能借其所學以澤於民以善其政今以之佐衝藩豈不淹驚鳳於枳林局蹐足於羊腸乎且宣府邊境要害之地也衝藩尤難爲之官也凡兵數之登耗餉饋之轉輸案牘之出入皆係於希職幕

官子然以一文士爲之臨於上者皆勳舊之臣統於下者皆強悍之卒惟恣其所爲則委靡不振苛約之以矩度則怨謗日興其職又如是其難也吾知恒肅必不樂於此耶余聞而嘆曰君子之於仕也隨所寓而安豈以位之崇卑事之煩簡地之美惡而爲喜愠哉恒肅知乎此者也奚不樂之有夫幕官古賓幄也非直文牘之司而已畫謀可否以紀綱一司之政其職不輕而重也審矣恒肅優學達政必能持法以守經度時以權宜克舉其職也必矣矧今循行於斯者皆

淡軒稿 卷七 九

廷之重臣能以薦賢爲忠者也苟聞吾恒肅之賢必有引汲而起高位厚爵又可指日得矣此雖非恒肅之所望益有不得辭者恒肅束裝上道飲餞者咸謂予宜言以贈予故以辨或者之言書之

慶判簿唐侯俗水利序

古者厚民之道惟在乎富之教之而已然必先

之以富而後教可施焉夫水利代天地長地力可以足國富民政長民者不可以不重也後世有薄書斯會之煩有徵需供億之費有奔趨運迎之勞而得盡心於民事者或寡矣時之佳者有能時財賦乎獄訟上無訶譴下無怨謫斯亦可以為賢也已矧能有志於厚民之道必於學有所聞者歟此余在邑薄唐侯之脩水利不能不為前人喜也前最爾小邑士惟業儒農惟力穡浮什之風猶如也昔稱海濱鄒魯者以此然

淡軒稿

卷七 十

地多硠瘠田失灌溉之利則歲以不登民失無綏之政則日以凋瘵郊野遺風幾靡狀矣侯由賢良方正未治是邑下車即曰學政農事皆長民之責在所當先者教則有學官專訓迪於下有風憲宣道化於上吾惟勸稼穡通灌溉以富乎民以為受教之地耳故凡陂塘斗門時蓄泄以節盈涸者皆欲於者疏圯者葺廢者復焉民有告曰新港斗門為壞特是欲苟脩與則舊址疎薄不足久侍欲改作與則勞費浩穰慮無以

繼侯曰疎者可密之薄者可厚也民不可以數勞也財不可以數費也詢謀僉同遂盡撤舊址以改作之興工於農事之隙以東作將興訖工既告成耕者忭於野居者慶於室且歌曰我溝我渠我溉我濡昔硠嶠兮今膏腴又歌曰我田我疇我獲我收時無歉兮歲有秋余聞而喜曰甫比屋絃誦之般其復作歟孝弟忠信之行其復興歟海濱鄒魯之風其復古歟孔子曰既富矣而後教之侯之所以厚於民者其有得於此

淡軒稿

卷七 十

者矣甫人抑何幸歟余既嘗秉筆紀事以勒於石邑六曹之士又請言以慶余忘其固陋而又序之亦古人反覆稱頌不已之意云

送葉教諭先生之弋陽序

宣德甲寅夏同余庚戌進士葉先生儒林既觀政內臺半載即以親老道且遠不能迎養告于上乞為近邑教官以便就祿

上允其請命吏部授以江右弋陽邑博

命下同年友皆喜其得遂所願乃相與載酒為

之慶且與之別酒既或有起而言曰今

聖天子崇儒勸孝登進士者皆擢以左右之職滿三年者又有封贈之命今先生以明經而登進士觀政而入憲臺膺耳目之寄而授封贈之命以顯父母者可月日計斯其爲孝也大矣奚必屈於寒曹冷局欲戀戀於膝下之養以爲孝乎先生起而復曰駟馬行而百官避道綉衣出而山嶽動搖天下之爲父母者孰不欲其子居此職而爲世人所豔慕乎然發奸摘伏顧余智

淡軒稿 卷七 十二

有未察也激濁揚清顧余才有未優也矧面折廷諫正本澄源其職又有重於是者苟一有不稱是虧其行以貽父母羞又曷足以爲榮乎且余早喪父賴母慈訓以今日今年母年已踰七望八髮以就白無他兄弟以養幸典教近邑得遂迎養之志余雖不能以道淑諸人姑以平昔所聞師友者與六七生徒講明於函丈間以求

聖天子興文右道之意暇日則御板輿奉壽觴

歌開眉之賦承顏膝下以終養餘年庶余職之易舉而毋志以樂此實

上之賜也其於職之崇卑親之受封與否初何暇計哉余聞而嘆曰至哉先生之爲孝也三子孝始事親中事君終立身未有身不立而能孝於親者亦未有未能孝於親而能忠於君者也立身之要在於慎行而已今先生戰戰兢兢以慎其行可謂善事親矣他日終養而來膺鸞鵠居台輔必能移是道以忠於君則所以顯親揚

淡軒稿 卷七 三

名者又豈今之孝者所可擬哉先生台之寧海人唐尚書諱裕溫者始祖也宋丞相禧夢陽者五世祖也元永豐令諱某者祖也先生所以能若是者亦家學相承之有自云

送司訓朱先生赴湖庠序

予自弱冠著錄郡庠從俊造之後已識水南朱先生德周齒學俱高爲士林推遜而晚生後進不敢以行輩視之先生治書獨得三復林先生心法一時執經授業者不下數十人先生與之

講論必先德行而後詞章間為文章必很於理而華藻之習不尚遊其門者往往皆有成就或以甲科膺民社之寄或以乙榜任師道之尊獨先生屢弗偶有司意者天意蓋有在矣將使之大其器而脫其成歟抑使之久於鄉以造就後學歟宣德庚戌春有司以先生貢春官陞於國學先生至則親賢取友以資廉澤未嘗以科目弗利而弛其志由是學益脩德益進而聲名益著自祭酒以至於六館之士莫不愛而敬之今

淡軒稿

卷七十五

年夏天官以天下教官缺員請于上命下大學祭酒司業擇生徒學行足為師範者就試于內府仍命翰林考其優者以補之先生得分教湖郡或告於余曰先生以老成問學生宜施諸政以行其道顧乃屈寒賈冷席豈不局蹐足於羊腸乎子曰以道而行諸己則道所及者有限以道而淑諸人則道所及者無窮安定教授于湖以明體通用之學置經義治事二齋一時出其門者若錢公補范純仁孫覺劉葵二徒皆能

推所學以成治效今先生果能用安定施教之方教安定施教之地則他日人材之所就將見錢范孫劉之輩彬彬出為世用則道之及人者廣矣又奚必施諸為政然後可以行其端哉先生將之官余如友方君體明與先生素雅來求言以贈予因以告或者之言書以歸之未知先生以為何如

送巡檢李孟盛赴菱塘序

吾莆稱巨姓必以白塘李氏為最者非以其賢

淡軒稿

卷七十五

傑于鄉而已益以先世多尚寬厚有古長者風而子孫之賢又能不墜家聲里民化之皆樂於為善世族居白塘之陽故人皆以白塘李名之塘廣數畝匯壽溪之流壺公諸山遠栢於前天日清明水波不興群峯倒影涵清漾綠徘徊晚令人胃次豁然誠騷人逸士所宜居也且土壤肥沃多美產故居此往往渴於所樂尊成以祿仕為意永樂間

朝廷令凡民有巨產家選才優者一人赴廷曹

皆授以職而李孟盛氏與焉孟盛二兄皆以親老辭不果於行孟盛幡然赴召來

京奉部檄驅馳於外者凡若干年始得授荆南黔陽巡檢未視篆遭母喪歸茲以服闋轉授廣之番禺菱塘巡檢或謂余曰巡檢以禦盜爲職非有何灌高保興之勇曷足以勝其任孟盛謫乎一文士也授之是職豈不循假曹洙以操劍與鐔乎余曰不賦仁可以化暴智可以弭奸苟謂巡檢專以材勇爲資以希不次之擢將見貪

淡軒稿 卷七 六

殘誣枉而民不勝其弊矣夫民豈樂爲盜哉非財之竭必力之困於時政之得失可知矣今廣之牧守則吾閩之三山李公在焉廉而明公而恕惠澤旁洽四境晏然盜賊息風俗美茲其時也孟盛是往果能擴寬厚之心以輔其愷悌之化必思所以安集勞來將見化干盾爲耒耜起閭閻之謳歌番之民亦何幸歟抑余聞番禺風致之勝五嶺峙其北大海環其東衆水匯于前群峰擁于後公政之暇與邑中一二文士大夫

登浴二亭一覽舉在心目間吾知芙蓉塘之樂視白堂之樂相去蓋萬萬矣古人所爲謂隱於吏者孟盛德之若夫職不足以展其才之真慨較計我孟盛符之任鄉人皆贈之以詩余書是言以引

送林維岳還玉融詩序

予聞善善鄉人之行義足以教桑倫振風俗者皆願識焉嘗聞玉融之錦溪有隱君子林惟岳甫和於兄弟信於朋友睦於宗黨惻其兄弟

淡軒稿 卷七 十七

也愛而友萃而順怡怡然庭無間言里有兄弟失道者人執以惟岳甫爲勸其行義足善於鄉者歟予竊慕之每以不得一識爲憾今年夏送其女子婿何主事君之館予始得見之其貌溫其言慤其禮謙即其外而得其中之所蘊予傾識之心始慰繼聞主事君之言曰宜質魯弱冠承嚴命入邑庠以攻舉子業每懼弗克成父志外舅曰毋安飽是求就有道而正學之道何以加此正統丁卯領鄉薦登成化進士拜戶部主

事外第爲書於宜口學非徒使行第謀利祿而
已在於立身忠君以顯其親爾通來京願宜稅
第以居囊無長物戴星出入不還故處吾謂宜
曰安淡薄務勤慎居官之要也淡薄所以守身
慎勤所以立此汝能慎終如始其庶乎且戶部
國計民食所關尤不可不慎此皆汝父之志汝
其念之外第之於宜雖貧賤實有師道存焉予
又聞惟岳甫於所未聞者蓋加慕之居無何行
別去朝之大夫士暨鄉之諸紳皆賦詩以饯其

淡軒稿

卷七十八

歸俾予引予惟惟岳甫行高於鄉人皆所敬
信是行也得親觀衣冠文物之富禮樂制作之
盛遭重熙累洽之運正萬方黎獻願仕之日尚
一一以語訴之子弟明經學道出仕
明時母徒以隱爲高也庶閑中之賢以正道市
君者復踵而武起此惟岳甫之歸予深有望焉
若夫錦溪山水之美可耕可釣尚俟予沐歸以
共其樂詩凡若干首予書是言導之

送鄭孔均還家序

家庭之教之能濡染於人也尚矣故父好仁而
子必慈惠而不至於忍父好義則子必剛直而
不至於阿父好禮則子必謙遜而不至於凌犯
昔古禮義邦也郡東有鄉曰前埭林鄭二氏世
居焉歲時族長必率子弟交往拜於先祠下
以率孝也曩嘗置里塾延鄉先生以教族子弟
洒掃應對進退以至於脩己治人之方莫不講
而習之故達而仕者舉以善政聞窮而處者亦
不失爲鄉善人仁厚之俗藹乎盛哉迺冬以戶
門多故邑大夫不能以風化爲勸里魁幾廢
父師者或琳所以教爲子弟者或失所以學
以質稱者亦不過習科舉業以媒仕進階而已
甚者奔競勢利諂事瀆交可勝惜哉能有挺然
不爲流俗所移猶賴家教濡染之有自也考城
望鄭君霽齋族之巨賢也性剛直嗜義鄉有
乏必傾囊以賑之有患難者必躬赴之利害不
之較鄉人所爲有弗率義者不敢與知既率考
城善政聞於上忠澤流於下亦舉此而措之耳

淡軒稿

卷七十九

去年夏其家嗣孔均奉祖母命不遠數千里外來謁父於晉邸適又待行如京師慷慨尚氣義綽有父風茲將歸侍養祖母來別於余余念桑梓之久遠顧里塾之不立子弟質美者雖能不外於家庭之濡染或慮徂於聞見鮮克中道之歸故因其行告之曰子歸於重闈承顏之暇尚當倡族子弟建里塾延明師以教庶學術以明士習以醇民風以復古矣不然吾恐以慈惠爲仁者其蔽或流於昏懦以剛直爲義者其蔽或

淡軒稿

卷七 三

至於強勁以謙遜爲禮者其蔽或流於阿媚不學之蔽蓋如此吁梁棟之材必本於拱把之養倉庾之積必勤於藝植之初人之身立名揚豈不先於小學之成功歟子歸矣鄉之子姪或有以余言爲過子當爲余謝曰彼特爲其子姪云爾

中書舍人沈君挽詩序

中書舍人吾閩沈君孟舉以正統十四年正月己丑卒於京之寓館秩未滿一考年甫三十二

歲暮夜子越五月初始生惇嫻不然而泣數嗚呼紀喪事惟仲弟紀在諸朝紳於君雅厚者群往弔之哭盡哀而退乃相語曰君父母垂老群季侍居異祿入以爲暮年養今焉倚門之望缺對床之期乖其可哀也已哀之情不能自己於是發於詩歌以挽之于以悼君之不幸而慰其父母之悲云紀既哀成帙微予序嗚呼君之所可哀者奚止是而已哉君負英邁之才淵源委之學擢賢科出際盛時方將以所負所蘊者條

淡軒稿

卷七 三

諸政事措諸功業以成其忠君澤民顯親亢宗之志耳天胡豐其才而當其壽俾其學不大於設施其德不顯於功業仕途方開竟齋志以卒諸君所以哀之者非直哀其父母之喪賢子也哀其兄弟之喪手足也蓋哀其命之不偶於天爲

朝廷失賢臣悲也雖然昔顏回李賀俱沒於天然不沒者存焉顏以道李以詩不必於政事功業後之學者崇其道誦其詩景仰億千萬載之

下猶一日也所謂不沒者非與然則君之元其名之顯於科第學之吐於文章者必不與之俱元矣用是庶以慰父母之悲且以導群玉云

鄭母鄔氏孺人挽詩序

朝在位君子之遭親喪也一時諸紳之友之相率為詩歌以挽之所以悼其親之沒而相其子之喪也其用心仁矣哉大理評事鄭君某母孺人鄔卒且其墓上之木已拱矣上而

朝廷既有追封之命下而大夫氏又有闡幽之

淡軒稿

卷七 二十二

銘所以褒賢頌德可謂榮且顯矣人子哀慕之心亦可以少慰乎哉今諸紳哀挽之作方相繼而木幾評事君既窆集成卷屬余為之引余受而讀之長篇短章珠玉輝映大率皆賢其子之賢而追慕其母之教有方或美其責子嚴學其有得於孟母斷機之成毀或美其勸子勤學其有得於柳母和膽之助歟其言切其思哀蓋懷賢思德之心溢於中而發於外有不能以自己者且足以昭母教於後世非直相其哀於一時

而已詩人之心何其仁之至歟雖然子之學固由母教而成母之教必同于賢而著孟軻為亞聖故斷機之教益顯仲為邛名臣故和膽之訓益彰二夫子之名立於兩間與天地相為悠久而二母之名亦隨之今評事君學成而仕志在於君惠決於人可謂不負孺人之教也矣曰是感詩人之言思所以顯孺人之教益進厥學益勵厥行必求如仲邛如軻然後止吾知孺人之名殆與二母之名並立天地間於無窮矣然則

淡軒稿

卷七 二十二

是詩之作其為助也不少

林氏家譜後序

邑之鳳石林應邨俊奉其家乘謁于曰請應先君子為於孝敬嘗法徽國朱文公體隣祠作居第東以祠其先恒憂先世譜牒亡失世次無所攷即其所可知者始於五世以迄乎今作為是譜譜成而先君年進士劉君嘗為序其端執事應同氏也必能明其所自出故以後序累焉惟林之受姓始於殷少師之子堅林之八閭始於

晉晉安太守豫此天下古今之通言非一人之私議也入閩而後有居晉安有居居有居長樂有居臨漳居莆田居游洋居仙遊者惟莆田爲最盛有闕下林有澄渚林有前埭林有北關林有聯桂林有景城林故閩稱族之望者一則曰林二則曰林然支分派別愈久愈蕃雖晉貞祿出亦不能無顯晦盛衰之不一中經兵燹舊牒失稽或以晦而冒於顯者或以衰而附於盛者由是昭穆之分淆疎戚之辨紊矣豈仁人孝

淡軒稿

卷七

五

子之用心哉夫譜之作上以究本溯之所授下以稽支派之所由分所以傳信於將來者也苟親其所疎是誣其祖也疎其所親是棄其祖也均於不孝之歸今觀是譜知者詳之疑者略之疎者不強以親異者不強以同得立譜求法也審矣宋曾南豐自叙其譜上迺子與子皆歐陽公非之然則邦俊之先子益有得於歐陽公之緒論歟自古族之顯晦不繫乎貴賤貧富繫乎子孫之賢與否今邦俊懋懋於脩譜之書以

成先志可謂亢宗之賢也已吾知鳳石之林必能與闕下諸林同稱又何忝其爲祿之後云

陳氏族譜後序

處州教授建安陳先生昇將之任一日踵余告別袖出族譜求序且言曰陳之得姓自周胡公滿始由許州遷于建安者則自唐李諱略者始舊譜經兵燹而毀至宋十世孫致巨復脩之而九世孫朝老爲之序斷以遷建者爲始祖其支分派別彬彬如也元末遭兵燹又失之歷今世

淡軒稿

卷七

五

遠而尊卑疎戚之序幾乎混矣昇深爲此懼在嘉魚時乃蒐遺討殘積以歲月始成是編先世文章政績紀載弗悉子孫無所稽稽其可見者跋朝老直言之一疏耳矧今子孫之居川石者多溺於書簡落水之言雖有聰敏之資皆不喜業儒間有業儒者寧其肥遯亦不樂爲世用也以故登仕版者累世無聞昇承父祖之教奮身科第僅得一冷職深愧不足爲繼述謀是譜之作蓋欲爲子孫者知水本本源之義焉尊祖敬

宗之心且思讀書學古而求所以爲孝爲忠以
光顯祖宗於不墜碩丐一言以爲子孫規余曰
大譜之作所以示不忘也不忘乎祖必不忝乎
祖在於法祖而已子觀朝老之在哲宗時以大
學生請闕抗疏論蔡京數大臣之奸觸權威不
避也以忤旨而貶春陵處困厄弗憫也紹興中
三以學士召不起忠義之節與秋霜烈日並馳
數百載之下讀其疏者尚使人毛寒骨慄而興
景仰之心爲其子孫善法祖者其可外是而之

淡軒稿

卷七 美

他求乎今先生馳騁仕途方立身行道以見於
用異日功業之勢必當與朝老之忠義炳煥後
先斯可謂不忝厥祖者矣爲陳之子孫慕先生
而興者必思所以爲孝爲忠以亢厥宗以顯厥
祖其於符讖之言又何感先生拜而謝曰請書
于譜右以爲子孫告云

淡軒先生文集卷第八

湖廣岳州府同知 孫希範刻于岳陽公署

南京大理寺左寺正 孫炳章重刻于金

陵公署

記

崇安縣重脩儒學記

崇安縣儒學在縣西之營嶺肇建歲月郡誌不

載至宋紹聖二年重建元末遭兵燹

國初復重建之前爲廟後爲學廟有聖殿有兩

淡軒稿

卷八一

廡有戟門有儒星門學有明倫堂有東西齋皆
南向堂之後有尊經閣前隙地深廣堂之前
前地淺狹不足容師生周旋進退之儀成化丙
戌秋提學僉憲游公北巡至邑謁廟禮成周覽
堂齋嘆曰崇安閩中大邑也學堂之卑陋弗稱
盡闢而廣之遂以改作爲己事爰謀諸縣縣曰
愚民有罹于憲當贖者願出金以贖謀乃遂憲
副郎公分巡繼至亦以改作爲宜謀與游公合
知縣唐君紀董其事其工役司出納則邑簿丑

王君銳教諭鄭君綸訓導林君瓊也乃購材伐石陶瓦差穀興工徙堂於閣前之地翼以兩齋東西向高明深廣頓改舊觀戟門前鑿地甃石爲泮池櫺星門材木朽蠹風雨弗支撤而新之作會饌堂於閣左徙射圃於西齋之後園有亭扁曰觀德作文昌祠於學門之內又作兩門以達通衢左曰育賢右曰崇教凡倉庫庖廡學所宜有者靡不完備肇始於成化丁亥之春以明年夏告訖工僉謂是功之成規制宏麗足以起

淡軒稿

卷八 二

人心之敬圖經久之誅者實出憲司二公宜有記造諸生周鏞賁書來請求記於某某惟建國君民教學爲先學之爲教聖賢之道耳堯舜禹湯文武所以善治之道俱載六經孔子生於周末不得君師之位以行其政教退乃刪述六經垂憲萬世則堯舜禹湯文武之道皆在孔子矣是道也其性則仁義禮智其倫則父子君臣夫婦兄弟朋友踐是道仁之於父子也至義之於君臣也盡禮之於賓主也恭智之於賢否也哲

國朝

列聖相承詩書禮樂之化大明於世其治道可比隆於唐虞三代者皆本於重道右文崇尚孔孟程朱之學之所致也

上卽位改元之年車駕幸大學釋菜禮畢

御彝倫堂命祭酒司業講經書是日闕里子孫朝之百官咸在翼日賜宴於朝天下之士莫不交相慶曰斯文之幸吾道有光已而又命石程朱之後爲宗子者官之以世主其祀

淡軒稿

卷八 四

念其先世之學上補治道下扶世教報其功於無窮耳遭此恩榮實曠世所無之典也晦菴朱文公先生九世孫挺以召赴闕下

上命擢爲翰林院五經博士挺扁其所居之堂曰思榮上以彰君賜下以示子孫於不忘也賜余記之嗚呼天之生聖賢也豈偶然哉明王道植世教以啟萬世之善治耳周東遷而孔子生宋南渡而文公出皆不得大用於時其刪述六經集羣聖之大成者孔子也折衷

群言集諸儒之大成者文公也文公之有功於道學非直諸儒比故古人以孔子文公並稱焉文公之學在於格致誠正明體以通用也可以修身可以齊家可以治國可以平天下挺之歸也尚其明是學教之於家惟於鄉又推之於邑於郡俾遠而處者皆為善士出而仕者皆為良臣則於詩書禮樂之化庶有補矣

淡軒稿 卷八五

上所以恩榮於子孫者意蓋在此尚思無忝厥命俾世人皆曰文公有後則於地下重有光焉是為記

垂裕堂記

垂裕堂者刑部侍郎李君棠取其先君子贈侍郎公所受

誥命中語而名以侈

上賜以述先德以寓孝思於不忘也公諱襲浙之縉人五歲孤天性孝友善導母淑人黃氏教以諸家學事仲父如父友同祖之兄弟如

同肥家嚴置塾延明師以教其子里子弟有未學者悉館教之仍為出束脩禮嘗道拾遺金一囊携至家即往俟於道求其主歸之遺業卒業邑庠數歲之曰學務求聖賢踐履之實仕必以忠愛廉慎為要非徒為科第利祿媒而已棠登宣德庚戌進士拜刑部主事累陞郎中奉

淡軒稿 卷八六

命巡撫廣西欽恤足以弼教威德足以服遠上念其勤勞之厚惟見贈公通議大夫刑部侍郎襄公之善教也嗚呼世之為父祖者孰不欲其子孫為忠為孝為富代名臣然求其所以為教或惟得口於言語是誠其存諸心脩諸身足以法於家者鮮為子若孫者平以懼魏科躋窮階贈封於父祖為顯揚之孝其能鞠躬盡瘁以正道輔君者亦不多見若李之為父者能教古道以踐厥躬以教厥子為子者能礪節植勲以忠於

國以仁其民信無負

聖誥所云崇善弘仁垂裕於子者矣然公不特
垂裕於子而已所以垂裕於後曾垂裕於百
世者青此烏在為後昆者尚其培而厚之引
而長之母以自過爾躬某於棠為同平最厚
知公之德之詳故撰其可書之大者以為垂
裕堂記

世勲堂記

自古帝王之肇運立極必有鉅才碩德者出以
樹不世之勲以開不世之業故其子孫得世其

淡軒稿 卷八

辭以與守成之主洪熙熙洽之運於無窮也洪惟
我

太宗文皇帝 奉天討以靖內難時豪傑之士
除風雲之會而起者有若河而張公逸智而勇
忠而義識真應於潛邸知天命之有在委身歸
附致力於行陳之間以弼成中興大業以功累
陞衛指揮使封昭勇將軍贈父祖如其秩俾子
孫世襲為後又以扈從北伐有奇功陞都司都
指揮同知進封鎮國將軍分闡東鎮於關公教

明師律整肅居民樂業境內晏然誠

朝廷之腹心海邦之保障也既卒

帝遣官諭祭追念舊勲官其家子廣為青衛指
揮使廣才優文武心存忠孝嚴守簡時教閱恪
遵前規撫士卒安黎庶克承先志且崇尚文學
析節禮賢恒用儒術以輔武事故能揚威十里
宣力

淡軒稿 卷八

四朝誠振張先烈為國世臣者也通甫連歲不
登無賴徒為饑寒所窘相聚為盜晝伏夜出既

竊且諒民皆不逞軍處使閉塞道人蹤跡之木
司日執其渠魁餘黨皆相繼就擒閭閻之內聞
閭靖靜夜犬弗驚民德其惠思無以為報乃聯
帛為廣幅名其所居之堂曰世勲屬予記其實
惟

國家於勲閭必爵及於子孫者蓋古之世臣也
所謂世臣者不惟世其爵也世其忠也不惟世
其家也世其孝也孝則不敢忘祖宗積功累德
之艱必思其所以守忠則不敢負

國家爵德賞功之厚必思其所以報夫然後能保世勲於不墜永世祿於無窮與

國家匹休焉詩曰不顯亦世書曰與國成休為張之子孫登斯堂者尚當誦是言以自勉云

拙菴記

余友方君以書經登解於鄉為第一人歷泰和龍泉二邑教諭以家陞韶陽教授自號拙菴朝紳大夫士皆有賦詠以發拙菴之義既哀成菴屬余記客有與君雅厚者因難余曰君宋相陳

淡軒稿

卷八 九

正獻公象賢之遠孫也承家學之源委探頤鉤玄博求約會胸之所蘊皆聖賢之真妙君之所學非拙也鏗金戛玉驅濤湧雲筆之所書者皆道德之英華君之於文非拙也慎榮辱之機禁躁妄之發出諸口者皆剛大之氣君之於言非拙也思之以誠敬持之以戰兢踐諸身者皆正直之道君之於行非拙也至若持教鐸典文衡成德達材及門皆適用之賢登名選公所取皆知名之士君之為師為主司皆非拙也余反拙

名菴無乃古人佩弦韋之意歟余曰非也君嘗語余曰世人巧於求富廣厦千間腴田萬頃墮手而得足以貽之子孫不知不再世而窮矣巧於求貴食祿萬鍾繫馬千駟徒步而起自謂足以享之無窮不知不旋踵而敗矣是皆求之不以其道而務用巧耳吾固以拙名菴亦於世人有礙云已而又告余曰養拙有道歟吾將去筆而庭樸拙以養吾性也避煩而守靜拙以養吾心也謝勞而就逸拙以養吾身也戒奢而從儉

淡軒稿

卷八 十

拙以養吾禮也黜巧而尚愚拙以養吾智也不知先生以為何如噫古人之所謂大巧若拙君其以之俾世之人皆以拙自儆則奔競之弊絕而太古之風可復矣余愚竊迂疎世人之拙者莫余若然平生所以寡過者亦拙之效也客嘆而退余因原君名菴之意以對客者復君之請

雪香亭記

履庵先生梅志中甫吳中隱君子也性愛梅居東有溪曰飄溪其地宜梅履庵因植梅數十

株中攜一亭大常卿程先生嘗爲書雪香二大字以名其亭臞庵以子秋官即中倫之貴封主事年六十遂以家事委諸子值花時雪下輒賦咏於亭中以寫其幽雅之趣益將樂此以終身焉邇又命善繪者即景爲圖馳書於倫以求記倫遂屬筆於予予惟梅之開也寒葩的皪宜陽踈影橫斜宜月暗香遠襲宜風冥濛冷淡宜烟宜雨其變態之可愛者非一獨取於雪何也予知臞庵之意必曰窮冬沍寒生意閉蟄或同雲

淡軒稿

卷八 上

彌空六花垂而下木以之而葉枯草以之而根瘁獨吾之梅破臘而開雪積既厚梅之氣魄益崢嶸而雪不能虐雪壓既久梅之精神益爽秀而雪不能欺益梅得雪反助其清雪亦因梅而得香焉亭名雪香者以此夫以梅獨開於歲寒霜雪之中譬猶遺世獨立之士富貴不能淫也貧賤不能移也威武不能屈也予聞臞庵之爲人其貌清而癯也其氣和而平也其節介而直也其志安淡泊也其居尚幽雅也槩然有出

塵之姿其婉德於梅抑何負焉或曰至清者莫如梅至白者莫如雪臞庵取之以名亭益將以清白自守而遺其謀於子孫也予曰古人所重於梅不以花而以實高宗之命傳說有曰若作和羹汝惟盭梅予知臞庵之所以遺子孫者不特清白而已

叢竹小齋記

渾有隱君子曰黃梅齋先生端真幽雅嗜讀書而恬進取性酷愛竹嘗闢一室於居第東庭植

淡軒稿

卷八 上

以竹久之猗然叢茂因題其楮曰叢竹小齋先生於侍養暇怡兄弟樂賓友教子孫皆於斯焉先生物故久矣其子中立太守思謨言之在耳親手澤之如新於是益加護愛雖在宦途未嘗不竊寐於斯齋之中邇來京師求予記蓋欲永其思也予惟竹之爲物其性直其心虛其節堅所以見愛於君子者以其有所益耳觀其直則思中立不倚而所居者正觀其虛則廓乎其量而萬善無不容觀其堅則思確乎其守而外物

不能奪此有益於中者也至若四時之異景雨
晴風月之異宜瑩乎若蒼雪浮浩乎若翠濤凝
鑑乎環珮鳴翻乎鳳鸞舞森乎琅玕立於斯時
默觀而靜聽宵次洒然俗者清鬱者暢悶者釋
煩者滌於焉而讀書若助乎晤吟之嚴於焉而
鼓琴若助乎羽商之調於焉而賦詩若發乎推
敵之興此其有益於外者也宜端真幽雅之
君子之攸好也古云竹可以比德者信矣彼世
之慕富貴尚華靡者烏足以語此抑聞先生之

淡軒稿

卷八 三

祖必陰以隱竹號于中立以居竹名然則竹者
其爲黃氏之世好也爲子若孫善思其父祖所
嗜者則必思其所以脩德矣若然則是竹也不
爲玩好之物而已爾斯記也亦不爲虛語而已
爾

霞洲八景記

霞洲八景者建安楊澹庵先生之別墅也澹庵
太師文敏公仲子也世居白塔山去郡城四十
里至文敏公遊郡庠徙居城中比澹庵以子姓

築盛謀諸翁相地於城西南隅之霞洲是地也
黃華山麓枕其後鐵獅梅峰挹其前紫芝建溪
環遶其左右雖在城闕中隱然有山林之趣澹
庵遂定居於茲貽子孫燕翼之謀所構亭堂有
八堂曰清白欲子孫世守漢太尉震公以清白
遺後之訓也亭曰賓賓欲子孫持已之敬儼若
大賓之前迎也亭曰觀遠以其出淤泥而不染
香遠而益清花中之君子也軒曰靜學欲子孫
養心寡慾靜以成其學也曰聚奎堂者公在朝

淡軒稿

卷八 四

嘗宴玉堂諸公於待漏別室名曰聚奎澹庵因
之以名義塾益以宗戚俊秀所會猶奎宿之翼
也曰雲山草堂者益以山中之雲歛則深藏於
巖壑起則爲雨以澤萬物也又有環翠樓有竹
軒樓之外樹木蒼鬱四圍環翠軒之外叢竹交
加森森綠玉登斯樓挹蒼翠發爲詩人之詞坐
斯軒觀正直思爲君子之節此所謂八景也澹
庵朝夕周旋於其中惟讀書課子姪之是事賓
友至則肅迎而入周遊堂亭旋觀景物遍閱圖

史或究道德性命之蘊或論聖賢問答之要或
談綱常倫理之懿皆有益於世非徒即景抒懷
玩物適興而已噫古人為八景者多矣不過樂
山水之勝暢遊觀之樂誇賦詠之故耳今澹庵
之八景靜以成學敬以接人清白以追先世聚
奎以期後人連愛君子之花竹比君子之至若
山雲之卷舒林木之深秀皆有以感乎外而勵
乎中無非循德作身遺安於子孫之要也美哉
霞洲八景之居也予知楊之子孫生於斯長於

淡軒稿

卷八十五

斯族於斯上以承先世慶澤之厚下以垂子孫
無窮之休澤庵允矣楊氏繼述之賢也已澹庵
之西賓子友黃體勤備述霞洲八景事實請記
於予予因次第所述者以塞其請

喬樹晴陰圖記

三衢鄭侯以正統丁巳未歷于莆乃
上即位之三年也朝廷以寬簡為治輕徭薄歛
務安乎民侯能平易近民以宣
上德意以盡父母斯民之道踰歲月皆翕然順

化相安於田里之間庭無宿訟凡無留牘侯庸
掃一室日掛山水梅竹樹石之圖數幅于壁退
食之暇憩息其中以觀以詠以節勞佚一日侯
方對圖而坐吟咏久之不忍捨去是圖也喬林
茂樹清泉白石羣峰迴繞宛若青中之風景也
予時適來謁侯侯因顧謂予曰是為喬樹晴陰
之圖予盍為我記諸余惟古人之治邑者多矣
優於為政者殆不多見稽之載籍安子賤之令
單父鳴琴不下顧凱之於山陰垂簾終日陶潛

淡軒稿

卷八十六

種彭澤之柳潘岳植河陽之花許渾之在太平
則有溪柳野花之咏崔斯立之丞藍田庭有老
槐四行鉅竹千挺對二松日哦其間之數君子
何以能若是也蓋其心誠於愛民才優於為政
威武不能屈私謁不能干方寸之間廓乎公明
事文物候處之裕如故能以公暇蒔花種柳適
理詩歌以樂胸中之適耳世之以刺煩理劇稱
為善治者烏可況其萬一哉今侯適
重熙累洽之世出佐海濱僻邑能仰頌以簡制

猛以寬撫弱以仁綏強以德賦役均而徵時案
牘清獄訟理上而呵譴之聲不至下而謗譏之
聲不興於退食之餘寄興於溪山梅竹之景也
宜矣噫蕭山水縣也吾知侯親溪山之深峻則
思吾民樵漁之艱觀泉流之灌溉則思吾民播
種之艱觀樹木之蔽芾則思憩息之以宣
上之化觀梅竹則又思所以勵清白之操堅勁
直之節也則是圖實爲座右之銘非直以暢吟
咏之懷而已

淡軒稿 卷八 十七

書鮮于伯機帖後

元以善書擅一代名者趙文敏鮮于太常二公
而已文敏嘗自謂極力不能追及太常則太常
之書其尤善者也文敏累官翰林承旨凡朝廷
建作碑刻咸出其手故遺墨傳世也廣太常先
卒而遺墨罕存或有得之者則寶如拱璧此學
書君子恒以不得見爲憾焉判簿唐侯來治于
莆之三年客有惠太常公鵝羣寺帖尤文敏所
歎賞者侯不私所有圖與世人共之因命工錄

梓以廣其傳仍著釋文于后其用心何其公且
仁歟噫世有儲古書法帖以獨善其子孫者視
此寧無少愧乎哉

淡軒先生文集卷八終

淡軒稿 卷八 六

淡軒先生文集卷第九

湖廣岳州府同知希範刻于岳陽公署

南京大理寺左寺正孫炳章重刻于金

陵公署

誌銘墓表

金谿王處士壽藏銘

金谿處士王秉鎮南自營壽藏於其山之原求
蜀憲使王君某爲狀其事行走書京師因翰林
編修徐君某求予爲壽藏之銘噫死生者晝夜

淡軒稿

卷九 一

之常也死必葬葬必有銘此身後事也不以死
諱而預爲之計者其惟達幽明始終之理之君
子乎故樂爲之銘不辭處士名闡慶東鎮其宇
也先世自撫之臨川徙居金陵宋慶元間端彥
遠者復之撫金谿家焉曾大父士周大父宗鑑
父宇京母某氏昆季四人處士昆也幼穎異好
學邑博士屢辟爲弟子負輒以侍養辭承樂初
江北遭歲荒詔下江西郡邑發倉廩儲時轉運
以賑貸餓民已還村智若以父重其事處士甫

弱冠請代父行脩歷艱險事克有成父垂老仰
躬著錄邑庠二季尚穉處士以殖業爲己任乃
往來湖湘淮洛之間惟懋遷是勤不數年貲產
之厚倍徙舊業邑辟爲萬石區長董一區之賦
時方傭力營造民多匿難於催徵處士夙夜憂
勤且審心計故國賦以充而民無拮克人皆以
善幹蠱稱貺父卒處士振家政兄弟同居合食
者幾二十年闕先廬購腴田爲承先燕翼之謀
仲弟自卒業成均以至拜官知縣處士數致臨

淡軒稿

卷九 二

以資其廩人皆以孝友稱處士尚義樂施予凡
神之有惠利於人者祠宇壞像設缺則葺而塑
之不計所費邑嘗重新城隍廟建黃忠臣祠皆
禮請處士董其役故財力不費而事易成邑大
夫由是益重之晚歲得二吏夫子暨冠娶其家
業悉委之分理處士日惟親書史會賓友適林
泉之樂以終餘年而已耳處士生洪武壬戌五
月十三日今年壽七十又七娶單氏子男二長
璜娶某次珙娶某女一南城曾某其婿也其壽

藏其年某月告成云銘曰其飭躬也惟孝惟弟其率人也惟德惟義其承家也克拓先業其服勞也善養父志知原始而反終故不以死爲忌躋乎耄耄之年預爲身後之計後人欲發其幽光宜考乎壽藏之誌

兵科都給事中姚君墓銘

正統己巳秋七月

太上皇帝親征北虜選侍臣扈從兵科都給事中姚君銑與焉既旋師至土木虜寇猖獗

淡軒稿

廿九 三

駕相失在後君嘆曰駕既在後吾獨先何往乎遂死之時八月十五日也同行得逸歸者能言其事計聞其家子洪匄匄走京師欲收遺殯無所得將歸取衣冠以葬乃奉監察御史陳君叔紹所述事狀請銘且言曰廷臣死於北徃者朝廷皆賜爵誥勅以旌其忠以先君爲工科給事中嘗受敕故不再及非得銘則先君之死弗白於後世矣予史職也當紀諸史以爲臣子勸銘奚其辭按君諱銑字孟方姓姚氏號雙檜

居士先世自光州固始徙居閩之候官宋國子祭酒子材九世祖也高祖珣曾祖觀祖鸞俱不仕考忠號得雲山人贈工科給事中妣葉繼妣王俱贈太孺人兄弟三人君長也幼誦敏書日誦千餘言不遺長從塾師長樂林東仁先生學於經若書務究聖賢之旨趣於詩文必根於理弱冠遊郡庠攻進士業涵蓄既久其學益精凡上官郡試諸生君必居上第永樂庚子領鄉薦登甲辰進士宣德己酉授刑科給事中明年丁

淡軒

六 一

外艱歸既而祖母繼母相繼沒終制改工科滿三載

明初命封徵仕郎仍贈封其考妣及妻正統己未引疾歸于家凡七載足跡未嘗越里門藩府大臣以其材可大用疏聞於上以起之歲己丑改兵科己巳陞兵科都給事中卒之時距生洪武己卯三月二十日享年五十有一配林氏封孺人元君十年卒于男四洪福州府儒學訓導娶林滿娶鄭濂娶董渙尚幼女一僉事高君之

子基其婿也孫六君墓在其里梅亭山之源以
其年月日合葬林樞人之兆嗚呼君儀貌端偉
器局夷曠其學必欲追古初篤意經業既得進
士益肆力於諸子史學古爲文辭於詩若字迥
得唐晉名家法其引疾時嘗建祠堂脩祭器又
構亭於祠北前植雙檜中置圖書筆硯日以自
娛且以教其子因號雙檜居士賓友至輒觴咏
盡懽而休其處宗黨姻戚一於和其待僚案朋
友一以誠信其忠義謙慎益出於天性在黃門

淡軒稿 卷九 二

敷奏詳明山納唯允所言事必關大體而略細
故自入仕歷二十餘年始陞一級謹謹焉不求
躁進竟以王事而卒視世之奔競推門以求穹
階峻秩以炫耀當時其卒與草木同朽腐者爲
何如哉若君者烏可以不銘銘曰天之所以厚
乎君者其學之富其才之傑君之所以循乎天
者其生也忠其死也節生願沒寧靡愧靡怍天
錫祚胤有子式穀

雲南道監察御史黃仲淵墓銘

余友知東鹿縣事黃君子嘉之冢子仲淵卒京
邸于嘉聞訃走書命其仲子仲昭歸柩墓于其
鄉屬予爲塋銘嗚呼仲淵于方資之以寡老年
之過今其棄予而晁逝矣雖不忍銘烏可弗銘
之以寫予之哀以慰予友之痛乎仲淵世襲侍
父分教安成定省暇篤志家學弱冠承父命還
莆以奉時祀因舉入郡庠爲弟子貢時卓然以
文學鳴于嘉其能承源委之懿以世其學也正
統辛酉仲淵以詩經擢閩藩第二人觀其所錄

淡軒稿 卷九 六

文醇正豐贍足式於後學予又嘉其能以所學
發於文章以世其科也甲子冬計偕上春官兩
中乙科皆不就教秩而卒業國學益堅其志益
精其業益淬礪其文鋒景泰辛未遂登進士高
第用選拜雲南道監察御史正直以秉憲欽恤
以折獄以巡京倉則謹其出納弊無所容時守
倉衛卒月餉減十之四弗能自給請于

上爲復其舊人皆德之公暇必過余聚首肺腑
之底蘊必吐露相告其輔益於余恒多問及爲

政皆當世之務予又嘉其能以所學益善其政以益於人也家食時先世幾何遷地壞者必脩之築之父嘗以誣逮京仲淵朝夕奔走維持調復事竟曰其宗黨親友死喪必相慰贈有疾雖必相扶持此又仲淵循子弟之職於家者也仲淵為御史甫期年而伏枕者越四月卒之日年三十七四其父女俱老子女彙亡然尚幼其可哀也其仲淵曾大父奎封工部主事以齒德尊於鄉大父壽生翰林檢討以學行淳篤聞于朝

淡軒稿

卷九七

野父子嘉為儒師明理學以成後進為縣廩有惠愛於民以仲淵之父祖以及仲淵其所存所履皆循乎理而不拂乎天也天胡夫吾仲淵之年乎古云天道無知其信然歟然願而大歸而壽故君子之觀人弗於是焉仲淵諱深生永樂己亥八月二十七日以景泰壬申閏九月初七日卒母鄭氏國學上舍力久居女克盡母道妻林氏子族兄王傳先生女也隨居于京男二長乾元次乾軍女三俱未行仲淵之病且卒

時弟澐與其妻之弟長熙在焉其醫藥殮殯事悉賴其力也墓在邑某山之原以景泰某年月日葬銘曰玉出于璞而毀于珪璋木中于材而毀于棟梁有類乎此仲淵之亡嗟吾仲淵其材也良其學也敏其名也揚奚其壽之弗長誰其尸之冥冥彼蒼我銘其墓庶慰其父母之傷

贈儒林郎翰林院脩撰林先生誌銘

翰林脩撰林公震一日踵門請曰震先君子沒且葬十有七年矣宰上之石未有銘者非有符

淡軒稿

卷九八

也特以家遠不能求名公鉅筆不孝之罪莫逃焉今

朝廷賜勅贈官將歸焚黃願求一言以誌之庶有以揚親之奢侈君之賜也某不敢辭謹按狀先生諱廣希大其字也姓林氏景泰其居也諱某曾大父也諱貴大父也諱汝祥配喻氏其父母也魁偉端重儼然可敬先生之貌也慈祥豈弟藹然可親先生之性也少讀書知大義晚學易推陰陽吉凶之理先生之學也生則養

志無遠沒則殯葬如禮先生之事親也歲時伏臘祭祀必敬先生之奉先也遇宗族交朋友鄉隣皆得其懷心先生之待人也居市廛而誼諱不聞視富貴漠然無所動於中先生之知分也良岡院僧嘗貸錢二萬緡歲久以償弗收其息曰吾非欲施佛以徼福但不可苟得以傷義耳先生之用財也配欽化里張氏勤儉孝慈婦儀母道皆可爲法生於元丁酉某月某日先先生十九年九月十八日卒垂城西某山今贈太安

淡軒稿 卷九 九

人者先生之元配也龍溪蕭氏今封太安人者先生之繼配也男震娶薛靖娶王先_生三年卒愷中殤復娶劉賢娶張女長妻楊季妻張次早亡先生之子也曰弼曰幹曰宗先生孫也震甫弱冠遣入邑庠攻舉子業先生病且革戒之曰汝先世雖弗仕皆孜孜務善暨汝祖洪武初強起從事於郡邑夙夜小心務以濟人時同事惟于憲者或謫戍或遁卒而子孫存者無幾獨汝祖能保身以全其家皆世積之效吾知林氏必

將有後也汝宜勵學以俟先生之教也震以明經領永樂庚子鄉薦宣德庚戌爲廷對第一人官翰林脩撰先生教之成也元戊戌十二月二十七日生之辰也明永樂丙申十二月二十九日卒之日也運周甲子而少一歲先生之壽也邑之方成里牛項山麓先生之宅兆也永樂戊戌月日塋之日也贈儒林郎翰林院脩撰以震之推恩也噫積善厥躬而培植乎先者益厚慶延厥後而食報於天者無窮是皆可書以爲世

淡軒稿 卷九 十

之爲善者勸此先生不可以不銘也銘曰荷猷林氏連世務善篤生先生慶澤彌衍義方教子諄_諄誨言子成厥志爲今殿元贈以子官推恩有典生順死榮身晦遺願我銘直石追納九泉孫_子子子以永其傳

士誌銘

楊州府儒學教授林敬齋居士念母老遠養致疾年甫六十一遽乞致教歸旣抵家疾日加劇

乃命子朔朝為皆壽藏於鳳凰山之先兆又目
述行狀屬朔等曰我卒當以此狀求太史氏銘
庶足傳信於後葉云居士以成化戊子八月十
三日卒朔等遵治命奉狀連銘居士諱宗字存
敬散齋別號也與予同出唐九牧後邵州刺史
蘊公以忠顯者始祖也元兄弟聯登進士第曰
慎齋者為大父也明致仕教諭三復先生大父
也德齋處士也父母方氏居士自幼穎異最為
大父鍾愛授以書經年十五遣入邑庠為增廣

淡軒稿

卷九十一

生日與益友相為砥所學日進尋連棟選生員
例邑庠增廣如正額數甫邑庠生二百人沃其
半居士選留高等提學僉事高公按莆屢合四
庠生考之居士每遇首選士子從受經者輒自
成致若張寺副洽鄭知縣華陳主事兵吏侍尹
公吳山進士起家皆及門走也其中鄉榜使教
徒者不可枚舉自是文聲大振八郡士赴秋闈
多以贅求益正統戊子選與鄉試考官胡初選
在前列按閩御史周疑高公稱許太過俾胡然

之揭曉會宴高公以主司不明戲胡胡始白其
事自以頗壯塲屋無意於科第至甲子科為高
公逼始就試果在中列明年試禮闈居己榜首
或以辭己榜居士曰教職吾家世業也奚其辭
授山東軍海州學正軍海諸生嗜學者少居士
諄以家傳淵源之學嚴以教之時州同知李
不知學校重諸生家賦後皆不免居士欲奏其
不遵

淡軒稿

卷九十二

舊制遂免諸生至今德之正統戊辰丁外艱歸
至衡連冠發道使寓衡五閱月每慮費缺乏偶
為上醫士題古林春意卷衡庠諸生知之相率
以經書義求改所餽來脩白金數緡既足給路
費而襄大事亦得以如禮焉景泰庚子耶闕改
湖廣新州學正是州諸生亦不嗜學居士以教
軍海者教之而加以嚴諸生翕然從教得舉人
黎晃胡祥進士王翰天順戊寅秩滿使道省母
先祠傾圯則葺之族譜散逸則脩之己邇陞楊
州教授諸生聞居士學術之正教法之嚴偕率

請業居士未嘗以老倦于海諸生懼進士者馬
岱懼鄉榜者新進吳傑表富其學垂成者彬彬
焉楊當南北孔道甫親友往來過者必具禮款
待辭行必饒之以贐甫故里有春秋禱賽之社
將祀里人馳書來告即捐貲俾歸重建之天順
六年秋山東禮聘鄉闈主考居士學術既正秉
心且公士子所作畔於正道文雖工必黜之憲
使主任意取人居士堅執不從王知其權不可
奪己之是科所得多知名士人皆以賢主司稱

淡軒稿

卷九十三

時母方氏年已踰八望九艱於迎養居士數以
歸養情訴於郡守王訴於提學御史嚴皆曰為
師者正宜老成問學以造就人才弗允居士自
具情疏訴於

朝允之即日辭行比至家日惟侍母左右致定
省寒溫之問不敢頃刻離延明師以教子孫歲
時祀先之禮必躬必親以盡思成之孝時或出
赴鄉飲宗黨姻戚有以死喪婚聘之禮物來告
必分貲助之祖有林泉社久祀為之重建人咸

義之詎意其疾翼數醫弗效竟弗起歟屬續時
召諸子孫立於榻前命之曰我年踰一甲子得
遂首丘之願固無遺憾所憂者八十五歲慈侍
在堂願汝為子孫者朝夕侍側承顏順志庶節
其哭子之哀吾目瞑矣居士生於永樂丁亥十
二月二十四日距卒日得壽六十又二計聞甫
士大夫相率往弔哭之盡哀郡守岳公率僚屬
躬來致祭為之痛悼不已居士元配趙氏再配
姚氏俱卒今配王氏子男三晁朔娶歐次朝娶

淡軒稿

卷九 古

黃季鑑出繼從叔洋後女四晁適李仁貴次適
吳恭次適吳信季許嫁宋六陽孫男八鈺鐸鈺
朔之子也俊侃傳佐朝之子也女六曾孫男一
像麟鈺子也墓斃二穴為居士與王氏同穴之
謀朔等以是年十一月初五日啓壽藏石穴奉
居士柩塋焉嗚呼居士承先世淵源之傳務古
人踐履之實內以成子孫之教外以成英俊之
賢官雖冷而不憂其貧以道自尊也祿雖薄而
不吝其施見義勇為也是宜銘銘曰

越林摩先自唐九牧儒業相承爲閭望族歷宋而元世登科目雙桂聯芳慎齋子木適學淵源傳子三復萬生居士沾丐膏馥講道三泮高揚秘鐸造就英才棟梁懷袖載典文衡絕以正學海無遺珠玉求鉅璞念母高年艱於就祿懇懇乞歸爲養最樂天不整遺胡奪之速存懷沒寧奚託奚作鳳凰山南先兆是卜於萬斯年安此并屋

悠然翁墓誌銘

淡軒稿

卷九 五

前村桐巷之林系出晉晉安太守祿祿之十九世孫謹爲唐侍御史自晉安徙刺桐巷子孫因家焉曰寔者撰宋政和進士第紹興中泰檜主和議欲寔爲之輔寔直言斥之力辭去世以寔我獨曰光世者嘗著易鏡理宗覽而異之以布不爲史館檢閱後獻景定嘉言二十策復詔賜進士歷官司農卿諱壁卿號樵穀者學飛昇之術通天文之書元世祖召見拜以官弗受却道齊其人望卿生德用德用生宣童童生京京生

悠然翁諱鑄字惟範行六悠然其自號也有至性痛父不逮養事母鄭益謹母樂有賢子享年八十三而卒先廬洪武初爲衛師所據翁言諸公以復之外家黃無子爲擇其族之賢子侄以後之待女兄弟之寡者友愛踰本嫁時處宗室姻戚一以誠意與人交不爲崖岸態士多樂與之遊家舊所積貲產足以供祭祀待賓客應官府之需翁未嘗有所增益囊橐盈虛恬不介意至於佃者負其租貧者負所貸亦不之較輕

淡軒稿

卷九 六

利嗜義有善此者至中年所積比於昨十去五六矣晚歲家政悉委之數唯樂爲山水遊嘗去郡城南十里許構宅一區北枕橫山南揖八壺爲逸老之所宅後有圓圓間有亭環蔭花木而菊最多每興至輒持杖出門歷覽勝槩倦則退憩亭中而壺山而坐迫得柴桑翁之趣同扁其亭曰悠然故人皆以悠然翁稱之翁亦因以自號云邑大夫以高年有德辟爲耆老里有爭者詣其門皆息訟而退

朝廷奏有司議選賦多而才德足以服衆者為
頻年糧長衆咸舉翁家无之翁誠其子曰是責
雖小且勞亦足以施其惠慎勿負所舉可也子
能服其言人皆以長者郡校行鄉飲禮郡守致
書躬詣門延置賓席深衣大帶禮度肅然足以
儀表於人不幸以明正統戊午九月十七日卒
距生元至正己亥十月二十五日得年八十配
黃氏先翁十年平子男三長潛由鄉貢進士任
陝西都指揮使司正斷事娶陳汝清娶黃汝清

淡軒稿

卷九十七

以翰幣道平娶梁女二王吳其婿也孫男五岳
醫潛之子也墳長塲塚璋潛之子也孫女七曾
孫女二卜以是年十二月初六日葬於維新里
橫山之麓與黃氏合窆焉先期具事狀求請銘
某惟翁之所為者卓有古風可立以傳於後者
也豈忍其善行弗白於後世哉因序其事而為
之銘以納諸幽俾後世知其為翁之墳也銘曰
處今之世行古之道匪仁弗為惟義是蹈泉石
與隣布韋以老中壽而終人由猶惜其去世之

逸齋林先生墓誌銘

早有高者墳橫山之左既固且安百世永保
正統己巳秋某服闋將還京造族兄逸齋先生
別先生曰我與汝嫂年俱八十矣已營樂丘於
鳳凰山先兆之左為他日同穴謀汝其為我銘
之某曰先生老益強健上壽徵也且老成宿德
當得名公鉅筆足以垂耀示信於久遠文鄒辭
曷足為重輕哉故未及為遠別去抵京之三
景泰壬申春聞嫂葉氏於舊冬卒時家嗣員外
郎璋適考績至京囑文為行狀求吏部左侍郎
錢翰林院學士江公銘之喻時逸齋先生亦平
其痛悼不勝每念及臨別語輒淚下璋走書述
銘文不敢忘情於許劍乃即所知平生大槩敘
淚而書之先生諱續字道傳逸齋其別號也姓
林氏世居前城文同出唐九牧端州蕭公後以
儒擢科第登宦轍者世不乏人高祖某曾祖某
祖良玉元延平路錄事考季建寧路司獄妣趙
氏昆季五人先生用受室父喪先是避元寇檣

淡軒稿

卷九

遷至國初始復舊業荒落弟妹尚幼其當家之責惟景兄立傳與先生是賴尋景兄亦卒先生力貧治喪委曲以慰母心無悔弟妹以底成立官府賦役事悉自負荷奮奉楮業以儉約自給久之家遂用裕乃構堂室以闢先廬置腴田以備時祀禮遇宗黨親友婚喪患難輒分所積贏餘助之始祖端州之祠堂老將壓其先編脩君嘗謀諸先生倡族子弟重構之未興功而先君卒先生遂徹而完之堂室幽靜足以妥神靈以

淡軒稿

卷九 九

仲追遠之敬者皆先生力也在鄉郡爲齒德達尊歲行鄉飲禮居大賓席威儀整肅足以表率座人四丈夫子時造就明師學肆垂髫遺入郡庠從負外水南陳公受詩經業成登國學拜戶部司務累官戶部員外郎先生數書以古人清慎勤爲誠律恪遵所誠居官以賢稱適以員外績最得請

請命以封所生未及頒賜而先生卒矣時景泰辛未某年某月某日也距生洪武庚戌某月某

日壽八十又二配葉氏其卒先生某月某日子男四肆瑞鸞鸞女一孫男六女二曾孫男一其婚配金業文糧科所宜書者俱載葉宜人墓誌肆卜以先生卒之又明年某月某日奉柩合塋焉銘曰林始入閭晉常侍祿折莆澄渚唐九州牧前塋之遷遂聚國族詩禮相承科名繼擢比于逸齋世慶益篤早涉艱虞志行卓卓芹構胥堂先廬用拓載新始祠追遠彌恪兄弟怡愉子孫穆穆階列大夫子官京國推

淡軒稿

卷九 三

恩所生式封子爵壽踰耄年備膺祉福鳳凰之山先兆是卜雙璧固藏借此斧屋我爲銘詞堅珉深琢肝表之文尚求高作

姚處士墓誌銘

沁山姚君克周偕從于德裕奉塋賓涵江熊綽所述其先考處士府君事狀踵予曰孤不天七歲喪父九歲喪母筑筑子立未堪家多難時二柩權厝沁山宰石之文尚缺於禮未周茲得吉於九峯之麓卜以正統己巳正月初四遷柩合

寔焉敢以銘請余於克周有瓜葛好素聞處士
行誼故不辭按處士諱神與字士啓行兆五姓
姚氏世居延壽里之沁山宋參軍渠其所出之
祖也曾祖遷貳祖恩父美俱以隱終毋丘氏昆
弟三人處士季也幼即岐嶷有成人志稍晬嗜
學於經若史皆獵涉性倜儻尚氣善談諧在稠
衆中出一言輒屈其坐人痛父不逮養事母曲
致其誠處二兄怡怡愉愉極相友愛交朋友以
信士皆樂與之遊以富產業例十年一宰子里

淡軒稿

卷九 五

于心率物料穠以均里民德之涵江有渠顏洋
十里許歲久湮塞弗能浮舟田失灌溉人兩病
焉邑大夫謀疏決之機處士董其事處士區畫
必審課程必公人皆樂於趨役事不踰期而成
田者舟者至今咸食其利涵江書院圯處士捐
已貲倡嗜義者以重葺之又樂於赴難賑乏雖
殫其力竭其財弗恤也不幸以永樂庚寅五月
廿日卒得年三十又八配陳氏同邑潮西巨族
子事舅姑孝相夫子敬教子女待妯娌絲理

政舉得其道後處士二年平時歲壬辰六月某
日也得壽如處士側室吳氏宣德戊申十月十
八日卒壽六十又五子男一季養字克周吳出
也娶曾氏女二長通陳次適李孫男五玗瑄璠
環琳女三曾孫男三女一墓甕五窋中處士其
右配陳氏又其右側室吳氏附焉尚虛其左二
克周與曾氏婦之壽藏也嗚呼處士以賦質之
美幼孤嗜學假之以年則其所至未可量也惜
乎不壽以卒其命已夫然於脩厥躬裕厥後者

淡軒稿

卷九 廿二

皆可書也乃銘曰于仁于義厥賦自天既厚厥
賦胡嗇其年天之佑善不于其壽之延于其嗣
之賢以昌其傳九峯之麓有鬱斯阡我銘其石
式慰九泉

南庄老人柯君墓誌銘

余聞邑之東隴有隱君子姓柯諱從字守正自
號南庄老人者勤約以致豐而下苟取與冲澹
以養心而不求聞達直諒以擇交而苟不語實
足跡少造城府每恨未嘗一與接識不幸今平

矣家子梅奉瑯齋黃先生所述狀謁銘余曰噫
老人余終不得而見之矣得見事狀又幸聞所
未聞者老人幼喪父事母至孝母厭舊居泊海
且念外家徐遺孤尚稚時祀或缺老人遂以先
業主之兄遷于東壠密通外家以居其地膏沃
宜稼溪山之利最博足以具甘滑供祭祀老人
奮拳用裕厥家先是中微祖母父之柩皆推厝
於是始克禮葬自豫壽坎以俟曰吾生不及養
父死附吾於斯庶體綢得相依焉執母喪一遵

淡軒稿

卷九 五

徽曰文公之禮而哀則過之痛兄早喪撫幼姪
踰於已子構堂祀先扁曰追遠朔望必謁出入
必告歲時祭祀恒語爲子若婦曰物貴豐腆將
之必在乎誠又構亭以爲延賓之所亭外環植
竹木扁曰環翠友至輒邀坐亭中焚香啜茗談
論竟夕疊疊忘倦又於追遠堂東構室扁曰同
心曰子孫居是室者惟同一心則義門不專於
鄭矣外父隙無子歿爲之殮葬又從以祀其先
老人性剛介嗜義人有善若已有之有不善者

嫉之如讐敵或以非理相凌犯必與較曲不直
少怨羸餘之積雖厚過歲必以貸貧之者不
能償者不問去冬得疾踰半載弗瘳疾且革語
二子曰死生命也奚以戚爲凡吾所爲者無非
爲汝曹計汝慎守之則吾目瞑矣言已而逝時
正統己未五月二十七日也壽得七十一
是年十二月某日葬于金牛山之原從先兆也
配陳先平繼鄭子男二長梅庭林次相娶王鄭
出也女二長通張次受聘余季弟側室出也孫

淡軒稿

卷九 廿四

女二柯晉安人遷莆自大理評事竇始居武
盛里之前柯後又析居安樂里之高球世多顯
官爲莆鉅宗宋龍圖學士述海堂令之新而所
運幹岳高州推官立義皆其祖也高祖進士舉
曾祖元慶元路學正祖顯父問皆有承德老人
善行之足稱者蓋世德相承之有自云銘曰作
室壺而躬耕隴東嗜逸故晦樂儉故豐有遺安
計有孝友風賢哉季偉貌矣龐公匪老人歟誰
躡其蹤金牛山麓生此是從我銘真石昭示其

鄭義姑墓誌銘

義姑諱福字惟清鄭氏閩之龍溪人。適王克剛之女錦衣衛千戶時敏之女兄鎮撫之姑也。幼知節孝。嘗讀孝經。烈女傳。通曉大義。甚為父母鍾愛。及笄。鎮撫衛千戶王昱聞其賢。屢遣人求婚。遂以妻之。無何。昱之初妻自南京奉主中饋。姑嘆曰。夫婦正始之道。禮當以實告。已室而曰未室。烏乎可。吾將屈節事之。必取妬矣。吾寧

淡軒稿 卷九 五

歸。卒父母以終。吾身焉。後昱以功陞漳州衛指揮。金事復來。迎姑姑誓不復歸。王氏曰。惟平時敏奉二親。養養退。惟女功是事。後昱卒。父母間姑少年勸之再醮。姑曰。旣不復歸。於王焉可。再醮再醮。則失節矣。失節將何立身於天地間乎。由是去華飾。絕茹葷。以淡泊自持。以貞節自守。及將歿。以善綸召赴京師。拜千戶日供奉。禁密之地。父母垂老在堂。康與二翁尚幼。其養父母教諸弟。綜理家事。惟姑是賴。不幸父母與弟

婦相繼歿。棺殮如禮。為卜葬於瑞巖之山。未幾時敏亦沒於京。即姑遣人扶柩歸。合先兆葬焉。諸姪及時遺讀書。里塾既長。為舉冠婚之禮。愛之一如已子。其家之先業亦賴之以不墜也。姑性嗜義。樂施予。中歲又嘗學醫。能達其術。里人有以疾來求者。輒為治之。既愈。以禮謝。輒辭。鄉人咸曰。姑不惟義於其家。又能義之於鄉。故皆以義始。稱生於洪武己酉八月初四日。正統某年三月初四日卒。得年七十有七。以天順某年

淡軒稿 卷九 五

某月某日葬于某山之原先期。姪康奉南城教諭。同邑林恂所述。姑行實。丐余銘。因撫其竇。而為之銘。銘曰。婚重正始。禮以自持也。誓不再醮。節守弗移也。歸寧父母。老不棄於孝也。撫育諸姪。誨克盡乎慈也。猗歟義姑。允矣烈丈夫之為也。

進齋陳處士節婦林氏合葬銘

陳甥昕喪其母節婦林氏。余適致仕還莆。所一日墨衰奉致仕知縣劉君祿所述。父母行實。陳

余泣訴曰孤雛抱喪父歿之時弗復求銘於太史氏不孝之罪莫重茲已奉母柩從父進齋處士合葬焉敢請銘之俾先德不泯於後世則幽明之感深矣按處士諱肅字經疇陳氏先世潯川人元遠祖大明公始入莆居孝義里之溝北曾大父士知大父尚綱富而嗜義父本和溫厚雅飭嘗為邑庠生學垂成以親老侍養乞退母卓氏經疇永樂壬辰十一月二十九日壬子月初敏嗜學嘗授書經於戶部郎中郭公道遂而雄

淡軒稿 卷九 廿七

府鄭公述之門二公咸器重之國學上舍君聰里塾師方君美皆一時知名之士也咸惟遜之其族人諸父咸以元宗顯親之子孫期待之不幸年二十六而平時所方四歲女方六歲節婦余女弟也字淑貞幼習先君誨德府君家庭之訓知謹禮節既笄歸于經疇克執婦道宜於舅宜於家至年二十八經疇卒誓志不二弗翼遺孤事舅姑惟孝誨子女惟慈治家持身惟勤儉孀守三十年始終一節里人賢之疏其貞

貞節事聞于郡邑轉聞于

朝廷旌門之

詔未下而林氏卒矣時天順甲申九月十五日也距生永樂庚寅三月二十二日得年五十五又三子二人男一即所娶林氏繼娶黃氏女一名鎮妻黃珊廷琬余姻友師賢之子也孫男一諱孫女二榮華墓在紫霄半山之原雙四石古松氏右之右經疇左母卓氏壽藏左之左林氏以卒之年十二月二十七日葬焉銘曰嗟我經疇

淡軒稿 卷九 天

天賦性厚既厚爾才胡而壽夭佑善人保善爾後猶歛林氏幼開家教早喪所天守貞勵節養老無孤孤惟慈惟孝同穴而藏奚必借老勒銘真石為後葉告

封禮科給事中耕隱劉先生墓表

士有隱於畝畝其學足以備已也其仁足以及人也其寬足以隱忍也其智足以勸善也其孝足以擴父祖之業也其意足以成子孫之賢也其恬退足以抑奔競之風也其簡傲足以禁苛

靡之俗也。九若茲者，予於昆陵耕隱劉先生，得其人也。劉氏先世鎮江金沙湖溪人，元季始祖粹軒府君資昆陵謝家，遂附籍武進。此其所居也。耕隱粹軒四世孫也。以早孤，弗獲聞獨立之訓，痛悼不已。其終身慕也，書奉植業，用裕其家。每置田宅，必倍價償之，曰：「彼以田宅來，常為急用耳，倍價償之，半以償半，以周其急。」此其素者之仁也。里有千峰寺，闢法場，四方觀者，蜂屯蟻聚，有一相識婦，裸而乳，子同行者問曰：「彼為

淡軒稿

卷九 无

誰先生得為不識此其隱惡之量也。里有窮少年為穿踰父耻，飲溺諸水。先生憫其少年，冀其能改，乃力勸其父釋之。其人果能感化為善，以全父子之恩。此其勸善之微也。先生性敏所學，務踐履之實，且工賦詠，教子必宗源委之傳。子觀第進士，拜給事中。先生寄以二詩，辭諄以忠愛，庶慎勉之。觀拳拳服膺，弗忘作楊震却金詩十首，以自警其忠愛。庶慎簡在宸衷，累官閩省。序政，此其義訓之效也。明洪武甲子，成化某某

甲子，此其生卒之年月日也。享年七十又七。此其壽也。曾大父某、大父新、父玘、母某氏，此其三代之封。孺人王氏、婦德母儀足法。士族此其妻也。男觀女某、孫男某、女某，此其子孫也。墓在某山之原，以某年月日掩壙。此其墓之域葬之時也。猶其行實為表其墓者，歸田學士莆田林澹軒某也。書丹者某也。篆額者某也。

陳處士墓表

陳處士，莆忠門人也。莆多詩禮族，而忠門之陳

淡軒稿

卷九 三

獨為稱首。益以其為子若孫，皆能敦世業，崇世德也。處士以壯年卒，卒且三十餘年。人之稱其善如一日。此其所以為陳之子孫歟。處士諱歸，字止尊，宋紹聖間登進士官，奉議郎。屢之後，曾祖君保、號錦山先生。祖高，號靖逸，嘗置塾延師以教宗黨子弟。又割田若干畝，以為廩膳費。考熙寧、安訓，導以忠門故第。厄于兵燹，徙居南溪。今子孫田之母黃氏、兄弟二處士，氣也。性孝友。甫九歲，訓導君以明經舉仕于外。凡九年始歸。

無何又司訓惠安處士奉母命從伯父徵往居
學雖在髫齡能自刻勵以濟美爲心訓導君平
處士即餉餉弁宦邸迎柩歸葬如禮痛父不逮
養事母尤謹第居尚幼撫愛極至稍長遂遣著
錄郡庠從名師遊凡戶門事悉自負荷不以與
焉俾得專心於學朔望歸必相與談論終日不
忍離後居領鄉薦出判藥州皆處士力也與宗
黨朋友處和而有禮直而不阿人多樂其和而
嘉其直也且嗜山水遊暇輒約一二友以往觀

淡軒稿

卷九 五

名勝雖累日忘倦不幸年三十有六而卒時永
樂癸未九月二十四日也卒之日母年踰六哀
子鈞方八歲聞者無不哀悼以爲天不佑善配
何氏婦節母道皆可爲士族法後處士二十八
年卒子一印鈞今爲和陽司訓女二長適吾從
兄嗣次適黃處士卒之明年葬覆坡山以風氣
弗完歲戊子遷于東林先兆何孺人樹焉州判
君說嘗自誌以納于幽和陽先生復請予表其
墓嗚呼世之人率以身之貴壽之祿爲善之

貴且壽矣德不立於已善不聞於世
焉今處士克以詩禮敦世業以孝友承世
子善名不沒又有賢子以顯其親爲善之
而往矣又奚必貴與壽哉愧予言不足以
萬一姑述梗槩以俟其子鈞字邦用云

淡軒稿

卷九

五

淡軒先生文集卷第十

湖廣岳州府同知、布範刻于

南京大理寺左寺正、孫煙

陵公署

雜著

方處士行狀

處士諱允字守初行念六姓方氏世居苗之白杜塘始祖嶠天聖間舉進士第官至金紫光祿大夫訖是世有顯人曾祖某祖顯考德玉俱隱

淡軒稿 卷十一

德弗仕毋鮑氏生二子長寶童處士次也天資孝友事父母生能婉容順志卒葬祭無遺禮父母遺產業得多利者悉讓與兄兄先卒姪尚幼撫育之俾底成立處宗族以恩待賓客曲盡禮義性朴直恬退安勤樂儉嘗闢舊廬增置田數畝日惟課諸僮僕以業樹藝事以為賓客衣食資囊有贏貲歲歛輒貸里之貧乏者不責償暇則遶里中一二父老徜徉於陳山毒水間以適川魚林鳥之樂視勢利澹如也嘗執役于邑

長于里邑有供億更有誅求悉出已囊以應之有不給又貸以繼之甚至更胥或以非理相訟亦默而受之終不思以飲於民時同事者皆竊笑處士以為愚處士聞而嘆曰我豈愚耶欲以求於民顧民有不勝其困故寧忘已之困耳強為是以求異於人人成德之皆稱其寬厚有古冕者風尤善教子子迪幾弱冠即遊入邑片執經從名師遊所居去學舍六七里許暇則數暮歸以盡膝下飲處士力止之曰夫學必朝夕無廢庶幾有成朔望一歸省未為疎也汝惟吾言是聽可謂孝矣迪遂不敢違既進鄉薦為登進士第復告之曰吾宗在宋多顯宦名儒入

淡軒稿 卷十一

國朝以科目進者罕汝幸中甲科實藉先世遺澤之庇汝必夙夜匪懈俾所為毋負所學庶有以承先人於地下慎勿以遠離膝下曠朝夕養為憂吾之欲汝為孝在彼不在此也不幸正統改元十二月十二日不疾而卒距生於洪武癸丑得年六十有四配鄭氏同官縣丞四之女

一即迪今為刑部主事娶顧氏繼邵氏孫男綸
孫女某越明年二月朔日計聞迪既為位而哭
悻奔喪歸以奠屬又為狀處士行實以請銘當
世立言君子以圖不朽又泰與處士同鄉曲直
與迪惟善願知處士之為人敢為述其學行事
擇焉

封太孺人陳氏行實

太孺人姓陳氏諱涅字某贈工林郎監祭御史
朱先生則文之妻監祭御史鑑之母也世為眾

淡軒稿 卷十三

之令族曾祖通判傑考處士惟聖母吳氏孺人
貌端重性寬厚言動必閑於禮且嘗讀書知大
義早失怙事母極孝處兄弟友既歸牛勞姑俱
先年每承祀事恒嘆曰伏臘之盡禮不如晨夕
之侍側蓋痛其弗適食也處鄉黨姻戚咸得其
懽心待歲獲未嘗戾言厲色事女工主中饋綜
理家務各中節而閨門外而姻親咸稱其賢者
無間言母吳年哀號籲天曰不幸罹此凶禍家
且貧殯葬其能不違於禮乎惟天其鑒之越司

日忽夢人有告曰天感汝孝念將賜金以助不
給寤以告先生皆置之弗信一夕自光現室中
掘地果獲白金為錠者數十遂得以畢葬事孺
人又謀先生曰天既卹我艱虞以是賜我我奚
可私天之賜而不推之以惠于人乎於是盡以
餘金易穀數千斛家無饑粥之食者則周給之
病而不能請醫者則市藥以愈之死而無所歸
者則買棺以葬之養遺孤為之婚娶者六人家
之有無不計焉永樂丁亥先生沒孺人哀毀踰

淡軒稿 卷十四

節殯殮如禮復於柩下獲黃金數斤故大事之
襄官府之徵歲時之禮皆賴焉鑑時未弱冠既
終喪遣著錄郡庠從名師遊夜歸則課其所習
之業間嘗然香告天曰吾夫早逝願吾子學有
成以無忝厥先歲丁酉秋鑑將赴燕闈試前一
夕夢有人以出門如見大賓等語告之既進院
命題果然遂以禮經魁越明年會試乙榜授蒲
圻教諭滿秩用選拔陞今官克舉厥職宣德甲
寅春獲推恩受封鑑念甘旨久曠奉

初歸省馳至家孺人年已二旬矣歲甲寅五月九日也距生元乙未十二月二十六日享年八十有一子男一長即鑑娶鄭氏先享贈滿人程鄉令懋中之女也繼娶達氏封孺人御史旺之妹也次鐸娶蔡氏女一曰勤通方孫男四孫女六鑑等卜其年十二月庚申葬于邑之養能里傳山之原附先生兆也荷數孺人之賢其所以格乎天施於人昌厥後者皆一念孝誠之所為也世之為女為婦為母者不於此人是法

淡軒稿 卷十五

將焉法余於鑑生同鄉仕同朝相與極厚知孺人為特詳故敢述其行實以俟立言君子求而銘諸石云

祭松江教授鄭先生代作

猗猗先生裔出南河淵源家學獨擅于前鈞玄探頤味道之腴上窺孔孟下接程朱文章璨璣玉佩瓊琚傑傑瑩徹貫鑑水湖早遊泮水函丈矩矱廣寒折桂高步天衢寒煙不厭心與道俱兩鳴教鐸為世名儒化洽郡邑道法生徒保俾

標柄皆出範模節道以立安寔之胡既云滿秩遽赴京都尚期大擢廊廟謀謨夫何一疾遽死客途具棺殯殮曰有二孤故鄉杳杳在天一隅匍匐歸櫬萬里馳驅先生有母八喪已踰景皆溫清執問起居先生有弟和氣怡愉遠離骨肉孰其友于與言及此孰不長吁我忝姻末實同里閭臨岐執紼薄奠生芻護棺無計南望嗚呼

祭宛平鄭相公

淡陣稿卷十 六二

兄之生今人皆謂天道之有私兄之死方人皆謂天道之無知天果無私何其賦之以蕪介之行畀之以英邁之資天果有知何其使之位未至於顯達壽不享於期頤顏天妬壽自古如斯天道反覆夫復奚疑嗚呼惟兄之死有大可悲上有八喪之老母下有樞樞之孤兒孰為朝夕以終養孰為鞠育而扶持僚友聞之莫不捐膺而頓足鄉人見之莫不洒淚而沾衣余與兄有母族瓜葛之私奚敢不酌之以酒而告之以詞臨棺一慟與爾永辭嗚呼哀哉

祭顧君惠仲

卿曲之誼從古所敦遭逢湖海於情尤親夫何
世降古道日淪或同閭巷慶吊弗聞或同宗族
視猶途人輕言托友翻兩覆雲以富則交不交
賤貧以勢則親不親鄉隣嗟哉薄俗置之勿論
吾儕於君實同鄉園遠遊萬里同寓都門惟君
嗜義古人弗護相親相睦朝夕慇懃義雖鄉曲
愛踰於昆尚期白首始終此恩詎知一疾幽明
永分我等聞訃叩哀來奔追念昔者中心如焚

淡軒稿

卷十 七

茲晨出殯薄酬一尊具詞以告庸招爾魂魄如
不昧雖死猶存

庶子周先生哀辭 有序

先生泐水嘉儒胤也早遠庭訓性穎異篤志聖
賢之學正統丙辰殿試第一人入翰林爲修撰
陞侍講再陞左春坊左庶子兼舊職考會試修
君鑑進請經筵卓有賢聞其宏才碩學入皆以
勝重遠到期之不幸五十有八而卒噫其所抱
負者未盡展也惜哉發潛闡幽以垂不朽者已

具名公鉅筆矣因撫

太子洗馬永新劉先生所述事狀爲詞以寫余
之哀以慰先生於地下爾詞曰
華金重也會昌浴也清淑攸鍾此繁周巨姓百
世積慶篤生賢胤此早表怙恃吃有鉅志古學
是治些其學伊何鑽堅仰高匪圖決科些心融
道契或展經濟期于用世些奉對
聖明擢冠群英高步登瀛些細書石室爰秉直
筆遷固其匹些進講 經帷

淡軒稿

卷十

聖學緝熙啟沃是資些典衡棘垣得殿元衣
鉢其傳些交必以信終始其敬衆所取正些入
輔黃扉政柄是持天下所期些胡運未過條爾
仙遊曷不少留些經綸未展爵位未顯匪學之
亦些曰是曰非以决我疑孰其龜筮些丹旆載
馳靈柩在輶祖道倏遲些有討若堂白璧深藏
莫掩其光些載誦遺詞弗覩令儀曷罄我悲些
唐先生哀辭 代陳侍講作

繫先生之生分賦稟異常鍾川岳

武康學沂洙泗兮源委清長出除風雲兮世值
虞唐禮羅大張兮網俊良先生掉鞅兮登大塲
詞章璀璨兮金壁流光蟾宮高步兮騰臨飛黃
寒壇不厭兮惟道自將四朝鳴鐸兮竟老津庠
植世教兮六紀三綱閭閻英才兮慷慨傑傑胡三
韞兮未兆講堂遽一夢兮弗醒黃梁化鶴遠歸
兮遼海外騎鯨直上兮白雲鄉臯比轍兮誰繼
程張門雲深兮思立游揚學海乾兮天濶不揚
津池水溢兮芹猶香泉臺永閉兮範長石麟高

淡軒稿 卷十九

卧兮斜陽賢哉二子兮丹穴鳳凰翔霄漢兮
天彩輝煌長教青邑兮訓迪有方李佐簡邑兮
善政以彰客路踐兮春露秋霜暮終身兮地老
天荒象賢趾美兮曰為不忘然則先生雖死兮
千載流芳

仕隱先生傳

先生王氏諱忠字守正號存誠既致政歸更號
仕隱世維揚人晉東渡太保茂弘後祖從甫元
季避兵入常回家武進父友諒嗜學尚義有古

長者風嘗為萬石稅長承樂初應召教耕於水
魯氏食足用既遂言事切直

上以其識治體擢延平府同知有遺愛於民間
宿儒陳用直學行敦篤可師資禮延為塾賓以
訓于子弟先生幼穎敏內承義方之嚴外服明
師之教於經書史皆明於理而究其事而學以
踐履之實為要屹有經濟大志弱冠著錄邑庠
同列咸推避之有及門者多懼巍科而起邑先
生於場屋累試累然未嘗以利不利少優益

淡軒稿 卷十

勵志於學造詣益深宣德丙午用貢卒業國學
士子擢兵部武政選主事持心廉正莅事慎勤
大司馬王公知其賢遇膠輻事輒謀之先生到
折以對必歸於正公益賢之未嘗待以屬官禮
鄉有德之服也餽白金給其僕收之其人去國
死先生既責於僕亟召其子還之子以父無遺
命堅弗受乃納金於其僕遺一僕掖而出滿三
載受

誥命進其階贈封其父母妻如制先生念母符

太夫人年邁乞假歸省遂別甫春引疾歸且圖侍養正統壬戌又起之以治徐州洪水至則募堤捍水以通舟楫清運商旅皆稱便是冬總督漕運蔡玄代還時母年踰八袞而慈慈以老乞歸以遂終養之志先生有至性同知公為稅長時歲詣

京請給勘合所徵租有負或曰諸弟盡代之先生時年十七請代往至則遇宥而歸人皆為誠孝所感季弟守冠母寂鍾愛先生屢積贏俸

淡軒稿

卷十一

母母報以典守冠守冠死母過之哭哀先生

以督運道家想慈慈以簡短有數用節其哀

致仕歸日與仲弟某怡愉膝下以慰母暮年歡

逮講明舊書保諸子姪母年八十七而終仲子

俱

先對第三八官翰林編脩皆孝養慈誨所致仲

父樂善早世遺孤堂先生撫而誨之携入京師

遣就明師學學成領鄉薦分教海鹽塾賓用直

死無所歸先生厚為殯殮葬之於先兆之次歲

修祭掃禮不廢宗黨有患難者扶之貧乏者周

之婚嫁死喪無所仰給者則助之以畢其禮性

喜接賓友樂為山水遊晚年置別墅二一在郡

城南八里許一去郡城車舍皆有花卉泉石

之勝風日清佳輒邀賓友往遊焉以遂觴詠之

樂又嘗與庠序之師鄉之耆舊及休致者效古

人為真率會幅巾大帶儀度閑雅人皆以地行

仙目之以景泰甲戌正月某日卒壽七十又七

編修君既請公孤鉅筆書銘表以予交先生最

淡軒稿

卷十

久屬為傳嗚呼儒者窮經明聖賢之道將以致

用也世率以擢巍科躋峻秩為致用之效及考

其脩諸身行諸家施諸政事畔道者比比甚者

專以奔競為賢士有謙退者反以為迂視之噫

儒風其掃地矣觀先生所存所履皆所以敦綱

常扶仁義者且知早退以全晚節若先生者世

豈多得乎哉予故采其大槩為傳匪直傳諸子

孫於世之儒其名者庶乎知所警

沈嘉先生文集卷第十一

湖廣岳州府同知希範刻于岳陽公署

南京大理寺左寺正孫炳章重刻于金

陵公署

附錄

制誥共十道

奉

天承運

皇帝勅曰國家簡文學之士列職於翰林而備

淡軒稿

卷十一

撰編脩檢討謂之史官所以備記載之公而傳信於天下後世也茲惟遴選不輕畀人爾行在翰林編脩林文發身賢科擢衆史職惟式克勤慎考稱厥官茲特授爾爲文林郎錫之勅命以示褒嘉古之論良史者益曰明足以周萬事之理道足以備天下之用知足以通難知之意文足以發難顯之情然後其任可得而稱尚其勉旃光我訓詞欽哉

勅命

宣德八年九月十六日

之寶

奉

天承運

皇帝勅曰朕惟人之子之存皆欲顯其親故群臣之任職者必有惟思之命所以體其心而勸孝也行在翰林院編脩林文文彥機克成厥子用舉其官宜錫寵榮以示寵顯茲

淡軒稿

卷十二

特封爲文林郎行在翰林院編脩爾其欽

承毋忝朕命

勅命

宣德八年九月十六日

之寶

奉

天承運

皇帝勅曰國家任職之臣必重顯及其親者所以重源本也爾道氏子林文爲行在翰

忝院編脩克勤厥事皆爾善德之所攸

猗封為孺人朕此隆恩尚懋敬之

初命

宣德八年九月十一日

之寶

奉

天承運

皇帝初曰夫婦人之大倫故朝廷雅思群臣命

必及之行在翰林院編脩林文選劉氏克

淡軒稿 卷十三

相其夫茲將封為孺人祗朕恩榮永光閭

閭

初命

宣德八年九月十一日

之寶

奉

天承運

皇帝制曰國家用文學侍從之臣朝夕左右備

顧問言講讀兼有春官輔導之榮非行學

優履正之士不足以副簡畀爾左春坊左

諭德兼翰林院脩撰林文選自科第官於

詞林多歷年歲積有勞効既陞職於宮僚

仍兼職於近侍端慎簡靜朕甚嘉之特進

爾階奉直大夫錫爾勅命以示褒嘉夫輔

導之臣必資於正誼論思之職必懋於謙

言服此茂恩往益祗慎欽哉

初任翰林院編脩

再任翰林院脩撰

淡軒稿 卷十四

今任今職

制曰國家於臣下既有申命之榮斯於親亦

有加焉益厚倫重本之道也爾封行在翰

林院編脩文林郎林文選乃翰林院脩撰

文之父積善在躬慶延乃後致有賢子為

國近臣嘗因子而受寵命矣今子叙進爾

宜階榮特贈爾為奉直大夫左春坊左諭

德兼翰林院脩撰靈其不昧尚克歆承

制曰孝子之愛其親者靡有存沒之間也故

朝廷推恩於臣下必及其親所以體其心而重大倫也爾封孺人趙氏乃左春坊左諭德兼翰林院脩撰林文之母其辭惠慈夙稱閨門嘗以子貴受褒封矣子今陞遷爾宜階榮特進贈爲宜人服此隆恩永光祚胤

制曰妻與已齊人倫之正也肆朝廷推恩其夫必有及之爾封孺人劉氏乃左春坊左諭德兼翰林院脩撰林文之妻克證婦道

淡軒稿 卷十一 五

以相其夫政能盡心於所職夫既叙進爾宜階榮特加封爲宜人服此恩榮益崇祚

制誥

景泰六年九月初四日

之寶

奉

天承運

皇帝制曰家有主母實重綱常子爲能官必先

褒錫蓋名之正者言必順意之美者法必良國有典章朕與容隆爾劉氏乃中書舍人林載之嫡母間儀祗肅德性慈良正道以相夫名高節亢積慶源以遺子榮隆榮顯顧鼎奎之養既達而綸綍之褒宜厚班錫子貴寵姬大階茲特贈爲淑人服此靈之育知服休光於無疆

制曰母緣子貴褒倫式重於所生君錄臣功寵寵必及其所厚此國家之定制豈存淡

淡軒稿 卷十二 六

之殊科爾鄒氏乃中書舍人林載之生母質生端莊性推柔婉竭勤勞於饌祀謹禮法於閨門內德既脩慶源斯積推恩於一子之貴榮錫褒章從夫於三品之階式隆顯號茲特贈爲淑人光靈如在茂源其承

制誥

弘治十五年五月初八日

之寶

御祭諭詞二道

維成化十三年歲次丁酉閏二月己亥朔
越十有一日己酉

皇帝遣福建布政司左叅議裴衷

諭祭於大常寺少卿兼翰林院侍讀學士林

文

曰爾以博洽之學純謹之資早領鄉薦繼
登甲第歷官翰苑荐陟容臺祗事累朝克
勤厥職引年致政喜恬退之風安居保和
受黃耆之慶溢焉景逝重失老成訃音來

淡軒稿 卷十一 七

聞良用差悼特伸卹典遣官諭祭靈其不
昧其克享之

維成化十三年歲次丁酉二月己亥朔越
十有一日己酉

皇帝遣福建布政司左叅議裴衷

諭祭于太常寺少卿兼翰林院侍讀學士林

文妻宜人劉氏

曰爾以賢淑早歸名門克相其夫歷官簡
允祇事累朝茂著勞績嘗推恩典錫以榮

封高壽令終亦復何憾特越常殿賜以榮
祭爾其有知庶克歆慰

淡軒先生文集卷十一終

淡軒先生文集卷第十二

湖廣岳州府同知丁希範刻于岳陽公署

南京大理寺左寺正孫炳章重刻于金陵公署

附錄

行狀神道碑府志各一篇

外甥宋端儀謹述

明中順大夫太常寺少卿兼翰林院侍讀

學士贈禮部左侍郎林公行狀

淡軒稿 卷十二 一

父堂

皇明贈左春坊左諭德兼翰林院脩撰趙氏

贈宜人公諱文字恒簡行一林氏其先在

晉居下邳郡梓桐縣黃門侍郎祿從元帝

渡江除守晉安值亂道梗因家候官至唐

瀛州刺史玄泰首居莆田縣北螺村自玄

泰再傳蘓州別駕披稍徙澄渚披生端州

刺史葦葦玄孫永遷前埭埭尾六傳而宋

王官教諭天保別為上林房由天保五

傳曰學錄公在勝園時司計稱平終以督

脩廟學功繪像常觀察祠中至翁德人以

謹慮為柳善人而趙宜人潮守瑤之女士

公兄弟六人公長也少凝重穎敏凡經傳

微辭與音人所居惑者公率皆曉解之尤

稍長益知肆力於學學既淹貫又愈峻潔

從會陳公中廷公接以賓友禮宣德丙

午中鄉試庚戌中會試入對

大廷以第三入

淡軒稿 卷十二 二

賜進士及第授行在翰林院編脩正統初預脩

宣德廟實錄元

經筵講官實錄成陞翰林院脩撰尋丁宜人憂

繼丁翁德憂服闋再除脩撰壬戌同考會

試景泰辛未主考會試明年遷左春坊左

諭德兼脩撰癸酉陞歷代君鑒成丙子陞

憲宇通志成皆有製衣文綺之賜陞左春

坊左庶子兼翰林院侍講

命往河南祀江淮濟之神及他王還拜翰林

院學士兼

太子講讀官充

大明一統志副總裁天順己卯以年反上疏祈
致仕

上諭少保李天達公曰此醇雅君子也不可釋

去庚辰春差充 廷試讀卷官自是屢以

老請皆不允

憲宗登極實進舊學之臣進拜太常寺少卿而

翰林院侍讀學士未幾復以老辭遂蒙

淡軒稿

卷十二

俞允以歸會廷臣有謀起公入內閣者學
士劉文安公曰俞休公心事定之素和若
果召之必不來乃已成化癸己公季子載
以鄉貢進士當銓除上言近制惟京官得
移祿養親臣父老在鄉國恩授臣秩京以
資祿養遂以載為中書舍人又三年歲丙
申五月六日公乃考終于正寢距生洪武
庚午十月初五日享年八十有七官自承
事郎八轉而為中順大夫計開詔以嘉議

大夫禮部左侍郎告其第先是載嘗言諸

朝以劉宜人之喪久蔽塋乞越常制官給葬

事許之恩典方頒而公亦卒遂有合葬之

命諸孤因公生前所相城南廣化寺東麓

白有司營葬於其所坐乾向巽闢三竈其

掩坎則丁酉歲十二月 日也公端粹

冲和雍睦醇懿氣清而志一言慎而志簡

燕居端坐終日欽 其執經論說秉筆記

撰裨益實多入

淡軒稿

卷十二

朝進止有常處行於道不游目而視遇權貴
人侃侃不阿自敵已以下皆降色與為禮
故元老鉅人凡接公風範者莫不心怡禮
恭深服其德器而小夫賤隸亦皆想聞其
手采或者所為有不合於義則惟恐公之
知往往有因而中止其邪心逸思者暮年
形神安康仕者咨訪學者考問若奉祭祀
接賓客待族黨酬應靡倦其恭敬不減於
少壯之日凡數色繁華美麗之好未嘗接

於耳目縉紳推爲醇儒詩文平正典雅理趣類其爲人當世名公以及名山大麓浮屠釋老之官其碑誌多出公手有淡軒景若千册未編卒之日里中驚惋咸大息曰不復有斯人也兩京公卿大臣若近而聞藩遠而楚岳蜀牧之賢皆遣使吊祭文達公嘗叙公德美謂公德性堅定而不移氣質沉靜而不躁處心平易而不險操行端潔而不污瞿然身不勝衣而志不經怡然

淡軒稿

卷十三 五

自得其樂而思不出位職者以爲知言公之配即劉宜八其卒以天順庚辰年二月初三日側室鄭氏蔡氏子男五人長軒次轍次軾次軻次即載女二人婿顏洋姚德裕河南布政司副理同黃新民孫男八人錦郡庠生鑰釗金華縣知縣鉉鉉鉉鉉鑄載軾鉉俱先公卒軒後公四年初後公十有二年錦後公三年亦卒孫女十二人塔郡庠生方遜邑庠生柳焚郡庠生趙大

章行人司行人贈行人司司副黃乾亨坑邊方增郡庠生宋稱杜塘方瑀隴上柯後階吳仕選涵江黃孔順餘未行曾孫男九人景潛景淦景瀚景澄景溥景泮景浚景清景淑女五人公之事業

國史既傳其槩然自公沒至今十有五年未有狀其行者公門生故吏知公者日就凋謝而載亦以疾未及還朝創惧益遠益深乃以屬諸端儀端儀先祖母實公女弟義

淡軒稿

卷十三 六

不敢辭第媿生晚識陋不能盡發公之與始述履歷一二多恨闕遺云爾

明大常寺少卿兼翰林院侍讀學士贈禮

部左侍郎林公神道碑

賜進士出身資善大夫刑部尚書前吏部

左侍郎疏致仕邑後學彭韶撰

賜進士出身資德大夫正治上卿太子少

保兵部尚書門生鈞陽馬文升書丹

公諱文字恒簡行一姓林氏唐九牧瑞州

刺史筆之流世為莆田人曾祖槐應元興

化路直學祖聞喜元漳州路稅使父堂

皇朝贈左春坊左諭德翰林院簡樸趙氏

潮守瑞之女也贈宜人兄弟六人公為之

長公以衣冠華胄生當天下平定之後稟

渾厚完復之氣自少凝重穎敏異於羣童

稍長讀書思義務深沉求索不以難易易

意故經傳微辭奧旨昔人所窘惑者公平

有懷八處游郡庠益肆力於學嘗元陳先

淡軒稿 卷二十七

生中歸家有重名公師之先生叩其學成

待以賓友禮宣德丙午中鄉舉庚戌中會

試入對

大廷以第三人賜進士及第授行在翰林院編

脩正統初預脩

宣德實錄充經筵講官實錄成陞翰林院簡樸

連丁內外艱服闋仍舊職景泰壬申遷左

春坊左諭德兼脩撰癸酉簡歷代君鑒成

丙午簡天下郡誌成皆有裴永文詩之賜

陞左春坊左庶子兼侍讀天順初

英宗復位改尚賢司卿仍兼侍讀命往河南祀

淮濟之神還拜翰林院學士兼東宮講讀

官充國史副總裁簡二百平無正拜學士

者自公復視郡情悅服三年己卯以平反

乞致仕

上諭少保李文達公曰此淳樸君子也不可釋

去庚辰春差充

廷試讀卷官自是屢以老請皆不允八年癸

淡軒稿 卷三十八

未

憲宗登極進拜太常寺少卿兼侍讀學士未幾

復懇辭歸去傾城士大夫迎候羅拜觀者

如堵塙又數百年所無公之近且有言公

宜真內閣供事持起之學士劉久於公知

公必不來乃白而止己而季子百四載公

年出八十願授京秩以資祿養遂以載為

中書舍人越三年成化丙申五月六日公

得疾終于正寢距生洪武庚午十月望日

享年八十有七計開贈嘉議大夫禮部左
侍郎連官諭祭營葵懷典特異蓋用舊學
恩數也公嘗自卜葬地于城而廣化寺東麓至
是與配劉氏宜人合窆於其所丁酉歲十
二月日也公為人神清氣定克養有直氣
居端處終日欽欽其經惟論說史館記撰
勞益實多行於道不游目而視與人言未
嘗平爾應答自敵已以下人無鉅細皆深
服其德器暑年形神安康奉祭祀接賓友

淡軒稿

卷三九

酬應靡倦其恭敬不減於少壯之日凡聲
色華侈之好終其身不接耳目縉紳雅為
醇儒故宗伯黎文禧公為賓席時語韶曰
翰苑古意時流相半有人然吾得果或不
能如一吾見朴先生始終無間醇乎醇者
也其為時所重如此又連公嘗謂公德性
堅定而不移氣質沉靜而不躁處心平易
操行端潔矧然若勝衣而志不厲氣不
侵識者以為知言所著作平實典重類其

為人一時贈送四方碑刻多出公手有淡
軒稿存於家同考會試者一主考者一於
父母先封後贈兩受

誥勅劉宜人先以天順四年卒年七十側室鄒
氏蔡氏子男五人景軒次輦次軾次輶次
即載女二適顏洋姚德裕河南副理問黃
新民孫男八人卿群庠生鑰劍金華知縣
鉉鉉鍾錫鑿輶軾鉉俱先公卒軒輶輶俱
後公卒孫女十二人曾孫男九人景哲景

淡軒稿

卷十二

澄景翰景澄景濤景泮景俊景清景淑女
五人公葬十有七年載自誌其墓矣及是
釗以未有顯刻乃屬筆為神道碑銘韶鄒
淡何足以知公念昔始仕猶幸及見竊嘆
公年高德邵智崇禮卑悅之而不能學也
之而不能近後雖卒官不躋卿相然享高
壽流芳名子若孫相繼科第福德之盛今
豈復有斯人哉於是公門生若尚書翁世
資學士柯潜等皆已久沒韶不敢固辭遂

書其大者系之銘曰

仕孰爲貴德浮于位丞弼負乘則亦可愧
學孰爲通內外攸同言澤行遠有玷宗工
公久翰長不登黃閣瓊厖厭辭不事祿祿
秉禮終身世推醇儒優學與仕非我言迂
興化府志

林文字恒簡號澹軒上林人與狀元環同
出唐端州刺史輩之後父彥機封編脩贈
諭德兼脩撰年九十而歿文宣德五年

淡軒稿

卷三 上

廷對第三授翰林編脩正統初預脩

宣廟實錄成轉脩撰時年已五十官將九載僅
循常調不爲優叙不計也九年丁母憂繼
丁父憂服闋復除舊職景泰三年陞春坊
諭德兼翰林院侍讀四年脩歷代君鑒成
七年脩天下郡誌成皆有襲衣文綺之賜
仍陞庶子兼侍講天順元年

英廟復位罷康定時宮僚改尚寶司卿兼職如
舊差祀名山大川於河南既歸翰林無正

負應轉學士者七八

上疑其多兵部尚書陳汝言進曰唐有十八學
士是不爲多遂拜學士四年請老

上謂內閣李賢曰林文老成忠厚不可放去仍
留供職八年

憲廟即位以舊講讀官陞太常寺少卿兼翰林
侍讀學士再乞致仕歸文雖年逾七十然
神觀清爽應對精明安靜守禮接人無大
小皆以誠意朝野士大夫踵求詩文酬之

淡軒稿

卷十一 上

無倦色體格溫厚自成一家縉紳推爲醇
儒咸自謂不可及也兩考會試一讀廷試
卷學者稱爲上林先生成化十二年卒年
八十七贈禮部左侍郎遣官諭祭營葬子
載孫劍曾孫渠布範皆舉鄉貢載中書舍
人劍金華知縣遷錦衣衛經歷 出彭志

蒲陽文獻

林文字恒簡號淡軒與環同出宣德五年
廷對第三授翰林編脩正統初預脩

宣廟實錄成特簡樸時年已五十官將九載僅
循常調不為優敘不計也丁內外艱服闋
往除舊職景泰三年陞春坊諭德兼翰林
侍讀四年簡歷代君鑒成七年簡天下郡
誌成陞庶子似並侍講天順元年

英廟復位罷斥定時官僚改文尚書司卿兼職
如舊時翰林應轉學士者七八

上疑其多兵部尚書陳汝言進曰唐有十八學
士是不為多遂拜學士四年請老上謂內

淡軒稿 卷十三

閻李賢曰林文老成忠厚不可放去似留
供職八年

憲廟即位以舊講讀官陞太常寺少卿兼翰林
侍讀學士再乞致仕歸文雖年逾七十然
神觀清爽應對精明安靜守體接人無大
小皆以誠意酬野士大夫踵來詩文酬之
無倦色體格溫醇自成一家縉紳推為醇
儒咸自謂不及也丙考會試一清廷試卷
學者稱為上林先生卒年八十也贈禮部

左侍郎遣官諭祭營築子載孫劉曾孫渠
希範玄孫炳章啓昌焜章皆舉鄉貢載中
書舍人到金華知縣錦衣衛經歷渠川府
右長史希範楚府左長史炳章南京大理
寺寺正啟昌禮部司務焜章國子教助教

淡軒稿 卷十七

壽八十有七云公即以及第八中秘然未
及大拜例不應卹典

上念公官僚時功 詔贈禮部左侍郎從三品
祭塋予之謚襄敏公生明盛時大較得渾
厚氣其文章亦恬穆所論著大者乃在國
史編脩脩宣廟實錄諭德脩歷代君鑑天
下郡志後先賜襲衣文綺已而晉學士會
英廟新還都恩數頗寬公與諸館閣稍從頌文
酒間先是文淵閣旁故蒔芍藥三株久弗

淡軒稿

卷三 十五

復花天順元年中株忽開四花明年夏三
株具開花倍之是時學士八人數屬與花
埒少保李文達爲集諸學士賦詩賞一者
公上聞嘉賚之詔賜宴仍賜少保玉帶一
學士大紅織衣各一當時人奇爲勝會公
賞花詩有三本瑞符三相兆八花巧配八
仙址後學士中入相數又與詩埒當時人
又益奇公詩傳誦之其詩載皇明館課及
澹軒藁自後公棄官歸所與游皆里中微

時父老有旁民舍隸公家先是得善賈以
去公歸亟問鄰家翁安在已具得其狀驟
然起曰此故窮鄰寧以貴故利邪趣召其
人還予之居如故不問賈里中人至今傳
慕之公業貴然供具不翅如諸生一切綺
襦袴竟公身弗習也比乞休至裝弗具鬻
馬行其清儉如此黎文僖李文達二公善
裁鑒皆雅重公語具載彭惠安所撰神道
碑內大抵黎重公醇粹李重公端毅即惠

淡軒稿

卷三 十六

安亦自謂悅不能學學不能近殊嚮往爾
惚之知公者亡逾
英廟諭李少保曰林文醇雅君子不可放去堂
堂天言彤史載焉公詩文集傳于世子若
孫至今相繼科第甫中名公鉅卿鮮有其
比人皆謂公積德之慶云

野閣詞林記

學士蒲圻廖道南課

林文字恒簡福建莆田人宣德庚戌進士及第授編脩正統初預脩

宣廟實錄轉脩撰景泰中遷右諭德兼侍講預

脩歷代君鑑及方輿志進左庶子

英宗復辟政尚寶卿兼侍讀未幾擢學士以老乞休

上謂李賢曰文老成忠厚宜留之成化初擢太

淡軒稿

卷三 七

常少卿兼侍讀士再乞致仕歸

成化十二年卒

贈禮部左侍郎諡襄敏子載爲中書舍人孫釗

錦衣經歷曾孫渠歷周府長史希範歷楚

府左長史子觀莆陽文獻志稱文年踰七

十神觀精爽安靜守禮所著淡軒集自成

一家乃知渾朴和厚之氣尚存全璞也

八閩統志

林文字恒簡莆田人宣德中進士第三除

行在翰林院編脩預修實錄成陞脩撰累

遷學士進太常卿致仕文安靜守禮接人

無大小一以至誠士大夫咸稱爲醇儒卒

贈禮部侍郎有淡軒文稿

古今萬姓統譜

吳興凌迪知輯

林文字恒簡環叔福建莆田人宣德五年

廷對第三授翰林編脩正統初預脩

宣廟實錄成轉脩撰陞春坊諭德兼翰林侍講

淡軒稿

卷三 六

四年脩歷代君鑑成七年脩天下郡誌成

皆有襲衣文綺之賜仍陞庶子兼侍講天

順元年

英廟復辟拜學士四年請老

上謂內閣李賢曰林文老成忠厚不可放去仍

留供職

憲宗即位以舊講讀官陞太常少卿兼翰林侍

讀學士再乞致仕歸文雖年逾七十然神

觀清爽應對精明安靜守禮接人無大小

皆以誠意朝野士大夫踵求詩文酬之無
倦色體格溫淳自成一家縉紳推爲醇儒
年八十七贈禮部左侍郎謚襄敏

澹軒公贊

學士廖道南撰

方壺之陽翠峨眇縣扶輿清淑代產仁賢若恒
簡者抱朴守恬臺臺令名奕世猶傳

宣宗皇帝御賜林文等進學文淵閣詩

崔嵬崇文閣乃在城北隅登高一睇望羣飛切

淡軒稿

卷五 十九

雲衢其上何所貯千載聖賢書其下何所爲衣
冠講唐虞國家久興學側佇登俊儒願此閣下
人勉哉惜居諸

先生文集 補遺
五言古

秋江別意逸林廷著應舉

湛湛長江水上有楓樹林風高木葉下天寒

水深矣人戒辰發祖錢江之澤一觴未及盡

飛鳥寥寥守孤岑陽鳥展其翅大振瑤華

珠琅玕間琳積久發必舒物理固相仍請

飛鳥寥寥守孤岑陽鳥展其翅大振瑤華

七言律

淡軒稿

補遺 一

題小景

數間茅屋倚巖阿石逕繁廬出薜蘿萬里碧

飛鳥沒一林紅雨落花多舟橫野渡無人喚

響溪橋有客過天外斜陽催夕景滿懷詩興

如何

寄高壽觀陳道官

琳宮一別卅餘年風景時時入夢遙富貴縱

天上客清閒寧似洞中仙煙霞長護燒丹室

病滋種藥田我亦久懷爲道士未知何日

入琳宮領道流仙都紫府自優游
清靜跡比山雲任去留寶殿輝煌新棟宇丹
房幽邃舊林丘也知素蘊延齡術莫惜靈丹一
粒求

再贈陳都紀

都紀陳尊師于方外肺腑交也曩在京
師嘗作二晉以紀永年之期後尊師辭
都紀今予亦致仕歸師不忍視前詩爲

淡軒稿

補遺 二

故紙裝二小軸囑子續讀以供閑玩云
咸到踰稀遂引年烏山歸隱白雲邊已從林下
三徑尚想湖中訪九仙逸老幸躋今壽域遺
安惟守舊書田草堂喜與琳官近杖屨時來爲

玄

石爲山浸碧流出塵勝槩足來遊石幢宇沒
初濕寶鼎丹成火尚留建水何勞尋九門烏
誰識有三丘吾師近已辭都紀靈境無

七言絕句

鸚鵡

林下同棲遂性情嬌音百轉太分明叮嚀莫學
人言巧一入雕籠老此生

畫眉

曾向金籠弄巧戲畫堂深愜主人情一朝得遂
山林樂綠樹陰中自在鳴

鵲鵲

荷沼飛來兩鵲鵲聲急切若爲聽伊人久與

淡軒稿

補遺 三

連枝別客裡纔聞淚欲零

白頭烏

林泉飲啄百無憂一自生來已白頭人爲苦
頭易白問渠頭白有何由

策

宣德五年三月十五日殿試

皇帝制曰朕承天命嗣

祖宗大位期與天下咸躋雍熙惟帝王之政必

有其要牽絀堯治申命稷契夏商周迭興

脩田建學稽古可見矣我

太祖高皇帝肇造鴻業

太宗文皇帝中興邦家

仁宗昭皇帝恭己守成孜孜愛人三聖一心

淡軒稿

補遺 四

重農事崇學教其法精脩朕恪謹繼述于

茲有年然田里未皆給足風俗未底刑措

謂愛民若保赤子也未嘗不致其誠也德

化本於躬行也未嘗不慎諸己也爲政存

乎用八牧守之吏師表之職未嘗不擇何

其效之未臻與抑別有其道與朕勵精圖

理諸生體用之學講明有素其有可以行

者舉要以對務歸中正朕將覽焉

臣對臣聞爲治之道莫先於教養教養之

政莫先於得賢益民非養則無以厚其生

非教則無以復其性苟不得賢以行教養

之政又安能盡爲治之道哉自古帝王體

天致治任君師之寄者未嘗不以教養爲

先得賢爲要也欽惟

皇上稟聰明膺知之資具聖神文武之德膺

天命之隆眷嗣

祖宗之洪業孜孜焉以養民爲心切焉以

教民爲念際天所覆極地所載無一夫而

淡軒稿

補遺 五

不遂其耕食鑿飲之樂日月所照霜露所

隊無一人而不遂其父慈子孝之天治已

洽矣而猶慮其未洽民已安矣而猶慮其

未安復進臣等於廷而以唐虞三代教養

爲問臣知

皇上是心卽堯舜禹湯文武之心欲使斯民爲

唐虞三代之民也臣敢不精白一心對揚

聖天子之休命乎粵稽有虞之君紹陶唐之治

慮百姓之阻饑也則命稷爲田正播時百

穀使斯民得其養虞百姓之弗親也則命
契典司徒敬敷五教使斯民復其性當是
時也黎民於變萬邦咸寧迄三代迭興以
言其田制井地之設皆倣河圖河圖體圖
而用方故里徑一而圖三合三而成九而
井之體成夏一夫授田五十畝取河圖中
宮之五也時則計畝以入貢商授田七十
畝取河圖少陽之七也時以六百三十畝
畫爲九區七十畝中公而外私但借力

淡軒稿

補遺 六

以助耕而不復稅其入故謂之助周何以
百畝取河圖之五十有五洛書之四十有
五合之而成鄉遂用貢都鄙用助其田制
雖不同而所以厚民生則一也以言其學
校夏曰東序西序殷曰左學右學至周而
法訓加詳一曰東膠夏剏也以養國老冬
讀書則在焉二曰虞庠虞學也以養庶老
春夏千戈秋冬羽籥大司成論說則在焉
三曰瞽宗殷學也以祭樂祖春誦夏絃秋

學禮則在焉四曰天子辟雍諸侯泮宮周
學也在郊以釋奠出征受脤反告獻馘則
在焉五曰成均四代之所共也其學之名
雖不同而所以明人倫則一也當斯時也
兆民允殖比屋可封此唐虞三代皆以教
養爲先而致治效之隆也我

太祖高皇帝龍飛淮甸統一六合掃胡元之弊
政興昭代之文明參酌古典因時定制雖
不法井而民皆有田輕徭薄賦敦本尚寔

淡軒稿

補遺 七

其養之也厚矣首務建學而民皆有造躬
行帥屬建中立極其教之也至矣歌儀鳳
之治者咸囿於春風化雨之中樂鳶魚之
化者悉遊於景星慶雲之下其治效之隆
與唐虞三代同一揆也

太宗文皇帝中興邦家

仁宗昭皇帝恭己守成農事之重心乎

太祖之心學政之崇法乎

太祖之法三聖相承同一揆也

皇上嗣興恪謹繼述心體

三聖之心治法

三聖之治田制一遵乎成憲也然勸課之政益

勸蠲租之詔屢下學校一率乎舊章也賦

勸督之法必嚴教養之方益精衣則思民

之寒食則思民之饑其愛民同乎保赤矣

先民以孝弟道民以禮樂其德化本乎躬

行矣牧守者生民休戚所係必擇龔黃卓

魯之才以居之師表者風化盛衰所存必

淡軒稿 補遺 八

擇胡瑗程頤之學以任之是皆

皇上已行之政已驗之效猶且曰田里未皆裕

足風俗未底刑措欲臣舉要以對臣又

皇上謙退不足之心即大舜好問好察大禹不

自滿假之心也臣惟為政固在乎用人之

當得人尤在乎考核之公何則銓曹乃人

物之銓衡風憲為百司之表率使居是任

者誠能秉至公之心擇適用之才精整博

采既已得而任之而又循名責實以行勤

懲勸陟之典

皇上持不已之誠屢省而嚴勅之則任教養之

職者舉得其人田野由是益闢何患民之

未足風俗由是益厚何患刑之未措哉臣

學不足以明體適用才不足以博古知今

謹以是為獻伏惟

皇上萬幾之暇少垂

睿覽臣謹對

淡軒稿 補遺 九

序

文昌林氏族譜

吾林唐九牧後宋有仕於廣之海南因家文昌而子孫繁衍儒而仕者恒有人余每以不得一會其子孫以講宗盟為憾景泰癸酉夏適暉和叔侄者由邑庠生入貢國學余避京邸詢其先世入廣之由則曰始祖諱暉者宋初撫安乾寧路卒於官遂家焉世傳出於莆九牧裔及觀其譜乃知暉為邵州蘊公十世孫蘊九牧次第六

淡軒稿

補遺 十

也玄孫五人分為四房有溪西房有中村東房胥中村西房有白延澄邁瓊山之房各祀其先皆以暉為始祖今子孫族聚凡六七十家族指不下二百人其先之仕宋者五人洵武治易經兩解授攝政昇致政使俊邁安軍招捕使克敏會同縣尹克恭判寨仕元者八人添武略將軍奉化千戶旺製添職克恭子源武略將軍克敏子保義縣尹武略之子王孫子壽皆同知德隆文昌縣尹漢臣澄邁縣尹國朝板隘洪武初縣

尹廣洪武中子鄉試中式終廬陵教諭蜜水樂

壬辰進士刑部主事志洪武鄉試中式按察司

獄瑜永樂鄉試中式龍是領鄉書陞國學游津

庠者比仁有人卓爾振儒風於海外嗚呼盛哉

晚夫木之本厚者末遂水之源清者流遠祖宗

德之所積者厚其後必興吾宗入莆肇於九牧

以忠孝詩禮起家子孫由科目而仕者代不乏

人皆能存忠孝勵名節以垂裕於後世今觀近

而所居泉福諸郡遠而龍溪廣浙諸藩為子孫

淡軒稿

卷補遺 十

者皆能世守儒業於不墮則先世履積之厚於斯乎驗矣為子若孫可以尊宗睦祖族為心上不忘源本而出下不昧支派所分不以閩廣之隔越相視為途人他日宦轍至莆追源本序昭穆則譜序之作庶有所稽云

送莘甫經伯川學正序

閩八郡也而稱易治者必以莆為先莆多鉅姓而稱儒宗之盛者必以林為望然其所以望於莆者非以巍科峻秩聲威赫赫可以聳動於人

蓋肇於先者能以忠孝詩禮以垂其後承於後者又能積學揚善以爲其慶蓋在於此道惟吾梓自昔晉而渡帝侍祿公爲晉安守子孫遂爲閩人至唐蘇州別駕披公始遷莆田子輩等凡八皆以儒起家歷官稱九牧藻舉進士爲閩人之倡以詞學顯蘊冒元諫劉開之叛以忠節稱嶺廬親墓致白鳥甘露之祥以孝行表厥閭里至宋有兄弟聯科者有叔侄同朝者有父子廢棄者爲民牧者能施仁政以惠其民居師席者

淡軒稿

卷補遺十二

能明經術以立其教入國朝登仕者自莘公之后者有若干人進士者若干人有發解第一一人者有及第二一人者有選舉者若干人其或英子景泰癸酉秋得捷者五人子鯉莘甫行與其子炯聯名鄉榜試春官皆已榜例授教秩同以平少不勝解道辭莘甫欣然就職小嘗以主司之屈而幾微見顯色其安命之君子也既拜釣州將赴任莆人以余爲族都長求言贈之余既追叙先世所承先道後有於前復舉其家庭教訓

三之戶部郎中和以寬仁稱者從父也僱州同知洪以惠愛稱者仲父也仁和教諭賢以進尊者其先子也三人者以專門之經自爲師友皆由科目進其學正其行純故其用於官者克舉厥職莘甫承源委之懿負通敏之才其能任師道之重也密矣鈞英才之淵藪今得吾莘甫爲之師以純正之學循以誘之則儒風之盛民俗之變必追迥古昔矣遠有光於祖宗近不墮其家學允矣林之良也彼屑以祿位之

淡軒稿

補遺 三

崇卑科目之得失是計者烏足爲莘甫道哉

誌

先考編修府君墳誌

先考諱堂字彥基別號謙齋封翰林院編脩姓林氏世居莆邑東之前埭始祖端州刺史輩曾祖希詵祖槐應元學錄父聞喜福清稅使母黃卓趙氏考趙出稅使公年六十一始生先考丁元季寇發誘引竄匿脩歷艱苦先考幼敦孝行服勞奉養委曲承志用忘父母之憂冠定始復舊廬缺漏未完而父沒力貧以果喪事寡孤在

淡軒稿

補遺 古

候事毋益篤既免喪先孺人趙始歸躬勤壺織相之植業以備甘旨而奉賓祀家雖寒處之裕如也趙晚年嬰疾久在牀褥先考迎醫鍊藥寢食屢廢起止必親扶掖飲食必親調嘗始終逾五歲憂日深而形日瘁趙終拊髀慟號幾絕遵古禮殯殮踰月莖哀慕終身遇父母諱辰每嘆生晚事親日少必追感涕泣家稍裕遂增闢四廂以及先為重始祖祠將歷率族人以葺之復祀一以備蒸嘗之羞七世祖祠也積羸美以構

之以翼屋祀近世之無後者先世之墓有壞者厚培而堅築之以圖經久有廢展者則芟草荆榛時以拜掃香奠辨者徧訪欵求必得焉曰此先世體魄之藏也凡遇歲時薦祭必盡誠致潔儼若祖考之臨雖耄耄必親詣謁教諸子姪恒曰吾祖以文章起家世承之吾少志以難奪今老矣汝曹其篤學以紹先業補文郡庠生大評戴公員外郎陳公皆嘗禮延賓塾文得官數書勵以盡勤既得告歸省而飛文曰汝非才竊祿

淡軒稿

補遺 五

且推封及吾汝必勉圖報稱吾其老死瞑目矣文還京辭復申前城文拜受而別亡無何齊母訃歸先考尚康強無恙竊謂得侍暮年養亦不幸中幸也胡天之弗恤毋喪甫期而先考遽違餐矣嗚呼痛哉先考諱厚謙恭篤倫睦宗重友誼敬老字孤郵難周貧罔弗盡厥心嘗曰京還道與同旅人館宿旅人爨菽禦寒遺白金灰中晨興且去先考偶為掃地得之亟追以還旅人願出其金之手以謝不受里有橫民假屋

以居櫪而弗歸先考棄之不問櫪者久自悔罪
竟歸其屋謝去先考臨財以義制惡以寬率類
此邑嘗以耆老辟鄉有質是非者懷之以義勸
曉人多感慨而退官各屬之以董興造之事規
畫必審勸勞必周人咸譽其公勤郡衆鄉飲禮
居賓席三十餘年晚年受封愈謙抑待鄉曲孫
曾行必以禮若忘其齒之暮也族侄教諭岳作
諱齋記遺之因以自號云其卒正統甲子十一
月二十八日距生元至正戊戌十二月初四日

淡軒稿

補遺 十六

壽八十有七矣其配孺人趙氏事行世出其子
若孫之婚娶其墓所在之原詳載少保節鄉楊
公所撰趙孺人墓銘其穴居趙之左其塋同日
云先考幼涉艱虞勞瘁立家倦之以承先遺後
爲心皆可書也文不孝不能圖不朽於立言鉅
公之筆忍慙自述其大概用勒石以納諸墳

仲弟古愚墓誌銘

仲弟諱亮字恒明古愚其號也以成化八年正
月初七日棄世距生洪武丙子十二月初二日

壽七十有七輕輪二孤以是年十一月

八日啓廣化寺西鳳凰山之原舊營壽藏
合弟婦黃氏墓焉先事成謀於余也投淚嘆
念兄弟六人惟三人在余忝仕京久不得聚
自退歸日每念欲與恒明恒豫二弟爲耆英
得朝夕相親以遂晚年之樂余以多病未遂所
謀詎知恒明又先逝矣痛悼其有窮乎余庶母
陳氏生三弟恒明恒經恒豫恒明甫十歲庶母
卒恒經六歲恒豫踰時求乳母未得其人

淡軒稿

補遺 十七

乳哺羸弱甚恒明勤也羽翼之遂庶成立恒明
性孝友且善服勞先考論德府君年踰五十
邑以齒德尊舉爲老人子年十七遣入郡庠
有公事私事皆賴恒明理之若財穀之出納
府之差役可否緩急各適其宜故論德府君
刻得以謹謁祠之禮課子孫之學出則可以
奉湯藥有憂色而無怠容待親戚故舊
然其不得其惟心恒明以季女許嫁刑部

予久目送女完親得一聚會
所語惟祖禰之祀兄弟之懷子孫之學何
晉居踰半載始告歸晚年好遊玩山水尋古
訪古蹟誦古人詩歌以自適視勢利泊如也
行鄉飲禮郡必以賓請翼日造謝畢足跡未
再至公門人亦謀所爲事當義則直言以相
或忤於理者則直言以止之人咸稱其直
以古愚自號舊歲得疾因督脩東巖祖祠冒
所感非不自慎益以報本追遠爲重也銘曰

淡軒稿

補遺 六

荷與兄弟天倫懿親手足之愛骨肉之恩五
常有馬二難有陳行純率粹王友金昆堯我
兄弟居同爨分共被之情未憫閨壻之殷不
聞鳳凰馬鬣吾弟之墳發潛勒石惟兄之文
從兄搜玄處士墓表

一侄魯源訓導于致仕之七年走書告予曰
方搜玄處士府君之塋宰上之石未立益有
謹狀其事實惟叔父爲聞其潛德用告人
則明之感真大焉按先生諱鏞字昭

玄其別號也曾祖槐應元興化路儒學直學祖
宗魯順昌邑幕考彥章處士妣龔氏宋參知政
事茂良公之遠孫先生志尚恬退篤學弗仕習
陰陽堪輿二家之術居則靜坐一室玩味周易
及斷易之書吉凶之占甚驗出則歷覽山川形
勝以卜兆親戚朋友壘親者有請輒赴之年逾
中歲郡行鄉飲禮必迎居賓席翼日造謝後足
跡未嘗再履郡縣門士論高之又爲一族之義
祠稟之修葺義勸族子孫合貲以成其事朔望

淡軒稿

補遺 九

躬率子姓參謁祠堂禮畢則序昭穆而退子孫
有過引古賢子孫以諭之人皆愧服改行歲時
之祀禮必盡誠敬物必致豐素一遵家禮而行
人以孝孫稱之原配鄭氏孺人南湖三先生之
遠孫事舅姑如事父母處妯娌如姊妹相祭祀
主中饋事女紅教子孫咸齊其道妻方氏魯源
生母也敬順以事主父主母勤苦以任烹飪浣
濯之事且善教僮婢子男三晁洙次演次洵演
鄭出也洙洵方出也洙承嚴命入郡庠爲弟子

員卒業國學授江西安仁訓導管牧書生娶方氏知州體明之女演從家塾攻賦咏攻楷書善作墨梅蘭石娶洪氏封御史彥深之女弟內習陰陽堪輿善繼父志娶梁氏女四皆習讀孝經四書知其大義長適東里黃載郎中之子次適柯文魁納果放荒立坊以旌其義次錦江黃崇源季甫王璣廣西南渭州判官孫男七楹橋橋梓森楚禪孫女六曾孫男三仁仕安生於洪武己巳六月十五日以天順辛未七月十七日卒

凌軒稿

補遺 三

享年七十五孺人鄭氏生於洪武辛未正月初一日卒同府君之歲九月二十九日享年七十三方氏生洪武壬申閏十二月初九日以景太甲戌十月初六日卒享年六十三墓在尊賢里白杜可塘山之原甕穴三中先生左鄭氏右方氏附焉以成化丙戌十二月壬申全日塋鳴呼子於先生爲從兄弟自八歲時遊同塾習公業退相切磋相討論善則相率而行過則相率而改雖爲從兄弟而相愛之情不啻如同胞也既

弱冠余忝肄業郡庠先生積學於家以侍親養由是始不得朝夕相親及予忝中進士仕于京相去愈遠相親愈疎問候之惻只憑書牘耳余年已七十竊思必告歸田里得以晚年叙天倫之樂既予得歸先生已先逝矣追念疇昔痛悼不勝其楚也弗躬執紼臨穴視下棺其葬特未有銘事今得曾源之狀既述其世次卒塋之年月書之於前入述予所私情書于後俾勒石以表墓道後之子孫讀之未必無感慕者

凌軒稿

補遺 五

鄭安人墓銘

正統九年十一月十五日儋州同知林公配安人鄭氏卒壽七十又八其孤甫完以卒之明年二月二十二日奉柩合塋于文賦里紫帽山同知公之墓先事具狀乞銘予惟安人孝於舅姑慈於子孫善於家政其婦道毋道妻道皆足法於里族其銘何辭安人幼端厚謹敏讀書涉大義孝父母而友弟妹既笄歸于同知公同知公儒族也一門同居無慮五十人安人恪秉婦道

事舅姑如父母睦妯娌如姊妹一家尊卑戚疏之屬皆宜之舅殯致哀率禮以佐喪事同知公以仕而出留安人於家其養親祀先治家教子咸賴焉安人綜理家政矩度秩々躬勸率先子婦奉令唯謹臧獲皆喜爲之役使祖居臨容於姑購善第以析居焉歲節迎姑就養於斯構祠祀先主田以脩祭祀又構亭若樓爲待賓之所姑嬰疾在祖居安人與迎其家躬奉湯藥姑終躬治棺衾殯殮率子婦朝夕哭奠同知公四丈夫子皆遺就師動敏者遺游庠序退則時加勸勵同知公亡兄文善無子其妻鄭氏卒謀爲之營塋而附其神主祀之同知公第文亮夫婦繼卒二女尚幼教而有之長爲相攸以歸孫唯孤則姁々保鞠以底于成立外家父母既替再爲增祠曰吾乃女子無世祀之禮用報其德於不忘耳凡事之張弛禮之振施皆適同知公之意故同知公初在泮得以盡心文學爲名進士既今辰溪歷滄澹二州同知公恒以

淡軒稿

補遺 三

盡心民事爲賢守令於外三十年忘其內之慮者以有安人之贊也同知公卒於京計閱歲幾幾隕絕輟歸率禮塋焉晚年治家益勤不以老而怠曰不如是何以率子婦乎初病作知必不起命子婦出其所積贏美均分之病且革也子婦侍側顧謂之曰我自殯林恒以弗克承祀爲懼今及塋庶其免夫汝子婦勿忘吾言吾嘆曰矣遂絕安人諱矩字百度行二鄭姓宋御之伯玉九世祖也曾祖均節祖學志父仁毋林子男四長繼早世次寶亦先安人卒娶阮次甫者錄郡庠娶李季完娶王繼襲女一致仕教諭以在軒之子規其婿也孫男十瓊琬瓊瑛俱各室珣琬琬瑤瑤琬女三曾孫男瓊女一嗚呼世爲丈夫者以居官則無不理退寧其家則反是是所厚者薄矣其視安人豈不少愧乎哉銘曰女治乎內正家所先惟家之正女德之賢鄭安人吾女之行也循內則教淑家政賢夫子三紀親民內顧無慮主閭有人天

淡軒稿

補遺 三

善壽考富貴來嗣有承尚世世其錫類

處士質夫君墓誌銘

正統十年十二月二十有二日儋州同知公配
安人鄭氏墓于文賦里紫帽山之原而昺子質
夫附焉其孤煥乞銘于予以予業已銘安人墓
兼習質夫君狀予安敢以銘辭君生八歲儋州
公舉于鄉即奕々然露奇穎閱五歲公成進士
授湖廣辰溪令寬惠恤民邑以召杜稱皆君贊
佐力也已而歷官滄州間太孺人春秋高弗獲

淡軒稿

補遺 苙

御板輿往留與安人侍滌甘滌髓務得歡心而
後已暨嬰疾逝諸所拮据以裏大事悉奉安人
命惟謹盡情脩物毋貽以終天痛則篤摯之情
何異李令伯初安人得君最早深器君擇良師
勝友與之相切劘君亦曲體安人意日下帷尹
唔鼓至丙夜不休安人以祖居湫隘構屋以拓
先業君鳩工治材殫力佐理秩々如也又倣劉
氏墨莊別建危樓擁書萬卷君與弟賓等晝同
業夜同寢雖古之晁枕大被聯輝花萼者何似

加焉君高才宿學霄漢飛騰自是唾手事儋州
公每語人曰興吾門者必是子即安人亦沾々

自慰曰吾子也才實獲我心君摩勵以須圖所
以慰我二人者孰意先二人而奄々泉下也嗟
乎傷哉安人雖多丈夫子乎而惟君最暱每一
念及淚未嘗不潸然下臨終語二弟曰自而兄
無祿吾朝夕思念不置黃泉相見毋子依々吾
志畢矣而葬吾必以而兄附甫等唯々是冬葬
安人并奉君之柩窆定焉從毋志也君諱橙字

淡軒稿

補遺 苙

質夫號松軒世系詳載儋州公暨安人誌中茲
不再述君卒于永樂甲午年正月初五日距生
于洪武戊辰年八月二十八日享年二十有七
娶郭氏男一煥側室出娶廖氏黃氏孫男二墳
地俱側室李氏出嗟乎君以賦質之貧英年嗜
學且多內行洵孝且友有古先民風使天假以
年將保世滋大以光顯我儋州公稱絕々勿替
云予安得不爲銘銘曰

夢々杜林實稱才藪惟君懷才子建八斗胡

豐爾才胡齋爾壽種也懿美以無不力天與
管人克昌厥後錫石紀名流光德厚

炎軒稿

補遺

廿六

記

林氏重建孝友祠堂記

大哉孝之道所以動天地感鬼神乎草木格鳥獸化強暴者率由是道粵稽諸古若泣竹得笋汲泉得魚受杖而泣奉檄而喜載諸孝順事寔彬也考未有若吾祖唐福唐尉橫公孝感之異常也公初聞母疾告歸問疾毋卒哀痛不勝水漿不入口或三日或五日屢憊幾於殞絕及瘞自掘坎穴負輓甕以營丘壠時有白鳥甘啖之祥既寔廬于墓側甘露屢降白鳥載集鄉人異之爲聞其事於使府使府遣人視驗時露漸晞烏或翔公恐無所驗遣累鄉人哭告于天願焉甘露再降異香遠聞白鳥復來馴而不擾者聳嘆所謂孝感異常者非與庶使李若初具寔奏聞德宗降詔褒異立雙闕於門以表里宅崇孝道也舉族皆錫徭役歐陽詹爲甘露述詳載孝友之寔時唐貞元丁丑也至宋嘉祐庚子觀戊子紹興丙寅乾道己丑紹熙辛亥

軒稿

補遺

廿

之公仲父邵州刺史蘊公罵賊不屈以忠
忘孝奔名故林居莆八大姓之膏闕初立在此
門左有祠堂號闕下林家今祠毀闕故址逼於
社稷壇在郡城外不便於朔望參謁遠孫進士
孟和備書其事告郡守岳公公爲遷於烏山東
巖之南助以白金十兩構祠堂仍扁門楣曰孝
友立雙闕於堂南左右各廊外各門繚以垣牆
爲今之子孫若族長理宗暨某等捐財協力以
成其事詳載于碑陰既告成遠孫重慶府同知

淡軒稿

補遺 尤

致仕懋率族衆及新建教諭大猷具重建事
徵言爲記荷與忠孝百行之首萬善之長所以
振綱常敦風化淑人心也其餘慶及於子孫自
唐歷宋元及國朝擢巍科躋峻秩以勲業學行
顯者踵武而起詩曰孝子不匱永錫爾類又曰
無念爾祖率脩厥德爲後之子孫者當念茲在
茲毋徒以祠宇重建足爲追遠之孝耳

雜著

撰會仍贊

貌清而癯體安而舒衣冠儼若佩玉綽如肅乎
其容止翼乎其進趨年富而力強知融而器疏
不爲外物所誘不以常泥自居言必貴乎踐履
行必慎乎斯須祿惟安乎澹薄室不計其空厯
心雖善於會計志則動乎詩書噫其若人歟惜
乎所用者未盡其心之所儲若其膺民社之寄
必能廣敷仁民之政而爲古循吏之徒也耶

淡軒稿

補遺 尤

送方樂仕連州序略

才足以善乎政智足以周乎事介足以守乎已
恩足以結乎民其所學不務博而務踐履之實
所爲不求知於人而求無愧於心又曰進雖未
盡其用退能全其晚節亦世之所難也古所謂
知經知權難進易退公其以之

與音字說

鏗余弟恒豫之嫡孫姪軻之冢子也愚孤之時
其祖命名曰鏗今年已長弟將以正月十三日

加冠於其首問字於余。字之以與音。又釋義以訓之。夫音者金石之音也。樂有八音。金石絲竹匏土革木是已。又有五音。宮商角徵羽是也。太史公曰。正教始於音。正則行。正音樂者。所以動盪血脈。流通精神。而和正人民者也。故聞官音使人溫舒而寬大。聞商音使人方正而好義。聞角音使人惻隱而惠人。聞徵音使人樂善而好施。聞羽音使人整齊而好禮。聖人教之音樂者。所以致神祇和邦國。諧人民。感物類也。

淡軒稿

補遺 三

鐘鼓管簫樂之器也。屈伸綴兆樂之文也。鏗鏘節奏樂之音也。書曰。敔依永律和。敔八音克諧。無相奪倫。神人以和。又曰。擊石拊石。百獸率舞。庶尹允諧。樂之音其爲用也大矣。君子之於禮樂。不可斯須去身者。禮以治身。樂以治心。所以收其放心。祛其邪氣。以全其溫厚和平之德。而成其子諒易直之性。君子之養其性。治其心者。豈有待於外耶。鏗也。自七歲而入小學。茲既以成人。以是教推之於家。足以和其家。以是

惟之於民。足以和其民。則所謂音者。匪直鐘鼓鏘鏘而已耳。鏗尚其勗之。以求無負爾祖命名之意。則余命字之訓。庶不爲空言矣。

余氏祠堂記

予少慕水南愚軒先生之手筆。每郡齋中得一文。輒手錄而莊讀之。北面稽顙。酒飲爲程式。恨少不及交。而獲交其從子朴齋君。朴齋官居二千石。而家益貧。學益富。綽有愚軒風。無祿中年。即世。其從子貞吾復與予友。善雅稱通家。予嘗造

淡軒稿

補遺 三

其廬。閱其祖祠。每嘆余爲水南鉅族。而祠宇湫隘。非所以肅祖。且孕精英也。貞吾進而言曰。是祠正愚軒公重修時。喪會甫增。闕闕章創。朴齋公有志恢焉。而未逮也。某將捐薄俸爲一更新。異日工事告竣。願拜先生骸。璣之賜。歲壬午。貞吾從弟汝盛。北上春官。謁予於宦邸。道貞吾亦捐館。而祠未及脩。予爲慨然者久之。越明年。汝盛書來。言貞吾德配戴氏。遵遺教。建祖祠于舊址。厥位面卯。厥材孔鉅。厥制前後二座。後中三

間爲一大間通前祀祖先子孫歲序園拜之所
後東三小間爲一間通前祀初入甫帶來香火
之神闔族祈報之所而後一大間爲庫房前爲
蒸嘗炊爨之所堂前共繞以垣墻西畔爲大而
計共工七百有奇以是春三月落成而申記於
予予且喜且嘆曰甚哉繼述之難也朴齋銳于
志而憊于力貞吾饒于力而厄于年廼所由成
二君之志舉愚軒先生之遺制一旦拓而新之
竟僮然一禾藥人焉豈事之廢興固有時與

淡軒稿

補遺 三

抑天以繼述之懿付余門之淑媛與雖然余氏
自唐至今替纓之盛文學之華德業之龐厚其
可繼可述者當不止此此其責又不在婦人而
在丈夫予固以通家之好不忘前諾而爲愚軒
先生及諸君致祝其來裔云是爲記

會試錄後序

賢才致治之本也自古帝王之君天下所以致
雍熙泰和之盛治者莫不資之以共理焉夫賢
才世恒有之然必教之有方選之有術然後得
盡天下之實才而用之洪惟

聖朝稽古爲治崇儒重道建學育秀則受之以
經術以明其道課之以文章以發其蘊設科興
賢則本之以經義以求其實參之以論策以觀
其用所以教之選之者備且精矣

淡軒稿

補遺 三

列聖相承率由是道天下之士子涵濡乎
聖仁長育之久咸底成就藹乎布列中外論
道弘化建勳立節之大賢君子胥此焉出信乎
龜山所謂豪傑之士由之而進者歟

皇上嗣位政元景泰之明年春二月歲當大比
禮部遵故典合天下貢士試之

上命臣淵以至其考而臣文忝與焉時就者二
千二百餘人取其文之合乎經者得二百人慎
選也經之所載者聖人之道也經明則道明矣

道明則發諸文者斯弗畔於道今觀諸賢士發
諸文以應科目之求者既皆弗畔於道由是以
其道事君則忠以其道治民則仁以其道建勳
立節則必振耀當時垂聲於後世是誠不負長
育之仁不負科目得實才之用矣苟於所用不
本於所學所行弗踐於所言以自離於道則今
日之所取者虛文耳貽主司不明之議殆難免
夫文亦由科目而進叨祿無補因序于錄後故
舉以爲諸賢士勸且以自警云

淡軒稿

補遺

廿四

南湖鄭三先生祠堂記

吾閩有大府卿鄭露偕弟中郎將莊別駕淑三
先生在梁陳間自永泰入莆因祖墳於城南鳳
凰山麓構書堂於南湖之上講聖賢之道以倡
人學時人稱爲南湖三先生是堂之概左有青
泉白石之縈迴右有層巒疊嶂之環拱南挹壺
山之秀東亘滄海之流莆形勝之最也先生一
夕夢金仙氏請書堂爲佛刹許之今廣化寺講
堂是也又畫見麻衣鶴髮者請所居爲佛刹又

淡軒稿

補遺

廿五

許之今廣化寺佛殿是也先生乃擇地於西峰
下構書堂爲講學之所先生棄所居以讓令仙
氏者非惑於異端也蓋居不求安好學之君子
也夫士志於道豈計其地之廣狹室之美陋哉
莆人葉儒實自先生始至唐貞元中吾祖藻蘊
二公歐陽詹公相繼以明經進士登第爲闕人
倡乾寧中黃滔翁承贊聯舉進士至宋熙寧中
徐鐸薛奕以文武魁天下紹興中黃公度陳俊
卿以魁亞齊名當時有詩書比屋俊造如林之

稱又有十室九書堂龍門半天下之美詩書禮樂甲於八閩文風幾於鄒魯學者私相慶曰莆儒風之盛實由三先生講學以倡之此百世之公論也厥後露公仍居西峰之下莊公折居于游洋之潯陽淑公折居于仙遊之鰲橋露公至四世孫遷居于郡城之前後埭諸處祠堂之祀皆以露公爲始祖游洋仙遊之族則以莊公淑公爲始祖廣化寺僧祀三先生於講堂東北盆追念讓地之恩也曾祖廷評是公暨二子長史

游軒稿

補遺 世

筠司馬震相繼撥平陵里小塘畝龍塘城等處腴田百餘段入於寺俾歲收租爲三先生諱日之祭朝夕香燈之資族衆子孫依期拜謁其事脩載於碑碑久毀寺僧或廢是禮至元至正初有詔凡寺院舊檀樾施主祠堂禮廢舉行於是遠孫南埭東成後埭同祖等與寺僧謀興舊典繪三先生像祀于司馬廟右幸遇十六世孫行省左丞收公以公事至莆造謁祠下祀禮復興無何又廢至永樂二十年寺僧別構殿祀司馬

淡軒稿

補遺 世

氏仍祀三先生於舊堂周府寧王爲書鄭三先生祠堂六大字扁于堂楣歷歲既久旁風上雨桷朽瓦墜凜乎其將頽矣寺僧原野弘表絕瑕原立來謀族人徹而新之莆仙二族子孫合助之銀四十兩伐石陶瓦購美材僱良工以成化戊子冬十月興工以明年正月五日落成魚謂是役不可以不紀乃囑筆於予噫南湖三先生以儒業振士風興民行崇教化允矣不世之功也崇祀之於學官爲鄉先正肇基立業之始祖可也蓋莆人初未知向學淳龐朴實而已耳孝弟忠信之行未興畎畝禾稻而已耳簪組爵秩之貴未有今則淳龐朴實變爲孝弟忠信畎畝禾稻化爲簪組爵秩詩書禮樂衣冠文物之盛可與中州上國齒所謂不世之功非與前後埭之子孫既建祠堂祀三先生爲肇基之祖矣仍於廣化寺捐資助僧重建祠堂於其寺以脩時祀之禮以盡追遠之孝皆可書也予願爲三先生之遠孫者尚其敦孝弟忠信之行務詩書禮

樂之樂上體鼻祖興孝之心下開雲仍繼述之
孝俾出而仕者植勛礪節爲一代之良臣處而
隱者蹈仁迪義爲一鄉之美士母徒因寺僧脩
時祀之禮相率拜聚於祠下是爲追遠之孝耳
比者巡撫八閩都御史江浦張公瑄按莆舉鄉
先正勲業顯著者郡守括蒼潘公稟以三先生
舉增入鄉賢之堂矣裔孫聖芹脩述建祠之事
告予遂次第其所述者作此記云

淡軒稿

補遺

八

東坡曾氏族譜序

予新置別墅於城南之東坡是地也舊曾氏
族聚焉族之長既彰甫告予曰曾先世晉江人
宋中書平章事弟公齊後至遠孫念一府君
與子復初世爲香山尹始擇莆之東坡家焉至
既彰六傳矣舊譜厄於兵燹無存既彰囑長子
仁遍搜族衆之家所祀先世考妣事迹考擇得
寔作是譜願丐執事一言冠于譜端以垂子孫
於悠久云盛矣哉曾氏之多賢也平章公第進
士累官吏部侍郎同平章事韓琦爲首相每有
法令典章必問於公第與亦通顯子孝寬僉樞
密院事從子孝序爲青州多政蹟曾孫懷累官
右丞相嘗曰事之大者視之以小事之小者視
之以無天下常無事矣人以爲名言四世孫從
龍第進士累官樞密使以文學才行稱弟用虎
天麟洽屬歷麾節俱以賢能稱祖宗積累於前
子孫繼述於後簪纓聯數行顯著信乎其盛
之至元及國朝子孫累世尚力學務農守

淡軒稿

補遺

卅九

先規既彰甫早孤善事母一倉留氏鄂國公之
遠孫遭家祚中微奮身植業動儉自持賦性敏
慧郡行鄉飲酒禮必以賓詰鄉有義事必勇爲
之若修斗門築堤堰修鄉社壇遺以脩春秋祭
砌墳以葬外祖妣無後者平生所爲多類此今
族聚東坡無慮百家爲子孫咸知尊宗睦族慙
定醇雅可進於道子願爲子若孫尚力學務善
遠紹祖業詩曰無忝爾祖聿修厥德尚其勉諸
公卿之家必復其始子於曾之子孫亦云是爲

淡軒稿

補遺 四十

序

重刻探花公摘稿後序

家太祖澹軒公由宣德庚戌及第第三人歷官
翰林四十餘稞藻繪所留至積盈笥篋然大父
去非公每奉遺編即念弗壽之木也將或湮泯
焉無傳是虞自初官廬郡時即謀全刻之棉于
力因請太守梅南廖翁摘其尤十分之一刻之
復棉于力每出必匪以偕竟遲迴二十餘載弗
以果已而擢大夫岳陽也乃得諸累俸以畢厥
志凡吾太祖精神所寄發其渾噩光明之思卒

淡軒稿

卷

流傳寰內不終湮泯者雖僅什之一大父之心
亦竭矣嘉靖壬戌之變莆城不守倭火吾廬逮
刻本並燼以煨燼何為釁之烈至此哉時炳章
旅寓金陵聞之遍搜諸笥中無藏本重為彷徨
嗣聞儀部弟啟昌一帙在儲遂遣書索之燕臺
以付梓人於是乎秦火烈而孔壁經藏倭燎揚
而儀司帙在乃知天未喪文吾太祖什一之留
豈終使之與餘灰俱盡也耶刻既竣工炳章喜
而作曰吾太祖不朽之言大父無念之孝今可

並垂無數矣謹識之于左方

嘉靖四十五年歲在丙寅季春望日不肖孫

炳章頓首百拜書于棘臺公署

淡軒稿 卷

淡軒稿十二卷補遺一卷

補建忍撫
探進本

明林文撰文字恒簡莆田人宣德庚戌進士官至

太常寺少卿兼翰林院學士謚襄敏是集詩三卷

文二卷其十一十二兩卷乃附錄誥勅及行狀神

道碑補遺一卷則又其詩文雜著凡有二本初刻

者爲其孫岳州同知希範重刻者爲其曾孫南京

大理寺寺正炳章此本卽炳章所校也

吳竹坡先生文集五卷附載
一卷詩集二十八卷

〔明〕吳節撰

浙江圖書館藏清雍正三年吳琦刻本

附《四庫全書總目·吳竹坡文集五卷詩集二十八卷》提要

吳竹坡先生文集序

夫文人誣藝者靡不低昂聲律尋摘體調是獨知文之迹爾烏覩夫本者哉夫廢聲律體調不可以言文然使挹其言茂若春華清如流水而本則戾焉又奚取於文矣且諸葛之出師二表柴桑之歸去來辭其言猶夫人耳讀者崇且憚焉豈獨以其文哉莽大夫劇秦美新信瑰麗矣覽未竟而抵之地者有之鳴聲未必讓鳳也聞者好惡異焉果係其聲乎

吳竹坡先生爲五朝碩望學得大體

宣廟時已有聲其在史館國學歷四十年教養兼備已已之變上經國十事遂忤中官致不得典樞機節義蓋凜如也先生其古社稷臣哉余讀其集五七言古效陶令五七言近體倣杜拾遺文則退之永叔闢其聲律體調

卷之五
王序

非毛舉而刻畫之也其神嘗在焉語曰蓬生麻中不扶自植越非無縛也夫人而能爲縛嗟乎難哉難哉而天之報施善人久而彌彰先生之長子由翰林改侍御嘗以廉明顯其家其季亦自賢書官別駕昔張安世屢世

金貂獨以謏聞以佞幸先生奕世簪纓與安世等埒然其人品則相去遠矣安世文辭無所表見顧獨強記誦以視先生又何如哉故讀先生之作者如明水太羹味者弗厭何則彼其鳴者鳳也

卷之六
王序

成化 年 月 穀旦門人銅梁王儉拜撰

竹坡公金門待漏圖



跋

家世自大常公而下文章理學相望及小子之
身今七世矣中間科名雖亦微落而一經之傳
兒輩猶能奉以周旋或列庠序或提南官是皆
先公之深仁厚澤所留者遠而亦斯文之氣脉
其流風餘韻有以嘿佑之也跡其官行由春秋
解魁進士官編檢侍經筵授祭酒再入翰林叅
學士兩修國史兩典試晚以常卿致政歸一切

吳務坡先生集

跋

皆儒臣事故其德業聞望半在詩文今集中所
載皆是也然亦存什一於千伯非復當年之舊
矣先是家有勅書閣藏書甚多舊板在焉迄於
明季數遭兵火遂俱付之荒烟蔓艸中每一念
及悲淚交感恩欲蒐輯而再壽之梨棗殆數十
年邇之又久亦云有待今吾年且八十有六矣
無可復待矣幸而斯文之精光所注不容掩抑
雖斷簡殘編出之於敗篋破篋之餘猶復斑駁

陸離爛然照人而尤重有賴者吾邑世家故族
珍藏者多或猶存其真跡或勒之碑銘受命兒
孫輩或就錄之或借抄之且或重售之今爲文
若干篇爲詩若干篇分門別類求校閱於一二
文士更求鑒定於

當代之名公鉅卿付之剞劂以垂不朽嗟乎詒厥
孫謀吾先人當之矣無念爾祖後之人其若之
何今夫半畝之田一堵之宅苟爲先人所遺後

之人猶斤斤寶貴守而勿失亦以爲有利於已
耳况乎煌煌著述實先人精神意思所寄而道
德勲猷亦彷彿寓之者其爲佑啓我後者當復
何如而後之人不能讀且不能守可慨也夫雖
然能守者必能讀亦惟能讀者乃能守吾子若
孫其善讀之亦有油然而感奮然勃然而知所
振興者乎

雍正三年孟春月

穀旦

七世孫八十六叟 琦捧再氏謹跋

偕男 奕 孫鼎 賜 曜

袞 曜 佳 叶

齊 暄 儲 侍

世華 夔 曙 皓

訪 傑 曦 時

京 源 璋 昭

姪基 姪孫 璋全識

吳竹坡先生文集目錄

臨川李巨來先生 鑒定

七世孫 琦 重梓

卷之一

經國十事疏

再陳經國十事疏

陳情終養疏

乞休疏

代祀少昊帝堯孔子謝表

御賜祭壑謝表

勅贈三代併廕三孫謝表

吳竹坡先生文集 目錄

進宣宗寶錄表

進英宗寶錄表

進五倫全書表

憲宗皇帝視學頌

漢光武渡河頌

卷之二

大學條約十二條

應天鄉試錄序

應天鄉試策程文

慎選舉
敦習尚

足國用
別茲議

定兵制

會試錄序

送王孟常之廣陵序

吉安重修大成殿碑記

代祀孔林碑記

應天公廨碑記

安福鄉賢祠碑記

奉祀二陵碑記

卷之三

臨江府學尊經閣記

宿遷重修廟學記

贛州宣聖燕居殿記

長沙尊經閣記

揚州建四齋記

瓊州明倫堂記

邳州重恢學地記

上元明道先生祠記

吳竹坡先生文集 目錄

餘干同樂堂記

安慶景忠樓記

淮安平江侯祠記

劉忠愍祠堂記

臨清文昌祠記

玉衡山殿宇記

袁州儒學碑記

卷之四

南隴土地神祠記

黃陵廟祛虎記

安成道會司記

遊石鍾山記

彩雲亭記

廬直公平堂記

朱耕藉圖	元庚申君大事叙畧
清隱記	哭齋記
拙隱記	訥庵記
梅澗記	蘭莊記
松雪記	張氏思親堂記
卷之五	
張氏旌義卷跋	與李古廉書
與劉求樂書 <small>諱球謚忠愍</small>	與李克述書
大父阡表	雷說贈張侍御淵濟
金谿王氏譜序	重修族譜序
下村桃源別墅記	
下村梅雪庄記	榮壽詩序
袁君隱與餘慶堂序	
附載 御賜詩與 藩王諸名公題贈詩文	
章皇帝賜詩	章皇帝賜詩
純皇帝賜詩	魯殿下製詩

魯世子贈詩	衍聖公贈詩
楊文貞送別	劉廉節送行
曾大魁祖餞	周文襄送別
胡相國贈行	高文毅送行
王文端送別	李忠文歸訪
蕭大魁喜歸	李忠文樂休吟
松溪寄懷	栢軒致勉
梅軒寄復	王豸宰題竹
高文毅題金門待漏圖	
王文端題竹坡公像讚	
劉文安題竹坡公長子遠鄖陽行春圖	
省親詩序	代祀闕里叙
任南監祭酒叙	封君神道碑銘
竹坡公行狀	
目錄終	

吳竹坡先生文集卷之一

臨川李巨來先生 鑒定

七世孫 琦 重梓

經國十事疏

臣竊惟坐而論道謂之服休起而作事謂之服采服休者旦夕承弼得行其道於君服采者夙夜在公得施其政於民內外分猷庶官無曠惟史館一席耳筆螭頭形管木天紀古今之善惡記時政之臧否無諫

吳竹坡公文集

卷一

一

諍之權非民社之寄退食委蛇其職易溺臣叨忝侍從備員論思優游館閣出入三朝搜求簡編如同蟬蠹坐觀成敗莫効犬馬甚非國家所以養詞臣儲相材之至意也臣再四思惟與其紀載謨謠重詔來世孰若條陳急務裨補今時不嫌越俎敬陳十事以干

皇上聰聽一日賞罰者人君之太柄也失賞而賞謂之

濫恩當賞而吝則勞者不勸失罰而罰謂之淫刑當

罰而肯則惡者不懲計功程能賜予有別大賢登受

上賞而不才亦絕其軼望如此而庶績成熙度支亦

不至匱竭矣比律定罪輕重有服無辜既蒙矜恤而

大慙應服其上刑一肯不掩國典亦不至淫用矣此

經國之急務者一也一日大臣者君德之成就也四

海九州之政事達之於六曹六曹之興革列之於章

奏章奏之票擬歸之於內閣關繫至重而匪輕也人

主端居於上內閣六曹論議於下人主曰可閣臣或

吳竹坡公文集

卷一

二

以爲不可閣臣曰然六曹或以爲不然交咨互攸斟酌

酌畫一然後舉行則政無不理而民生日遂矣若深

居簡出不與大臣相見惟以章奏之出納示其意旨

則是上下不交而國政必曠宜於視朝之餘進閣部

大臣共議時政如唐虞君臣都兪吁咈於一堂之上

此經國之急務者二也一日內地者國家之腹心也

京師爲天下根本邊關爲王畿管衛自京師視之則

邊關爲外自邊關視之則四夷爲外先王五服之制

內外防閑甚井井也今西北降胡市滿京都微得之
性不與人類饑飽失節均足致亂九邊要害尤不可
仗雜處內應外合金湯非險晉遼郭欽之論而五胡
更帝唐棄曲江之言而安史變作往事之覆轍可鑒
也一切降虜順夷俱宜徙之塞外別其部落示以羈
縻永杜禍患此經國之急務者三也一曰循良者生
民之司命也漢武帝曰與我共天下者其惟良二千
石乎章帝曰郎官上應列宿出宰百里古帝王之待
守令如此其重也無非爲生民計耳今制守令之官
監司制其舉動御史糾其貪墨吏部考其殿最其於
繩束不肖之法則得之矣至於循良卓異實爲民之
父母若不顯加旌異則無以勸賢才而慰民心宜於
朝覲考績之歲凡守令賢聲懋者或久任十數載
一旦進爵通侯或行部去轡帷而服色賜以三公於
是感激報而百姓之受惠益無涯矣此經國之急
務者四也一曰賢路者仕途之樞輿也賢路通則仕

進不壅賢路塞則君子道消國家安危盛衰之故實
本於此賢人不欲久懸榮寵而懼盛滿之難居則伊
尹致政召公告老不才者處之則固位貪權逆閉將
來之路唐制三品以上常祭官甫到任卽舉一人以
自代非徒文具也蓋欲使賢才姓名時聞於當宁皆
得以次進用耳今部院大臣或引年謝事或請告投
閒或超遷量移或開府外任各舉在位貞亮林下舊
德數人任憑點用以代本職則主爵無專官之權而
賢良有棄征之慶此經國之急務者五也一曰黜陟
者將材之所出也語曰士之子當爲士農之子當爲
農古今之通理也豈將門有將之言獨欺我哉國家
功臣元子各世其爵矣其庶子介弟或宿衛金吾或
建牙外鎮皆所以習武備而培國脉也今上者詩文
書畫如溫雅之名士不知韜畧爲何典下者肥鮮純
綺同風流之浪子不知弧矢爲何藝索祿賜則糜費
大官遇征討則列名奏幣一旦有警白面者聞鉦落

膽畔憂者望敵倒戈幾何其不以國與賊也自今武
臣子孫宜熟習兵法武藝年十五以上嚴加考試務
要韜畧諸練技勇精良者方許承襲本職如兵法粗
通武藝稍涉者量行降授漸加作養至若策對茫然
弓馬生疎斷行停止以待其才則羽林皆虎貔而棘
門無兒戲矣此經國之急務者六也一曰貢舉者人
才之根本也成周造士之法以六德六行六藝舉
里選而後貢之於朝論定後官官定後爵於是士子
無濫舉而官吏皆賢材何其盛也後世科舉興作育
弛學校之教不良心術之操多詭工駢麗之詞章雖
行險僥劣者可以擢上第去違時之薄技雖經明行
脩者不得入賢科無惑乎牛鬼蛇神摘繪翰苑魑魅
罔兩布列要津所以聖明者起思欲借才於異代也
今欲先德器而後文章於以課人才而端臣品則莫
若寓薦辟之意於科舉之中凡平日品行不飭者不
許入科場而佞倖軟美者不許中程式如是而趨嚮

端明辭尚體要朝廷皆正人矣此經國之急務者七
也一曰末富者貪民之蠹賊也志曰本富爲上末富
爲下蓋力田而務本則五穀充勃負販而逐末則人
民淫佚克剽則野有蓋藏國足倉廩人樂其業而禍
亂不作淫佚則離棄鄉國荒蕪田野奇巧盛行而匱
乏立至周制什一而徹所以安本富稅廬夫家所以
抑逐末其爲民間慮至悉也今者稼穡之民衣百結
食菜茹終歲不得一飽商賈之家被絛綺悅聲色安
坐而無一事此生計之所以日蹙也宜 詔諸海內
立爲厲禁務崇儉樸其織造雕鏤茶坊酒務嚴行禁
止非布帛菽粟鹽茶之類不得通舟車市井細民敢
有衣錦華屋酣歌群飲者殺無赦如是而農人強力
於東作而遊手亦反歸於南畝矣此經國之急務者
八也一曰孝治者人倫之坊表也父母之喪責賤則
一古者天子亮陰聽命策宰所以教孝也漢文短喪
古今罪人晉武終制百世稱聖在天子猶然況臣下

乎近世武臣有喪墨衰從戎相沿既久遂以金革之禮定易月之制悖禮傷教莫此爲甚然猶可諉之曰武弁目不知書也今乃以天子大臣爲百官之儀表萬姓之具瞻無金革之倥傯非武夫之粗惡身丁通喪援詔奪情端揆既不知孝廉條何以作忠近臣耳

吳竹坡文集

卷一

七

之急務者九也一曰吳鼎者大逆之榛莽也邪說橫行孔子作春秋以誅之楊墨塞路孟子辭而闢之廓如也冷黃冠而講脩鍊者尊西蜀之米賊楊朱之餘欲也緇衣而談苦空者事乾篤之夷鬼墨翟之流波也聖君賢相起而爲治崇正學而熄邪說固當人其人廬其居火其書如韓子之所云云廢幾不爲孔孟之罪人也然而塔廟繁興金碧輝煌淨土多僧尼而閭閻失夫婦矣齋醮肆起禱祀殷勤官親有符籙而

庠序闕詩書矣既不能驅異端之徒衆以還我人民

豈復可縱人民之子弟以入於異端自今以後一切

剝度脩奉之徒嚴勅禮臣勿許復舉不過十餘年尚

剝字自類異類自殄廣土衆民之治不勞而有成功

矣此經國之急務者十也臣智識淺陋學術迂疎若

不因話言而闢國是何以免尸素而追罪誅謹稽之

史冊以鏡古人之是非注之起居以衡今日之緩急

自知狂瞽冒犯宸嚴竊効愚忠上通帝座倘或于

慮之得微有可採則一割之長不致永棄臣當竭其

股肱以答聖明惟

皇上留意焉

再陳十事疏

臣聞魏徵之諫唐太宗也始之以十思繼之以十漸

太宗不厭其煩稱爲納諫之聖主姚崇之入相也以

十事邀玄宗以試其誠玄宗慨然行之一時之人號

曰聽言之英君陛下神聖天縱以堯舜爲法太宗

曰聽言之英君陛下神聖天縱以堯舜爲法太宗

且不足比似又何論於明皇臣之下愚豈能望魏徵
姚崇之項背然前以十事進呈矣陛下非惟不加
之罪而俯賜嘉納焉臣之感思無已雖捐頂至踵其
何以爲報也乃今又以十事入告卽起姚魏於今日
亦且受多言之辱矣或者陛下從諫弗弗有如成
湯虞臣得以畢其說其一曰經筵講學以養主德資
雖齊聖不廢問學道可然契亦須講說自古殿廷奏
對一事止及一事之本末所以治其標也惟經筵之

開其所陳說者皆帝王聖賢正心誠意脩身治國平
天下之實學通此可以達彼執一可以應萬所以治
其本也卽萬幾紛紜未可廢學盛暑隆寒不當輟講
師臣賓臣坐而論道勲戚貴胄側耳受業朝廷之要
莫先於此其二曰選舉公慎以貞察度實與貢舉慎
之於初量材授職慎之於中考積遷擢慎之於終三
者不爽其衡則野無遺賢而朝無倖位矣但虞閣節
通而高科無寒門與援起而下考無世族科第發身

者雍容而至卿相異途起家者老死亦在下僚殿
主爵持衡者力洗陋習以挽淳風其有冒進奸回罪
坐如律國家之權莫重於此其三曰考覈嚴明以肅
官箴考成之法防賢才也覈實之典儆官邪也內而
銓宰甄其品中臺肅其度諫垣上其議外而御史巡
其方憲司糾其過司李摘其伏宜乎賢者升而不肖
者黜矣但恐高明者以抗直激怒苞苴者以苟合取
容於是乎賢奸混淆矣考覈之行自司法者始則源

既清而流自不濁課功之效莫急於此其四曰沙汰
冗員以清仕路唐虞稽古建官惟百要商官倍亦克
用又此帝王之所以治安也官事不攝小者備官此
雜霸之所以叢脞也畿輔之內有六卿以司庶務則
寺監之官多屬贅疣矣省直而外有藩臬守令以宰
疆土則監司幕職幾爲駢拇矣冗官多則十羊而九
牧職司簡則網舉而日張節省之術莫善於此其五
曰清理刑獄以廣好生刑期無刑民協於中殺以止

殺非聖人之得已也康誥曰要囚服念五六日至於旬時爲囚求生道也唐制決獄五反然後行刑不欲輕易殺人也然而服罪者貴於慎讞萬一有生理則囹圄可以爲福堂矜疑者何妨失出若果無死法則國土何必留長繫若夫五邇之疵以佞折獄屠伯乳虎殺人媚人國有大刑司寇服之仁德之施莫溥於此其六曰黜誡賊吏以熄衆怨京畿之官得賂於藩臬藩臬之司黜貨於守宰守宰之輩誅求於民間事

輸舟載皆小民之膏血也平日往來營求貨既至而官可得事發互相容隱金甫入而罪即除稔惡不悛長此安窮將見財盡則民散民貧則走險邦本既壞其何能國凡贓罪顯著之官重則肆諸市朝次則投界豺虎輕則禁錮終身庶人怨稍息而天怒亦可解保民之政莫良於此其七曰停止工作以惜民力茅茨不剪帝堯之盛宮室極畀大禹之隆囹圄汙池既多而憂德衰臺榭陂池侈服而商受亡阿房大起

世以威福臺必惜漢德日廣往事之得失後人之鑑也方今宮殿巍然未有損壞城郭完固無事增修而營繕非時造作不已舍稼穡而運木石輟場圃而供版築哀我人斯何堪此重困也一切無益之作不急之務悉皆罷休養民之財莫踰於此其八曰修舉荒政以活饑民帝德廣運厥有降水六事自責禱於桑林聖帝明王天災時有周官荒政十二所以儆不虞也但頒內帑勸捐助盡飽官吏之腹而饑民不得

沾升斗發倉賑濟往返奏請上下文移動逾數月而餓殍已無孑遺矣至於遇災傷重處減民田租之半徒爲不肖有司充其貪囊耳而道殣仍相望也發粟不待奏聞常平預爲經理停征以救目前貸種以接來歲收荒之策莫奇於此其九曰愛恤軍士以倡勇敢京營之兵坐食厚餉游手白食殺急不足倚其費可議裁也南北邊徼守禦之兵或塞外苦寒之地而衣絮不給或日南瘴厲之鄉而飭食不飽得免其稅

巾而呼足矣况責之以躬冒矢石出萬死而入一生
乎其餉當議增也節無用以食有用捐至樂以慰聖
苦糧食繼則無捉襟見肘之虞恩義孚則知親上死
長之方養兵之計莫周於此其十日罷道朝貢以安
中國四夷來王垂譯入朝示王者之無外也漢武解
民力以開不賓隋煬繼錦繪以誇外夷是猶拔本而
樹末削皮而附毛也光武閉玉門關以謝賈子溫彥
博虛塞外以處突厥此禦夷上策也來則不拒優其

禮節而旌遣之不必竭府庫之財物以為賜予也遠
則羈縻之不必勞師征之經營以務屈服也華夷之
辨莫嚴於此臣所陳諸事皆未雨綢繆之至計而有
備無患之深憂也語不涉譏彈言之者可以無罪事
必出再思聽之者或能忘倦賈誼遇漢文而慟哭臣
不若是之激陽城為諫官而痛飲臣不若是之矯雉
反覆於君德臣範國計民生之內謹其始慮其終而
三致意焉以附於古者諷明兩諧之盛故區區微誠

不自知其詞之褻而言之長也

皇上倘不即加鈇鉞曲賜省覽有當聖衷勅諭主者
次第舉行臣報國之心既已得遂即退老田間與樵
夫牧豎歌咏太平是所願也

陳情終養疏

臣聞之孝為百行之首而教孝於家者所以事君也
諺有之曰求忠臣者必於孝子之門則不遺其親者
乃能不後其君也若夫王陵依日月於漢朝忍忘伏

劬之痛溫嶠者助名於晉室何堪絕裾之悲使世盡
若輩則是有君而無親為人君者亦何樂得此人而
用之哉臣勿失嚴父煢煢無依鞠育成立惟賴寡母
臣之孤子匪是尋常母之劬勞不可名狀和熊黃荻
以佐臣之苦剪髮剝膚以發臣之名耿耿一心想有
今日臣自盪冠桂籍倖魁南宮附尾詞林叨侍禁近
每當石渠繕書天祿修史輒展夢我而哀公父補日
華而念慈母白雲徒望親舍遙隔中間迺養京都分

食大官竊沾 君惠少盡子情然以南北水土不習
老人肌骨脆弱一遇風寒便成疾恙奄奄餘息過歸
故鄉母思子而沉疴纏綿日甚一日子去母而簪履
束縛年復一年脫使一旦溘先朝露終天之恨何時
可已臣且為萬世之罪人復有何顏面為立朝之臣
子哉伏望

皇上曲賜矜憐放臣回籍侍養高堂臣係編纂之官以

語言文字供奉內署非有刑名錢穀之責不敢擅離

吳竹坡公奏集

卷一

十五

職守倘蒙俞允則定省餘閒亦可逞懷翰墨彙集成
書馳進御覽在野之日亦猶在朝母子相倚感激
天恩寧有已日臣不勝泣血哀鳴冒死具奏

乞休疏

臣竊惟人臣之事君也懷盛滿之懼者勵廉恥之節
昧止足之戒者存患失之心人君之禮臣也尊崇其
爵祿不如保全其身名榮寵於始進不如優容於末
路臣敬君不可回其寵君愛臣則當聽其去斯蓋法

四時之令而明進退之義者也臣博散匪材朽敗餘
息出入館閣垂四十年持鐸成均已滿三考繕作有
玷於史冊建豎無補於聖朝衡文謬述五色造士靡
益六堂少壯才力猶不如人衰頹暮景豈堪驅策竊
食俸祿難進尸素辜負 國恩顧影成慚加以豚犬
兩兒濫紆金紫三從子姓叨列科名服勞可代後進
退休宜憐老臣即負重之牛猶有息轅長駕之馬亦
當停驂况臣人顛而罔卸肩伏乞

吳竹坡公奏集

卷一

十六

皇上寬貸誅夷蚤賜視奪俸臣得歸田里占籍編氓身
居南畝瞻望北闕擊壤鼓腹相念帝力豈不臣主俱
泰身家共榮哉臣不勝受恩感激懷鄉思歸冒死具
奏

代祀少昊帝堯先聖還謝表

伏以

少昊金闕號稱五帝之首

神堯治世儔爲萬代之尊

超千聖等百王生民未有夫子

配天地並日月後學咸仰仲尼陵廟俱在山東聲

名溢於海外

聖天子紹曆嗣位仰仗臣

吳竹坡公文集

卷一

十七

升中告虔恭遇

皇帝陛下

初膺大寶

克纘鴻圖

天子少年同伊祁之十六

聖人有道化闕里之三千

松生棟雲生樞有諸內者形諸外

馬出河龜出雒咸以人者應以天夙夜惟寅服袞

冕而祗見厥祖群望四祭具牲帛而通禮群神
惟四海九州

車駕不能咸履故特牲三獻臣工可以代行然必

精白一心庶可肅將

上命若不屏絕萬慮豈敢拜稽明禋臣叨忝詞林侍

從鎖闥風微五夜覲

龍顏而抒論思日映入觀立鵷頭而備顧問才賦慙

愚應物遲鈍性秉硜確宅心孤貞耿耿機誠內

吳竹坡公文集

卷一

十八

不愧於屋漏暗室塞塞言語外自晦於大衆明

庭無繇而結主知何幸而膺

特簡三薰三沐望魯郊而薦德馨孔惠孔時伏陵廟

而修祀事密宗祝於豆籩之數人肅駿奔羞苾

芬於胾蟹之間神嗜飲食毛血既痊歌雅頌而

饒神胙肉分頒聽蝦蟇而飲福於是憑弔古蹟

恍覺三五世物穆猶存顧瞻杏壇如同七十子

衣冠在列爰進衿士申飭之以詩書禮樂之風

宣諭牧民播告之以其農刑政之效未敢便宣

矯制祇求事竣還朝 伏願

聖治日新法古人之無逸

帝德廣運邁聖主之倦勤庶有爲有守有幹有年會

歸其極而自西自東自南自北辰拱厥居矣

御賜祭塋謝表

某年某月某日 臣母累封淑人王氏身故荷蒙

皇上御製祭文遣官賜祭予塋 臣俯伏苦次具表附

吳竹坡公集

卷一

十九

使臣呈謝者伏念 臣一介賤生四朝犬馬少小

失怙依慈氏以立家徬徨靡瞻告曼母而知墓

甯布帛以供稅機杼其空備束修以傳 簪耳

盡脫蔬褐市釋菽水便離鸞坡天高望門間而

神憎風池日近顧衣線而淚零在下走微臣得

沾

上國之一命念小人有母竊嘗大官之杯羹親在

許歸散遣大學諸士母老離待獨留國子先生

深沐

皇仁予告歸省歲月祿賜所積左右就養無方感激

天恩如同地厚詎意西日遽陞人命難留薤露易晞

無祿卽世泣盡繼血恨身殉之四從心死成灰

慟魄逝之莫挽忠孝二字欲兩全而竟兩虧存

歿永乖痛九廻而廿九死三年之憂方始一抔

之土未封茲蓋伏蒙

皇帝陛下

吳竹坡公集

卷一

二十

特渙綸音

親灑宸翰

華袞褒於泉路朽骨生香

璽書降於倚廬宿草沾露玉魚蒙塋地從五父而

卜牛眠寶鴨塋播間崇四尺而封馬鬣徹蓋帷

之義念其子而澤其親溥

覆幬之仁榮於生而哀於死皇華四牡去草莽兩

回轅衰經孤身望魏闕而稽首嗟生既無益不

能學飛鳥之啣環或死者有知白當同老人之

結草業已平之人鬼感此

殊恩尤宜傳之子孫銘茲

光寵扶杖濡墨哀亂無文伏苦作書驚悸失火萬

冀

聖明曲賜赦原臣不勝涕泣哀鳴之至

勅贈三代併廕一孫謝表

臣某伏奉

吳竹坡文集

卷一

二十一

詔書給臣及妻應得誥命追贈臣祖父母父母如臣

官秩廕一孫入監讀書者臣某捧

恩綸震忤交極宣讀官誥存沒均沾庠頂捐軀莫

報於

覆載陳力就列無補於

聖朝臣某誠惶誠恐稽首頓首上謝臣東南賸儒春

秋家學賢書濫首甲第聯魁錄庶常而歷編修

所領者翰墨文字自司成而兼常伯所典者講

讀論思爲

丹陛之近臣

失威不遠咫尺稱玉堂之學士地位匪是尋常清要

覺榮溺職自懼恭惟

皇帝陛下

重離繼照

行地流謙

德音渙頒於九重寸草亦沾雨露

吳竹坡文集

卷一

二十二

湛恩汪濊於四海遍地盡是春暉嘉臣工之微勞

榮溢祖考因職守之成績寵及兒孫

恩光照夜臺人誰不樂有子

惠澤決日後自求無忝所生臣本幼孤自傷未能

事父家世寒素常思罔墜厥宗辱大夫之班聯

五鼎以祭進小子於胄監三命益恭風不止而

樹欲停今而後可以慰泉壤水有源而木歸本

子而孫何以報

朝廷且也畫荻含飴俱沐郡縣之號布裙荆釵躬
被象翟之榮在陽和已瀾滿於二天而寒門實
衍慶於四世役軀安足惜常恐無地措之涓滴
未能耐敢云忘所自也或者大馬之齒未卽衰
頽爪牙之才堪供任使尤當勉策末路用答
高深臣不勝感激隕越之至
進宣宗實錄表

伏以

綜四代以紀事尚書本史臣之文

編群公而作經春秋乃天子之事考政治之得失

金鑑懸千秋遵祖宗之章程寶訓貽百世伏惟

宣宗孝章皇帝

聰明天縱

齊聖淵深

廣運神文流覽於翰墨經史

布昭聖武熟諳於弧矢韶齡

指顧擒逆藩漢景之削平堪陋無聲奪驕子聖祖
之威烈同符稭直臣於四奴幹蠱則吉進學十
於

御幄從諫如流去殺勝殘共遊成康之世輕徭薄賦
同樂堯舜之天里巷絃誦有聲擁萬卷者可待
聘山澤荏苒無警行千里者不持兵彥士布列
朝端慶多士之楨王國元老雍容臺閣若四輔
之佐宗周迨至犖龍髯而上升雖深山窮谷莫

不慟哭共望騎箕尾而新陟在敝履遺簪尤切

悲思勝筭願謨歷歷可紀成功峻德蕩蕩難名

恭遇

皇帝陛下

遙求古訓

紹聞德音

作君作師監于先王成憲

善繼善述率乃祖考攸行

思洋洋聖謨近臣修起居之注念明明大烈史
官有日曆之書是皆絨以金膝可供緡閱斯固
藏之石室以待纂修故一代之君必有一代之
史而紀載之事付之紀載之官苟非盡臣難稱
實錄臣恭備員木署待罪柿林每當未明含雞
舌而趨

卅陛依稀向署近雉尾而映紅雲操表鉞之權公道
方爲信史握金銀之管直筆不欺人倫沐

吳竹坡全集

卷一

二十五

先皇帝撲棧作人自期銘心而鏤骨偕諸臣子拔茅
連茹共矢碎首而捐軀忍淚揮毫文有窮而事
無盡含酸屬草議既定而美益增盡善有徵又
何必爲親者諱爲尊者諱既尊且信斷無有所
見異辭所聞異辭是宜封以金泥寶藏奕世刻
之文梓傳示臣民者也伏願

憲天出治

法祖保邦尊此成書爲家法卽爲國史昭茲要典

作後模亦作前規臣等無任瞻天仰聖激切屏
營之至謹以所纂實錄隨表稱進以聞

進英宗實錄表

國有文獻萬代式弓策之靈

朝尊寶謨四悔御車書之盛左紀言右紀動監古
罔愆前有疑後有丞遵法無過伏惟

英宗孝睿皇帝

智勑物始

吳竹坡全集

卷一

二十六

睿炳幾先

嗣位青年奉懿訓於垂簾之日

尊禮黃髮接師保於經筵之前

聰明過於漢昭

英畧邁乎唐憲爲社稷至計北狩蒙塵因天人與

歸南內復辟

輩奪門之冒爵貪功者衆心

旌死諫之直臣刑餘者喪氣瀾巨奸於金齒如辯

帝四凶之誅止殉身於重泉去穆公三良之痛

庶人可出以

太祖之心爲心封貢立除棄小醜之惠非惠委任良輔

亦曰罔兼罔知登進正人不負有猷有爲惟多

難乃可興邦始則出之以剛斷必殷憂然後啓

聖終則茹之以含弘此真有大過人之資方能

成不世出之政者也恭遇

皇帝陛下

吳竹坡公集

卷一

二十七

至仁如天

厚德法地

稽古建事念念不忘孝思

開國承家兢兢惟存憲典當

儲位震蕩之際養晦明夷迫

主器奠安之餘乘時利見在

皇考艱貞蒙難儉德固不勝書及後元大業光亨

功尤多可紀爰撰

明詔蒐求舊章耑責詞臣開局史館

一德之純粹不嫌復書

百工之否臧直行褒貶臣等承

旨集木受事飲水學業荒疎何由鋪揚盛美才識淺

鄙無能贊述聖神論臣子之情誰非犬馬猶

先皇之德可格豚魚袖滿香煙見所見聞所聞以此

紀事手捧綸綍筆則筆削則削何必闕文

朝廷勒不朽之鴻猷而內翰外史均藉以不朽

吳竹坡公集

卷一

二十八

國家垂永貞之成法而聖子神孫實傳以永貞

伏願

孚澤未泯

心法猶存

祖有德宗有功天保定爾

父之作子之地國祚靈長臣等無任激切屏營之至

進五倫全書表

臣伏聞天地交而生萬物陰陽合以成功男安

始而肇五倫尊卑定而有序爲行健爲載物周
易取象乾坤曰慎微曰敬敷虞書首明典教春
秋誅賞所以正民彞風雅勸懲莫非敦天秩以
至經曲儀則不吝紊於鄉黨朝廷肄舞工歌弗
敢奸於房中清廟學校之設以明人倫司徒之
官以掌邦教著六經以垂訓首二帝而立隆敷
五帝以陳常更三王而無敦迨夫嬴氏任法術
而父子義乖漢家制禮儀而君臣道喪兩晉之

傷風敗俗繇於清談五季之篡弑鬪爭竟成濁
亂唐起閭門之禍人欲橫行朱崇道學之名天
理稍復求其親義序別始於家而達於邦仁敬
孝慈求諸人而有諸已未有如國朝之盛者也
恭遇

皇帝陛下

皇建其極

卜宅于中莫不尊親

聖人人倫之至此謂父母

天子天下之王

修身以教家父子兄弟足法

化民而成俗君臣上下相安以聖賢之法教人不

止稱孝稱弟帥堯舜之道定國欲使興讓興仁

採前代之格言善行著爲定本輯先哲之懿德

至性勸成全書於以鼓劭天懷凜若著蔡俾其

激發同好敬如神明臣等薰陶道風漸摩德化

比物連類而天顯聖德如恍詢而九法備矣
書不盡言言不盡志而君君臣臣父父子子大
道以明文不害辭辭不害意而尊尊親親貴貴
賢賢常法以著

伏願

萬幾之餘

時賜省覽一德之善必加力行庶孝子順孫不得專
美於前而英君聖辟有以振作於後矣臣等無

任激切屏營之至謹以所修全書隨表稱進以聞

憲宗皇帝視學頌 成化元年二月日

駕幸辟雍先期戒文武群臣

上乘寶輦具鹵簿至雍設懸詣

聖師前再拜奠尊又再拜明倫堂升座公侯大臣師

生皆羅拜禮畢駕旋觀者億萬計明日

上御大殿受文武朝謹具表謝

吳竹坡全集

卷一

三十一

恩 臣某時執事翰林脩具史職復覩盛事謹拜手

稽首而獻頌曰恭惟

聖皇聰明天賦出震而臨進登寶祚撫馭輶轅統一

區宇惟茲初元瞻思

皇祖幸學有典宜事興舉乃詔臣隣乃飭鹵簿躬服冠

冕乘以玉輅止於橋門降輦以步進謁

聖師遶豆有楚再拜奠尊雍容有頤神融道洽與聖

同度退御講堂聽論今古

龍顏怡悅香藹庭戶制諭勸渠欲端矩矱旋輦通衙

容衆觀視環橋億萬夾道旁午翌展延宴錫有

純組沛洽衿纓恩周章甫竊聞聖道興自三五

隆於堯舜脩於文武孔聖繼之萬法期具六藝

五倫有條有緒用之則安違之則仆修已治人

詎云小補

列聖相承先後惟所

皇上繼之作新鼓舞崇儒重道益臻景慕念茲成典

吳竹坡全集

卷一

三十二

其原有素心與道并情與道契光飾太平奠安

鼎祚

帝德儒風振揚率土微臣作頌脩陳禋祜掄揚大典

敢效吉甫

光武渡河頌

南京總戎豐城侯李某家藏漢光武皇帝渡河圖一

幅遇暇則懸於甲第之中堂以事瞻仰予每過而觀

焉侯取徵予題予以創業與中興之主皆阜有天命

而當時攀援輔弼之臣亦風雲龍虎之所咸會耳故
後世傳焉爲作頌詞一章書於其上見帝王興運之
不偶云 明明世祖高皇之孫春陵之孤白水之真
志殲莽克雲蒸霧縈決戰昆陽廓張大勇分巡河地
轔遭王郎交通反側勢焰逾彰單騎渡河郎其後蹙
得風忽起飛沙走陸魚龍助順河伯運神聚冰若砥
以渡天人脫跡滄茫蒼茫下博道逢白衣爰指所托
岩岩信都翼翼漁陽任吳耿冠威集翔移檄封疆

吳竹坡公集

卷一

三十三

四方騏驎進罔邛鄆遂斬僞主駐節銅馬造都鄙城
赤符來合龍馭飛升海宇底平六合爲一分土定功
威念疇昔麥飯何稠豆粥何微厚意繾綣不忍微劬
畫工作圖流傳千古惟昔大聖皆由勤苦功業蓋世
盛德配天從臣帶礪與世俱延涉難則明履謙斯吉
匪惟大君臣隣則一

一卷終

吳竹坡先生文集卷之二

臨川李巨來先生 鑒定

七世孫琦重梓

大學條約

國學之設由來久矣有虞定其制三代不異名
所以明人倫而統庠序今古一揆焉向惟胄子
俊民肄業黌宮今則春官罷對明經待選者皆
使入成均而造就之彬彬乎人材之數也

吳竹坡公集

卷二

一

聖天子敦崇正學加意作人

駕臨辟雍釋奠

先師

御委倫堂命祭酒司業設左右席坐講經書宰執卿

貳小臣百工勲戚扈衛蠻夷質子皆拱手竊聽

父老子弟園橋門而聚觀者幾千萬人甚盛事

也南畿爲國家根本大學之堂

高皇帝屢親幸焉制度同於 行在所

帝入北學卽所以重南雍固有二也列聖教育諸士
已將百年諸士從教育而出者各卿賢相廉尹
良牧明理學敷文章布德意宣恩威者輩相望
也論者則曰師長不先教則弟子不謹率昔之
善誨國子者唐有韓昌黎陽亢宗宋有胡安定
孫泰山昌黎助教四門耳亢宗司業未幾出爲
道州其造士之法不甚傳惟安定善教泰山通
經事蹟彰彰在人耳目間故經胡公指授者望
而知其爲先生弟子明復之弟子雖不概見得
一石守道便可知其餘矣所以陳東六君子直
聲動天下徐巨翁從容就義有宋三百年養士
之效於國學叔之也予江右小巫史館白蠹爲
天子近臣不能以經濟論思上佐
聖明惟語言文字供奉常職歷
四聖三朝兢兢無過頃者持衡茲土雖賞鑑不明亦
未至大失士望今

天子不以予不肖俾司教鐸主盟
先聖多士仰以就裁成焉責綦重矣說命曰非知之
艱行之惟艱知行合一者聖人之道也自格致
誠正以爲修身自修身而至於齊治均平始於
知終於行下學而上達也趨中采齊步中肆夏
所謂禮以立之樂以成之也今乃以伐鼓升堂
拜稽就位爲洒掃應對進退之末節六經與義
四子成書所以教人爲聖賢而可以治天下也
今乃以佔畢章句勦襲陳言爲應制科舉之捷
徑古者六德六行六藝所以造士之法今竟不
知爲何物矣孟子曰堯舜之道孝弟而已矣又
曰人倫明於上小民親於下無非以門內之行
爲學問之本而修之家者方可獻於廷也今乃
有若家無和順之容遊學仕宦數年而不知歸
養是父子恩絕矣平日少推讓之事庶奪嫡廢
凌長欺幼而無所顧忌是兄弟情乖矣刑于無

善術而以貴易妻內嬖可以與外事是夫婦敬
衰矣握手笑語爲宴樂里巷酒食相徵逐一語
拂意金石忽渝是朋友道喪矣及其出而圖吾
君也在內者以逢迎爲弼諧而患得患失靡事
不至在外者殘民以逞貪得而忘君親可以無
所不爲君臣之禮又安在哉吾不知大學之設
所明者何倫也總錄所引不能行所行非所知
究竟其所知者不過諸生詞章之聲病耳於聖

賢修已治人之道概乎其未之聞也故曰本之
易以明陰陽本之書以道政事本之詩以示懲
勸本之禮以謹節文本之春秋以定賞罰本之
孔孟之書以爲至德要道則其所知者皆子臣
弟友庸德之行也而其所行者皆事君事父事
兄交朋友庸言之易知也雖然不稱之古謂之
不經不準之今謂之違世謹質之經傳攷之史
冊祭之時制本之人情釐爲典教臚列十二條

以予所知者與諸士共知以諸士之力行而助
予之未能行也

一正心術心統性情才爲宰制之府也人之一身
待命於心而家國天下又待命於身心正則所
行皆正極其効至於天下平心不正則所行皆
不正極其失始於身不修能正其心以之平天
下不難不能正其心以之修其身而不可得舜
蹠之分固在於此卽治亂之幾亦決於此治心

之法存之於平旦慎之於屋漏好本然之善以
養吾性去外誘之私以盡吾情隨其才而擴充
之一言之發一動之頃審幾慮患仰不愧天俯
不忤人所謂毋自欺也趙清獻畫之所爲夜必
焚香以告于帝司馬君實生平所爲之事無一
不可與人言者如二公者斯乃真實無妄能正
其心者也

一立志向志者心之所之若射者之期於的登高

者之期於顛行遠者之期於所至之處也心不正則志之所向容或倚於偏私今既正其心矣則一念向往自然以聖賢爲依歸特患其識黯者遇物不能洞徹坐一室則炯如至天地而茫然矣方出門則適往臨岐路而徘徊矣故欲立志者必先定其識識明而理無不昭雖萬變當前不足以遏吾之奮迅也又恐其氣衰者重任弗克負荷踴躍於就道而喘汗於半途矣勉

於日中而頽痛於末路矣故欲立志必先作其氣氣壯而勇斯爲大必橫塞天地乃可以見吾之剛大也漢世祖謂馮異曰有志者事竟成范希文作秀才時便以天下爲己任功名之士且然况孔子所謂志於學志於道而不身體之乎一勤講習經傳史冊及古今人之文皆可以益人神智非經明師解說良友討論粗則亥豕魯魚之失真精則微言與義之難悟奉一先生之言

以斷大旨折衷羣議以拓見識所謂講也當堂之所敷說者退而默識之於心前日之所講究者起而尋繹之於後融會貫通疑義不留得意忘言因此識彼所謂習也講而不習如學先村道擁柴積經哄然成誦掩卷端坐長揖出門而能事已畢習而不講如深山老衲枯坐禪定冥思苦索槁木死灰膿指垢面而所得何存昔之人天姿高邁而聞見未廣者人或資之俾遊大

學以養德而成名蓋以成均之地乃天下師友之宗於此而講習焉將月異而歲不同矣一正文體書曰辭尚體要孔子曰辭達而已矣所以文章貴乎爾雅爾者言其迥而易知雅者言其馴而不雜也大經四子之文尚矣千古立言之祖也一變而爲老莊之玄虛再變而爲左國之離奇三變而爲兩漢之誇蕩四變而爲六朝之駢麗五變而爲宋儒之訓詁雖其中豪傑之

士或間代而一出或數代而一二人爲之起其
衰收其靡文章非不可觀然揆之六經論孟之
旨迥然迕之與庭矣有能以左馬韓歐之筆力
而寫周程張朱之名理真千古一人也欲正文
體者與其嚴之於場屋之程墨孰若端之於學
宮之課藝標榜程墨者所以清其流而琢磨課
藝者乃所以澄其源諸士欲作拔本塞源之主
夫豈可以滯文破典自干功令乎

一課蕪材周禮以鄉三物教萬民其曰六藝者禮
樂射御書數也今世士子窮年呶唔不過舉業
文字耳所謂經義是也稍有志者粗識詩古文
辭便以通才自命不知經曲之義可以固人之
肌膚而束其觚骸歌舞之節可以陶入之情性
而滌其邪穢鄉射大射燕射莫不從事於弧矢
所以觀德也執御有容如組如舞能我馳驅者
作稍中德也至於六書之法明其音韻以定其

點畫然後能窮簡篆隸分真草之變化不致有
知讀書而不識字之譏數者天地自然之理精
其說者可以定萬有之紛牘辨生民之吉凶知
鬼神之情狀其爲功鉅矣安定教授藕湖立經
義治事齋後主大學從遊之衆學舍不能容凡
以育蕪材也欲爲經世之通儒必當從事於此
一時定省吾人一身親生之君成之師教之所謂
民生於三事之如一也身登仕籍動輒十數年

不追將父母然猶可解之曰移孝作忠沾升斗
之祿以養其親可以無內顧之憂古之人且曰
不以三公易吾菽水也至於擔簦負篋來遊大
學者志欲聞聖人之道以發名成業而榮其所
生也乃今之繁名六堂者平日不知與修實踐
勤學好問月旦教習則旅進旅退如優之有班
歲月考課則勛章釘句如史之有簿因循滿限
動逾一紀德業不加進而二親之養缺然合以

三載考績之期給假歸省十年三假庶學業未荒而孝道亦不虧在刺客之雄犹知有老母在七尺之軀不以許人陽城爲司業祭諸生有親在三年不請假者終身黜之其法甚善也

一習威儀容貌者盛德之發越亦小心之踴躍也垂紳正笏珮玉鳴珂所以施之於朝廷正其衣冠尊其瞻視所以施之於堂上齋明盛服駿奔趨蹌所以施之於祭祀高不致亢卑不致誦所

以施之於見賓客暑隆冬不廢衣冠所以施之於燕坐君子之威儀無地而不修飭也如此若夫習子桑之簡其失也裂裳毀服顙顙獸矣學柳下之和其流也袒裼裸程遂成風矣抑戒有屢舞側弁之譏風鑑有鬼幽鬼躁之論以其動乎四體者卜其人之禍福動作之間可不慎歟故端莊正直對良士之容而肅然生敬者有之佻達側媚掃頭轉目俛優伶之醜態人未有不

心賤者也遊於聖人之門者不可少子張之堂堂而耳樊遲之麤鄙也

一黜異學程子曰佛老之害甚於楊墨蓋老氏之教祖楊朱佛氏之教宗墨翟發愈熾禍愈烈且當世無孔孟排而斥之故覺其害爲尤甚也二氏之與吾儒胥足而列者豈二氏之自能雄長哉皆藉吾儒爲之羽翼也經生之家耽其詞之怪僻說之詭異於是取內典梵書丹經道藏以資其筆端鼓舞而震蕩之令觀者炫目伊川所以有滛聲美色之喻也仕宦之家惑其不死之荒唐解脫之幻妄於是信修煉爲秘藥持頌爲福田以廣其議論沉溺而禁錮之令入者忘出此昌黎所以有慮居火書之憤也然則佛老者風寒之疾感於其外而吾儒者乃腹心之虺應於其內者也故欲斥佛老之說先去吾儒之爲佛老者則內無應而外自不能合矣

一 戒游惰肆情山水放意舟車曰將尸居頽然晝
眠晏起曰惰人之好游者其志蕩也血飛肉騰
精神不能自固如走壩之獸必東奔西逐乃適
其性情困之以檻桎則鬱鬱生疾矣况兩花牛
首長干秦淮之勝無一景一時不堪賞心所以
涉歷經旬流蕩而忘返也人之好惰者其神昏
也膏重氣衰筋骨不能自強如象養之豚但負
塗伏潤乃逸其身體驅之於遠道則瞶瞶傷足
矣况歌臺舞榭酒樓妓館之餘遇衾枕故物便
爾酣適所以假寐牀几醉夢而不醒也具是二
者以攝爾精耗爾神雖飲食爲日月之常且至
過時而失節至於學問之道則棄之若塵土矣
昔賢教人讀書必須百遍終日靜坐不倚卓案
自然神精氣王如此而游惰之事不驅而自除
者也

一 抑奔競素心澹交讀書尚友者大丈夫之襟期

人人有貴於己者也蠅營狗苟貪勢附勢者所
謂海上有逐臭之夫則人賤之矣孟夫子說大
人則貌之養成泰山巖巖氣象當時天下無王
權在列國欲行王道以平治天下舍諸侯何適
尚且守不見之節非卑禮厚幣不至其國寧可
周游齊梁膝薛而不一遇也然而孟夫子之各
至今尚尊且貴者固不在當時之卿相也今世
士子不肯閉門著書樹立人品惟思奔走權貴
之門其高者乞文請序以游揚聲名卑者虎假
狐媚以生長氣勢於是爲其舍人掃除以求進
身門生假子乞哀昏夜全然不知人間有羞恥
事隱居衡門不能樂道求志自喪其實異日僥
倖立朝必阿徇逢迎黨權附要甘心爲之無所
顧忌矣戒之慎之毋貽終身之辱爲子孫累
一 去做慢傲者尊已而卑人其病在氣象之間疾
言倨色不能卑以自牧者也慢者已是而人非

其病在神情之內驕心盛氣不知損以求益者也對端人正士非禮貌恭敬則良朋畏是遇貪邪小人而簡畧輕忽則羣小懷怨故曰儆者謙之反其禍且立見矣當忠言逆耳而訥訥拒人則善者不來告及讒諂而諛則揚揚得意而惡亦不自知故曰慢者虛之反其害且隨之矣今者共處一堂之上獨有一人焉高視而濶步有凌人之度則師長必惡之朋友必非之果何地

以自容也同在講業之地或有一人焉矜長而恃智以暴人之短則師長必黜之朋友必棄之果何樂而爲之也昔者丹朱之傲而帝堯遂廢其胤子言足以拒諫智足以飾非商受遂亡其國而殺其身吁可畏哉

一杜淫侈鵠奔鵠疆人之無良聖人以之示戒帝服后飾俗之大侈賈生爲之慟哭建業秣陵繁華佳麗甲於海內其間歌童舞女管絃簫鼓珍

奇玩好純綺錦繡娛目悅心者不一而足非其剛腸孤衷之士未有不墊溺而盡滅也諸葛武侯曰非澹泊無以明志非寧靜無以致遠人能澹泊則嗜慾減而天機多一切聲色可喜之物漠然不足以動其心性命天道之微皆得聞知而其志自明矣人能寧靜則紛華去而恬淡生舉凡艷冶堪愛之具介然不以擾其懷聖賢帝王之業自此而起斯無遠不致矣故曰志於道

德者功名非其所欲也志於功名者富貴非其所欲也人惟志於富貴則所見者卑下而無物不足以喪其志也可不慎歟

嗚呼爲師者之教人猶醫者之攝生也予所列十有二條前之七者是爲昌陽參苓所以調和而養身也後之五者是爲服食禁忌所以却疾而衛生也莫爲之前謂之知所愛而不知所養莫爲之後謂之知所養而不知所忌相濟以爲

功故相與以有成也善乎漢儒之言曰在力行
何如耳凡百君子尚慎旃哉

應天鄉試錄序

皇帝嗣位 年天下十五國復屆賓興

今制兩畿鄉貢府尹臣預疏奏請考試皆禮臣具詞

臣姓名進呈

皇上欽定各二人往典試事臣節與臣某被

命之南都星馳宵征齊沐肅愆祗謁

孝陵然後飛渡秦淮鳴騶入金陵燕喜甫畢簡閱進簾

內于是知貢舉暨提調臣合六堂館士府州縣

庠社學諸生以及儒士下官吏胥兵校工藝之

徒凡通經術能文章者五千人有奇鎖闥棘垣

諸臣等命題而三試之以所受卷糊其各於前

彷彿本易以殊書付臣等較閱焉乃集同考試

官臣某等炳蕭管神矢心公慎務期得士以報

朝廷合坐較閱分經入彀完璧晶瑩錄爲上品字句

凝垢棄而勿收中程式者凡百有三十人開盛

宴歌鹿鳴臣已面黜多士擇其文之尤者二十

首裝潢成帙呈進

御覽臣當序之首簡遵往例也惟三吳形勝負山襟海揚州財賦倍於西北神禹任土作貢已爲天府之國東晉以還於此世帝都焉英主才相接武而興衣冠禮樂海內所宗胡羯拓跋遜服而不敢兩大者垂四百年唐宋而後文物尤盛樓閣文公接孟氏之統而集諸儒之大成者新安之所出也我

吳偉公文集

卷二

十八

太祖高皇帝龍飛淮甸混一函夏一時羣鱗附翼依日月而勒景鍾者盡出於徐泗之間與漢祖之豐沛地隣壤接皆京師之北境也士生其中豈但鍾天地王氣清淑不羣正惟翺翔首善沐浴聖人之教澤以鼓舞作興觀垂紳正笏謨明弼諧者大人正已也吐詞成經出語燦錦者吉士敷文也四岳都俞千官拜稽者明堂威儀也彤葵有秩瑚璉以次者清廟肅雝也入辟雍觀禮器

則先聖先師俎豆式靈也窺東觀閱秘書則學

海西山黎火耀目也以是而修其容昭其度廣大其器識陶淑其性情然後作爲文章形之論議各理造聖賢之域策畧出知謀之表受玉敲金以審音律出經入史以斷獄辭傳之字內皆延頸北面奉爲章程豈遐陬僻壤之士之文所能望其項背哉繇是而第南宮對大廷策名於天朝或聯步玉堂以磨天巨刃黼黻王言或軒昂殿

吳偉公文集

卷二

十九

陞以爲冠白簡威尊卧虎或雍容郎署以憲典肇故諳練中朝或筮仕郡縣以刑法民社試展驥足於是敷歷中外黜飲茂著以次而取卿相爲天子弔耳心膺之臣按籍以稽爾南國之士幾於分天下之半且也爾爲倡四海爲和爾爲規四海爲隨爾爲指使四海爲奔走追逐故曰首善者四海之望其被

列聖之教澤者爲最先而甚深也士生其間豈不厚

幸歎抑_臣又有慮焉倚東山而思訓傳之烈贈
暨折展可以想其盛至如烏衣朱雀燕飛夕陽
則敗於荒矣過采石而誇崔李之傑玉樹偃才
可以發其英至如扁舟宮錦醉月飛觴則流於
肆矣遊姑蘇延陵而景季子之讓子胥之忠解
劍墓門吹簫吳市可以吊其清標悲壯爲一時
之雄也至如魚炙進而王僚死西施入而吳國
沼花艸幽徑麋鹿荒臺則沉湎於滛侈矣歷砣
碣廣陵而迎斷蛇之點楊氏之富靈金內府錢
帛丘山可以仰其武猛豐饒扼東南之勝也至
如鴻溝割而白骨奔汴泗通而赤子離孩下成
擒述樓色荒則銷鑠於灰燼矣故曰風流佳麗
者南國之疾疾而質樸鄙俚者四海之藥石也
若是則四海爲樸爾爲雕四海爲實爾爲浮四
海爲節用務本爾爲逐末失業也士生其間未
可盡曰厚幸也惟爾多士思其極盛而厚幸者

如此最後而未盡幸者如彼相與親持身心幾
化氣質劇切歲月培養風氣庶幾大不負

天地上不負

聖明律不愧前賢近不忝所生處則爲孝子爲悌弟

出則爲大臣爲良相_臣等亦藉手以報

皇上曰有士如此可以無玷於科名矣其進而用之

宜有裨於我

國家若曰以人事君非_臣等所敢當也其或醉歌

恒舞樂遊冶耽繁勝廢棄詩書桎梏仁義尚晉
代之清談習六朝之詭靡則豈惟_臣等司文衡
者之憂抑亦爾多士之羞

應天鄉試策程文

慎選舉

今天下取士之途有四科曰徵辟也科舉也明經貢士也刑名胥史也要之歸重於科舉彼三途者間用之而不盡用之卽或盡用之而亦不大用也究其利與弊則四科均耳未見科舉之盡善也于五國三年以內所取之士從科舉得者千有餘人明經之士稱於科舉胥史之通刑名者減明經之人於

吳行錄

卷二

二十二

今以徵辟至者未能滿刑名之十一焉獻三千餘天子之庭無論拔十得五人才已不可勝用卽百人之中取一人焉拔其尤亦不至借才於異代也而初以十五國三年以內之稱得人者寥寥焉愚請以兩言斷之曰善其法而不必廣爲之途盡其用而不在多取於人也鄉舉里選其法不可復其意亦不可廢糊名易書其制不可廢而其弊亦不可

不更今不必問其爲徵辟爲科舉爲明經胥史

以保舉之法行於選舉之中自始進之日凡品行無虧才學優長者鄉鄰具結進於令令召試其才學審覈其品行有不當則罰鄉鄰果行修而才長矣令以進於守守之考覈也法如令有不當則令受罰守以進之於藩藩之考覈也法如守而加密焉有不當則罰守而令與鄉鄰之罪同一屆賓興則領闈而試之如令制以薦之於春官春官之所

吳行錄

卷二

二十三

磨勘者惟文耳有不當則典試與同考者胥受罰春官貢之於朝而會試焉試凡六等上選者成進士其次量授散官聽再入會試一科其次則罷對歸再入會試如故下此則劣矣爲第四等春官朴責之三年不試下此者則尤劣矣除其名如出身之舊下此者則不足算矣斥還編戶與齊民齒如此則士無倖進而野無遺賢矣雖廢徵辟明經胥史三途而端用科舉也可愚故曰善其法而必

必廣爲之途也殿試之法

天子臨軒策士所謂論定而後官之官定而後爵之
匪輕易也今惟以影響浮泛爲問策含糊模稜爲
對揚天威咫尺不得舒其體風簷寸晷不得盡其
才因人衡文嫌疑不避以地取人黨與互持第列
三甲任分中外名過其實用違其才以是而曰知
人能得士人固不易知而士亦未可得也九官亮
工虞廷之舊六卿分職周制之良一人祇守一官
終其身而不易者帝王任官之盛軌也自今殿試
宜分六曹職任擇事命題分別條對六事俱通者
予上第能通三四事者予中第或通一二事者予
末第上第者儲養館閣以爲卿相之選中第者布
列京秩以備方面之材末第者佐理民社以効百
司之用其端能一二事用之而効者其所遷官自
外而中繇卑而崇惟以所能是使如通兵刑者不
可代庖錢穀典禮樂者不可越俎工虞致使顛倒

而溺職也至於守令之官典諸屬牧專城自非兼

材鮮不敗事今則守爲常員休老之官令爲新進
筮仕之路官不擇人權不由已大府督之如役隸
銓曹執之如刈草無戒乎吏治日壞國貯日耗而
民生日蹙也宜以寺監臺省威望素著者出爲郡
守有功則遷爲卿貳以部郎庶常官居清要者試
爲縣令有功則進入侍從而且崇之以禮貌假之
以事權寬之以督責遲之以考成則親民皆循良
而不自沮於功名之路矣審如是而在官之人有
才不優事不諳則廷試讀卷主爵銓選者各有罰
其或貪墨殘酷敗行失德則追其始進之保舉自
鄉鄰守令以至藩牧罰毋貸如此則官使皆賢才
職守固廢事矣恩故曰盡其用而不在多取於人
也若夫裁而擇之此明天子與執事事恩何敢必
足國用
古今之所諄諄焉講之熟者理財之道也國家之

所鰥鰥焉憂不足者無財之患也講之者惟知取
盈於農農病則財竭彼不知也憂之者不思覓資
於農農饒則財裕彼又未之思也農有二終歲勤
動胼手胝足者力田之佃也估其田收其粟以供
賦稅者農之統率也田無統率其佃不力猶之乎
無田也統率而米粟無餘賦稅奚自出終不能鳩
其田而佃之也是雖有二要皆取足於力作其實
一也嗟乎布縷有征也粟米有征也力役有征也

而農之力殫矣天災以荒之游手以食之橫征暴
斂以困之而農之資匱矣起視國家帑藏無朽貫
倉廩鮮陳紅脫巾時而呼供御時而乏豈夏秋二
糧而外別無所以裕積貯培大命乎愚生敢以草
莽之見借前箸而籌之曰廣其所以取之之方慎
其所以守之之人節其所以用之之道而已何謂
廣其所以取之之方人一日不再食則饑米粟固
爲貴然不能一旬而食淡也則鹽之用侔於米今

乃出粟之田尺地有籍而稅鹽之籍反畧焉是海
王之利一也小民必錢鑄牛種之類備而後可以
有秋山出材木鳥獸米產珠貝魚鱉是天地自然
之利也今耕者什取二三已非九二之舊豈澤梁
仍無禁乎是山澤之利二也珍鐵銀鍍鉛錫器丹
禹貢所謂惟正之供也彼既食農之粟以肆力於
採取鼓鑄獨不可課其所得爲農夫均苦逸歟是
坑冶之利三也因田而有糧積糧而成戶大征大
役則有夫送往迎來則有夫一皆於農夫是取之
彼遊食失業之人或作技巧以逐末或爲優伶以
敗俗或借僧道以避徭名不列版籍身不到官府
何不可取之以應役事而勿奪農時乎是游民之
利四也取之之方其廣如此然使守之不得其人
猶未取也產鹽之地曰長蘆曰河東曰解池曰淮
曰浙曰閩曰廣曰滇井掌鹽之官有直指使有監
司有運司食利有提舉理鹽之法如納粟開中如

開身給引如分地立關其制井然具在也直指監
司得其人則運司不敢爲乾沒運司得其人則倉
廩提舉不敢爲侵漁食利提舉得其人則商於社
戶不敢隱隱而因漏盡其利以歸於公家積其輸
以入於府庫是歲可代農之什三也山澤坑冶之
利在所出之地則稽之於稅司在所市之地則稽
之於朝使稅司所課籍而入於藩司權使之所課
籍而入於司農賞其廉潔誅其墨穢則稅司權使
皆得其人而山澤坑冶之利與歲可代農之什二
也至於遊食之人如工技如優伶如僧道按其所
止之處而役使之不溺於妖冶不惑於異端在一
良有司之力耳有司得其人而游民効力歲可代
農之什一也取之既廣其方矣守之既得其人矣
宜乎國家之財無有不足矣此而猶曰不足是猶
灌有漏之卮而填無底之壑吾知其用之之不以
節也上供之正用官庭之經費未敢有損也而後

官之服飾奄豎之賞資不可以不啻城闕之類圯
學校之庫隘所當議修也而游觀之臺榭奉祠之
塔廟不可以不止官師之祿餼士馬之軍興所宜
時頒也而冗員之糜費老弱之生耗不可以不汰
卧榻之奸睡四方之不庭有事致討也而無名之
出師好大之遠畧不可以不熄累朝之贏餘千庫
之堆積本當加厚也而日進之大盈月進之封樁
不可以不禁度支之出納筭餉之司存在所當謹
也而墜封之文簿沉錮之蓋藏不可以不清如是
而節之是得其所以用之之道也將見下之出財
者沛然有餘裕上之用財者寬然無窮期自可以
去桑弘羊之刻深而軼劉晏之能事也愚生之所
見如此執事幸進而教之

定兵制

亦不可致有潰決之患也兵不可一日而不備亦不可一年而數用備之不豫立見消竭之憂數數而用之勢必至潰決之爲患也故非用兵之難而備兵之難非備兵之難而養兵之難非養兵之難而養之而有備備之而有用用之而不必用之尤爲難也大凡開國之初其兵必銳經百戰之餘將枕戈士髮創及其鋒而用之多殺人而兵精多殺兵而兵益精兵之至精由於多殺則用兵之利不

敵其所害故曰非用兵之難也然兵亦不可遂置不用也休息既久將擁統緒士飽梁肉承平未及百年冒襲者乳臭談兵老死者白丁占伍耳不聞鉦鼓之聲手不習矛槊之技一旦有急驅市人而使之戰是以卒與敵也故曰備兵之難也備之者時其機穽芻蕘而旌旗靜伏之必完繕所謂無時而不備也若夫無地而不備者京有衛邊有守城有鎮村有堡海有防江河有汛是也歲終而會計

之其所費朝廷之金錢米粟布帛者不知其凡幾也故曰養兵之難也然則何以備之一曰選將功臣之樹子世享其茅土無大故則不棄固也然其所任者內則扈衛金吾以聳神京外則雄藩巨鎮重邊要害以固封守其勢甚重而其責甚大也一再傳而後率以白面孺子而當干城腹心之寄欲求如高睿之有訓武惠之有璋亦慕難其人哉無已則總戎之虛名不可易而偏裨之將材宜慎選

也一切武科出身豪傑應募者必真正智謀勇力超羣拔萃付以兵權俾其効用勞績懋著不次超遷以爲爵府偏裨有警出征勲鎮不必親行以偏裨攝之便宜行事一如開府更不可使督師軍容居中遙制致掣豪士之肘而奪英雄之氣以此臨敵何敵不克至於饋帥冒功監軍奏帶痛爲杜絕嚴旨申飭如此則將材自出矣一日練兵計力而受餽積勞而膺賞功高則加級募効則奪糈問年

以去留論罪而行法數者御兵之制典也兵欲其
勞常勞則力生久逸則疾苦如期操演逐隊比試
雖所以逸之亦所以勞之也兵又欲其逸遠出則
私剽劫數過則驚雞犬泉石畚土削屢登仍雖所
以勞之乃所以逸之也亦有望營伍則充如至入
其壁門病楚任馳驅矇矓彎弧矢龍鍾荷干戈重
聽司號鼓此雖有而無者急宜澄汰也又有閭軍
簿則非如至稽其丁口則市賈占繇繇豪右包桓

赴帥府折月糧黥閱需雇務此以無爲有者立需
簡補也尤有求分鎮則權如至考其職事閭市任
抽分廩氓餉酒肉衙前供差遣窮里肆誅求此以
兵戕民者所當關防也遂有見小敵則皇如至迨
其征戰戈戟皆朽鈍弓矢盡膠解蹄鞍卽墜馬易
衣以宵奔此殃民以兵者宜悉誅夷也反此四者
以前之六者而練之則天下之兵莫精於是矣故
曰儲之而有用也然則何以養之曰轉輸其一也

轉輸而不得其術則兵之食亦有時而窮括東南
之米粟積糞以餉西北之兵猶曰兵爲民衛也乃
役東南之民往返萬里出沒波濤以餉西北坐食
之兵則無謂矣况且盡東南之民破家蕩產以造
艘賣兒貼婦以起運在途者方冒死輕生以土新
糧在家者已桎梏縲紲而責舊欠民窮困而逃死
則運必稽遲運既稽遲而西北之兵必脫巾而噉
噉也何如籍京邊諸兵分爲三班以其一備守禦

以其一待攻戰以其一臨東南之地駕官舸領結
費而自爲轉輸此坐則彼行彼來則此往軸轡銜
尾而進原困充實以足兵無匱乏之憂民脫死徙
之患則轉輸可恃也曰屯田其言也屯田而不得
其法則兵之食亦有時而窮自古之爲屯田者皆
於寓兵之地估其田使兵自種而自食之所謂養
兵百萬不費民間一粒米者也然兵有班操有防
汛有從征計一歲之內或不及乘時於南畝一入

之身不得盡力於糞除而所入無幾也如此遂能
自給乎宜以近管之田招切近居民流寓客子通
力開墾兵民雜處耕商協和以其歲入分給軍將
則田野闢而藹粟廣此一說也更宜召遠方富戶
納粟塞下每粟二斗五升開一中給鹽引一赴鹽
官之阜領鹽如數商人或以運粟爲難願墾邊地
開田得粟以換鹽引則收其粒不必更責其課如
此則以茫茫之斥鹵而成穰穰之膏腴更爲厲禁

米粟雖積如山賤如泥粉以本色上輸不可貪利
折代則士飽馬騰斷無有向首山而呼庚癸者矣
則屯田又可恃也恃此二者以足兵故曰養之而
有備也如是而養之如是而備之整齊其步伐時
有嚴鼓待敵之色簡閱其什伍而無老弱占肩之
涸是合充國棗祗鄧艾之爲食常獻傳伏孟瑛之
爲守將與兵相習兵與民相安如率然之相應猛
虎之在山故曰用之而不必用也

敦習尚

天下之壞民心者四而刑名刻深不與焉天下之
竊民財者五而兵盜墨吏不與焉善治天下者不
於其至急而於其似緩善化天下者不於其既衰
而於其方盛治之於似緩者政貴有恒也化之於
方盛者導民以漸也人心正則風俗麗而財用節
故正人心者卽以阜民財裕民財者卽所以正人
心究其効也道以德齊以禮四海風動而從欲不

俟一之以刑政也然則欲人心之正必先取其壞
人心者而去之去之云何一曰闢佛老二氏之教
其陷溺人心者匪一日矣彼以苦空寂寞爲道而
實以奢侈僭靡爲事塔廟竊土木塑偶焚金碧棄
君臣父子夫婦之倫而肆演法褻昵之術是人之
沈國之蠹而政之賊也去之而人倫明矣二曰延
優伶自雅樂廢而鄭聲起玄宗以梨園子弟召亂
莊宗以供御伶官殺身帝王且如此况齊民乎一

夕之唱演費八口數月之糧一隊之服役當中人
百家之產而且男女無別謫淫多術長此安窮階
之爲厲可勝道哉去之而薄俗厚矣三曰散妓館
易稱閑恒禮謹婚媾桑濮之風聖人垂戒所以立
人道之本而遠男女之嫌也今乃以別館迷樓歌
室舞榭之追權逐笑銷磨壯歲耗竭精神使游子
棄其父母賈客喪其貲重究之金錢垂豪怨曠各
天壤俗傷教莫此爲甚去之而淫邪熄矣四曰禁

賭墅楊蒲博塞陶公以爲收豬奴之戲雖一擲百
萬如劉毅亦惡少年之雄耳一耽於此荒詩書廢
作苦放心佚志卽敵國之富可以盡之於俄頃什
百成羣晝夜以卜折銷之餘起爲盜賊殘虐可以
潰長堤况於填無當之管乎去之則棄作勸矣此
四者莫不視之爲極緩孰知其壞人心術之弊於
刑名深刻也然則欲民財之阜必先取其竊賊財
者而殄絕之殄絕之云何今有爲鑲玉之工者盡

其技可以疑鬼神問其久則曰積歲月歲其值非
百千數百千不鬻也饒者不可以爲粟寒者不可
以爲襦然而市之者紛紛然亦何樂乎昇金錢而
置之無用之墟也曰止之止之而民享其利者一
今有爲採珠之役者探驪龍之項犯鯢蛇之鋒入
不測之淵而求之及其得之也而所費已逾千萬
矣然投之水而漂散不可收投之火則焦燥而滅
性以之耀者則純白而顛於有喪誠不知何所取
而視棄千百萬若泥沙也曰止之止之而民享其
利者二今有爲箔金之技者取上品黃銀冶鑄而
百鍊之入手則沾膚遇風則飄若飛灰以之塗像
而飾器則一用而不能還其原且歷歲未久而黯
然無色而爲此業者成市成都是化天下之燕金
而付之烏有也曰止之止之而民享其利者三且
不第此也又有爲綵繒毳衣者聚數工人之手足
而織之日不滿三尺或梯山航海而購之殊方異

域得之如此其不易也而富商大賈衣之興臺殿
隸衣之老兵巨猾亦衣之若治女若營妓之衣之
者又不可悉計也是殫天下之財力而使人犯上
亡等也曰止之止之而民享其利者四又不第此
也亦有爲深敬大孟者割一豚不過實數器烹數
鮮不能盈一盤一席之饌費可十千五簋之陳十
人食之而不得罄願宴會則可以破產飽豕酒或
至於興訟天地之生物幾何而堪此大嚼也曰止

之止之而民享其利者五足五者莫不任之爲常
然孰知其竊民財穀之酷於其盜墨吏也昔者漢
文之世可謂富庶而且教矣而賈生之所長太息
者亦民間之積習如今日者耳愚生竊有志於斯
願執事勿復置此爲常談也

剔蠹諫

四游之大萬姓之衆天子不能獨治也故號官之
數有百非止於百也言建官之多也百官代天子

以分治天下有崇與卑內與外然官之不能自爲
理而必設之胥史與隸亦猶天子之不能獨爲治
而必寄其任於百官也然而官必養廉恥而勵其
節官之所好者名也隸則以身在官惟利是求盡
出其智力而務爲貪殘狡獪是以官爲市也故馭
百官易而馭一隸難况以一官而馭千百貪殘狡
獪之隸爲尤難也今之欲馭隸者以養鷹之術馭
之不可得而馭也以養虎之術馭之亦不可得而

馭也惟以養犬馬之術而待之以養人之心則隸
雖貪殘狡獪亦猶是人也庶幾可得而馭之耳養
鷹者曰餓則附人飽則颺去是以餓爲術也而不
知吏固不可使饑也彼之以一身奉公而聽其鞭
笞困辱者彼以公府爲賈以百姓爲奇貨以官司
爲氓蚩而已爲牙僧操貿易之權而坐獲其利愈
飽而愈不欲去也惟夫過饑之致使發其憤以取
償於民如鷹之攫孟肉害猶可言也使彼相盡其

力以售其毒於官如鷹之啄人目害不可言也是欲馭之而不可得也養虎者曰必飽其肉饑則噬人是以飽爲術也而不知隸固不可使飽也彼雖飽而噬人之慾遂逐也且一二虎之腹欲得其飽殺人必多况千百其羣而能使其腹皆果然乎今日飽之明日未必飽也一郡之大合屬之廣日噬千百人而未厭則合天下之隸而噬人將無噍類矣是欲馭之而亦不可得也今夫養馬者時其芻

苴水穀驅之於芊葱之野而馬之性適然矣未聞棗脯以啗之帷薦以息之以人之養而養馬也畜犬者以人所食之餘食之而犬不苦饑未聞輟人之食以食犬也及其乘之而驅則馬用命以之獵以之守則犬有功未聞爲犬馬者敢沾沾然曰爾食我饑爾食我飽衡其所食而盡力也故以饑爲術以飽爲術者是以疑人之心疑犬馬犬馬非人也亦安用疑之與之以食而任其力飽則勞之饑

則逸之犬馬雖非人也而亦能知人之心愚生請揣其類而爲馭隸之法曰旁燭固無疆然亦不察察以爲明也偶誤則宥之小過則治之大罪則侮之固無事於鈞鉅投鉞而物無遁情矣曰賞其所當賞而不寄耳目於羣小也爪牙之才亦有可用搏殺之功在所當錄然而小人多以其微長末技邀知於人上於是譎詐百出以燭亂其聰明雖有智者不能善其後宜辨之於早辨而奸究匿跡矣

曰刑其所當刑而不任嚴酷以爲治也狠貪而害民財禍及一人而已治以其應得之罪而彼固無辭舞文而誣罔行私禍不止及一人也使之服上刑而千百人知警朴責之頻施彼皆取償於民間清淨而無爲則趨走之徒無不貌喪於舊在上無屠伯乳虎之名則其在左右者必不致以賄死矣曰應事有定衡不任情以爲喜怒也身在堂上乃能辨堂下然合堂下之人以愚堂上非素具智鑒

者亦難乎其爲辨也事有萬變理惟一定執一應
萬其度不爽或有所喜在一人遂不知其有過是
失好也所惡在一人遂不知其有美是失惡也寵
之極者害加於人惡之甚者怨歸於我人之受其
害者亦悻悻然思得當以報其上是寵亦生怨也
爲人上者可不慎哉木之中腐也而蠹穴其內人
之內熱也而虺蝕其裏勤剔之則蠹木有由藥急
攻之則瘕理無疾恙昔人之患隸者至喻之爲蠹
明乎其肆害於上人之腹心而不知覺也苟不勤
剔而急攻之則棟折而中薨矣愚生之言如此惟
執事留意焉

會試錄序

歲丁丑春王正月

皇帝復辟正位當陽千官雷動萬姓歡呼九夷百蠻
來享來王海內卿貢士咸集

闕下待試者官二月初日

皇上御太極殿受朝賀

特命臣節副臣薛瑄總裁試事事竣錄成臣當序之

末簡

臣竊惟立君德臣紀國計民瘼之極者其貞之
爲道乎貞者正也恆也正大則不徂於偏霸恆
久則不變於危疑乾得之以成四德坤得之以
利六用貞之時義大矣哉臣不必遠引古事向
諸士而諄諄焉惟就
皇上御極以來其所爲明効大驗者爲諸士言之方
其冲齡踐祚而能稟命

太皇委政三老絕聲色徇馬之好惟以宗社至計輕身

北狩歷毒海寒砂雪管穹廬而粹穆之容不改
任進妹獻姬燒羊炙牛而至尊之體不屈醜夷
舊服車駕還宮安處南內定志焚神究竟

天位復人心安有天下而不與君德之貞也爲何如
哉以臣言之則籌國安邊抗疏效死者爲貞窮
兵黷武啟釁挑胡者爲不貞持身嚴毅拒絕閹
豎者爲貞阿徇內庭狐假宦寺者爲不貞內安
社稷外圖迎復者爲貞亂則鼠竄治則狼貪者

吳竹坡全集

卷二

四十四

爲不貞犯顏取諫畢命國土者爲貞官秩盈朝
貂璫滿座者爲不貞旌轍彰彰在人耳目殊可
鑒戒者也至於

國家大計則

祖宗之成憲監之而同愆老臣之碩畫講之而無弊所
謂正大以立法恆久而不變者貞之至也若夫
權姦而執國柄其法不可終日以刑餘爲周召
神氣必至動搖所謂任偏霸之術漸入於傾危

者貞之反也民亦何常之有在於爲人上者駕
馭之如何耳自楚川之師起而東南赤子霑然
蕩其樂生也心幾於不有天性矣然終能諒其
皇上意也哉七命之觀真不禁其詆思諫朝之清明
不勝其祈禱者民之貞也誠有如此爾諸士衡
茅誦讀於朝政之得失以耳目治之然以天下
爲已任者未必如秦人之視越人也今日者釋
蔬糲而通籍金門朝政之得也身受之嘲政之
失也亦身分之臣請得而申其說曰國爾忘家
公爾忘私率是道也永貞不渝斯可以不負
皇上簡拔之恩若沾沾焉依日月之末光以爲功遠
一時之遇合以爲榮白備具在身名俱喪青史
遺汚子孫爲累歸其遺之不可以貞也爾諸士
其毋出於此

吳竹坡全集

卷二

四十五

送王孟常之廣陵序

同邑王孟常爲寧陵令寧陵開封屬邑其地儉於道
里井不滿五百途當衝要按部所臨與朝廷之使往
還無虛日一失其意咎卽隨至又其邑界兵衛恃其
驕悍攫民財物前令莫能制習以爲然君至問民所
利害而罷行之興學校勸農桑而後治道途新館舍
定供給餽廩之豐儉高下各適其宜士多有越境爲
暴者獲送上府按律而治之不期年而四境肅然流

民咸歸士風亦翕然丕變故使介躬道河南而至京
師言邑令之賢者必以寧陵稱今年秋君以滿考上
天官書最當復任同鄉紳縉交游之士皆曰吾邑之
爲令於四方者凡五人皆卓然有譽於時君其表表
者也君何以能若此哉蓋君之爲學旣已充實而其
從叔父源翁肆叅政河南河南之民情風俗及爲政
之大綱未必不始於家庭故其爲寧陵也特舉而措
之耳不然何三年有成若是之速耶君行同鄉之士

皆賦詩以送之以君之政行寧陵未久而其効若此
宜其有譽望之隆也昔王渙令洛陽寬猛得宜著名
史冊使君久於其任其化大行將顯爵隆秩有不可
辭而功光竹帛又豈古人之得專美哉予不敏姑序
諸作之首諗予邑之仕者皆實材也

吉安重修大成殿碑

聖人之道與天地準天以五辰運乎上地以五土
奠乎下而聖人以五常範乎中五辰運而萬物化
成五土奠而萬物資育五常叙而萬民以遂萬務
以理質之先聖而無不一措之後聖而罔不宜此
聖人之道所以參兩儀而致用合百世而同功也
太祖高皇帝奮揚龍德迅掃華夷溥建學宮通祀孔子
列聖相承崇儒重道尊奉六經潤色洪業所以縣

靈祚於百禩良有自也吉安爲郡在江右上流儒
學之建倣於宋元久矣洪熙以來爲守者屢肆營
修而規模未弘豈建大功者固有待歟成化辛未
三衢虞公_彊以秋官正卿來掌邦政未幾政通人
和將事改作時貳守黃公_某推府黃公_某皆清慎
君子志同道合而督學憲副夏公_寅亦屢加激勸
公遂首捐已俸撙節浮費命屬邑令率諸義官輩
石購甃於四方鳩工啓宇撤舊更新程以旦夕葺

年而大成殿成繪以金碧設以龕筵蓮豆樂舞之

器成極整肅堂閣齋廡戟門圍度以次而就又易
營地以廣學宮可謂延表與翰莫之加尚矣功成
釋奠戒斯禮陳樂備俯仰中節人神協和流觀煥
彩而輿頌興焉來徵予言以記竊惟！聖人道德
高厚教垂古今然所以尊崇其教宣布于上者固
在於大君而作新其教成就乎下者尤在於良有
司今吉學適當傾圯遇大守虞公一大撤而新之

用增炳耀將見觀感之餘士風丕變民俗歸淳綱
常叙而人倫明科貢興而名物盛守是郡者旣無
負太君之委命而生是郡者豈肯負賢守之期望
哉謹爲備紀經始歲月并繫以銘銘曰惟古有學
在城之浹歲久而圯興廢相繼允矣虞公來自三
衢乃構乃築乃塗乃暨禮殿正中像設斯備人亦
有言化在經始文運更新士必興舉伊昔茲郡號
稱多賢文漢之藪忠節之淵豈今豐本於今乃新

作而新之可同其盛咨爾多士生際良時君親在上可不慎思

代祀孔林御碑

皇帝卽位眇元景泰正月上日朝臨羣臣越十日丙戌大祀

天地於南郊既慶成命有司擇日遣官行祀天下羣臣命有司以閏望庚申聞先期

上御宿齋宮親書祝冊味爽

吳竹坡公文集

卷二

五十

上服通天冠披絳羅袍文武百官朝服侍班傳制命

官以香帛置絳輿中鼓樂導引出承天門外

上注目送之臣某忝備員詞林得分祀

先師孔子卽日齎香帛升舟中道陸行迨二月十日

始達曲阜衍聖公臣彥縉世職臣令諫率三世

子孫郊迎至宿廟次滌牲致齋百職駿奔益慎

益虔又二月丁亥乃祀將祀之夕天地開明星

月朗潤牲醴香潔邊豆飭修薦裸興俯咸中禮

儀宛若

聖神在上羣賢陟降在聖左右來歆來格達旦簡聞金石絲竹之音衆咸以爲

皇上至誠感格所致非偶然也翌日衍聖公拜手謁天恩寵臨光被林廟請刊祀辭以表榮賜臣某嘗聞

國之大事祀禮爲先而卽位遣祀卽書稱徧於

羣神意也羣神如漢唐以來所祀古昔帝王先

師孔子嶽鎮河瀆之類蓋古昔帝王嘗主宰天

吳竹坡公文集

卷二

五十一

下孔子爲萬世綱常祖嶽鎮河海能興雲布雨

潤澤民物禮曰功被生民則祀之此卽位遣祀

所以不容或缺也然國朝自

太祖高皇帝奄有四海創立制度爲萬世子孫法凡建

祀所遣香帛如古昔帝王嶽鎮河海名數不一

獨孔子與諸賢其名數凡九儀物稱是非厚於

孔子也誠以古昔帝王功止一時嶽鎮河海澤

及一方而孔子祖述憲章刪定贊修之功被於

無窮與天地並故致其崇極之典亦曰自生民

以來未有盛於孔子者也然孔子之在當時有

德無位特大聖中之以言垂範者耳至行其言

以建皇極以收治平之效者則在於後聖焉惟

皇上睿知英明超自內藩紹承大統卽位之初卽去

邪黜佞崇獎忠良拒遏外夷靖安中夏凡言行

政事舉師法往聖羣臣奏牘語合經典卽賜錄

用是孔子之道不行於昔者而大行於今日矣

朱竹坡公集

卷二

五十二

書曰黍稷非馨明德惟馨後聖之德既不違乎

前聖思想以聖佑聖以神助神似靈錫弼協贊

洪猷是蓋有不疾而速不言而喻之幾矣豈凡

庸所能與知者哉臣某既忝承行職當秉翰雖

游聖人之門者難爲言然事有典故不容或廢

謹陳香帛之數以見

國朝崇獎先聖之禮逾於往古且論聖道大行於

今不特爲聖哲子孫策實爲天下生民福也

應天公廨碑

太祖高皇帝定鼎金陵而應天府實神州赤縣之表率

輶轅輦轂之具瞻所謂資河潤於伊邇仰帝鄉而

起敬者也曩在永樂中司馬鄭公堃嘗尹於此慨

郡吏散逸供事弗虔乃相郡南空地起諸筠房聚

而居之吏便於役而府治未修也正統以來亞卿

李公敏繼尹於茲鳩工畚土築正廳於堂後暨兩

廊首領廳事而廨宇未治也今景泰初元大叅馬

吳竹坡公文集

卷二

五十三

公諒奉

命來尹睹前二門並東西房欹弊日甚以爲欲終前

修必先政理於是夙夜匪懈勞來止撫乃謀於同

寅陳公宜周公澄黎公卓董公貫張公智各捐已

俸協力重修乃視府堂正道中外建正門內爲儀

門爲兩府遷吏舍於府門之東西易防閑也移舖

舍於郡南之舊址便齎送也公宇有未備者則補

之僚屬有缺居者則增之監獄舊在江寧縣側今

移於舖舍之近地則寒煥候送得其便矣土地有祠榜房有定厨井廐庫莫不具備是役也工匠止於顧募而餘藝不與焉人役止於在官而屬縣不勞焉作始於壬申春朔畢工於癸酉冬季僚棠僉言曩者李公所修前禮部泉坡王公記之矣今焉公所葺宜徵予文以紀歲月余樂其行政之敏也遂書其始末於石而作歌以美之曰鍾山峩峩大江溶溶盤迴鞏固靈氣所鍾聯絡邪基惟民所止

威鳳來游爰兆今始赫赫皇明平一羣夷四方歸貢定鼎於茲惟茲應天禁城斯表兼總扶翊過古京兆府羅相尹秩視部堂黃金作佩列座煌煌往昔勿稽於今三尹廊舉其綱李挈其領撫綏彌縫脩今焉公翼以丞僚經綸在中惟是勦功千載奇遇言言翼翼大觀在是

安成鄉賢祠碑

祠以鄉賢名祀鄉之先正諸君子也諸君子奚從而

祀耶以其有功於當時有功於後學也有功奚從而見耶質諸史傳徵諸載籍可知矣夫天生賢哲其數不偶而其所成不一槩能崇理學樹名節扶植教化羽翼正道斯天下所通尚也以天下所通尚則天下之人聞其名誦其詩讀其書必有景仰嘆美願學而不可及者况鄉曲乎昔宋紹興間編修胡誼以言事被斥時秦檜擅權羅織釣黨獨庭珪王先生毅然不顧以二詩投諍有奸諛落胆之句遂并坐斥遣二十

餘年晚方被召入直秘閣陳謨阜陵受祠祿以歸其高風直道爲士林首稱當德祐初瀛國入燕北其南伐守臣望風降附獨融州守子薦劉先生提徙其數千保靜江戮力抗敵書其笏曰吾頭可斷而膝不屈卒於城陷不支罵賊以死可謂守義殉國者矣迨元政不綱寇盜蜂起洞僚亦肆標掠時行簡李先生尹信豐擁鄉兵守城父子俱戍於難邑人懷之立雙節廟祀焉其生平所著有春秋會通行于世至若閑

沿不仕淹貫經典留心理學則有公瑾劉先生詩傳
通釋能發朱氏之餘蘊魯叔彭先生推廣樂書足補
蔡氏所未備瑞節黃先生得西坡之傳則又輯濂洛
關閩諸儒之言以爲諸子成書此皆家傳人頌如日
用器物不可以漸無者也矣以先正諸君子之在當
時卓然風節之高炳乎著述之美先後有聞若此宜
其芳蒸汗簡膏澤常編歷萬世而不磨也記曰德施
於民則祀之以死勤事則祀之合斯二者共於祀典

吳竹坡公文集

卷二

五十六

容可缺與按前志邑中舊有鄉賢祠歲久圯廢漫不
可考宣德中廣君憲副萬資中始慨然於此未幾歸
省謀於祭酒李先生又得郡守陳公本深捐貲爲助
遂經營創構於文廟之東垣方十尋爲室四楹廣二
尋深稱之中設几筵置祭器爲位凡六遇春秋二仲
祀先聖孔子禮畢邑令率學官弟子與耆英諸老奠
焉於是邑後學吳某諗於衆曰吾邑人物必有大振
者乎昔郡既立先賢祠益國周文忠公祇謁有廟

六一之語信國文公則退而誓曰歿不俎豈其間非
夫也後皆如其言君子謂二公蓋以志爲著龜也今
新廟嚴嚴禮器修飭麗駿奔走相與有容豈無二公
其人旦暮而興者乎於是觀者皆稱羨嘖嘖謂山川
毓秀信萃於此事有因循於前而大備於一日者迺
相率考工定儀具歲月列姓名而刻寘麗牲之石

奉祀二陵碑

景泰元年正月上日

吳竹坡公文集

卷二

五十七

皇上以天序紹承大統既望躬執裸獻于南郊禮成
分遣在廷文武大臣遍頒行天下禮祀

歷代帝王嶽鎮海瀆名山大川古蹟陵寢某職忝同

苑得資香帛代祀山東曰

少吳金天氏暨

帝堯陶唐氏既至有司具俎豆樂舞涓日潔牲醴致

虔禮畢因得遍閱山川形勝原夫少昊陵在魯地

西郊左有軒轅皇帝陵築土起山阜宋時有司園

以甃石經元季壞亂而規制尚存相傳少昊嗣位
日思父軒皇曾仙升於鼎湖取衣冠葬此土有石
甃甃有皇像存焉後爲倚山妃嬪從墓之所其
右卽少昊陵聚土爲墳巨石甃之臺高丈餘上有
龜像傍無碑志惟存石表歲久風雨磨滅文字不
可識舊志以爲顓頊陵者誤也陵右則爲壽丘黃
帝始生之處綿書言卽位之明年有神降於壽丘
其首與身皆齊見者壽三百歲此荒唐之語非正
論也丘前有斷碑高二丈有奇橫卧荒草中非衆
力不能徙世所謂萬人愁者也丘東前有龜臺突
兀出閣上卽碑碣也宋時嘗歛祝壽於此爲金所
通弗成按史載三皇本紀以顓頊接軒轅不言少
昊惟左氏載知子來朝歷陳官制之詳曰少昊既
立而鳳鳥適至故爲鳥師而鳥名孔子亦嘗問官
焉故歷代之史以少昊繼軒黃而顓頊高辛唐虞
通爲五帝此足以正遷史之失詩註周以少昊之

墟封伯禽又其彰明較著者若夫帝堯其陵在魯
充鄆之地皇覽注云堯都平陽塋於濟陰右屬鄆
州今東平是也俾堯德尚儉生居室二階不飾不
剪可也今帝堯身後亦仍以茅茨土階事之可乎
習無寢廟使者至則聚芻作殿以貯香帛展拜起
焉爰進有司屬以創建或曰茅茨土階正堯帝之
遺風也余曰不然在當日固宜今以聖神之道事
之其瀆已甚且無乃辱天子命於是州守蕭某乃
集力建祠於陵南予值再過而慶成焉實實枚枚
有以書報日杓栢之極且將茫茫矣予何人斯敢
以一語而告虔於二帝乎魯之有司能因言成事
因事者積可謂賢矣乃三薰三浴樂爲之記

吳竹坡先生文集卷之三

臨川李巨來先生 鑒定

七世孫 琦

臨江府學尊經閣記

六經之理與天地元氣相悠久也天地之道運而爲寒暑昭而爲日星峙而爲山嶽流而爲江河然非元氣行乎其中則寒暑有時而愆伏日星有時而薄蝕山嶽或不能以常峙江河或不能以常流

吳竹坡文集

卷三

是則元氣者天地之所賴以位育者也六經之理亦猶是爾自夫大塊絪縕化成萬物而人之生也久矣然終未離乎物習豎義農皇帝堯舜禹湯文武大聖迭出而君師之敷之以禮樂刑政之典而爭奪息教之以君臣父子夫婦長幼之懿而彝倫明不徒敷而教也又載之於方策以爲萬世法於是三古之易四代之書六義之詩二百四十二年之春秋三千五百之禮五聲十二律之樂粲然於

宇宙間統謂之經天子舍是無以平天下諸侯舍

是無以治其國大夫士庶人舍是無以修身而齊

家大哉六經之文乃生人之元氣其功與天地準

凡受性踐形者烏可以不尊乎然自刪定贊修之

後世治不古經亦殘缺羸秦嘗附之烈焰矣迨兩

漢表之而後綱常少正陳隋又踈於其章矣迨李

唐疏之而後治法以張五季以來夷夏紛爭彝倫

攸散迨趙宋繼統濂洛關閩諸儒輩出相與討論

吳竹坡文集

卷三

二

之而後聖學以明我

朝列聖相承稽古右文開明正道則有大誥五經大

全性理宣示行義則有孝順陰陽五倫諸書三代

以下尊經之功至本朝無以加而文明之治亦惟

今日爲極盛臨江在洪都上游其郡學則俯奠江

濱載在郡志遠矣景泰初元推官錢塘孫茂本來

司郡政暇日祇謁廟庭退與諸生會講於學官流

觀經籍充斥軒几因嘆皮置無所非所以崇鼓篋

釋菜之典郡守王公聞而是之遂舉以相屬公爰命唯謹乃規畫於明德堂後作於庚午越明春而告成爲閤三楹重屋半之繚以迴闌翼以號舍以黜聖取頒降諸書貯於其上題曰尊經首所重也每晴明之旦簷牙奐彩望之翼然真一郡之具瞻千載之盛事工畢耆俊聚觀恍若置身於闕里之堂車服禮器儼然在焉令人低徊留之而不能去謹書始末并係以詩詩曰於惟望郡頻臨大江

襟吳帶楚背陰面陽學宮言言枕於江游俊乂之淵詞翰之圖殷堂齋廡罔不周旋惟是經史皮置缺焉粵有賢理叔放之系來明郡刑作興士氣言於郡侯治道所需宜建傑閣以貯羣書郡侯曰然予往有托一諾不懈旬日並作材良址美工善藝精郡僚贊助歷時落成北飲劍江東隣玉筍皓碧含輝日星爭麗榜曰尊經人道在茲天經地紀孰敢射思

宿遷縣重修廟學記

聖道之大與天無極薄海內外罔不尊崇况於五服之地中國之所經理都邑畿甸之間詩書德化由伊始者哉我

朝列聖相承治法典章皆師先聖屢降

勅書令天下有司以時修築學校增隆士風直隸爲郡邑之首願新制作者多亦有因循苟且睨而弗克事者豈非蒞職之屬不奉天子之法度歟宿

遷下邳屈邑舊隸南畿淮河之地二京邇來視爲通道絃誦之聲宜甲他邑而舊學地隘廟廡門堂歲久摧塌詩書之遺澤亦少微矣正統己巳三衢應君永富來主簿事敬慎公廉人用大康都憲王公按其績陞是邑令下車之際首謁泮宮仰瞻大成殿如民廬數間湫隘囂塵不能旋揖非所以稱崇文右道之意也遂捐已俸經畫條指廣正南地三十丈爲學宮築殿廡櫺星戟門於前而以明倫

兩齋東西號房列於厥後與夫饌堂粟廩牲房解舍坊墻道路莫不改觀幾于宿遷小邑無異國學之隆猗與盛哉今而後弦歌之聲當不減昔日武城矣予嘗道經邠宿慕古郊子張畏王祥遺風進者秀而問焉今凡五載矣忽有賢令不愧言偃將見生於斯游於斯者其必有聞風而起接踵諸賢者矣乃賦詩以贊厥美詩曰巍巍聖道厥大罔名彝倫攸叙民用是經有國有家莫不崇獎迫乎

天朝廷制彌廣惟是邠宿伊邇南畿垣摧棟撓未稱學規乃有賢令來自姑蔑載經載營載畫載一前宮後堂有序有儀青衿來游聖賢足師我作頌辭用昭令美如古魯邦思樂泮水

贛州宜聖燕居殿記

用王儀以事夫子天下所同也以魯廟而建祀事則四方眇睹焉余嘗奉天子命邇汝泗防尼防躬執祿獻於闕里觀正殿之陽爲櫺星爲戟門此固時王之

制與天下同也及進觀宮宇有燕居閒居諸殿則家廟所獨非天下所同也因竊嘆曰聖人生民軌範其制作莫大於六經謨人莫先於詩禮答述莫重於言孝言仁言德然皆在於燕閒之時今學校之宮止崇正殿而無退居寢處之地不能如魯廟之制以想慕其中和休服之容豈非缺典歟惟大司空王公某屢言贛守平陽仇公某之善治泮宮也曰贛庠創自至元其戟門初甚隘公至承二司之命卽撤而新之

未幾復相講堂之南有故文廟中藏一聖四賢塑像皆古衣冠爲危坐之儀歲久棟宇腐矣徘徊久之因周覽得奎文閣故址遂移真正殿之後易新更舊一如家廟威儀榜曰宜聖燕居殿皆公節量已俸鳩工僦務而民未嘗與勞者也守亦賢已雖然學者常思夫子之燕居非徒肆志於優游大守建夫子燕居之殿亦非示學者以優游也詩曰泮渙爾游優游爾休所謂泮渙優游者果何指哉因請記乃賦詩以美之

且勉章貢諸學者詩曰於穆宣聖德配兩儀生民之
軌帝王之師製辭爲經誨徒爲哲如山歸嵩如水趨
渤鯨有賢守大敷經營既作戰門復構寢成惟是寢
成榜曰燕居魯廟是做相古衣冠四賢侍前申申天
天中和宛然聖亦有言學如不及攝齊升堂當慕入室

長沙尊經閣記

山莫高於五嶽而羣山之遞迤綿亘者皆有所統
水莫深於四瀆而衆水之汪洋流行者咸有所屬

典籍莫純於六經而諸子百家連篇而累牘者俱
有所攝嶽瀆以宣洩氣化爲功六經以扶持人倫
爲重六經之在天下何啻五嶽四瀆之振古不朽
實亦布帛菽粟之不可一日無者是故以道陰陽
達政事則有易與書以理性情辨名分則有詩與
春秋至於謹節文和神人則禮樂無不載焉凡薄
海內外莫不知仰尊習誦以爲生人之本矣荆楚
長沙南接五嶺北臨洞庭右納夏沔左抗荆門控

交廣而咽吳蜀素稱望郡成化中丹陽錢公澍由
進士歷任黃門雄才碩望爲時所推欽承

上命榮擢是郡自蒞職以來仁舒義肅時和歲豐百
發修舉萬民咸慶如嶽麓書院先賢祠宇坊表泮
舍無不維新一日謁先聖退坐講堂與師生揖讓
抽閱經典見其籤篋襍沱弗稱葺修乃命工市材
於明倫堂後崇建書閣通一區五楹廣四十二尺
袤六十四尺高三十二尺皆重簷疊拱高明爽亢
誠湖海巨觀也敬取

聖朝頒降經史御製大誥爲善陰陽孝順事實與夫
百家資世之籍咸皮於上扁其額曰尊經與凡汗
牛充棟者有異矣不遠數千里而請記於余余謂
稽古爲訓所以崇士風而導民俗士風振則治道
以興民俗淳則惠化可行今長沙得賢太守不專
務政刑而專務道德不專理簿書而專理典籍可
謂知本者矣爲士民者習其經當習其心習其心

而後深於詩而不失之愚深於書而不失之誣深
於樂而不失之奢深於易而不失之賊深於禮而
不失之煩深於春秋而不失之亂庶幾先儒所云
六經註我非我註六經也不然古之大守有造凌
虛以爲遊觀者矣築超然以怡性情者矣今錢公
不以歌舞臺榭爲心而以枕經籍書爲念此何心
哉予自玉堂夜望見軫宿之內長沙星久隱隱無
色一旦光生於南其亦因賢大守之建經閣大啓

聖朝文明之治而感動天象也夫

楊州建四齋記

聖朝建制凡郡學必中構講堂旁設四齋堂以出政
務掌教視篆者主焉齋以列生徒分教稽業者處
焉每歲時朔望大守行學祇謁先聖賢畢則端坐
中堂師儒侍席諸生飄飄振佩從容夷猶以次而
退循百工居肆而程餼以功也古楊九州之一道
通南北學校之宜整飭尚矣景泰中陝右王公恕

由大理寺副欽承

上命來守是郡下車之初卽以興學育才爲念顧瞻
廟廡創自宋元歲久漫黯樑戶塵棲卽命工爲明
榻六十有奇飭以丹堊一日流覽旁舍見其四齋
逼於祠宇不殊牆面乃命相宅徙置堂南空明中
東西相配以當白月送迎之道材良甃堅高峙迢
迢夫學校所以育才而居業也然業之所以成率
由念慮專一則洒掃應對合乎儀視聽言動中乎

度欽之於身心道可志德可據仁可依大木於是
乎具擴之於事物禮以達之樂以和之射御書數
以廣之大用於是乎明今天嘉惠維楊移幽隱而
就高明去卑棲而臨廣大日光雲影昕夕發舒爲
師者得端容正席以表生徒爲第者得泮息居止
以事道義伊誰力哉大守王公恕也昔子產不毀
鄒校卒起與人之頌今不惟不毀而且新之是遺
愛過乎古也後秉筆者將必有賢柱史特書以傳

予姑歷舉其實與諸齋壁以俟

瓊州明倫堂記

士生窮壤間境雖有遠近而秉彝好德之心則無間此椰子所以有聖道與王化俱遠蘇子亦有滄海不斷地脉之喻也瓊之爲郡實瀕海南三州十邑之地延袤千里土沃稼豐自昔郡學之制始於慶曆詳於淳熙文物相尚在宋有揚譽蘇門者矣有馳聲科用者矣亦有文擅鄉邦者矣迨於

吳竹坡公集

卷三

十一

國朝賢才輩出有進列六卿八座者矣視草玉堂兼信史者矣亦有明習經史肇登桂籍者矣凡此孰非作養之效與然堂之建祀先後不一及成化辛卯憲副南昌涂公斐欽承

上命作鎮南郡於厲兵保境之暇特臨郡泮與師生揖讓衍論道藝流觀堂舍通臨殿址無以舒衿佩進退之儀乃發公帑委命大守吳琛郡判陳龍餼建廟制務臻厥美又範銅爲祭器凡九十有三事

其豐功偉績曷可泯焉瓊州之地有五峰一名五指又名五老瓊州學者開學宮之牖戶而四望諸峰突插天半上有雲氣其下海水魚龍出入於此可以知仁義之道務原始而要終先體而後用則德成藝立進可備於公卿退足守乎名誼則北方之學者孰得而先之乎茲繫以詩曰惟瓊作郡僻在海南珠厓儋耳鬱乎巉岩郡有學址在城之浹由宋而元人物相繼至於

吳竹坡公集

卷三

十二

昭代光被大平賢俊登庸文質彬彬有美憲副來鎮南瓊督以守貳無不更新欽爾文人生際昌辰明良相遇宜懷奮身三德爲輸六行爲式忠君孝親自家而國

邳州重恢學地記

邳古郡也其學在治之西黌宮學舍皆古制也前臨通衢後接鼓鍾東則衙治西則邳橋之墟舊制地勢坦夷四面若一前之掌署者弗克負荷遂爲

軍衛所奪景泰乙亥學訓蕭瓊劉珪等因閱前志
得列其狀具揭以聞

詔巡撫武昌王公竝勘之比至召州佐衛僚而按焉
署判大原朱釐力主宜復遂剗去葦墻恢其故地
以歸於學東西各三畝有奇勢家咸無敢有越厥
志者自是廡舍有餘士子得游息之地矣余按春
秋牟婁書取外地也謹聞書歸內地也外地非已
有而取之固非君子之爲內地本已有而不取亦

非君子所貴惟取所當取歸所當歸然後合人心
之至順而適事理之宜也今邠庠舊制基址本
國家之所頒賜也爲不法者掩爲己業非但有罪於
聖門且有罪於

朝廷所幸掌教師儒閒陳其事郡有督判力能恢復
然後茲地復得於庠茲卽謹聞之宜歸非牟婁之
妄取明矣豈但有功於師儒我

國家崇儒重道之至意實式靈焉詩云中心藏之何

日忘之謹列其績以志其勲俾後之君子亦得遇
而問焉

上元明道先生祠記

朱明道程先生諱顥字伯淳河南人嘉祐中爲江
寧上元簿郡志載其惠政著聞者數事曰初上元
田稅不均近府美田地多爲勢豪薄貸而買小民
舒一時之愆久則不勝其弊先生爲令畫法民不
知擾而稅賦大均會令罷去先生攝邑政訟牒還

叠日不下二百起處之有方民訟途簡江圩稻田
賴陂塘以溉盛憂塘堤大決計非千夫弗塞法當
言之府府言漕司然後計工調役非月餘不能集
先生曰比如是則苗稿久矣民將奚堪遂自發民
塞之歲卒大稔江寧當水運之衝舟卒病者則留
之爲營以處歲或下數百人至者輒死先生詢其
由蓋計留然後請於府府給券乃得給米比有司
文具饑已數日先生乃白漕司給米貯營中至者

卽與之食獲生全者大半仁宗登遐遺制官吏處服三日而除釋服之朝先生進于尹曰三日成服遵遺詔也若朝而除之止二日耳尹怒先生曰公自除之某非至夜不敢釋也一府相視無敢釋者茅山有一龍池產龍如蜴蜥文成五色祥符間中使取二龍至途一龍飛去鄉人奉爲神物先生令捕之昨而食以解其惑見人持竹竿以粘飛鳥者令収其竿折之及罷任艤舟郊外聞人語曰自

簿到官無論吾儕小人相安相樂而且恩及禽鳥也茲胡爲而去凡此皆父老子弟傳誦至今而不忘者及考宋史止載茅山捕龍事固知當時國史採錄或有未備不若邑民思之深故錄之加詳也然先生之賢豈待史志而後傳哉剛健中正存乎中純白輝光著乎外事君以至誠仁愛爲本持已以主敬行恕爲要其教人則由洒掃應對以至於窮理盡性其著述則有定性之書以開性理之源

孟氏之後一人而已邑治舊有先生書院廢弛已久景泰初三衛姜君德政爲令於茲其治民制事一以先生爲法念遺愛不可泯也亟請於府尹馬公諒暨丞陳公直卽於故址修葺以祀先生謂某忝與斯文宜有紀述于是書先生之政績與是祠勦構之由於石俾邑歲時伏臘有所景仰伊洛淵源流光自遠云

餘干同樂亭記

君子爲政莫大於與民同樂要必先與民同憂民饑已饑民寒已寒民之疾疚曰予之辜民之災眚曰已之咎語曰先憂後樂其斯之謂與桐廬邵公考璧治餘干之四年令境不雨苗稼將稿公曰茲吾之罪豈民戾耶乃披髮徒跣躬禱於山川誓曰苟有殃集令身毋以殃吾民聞神祠之靈者卽迎像設筵於邑中昕夕焚香禮謁祝曰非儒者不禮神佛久矣今爲神屈幸朝而賜之雨否則像不可

復西河之斷梗有待矣決辰雲霧興至晚雨電作
大雨三口不止同萎黃而爲嘉實年歲以豐黎民
咸揚言曰吾所以獲一飽者守之功也非神也而
可以遂忘乎未幾有述職之行父老李煦等復相
與謀曰邑有白雲亭故址與干越亭相埒公嘗勸
農於茲宜率往餞締而新之以俟公歸而樂焉且
曰白雲者詩人之比興喜雨者吾儕之同情詩人
不過一人之樂於衆乎無與喜雨雖大尹一人之

樂實吾民千萬人之樂也吾民不知古之詩人但
知今之大尹乃易白雲曰同樂且爲之歌曰餘山
之陽山水清錦石作甃雲作城滄洲水落琵琶橫
纖纖羊角鏡青冥大唐詩人道所經白雲朗咏開
華亭飛雲去後亭亦傾蕭條楚水空留名邑有賢
令豪且真鋤奸去蠹政刑明時逢旱熯哀黎惻援
髮徒跣通至誠願與神誓并咎徵皇天有耳垂下
聽勅召神物鞭風霆天飄傾寫斗斛零一雨三日

無留行同枯作秀黃爲青塲登簪滿倉庫盈于時
危屬方入廷羣黎感德志不寧白雲故址堪經營
俟令歸目來省耕耨鐘聲鼓吹竿笙與民同樂歌
大千千秋萬載揚芳馨更有自餘于來者述其事
請記乃書之

安慶景忠樓記

崇獎忠節所以正人心而扶世道也三代以前治
教休明彝倫攸叙忠君愛親之誼皎如天日迨世

降風移道術淆混於是臣子有沉溺利欲而不恥
甚至臨難改操茫無顧忌者其於人心世道何如
耶然光旣鍾英以匡民彝如紀傳所載高名偉節
顯然當世豈非天地正氣千古不泯而抱負浩然
固自有以殊乎庸衆者乎安慶江淮之要區也前
濱大江後倚龍山當元盛時控手南北實賴於此
若武威余公關由進士歷郡二省郎御史進爲翰
林待制出僉制東被劾歸隱青陽山中以孝親爲

終務至正壬辰天下兵起平章晃忽不花承制起
爲淮西副使公曰爲臣死忠乃在今日其處心行
已固已先定矣乃躬治桐鄉推誠待人輸粟以濟
饑孥分屯以治耕稼賊來則并力擊之是時兩淮
東西皆莽爲盜區惟安慶獨完賊屢被挫折深銜
之或僞作尺書以通大姓闕知而不疑或以其言
說降者闕亟斬以徇廷諒知公忠梗俾卽真且陞
爲淮西宣慰副使都元帥公益威奮捕靖不法每
軍旅過境有剽掠者戮之洞獫分屯有浚漁者縛
致之疏聞於

朝詔改參知政事行省左丞賜二品服公晉以死報
丁酉陳寇大召諸郡賊兵圍城戰艦雲集歷數十
合罔不拔靡戍戍城陷公猶率衆巷鬥賊呼餌以
官公晉曰恨不嚼汝以飼烏焉寧受汝官賊怒卽
以長劍亂刺公自刳沉清水塘以死年五十有六
妻蔣氏亦率其子得臣與女安安甥福童溺水死

從投者千餘人判官李文和萬戶紀守中等皆劾
時其妾耶律氏生子甫晬棄之爲僞萬戶收去賊
帥陳友諒至嘆曰詩書之帥乃能爾耶命具衣冠
葬於廣潮山事聞於元贈撫誠守正清忠諒節功
臣榮祿大夫淮江南北等處行中書省平章事柱
國追封肅國公謚文忠國朝

太祖高皇帝仗義起師削平僭僞海內爲一於洪武八
年命禮部遣官賈伯良表公墓改謚忠宣詔有司

歲祀焉歲久祠傾圯光荒塌不稱褒揚之典成化
改元紹興陳公某來守是邦諮於通判吳高請給
公帑鳩工啓土首建神道坊於大江之浹以迎來
者次建高樓於本塾享堂之陽以崇神棲高四尋
潤五楹深稱之天官葉公盛爲大書其額曰景忠
樓著景仰忠賢之意也念昔唐時張巡許遠以數
千疲卒孤守睢陽保障江淮者數載及勢力不支
然後罵賊以死令人讀其傳稟稟有生氣若公以

翰林待制才兼文武一旦承制出守能以一郡之衆阻遏巨寇百萬計窮援與絕城俱沒天耶人耶况一門之內妻爲夫死子爲父亡麾下之士亦各爲主全其大節較之巡遠無以異也茲值星霜屢易之后遇郡良守營治墳兆創建高樓以昭顯跡使凡過是邦者知公英風勁烈尚有耿耿者存不徒於人心世道大有所勸且揚郡望於不朽也庚寅予方北上過禮祠下而茲樓適成次兒高將陳

公命屬予爲記謹備書其事

淮安平江侯祠記

恭襄侯陳公瑄字彥純號樂善其先合肥人自少穎敏濬發善騎射能下飛禽洪武中隨父懷遠公官成都征諸獠夷所向克捷乃代父職同知軍事奉檄征越僞鹽井蠻皆破生擒賈哈刺以獻於朝繼會大興征雲南累陞四川都指揮同知尋改右軍都督僉事總舟師於江上

文皇入靖內難進爵平江伯時乘輿北巡命公歲運

米百萬石由海道給足行在繼復奉命備倭閩海修築海門至鹽城坻堤八百餘里又於大倉州築高丘二十餘丈以爲海舟表識名曰寶山碑刻具存及北京都旣成罷海漕命由淮徐穿衛入潞河以運公遂建議於通州天津德州臨清及淮徐諸處皆置厰倉以貯南粟造淺舸八十餘艘導山東沂泗汶沆諸水以灌濟寧二閘途循濟北渡安山

南望孫村湖梁山耐牢陂取道築長堤百餘里以扞漫流又從沛邑引刁陽湖鳳池口諸水暨黃河支流以灌徐呂二隄遙接迤南諸舟遇冬水涸則督工開鑿中流巨石以殺湖勢又開泰州白塔河四十餘里以通大江築高郵寶應泛沆白馬諸湖長隄構梁以渡大江率道自潞抵淮計程三千六百有奇設淺舖七百餘所置守卒導引沿岸植柳浚井以便夏月行者又疏瓜州儀真二坝淤塞以

按海潮沿途鍵石畚土爲快開水以時閉縱開以
座計者凡五千有奇所輸官粟視海漕一百萬石
後加至五百萬石初淮波險惡難於遡流計工開
清江浦五十餘里自官家湖鴨陳口通淮湖築堤
置移風清江開以達於河其他疏鑿以便稼穡者
不可數計可謂善於治河而復善於治漕也洪熙
詔求直言公開陳事之大者凡七條承制獎荅下
有司奉行又 賜誥贈三代伯爵宣德中命鎮兩

淮仍督軍領漕事時公年高乞避

詔加勞慰然得脾疾遇陰雨間作猶躬卧聽治罔有
滯事疾劇仲子儀侍特蒙遣醫來視弗起以癸丑
十一月十一日薨春秋六十有九子佐襲伯爵逝
孫豫繼襲以功進爵爲侯竊攷周公政書有曰國
功曰宗戰功曰多民功曰序事功曰勞得一皆足
以紀大常又在祭法功施於民則祀之以死勤事
則祀之以勞定國則祀之能禦大災捍大患則祀

之今公之生譽望無窮允播天下合乎政書其沒
也又能顯揚威烈以驚動是邦之人廟食百世與
祭法符寧非古者豪傑之士英靈耿耿久而不滅
天地相始終乎淮人旣得請命於

朝以祀春秋而伏臘迎賽亦公是瞻是虔故作燕饗
之詞使歲時歌以祀公其詞曰春日兮揚揚擷芳
菲兮進侯堂侯之來兮駕馭張摧熊虎兮羅千將
飲威容兮坐徬徨將排風兮凌淮江 擊鼓兮坎

坎吹笙兮于菱荷結兮秔稻肥湖田水足兮民
用有餘我侯來兮增怡愉 坎坎兮擊鼓于于兮
吹笙垂楊千里隄路平漕舟透進兮商旅經行我
侯來兮忻有成 秋日兮離離採蘋蔡兮薦侯祠
侯之來兮建翠旗儼從容兮暫躊躇將馭氣兮橫
青徐 淮之山兮江之浦蔽芾棠陰兮覆靈宇往
來無窮兮奠清醑侯之歸兮渺河許霽風和兮爲
霖雨邦人服祀兮千萬古

劉忠愍祠堂記

士君子賦純誠之性懷忠梗之心濟以記問該博融通之學生逢明盛而能大肆正言以匡厥辟以革弊害雖遭抑於權奸而寧死無悔豈非負大勇浩然之氣充之足以塞天地睨彼低何洪忍者烏足以言丈夫之事哉若忠愍劉公求樂之行事可知矣公安成茨溪人代有顯德令聞相承至公益大肆力於春秋用以擢大科第進士由春官儀部

吳竹坡公文集

卷三

二十五

郎與修

宜廟實錄改翰林侍講文章行誼卓爲至當正統間遼夷陸梁天兵南代公具疏言係小寇不足與較惟北虜狙詐胚胎禍心宜早訓兵練將以過其桀驁不然將有踰盟之憂事後果然人以言爲著蔡癸亥夏變當雷震公役具疏開呈十事首勸聖學終修武備皆經國大紀時刑臣振竊恃恩倖挑弄王法爲國巨奸公奮切齒故於次條抗言閹宦

不可以典政令宜收攬大權以歸所奪斯爲神民福刑臣相視愕然乃喉司隸馬順以他事誣公下獄以死然公之英氣如生厲於怨家久而弗泯景泰初諸大臣交章請雪公冤褒揚直士

詔籍刑臣家并磔司隸於朝以伸公論贈公翰林學士謚忠愍實以表公之忠於天下後世也嗚呼人孰無死顧有重於泰山輕於鴻毛者若公之干忤權臣死於國事生有益於時歿有傳於後其得美

吳竹坡公文集

卷三

二十六

爵佳謚以昭大典令名碩德以彰公論亦後世景仰歸於所重者矣公何計乎

制下之日有司取其爵謚附忠節諸賢祠以修歲祀子藩叅鉞憲副鈐復得善地於邑西建祠宇以爲邑望一日繡衣閱公過而禮焉曰是祠之成不可以無紀也乃命邑令唐寬取言以張其事予與公交厚稔知其故乃爲撰次始末并繫之詩俾爲子若孫者永歌以祀詩曰茨溪之山何綿延上有文

筆高插天篤生直士鍾世賢濟以書史疏淵源巍
科首振來騰翥奮飛翅接鑾坡仙進抽金匱侍講
筵便便侃侃香案前南夷北虜冠我邊安邦有策
勤敷宣

帝曰汝籌精且研用之可以昔燕然惟時中貴勢若
炎轉以奸隸張威權公切奮齒聽不平抗章論以
千萬言雖遭構陷終顛連明明皎皎當空懸誅奸
鋤惡國論嚴賜官賜謚載簡篇廬陵忠節古所傳

吳竹坡文集

卷三

二十七

公今繼之相後先安成有地邇邑垣大開祠宇通
輶轅惟公防降在重玄時騎白鶴歸翩翩往來禮
謁格爾虔降福簡簡隨世援雲初宗祀歲有恒永
尤廟貌垂千年

臨清文昌祠記

臨清魯屬邑據濟衛二水之交舟車咸會廬井之
陽侯頻之宮在焉領東故有文昌祠歲久圯壞辛
巳春監祭御史蕭寧錢清來按茲土卽委撤而新

之功將啓閭鄉民有張姓者卧疾淹旬夢神降其
宅指所乘白駒令貢諸新祠張覺敬致之翌日遂
愈遠近傳異咸過禮焉乃按蜀志神姓張諱亞性
至孝居梓潼七曲山唐僖宗幸蜀有護駕功封濟
順王元祐間增勅輔元開化文昌司祿宏仁帝君
自茲顯播四方凡學宮之傍多建祠以祀焉迨於
國朝君師海宇大正祀典削去淫瀆惟文昌開元如
舊豈不以神生不忘孝歿不忘忠足以表正綱常

吳竹坡文集

卷三

二十八

而又能陰翊景祚主司文化方之夷教蔑棄人紀
而無益於當世者其祠祀之當否何如耶今臨清
故祠陵替已久賴侍御之言而煥然鼎新良以魯
邦婉婉清淑之氣至是始大發舒幽明表裏會合
遭逢而啓茲靈勝也歟雖然神之所乘以忠孝爲
本以文化爲用以感通惠濟爲功使瞻奉是祠者
皆能修其當然以聽其自然則自天祐之吉無不
利矣若昧厥所由擎拳以自私曲收以自利吾懼

神之聽之亦未必其或屑也或曰神生於周詩所謂張仲孝友是道家以神爲帝君吾儒以神爲先賢而已

玉笥山殿宇記

海內名山稱洞天三十六福地七十二唯玉笥居西江上游當軫輿之次於洞天爲大秀法樂福地爲郁木蕪二美而並稱蓋又名山之最勝者也按地圖其山與王屋武夷通近起新淦之樂南遷迤

隆伏環走二百餘里中虛外拱若有所受往來者類行乎笥中其山多玉石故號玉笥山而大秀則玉笥之中峯也一名天柱芙蓉峰頂舊有天王洞洞天仙官主吳楚分野其陽有青真觀卽古上清傳錄處也登者每聞仙樂之音若有若無上出雲際天簫冷風觸之成韻此洞天大秀法樂之所以得名也郁木坑一名丹陽峇谷中多靈木異草四時馥郁可愛此又福地之所以得名也谷傍有乘

光觀蕭子雲常鍊丹其處大史黃庭堅十韻在焉其南有峰號大白與魏夫人壇相植折西有覆箱峯峯下爲玉梁觀謂觀成之日天降玉梁後化爲蜿蜒以去稍北爲承天宮有元揭文安碑記直北有石壇秦人孔丘明九人升仙於此故又名送仙峯與大秀初起之峰脉絡相續峯後相傳有隱井人行作崆峒聲環洞天福地之峯排闥而森立者不可數計得名者僅二十四其洞亦二十四折而

達於山外與淦水合東流入於匯澤又玉笥錄載禹平水土嘗埋玉龜金鼎於壇而漢武曾受仙籙於此世遠弗考唯元待制虞紹庵謂武帝巡游南郡所至祀名山大川或嘗至其地而史失之不然郡國繕治以俟臨幸容或然也其可徵者若宋大中祥符之屢設金籙宣和之降賜寶額與夫漢之梅子真梁之杜曇永唐之羅子房宋之沈麟李思齊皆按跡於此以道術鳴世元季兵變羽服散於

四方官觀壇墠化爲丘墟者六十餘年

聖朝龍興山川草木皆獻精彩永樂初羽士楊維新
入山啓土追尋舊規以洞天莫勝於大秀中峰歲
丙辰首建佛殿以翼前左至唐子復建三清殿以
當峯秀惜志未就而歿其徒季景春繼承師志於
宣德丙子建文昌殿於前右而三殿乃並列焉又
謂舊址有玉皇天王二殿宜復古制與提典李悟
仙緇流張覺宗周昌隆張如海陳覺心丁子貫等

經營締造皆落成焉山門橋道莫不整飭黝堊丹
漆煥然每義和浴駕玉笏啓羣金碧之輝上騰霄
漢眞天人之宮闕稱名山大川之壯觀矣景泰復
躬上京師受眞戒於正一法師大節吳公之門得
所授清虛玄範之文而歸朔望良辰上祝
國禱下康兆域而洞天福地之宏規益備嗟乎玉笏
海內名山之最勝者也兵變而廢世治而興以今
之興視昔之廢可不知所自耶景春於告厥成助

之日能立法規以永來世視人世之衍衍以息者
其賢矣乎是烏可無記

并作詩以紀之詩曰

玉梁之東郁木西中有大秀峯巍巍芙蓉削出青
天低朝陽蕩射生葳蕤洞天之宮像紫微雲房貝
闕白玉墀天帝端拱環旌麾仙官弁戟手秉珪轆
轤宇宙運化機宰制下土羅坤儀吳山楚寨如珮
觶赤光洞照分毫釐冥曹籍錄有所稽善惡昭應

無所私山珍海玉修觀儀文昌祠祿駕素蜺招邀
釋子驂象獅志得高談塵尾揮玉音琅琅若珠璣
縹囊錦軸盈玉笏三教一理以貫之九天法樂來
參差颯然冷風飄翠旗千巖萬壑聲初希合殿鍾
鼓鏗鯨鯢羽人鶴氅僧緇衣共取寶木焚金猊爵
羅光亭香雲霏上祝 聖壽天與齊休徵協應風
雨時五穀繁熟人物熙丹陽谷中多紫芝清都玄
鶴亦可騎雲臺太白相遨遊洞天之樂無所爲

袁州儒學碑記

古袁山水秀麗爲江右巨區儒風之盛聞於古昔然科第人物有隆有替有疏有密者以學校之設雖同而長民之作興或異在唐天寶間房琯首立學校乾元中鄭審改建泮宮而士風滋盛迨宋景德竭力營修者楊侃也皇祐初大肆創建者祖无擇也他如淳熙之張杓慶元之江古亮延於

國朝又有劉震周鐸何澄諸君子迭守是邦或新禮

卷三

三十三

三十三

殿或造書閣或更門廡或增齋舍皆具載志書勒之金石可證也然年代悠邈廢興相仍成化八年榆杜常公恭以緒事近臣來守是邦藉月而威惠大行士民樂業政暇禮謁

先聖廟庭顧瞻側徘徊久之慨然以興創爲已任首建大成殿塗以丹漆飾以金碧煥乎一新次構明倫齋廡崇倍於昔次廣泮池正其階級遷廩舍就房於泮宮置神庫牲房於震兌列師儒之舍於

射圃之西間計六十有奇皆明觀爽塏稱止宿焉

夫學校賢才之本也守長政教之先也得其人而作新之則風行易易耳常公以初政之暇留心學校視唐宋以來諸名公之經濟卓有加焉士之際斯世者烏容以自負乎聞之古袁前賢過化之地先正起跡之鄉文學則昌黎韓子鳴於唐理學則南軒張氏鳴於宋科第則有盧肇舉進士第一父子俱任學士顯於會同問此皆所當景仰而效法

卷三

三十四

三十四

者誠能畫而學暮而思引而伸之時暢其志行焉於賢守作新时期望庶有豸乎謹爲叙其創構始末刻勒于石兼儆魯頌思樂一什以勸之曰維袁作郡吳楚之墟萍川西注秀水東馳羣峰疊翠廻環千里儒文之盛在昔罕比允矣常公股肱近臣來守是邦重道崇文士思駿功百世之規樂從師學先覺是依文必昌黎道必南軒科效二盧庶幾希賢龍山鳳臺凝聚精移勉嗣休風用光學海

吳竹坡先生文集卷之四

臨川李巨來先生 鑒定

七世孫 琦重梓

南離土地神祠記

祠在大學門西地勢卑濕景泰初元某承

命來南司鐸成均歲時朔望過其祠甚隘不足以稱

明祀辛未有

詔修理大學侍郎吳公政遣營繕郎中王用於修學

吳竹坡公文集 卷四

之餘還相祠左有垣土剛勢整位正離明兼爲創

建始於是歲之冬迨壬申而工畢消日安神報祀

用臈歲爲常典迄今凡五載矣諸生科目數屠者

率廣於前而師儒之超遷顯達者亦屢有其人一

日條案會聚檢討署監丞事王積請記於余余原

土地神祠官司皆有所以表裏陰陽共濟職守者

也然大學所掌與諸司異則神之所司亦必有超

乎羣祀之先者何也諸司之所掌者政務也大學

之所掌則有二焉曰育賢才也興文化也蓋賢才

盛則公卿庶位有所資文化興則禮樂刑政有所

本易曰聖人養賢以及萬民又曰觀乎人文以化

成天下其功用之博如此則神明陰翊默贊之功

豈不超於羣祀之先哉今南離土承

明詔大興賢關而神祠亦得以正位南面以妥以侑

千載之遇也神宜萃歛威靈永鎮茲土匡扶

聖道光啓人文用資治理以荅休明至於禦災捍患

吳竹坡公文集 卷四

佑庇人物神之本事亦餘事耳聖廟在上神祀于

旁俎豆薦馨無譏惡焉神亦可以樂鎮此土矣

黃陵廟祛虎記

南郡夷陵之西有黃牛峽峽有神祠志傳禹治水

時神牽黃牛至此洪水遂息今石上尚見神影巍

然數尺衣冠鬚眉牽牛而立此峽所以名黃牛漢

諸葛武侯爲建祠于左由來久矣夫大禹聖人也

而神佐之諸葛賢人也不泯神跡而祀之後世相

永祭不替亦崇報之典所宜然也迺成化初黃陵之境忽有暴虎歲食百餘人攫特豕無筭山澤鹿麋爲之空行者負憂耕者懷懼辛卯

朝廷命劉英寧州事敷政之餘進者民而問疾苦莫不以虎患對乃榜通衢白藝執弓父能勇格虺者賞不吝久之執弓父者亦或爲虎所攫咸曰此虺脊也猛獠矯健有神翼之翼捷與山二十餘稔其嗜人畜幾盡詔革其縣次延楊州又噬二千餘人

吳竹坡公文集

卷四

三

今遷害本境集虺彪號其類茲繁晝亦啐於山人聞其聲而懼日過午戶不敢開州長郡察莫不憂之時長兒遠邇奉

天子命來守耶陽乃爲文以實於神曰民害不除大牛之罪亦神之過且黃陵之神既能除洪水於前何不能除猛獸於後豈猛獸之力勝於洪水耶率州長郡察詣神之前與神約盡殄乃止果踰旬而謀報四虎皆自殄於黃陵境上於是黃陵父老子

弟雖夜走無恐頌神之惠而亦稱予遠兒太守之功徵予文以記之予謂奉天之命而保障此土以除民害神之職也然奉天子命而居守此土其除民害亦太守之職也而安得謂之功哉吳常談經而虎侍側聽講劉崑治郡而虺負子濺河董杏善醫而虎賣杏殺歐陽寶廬墓而虎銜鹿助祭古之賢人君子忠孝仁義而化及於虎者不知凡幾遠兒不可貪神之功以爲已有但盡其至誠愛民之道以相爲威格而已不然猛虎害物可以告於黃陵之廟而驅之郡縣有司敢爲苛政而猛於虎者滔滔皆是此亦可以告於黃陵之廟乎吁可懼哉廟神有靈當亦如昔之洪水今之猛獸深惡而痛絕之矣遠兒其亦慎之

安邑道會司記

司在縣治北關外舊有延真觀觀有洞淵閣面當崇墉背枕廻江秀峰孤山拱揖左右鳳橋集仙賜

吳竹坡公文集

卷四

四

緒後先昔章聖大夫啓練之場而真人曾塵外趙
原陽張顛仙講道之所也聖朝隆興始開創爲道
會司弘治以來則有羅伯顯崔源良彭隱名劉勉
修彭澄清權署則有陽用勤彭澈清陽清隱迄今
嗣道會劉環靜凡九人雖學術不齊處職有異然
皆星冠之翹英師階之表表者也環靜既領職銓
曹歸振宗風深感歲月居諸法席罔究廼列姓名
將刊石以傳久遠來求予記予惟道以虛無爲宗

以澹泊爲本以煉形化氣爲要是以

朝廷嘉其教每邑設道會一員錫以印綬擇其能者
任之令率其徒於朔望良辰專事焚修上贊

鴻禧下爲生民祈年穀消疵厲順生成無非因其所
學而俾效其績耳居是職者事事之餘又得以抗
志浮雲消遙物表究長生之術享清平之福其視
規規利祿逐逐四方輟輟紛紜而莫之底定者蓋
相什百矣是則世所謂富貴神仙不兩全得而兼

之者此爲然也或曰子之有所羨可矣然大虛無
名無名則無迹今道會既列姓名而刻之子又爲
文以記之其亦不達夫滄桑變遷之意乎余曰不
然夫大素茫茫杳杳無端倪其自無而有者道之始
也自有而無者道之終也有無相尋終始相更雖
天地萬物俱不免於化化尚何有於名迹又何惜
於滄桑乎惟爲其當然信其自然而已耳茲道也
吾不能知今高閣之上寥陽真境在焉風月之夕

倘有羣仙下騎黃鶴以降者試取而問之當必知
之吾實不能知也

遊石鐘山記

成化壬辰秋予得請南還舟至湖口風驟水急泊
觀音巖下明辰風愈甚不能行與次兒高升巖以
望石間隱隱有字問之地近者曰此

太祖高皇帝留題處也誦其詩甚習曰一握曾提十萬
兵觀音巖下暫棲身老僧不識英雄漢只管低頭

問姓名異日用火攻大破陳友諒溺水苑亭
喜聞其言賞之以酒而去日午返舟宿湖口縣明
日縣尉來謁更述景物之盛且曰邑後有祠可游
乃令耆老導引跋而望之雲烟飄渺若有若無使
予有遺塵御風之想時湖口藩叅王君恕家居聞
予至來侯曰子嘗慕石鐘山之盛去此數武予假
輿馬共遊可乎乃沿江而往至崇壽觀諸僧迎入
遍觀卧閣几筵廊廡俱架木石上如行棧道如履

崕峒如與猿鳥爭路僧忽指水中石曰此卽酈元
所謂水石相搏蘇公所謂噌吰鏗豁者也風起水
湧則聲聞否則無之乃命小僧薙草拔絛而升
至翠微處有石巖可容數十人巖下有石方丈餘
平闊諸石上僧以斧擊之鏗然小扣如磬大扣如
鐘此又李渤所謂南音含胡北音清越枹止響騰
餘音徐歇者矣昔周益公歐陽文忠諸賢皆題咏
於此壁立諸石莫不有先代遺墨然字爲風雨所

食多不能讀雖欲下馬摹永興之字而不可得矣
下山登新亭巽然臨水際解所携榼同王君宴亭
上盡觴而宿望夕陽之在山聽宿鳥之尋林寺燈
與漁燈相對而起月亦出於東山之上矣舟泊寺
下夜半風起起而聽之如九奏之起於洞庭神瑟
之鼓於湘妃馮夷怒聞海若爭呼蛟龍鼉魚羣聲
疾走豈但若周景王之無射魏啟子之歌鐘乎宜
其以石鐘名也然樂不止於鏞鐘復有偏鐘輕重

疾徐長短重輕莫不有節奏之法其水驟至與石
相急石鐘之水聲如鏞鐘其水徐來與石相緩石
鐘之水聲如偏鐘若水聲時緩水聲時急若偏鏞
之並奏也且登山而望羣石縱橫仰俯豎拖山色
磅礴扶輿兀突莫不有鐘之似焉豈但其聲之近
於鐘乎王君曰酈元言之不詳東坡言猶未盡子
可謂豐山之霜能使豐鐘皆鳴矣於以知凡人之
見信於耳者終不若親歷之爲實也盍記之乃命

高兒執筆以記

彩雲亭記

彩雲亭距安城西八十里隱士楊君宜修彭君丕倫所作以息游客者也其山從龍回秀壯觀一方東連袁吉西入荆湘禾川鋒其南武山鎮其北劉石丹崖碧峰錦嶂三江之水泛經其下有石梁橫鎖之是曰黃磐磐之上有古祠舟至則卜之紫流至翠雲亭左而東折焉昔吳人達僧謂一江流水

繞天虹者此也成化壬辰予得請南歸與諸士友爲山澤游訪楊君於上潯謁彭君於嚴湖淹留踰旬語及西來道狹而旁多阻非繕治無以便行客二君曰吾責也卽課童僕具畚鍤芟蕪鏟曲确者去之陷者補之鑿者鑿之往來二十餘里可通與焉報曰途已闢矣卓乎賢達之用心也但少一亭以息行旅二君遂伐木營造不期年而亭成且曰聞昔元時李廉登進士郡邑以旗鼓翼還沿途有

彩雲之祥而茲山適當其道宜取名曰彩雲予曰然夫人物之聚有隆替而山川之靈有時欽舒李君以名流當之固宜今二君之豪情逸致豈非鐘靈而出協符應瑞者乎徘徊瞻眺前山之上彩雲又起夫乃記之

廉直公平堂記

大臣以道事君而莫難於得君蓋君者臣之表而臣者君之輔也故有唐虞三代之聖君斯有唐虞三代之賢臣今之觀者但見典謨溫純誓誥謹雅頌宣明而已而不知君臣之在當時明穆相迪必有所以致之也我朝

列聖相承治道隆盛前後弼成者卒多希世之佐君臣相得固已載之信史見之褒崇光昭典祀與古同符矣後之視今豈不猶今之視昔歟南臺右僉憲江陵張公以豪傑之才發身賢科爲名身史觀先朝進歷右僉追於

皇上紹承大統屢抗封章咸用嘉納超陟右都兼理
其政曩以績成恭捧鸞詔披讀之餘有廉直公平
之譽公不敢忘敬書升於府第之中所以侈

明賜而省厥躬也愚獲恭覩請釋之曰內守潔白之
謂廉外行徑遂之謂直含弘無私之謂公坦夷無
陂之謂平然公兼其體也平直其用也體與用兼
大臣之道備矣公以都憲爲糾督百寮之首復以
德望兼總三軍之司夫兵刑有國之重務而公實

握之人徒知公之在南也紳笏儼飭不動聲色而
不知所以勝此者實四德之由衆不能知而

聖天子知之匪惟知之又從而筆獎之語曰知臣莫
若君斯之謂與昔臯陶聞種德之譽而有應言之
歌召穆受策命之榮而有拜手之敬皆萬感激之
道而思所以報稱者今公領兵刑之任茲固二公
之所以爲職也其克守德音以報令名全終始俾
後之人撫汗簡而閱陳馨咸曰我

朝大臣俱昭然炳然不異於唐虞三代之所云顧不
遘乎此則公之素所期待不俟舉數而愚猶取以
爲言者嘉公之德業有成而舉爲天下人士道也

宋耕籍圖記

庚午春予以使事留宛旬日魯藩揮使鮑公出所
藏軸見示予不能曉携至南臺好事者觀之曰此
宋耕籍圖也筆法出於韓見今失前段不見龍旂
鸞輅躬耕畝畝之狀矣畫者徒傳其末耳因取宋

史閱之宋制祀享先農以立春亥日前期載九穀
詣壇至日奉御導

駕至文思殿祀享畢太常請降輦受耒三推升壇三
公三少宰臣親王各五推從官各九推庶人以次
終畝退設宴教坊效堯民進豸之樂觀畢所司
以鼓吹導駕還官今圖所寫有簪桴土鼓之器
有含哺鼓腹之容有舞蹈歌唱之節非徒以見宋
朝祖宗故事而帝堯時黎民於變比屋可封象

可想見矣

天朝御宇八十餘年天下太平四方熙皞永化之民
唯知耕食鑿飲而不知帝力之所從予以菲材備
員南雍株守文墨欲觀盛典邈不可得每遇春和
暫一郊遊道路所見惟時俗村家之樂聽布穀聲
聲而已今公以英妙之年負通敏之學上侍賢王
日承顧問倘鶴駕巡封觀及舜耕遺跡咨以藉
田典禮吾知必能敷陳事實如古函風以進於贊

吳竹坡文集

卷四

十三

助睿學之功未可量也

元庚申君大事叙畧

胡元廟社既傾四方版圖悉歸大明我

太祖高皇帝定鼎金陵受萬國朝賀萬機之暇以元帝
在位三十六年其始末致公之由天下臣民必有
能記憶者於洪武三年中書省宣差尚館副使宜
湯劉迪簡與儒士崔九成等四出採訪迪簡至汴
久無所得一日遇僧暢中備道其師指空和尚寓

擴廓之幕知三十餘年之事如指諸掌因取其言
爲元庚申君大事記一通歸獻於

朝特加寵賚貯之史館時學士朱景濂王禕齋二先
生專執總裁紀載得劉所進深加嘆美以爲學有
史筆遂收其言入於元史二公方欲同事論薦而
劉以他差未果天順癸未曾孫衡爲常州郡判取
舊所藏裝潢成卷詣成均徵予言弁首予獲觀之
而嘆蒙古之主中國非天運之所宜有者我

吳竹坡文集

卷四

十四

太祖高皇帝既驅除其類而後不忍遺逸其事可以見
聖德如天無往不覆乃復以其事而詳書之補載
之按史籍所書庚申帝諱安權帖木耳明宗北狩
時納罕祿魯氏女所生幼被讒言謫居大青島中
後徙廣西之靜江文宗崩燕帖木兒爲相請立文
宗太子燕帖古思皇后以其幼固讓乃立鄭王是
爲寧宗蓋帝之弟也寧宗崩復請立燕帖古思后
堅不許乃迎帝於廣西而立之時年十有三矣此

史書之所述也今大事記所載大抵以爲至元之
初七年之內皆權臣燕帖木兒伯顏撒敦總其勢
帝在掌握中無能爲惟事嬉游而已至正中十二
年之內權臣益先下世帝始釋去芒刺親于政事
興科舉崇先聖用儒術恤旱災亦有可觀者但溺
於釋教秘密之言故弄臣哈馬輩愚弄以女色帝
果嗜之終身不恤國事而兵亂起矣末年土木之
工大興婦女之欲愈熾凡人所不爲者而帝甘心

爲之豈非自舉其天下而棄之耶此大事記所述
之大畧也愚則以爲順帝之爲人內懷殘忍外示
柔仁文宗皇后有子不立舉大位而歸之於姪此
仁德之后也其後母子俱遭弑殺太平王燕帖木
兒定策迎立之元助也使其子孫皆無噍類非殘
忍而何厥後伯顏誅而脫脫用脫脫誅而哈馬用
天下日入於亂常若罔知惟與胡僧日肆徜徉言
秘密而已加以擴廓李羅搆兵晉冀間朝無忠懷

之臣以任經邦之計及夫紅巾賊起蹂躪江淮南
北阻隔

大明皇帝徐起征之人心厭夷思夏聞風歸附豪傑
之士雲趨景從中山開平誓師北征野狐上殿走
死應昌

聖祖憐其遜遜諡之以順真可謂用夏變夷者矣然
猶曰國可破史不可滅四出搜求甚盛德哉迪簡
能得遺事上副

聖聰其孫又能繩其祖武乞言以垂不朽均可嘉也
已而猶有可以補叙者野史有詩云宋朝第十六
飛龍元朝降封瀛國公手扒龍爪驚天容易名合
尊沙漠中至今兒孫主沙漠嗚呼宋祚何其隆按
瀛國公爲元太祖壻侍元太祖宴見龍爪之異元
臣將共圖之瀛國妻復半夜生子時天樂響空中
遂更相驚疑乃易名曰合尊亡去其居青島徙靜
江者卽瀛國公之子也明宗北狩因天樂之異私

撫爲子借名爲罕祿曾氏所生後爲順帝詩書界
信則順帝朱裔也是以卽位之日不因其讓位定
策之故而於文宗皇后母子暨帖木兒輩必殄滅
之無餘種者蓋報朱仇也嗚呼元雖亡宋於前宋
亦滅元於後至今沙漠蒙古尚宋之子孫主其地
天於華夷之分亦嚴矣哉因復記此言以備後世
參考劉君記之名爲大事也意亦深矣

清隱記

吳竹坡文集

卷四

十七

安成一舍許有地曰南郭鄉有隱君子實居之隱君
係出東郭王氏唐節度諱某之後自宋以來世多顯
宦祖以賢父紹熙皆個儻好義爲鄉儀表至君益崇
詩禮以亢厥宗嘗以舊居人多地狹擇所勝得南郭
而居焉孤山橫其前瀟水抱其後班竹桃花之仙境
連亘乎兩隅百花九子之秀峰對峙乎天表狀若初
月宛轉而廻抱者弓岡也形如長虹縈帶而流注者
山陂也自縣城迤西至是而其趣始會殆天作地藏

吳竹坡文集

卷四

十八

以待乎人歟隱君旣得其地愛而不忘乃作堂宅厥
中翼以傍屋緣以周垣鑿地爲池植花卉於其隈以
娛嬾族賓客夫清幽者山水之興趣也隱顯者君子
之出處也隱君仁而明敏而惠謙讓而謹於禮旣能
隱居以樂清幽之趣安知不爲行義達道之資也耶
况山水清淑能鍾育人物隱君有弟正爲崇德師有
姪隆爲礪山尹又族子多弟子員然則光顯盛大烏
有紀極哉昔南郭子綦習尚隱處莊子稱其平居隱
而未始知孰勝而爲清隱則一也

笑齋記

主人有居武山之麓西州之上者年雖耆艾而好學
不衰嘗於所居之偏構一室闕窳竅以延天光室穹
窿以避淒涼左右有几堆積細帙前有楹案橫列通
鐘凡遵豆之具文房之需日用之宜罔不備是自其
外而仰之如瞻巢由之廬不雕不斲窳窳而無華也

從其中而視之如坐龍伯之國愈深愈靚窮窅而無窮也字曰哭齋客有過者睹其書哭乎其形也幾乎其象也省乎莫能定其音也却而視之則沮乎目進而誦之則棘乎齒徐謂主人曰可得聞乎主人曰茲字也形制於蒼頡韻分於禿見其爲理也有深幽之義其爲位也居東南之間其爲止也對屋漏之所故楚詞考論居室則以爲冬月之所宜荀卿探賾中正則取於二者之中昔孔子責季路所不及譏王孫賈

之諂媚子思引詩以發不動不言之蘊皆以其對待者言之蓋聖人道高德懋引而不發舉以示人欲人之深思而自得也不然則鑿矣終不告以音訓客因嘆曰甚矣主人之好恠也不得其情而去一日主人之子來京傳賔主之言以訊余余曰惜乎客未閑乎爾雅之學也閑之則沛然矣夫哭之爲字以象形則有窅矣之勢以諧韻則有穉穉之音以居室則爲省密之所其方位屬巽有文明之象其風屬清明有長

育之功易九卦終於巽以行權主人其可與權者歟禮鄉飲坐主於東南取天地之仁氣也主人其務於仁歟惜乎客未閑乎爾雅閑之則沛然矣主人之子欣然曰有是哉吾過庭之下未敢請亦未嘗聞也遂書其說以歸主人爲西昌蕭瑛仲記者則大學長蔡吳與儉也客未詳其姓氏

拙隱記

古今文士之名居地者無不擇所美以爲稱惟知道

者不求美而美自彰斯爲善名者也如柳宗元名其溪曰愚許平仲名其齋曰魯夫愚與魯豈人之所善耶而二公取以名其溪與齋二公固知道者也道之所在奚恤乎愚與魯哉文江谷村李君卽溫忠厚純一不事浮靡待人接物未嘗有倨傲之容詭隨之行所居四面皆山松竹並茂世謂之盤山居臨池水前神童獻可洗墨池也中闢一室顏曰盤山拙隱蔡真逸也豈非以拙者巧之對而巧不必得拙不必失乎

在昔司馬子微坐忘論云與其持巧于末孰若拙成于初孫思邈從而演之曰憂於身者不拘於人畏於已者不制於彼慎於小者不懼於大戒於近者不移於遠蓋拘於人而制於彼懼於大而移於遠持巧於末者也憂於身而畏於已慎於小而戒於近者拙成於初也能拙成於初則事無不濟矣奚必屑屑於巧哉至濂溪周子著拙賦以爲戒又曰天下拙風清弊絕甚言巧之無益於事而拙之足以有成也自非有

道之士奚以當之今李君於隱處獨有取於拙可謂得子微思邈濂溪之旨而有合於愚溪魯齋之取名矣然則李君其誠今之有道者歟

訥庵記

予舅景謨王先生宣德間邑大夫有以才德薦者辭以母老弗就於所居南結茆爲退休之所前植花卉中藏古今書畫非斯文之侶則足跡不至此居常無人或據案而誦或凭軒而吟或焚香煮茗默坐終日

若無所事者標其楣曰訥庵客有過之者曰先生神童之裔也以父則有約山翁以儒秩著稱以兄則有詢謨翁以翰林表望先生又嘗從楚山鮑公之門鄉郡之儒號稱該博者莫先生若也其於古昔聖賢道德之懿範忠臣烈士之名績與夫奸回權倖之出處可按籍以對參乎如風之振林也全乎如雲之出壑也悠悠乎如水之離山越溪渡澗決之而無不流導之而無不之也胡爲以訥名其庵越日會間以其言

語予予曰辨與訥雖兩途而亦各有所宜也孔子欲無言而於荅述未嘗廢孟子雖好辯亦有時隱几而自默豈以此而妨彼哉曰若是則亦不得爲果訥矣曰使顏子而果愚茂叔而果拙又奚得以賢稱哉訥不在於言而在於心也客曰然客爲誰尚書雙崖周公與先生之兄爲同年語客者誰先生之甥吳節與儉也

梅磻記

王君蘊璩係出神童後府君廸吉翁以風流儒雅重
江鄉君少孤賦性剛毅不屈於物與諸昆相友愛賞
於石礪之阿植梅數十株構軒以賞之每嚴冬花開
萬玉璀璨雪月交映輒邀宗黨之賢斯文之侶相與
長酌分題賦咏爲梅寫真及乎情交意得則巡簪索
笑杳乎不知梅之爲已而已之爲梅也侍御孫公爲
題其扁曰梅礪志其實也夫梅植物中之至清也惟
高人處士墨客吟工能知而好之若宋廣平何遜林

逋蘇子瞻諸君子輒苦心酷好觀其唱酬諸什精奇
巧妙皆清氣之所發耳王君承家世訓守詩書爲務
閒情逸致儼乎絕塵卓乎離俗其堅貞自守非有得
於梅之不爲時態俗氛吐英華於歲寒冰雪之後乎
獨立不凡非有得於梅之清貞潔素謝全埃於幽獨
不羣之地乎使其得遇廣平林逋何遜子瞻諸君子
與之上下議論唱酬往復必超然於物理之表也密
矣但恐君之薰蒸其德清極而無所合則鼎鼐之調

竟成虛望然成德在已繼承在子孫礪在則各存名
存則世聲不乏安知無孝先其人者安排狀元宰相
於歌咏之中而豈徒水月清香供一人耳目之玩賞
已哉

蘭莊記

東郭主君植字儼槐元郡同知敬翁之後處士紹義
翁長子遵獻公之姪也嘗於所居之近得山水清幽
處前爲平田後倚小洲作居據其中東有弓岡之迴

抱西有孤山之雄峙瀘江賓陂映帶乎遠週洲之上
舊有澤蘭作齋面之又求蘭之類如芷如蕙如蓀者
移而兼植其間賓客之自遠至者卽聞其香及造其
居則叢叢勃勃所謂入乎芝蘭之室豈特如之已也
縉紳有過之者爲扁其處曰蘭莊嘗自爲言誦之曰
蘭之可貴者可比君子語云蘭居深林不以無人而
不芳又曰紉秋蘭以爲佩又曰杭芷汀蘭蕙百畝蓀
以名正皆有說焉一日遣其子素望賫書赴金陵且

曰韓子有云不採而佩於蘭何傷幸爲我記之予曰
懿哉王君之所尚也衆人皆以物視物王之視蘭也
獨超乎物之外吾無以知其說矣然吾聞王君居家
兄弟怡怡相好其蘭之並蒂聯芳乎誨其子隆榮擢
鄉舉其弟正爲泮生其蘭之芽茁茲長乎宜乎香名
之益遠而益長也吾因之更有感焉予與君嘗同游
於桃源謝先生之門今皆髮鬢星星矣君得善地棲
老於鄉而予猶逐逐焉奔走世塵以資寸祿其遺愧

朋遊不已多乎倘一日得請歸尋故山當重上君子
堂取瑤琴操猗蘭一曲以相取樂然後縱步蘭莊以
觀所樹君其爲我指曰此爲蘭爲蕙爲芷爲蓀以盡
博物之趣鄉之人見之或相與語曰此二人金蘭之
契老而不衰如此顧不爲友道之光乎幸培植以俟

松雪記

永樂間應州王公宗泰守大名於任所闢一齋扁曰
松雪景泰中子鏞爲臨清學諭取故扁揭於泮署士

大夫過者賦咏焉予曰萌於地而升於天不以寒暑
移操者松也降於天而敷於地不以高下變色者雪
也子之尊公爲監察御史肅朝綱而扶政紀糾行察
而覈百寮其持心操節固松雪也及陞秩爲大守而
以英明有守之才發而爲剛毅之治其制行操心亦
松雪也今先生掌教百里如大阿之育菁莪丘陵之
長棧樸當與物皆春可也奚松雪之喻乎曰非然也
自以松雪先君之所尚爲子者當寶貴之而弗忘耳

予曰然昔大尉楊震廉介自持或譏其無以遺後公
曰使峻稱爲清白吏子孫所遺多矣今先生拳拳重
先人之扁其亦守清白之謂乎雖然今之儒秩能守
節操或起陞爲御史進爲大守者相續也然則闢清
白於時者又有日矣豈徒寶貴之而已耶乃書此爲
是齋記

張氏思親堂記

古仁人孝子之事其親親歿則建祠以祭所以崇孝

思也故思親之室世多有之至刻木肖像之說近代始有聞焉然余謂孝起於思思之所存卽情之所存况父母遺體一氣流行遇祀響蒸嘗之餘出入起居之際魂神交感豈無聆警欬而彷彿其容色者乎若捧玉刻木而肖像之以致乎時思之敬亦仁人孝子之心也但力有可爲而不能皆爲者多矣同邑張君淵瀟文獻裔也嚴君若金翁以子貴封文林郎監察御史慈母李氏封孺人俱積善敏德傳頌閭里復以壽考終淵瀟年當樹立而二親之不逮養也念不置因故里溪山間有祠以備歲饗乃別於所居蓮山下後作祀饗之堂取沉檀肖二親遺像以祀之每朔望良辰旦夕有饌則獻而後食焉有事則啓而後行焉可謂能盡孝思之道矣詩曰永言孝思孝思維則其斯之謂與雖然淵瀟世家後也兄淵濬以扈蹕歿於忠義姪敷華以科第顯爲近臣今淵瀟又能躬行孝道以事其二親一家之內忠孝俱全可以爲難矣予

深素好特爲記之所以風世也

吳竹坡先生文集卷之五

臨川李巨來先生 鑒定

七世孫琦重梓

張氏旌義卷跋

右旌義卷一軸正統辛酉

英宗皇帝臨御頒賜安福義民張巨川常出穀二千石佐官賑濟是勅也其紙則御監所造雲龍八寶箋其璽則尚寶司紫泥封敬天勤民之寶尚書奉

吳竹坡公文集

卷五

旨頒降付郡邑旌褒與羊醢俱至恩也勅後題跋若錢公習禮李公時勉陳公循李公紹李公昌祺王公直王公英皆一時鉅卿知名當世者也巨川邑西梅溪人唐相國曲江公之後光州刺史紹之派姪洪監察御史子泐鄉貢進士姪孫敷華兵部郎中一門詩禮相承巨川又能以家給尚義名動朝廷旌以綽楔褒以綸音縉紳爲之表章若此其生也可謂榮矣今沒子庠生汶裝潢成軸徵予言跋

其後竊惟世有寶其錦繡綺縠以華其躬者有寶其珠玉玩好以侈其觀者然華有時而窮侈有時而盡豈若生有善名沒有不美譽傳之無替者哉今巨川前有天章之焜耀後有藻翰之淋漓比於錦繡綺縠珠玉玩好之爲寶其輕重爲何如哉余冀爲張氏之後者什襲焉

吳竹坡公文集

卷五

與李古廉書

清濟之流入濁河而不混者其源至潔也碣石之巨
當大海而屹立者其鎮至重也昆吾之劍試金石而
不折者其體至堅也嶽立之品歷諸艱而弗撓者其
養甚大也某自鄉里而至京師得其所爲衆中之尊
而莫之與京於水見清濟之潔於山見碣石之雄於
劍見昆吾之堅於人見老先生之大亦如蘇子由之
所云云也某嘗思之直言敢諫在他人則爲氣節在

吳竹坡公文集

卷五

三

先生則見學問特立獨行在他人則屬偏至在先生
則成全德誨不厭倦在他人或出勉強在先生則是
安行此誠先儒所謂豪傑而不聖賢者有矣焉有聖
賢而不豪傑者也某待罪史館竊食太官材不足有
爲學不足有猷力不足有守老先生或以鄉黨小子
之誼進而裁之其成也先生之德其不成也亦先生
之怨某豈敢怨先生者哉然先生能裁成天下之士
獨不裁成於某雖某之不足教誨亦先生之責也孟

子所謂賢不肖之相去其間不能以寸者正如此也
望教甚切書詞傷和先生若曠然曰此吾黨小子之
狂者也則幸甚矣

吳竹坡公文集

卷五

與劉求樂書

龍川之師頻年不解少壯苦兵戈老弱疲轉餉使天下之人囂然喪其樂生之心夫思任發者金齒小夷也孟養者南詔荒服也俘其首天子不加威得其地天下不加大臣其人百姓不加多其不知謀國之人何所聞見而窮兵黷武一至於此昔蜀漢之世以益州爲國永昌越雋不時窺垣貽憂內顧致不能悉力以伐賊然五月渡瀘七擒七縱議者猶或非之非其

吳竹坡公文集

卷五

五

老師於遠夷而稽誅於漢賊也揆之於今事勢懸殊圖彼未獲喪我已成甚無謂也日者又聞南伐未已北征繼之單于之勁非保夷可比邊牆之隔非萬里而遙有足之賊非跳逐可追禍機一發變不旋踵思之至此可爲寒心某屢欲批鱗上諫而慮事未周出語無狀恐不足以啓天聽 老先生老謀碩畫吐辭成經有所建明必徹 宸聰肯容附驥耳同續貂珣非之采勿遺幸甚

與李克述書

克述足下凡人之以酒食爲親昵者非澹交也以諛詞代寒溫者非心知也吾與克述居里閭不越十里之間相與謀制舉業蠶豆相守酒食非所尚也後又同在翰林讀中秘書思欲立言以垂後世徃復辨析彼非此是爾俞我拂中間同而異異而復同其所異者非以氣相角而好爲異也其所同者惟以理相服非苟爲同也其視世之人以諛詞

吳竹坡公文集

卷五

六

互美者吾與克述匪但不出於口亦未嘗萌此念於胸中也豈但吾與克述兩人相知其樸誠如是凡所以酬世應物吾與克述無不皆如是也在京師之大寮庶尹其爲吾所師事者吾敬之畏之爲吾所友事者吾愛之慕之其所敬畏者誠然而敬畏之非諛詞也所愛慕者誠然而愛慕之非親昵也在鄉里之親戚故舊其爲吾父執者吾徐行而奉之爲兄弟輩者吾鴈行而友于之其尊尊非

敢以諛詞爲尊奉其友于者非敢以親昵爲友于
皆出於誠然也且不特酬世應物也吾與克述在
翰林爲文章每日立螭頭左右注起居退居史館
分班纂修筆則筆削則削不敢以諛詞媚天子而
徇權貴也碑碣誌詔人有所求亦必核其人之品
行而表彰之非利其酒食金帛而阿鬼諛墓也是
所謂毀譽之公三代之直道也吾以老母在堂屢
疏乞養蒙

聖天子予告歸里行常與克述有歲月之別故假書
辭以道區區者所以自勵而勵吾克述也出都門
尚有杯酒之歡未既之爰畧而佈

太父阡表

勅贈通議大夫大常寺卿翰林學士國子祭酒吳壽
泉公乃節之太父也太父生子四伯性仲疑叔材
季亮亮卽予父節襁而孤養于仲父疑乃仲父又
逝仲父之子魯又撫予成立每當清明寒食之天
兄弟奉酒奠拜掃于太父神道前其神道爲牛形
自原道祖母塋是山太父以孫祔祖墓下兄弟滋
然交相勉曰太父有德好施與虞貧者無錢寸步

不能致乃設義券于百里內凡近于貧之富者命
貧者貸財書太父名貸之其貸則太父完也德厚
如此或當流光何以至今闔族乎言罷報狀幸太
父之祐孫節今得拜

聖天子命贈太父爲大夫且臣母王氏得荷

聖恩諭塋赴闕謝恩賜坐內殿清問祖塋乃進塋圖

上呈

御覽承覽之日祖塋夜光地靈祖神交應國恩而又

賜驛還鄉焚黃告祖焚黃之時瑞芝立生數十本于

墓上且一本連枝此大父之德氣所鍾也抑國家

之元氣所感耶或吾兄弟之和翕而從無違拂乃

得此連枝之瑞耶亦太父示以瑞草教子孫當爲

人中之瑞耶節兄弟其何以自勉也節乃奉之以

歸爲瑞芝閣以宗子孫節于是知古云德厚者流

光誠非誣矣昔蘇公景好濟荒有德爲蘇老泉之

父蘇文忠兄弟之大父蘇邁蘇邁之曾太父今節

吳榜坡公文集

卷五

九

太父之德似果而節孫之在翰林亦似子瞻節之

子遠亦爲翰林似邁但文章治術有忝於子瞻父

子多矣將來又何以自勉哉夫祖父之德既厚則

子孫益當益其厚人爵自

天子命之天爵則自天地命之天爵日以高雖人爵

卑而界亦高也若人爵日以高而天爵甚卑則雖

高亦卑也節願予吳氏子孫世修天爵能如太父

則予吳氏之流光正自今始基也謹表

雷說贈張侍御淵濬

天之於萬物日月以臨之風雨以潤之霜露以肅之

涼寒燠暑以舒歛之凡成形成象之在兩儀以資夫

物者亦多矣烏用乎雷而雷之出多破山壞石折巨

木使人恐而不寧雖聖如孔子不免於夜興豪如蜀

先主或至於失匕筋而人反善之者何哉蓋雷乘天

之令者也天道以生生爲心方其春也和氣一動品

彙之勾萌甲拆羽毛蠕動之不一者莫不並生並育

吳榜坡公文集

卷五

重八

此天道之至仁也不幸而有頑熒暴毒之物亦藉厲

氣而生而使衆物不得以成遂是豈天之意耶於是

假權於雷霆使震摧以驅殄之然後物得熙然盎然

以適其生生之性人烏有不善之者哉朝廷之建官

也亦然自三公六典九卿十二牧郡司百職內外綱

維以司民事者亦衆矣而復設御史掌風憲以整肅

百寮遏凶暴察廉墨別淑慝無憚于難惟其所向豈

不循雷霆鋤擊頑熒而使萬物成遂者哉然雷能秉

天之令者以其氣之至公也君子能行朝廷之威令者以其心之至公也至公之氣必蓄之也久而後其發也烈至公之心必存之有素而後其鳴也大易曰雲雷屯君子以經綸其斯之謂與同邑張洪字淵清系出曲江公後其尊甫若金有隱德嘗命洪從予遊每與讀經至震夷伯之廟曰此當震者也至庚辰大雨震電曰此不當震者也予固知其得經綸之正矣今年春果以鄉貢上京師擢名進士授浙江道監察

御史同遊諸英謂予當致勉余聞昔陽城爲諫官不欲爲瑣瑣雷同之說以鳴其小者友人昌黎韓子不達其意而著論以責之殊不知其志將欲鳴其大者故城卒以諫顯余言不及韓子而喜台諫之彰聞竊者雷說以貺之洪如有志於陽城則益加經濟求其大鳴者以鳴焉他日當洗耳以聽夫轟烈之聲也

金谿王氏總譜序

古者諸侯有國大夫有家士有世官又有五廟三廟之制以崇禋祀大宗小宗之法以聯戚疎故嫡庶以明尊卑以辨恩誼以篤維持防範百世如一日也降及後世風移俗靡廟制無聞宗法不立甚有子孫散處四方不復往來相視如塗人者多矣然士君子欲敦本始必有處之之道亦惟謹夫宗牒而已矣當兩晉之時以門第爲尚隋唐之世以

勲閥相高執制作者援引帝王將相不免過於誇詡彼庸泛者流昌榮榮華而失故實者藐乎不足爲議也惟前宋歐陽兩大儒制爲譜牒止尊本派不屑遠引深協人心歐陽之譜則取法史傳蘇氏之譜則倣世系圖而爲之制雖不同而切於尊祖敬宗之誼則一也今舉世倣之不亦宜乎予邑多大家金谿王氏其一也王之先出於撫之金谿李唐時有諱順者以科第發身任吉州刺史以耳榮

遺愛任肅士民不忍釋去因留家焉於安成之金田仍曰金谿思所自也由是雲初簪纓聯炳炳相續爲鄉表望元之時復有諱繼遠者在廣州推官歿於王事賜諡忠愍廟食南海此又金谿之表表者也國朝以來人物阜繁合族聚數千指可謂盛矣哉族有宗譜歲久散佚永樂初族之彥曰貢魁以督賦餘暇輯而增之僉憲晏先生序之余族史官孟勤子恭兩先生亦贊祠焉今成化以來泮

吳郡公全集

卷五

十一

英曰麟昭暨弟勝謂諸人不修則禮義放廢於經史之隙繼取而續之里姻少卿劉先生復爲序之及梓成以編首稿子言子觀其制作以刺史公爲始祖源源本本悉有次序生沒莖要詳而有體無誇祠昌襲之非有根據要領之實可以明倫理聯恩愛將歐蘇制作之精微足以傳千載而無窮也雖然莫爲之前雖美弗彰莫爲之後雖盛弗傳王氏自刺史以來益繁且盛詩書科第顯隱相承以

崇鄉望以表令門茲豈易致者耶在爲之後者培植以崇遠大耳昔范宣子自謂先世歷虞夏殷周彌久彌盛可以謂之不朽而魯叔孫穆子則以人之不朽者在於人之立德立功立言耳今王氏前有不朽者豈不愈遠而弗替矣乎姑舉此以爲王氏之後人勉

吳郡公全集

卷五

十二

泮溪劉氏族譜序 明天順三年五月

夫譜何爲而作也以別宗派以序昭穆舉凡世家巨族莫不親其親長其長者率是道耳時至李唐徂詐日興非攀援華胄以示顯卽妄刪弱支以鳴高求如狄武襄之不祖梁公滕薛之得與宗盟者或希噫可慨矣吾邑西九十里地名泮溪劉氏世家焉余於劉氏分屬外孫當弱冠時得觀其族經舊譜乃知創基者自唐太和中安成令諱實字禮

吳竹坡先生文集

卷五

又十二

向號三致公始卽溪安成思侯諱蒼之苗裔也著公後四世曰元中居泮溪之湯村傳至晉成和中有所徙傳由湯村徙居湘鄉之中村號曰湘鄉劉越三十世有封公諱景字曰昭爲衡州長史持節往吉道經泮溪見其山水清奇可讀可耕心切慕之因爲公謀安成令任滿四民感恩佩德依依板輟不忍釋去遂舍湘鄉之中村家泮溪焉後傳三子分東西中三院殺蓬於本里之青塘五龍聚族

形至今墓誌碑文爛然不朽嗣是蕃衍五季由宋

而元而我朝科第雖間棟宇鱗次絃誦之聲相聞蔚爲西里鉅族昔召公化被南國嘗植甘棠去而後人思之戒以勿剪勿伐勿拜蓋愛甘棠者卽以愛召公也甘棠且爾況其子若孫乎雖然莫爲之前雖美弗彰莫爲之後雖盛弗傳假使富公種植於前而子若孫不克灌溉培養於後又安能長享其報以蔚然茂然表異於他族也耶余時欲書其

吳竹坡先生文集

卷五

又十三

意於舊譜之未惜也微賤不足傳因遂不果旣而濫厠科第旅食京華數十年間雖欲書之又不可得頃以表兄資軒推安成賦稅長來京謁余於宜舍一日者酒酣談心娓娓不倦因顧其身謂大丈夫上之不能策名仕籍以光前烈次之不能留名家譜以垂後裔亦徒負七尺軀耳今歸梓意必遵歐蘇諸例斟酌重新庶可以對祖父而垂于孫不然日月易逝形神易邁吾恐劉氏之譜其不論於

殘缺失次者鮮矣君其爲我叙之余聆其說正襟危坐而對曰吾聞吉州之劉其宗雖一而其派有三一曰楚元王一日中山靖王一日長沙定王泮溪遠祖則長沙分封之安成侯近祖則太唐蒞治之安成令也未異而本同源合而流分亦不必慄鋤種之戒傷憮豆之非各尋故牒自無忝耳感彼行路篤念厥初孝弟敦睦之風必將油然而生矣今劉氏諸彥秀而文者多行且聯袂而起以觀揚

前人之耿光大烈余故筆其昔之欲書者以申資
斬惓惓重新族譜之意吾知劉氏諸耆其必勉勉
以共勦於不朽云

重修族譜序

譜必有初不初無以成譜吳宗系出唐史臣兢之
孫篋爲九江德化令子哲當南唐任吉州永新簿
有遺愛歿塋邑城北命長子總歸九江守祖墓留
次子炤居烟岡遂爲禾川人其後子孫蕃衍衣冠
人物代不乏賢當宋盛時升於學舉於鄉薦於漕
奏於禮部及異科者通九十餘人而特科恩封世
賞拜爵者又三十四人可謂盛矣嘉定間十三世

孫光祖始列爲譜圖傳子京復修之觀東山楊公
長瑞信國文公天祥序跋約山朱公行甫衣冠圖
記可見已元初兵亂城屠譜亡後裔孫仁叟得之
至正間獬獠爲變譜失至裔孫復購得之攷於中
齋鄧光薦須溪劉辰翁雲間李一初三序又可
皇朝龍興鼎養生息吳氏子孫散處於四方者日衆
而詩書禮樂科目仕宦聲望播聞於當時者日多
而譜久未續豈非缺典與正統中桂岡之孫善存

臺府之孫道貫謀諸剗剗資力已具而相繼云亡
天順初煥文之孫純夫與道貫之子嘉績乃遍遊
諸邑得各房源流之自并生息壅娶之詳彙爲一
大帙題曰吳氏重修宗譜謂節與有勞焉宜有所
述謹用叅攷大抵皆因嘉定咸淳之舊而疏之自
主簿公而下至通議大夫瑾凡六世以上中二院
爲一圖所以總衆房之祖也自六世以下九世爲
一圖中院則有廉里西昌白沙之派上院則有烟

岡桂江橫路安成廬陵永寧之派而古攸鄒邑增
城等派則又諸派中之所分也世近者圖少世遠
者圖多自然之叙也其弘綱大要皆取法於歐譜
而細書出處則蘇公之遺意也仁矣哉純夫之用
心也聞草廬澄先生有云天下之吳皆祖於泰伯
此不待傳記可攷而知愚則以爲至德之心初無
厚薄而氣化流行則有偏盛姑以地望言之如常
州之祖季子鄒陽之祖芮君南陽祥符之祖廣平

侯漢傳派雖殊而沂源則一意者天之所以報至
德者不在於彼而在於此歟不然何其益遠而益
繁且碩也本宗自良史公秀毓祥符以精忠大節
開大唐繼以一脉流傳由圭廬而止禾川復繩繩
不替若此豈吳氏之食報於天者猶未之或艾也
與雖然君子之不忘乎先者不特修譜之爲難而
修身之爲難譜或不修猶可諉於後嗣身苟不修
則未免貽玷於先德此又當與同宗之士各勉其

所宜勉可也敬晉以爲勸

下村劉隱士小桃源別墅記

安成沂西五十里循北山之麓曰樟塘有巨姓劉氏世居之劉氏之先系出宋大儒龍雲先生昔周文忠稱其文章可繼歐陽子者也龍雲之後有隱君子曰志達翁博通經史敦尚禮節蚤從復古謝先生遊故其吟咏有唐人風嘗於樟塘近地環坡種松數百株以爲宴遊之所因自號曰松坡清逸晚歲復自松坡之西一餉許得勝地焉舊名小桃

吳粉坡全集

卷五

十六

源左右有溪流映帶中爲沃壤宜諸稼穡其外則衆山環抱一逕縈迂來者莫覺所入至其地而後豁然以闢可以盤旋焉隱君悅其名乃葺宇其中益加樹藝每當春旣麗則緋綿盈川東風徐來則香氣襲人及漲雨曉泛則落紅萬點零落續紅與波無極不知昔人所謂武陵仙境與此何如也宇成因題曰小桃源別墅命二子恒坦恒徹居焉隱君沒恒坦不忘父愛乃來京師求縉紳諸名公公

歌其盛以記文屬予予惟桃源之名古今所慕久矣當秦之時民物傷殘故賢人君子高蹈遠引爭求僻地而居之以謝去枝害此武陵桃源與世隔絕然初不過爲隱逸之地至唐宋詩人往往指爲神仙遶絕之境此昌黎韓子所以闢其荒唐而不可知也我朝

聖人御極海宇一統尺地寸壤咸隸職方吾邑利真謝先生嘗出宰武陵奉檄督修桃川諸宮觀親臨

吳粉坡全集

卷五

十七

其地得晉時漁人捨舟之所使真有所謂神仙境界後人豈得而復事遊衍也耶然則古之桃源既若此而恒坦之先君子乃拳拳慕其名益加種植以居二子無非生平素善聲律欲發幽具閑雅之趣且欲啓諸公之琳瑯鏗鏘以表揚所居之勝耳豈真有所慕於神仙者耶雖然武陵桃源奇縱隱秘知有父子而無君臣於行義達道有所未備而劉氏之書香宜譜自西晉以來鼎鼎相承今又得

桃源之沃壤以居子姓使其進退隱顯惟所自如
而人倫之道罔不克脩然則劉氏之桃源比之於
古雖爲小而其所以成乎後人者則至大也恒道
昆季尚加培植以毋忘嘉樹子雖不能如陶元亮
之述桃源記以張幽隱之趣他日南還當效宋廣
平皮日休諸公之體切風物爲恒坦賦之

下村梅雪庄記

安成樟塘劉氏之彥曰賓瓚嘗於居近西崗嶺舊
各州村構屋數十楹以居遠屋之傍植梅百餘株
以爲玩適之資一日歲晏天氣寒沍大雪交作賓
瓚憑軒而觀之璀璨玲瓏若新開天府而萬玉爲
之燭耀也光明圓潔若俯臨重淵而羣珠爲之吞
吐也繽紛雜遝又不啻素娥美姝霓裳綺佩下廣
寒而遊乎瓊島也於斯時也蓋畫有所不能工譜
有所不能盡亦景與時造物與人會可以自適其
適而不可同乎衆也因題其庄曰梅雪及來京師
以其景語予予惟梅者物之至香者也雪物之至
清者也然梅地之所產而雪天之所降也地產或
可以力而植天降則不可以強而得惟信其自然
取其所當然者而與之合則至香至清之趣不在
乎物而在乎人矣賓瓚系出龍雲先生後其先君
子志淵翁以隱德爲江鄉儀表叔松坡翁舊嘗與

予同學於復古謝先生之門善賦咏故賓瓚昆弟
皆能咏今乃開創隱逸以適園林之趣此舊家風
味自然殊調者也視世之豪門勢室以薰炎爲尚
屑屑於智力之餘謂之標致者何足與議哉昔林
逋逸士習隱西湖歐陽子稱其善爲梅雪寫真後
竟以擅名當世賓瓚既得佳境若能勉繼松坡餘
韻以增崇詩價又焉知茲境不與林逋並稱也哉
俟異時南還泊舟西山來尋梅雪主人當爲取詩
囊以評佳句何如也賓瓚曰若然不可以不記於
是先書此以爲後來約

榮壽詩序

壽與榮世之所共尚也然壽出於天者也榮出於
君者也出於天者不可必出於君者未可期此其
所以爲難得也然德有於已者則異於是徵諸天
而天錫之望於君而君賜之豈非有本之故歟有
本斯可以致之矣予同邑劉君拱政別號碧庵朱
龍雲學士先生之系也由下村徙居邑之南里爲
人立心端正處事公平素爲鄉里所信服平居以
耕桑樹藝爲務暇則用詩禮自娛待二弟曲有恩
意所寓廳堂廊廡皆一新之與同處而無彼此配
蒙岡王氏有淑德凡碧庵意有所欲皆爲協相以
成之篤生五嗣俱卓犖奇偉長曰秩由進士屢進
行人員外郎今陞任郎中考績獲最推
恩封碧庵爲封直大夫官爲員外郎配偕封宜人可
謂榮矣哉今當獻歲孟春二十四日碧庵適年六
十有四宜人亦六十有三並鶴髮酡顏康強無恙

可謂眉壽無疆者矣秩以居官受任不獲南還稱觴上壽過求縉紳大夫士作榮壽詩歌將封還以爲二親祝其於子道不亦兼盡者歟詩成徵子序予聞論語曰仁者壽謂行仁者無不壽也孟子曰仁則榮謂履仁者罔不榮也今碧庵翁居鄉而人稱之在邦而士譽之非行仁致壽者能之歟况教子成名而致迺鸞命服之封非履仁致榮者能之歟今年過耳順在朝名公俱作爲篇章琳瑯鏗鏘緘封千里以爲綺筵祝然則世之所尚者榮壽兼全亦惟盛門有之矣雖然人之壽有自耳順而進於期頤者世之榮有自三鼎而終於九鼎者猶爲古今所重也碧庵尚勉於衛武抑戒將見必於天而期於君者又豈有涯涘也耶予與劉族素連通家今介壽有日尚當握衣趨庭躬爲榮壽祝

袁君隱與餘慶堂序

夫世之所以稱爲賢子孫者由其不忘先德也最先德之所積者深厚故子孫綿綿愈久而愈繁益遠而益邵誠非偶然之故也爲之後者若能念念不忘則先世之德常存而不替而已之德亦歸於厚庶乎有以克紹於先而垂裕於後矣同邑袁君隱與其祖初諱鞠由河南汝陽宦遊江右子孫留居之宋末兵興徙安成西永福里之厚溪而家焉由是支裔茂鬱爲江鄉世姓祖利賓公國初以孝行薦於朝徵書旣下未就而沒父如心公洪武中欽取人才有司升送赴京試政秋官授職爲邑宰歷官六任凡二十餘年能聲著於四方而未嘗有一過舉以疾歿於官可謂難矣其在廣東永平時以其所求各公特書餘慶堂三字揭之官舍指示隱與曰吾職雖薄皆由祖宗積德之所致豈可或忘爾他日還鄉當以是懸於中堂則於吾言亦庶乎不廢也隱與佩服惟謹懇切於懷久

矣一日來遊都下以所屬求爲記余憶家居時往來
邑西愛其地民風淳龐不事浮靡有古之遺俗而裴
氏一族又皆循循謹飭余竊隱興好古情深能盡大
道之大綱故余歸省之年嘗別墅而托隣焉余隱興
求爲之記故無容辭聞之易曰積善之家必裕餘慶
是慶自積善始也譬之木與水焉根之固者其壽也
必茂源之深者其流也必長非一朝一夕之故矣詩
曰無念爾祖聿修厥德又曰不愆不忘率由舊章請
以是記之中堂而且爲其後人勉

吳竹坡文集

卷五

二十四

吳竹坡先生文集

臨川李巨來先生 鑒定

七世孫琦重梓

附載 御賜詩與藩王諸名公題贈詩文

宣德八年上半年御西齋試取新科進士二十八人

入詞林以應廿八宿拔公爲第一製詩裁卷

以示勉勵

召堯崇文閣乃在城北隅登高一盼望羣飛切雲衝

吳竹坡文集

附載

其上何所貯于載聖賢書其下何所爲衣冠講唐虞

國家以興學側佇登俊儒願此閣下人勉力惜居諸

天順元年上行大學裁卷賜詩首公爲大司成

廷有司言自周則然後世襲用愈密而重策命所出

講學所資廷有機務于度于咨代有賢哲博文明識

克勵翼之用光厥職咨爾儒臣朝夕左右必端乃志

必慎乃守啓沃之言惟義與仁堯舜之道鄒孟以陳

出詞典實浮薄是戒謀議所屬出於外心存太公

罔役于私昔人四禁爾惟勵之獻納論思以匡以益
以匹前休欽哉無斁

御賜詩酒致勞成化十七年予告歸里

天朝盛文治輔德資耆儒念爾筋力倦趨朝度非宜
作人有佳訓納誨多良規啓沃得深意唐虞以爲期
新陽屆初復爾遂有歸思酬勞賜樽酒庶以祝期頤
魯王殿下製詩景泰元年奉命代祝

聖皇御宸極恩波浩無垠詔遣皇華使追祀敦親親

吳衍坡文集

附載

二

有美翰林彦文采騰青春驅馳魯東地奉命惟殷勤
牲牷總肥腍俎豆嚴具陳一誠在感格上體堯舜仁
竣事戒行李縫綬情最真輕風颺落花紫陌揚芳塵
去去翔寥廓天近瞻龍鱗玉堂地清要雨露湛恩新

魯世子贈詩

玉堂仙人美如玉濯桂嶺官耀華躅承恩奏對太昭
宮夜歸幾賜金蓮燭茲晨奉命來東魯皇華使節多
從容禮周祀事返行旆藩維拜別何匆匆聖恩自是

深如海天闊裁裁雲五彩丹雘一片傾葵藿衮衮才
華人相待江頭柳線垂黃金棹歌歎乃樂河深鳳池
還筵舊繕行天顏咫尺聽韶音

衍聖公孔諱彥縉贈詩

香帛親持出帝京肅將明祀格王靈八音樂奏登啓
美九列陞陳氣味馨雅度雍雍方在陞神容穆穆若
臨廷禮成還泛仙舟去載得嘉祥上紫冥

楊文貞諱士奇先生送別詩

吳衍坡文集

附載

三

同館忽相別相思春復秋十年見桑梓邊意正綢繆
權聚故鄉曲陽尋借釣釣寧知鵲鳳侶延望在瀛洲
劉應節諱寬先生送別詩

客路遊年久鄉園別日多京華忽相晤歲月已蹉跎
把酒休論命裁詩巧自歌明朝理歸權無奈別離何
魯大魁諱榮祖餞

石頭城下餞歸舟卻羨名儒賦省遊水邊河渠通海
海路從淮甸入吉州客帆春盡多逢雨官舍風高只

似秋莫嘆交情成間隔鄉關親近日悠悠

周文襄諱忱送別

京國同遊能幾見客裝臨別更相親
暫時猶論共鄉縣明日應憐送遠人
禁裏踈鍾催曉色陌頭嘶馬逐行旌
玉堂師道欽珍重坐擁青毡不厭貧

胡相國諱澹贈行

昔年姓字題黃榜今日功名白玉堂
聖主九天飛鳳勅老臣萬里佩龍光
江南路遠蘆花白淮北人歸柳

吳坡公文集

附載

四

葉黃若到親開開彩服朝衣猶帶御爐香

高文毅諱穀送行

少年及第冠羣英乞假南歸荷聖明
彩戲高堂頗悅母黃焚先隴更傷情
經行楊子春波穩望入匡廬晚翠橫
眼底交遊多聚散一尊別酒莫辭傾

王文端諱直送別

久向詞林負盛名皇恩超拜大司成
談經不愧胡安國造士應期許仲平
鳴佩此時辭北闕揚帆何日下

南京彝倫堂上無餘事惟有梅花共此情

李忠文諱時勉喜歸來訪

吾弟別我經年歲相逢前在五雲邊
通衢握手總歡笑客舍歸來誰獨憐
入門喚婦便沽酒室中寂寞何所有
簾前白日照晴霞庭外鶯聲落疎柳
坐來且未歎離居皇都風景近何如
汀波漾輕鳬出關樹秋清白鴈踈村
家酒貴沽來少夜盡半酣語未了呼童
剪燭列餘尊潦倒高歌不知曉看君磊
落多奇才作官近在黃金臺明年北海
憶壯士天上美人來不來

吳坡公文集

附載

五

蕭大魁諱時中喜歸詩

薊門九月雪花飛故人疋馬金陵歸
壚頭對酒不勝酌別後一見還相逢
昔年同聽橋門雨鄉邑知人心四五
茶邊論古日斜斜燭下彈棋月將午
與君憶別已七霜山川迢遞意渺茫
前年扈蹕來朔方問訊那知真安康
金陵吉州應咫尺一限天書那可得
秋來卻被朝天催重向金門覩顏色
髮毛已白顏如童年

見翻疑似夢中清懷離思寫不盡南還別我何多
請君試看東流水別意與之亦如此

李忠文先生樂休吟贈

步入壺丘一逕幽衙門沁水兩悠悠山將秋色凌波
靜潭湧清源出石流明月近窗殘蠹帙白雲低檻有
漁舟紫藤花落春陰底誰與樓閑共此遊

從兄松溪寄懷

十載水心在玉壺壺中風景愜潛夫瓏頭放櫂多
艸屋角樓鸞長碧梧鑑沼可漁何用釣秋田堪釀不

須沽他年得遂連枝約好與松篁作畫圖

從兄栢軒致勉

兩足東郊賦續新老樵捫虱望黃塵圓通秦法撫經
世拘執周官會誤人竹屋雞鳴頻起舞草廬龍去一
沾巾細烟疎雨炊熟野菜羹香未覺貧

從兄栢軒寄復

手種寒梅二十春閑中聯得挹清芬吟詩不入通編

俗紀勝偏勞學士文興遠迥疑連竹雪裏迴常覺
梨雲堂中畱取姜肱榻有待南還坐夜分

大冢宰王諱直題竹坡竹

東吳才子鳳墀客年少聲名重京國自命能爲竹寫
真興來醉潑金壺墨數枝蕭森拂雲烟下有怪石何
蒼然珊珊嶙峋出海底彷彿一片來湘川庭中客散
車馬靜滿窗涼氣侵人冷清聲不聞振珮環四壁但
見橫秋影知君對此日徘徊長覺瀟灑襟懷開莫教

風雨龍化去畱待雲霄丹鳳來

高文毅諱毅題竹坡公金門待漏圖

有履其容有敬其德允矣君子斯世之則騰翰苑之
英聲擢成均之清職高風雅望朝野咸推博學弘才
師儒共式所以對越聖賢者氣質之清所以超邁等
夷者威儀之飭惟古道之是遵迄今人之匪直斯人
也殆將醉六經友千古與昌黎頤達同符而合跡

王文端諱直題竹坡公像讚

有嚴辟雍儒教之宗以育俊才以興治風簡賢爲綱
天子有命而君實來斯文之慶君之所學賢傳聖經
博究羣言隆隆其聲規矩方準平繩直因序具瞻
惟君足式顒顒昂昂儀觀在堂深衣幅巾與道翱翔
劉文安送竹坡公長子遠郎陽行壽圖

漢家太守乘高車高車皂碧兩幡朱褐羅涼徽歟旌
髦舉開絳帷五馬驅威儀氣槩有如此流傳後世光
簡書所貴太守德相稱襲遂黃霸誰與徒我有黎娃

吳竹坡公集

附載

八

宇養微出從科第際唐虞周旋侍御知幾載守郡乃
今自天衢天衢勅諭信美好太守春行樂有餘存村
日暖眩花眼柳堤風細吹銀鬚借問行吟何所樂樂
我民庶安田廬一犁濕土農叱犢牛棹清江翁賣魚
樵夫弛担來問字野人耦耕行揮鋤應知闔境足衣
食太守不覺下其輿左右相從私告語我翁愷悌今
所無郡人乃與叩畫師揮染縑素爲茲圖君今官滿
泰藩省黃金帶上花扶蘇花影餘愛畱故都其棠之

樹比幾株白頭父老遙相祝入輔聖主持鈞樞

竹坡公省親詩序 國子祭酒李時勉

翰林吳君與儉得請歸省其親鄉之士大夫餞之侍
講劉君之弟賦詩以送之而以序屬行與與儉親且
故叙宜不辭夫士之仕于時有冠冕以華其躬有爵
祿以給其家有推恩之典以及其親而又當國家清
平無事之時得歸盡覲省祭掃之禮此人情所同也
而有不同者或貧苦樵梓而田園林壑無復昔時遊

吳竹坡公集

附載

九

樂之所或父母昆弟俱已零落俯仰顧望之際形影
自憐又或兄弟宗族漠然相視不復顧念若塗人者
夫如是將不以爲樂而又何樂之有哉今與儉慈母
在堂康寧壽考其真節懿行女婦有莫之及者從兄
與肅溫恭而執禮慷慨而好義與與儉居自幼至長
恩義猶篤與儉之所以得專心于詩書文藝而無內
顧之憂者以有與肅也兄弟皆自臺北徙居西山中
前年予歸訪與肅與肅延予遊山谷間至一平田沃

壤林木茂密處指以示予曰我將構數十楹待吾弟
歸奉親於此余徘徊嘆羨久之以爲世有親兄弟爭
訟財產連年不決者有遭禍患流離死徙視若常人
不以經意者有開很賊殺雖親父母莫之能制者若
與肅之所爲豈不賢乎與儉今日之歸其爲樂可勝
道乎吁此天倫之樂真樂也而得之者蓋鮮予也二
親人已見背諸兄子姪之計相繼而至鸞鴻蘭樹舉
目傷懷是則予與與儉同其情而不同其樂於其行

吳竹坡文集

附載

十

不能無感也故道其所不同者特詳焉

代祀關里叙

內閣學士陳 循

皇上嗣寶之初分遣股肱侍從代祀羣神之在天下
者蓋以卽位告卽有虞之徧于羣神也羣神謂古
帝王賢聖以及岳鎮海瀆之類固慎選其人而遣
祀孔子獨以待講吳君與儉往一以尊孔子一以
重翰林此與儉之所以獨得榮命也歟夫岳鎮海
瀆其澤固足以資惠於當時古昔帝王其德固足

以爲法於後世然以觀孔子之道生民用之猶樂
寒療饑之有布帛菽粟帝王用之猶取方治圓之
有規矩準繩其德澤寧有既哉然則尊孔子有加
於岳鎮海瀆古昔帝王也宜矣且士之誦詩書以
爲言修仁義以爲業者恆患不得以文學廁天子
侍從之列而猶恨不得聖人之門而入且不得一
及其鄉以瞻仰而想像之如與儉今日者可不謂
榮且幸與茲奉

吳竹坡文集

附載

十一

勃就道凡得交與儉者皆賦一詩爲贈以致歆艷之
意以予猶歆艷之篤至者屢叙于首端遂爲之書

任南監祭酒叙

國子祭酒蕭 鉉

是歲十月南監陳公敬宗致仕詔侍講吳某代
之時先生典試應天方同薛暉復 命通承
恩旨于是交遊之士皆爲之喜曰先生斯任吾輩與
榮焉乃相與卽事賦詩而謂予宜叙甚矣諸公之
於先生厚也予因讀詩有感焉夫司成傳師之職

朝廷委以教化士子賴以甄陶非不清且尊也而其實有不然蓋一人之身簿書錢穀皆備生徒衆多往往捨筆硯而事趨走甚者欲有所營且挾利害以相要從之則失已不從則失人雖欲矯然自立不可得其冗且誦若此安在其爲親且尊也所未知者南北或有不同耳往者李公古廉在北監陳公右南監二公皆當朝風望人所佩服者然李公嘗言使吾爲順天尹當緼然有餘獨不能爲祭

酒耳予始聞而疑之及公去而予竊位於此一日之中救過備敗之不暇然後知公之言不虛況予蠲不及公萬萬乎今南監得先生殆與李公後先相望矣嘗謂士之能否猶人之負荷有力者雖舉百鈞談笑自若也而綿力者一鈞之重且背肩蓋氣不能致跬步其相去豈直倍蓰哉予老且病當以其情自陳既蒙矜允而復畱任職雖強畱知其不能自振也今先生固強有力者其清且尊宜矣

先生於陳無多讓余何敢不自力以附于李公
贈通議大夫觀凱公同貞節淑人墓門神道碑

銘記

翰林學士陳文

文其節同官翰林視太淑人猶母也今得同觀凱公合塋榮幸莫備焉碑銘奚辭按公諱亮字觀凱出唐史臣兢後曾孫原道徙居邑之臺北公與父玄初俱贈通議大夫母施氏生母劉氏與元配王氏俱贈淑人公玄初第四子才質過人篤志於學

將有爲於世遇道者谷蟾言相不應壽考惟勉行善事可延耳自是棄舉業澹守樸素散其家資以周貧窶有婦鬻身以贖夫罪者途遇強人奪其金婦尋死地公適遇訐其故倍金以償夫妻團聚一日復遇道者告曰子有陰陽矣然命數已定子孫異日之貴尤勝耳公以永樂己丑歲卒得年廿有七子節貴三贈今職信若谷蟾之言也其元配淑人王氏出宋名臣廷珪後自幼端慧柔嘉勸於文

紅及笄歸公善事姑和於妯娌凡公所欲爲若孝
灰之事交遊之需祀先之典皆營辦以待必誠必
敬鮮不備者長子瑗天賜次卽簡生一歲而公歿
矣時姑在堂淑人以養姑存嗣爲心居止常依爵
進二姪二姪亦事之如母由是得盡母道以成子
之學魁鄉解第進士入翰林三任今官當母淑人
年九十時正天下朝覲之會京內外官烏紗朱衣
羅拜者千六百人有奇及卒

聖天子諭與祭百官皆祭又奉

俞旨遣工部觀政進士彭俊與江西承宣布政使司
趙謐親同督工營塋於時鮮有儷者女一適戴氏
孫二長遠舉進士入詞林選監祭御史次高舉孝
廉授安慶通判曾孫冕以陰補國學夫以公壽不
償德而慶延於後淑人德並於公而福壽俱隆况
有子孫以碩以昌何其盛哉知先生歐陽永叔表
隴岡之墓因母而得父陰陽之詳於旣顯之日曰

非敢緩也將有待也今節因壽母之歿而與父合
塋得並碑銘于神道亦永叔之心歟文義不敢辭
故代之以言而系之以銘曰吳氏之先顯於唐後
先簪紱相輝光徙居安成嗣尤昌隱德弗試興羣
望嗟嗟凱公壽不償淑人繼德女道良有子有孫
各孔揚顯親有道逢時康敦行忠孝餘文章年逾
七袞躬母喪奉柩衰經歸故鄉志存考妣同哀傷
緣卜宅兆其吉藏屬予代言銘周行仰懷永叔表

隴岡

竹坡公行狀

大學士 彭 華

先生諱節字與儉號竹坡唐史臣兢之裔吉之安福人也生而有奇狀左額頂有紅痣一歲失怙幼從鄉先輩謝復古暨其從子桃源知縣利貞學得其詩法兩公甚器重之期以遠大已而從鮑楚山學春秋時忠愍劉公球博士主公原侍郎李公紹及楚山之子叅議公時皆同門一時號稱英俊而直諒多聞海雅讓先生宣德己酉領江西鄉薦第一明年會試第二

吳竹坡文集

附載

十六

入對大廷賜進士出身選入翰林爲庶吉士御賜製詩勉勵先生感激益大肆力學問探究羣書靡所厭倦乙卯除編脩正統戊午脩宣廟實錄成增俸一級賜宴禮部焚藁又賜宴內苑西湖上三載續取得如制封贈壬戌乞歸省館閣三楊以下及在京交遊名公贈以詩文莫不歸重焉過南昌諸宰藩特賜書硯以致期待之意還朝脩五倫書成賜御製書及五經四書九載績滿陞侍講食從五品俸己巳之變條奏

經國時宜十事皆國家急務景泰庚午奉命祀古帝

王及先聖孔子是秋主考應天鄉試號稱得人尋遷

南監祭酒視廟堂門廡及諸生齋舍多敝壞節奏請

脩葺詔靖遠伯王驥督之踰年落成大學士陳公循

奉勅紀其事三載績取賜之誥有端慎周詳已著育

才之效公勤穎敏尤成興學之功之褒進封贈父母

及妻九載食從三品俸仍理國學事又三載以老請

致仕英宗特詔留之曰國家師傅正須老臣卿宜悉

吳竹坡文集

附載

十七

稱無容懇辭又踰年英廟上賓今上嗣位名乘傳赴

闕改大常少卿兼翰林院侍講學士時修英廟實錄

以先生爲副總裁兼侍經筵成化改元考順天鄉試

上幸大學賜坐聽講丁亥實錄成賜織金衣彩幣白

金毳大常卿仍兼侍讀學士與內閣諸總裁列宴於

西湖上築修者不得與焉尋蒙特給誥命封贈祖父

母若父母若妻未幾丁太淑人憂守制以歸遭官致

祭且勅有司營塋服闋赴京謝恩畢即日乞致仕上

察其誠許之命兵部給驛遞南還先生天下才於書無所不讀爲文章援筆立就多至數千言滔滔不竭無刻苦艱窘態雖老而不衰於詩五七言古今體隨題命意開闔起伏不拘拘摹擬而自合矩度猶善啓迪後學初在翰林時從遊者甚衆口傳心授日穉而月課之因其資質高下誘掖獎勸以勗其進故凡出門下皆偉然有名望殆未可以數計一時稱師道之盛者未能或之先也其在成均生徒多至三千雖不能屑屑人人指教如翰林時弟子而凡有問者亦即大鳴小叩小鳴莫不各滿其願其爲總裁也以耄疾舊人爲十館所師法其居家奉母極孝與人交心愈坦坦不立崖岸無少長賤貴咸樂與之親比待僮僕一以恩未嘗施鞭朴歷官四十年以二僕自隨雖老不忍易置曰是知吾性者二僕事之亦如子事父然晚年歸家謝累惟立祠以奉先藏書以訓子姪崇恩愛以睦族屬勤宴會以和鄉里白髮酡顏娛情物外

長篇短句詠歌大平而已如是者十餘年而後奄然以壽終時成化辛丑七月某日也享年八十有五吾邑仕宦顯而春秋高無與先生比者計聞上遣官致祭且命有司營塋先生娶易氏贈淑人繼李氏以子遠貴贈恭人子二長卽遠天順丁丑進士由翰林拜監察御史以言事出爲夷陵州判轉鄧州知州擢陞鄖陽知府所至有聲次高與兄同領江西鄉薦拜安慶通判女一孫男八長孫冕以廕補國學授德清縣

吳竹坡先生詩集序

杜少陵云讀書破萬卷下筆如有神蓋言擅制作者必博學而後能也予同年吳公與儉夙負英姿居江鄉以善詩名及登春秋解魁第進士遭逢

吳希聖先生詩集

篇序

宣宗皇帝崇文重道妙選俊乂爲席吉俾居中秘精修古學先生遂懷感激博極羣書肆入浩汗由是列職編摩進陞講官超授南雍祭酒久之承

召歸朝先後兩修

國史一爲總裁再入翰林遂兼學士

晚以常卿致政來歸遭際可謂隆矣然而學識無所不窺其譽望無所不聞其門第遍海內無適非是四方人士得其片楮皆知保愛重於圭璧況於賦詠乎蓋其制行端

吳希聖先生詩集

篇序

故立言也正其操守堅故持論也確其涵養入故負氣也充以周其組織密故摛辭也豐以緝是以形之編簡自然金玉鏗鏘虎鳳炳蔚以張視聽斯文宗主而當時之大手筆也先生既退休門人王儉與

其子遠高彙集其五言歌行律絕
通爲上下編題曰竹坡詩集予與
先生同釋褐相處且故旣獲拜觀
爲序其帙而歸之俾觀者知先生
之操修造詣博學無方言足以垂
範誠儒行中之卓然者其爲傳遠

示後也宜哉先生名節安成人竹
坡其別號云

資德大夫南京兵部尚書掌軍國
機務都察院左都御史致仕廬陵
蕭肇維貞序

吳竹坡先生詩集目錄

臨川李巨來先生 鑒定

七世孫琦 重梓

卷之一

五言古

春日遣興四首

入史館三首

郊祀慶成六首

雜詩五首

觀放進士榜四首

感興八首

黃金臺

登玉皇閣二首

吳竹坡先生詩集

目錄

卷之二

寧殿下賜硯志喜

遊子吟

承召言懷

晚泊板橋灣

次珠磯和韻

晚發新河

蓬窗聽雨和韻

月下乘潮

秋夕感懷

簡劉實李紹二兄

元夕分韻得駕字

送王謝二公還青原

人日席上得晃字

送楊季安尹景陵

暉舅還安成

送陳叅議復任湖廣

題存澤卷

題混然子卷

逸老堂

王貴莊致仕還安成

劉春官典蜀府喪禮

毓信愚隱作

伊尹璇觀歸安成

樂澹軒

江湖勝境

除編修寄故鄉交遊

中和節宴王秋官宅得家字

送彭大雅歸廬陵

柴主事貞壽堂作

吳衍坡公詩集

目錄

二

卷之三

五言古

與翰林蕭鎡諸友遊西湖玉泉分得然共二字

題王孝子九我堂

劉五士本軒作

立春宴集得高字

鮑參議之山西

羅兼善敬齋作

謝庭循翰墨林作

分韻得讀書臺送陳太守還郡

心鑑堂

中秋宴集得問字

鄉耆劉直溫來京以疏挽邑令得請還書臺

送王大叅致仕還鄉

九日宴集得舉字

送金中書還縣問子

孤山隱者

卻高道樓觀圖作

王御史之淮得堯字

穆留守濠梁思親作

水仙花

楊壽天還建安

送萬御史節赴南京

題扇贈生謝旭

冬至宴集分韻得線字

讀巢睫集有感

卷之四

五言古

吳衍坡公詩集

目錄

三

予告得請留別詞林諸寮友

壺丘書舍

擬田家四首

登洞淵閣簡劉道士

承東里石首二楊先生寄詩

簡英才彥學二隱士

題鄉友蘭竹圖

送楊翥予告還鄉

賦得束陽峰贈邑令何澄還任

元夕劉主簿席上得連字

學正羅兼善改除之化州

送同年劉實之金華 贈劉習之湖廣憲幕

九日賴編修邀飲得花字

建昌胡大尹畏清作 至日讌集得影字

陞經筵侍講簡同寅 題劉逸士松竹林

題同邑隱士養素軒 除夕

懷兩溪直士四首 挽袁尚寶忠徹

送毛行人之廣東

柴竹坡公詩集

目錄

四

卷之五

五言古

魯殿下命楊長史同遊諸苑

簡同行儀侍郎銘 衍聖公彥緒藏塢作

與世職令孔諛飲射觀德亭

舟至德安留簡周同寮

早秋委考南臺簡劉侍讀定之

京闈月夕集宴以大地二字爲韻二首

劉同寅得熊掌邀余不能食棄之江中志歎

陞祭酒 命往南臺宿京口候曹尚書不至

春祀夜宿齋閣 伏日觴客

旭讓冲和堂作 寄周仁俊隱士

養順齋 王繡衣驄馬行春圖

三仙傳道圖 觀泉圖

如山卷 題范同年愛日圖

送劉上舍還吉安 彭氏中村別業和吳韻

泊鎮江簡姚太守 遊金焦山紀勝二首

柴竹坡公詩集

目錄

五

送劉檢校之滇

送顏推官歸閩

遠兒登第承蕭廖二同年過訪

送石布政之山西 王大守懿訓堂作

題劉推府清慎齋 考績至徐遊寺二首

寄陳都指揮 寄南昌道者

題劉隱士林塘清隱 題張友思親

卷之六

五言古

赴召之北承都尉府部諸公送出石城頭

車駕幸辟雍詩二首 送周侍讀之南祭酒

趙教授融齋作 閱書籍得同年手札題

金川綺岫圖 題同宗良醫林杏齋

旅寓初成承李陳三學士枉顧志喜

送劉憲副歸文江 贈戴瑄主事之南京

喜同年江時用歸自遼左

史成蒙特恩賜祖誥承尚書李秉陸瑜二公過

訪且辱先容贊詞賦此識感

吳衍公詩集

目錄

六

慈舟南還至安德二雅遠高俱會至濟河別去

戊子慈塘成承參議趙謐贊至

御製祭章峻事還御垣 贈進李顯竣工還朝

雨中久無來報今晨稍霽姪子瑄瑾至聊慰岑

寂翌日別去賦此紀懷

和陶徵君詩四首 世短意恒多

野外罕人事 種豆南山下

少無適俗韻

庚寅服闋之京舟至南康望白蓮社

龍江市鱖魚 舟至揚州饋鱸膾

膾月謝恩後具疏丐休得請志喜

辛卯春承王寺卿陸司寇李都堂諸公預餞于

寶光寺

仲春望日辭朝蒙商萬彭三元老暨部寺諸公

出郊三餞而別 舟行渡相見灣

舟泊吳城望匡廬因憶去日共同年四人今唯

吳衍公詩集

目錄

七

予一人還不無慨然

歸田園居 種藥 衙門

卷之七 聯句

上呂梁洪與同官劉安止聯句

詠古鼎與同學鮑時王原聯句

遊武功與同學萬資中觀金燈聯句

燕宿謝氏永濟翁山樓聞松風與永升聯句

謁陵與定之克述馬上聯句

卷之八

歌行

冬狩行

瑞鳳圖

壽山福海圖

忠勤堂爲都尉趙勣作

紫金山圖爲永春題

畫龍歌

白牡丹

崖松海濤

醉翁亭

御乘飛越峰歌

吳府公詩集

目錄

八

墨竹歌爲蕭士高題

鯉魚圖

射虎行

梅花圖爲劉故題

慣窮戴先生挽詩

孔子泣麟圖

卷之九

歌行

贈鮑主事使寧藩

牡丹歌

井溪山水歌爲翔高翁作

紙帳歌爲易雅望作

送袁州大守王宗敞致仕歸常州

草堂三顧圖

李白扶醉圖

題桂池羅處士遺卷

清池草樹歌爲劉知州題

孝通祠龍子歌

湖山歌爲誠思翁父子作

壽椿堂爲伊侃作

宋七賢圖爲孟嘉題

山水畫爲王主事題

孤竹爲易居士題

曉亭送別贈姚子禮之湘中

賦得瑞溪歌送編修陳文還廬陵

天祿閣爲劉吉士題

把酒問月圖爲李修撰

吳府公詩集

目錄

九

兩村烟樹歌爲曾鞏賦

荷花圖爲楊和題

息齊支離竹圖仲兄與栗得之因作歌以戲

嚴灘歌

洞府仙源歌

挽鄒廣文

折尾竹歌爲同官克

朝陽鳴鳳圖爲同年彭主事作

卷之十

歌行

一樂卷爲同年林恒簡題

得月樓爲隱士李志節題

教授尹遜喜竹歌

白雪歌送秋官曾暈歸泰和

榮慶堂爲陳頊作 半窗竹爲順陽題

壺山歌 六龍圖

松月圖 梅花圖爲陳教諭題

同年結事朱璉沒作些歌以哀之

畫山水歌爲周處士題 景德樓爲劉教諭作

林石禽鳥圖爲顧隱士題 鵲鵲圖爲鄰友題

吳興公詩集 目錄

十

卷十一

歌行

泊青原陳太守過訪 主事陳安送暹羅使歸

九日宴集得霜字 九歌圖代李先生作

荆都司行樂圖代李先生作

送馮太守敏學之紹興

東坡卧看秋山圖重和山谷韻

橘樂爲螺山道者宇定題

送周岐鳳致仕還文江

綉綵堂爲待御章聰作

滄州圖

賦得春草詩贈大叅孫原貞之河南

介山駐節贈叅議鮑時之山西

淵明歸柴桑圖

桃江錦石詩爲李巡官作

朝天鯉魚圖爲賀溥作

金陵白下亭送行人使南交

吳興公詩集 目錄

十

鴻鴈圖爲志先題 西昌雜昇萬里摘幼圖

卷十二

歌行

岳陽樓爲王朋兄題 送劉紀善還廬陵

題曾御史秋山碧障圖

江天暮雪圖爲俞寬題

送同年鄧叅議之閩藩

前元劉平妻殺虎圖

春日同賀志良訪宿劉隱士

鷹熊聽澗圖爲朱曼題

舖雛虎圖

送二彭頤頤賁詰還安成

花魁梅爲周旋題 題王安石遊東山圖

勅繪後貌歌 鴻臚卿周頤挽歌

卷十三

歌行

送彭頤御史之南京

錢舜舉畫馬爲王食憲題

吳竹坡公詩集

目錄

十二

鴻鴈圖

浩然踏雪圖

連峰歌送王原還安成

流觴曲水圖爲止端題

梧竹雙清圖爲儼相司訓作

墨梅爲劉學錄題

山水爲南昌張御史題

遼陽鎮戍彭表還鄉 智溪山水圖爲彥充作

九月廿三先慈愍忌值遠兒以詩臣來歸松澗

舅亦復至止得同薦總幙翌日別去

眞率會圖

讀書高處爲進士彭題

次兒高新除得安慶府通判臨分若悵悵者

君馬黃一首

湘江春雨圖爲同宗逸士題

觀泉圖爲舒彌極作 牧童詞

一躍馬門圖爲李進士題

雲山圖爲伍鳳作

西域貢獅子歌

南昌獻白龜歌

觀瀾圖爲尹直作

吳竹坡公詩集

目錄

十三

卷十四

七言律

戊午賜遊萬歲山十韻

萬歲山

廣寒殿

介福宮

延休殿

瀛洲亭

方壺

玉虹

金露

瓊島

元夕進觀燈詩四首

謁陵四首簡李侍御

懿獻宮挽詩四首

郊祀宿齋宮二首和建安楊少師韻

除夕詩二首和石首楊尚書韻

出師二首送刑部金尚書征閩沙

忠孝堂二首爲大師英國公作

至日侍班

瑞雪詩一首和荅周叙劉儼二學士

塞上進龍馬詩

吳竹坡公詩集

目錄

十四

早朝遇雪簡王理路壁二給事

登瀛圖

朝天紫極宮

孝陵陪祀詩

廷試詩

和柯潛學士遊普恩寺詩四首

挽彭養直翁

贈吉村宏顯貢賦還家二首

卷十五

七言律

庚午正月郊祀分獻二月遣祀魯府少吳帝堯

孔子各賦一律

寄平江侯預兼酌松石二首

郭熙九成宮圖

和祭酒李先生病中以詩贈學正魏齡

與諸友登鷄鳴寺古塔

送友人歸廬陵

送李知府之吉安二首

壽松詩爲允濟題

早發新河簡劉檢討

重過臨清和友人韻

吳竹坡公詩集

目錄

十五

送楊司訓之陽朔裝修拱圻也

送彥實編修之南京

吟溪餘韻爲昉讓作

送王道士歸滄東

送全真子王英之吳楚

喜雨詩和張純都憲

遇青黎老人齊賢墓

和李學士寄復古謝先生詩韻

夜過白馬湖和同遊韻

寄同年知府范理任荆湘

驚鴻圖爲侍講刑寬題

送檢討李克述予告還安成

送同年虞瑛之息縣尹

艾山書屋 重題赤壁圖

送張諫進士之楚府修塋

琴書軒 南郊書舍

同鄉古愚戴先生得薦書

送毓敬僉憲督學之廣東

送王邦英之景陵丞 送同年鄭建之處州判

吳竹坡公詩集 下目錄

十六

送教諭徐安之之安成

卷十六

七言律

讀文丞相遺藁有感

送侍郎郝瑱陞級還南京

送都慰張收鎮遼東 和王理學正詩韻

途中遇潘參路壁歸雲南

送戴冕遷華亭令 送劉進士還朝

送彭內翰純道省親還安成

送李宗伯克述移居還安成

送丁澄赴召之京 聞叔庸藩叅之京

戴氏隱壹二甥省予京師及歸作此勉之二首

松坡劉適徙居小桃源慶喜

寄馬練師

與張都憲楊司寇薛理卿同宴荷亭二首

和柳庵王冢宰送行詩韻

四月望夜舟中賞月

吳竹坡公詩集 下目錄

十七

與翰林諸公遊白雲觀得棲霞君桃二首

赤壁圖 愛蓮圖

長樂下車送王讓憲副之閩中

送給事中湯鼎行人高寅使安南二首

癸亥紀行十首

右凌波亭 南浦亭

望湖亭 匡廬山

小孤山 大孤山

隨帝祠

淮陰祠

清河縣

卷十七

七言律

湖口石鍾山詩五首 永瞻齋

送何侍郎文淵移疾歸廣昌

梁紹影自北負親骨歸壑

送同年希璉薛繡衣之江西

錦亭風木詩爲鄭典史作

吳竹坡集 目錄

十八

送編修倪謙畢姻還鳳臺

臨溪樓爲孫惠作

寧藩遣李儀賓賚賜未央瓦硯

賜逸卷爲中書伍勛作

送世俊王太守之潁江

送憲副焦寵之江西

和滁守陳璉寄徵士楊胤詩韻

送吳道士住持之滁州二首

送高清紀還朝

謝陳教授秋鴻惠棕竹

送林坦僉憲之湖廣 和叅議鮑時奇韻

和周旋修撰見寄 慶王侍郎嘉八十壽詩

送胡肅通判之沔陽 和中書夏昶幽居二首

送御史張承翰貶海南驛宰

甲戌紀行七首

淮河 邳州

徐州 濟寧

秀水集 目錄

十九

臨清 直沽

通州

送同年許南傑之南安太守

桃源謝先生除賓州學正

送戶部照磨康旭致仕還安成

送同年方熙之潮州 送臥陽隆之潮州司訓

卷十八

七言律

安慶謁余青陽廟 沛縣悼顏伯瑞和韻

重過小孤山和韻

送王一夔修撰省祭還南昌

彭城曉渡送羅文振歸淮安

寄賀尚質封大尹

送學士王英陞南京宗伯

西湖覽勝和蕭鑑侍讀韻

寄遠端潘鑑二秋曹 與馬昂尚書

洞淵閣圖爲道會劉環靜題

東坡全集

目錄

二十

送御史張鑑之八閩

訪侍講徐理園飲歸途奉寄

商山圖爲許彬大常題

送署正萬資中歸省 呂昇少卿八十壽詩

喜胡愷黃雲二博士陞檢討

同侍講徐理修撰許彬夏官劉信遊西山盛濟

寺贈密中上人二首

馬學士喻挽詩

九日分題得漣菊

逸老翁爲同宗吳善存題

贈醫士胡秉常

送功叙周學士之南京

送縣尹劉仲行致仕歸廬陵

送修撰姜洪移疾還鄉

送同年江淵還蜀分題得黃鶴樓峨嵋亭二首

丁丑紀行五首

清河

沛縣

沙灣

德州

東坡全集

目錄

二十一

河西

送李庸修主事之南京

建安張大守瑞蓮詩

送教授劉文之瓊州

臨溪樓

送大守王昇之撫州

送侍郎鄭恭還南京

送都憲顧佐致士還鄉

舟行追周侍讀洪謨不及因風進寄

聞懷窮先生自北還

永新胡千戶遇有還官

賀廣寧伯襲爵

鄉友管數汝賀仕達謝

卷十九

七言律

和張都憲楷禁體詠雪詩八首

禁素白柳梨藍絮燕酒玉
粉瓊瑤梁園灞橋等字

送恩封馬學士歸山東

夜泊邊淮和同舟友韻

魯橋遇雨和韻

憶與濟伯楊善

送章侍郎大經還南部

送王叅政邦彥之河南

和大常卿余謙陪祀韻

梁竹坡公詩集

目錄

二十三

望雲思親卷

送侍郎俞綱還南京

和同宗吳純夫

火帽憂雲入景之一

望海雲州中作

送僉都盧祥鎮守綏

賦得翰苑儲才送學士王俱之南京

贈陳符夫還廬陵

送黃推官之楊州

題退思巷首張真人畫

雲遊僧卷代李學士作

林石軒為陸敏題

送周琳之清流教諭

卷二十

七言律

曉發龍江別京華親友二首

贈劉甥玉瓚任廣東教職

贈朱懷之南京尚寶丞

送知州鄭厚之鄭州

水亭勝景為大和楊孟固題計九首

東皋春雨

花塢夕陽

梅林琴韻

右橋流水

梁竹坡公詩集

目錄

二十三

竹徑清風

日照新荷

東郊芳草

鶴鳴涼月

魚泳晴波

送章副都之南京

送同年博士張子善還南京

贈侍講刑寬歸淮北

送劉存有致仕還京

郡貳戴禮解官歸永新

送王體悅歸安成

賦得百步洪送大尹梁果之閩中

送叅政彭森之福建 送劉珙之莆田

題與潔兄墨梅

九日同六科諸友登清涼山

寄張輯徐昱二助教

許旌陽清泉劍詩爲洞清道士題

七年長律

贈蔣都指揮點兵西征

壽祭酒李先生

吳希坡公詩集

目錄

二十四

卷二十一

五言律

濟南帥府多泉予獲觀者曰珍珠北斗梅花馬

跑蓮花各賦一章 詠水中石道傍柳二首

夜過琵琶湖

與王司訓夜泛

夜泊呂梁聞灘聲

客裏逢重九二首

聞高兒有夢熊兆志喜

送武陳教授致士

逢楊脣還鄉

送大尹之永新

送張僉事之陝西

得驛報遠高二子俱中鄉試

巖前桂二首和晦翁韻

送劉進士還朝

望安成武功諸峰四首

詠零露微雨二首

如行書事

郭主簿自袁徙晉陵

送人遊浙東

邊江居室

送孫指揮征遼左

墨竹爲廬陵郭進題

溪居四首

卷二十二

五言律

吳希坡公詩集

目錄

二十五

早朝

午坐東閣遇雨

朝房致齋晝寢有故人扣門作詩謝之

朝退

八陣圖

遊水心寺二首

姪理中京闕喜而賦此

賦得飛花落葉二首

玉堂燕

東陽山圖

與荔浦伍知縣

閉居春暮

送鄭肅司訓還三山

有懷劉昭王積二博士

送筴判還道州

大學曹昌汪讓駱子林除開邑湘陰信豐知縣

來謁念舊賦此

南臺祈雨有感和張都憲韻

與監生章緒將賓歸省

菖蒲

瑞蓮

大學彭熙彭鏞劉敏學楊觀除寧波廉州清漳

寧國貳守將行與詩以勉之

吳竹坡公詩集

目錄

二十六

靖遠伯挽詩二首

牡丹二首禁紅白二字

傳至南臺鄉錄有姪孫俊名喜而賦此

送徐都事之蜀藩

題翔高翁義井

寄中書吳希純二首用東里韻

連峰絕澗圖

蒲水軒二為陳大醫題

芳桂軒為憲政題

卷二十三

五言律

天津晚詩

玉梁樓

貢院夜坐

孤鴈

聞蛙

魚樂

送僧遊越

關山月

同粟兄登鷄鳴寺觀塔二首

晚泊牛渚

白燕

和少傅東里楊先生韻

中天樓觀圖

約將鐸姚華陽鏞三經術午會

吳竹坡公詩集

目錄

二十七

送友人還鄉

寄蘭隱者戴難二首

題壽星

神源龍歸入景之一

舟中值風雨

夜宿孫家淺逐盜

慰舟滌縣行觀諸小家

天津市嶸

銅陵七夕

送三白彭教諭之銅梁

西莊詩為彭發題

送郭寺丞之陝西

贈陳詹送幼子還鄉

卷二十四

五言排律

且慶詩爲會昌伯作

送弘彰鍾修撰省親還永豐

送歸晚司業代祀之東魯

送康振僉事督學之四川

泰山春雲

奉送東里楊少傅扈北征

同送建安楊少傅扈北征

吳郡公詩集

目錄

二十八

壽恩封檢討汝求劉先生

小山書屋爲尹侍讀鳳岐作

二慶堂爲費鈞同知作

村樂堂

送正倫陳大守復任之南陽

卷二十五

七言絕句

泰山十四詠

日觀峰

月觀峰

白玉表

雲母池

仙人洞

丞相碑

唐碑

秦松

漢栢

天門山

御帳坪

碎錦屏

十八盤

廻馬嶺

唐畫四幅奉魯藩命題

竹鶴圖

題龍虎二首

吳郡公詩集

目錄

二十九

和東里先生韻贈元克二首

送楊主事寧從征南夷五首

寫生四首

蛟龍

獅子

猿鹿

蘊彌

舒城大尹勸農圖胡紀員外畫十首

雜畫四首

牧皋宅

謝玄墩

赤松子橋

角里先生谷

陳希夷石屏

泊東昌承伍庸司訓過宿舟中

過武城蒙王侍郎來訪且惠白鷺

泊魯灣

柳花飛入舟中

折枝禽鳥圖二首

楊郎中征虜還詢舟已行因詩還寄二首

爲劉教授題畫上有宸翰及解學士詩

新得鹿冠肯贈長兄與讓

東坡全集

目錄

三十

尚書張瑛挽詩

送致育梁先生致仕還高安

送侍講陳叔訥還閩中

送修撰施槃父還蘇州

仙畫四幅四首

揚州遇建儲詔二首

石頭城

集靈臺

金人出獵圖

明皇出遊圖

竹枝詞七首

乘槎次笛圖

承諭德王憲洗馬江湖宗遠餞二首

寄副員外左贊承穎古

舟次德州與修撰周旋

卷二十六

七言絕句

友梅亭十二韻爲衍聖公彥紹作

小亭花雨

夾道槐雲

蘭階清露

桐井甘泉

海棠綴錦

萱草堆金

東坡全集

目錄

三十一

松窗皓月

竹塢涼風

苔石疊翠

花圃繁紅

古牆秀栢

方沼瑞蓮

望觀音巖

儀真遇彭華編修得報遠兒正榜消息

淮陽祭平江侯祠

安山鐸

德舟遇同年沈尚書致仕

望京

畫刪二首爲揚賦題

同寄彭李諸翰林

題馬送中書劉鉞之襄陽

春山圖爲劉推府希陽題

桃源圖

戒岡寺

送余給事使琉球國

送旌義張巨川還安成

寄修撰劉儼

墨梅爲希德題

畫馬

聚禽圖爲平侯題

翠鴿

眞鴻

卷之六

目錄

三十二

蒼鷹

鴻鴻

白頭

鴿鴿

鵲領

蝴蝶

黃鸝

練鵲

韓泥寫堯民繫壤圖

鄭虔畫陶潛高卧圖

蟬月軒二首

泊清山承謝逸士永謙邀宿次早留別

過湖口以書約王原兄不至

同進士劉球寓節宿戴氏滁溪山水間留別

張洪載宣道送至鳳橋

中秋泊徐示李良

中流砥柱爲助教段橫作

金陵雜詠十二首

石頭城

朱雀橋

烏衣巷

新亭

白下

陸機宅

卷之七

目錄

三十三

謝公墩

鷄鳴寺

玄武湖

大平題

鳳臺

鍾山

北河雜詠十二首

儀真堤

楊州觀

淮陰廟

漂母墓

清河

徐州

臨清

德州

天津	河西
百花園	大通橋
留別童緣徐溥二庶子二首	
雜畫四首	
拳石孤松	螺殼叢蘭
石上水仙	峰頂菖蒲
題荷花圖二首用錢舜舉韻	
山水四首	春日二首
覆巾軟牀各一首	寄鷄鳴巖長老十絕
詠醉道士石	二橋觀書圖
半身虎	與楊溪劉秀才
圭齋訪友圖	梨花青禽圖
題鶴鴻相聚圖送仲兄與肅還書臺	
與春潮司訓同舟自下邳至新安別云	
金川門升閣	
卷二十七	五言絕句

西湖遊	遠景
圓坡	盆池
偶興二首	朱利瑞香二首
屏山	珠嶺
伏虎岡	珙龍谷
憶劉清劉詢姚正三司訓二首	
湖天夏景圖	楚狂
水閣晴樓圖	百花臺
萬石溪	桃花洞
落星湖	雜曲
江村夜泊	採蒲二首
碧山圖	途中書事
市魚	湖風大作有感
畫魚四幅四首	
蓬窗八詠	
細帙	琤琴

書燈

畫刪

筆架

蟾蜍

繩牀

茶寵

効崔國輔體二首

寄王儉都憲

卷二十八

六言絕句

四時山水畫四首

梅林清趣二首爲河運使

山居四首

唐人名畫四首

吳竹坡公詩集

目錄

三十六

送道人之雲陽

茅山景題問華陽子

寄李儀賓

花木生意四首

嘉梅詩

荷蘭詩

松竹雙清詩

玄雲詩

吳竹坡先生詩集卷之一

五言古

臨川李巨來先生 鑒定

七世孫琦重梓

春日遣興四首

東皇變時序淑景同江皋萬植冒榮聳羣飛遞相遭
盈盈飄絮柳絮絮明排桃篆門繕亭榭農畝治桔槔
林影轉窓戶池光眩紛袍花鳥競新鶯壺觴感吾曹
撫事或興歎攄懷亦忘勞僕夫理行駕明當肆遊遨

吳竹坡公詩集

卷一

其二

品彙雜繁縟芬葩讓桃李臉酡托丹霞質皓視鮮綺
旣蒙朝露滋亦藉風日美高梢顯青林平輪明白水
分香及郊圻聚影蔽軒几灼爍佳人盧瑤粲列侯第
所悲圓景馳韶華不長駐飄風起殘更零落從此始

其三

種蘭滿軒墀于今三十載披拂長青叢秀色長不改
扶持托雕闌相尚有蕙茝灌澆去沮洳疏剔益精采

晨光炫露華夕陰仰雲霞乘春吐歲紀盼實意忘息
已蒙國香評亦任幽人佩榮悴雖有時結根幸長在

其四

鳴禽響郊郭萬物咸熙熙鳩化固其候魚翻亦其時
側聞古元聖乘陽載雲旂劬農出南陌流盼觀東菑
三推輔公相五齊惟農師土鼓恣歡笑盎然與春俱
愧予滯南服不得追龍馭臨風發惆悵擊壤思唐虞

入史館三首

吳竹坡公詩集

卷一

二

一紀墮南雍茲旬朞來檄振衣尋舊班迎渥改新秩
少常固隆典內翰亦清切晨興趨東觀薄暮出西掖
既沾通籍榮且飽大官食所悲遲暮年兩髮已衰白
山川莽迢遞歸期在何日安得報江淹爲之借神筆

其二

漢簡流沉馨唐編散餘馥煌煌耀精華歷歷飫人口
皇明協天紀盛德役渾噩大行防降初臣民感恩渥
神功浩無涯混淆在繼續分符徵羣賢羅列滿渠閣

嗟予久控伺亦復聯驥足慚無三長譽於分宜退
所賴諸同寅披露發醞郁共搜金匱藏成此新制作
蚩妍隨鑑生淑慝端矩矱庶幾闡經綸不負聖賢學

其三

承命理右史不覺流景徂恩榮既非淺謬迷仍自初
茲辰獲銓報乃有經幄除增階溢今喜旅遊務前愚
荷蒙衆先達車馬臨通衢觴榼紛雜遘詩簡亦芬如
輝光降中禁文承昭座隅側聞伊川翁啓沃先唐虞

吳竹坡公詩集

卷一

三

所陳誠有道所受諒不渝我欲景前哲抱負慚粗疎
聽納倘有合所幸爲通儒

郊祀慶成詩六首

曉色起東閣奉公省郊牛迢迢出重城歷歷步園丘
圉人候燈火騎卒羅戈矛旣至相戒謹循觀獲優游
明視既超躐虞鹿亦呦呦建哉一元武中正圓且周
憶昔古宣聖每事咨所由况茲配天業升中浩高浮
自非潔精意何以達冥搜凌晨當入奏具以報宸旒

其二

翠華輾丹闕萬乘羅弓橐透迤度金水迢迢赴神皋
園壇肅來駕夾道迎羽旄穆清啓玄室禁籞還週道
臣鄰各將事毋煩聖躬勞

其三

煙暝衆喧息重城近嚴更天池瀦圓滿滴瀝鏘銅餅
公卿偃行帳武士隨分旌予懷耿忘寐露坐看華星
始知在公者夙夜恒惺惺

吳竹坡公詩集

卷一

四

其四

月華正圓松威斗凝蒼穹鮮鍾徹餘韻萬炬燃霜紅
侍臣咸獻賸鶴立通明宮俎豆肆前列椒蘭噴冲融
百靈萃昭格皇祇儼當中巍巍配天業防降左右同
聖心嚴對越璫璫欣有客紫烟朗高厚土與天門通
明明元后德可以超鴻濛

其五

大禮既成灌退休翬雲房駿鳥振靈翅濯曜升扶桑

從臣理行駕寶馬思騰驤萬乘列黃道星陳雜天章

五綈揭旗竿三辰煥旂裳蒼龍躋左轡朱雀前飛揚
聖情拱中馭鸞輅聲鏘鏘物華協新律和風扇春暘
迢遞返城闕淵穆綏時康

其六

崇晨肆朝會仙仗盛羽儀千官慶成禮羅列戀龍墀
歡聲動寥廓喜色升虹霓錦筵張大樂曼舞行金巵
殿庭排公相軒陛雜華夷聯班壽明主願祝天與齊

吳竹坡公詩集

卷一

五

詞臣別有頌稽顙歌謠

雜詩五首

金人緘其口所禁在舌端石人鏤其腹所懲量不寬
如何狂辨者恣口傾波瀾失人固招損達已山中乾
所以古賢哲持論貴不刊出言必遵理理達心乃安
竊嘆韓非子終身死說難

其二

爲火當燎物物忌過炎爲水當潤下下戒久淹

久淹防必潰過矣突乃默如何羸秦世用法窮毫
生人入塗炭卒爲禍所潛龍既起平陸虎豹脫韜鈴
孜孜拘禁網豈得成安恬君子秉刑政當酌恕與嚴
蘇公永靈祚庶幾崇具瞻

其三

側聞晉石崇名園後金谷花卉固殊品禽魚亦奇畜
峨峨珊瑚枝粲粲紫絲幕座上賈佳人調清曲
絃管鳴春風錦筵散宵燭侍寵肆繁華忘年悉謹謹

吳竹坡公詩集

卷一

六

豈知雲物變殊殊竟在閑昔時歌舞地一旦竟蕭索
阿炎有終悔看丁當自是

其四

栖鳥厭林果作巢向數屋潛魚惜淵淺驚尤窮深埃
小點造幽眇自謂無嫌猜孰知術窮處卒爲禍所媒
君子乘至性機變非所詣何如守吾拙澹然忘機依
在衡有寓子居魯有高柴終身幸無異可防三子詩

其五

我有七星劍乃是蒼龍精想當脫化初火齊燃霜明
祥金奮一躍莫邪遂天成堅剛稟至性正直無糾縈
磨礪侵天碧淬礪流清水裹以瑞雲錦套以青戎纓
載以頽玉匣置之芙蓉屏如何風雨夕切切常悲鳴
豈聞天驕子桀鰲渝成盟願假摩天手攜持出彤庭
三軍聽指使直走沙塞城斬其名王首血染蚩尤旌
勒功青海上旋凱歌太平

觀放進士榜四首

吳竹坡公詩集

卷一

七

清朝重英乂妙選來邦春官謹鼓試奉引升彤墀
聖皇啓鴻穆崇朝面南離禮樂降清問咨詢及唐虞
羣情懷感激奮吐胸中奇毫飛鳴繭素硯浴搖龍旂
斯須千萬言一一聯瓊琚揚眉獻丹闕不負文明時

其二

聖辰近變馭仙仗羅西東侍臣儼簪綬立聞簾櫳
煌煌捧金榜照耀來雲中雷音降臚唱次第宣文雄
董賈傳風昔于今皆見同千官致前賀賢俊忻登庸

其三

朝退竚東掖玉音降彤庭瓊林啓新宴表率皆公卿
羣龍釋塵褐藍袍耀華纓行行歷禁籞步步登蓬瀛
簪花輒雲鬢曳履聯珠星大樂激金奏間歌送琤觥
醉歸綠楊陌騎氛盈郊坰

其四

月華浸蟬窟斗柄斟璇穹英靈啓宵柝來聽長安鍾
縹囊載黃表曉進蓬萊宮稽顙頻墀下拜恩綵雲中

吳竹坡公詩集

卷一

八

感興八首

錦裳照旭日瓊珮飄香風致身騰霄漢尚友皆夔龍
九德守吾道三事期民功無爲負隆典原祿違初終
浮萍不堪芰繫艸難佐饗泛泛與兀兀皆與無用同
人生秉至性修靈係天衷及茲業成就隱顯唯遭逢
大公乏熊兆其作渭川翁傳說匪神比終爲版築備
我願青雲士隨時效彌縫聖賢毋固必天地無全功
但見士林議勿執介與通

其二

蟾蜍困沮洳微賤誰比數及茲緣青其能使天目瞽
璽姬寵晉宮鄭袖專楚戶方其意合秋自謂天可補
孰知鴈階成一昔斤斧我欲咨化鈞陶物固其所
杳焉既分羣猶蕙亦殊畎河洲有關雎焉用產慈姆

其三

春秋戒刑臣直筆嚴斧鉞孰知漢唐季先后同一律
安得世賢聖革此掃除役庶幾中外臣得以闡經國

吳竹坡公詩集

卷一

九

其四

身賤偏饑寒意得流逸欲倚蘭化荃茅繩率變邪曲
問之胡爲然無乃林蕭索近山有原田入澤足葵藿
躬耕比伊志孤飲務顏學先聖遺格言未若貪而樂

其五

清水不染泥白蓮不沾水體體固本性皎皎亦自己
荆楚流荒淫明潔顯屈子民生因物遷蕭然能有幾
罔兩隨物移素絲變成紫惟餘金石心長年只如此

其六

田父欲薦曝野人思獻芹所陳誠非物志在忠吾石
如何肉食者往往含妬頃絳灌輕賈誼主司嫉劉蕡
持名已若此貯味何足云從來疎與賤流落遭時屯
不如韞吾韜高卧山中雲

其七

名義古所崇勢位時所尚虞卿果何人顧盼取卿相
昭昭魯連子布素甘迭宕一言却三軍英聲起人望

吳竹坡公詩集

卷一

十

其八

功成辭賞金逃隱青海上千載流芳譽必論公帑
卓犖范仲淹器宇何軒昂讀書長白山清苦肯偷嘗
一時際明盛憂喜隨行藏功成聯親愛買田興義莊
至今蘇浦上令譽爭傳揚我欲起名公燕坐春風堂
資以經時略質以敦倫章馳驅不可及旦夕空徬徨

黃金臺一首

峨峨黃金臺遺址控都邑宿昔燕昭王於此禮賢哲

不吝千金資所慕在經國劇辛與樂毅感分若雲集

登玉皇閣二首

提兵破齊城舊恥遂清雪如何功垂成讒言一朝入
脫身謝羅網越境托棲息作書表忠誠所志竟不白
至今四方士過此恒踟躕黃金何足云千載慨英烈

吳竹坡公詩集

卷一

十一

保閣峙天半簷牙互交驤上有皇祇居金碧相煥燦
華公一登眺捏衣步穹蒼始至若驚悸荐升乃徜徉
倚闌共延脰煙樹咸渺茫吳楚際窮髮淮徐入低昂

其二

衆山青歷歷河流白湯湯家鄉渺何許雲物長飛揚
安得駕飛隼一覽窮大荒

其二

謫仙題鳳凰長安望何頻崔顥咏黃鶴鄉關浩無垠
今予展高閣二念集一身浮雲翳霄漢風波阻江津
祈靈愧詹尹投閣謝子雲不如與朋舊浪飲酬芳晨
榮枯諒有定俛仰隨陶鈞

吳竹坡先生詩集卷之二

五言古

臨川李巨來先生 鑒定

七世孫琦重梓

癸丑舟至豫章承寧殿下賜詩硯賦此志喜

乘春赴宣室倚棹章江涓決晨肆朝謁得睹天人儀
既頒銅雀視又賜金龍詩寵既稠疊宴勞增勤渠
古稱靈長世盛德在藩維周公入經國魯侯秉桓圭
河間禮爲幹東平善爲師展親良有道令祚增繁禧

吳竹坡公詩集

卷二

一

自憐質孱弱文墨空自持才非長卿敵深荷加勉詞
柴桑在西道敢負邦君期

游子吟

游子策長轅一步一廻顧問之胡爲然高堂有慈母
凌晨拜別初殷勤多肅付逢山莫設登遇水莫煩渡
但得具甘甘卽返天涯路

承召言懷

天恩賜依親奄遂林下娛茲辰遽聞召始覺三載餘

州司來踰踏僕御分馳驅稽首向使車願言且容舒
從昔去鄉國行李皆徐徐緊彼絕裾者末悔當何如
因聲報同年且蘇驂駟駒

曉泊板橋灣

繫舟湖水隈引步湖山上湖風無時休日夕仰登望
左蠡志奔騰珠璣鑿雄壯吾聞匡廬峰秀色千萬丈
浮雲何方來於茲掩靈貺魚龍互出沒鷗鷺隨浩穽
明遊三五人暫以消情況豈無流連觀君恩恐違曠

吳竹坡公詩集

卷二

二

次珠璣和萬壽

疾風捲洪濤玄雲截層巖扁舟不可之信宿聊依淺
既念君門遙迢顧家山遠偶與同心人振衣凌峻坂
匡廬何穹窿鄱湖限深險造化使之然暫以精神遣
日入下孤蓬予懷重繾綣

曉發新河

疎星乍明滅海色催晨曉雙雙棹歌發離此新河潯

豈不戀舊京，儀衛當追趨。金陵定鼎地，長河帶蒲柳。
龍虎互盤鬱，鳳凰翔羽儀。周公卜瀍澗，休彩焉逾斯。
帆檣雜商賈，井落連旌麾。春光散林鳥，好音今幾時。
滔滔江漢潮，渺渺秦淮思。順流棹孤舫，萬里隨東之。
蓬窓聽雨和謝牧

長風吹天末，澹澹寒波生。頽陽入深靄，疎雨終夜鳴。
晨興掩蓬坐，聽此含餘情。但恐滯行旅，無由計王程。

月下乘潮

吳竹坡公詩集

卷二

三

月曙風力微，江平潮欲上。梢人喜宵霽，放舟趁層漲。
初疑龍騰驤，漸若駝走曠。迨迨度青天，歷歷越星象。
安心托前帆，借勢資後浪。平生困羈束，忽此遇疎宕。
笑謝乘槎人，因之起遐想。

秋夕感懷

秋來覺宵永，起坐抱重衾。風爽露凝草，月落天橫參。
積思情誰整，離憂難自任。滄波去無極，歎息彌冲襟。
甲寅有庶常之選簡劉實李紹二兄

昔有虞時選士重，明亮八元與八愷。世號十六
又聞成周日才傑，羅軒墀三宅暨三俊。一皆灼知
先皇重庶常，迺自賢科擇二十有八人。上與天經比
於今奉明詔，拳拳索真材。四科聚都下，展興若雲來。
三試既嚴密，品題更精審。如玉顯純瑕，如珠露光景。
龍顏肆怡悅，俾游白玉除。飽食大官祿，優游中秘書。
自憐質孱弱，學業久荒頓。側聆君子誨，敢不策愚鈍。
所悲年歲馳難停，過隙駒載籍若淵海。何許爲津涯

吳竹坡公詩集

卷二

四

元夕分韻得鴛字

遙聞蓬萊閣，總是神仙路。且侍青藜翁，時來劾房杜。
火齊列通衢，光輝更臺榭。玲瓏疎綺懸，錯落明珠掛。
初疑象緯秋，翻覺芙蓉葉。繁榮峰天外，高鳳吹雲端。
下踰舞霓霓，霓裳縹緲薰蘭麝。同游感芳辰，列俎娛清暇。
素無諠浪懷，眷此昇平夜。取樂殊未央，六龍啓晨闕。
送王蘊璞謝正衡還青原

朝發飛鴈南北相，追隨春來每同候。秋去還如期

掛空遠矚繳接翅揚風斯物性諒神與人情應可知
送君黃金臺舉首望天涯臨觴不能別驪歌當路岐
花飄兩河岸柳輕重城枝惻惻王謝交匪爲傷別離

人日古康李學士席上得兄字

初春正休暇未進經筵講候爾人日來雪華弄虛晃
阿誰揀繭紙學士招清賞諒興及門歎遂作徇途往
開門俯瓊瑤卽席對高朗詩思生悠揚霏談覺蕭爽
願言事高明抑以戒消長立雪有餘情令人起遐想

吳竹坡公詩集

卷二

五

送揚季安尹景陵

經濟良有餘思榮自今始乃知民社寄終然俟君子
景陵楚名邑足以救才美惠化隨日新澆漓逐風靡
浮人遠方歸煙火集墟里依枝有安巢激澗無煩尾
倪懷平生言循良著青史

暉舅還安城

吾舅經年來情親愜予素爲歡難久留復上西江路
西江渺何許遠隔關山霧慈闕望我歸倚遍斜陽暮

將收鍾鼎榮敢謂詩書誤浮雲懷故山鳥鳥思返哺
春暉何當酬白水難回顧還家倘相慰茲懷亦披露

送陳參議復任湖廣

爲邦古所崇拜叅時所慕君子志道行豈直丹絳顧
側聞荆楚間年饑方待哺俱君留內銓幸君復歸輅
雲霓望正懸往沛當深注周官正有條讓夷匪陳務
昭此方岳仁庶以舒民悵懇懇吉甫辭臨風爲君賦
存澤卷爲黃思可題

吳竹坡公詩集

卷二

六

親容日云遠厚澤良未涖蕭蕭故物在偃蹇空庭幃
晨光散繡綺夕色明厄廨舉之不能飲讀之令人悲
感此鬱忱抱一念將安施側聞顯親耆揚名以爲期
賢侯五馬貴出守今幾時諒應敘餘澤錫類同蒸黎
混然子卷爲進士鄭悠久題

胚脾未成像厥體爲混然氤氲雖同究萬化俱存全
故茲學仙侶致論崇先天金丹啓元秘龍虎相盤旋
乃圭何足言瘞札耶可獨斯江有逸士洞識搜冥玄

酖顏潤朱臉足以占長年我欲訪其室匡廬隔雲烟
會當棹孤艇共酌麻姑泉

逸老堂

若人今耆英而抱引年術問之胡期頤所貴在安逸
脩脩半榻間左右堆細帙春生董奉林秋浸蘇耽橘
日給不願餘陶然坐虛室神閒形如完志靜心逾一
睨彼營營者徒勞沐膠漆安得後天地直與錢鏐匹
貴莊王太守致仕還安成

吳竹坡公詩集

卷二

七

徃牧念無已來朝欣有餘孔茲遂歸願孟酒焉可疎
昔揚風紀綉今懸露網車年躋商嶺皓榮比東門疏
行止既由可與道同卷舒鄉山歲將晏水陸多焦漁
衣冠肅童穉步履何徐徐視彼競榮者末路當何如
送永樂劉春官典蜀府喪禮

秋色澹雲漢客臺墮飛梧揆時念同輩歡會日已疎
况茲春官彥駕言適成都親藩謝鍾鼎國典在所敷
皇命既祇肅朋情正紆餘冠裳俟來覲取別城南隅

嚶嚶汗血馬躍躍朱輪車西行慎秉禮樹德昭良謨
愚隱爲瓠信作

世路多蹊徑我行愛迂途世人學干謁我志甘潛夫
苑枯誠兩異稟賦良在初讀書喜佔畢荅述無支吾
東臬漸春及昆勉事勞劬眼前足饒禍高卧先人廬
與物既無競孰與流光徂子淵漸遷廊寧武逸已逾
其志不可及我幸爲真愚

海鹽尹左璇沒于京其子以觀歸安成賦此志

吳竹坡公詩集

卷二

八

哀感云

出宰歷期年來翔栖于觀封章耿衷忱夕惕想無咎
暫將歸政餘撫此海邦陋孰知風雨來竟殞雲間宿
製錦遂成虛操刀復誰究蕭條萬事非偃蹇將復
吞聲睇遙空志士何所就惟餘臨絕言幽明兩無負
樂澹軒

大羹足真味明水生飴波悠然澹中趣至樂其如何
人生百年內服食良已多營營苦求枝條爾成虞羅

惟君守恬寂養性成冲和讀書衡門下花竹環池坡
我欲從之遊湖山鬱嵒峨何當拂輕袖來聽滄浪歌

江湖勝覽卷

志士負奇節喜作江湖遊出門發長笑鼓柁乘扁舟
舟中何所有琴劍隨行休朝別黃牛渡暮宿白鷺洲
五老天半起大江雲際流龍蟠金陵市虎踞石城樓
春風越溪紵夜月吳門謳縱覽殊未已經年問東周
齊魯跨青海幽燕拱神州竭來黃金臺長揖萬戶侯

吳竹坡詩集

卷二

九

榮光耀朱夏逸氣橫清秋浪飲不知醉忘却烏貂裘
嗟予阻官守局促如負輶焉得其携手大觀出塵浮
南還過匡廬爲我謝隱僑謫仙讀書處棄置山崑幽
天恩倘休放歲晚來優游

乙卯除翰林編修寄故鄉交游

夙昔居鄉關自分無所欲偶從衆英後試取離經讀
謬蒙君子知置之丹桂錄茲辰感湛恩賜任史官屬
雖無民事牽環珮有拘束回瞻東陽峰遠在滄江曲

春蘭想蕭疎秋菊亦蕪與寄聲謝同游還雲念空谷

中和節晏王彥秋官宅得家字

王正月云晦蜚振桃始華中和啓唐詠遺事今已除
彤庭許休暇來醉王設家數爐爨香篆儀尊注流霞
蓬生在游息庶用乘汨車名教固多樂何必營丹砂

送彭大雅歸廬陵

客從西江來浩蕩乘天風忠誠薄雲日勁氣凌烟虹
問之何所負長驅逐文雄筆落撼五岳懷傾瀉流淙

吳竹坡詩集

卷二

十

平生抱經濟憂憤何忡忡一朝陞高言進獻逢菜宮
揚眉赤墀上對越紅雲中深衷激權要嘉謨合斐龍
坐惜章奏冗聖情肆淵洪觀光過幽冀冠蓋來過從
新詩載雲錦傳誦京華同公養匪無地信處思南鴻
還山足明月汲澗餘青松終當飭初服無爲隱奇蹤
飲君都城酒醉吸長河空雲夢在胸臆萬事寧見容
明朝重長揖走馬出新豐

貞壽堂爲柴主事作

世論貴女德良由振頽風諸年固有數矢心豈無從
卓哉柴氏母貞姿天所鍾中道析鸞鏡耳與遺孤窮
昭昭享其報醅顏晚逾童祿養際時錫錦勅來褒封
階前種慈竹室北留萱叢始知長春草不與凡卉同
再歌貞壽篇庶以和民衷

吳竹坡先生詩集卷之三

五言古

臨川李巨來先生 鑒定

七世孫 琦 重梓

丙辰秋與翰林蕭鑑江淵徐理鐸復姜洪李紹

何瑄諸友遊西湖玉泉分韻得然共二字

秋深氣逾肅林菊花始然羣公喜陽九共着郊遊鞭
既窮河堤曲乃造西湖興坐偶寺門柳望極湖中天
層霄度雲影厚地通流泉鳧鷖散清淺荇蒲漾溷沿

王畿藉榮抱民稼多稔年方知龍虎地氣旺鍾巨源
茲辰托弘覽煩慮倏已涓臨流有真趣登高何足言

右然字韻
下共字韻

登高厭乘危但按依林樾側聞玉泉勝游目可一縱
先皇昔臨幸於茲駐鸞從至今敵遺亭簷牙峙飛鳳
是時日正中水底虹光動羣賢喜明澈踏石相哀弄
細搗纖指寒井吞肺腑東由來真龍泳氣味固殊衆
僕夫解携負合宴朋情共醉挿菊花歸山雲遠相送

九我堂爲王孝子題

生平嗜經史乃廢蓼莪篇問之胡爲爾不忍篇中言
我生豈無自鞠育咸親恩成人不待養風木徒悲憐
開堂示新扁孝思焉敢讓兼金誠易致寸念何由宣
寄語親存者及時當盡歡

木軒爲劉直士作

我我江中梓歲久如堅珉良工肆繩墨猶未離天真
天何世矜巧刻鏤無完神玲瓏透心骨穿鑿成鳳麟

吳興公詩集

卷三

二

非不極華采木性難重淳聞君賦美質古道常自敦
親彼醴與醑潔我璞與珍懿哉元聖語不誦方近仁
立春宴集得高字

勾芒啓農政綏仗迎東臯南宮正休暇集宴閑儀曹
入門總鄉故列坐多時髦罪謫窮白日半醉揮紫毫
郢中二三曲誰數陽春高晴光動堤柳淑氣催官桃
良辰且爲樂嘉會良難遭

送鮑參議之山西

夙昔下帷日沐君重提携及茲繼登第復與嘉名齊

金門列通籍隣燭分餘輝自謂感投分小草終相依

一朝親榮薦拜參出山西都城擁襟從駿馬驕且嘶

煌煌啓旌節濯濯昭金緋始知排雲翮不與同界棲

祖道都門外遠望意猶迷勉勉益珍練庶以和蒸黎

敬齋詩爲羅兼善作

太公魯班期出入杳莫知怠勝已遠吉欲縱終成危

先聖有明訓主敬良在茲惺惺貴自警業業恒自持

吳興公詩集

卷三

三

衣冠正容止瞻視無東西庶幾靈臺妙澄湛生光輝

禮全用自嚴沛然皆有餘懿哉豫章系典教當明時

作詩固在簡端坐恒有思昭昭紫陽箴佩服亦奚疑

翰墨林爲謝庭循作

謝君通清雅若有翰墨林朋來偶同道竟日相披尋

詞文清潤游藻繪錯古今器玩匪常蓄充斥皆世珍

側聞事先帝供奉恒一心藝精性靈幻意巧天機深

以茲獲嘉興中使日照臨華章覲宸翰寵賚兼南金

迨今儼綺軸虹彩照堂陰至美諒難萃至德式斯欽
尚希事珍襲奕葉傳徽音

分韻得讀書臺送大守陳本深還郡

壯哉讀書臺增勝安成邑昔賢殷大守於茲窮典籍
一朝超騰去千載仰遺跡層基俯城陰華構臨池碧
秀嶺鬱東升費宮正西直飛薨映文藻光照萬家室
山川蓄精靈歷世產豪傑或登龍虎榜或捧鶴書出
煌煌耀文章濯濯著名節儒書傳古今人物難具述

吳竹坡公詩集

卷三

四

今天賜仁侯六載守吾吉慈祥恩已周作育念猶切
行春在何時五馬駐臺側青衿開講筵觀者道闕溢
絃歌響秋月燈火明通夕賢才咸提擢隆盛復古昔
予亦書臺人蒙侯亟啓迪拜官列詞林効報乏涓滴
茲聞報政還聖皇賜褒勅自昔公卿選多在二千石
但恐借寇難嘉惠未終畢行行重分首且與懷明德
有待治功成臺陰具碑刻

心鑑堂

靈臺湛虛敞皎皎若金鏡及遭塵垢昏亦復失本性
君子具明德厥體固常瑩如何懷利欲無復脫凡近
聞君善操修能以力自勝若顏先克已若冉必持敬
開堂扁心鑑至理日涵泳引步趨高明萬理自圓淨
雲消天影澄風止浪紋靜外觀既無瑕內視良有定
勉勉保心齋由賢可希聖

中秋宴集得問字

秋空無纖雲月色倍光瑩有如瓊瑤宮上挂青銅鏡

吳竹坡公詩集

卷三

五

望疑蟾桂寒影入山河靜主人愛嬋娟邀賓來嚴命
開軒列尊疊萃此衣冠盛浪飲效謫仙時把青天問
但恐月輪斜焉能盡餘興

鄉耆劉直溫來京以疏挽邑令得請還書臺

邑望古云美世遠漸淪埋自非獲者哲風俗何由振
側聞領羣姓力挽邦侯輪抗疏向雙闕義聲動秋旻
天心賜俞允士論高里仁况茲故鄉愛別久念彌新
一朝看京國喜色生眉津勝遊幸已遂歸思何苦頻

飲君都城酒坐我詞林茵斯須駕云邁紫陌揚清塵
故山有梅樹遠在清溪濱南還有餘味採掇宜相親

送王大參盧源致仕還安成

大雅重明哲出處貴有常譬之大阿劍時至騰精光
及茲謝常佩還赴龍淵藏藩君邑先達發迹尚書郎
拜祭奠東海旬宣歷河陽乞身亦何早懇辭向明光
迴風舞歸袂遲日淹離觴往美擅疏傳今榮兼醉鄉
吾聞瀘溪上蘭竹生長廊殘年足怡悅高卧同羲皇

吳竹坡公詩集

卷三

六

九日宴集得舉字

陶令潯陽時秋懷未能禦有如孤鳳驚翩翩事高舉
蹇予生後塵夙心慕前軌匪乏冲澹姿徘徊念當宁
道夷無險難世泰足容與主人邑先達清直世莫比
嘉彼陽九名招此文翰侶拳拳故鄉懷切切忠貞語
珍重且忘言潔全或堪許

送中書金汝進還蘇州問子

夙昔居詞林與君幸同館孜孜理長編昕夕共修纂

我袖金匱書君秉綠沈管及茲功績成列秩並文苑
迄今三載餘相見托真欵側聞玉堂親予告得同還
晝錦繡重輝足以驗承纘於焉際明盛志願良已滿
歸朝諒遵期勿使車輪緩

孤山隱者

孤山上嵯峨隱處振山曲幾回訪真侶來共白雲宿
林崑花影重石澗泉香落從今謝時事勿厭往來熟
中天樓觀圖爲邵高道作

吳竹坡公詩集

卷三

七

靈山聳樓觀爰立當中天仰觀通璇極俯視臨廣淵
紗窓隔雨暉飛梯凌紫烟仙人三五輩鸞鶴來翩翩
借問此何地似是須彌巖中有王母宮瑤池漾金蓮
蟠桃正結實顆顆垂紅鮮嘗聞穆天子來此張華筵
長歌白雲誰又奏黃竹篇自非八駿力何能越山川
此事載外史今古相流傳邵君妙玄學早歲師淵然
棲真寓靈濟朗誦瓊瑤編逍遙聖明主日侍紅雲邊
去年賜冠劍羽服羅星躔手持塵尾柄蕭洒真神仙

蓬萊在中禁大液通耳泉道逢東方朔款語且留連
不知滄海變何許爲桑田因之及兒戲一笑同掀髯
送御史王讓之淮安得堯字

駿馬五花文金鞍載飛鞚京畿理戎籍允愜輿人頌
臨岐不敢留屬在今尤重豈不念行勞才長際世用
如何慰離懷藉此葡萄甕一準正南飛疑眸遠相送
濠梁思親詩爲移留守作

白雲起天際隨風日飄揚竚立久凝望似是落廣陽

吳竹坡公詩集

卷三

八

廣陽連帝里先坐在其傍夙昔懷嚴父勲業起河隄
生逢聖朝世宣力開封疆貴爲萬戶侯青史垂耿光
負荷有賢嗣留守居濠梁虎帳耀霜月龍旌朝大陽
任重鎮千里威雄當一方公餘坐油幕所念惟親仁
小草感行露蘋蘩薦餘芳遙聞古大孝世德貴表章
揚名以爲寶紹述安可忘

水仙花

曉見凌波仙欲濟湘江渡水肌自天然雪臉帶真素

弄月整新粧隨風擁高步長含黃粉香不受紅蓮妬
盈盈絕輕塵點點沁膏露江梅與山樊道合心相慕
毋爾効貞妃無違紫陽賦

壽夫楊先生還建安

先生武夷秀制行如玉雪夙昔英妙年儒書遍窮歷
中年志春秋著論表金石上求尊王旨下先取夷策
卓然安國論不爲元凱僻初登泮宮師核樸森成列
周流秉文衡藻鑑朗秋碧名馳道愈尊德茂禮逾抑

吳竹坡公詩集

卷三

九

一朝瑞三鱉高步闕西扉拜官列詞林青史勞蔡達
竣功向天門煌煌錫金帛方資注倚情胡爲念鄉邑
退身懇封章聖恩特矜釋故山有喬林花竹環中宅
烏紗恣逍遙志意良可適予懷托門墻品題爰自昔
臨風致珍愛尚理引年術

送御史萬節赴南京

杪秋霜氣肅况送駿馬行都門纔幾步已有途人驚
方知繡衣使山岳良可傾君才亦何盛歷秩如還鷺

茲乘南臺憲始遂平生情暫攬范滂轡終令字內清
蒼蒼葦葭色漸漸梁木升兩京足交態竊聽隆嘉名

題扇贈滄浪生謝旭

我有齊紈扇在篋今已久不辭千里道持以贈良友
良友美才華盈懷富瓊玖麗綺組高岑清新泛常柳
歲辭慕殷盤著戒貫周由有時歌滄浪聖聽諒回首
我欲聞緒言無由脫樊廐贈此明月輪清風蒲襟袖
人情貴時新君子恒念舊願言保圓絮拂拭冀文囿

吳竹坡全集

卷三

十

明年九夏涼復得爲君壽

冬至集宴分韻得線字

至日方會同清曉侍丹殿退朝步雙闕學士忻相見
隨行出長安天闕雲霞絢撫時諸衆賔抗手皆鄉彦
觴酌窮日久便覺長一線人生百年內倏忽若驚電
相逢且爲樂勿用空留戀陽德幸日新慎終保深眷

讀巢曉集有感

卓犖曾西墅早自歐江來遭逢聖明主一舉登殿魁

吳竹坡全集

卷三

十一

領袖衆元愷出入居蓬萊朝侍蒼龍闕暮宿丹鳳臺
宮端立層陛學士兼隆階視草思每洽看花詔常催
志將並伊呂豈直同鄒枚文名溢四海令望獎中台
孰知白玉京殿輪台仙才願言未終遂營兆高崔嵬
當時千萬篇流落散九垓其存亦無幾往事沈烟霾
我欲吊英魄山川隔洪崖撫卷憶丰采惻愴令心哀

吳竹坡先生詩集卷之四

五言古

臨川李巨來先生 鑒定

七世孫琦重梓

壬戌予告得請留別詞林功叙嘉言汝同鳳岐
諸寮友

念昔隨計吏遙遙向京關感蒙衆仙侶招引升雲間
翱翔白玉署縱步蓬萊山瓊樓幾登歷紫閣時躋攀
歷祿逾十載日月循環人生負塵累故國有慈顏

吳竹坡公詩集

卷四

憶昨幸得請扁舟出河灣宛如別天上風月落人寰
望林想鳥哺入谷瞻雲還所希畢吾願非敢忘仙班
壺丘書舍

十載別鄉園茲辰返初服入室無改觀依然舊書屋
升堂拜慈母丰采尚如夙雖乏垂囊賞中有金花軸
親戚聞我歸觴榼來陸續高談托風月亦可資餘樂
閒憇時平疇禾黍日已熟松枝幕樊垣竹翠障籬落
俛仰遂生事薄宦貧亦足

擬田家四首

鳥雀喧四隣晨光動村塢相呼起結束薄言治場圃
老夫荷耘插壯稚具銓鑄升高鉏齊素下隴種禾黍
蛙蠅循堤鳴黃鶴隔林語蔣引陽和暄滋榮待風雨
招呼盡比隣餉餽走兒女野芳簪簪簪溪欸雜筐筥
迢遙青楓林斷續鳴杜鼓曉言事神農巫覡欣屢舞
歲占幸有成勉勉耐辛苦

其二

吳竹坡公詩集

卷四

二

夏至桑葉稠連陰蔽阡陌升箔無餘蚕登場有新麥
暫欣家用舒亦獲効農績耀靈吐赫曦溽暑釀炎熱
不惜蒸汗勞所惡原田赤晨興荷長鋏入谷覩泉脉
道途西澗翁招我坐苔石爲言昇平世雨暘恒應節
四郊多雲霓翌日當沛澤預理籌筭車毋勞事憂惕
深感父老言高論比金石不識聖賢書何以知帝力

其三

涼颺動高林梧葉獨先落游魚聚深池相煦懼泉涸

農夫告秋成并力共收穫沃壤粒還多瘠田穠應薄
地利固當然亦自人勤惰晨興向郊廛結束謹囊糗
不緣攀貴游所望市黃犢鹵醢既有營茗葚亦隨欲
陶然謝時事安命無不足

其四

四郊霽同雲霖霖漸飛集狹辰降勝六茅舍俱已白
田家多隣偶閉戶斷行跡甕頭有新釀肝膈雜芋栗
雖無衆兼味亦足飽薇蕨側聞老農語至瑞貴三日

吳竹坡詩集

卷四

三

臘前倘相遇可以消蜚騰振衣起斟酌不覺襟懷釋
衣食幸有餘僦仰一生畢

南還登洞淵寥陽真境簡道士劉環靜一首

天風吹我衣經春獲歸省側聞洞淵閣上有寥陽境
諸天降虹梁萬象羅藻井中懸通明鏡遍照山河影
維時已秋仲素懷良欲騁握衣一升眺魚貫賴前引
翼我窮雲梯上至最高頂頻傾皇祇前名香蒲金鼎
南闌恣遐覽烟際辨風景嵯峨白馬峰迤邐黃牛嶺

西山矚錦袍比華抽文笥十年困塵游此日慕仙侶
安得窮大觀凌風駕飛隼

承東里石首二楊先生寄詩

惜別銅龍署星終迫期年過蒙二先達遠惠瑤華篇
嘉章驗鸞聲墨妙皆龍涎光榮既非淺軫念何由宣
山川奔迢遞雲樹相芊綿戒期在秋候詎敢違前言
癸亥將北訪延貞與道流物外望羊角峰作簡

英才彥學二隱士

吳竹坡詩集

卷四

四

曉從延貞來兩袖攜天風縱步陟玄圃遙望羊角峰
峰高何首舉插入青天中維時秋暑退天宇如鏡融
遠岫出金碧石泉響玲瓏道童三五人列坐依長松
行厨送香茗林果雜青紅高談遂瀛趣云在扶桑東
安期與羨門來往乘飛鴻所嗟乏仙骨不得相追從
疑眸入黃鶴何許爲崆峒日側下幽嶼山蟬嘒林叢
人生跡如寄况復拘塵蹤登臚一舒笑月白寒山空

蘭竹圖爲鄉友題

夙翫匪繁采直尋幽獨資偶逢山陰士所尚同襟期
華茂洒輕墨蘭竹紛相披懸崖翳長佩蹙石騰新枝
性怡隱君愛清助高人詩吾聞東陽下挹翠堪期頤
覽圖對山色老者將安之

修撰楊翥子告還鄉里

朝退出東掖送行逗南城匪爲別離惜眷此同館情
憶昨檢金匱國史常有程藉君分領袖迪我歸勤誠
一朝迄成籍嘉勞幸同榮獨秉先塋念蔚爲吳楚行

吳竹坡公詩集

卷四

五

袍奪霞綵錦勅焚雲翼翳翳喬與梓候爾生昭明
赤心存孝敬於茲良有成尚應夙來駕巨輔資耆英
賦得東陽峰贈邑令何澄還任

東陽突霄漢八面開天風崔嵬似京觀處處皆兄同
前臨大江滙後擁羣山從石林翼飛筍崑洞多藏龍
儲祥毓名秀千載無終窮鴻生與學士第宅羅西東
冠簪邇來續絃誦常風風賢侯奉明旨還官邇流棕
雙鳬達遙信指日踰中峰川陸起光彩墟郭多耆童

并迎早歸邑啓政先疲癯峰前種禾黍城下栽芙蓉
陂池湛蒲坂鷄犬鳴花封庶几挽留處秋草存遺蹤
托家累安邑喜見民情通再歌東陽什佳氣生冲融
元夕中孚劉主簿席上得連字

鹽臺峙天平象緯俱上懸下有燈火列粲粲輝相連
恍疑璇璣轉人在列宿邊况茲三五夕縱翫無拘牽
故人領臺職邀賞開華筵須臾衆鄉故並轡來聯翩
高談藹春意觴酌何纏綿人生如旅寄定分由蒼天

吳竹坡公詩集

卷四

六

遙時不爲樂焉用懷九遷試看紅燭下鷄卜空冷然
學正羅兼善改除之化州

結髮喜文會當游青原間見君富才美一笑開容顏
自謂感投分出處相追攀暨聞典名教西循大行山
竭來復遷調將窮南海壖予懷滯京國蹇薄聊伏跼
顧非獻納地何以回君轅茲行雖云遠便道紆鄉關
况今領模範斯文有餘閒子瞻和陶集一任傾波瀾
送同年庶吉士劉實之金華通判

先皇重英俊穆穆開彤庭三選得精銳列宿羅大經
當時頗挺者不減登蓬瀛孰知金鼎就能馭飛青其
遺才漸分散寥落如晨星君心並元凱詞翰乃餘馨
有時吐高論日白秋空青茲行出通守利劍發新硎
金華得國寶夾道看屏星黎元日遵道建雨從中僥
予懷感同邑共附鳳凰翎胡爲異南北清唱誰復聽
臨岐恣婉戀壯馬驪駒立德自平昔座右有新銘
贈劉習之湖廣憲幕得潞河秋色

案前坡公詩集

卷四

七

泛泛潞河水洒洒長林葉葉丹河水清蕩漾作秋色
故人荷新恩邦憲領幕職誓將佐臺臣百寮同糾劾
按行策花驄次第歷諸邑風高鷹隼遙月正冰壺白
素心諒有爲莫忘故交密人心如水流視此滄江碧
九日賴編修世隆邀飲得花字

撫時際陽九籬菊初含花自非獲嘉賞豈不虛年華
故人詞苑彥好客情有加招邀盡同侶列坐開窗紗
採芳泛瓊牟漱醴生雲霞古稱至人壽服此同仙葩

予懷在冲澹素慕陶潛家雖爲微名繫終當返溪沙
爲君盡餘量扶醉升香車

畏清爲建昌胡大尹作

發身事賢科出宰結銅墨官居百里尊身爲萬家式
持清固當然焉用托矜飾所以君子懷小心恒翼翼
居常畏人知勵志若水藥胡威倡高言對主表衷赤
背賢非就名後裔豈忘食努力與幽微庶足追遺轍
至日譙集得影字

案前坡公詩集

卷四

八

縱室動陽和寒簷入佳景撫時屆長至南日漸回影
主人故鄉彥列宴通前屏道同喜盍簪情洽欲投軫
侯添官線長氣轉北枝冷沉醉滿腔春高歌不知醒
乙丑陞經筵侍講簡同寅蕭鑑

並命理編簡悠悠今十年茲辰荷光寵列秩居經筵
續熙固恒典地近乃異銓側聞講官屬進侍蓬萊天
稽經綵雲裏考史紅日前與與存內警翼翼懷周旋
自憐質屏弱高步何當聯惟君負青望宿學成淵源

是攜以終事庶足儕羣賢

松竹林爲劉逸士題

若人抱貞素安居牛喬林所就匪異物所貴同此心
竹葉澹瀟洒松枝結蕭森不爲艷陽改不受寒沍侵
有時拂梧几端坐乘翠陰虞琴引孤操可以祛塵襟
明月似相識清風遠相尋托好諒從昔堅持當自今
沈具有深趣日夕資微吟

養素軒爲同邑隱士題

吳竹坡全集

卷四

九

內養自天然夷猶出眞素清風有時來冷冷啓窗戶
泊哉君子懷豫定焉所慕晴軒澹少營竹樹森回護
琴清別鶴還字點極鸞顧人生匪無營量已有尺度
翩翩巫峽舟坦坦周行路窮達任所之安常保天賦
已已除夕

歲功已成績星紀亦復終有如遠行客取別何匆匆
京華四方會聚處連街衙寒門守岑寂富室甘肥醲
官居賴朋舊斗酒欣相從朗吟杜陵句且慰今年窮

夜闌感簾幙習習求緒風相守已忘寐坐聽長門鐘

有懷兩溪直士四首

天高衆星懸衡極居其中明良兩相遇道德資玄同
如何殷周代忠信不見容龍逢并斧鎮比干刳劓鋒
盡道乃正命奚論身所終嗟嗟雷開輩顏沮汚名封

其二

靳尚入楚國屈子沈湘濱恭顯當漢室望之失師齒
從來孤鼠輩不容金石臣公議諒難泯賢途隨屈伸

吳竹坡全集

卷四

十

二三春秋筆聞者爲酸辛

其三

岸峭被湍激林高畏風吹君子負盛名多爲邪佞非
嗟我同心友直道不容時浮雲莽寥廓滯魄何當歸
蒼山舊榮木泪洒成枯枝

其四

獨立忤流俗沉冥負君恩寧投鈎黨概不染熏腐塵
側聞維新運寵贈來殷勤衰辭散湮鬱至論開沉淪

遑遑列明祀麗藻同千春

挽袁尚寶忠澈一首

少卿古鄆士自幼稱奇童精明洞玄鑒列宿羅心胸
夙昔齒常布快觀知真龍風雲感希遇出入蓬萊宮
初膺洪臚選獻納陪秩宗繼聯鳳池步染翰追文雄
維時厭驕厲天戈出雲中君行佐謀略迅掃狼烟空
歸還符臺署耿耿清譽隆一朝謝簪紱拂袖歸甬東
囊金散賓客宴坐歌時雍孰知青虬駕一夕凌烟虹

吳竹坡詩集

卷四

十一

尊前失談伯浙右懷詩翁念昔托詞苑踴從勞過從
揆今二十載分飛倦征鴻使音忽西計泪落緣雙瞳
人生鮮長世所貴完初終泚辭當哀些千里傳悲風
送毛行人之廣東

聖代混車書八荒盡歸順况茲炎海邦素仰聲華盛
遙羅偕仄哇方物歲來進毛君駕指南先導作行損
大觀徧遐陬可續皇華咏遠道何足辭國風喜丕振
山海有殊聞還朝候相訊

吳竹坡先生詩集卷之五

臨川李巨來先生 鑒定

七世孫琦

庚午建祀之山東禮成承魯殿下命長史楊必
貴同遊諸苑看牡丹

賢王樂賓客燕待禮有加浹辰啓諸苑導引看名花
維時正春仲百薦逞鮮葩牡丹吐釀艷似是專年華
或紅若頰玉或白無纖瑕黃心結中正紫暈乘日車

吳竹坡詩集

卷五

紛紛養陽景粲粲蒸雲霞中官具高宴藩相同喧譁
攤鉤諒無定激矢誠罔差林園窮勝事並此唯仙家
人生若萍梗泛泛無津涯得酒卽浪飲况爾承寵嘉
不覺忘出處頽陽已西斜

簡同行儀侍郎銘

大君正天位祀典成追崇羣公既分職兩騎之山東
若升岱岳頂我揖素王宮青海何蕩漾堯祠鬱穹隆
齊魯去千里瓊瓏禮亦同歸期在何只星鼎漸當中

聯班觀明主翼翼庶有終

藏春塢爲衍聖公彥縉作

郊居邇崇墉花竹聚幽島靜觀生意多物物得春早
問之胡爲然毋乃向陽好凌寒探梅花掃雪看萱草
芝蘭凝露華桃李艷晴昊居焉坐一室盎然滿懷抱
我願君子心毓德養吾皓廓之彌宇宙足以潤枯槁
至理非外求大和幸中保

與世職令孔諛飲射觀德亭

吳竹坡公詩集

卷五

二

明裡禮成瓘結束謹行役茂宰具盤飧邀餞魯城北
清朝來羣賢衆耦分羅列爰方採絃膠取矢注翎鏑
內志旣已正外志亦良直翩翩去參連往往多中的
正鵠偶相違取解詠無憚側聞殷周代斯道有恒設
爰從秦漢來文武竟殊習茲辰睹游藝無乃聖遭澤
雖乏子長才觀感念時昔臨分荷殷勤引滿任稠疊
始信往哲云飲射以觀德

舟至安德留簡周同僚

昨來乘使華戒行正春社得君聯扁舟聊以共清話

蓬窗有棋局行厨具杯竿掀髯時一笑亦足驗瀟灑
歸期約暮春今已逼初夏鴻鴈日千羣不見帶書者
燕趙多佳人切恐滯游冶因風寄相憶毋爲負風雅
早秋委考南臺簡定之侍講

行李自山東維時記秋候南臺聘文衡奚爲及愚陋
楚人不識玉安辨瑩與琇唯君世經師多士懷領袖
茲行賴經綸聊以伴奔走一鑑正南懸妍蚩盡相售

吳竹坡公詩集

卷五

三

京闈月夕集宴以大地二字韻

園棘何窗龍清池更繁帶從來場屋中不辨樊牆外
維時屬秋仲集宴勞朋輩咸云遇圓景舉酒且相待
斯須兔魄升漸睹水輪大

其二

水輪大且圓頂自東溟至騰騰灌碧霄已到天心處
流輝遍九州豈特京闈地羣公洞明鑑可比無纖翳
品題果何人一任登高第

劉同寅得熊掌至龍潭驛邀予不能食棄之江

中因竊共歎焉

喜君得熊掌自謂素所欲烹之達三晨徒見水容涸
邀予不能食棄之取魚肉竊聞古賢哲著論咸有托
集義固難能爲仁貴乎熟遲遲行王道不若伯功速
况茲明出處素定有尺度吾鄉有文山錢塘唯武穆
若非存灼見鑄鉄皆成錯於今感微事可以驗貞學
一笑大江橫憑誰問寥廓

吳竹坡公詩集

卷五

四

臘月陞宗酒命往南臺宿京口候曹尚書不至
並命出中極聯丹泝南河淮陽一相失竟爾成蹉跎
茲辰宿京口不見翔鴈過候吏倦奔走旌麾久臨河
鍾山入凝望秀色增嵯峨何由一携手共上競濟坡
辛未春丁祀夜宿齋閣

拜命領師表分符向南京兢兢守儒範切切造羣英
維時屆丁祀先期洗鼎糴每事時一問稽違或經營
良宵懋齋閣趨陪盡同寅明衣長有半達旦恒惺惺

代日觴客

仲夏暑方盛終朝鮮情悰偶思河朔會伏日有遺蹤
晨興掃虛室斗酒聚羣公諧談終永日披襟逢遠風
咏歌足爲樂焉用絲與桐自矜有此客幸際時世隆
中和堂爲旭讓作

鴻濛啓玄化一氣在象先兩儀漸開闢溟滓成陶甄
托質各以類惟人獲其全聰明固天稟純懿亦自然

吳竹坡公詩集

卷五

五

究茲生成妙無乃從先天陳君辭纓裔好學甘靜便
孝慈自童稚忠信逮暮年茲焉得壽域乃在鍾山邊
結屋傍其左揭扁昭林泉常云人物初理氣相周旋
冲融形所賦和粹性乃專君子思委順俟命何足言
予聞得至論無由謝塵緣爲君拔華帙朗誦中和篇
寄仁俊周隱士

京華一相見高論如洗泉流光何在蔣俊已逾十年
側聞懷肯構結屋青山邊松筠護深宅花卉開名園

迎秋有黃菊入夏看紅蓮國書貯高閣散帙排牙籤
親交日往來觴酌相留連外觀澹無累內視增悠然
予懷負塵累無由飭回轅因風訊來使好寄雙崖篇

養順齋

曾參居孔門孜孜敦行誼遂成孝友名聞望傳百世
今君慕宗賢順德有繼拳拳奉慈親怡怡友兄弟
堂前慈竹青階下芝蘭翠一門藹春陽和順孰能企
恒聞先正言德以養爲貴心平氣斯和理順罔不裕

吳竹坡公詩集

卷五

六

遠可達家邦近可行州里我願君子心進德日純粹
寧操順境車勿馳逆途轡肆欲非良圖守常有餘味
安居樂天然不愧南州士

聽馬行春圖爲王繡衣作

聽馬振三駿乘春載韜鞋徐行歷川原良爲生民重
鯨鯨固當矜奸尤焉可縱令飛蛇虺潛威制山岳動
豈專震厲姿實假雷霆用斯須寒谷間乃有春陽烘
明明固共持卓卓亦興頌早晚漸歸朝風蹄六花送

三仙傳道圖爲羽士題

苦錢結餘清柳線結新翠閑來坐石苔偶語皆鴻烈
先天誠淵源衆同亦精粹安得服大還夷猶保千歲

觀泉圖

高崖瀉飛瀑響落石淙寒閉坐觀源流混混去無止
乃知元氣初已與道爲體宜尼川上嘆寸心亦如此

如山卷

大山聳層漢岌立萬仞餘風霆秘精彩草木紛華滋

吳竹坡公詩集

卷五

七

問之胡爲爾負此厚重資卓哉鄭公裔至性乃如之
幽貞固足尚秀拔良已奇邁德漸高遠仰止誰能踰
吾聞仁樂山不改亦不移願言同靜壽長與南山齊

愛日堂爲同年大守范理題

陽鳥出東溟倏爾向西溟感此懷親年中心存喜懼
側聞賢大守開堂奉慈侍宴坐列華茵羅列兼百味
壽觴席上陳班彩庭下戲玉顏駐長春霞衣耀珠翠
春酒叩羲和幸緩六龍轡將求蓬島幾問以王母秘

揚以白玉杵奉以丹鼎器長跪祝遐齡服之壽千歲
送劉上舍還吉安

白晳照青春新冠冠來好榮榮玉樹輝自是名家寶
嚴君侍經筵出入蓬萊島千里阻江關不得遂休告
汝還拜先壠可以薦蘋藻雖乏垂囊金已富展堂誥
鶯花慎行藏詩書足論討垂楊無定態結栢有孤操
勉勉肆成人榮名迺相保

彭氏中村別業和吳文正公韻

吳竹坡公詩集

卷五

八

昔人好逸名懶賦長楊賦乃於郡城北卜築種嘉樹
緣岡陰桑榆屢畝植秔稌日誦董生行中情自相許
祥徵鷄哺雛和叶猫相乳誰知百年後風雨生朝昏
空餘松下石尚若雙虎蹲先聲喜重振足慰遼鶴魂
江鄉後名閭峨峨冠中村始信古賢語盛德在子孫
甲戌考績之京泊鎮江留簡姚太守

蒲帆殿薰風倏忽數百程朝辭金陵道暮達鉄甌城
斜陽映山郭倒射江水明升舟一遊幾十里沙路平

長途河濤漲兩堤俱完成大江一橫折自可通上京
問之何改觀賢守務經營茲行適銓府善最應足稱
爲政在人語不愧先賢評

遊山紀勝

金山起千丈岌立江之中中盤須彌頂下俯馮夷宮
狂瀾止澎湃石礪巉崿崕嶠嶺嶺嶺嶺嶺嶺嶺嶺嶺嶺
陰房隔烟磬曲岸來風鐘側聞塵寰水上與銀河通

吳竹坡公詩集

卷五

九

安得挾飛佩翱翔上高峰凌晨候初日延盼扶桑東
遊焦山紀勝

焦山啓靈秘碣石羅江開漢時焦處士曾隱山中來
一從布金後卓錫稱善才潮來激濤雪潮去迤嶇雷
金山與鉄壘夾岸爭崔嵬龍宮隱深密海藏沿之廻
南朝水心寺唯此稱蓮臺何須誇羽駕泛海求蓬萊

送同邑劉檢校之雲南

岸岸時君懷獨瀟灑有如玉壺秋相見卽傾瀉

昨來聽除書文彩動都下一朝佐藩稱行騎督郵馬
上林鶯始遷盧溝柳新把六詔當雲中雄藩控區憂
誓令案牘清譽望通朝野昂哉保清規無爲負風雅
送顏推官歸閩得穀江二字

白馬繫絲繮朱軒載華轂送君遠歸日晝錦奪人目
山川啓光榮松梓澤膏沐側聞故郡民封章動寥廓
羣心有所瞻華秩諒高擢勿遣行色遲閩山鶴返矚

其二

吳竹坡公詩集

卷五

十

青原古名郡背山臨廻江郡侯昔爲治才調誠無雙
一朝成綿績萬里歸閩邦何時傾高秩官帆駕濤瀾
同撫郡中民怡然春滿腔政聲復洋溢風俗歸淳龐
丁丑兒輩遠中進士承同年都憲蕭維禎少卿

廖安止諸公過訪

春光入林杪夏色凝池波同年二三友騎氛紛來過
親持泥金報兒輩登甲科詩傳桂香句觴載金叵羅
因懷少年日奮志龍鸞坡詎今三十載日月如飛梭

交游盡分散聯綴依殘柯雖微蒲庭綠不染雙鬢
掀髯同一醉奚恤西陽訛

送布政使石璞之山西得剪犁二字

麥秀尚垂芒春蚕已成繭經時不出知忘却候深淺
茲辰騁飛鞚特爲邦侯餞臨分且綢繆別後應纒繞
遙聞葦堯祠此事原桑典儉德如可存茅茨不須剪

其二

吳竹坡公詩集

卷五

十一

昔年副憲臺佩帶垂文犀秋霜凌鬚角朔雪散聰蹄
今握邦侯轡黎民仰雲霓晴光變林谷晚色滋蒹葭
側聞融風至飭農視東隄社鼓應村舞膏雨隨春犁
懿訓堂爲王太守作

溫郡有慈孫切切懷重闢開堂揭華扁懿訓良在茲
夙昔爲童稚母孫煦恩私孰知西山日不復東南馳
臨華詔嚴父俾孫事詩書匪爲尚名利先德有餘滋
人遠念常邇此志焉敢違幸蒙大人造發身向芹池
旣登龍虎榜復取驄馬騎一麾遠出守剖竹臨海涯

反思舊時愛愈結中腸悲寸草有微報滄波無還期
衷言托嘉詠庶以昭永思

清慎齋爲劉推府題

君子有所謹持已先潔清匪徒播佳譽直欲官政明
黃堂開永晝畫戟列兩楹高懸耀新鑑春謙隨事情
斯須玉石剖妍蚩無遁形公退拂軒几鈎簾閣重局
纖塵不能到四壁圖蓬瀛皮閣衆籤牒方爐孤篆凝
取琴彈一曲耳畔聲冷冷問之胡爲然樂此清慎名

吳竹坡公詩集

卷五

十二

趙抃著時望昌黎邁羣英時前旣亶亶繼後宜惺惺
勉旃味水蘂千載同休聲

已卯考績至徐過薛卿同遊石佛卧佛二寺不

愜各賦辨惑詩二首而還

青天莽穹窿那取金棺降如何彭城內有佛尚未塋
赤體混身金宛若涅槃狀我欲覓賁育負之投巨浪
庶幾恒河沙不爲老胡誣

其二

文王身十尺成湯九尺強如何徐洪寺石佛百尺長
樓閣插崖壁雲林蔽穹蒼安得聚蕭艾焚之恣颺颺
庶幾南贍州無復山精藏

舟至直沽寄陳都指揮

朔風號枯桑寒氣砭肌骨客行至天津過港取蓬緯
晨興上高丘遙遙望溟渤維時乾宇淨極目見遼碣
靡無入大荒海樹際窮髮岱宗露青螺大行蟠屈結
俟觀殘霞明旋覺飛鳥滅嘗聞析水躋近以壯京國

吳竹坡公詩集

卷五

十三

魚鹽飽幽冀商販雜吳越豐販富且都置戍鎮胡羯
名公乘旌麾來往此盤詰屢擒海濱寇束縛獻官闕
蹇予托交際擬一觀顏色胡爲阻風潮高帆遽超忽
無由聆罪談中道成兩失寸絨托翹風寄此深相憶

題扇寄南昌道者

薰風洒林杪瞿然思道流道流果何在無乃住南州
白雲護來徑青林蔭崑幽我昔往從之宴坐三素樓
飲我流霞酒食我瓊玉饌別來隔山峯無復同綢繆

昔此明月扇遙遙寄丹丘涼颺生左肅炎景迴清秋
逍遙散襟袖可以追天游

林塘清隱爲劉隱士題

十年住京國蹤跡淹塵游朝來見圖繪始覺林塘幽
老樹綴殘葉長橋枕溪流遙峰削寒玉蘿徑繁清秋
茅廬有高卧遜志固相求諧談可終日任情去隨留
我欲理輕策叅伍偕綢繆此意諒堪遂已卜三宜休
思親詩爲張友題

吳竹坡公詩集

卷五

十四

有生侍庭砌志養無所求及茲畢喪事始爲千里遊
達觀豈不樂寸心翻隱憂新雨濡行幕寒霜襲征裘
感時變羣物不覺涕橫流舊廬有虛位斷壠多松楸
恨無慈烏羽往來徇故丘遙聞慶門系子姪俱飭修
南還採蘋藻足以祠春秋

吳竹坡先生詩集卷之六

五言古

臨川李巨來先生 鑒定

七世孫琦重梓

乙酉赴召之北承都尉趙輝成國朱儀偕府部
諸公相送出石頭城

正冠肅離離閱歲經十餘茲辰奉明旨俾總金匱書
荷蒙二勲戚廼與卿相俱騶從溢馳道祖送都城隅
觴楹紛雜遞供帳羅晶輝睠茲金陵地四方仰綱維
文武聚臺觀多士來襄區俛懷舊京愛恨恨不能辭
杯行屢引滿潦倒強自支朋情從古來詎敢忘斟酌
車駕幸碎雍詩二首

吳竹坡公詩集

卷六

嗣聖正宸極眷眷興文風承春布明詔命駕臨碎雍
惟時新雨霽景澄候初融陽鳥出滄海光采凌天中
寶輅炫金碧旂裳綴蒼龍千官儼前導萬騎羅西東
徐行遶通衢遁入素王宮軒懸列鮮采黃流和香醴
俯啓薦瓊牟降灌欣有容皇情旣昭曠師道臻穹窿

協千載盼蠶精靈通

其二

鑾迴適東序御座高嶠岫公卿引珠履環拱如星陳
司成展經史賜座端華茵孜孜進謨訓切切敷經綸
聖心鑒怡悅宣命褒殷勤羣英荷恩降拜舞揚清塵
環橋億萬計極目覩龍鱗

送侍讀周洪謨之南京祭酒

同行赴宣室俟命留銓茲辰降恩旨惟君獨南遷

吳竹坡公詩集

卷六

二

鳳臺舊京地司成掌英賢親存得斯秋三樂罔不全
之官載惡侍來往誠安便香粳來楚晚絲紵通吳舡
在公有餘帛可以供肥鮮嗟予去茲願乃在明公前
行行送征騎不覺心惘然宛如失羣鴈望望瞻南天
范張約鷄黍此會知何年

融齋爲趙教授作

物理亦何盛紛紛入毫厘自非漸融會何由合其歸
多君仰前哲作齋事羣書理悟已無遮學通方有餘

竭來典名教春風座常移盈盈青莖灼灼桃李姿
疏觀衆生意亦足資采頤古稱君子懷和易乃其宜
及物有深惠將繼蘇湖師

暇日閱書籍有同年沈翼楊寧薛璉三尚書手
札撫時感懷賦此以表往念耳

涼雨清几閣臨風檢遺編中有良友書正襟一披宣
念昔三尚書聯名幸同年茲人已云遠翰墨尚如鮮
認認重遺述切切謹寒暄箴規固友道麗綺亦聯翩
捧閱未窮素不覺泪漣漣雲消諒歸壑硯終沉淵
喘餘倘假息當守平生言

金川綺岫圖爲淦浦逸士題

遙隔金川南山水萃奇秀玉梁峙嵯峨問皂肆延袤
雲物長往來點染成綺岫道經足怡情况乃此華構
我欲乘天風披雲把長袖直窮絕頂遊一覽遍高厚
願君偕行厨累月同宿留志存神已飛意遠憂初遣
作詩達先聲爲我訊勾漏

吳竹坡公詩集

卷六

三

林杏齋爲同宗良醫題

吾宗有逸士乃在芙蓉山不求世上名只戀山中閒
侵晨行採藥日暮燒丹還豈徒事仙術唯以資痼瘵
効感致鄉譽種杏盈樊垣開花粲紅錦結實垂朱殷
悠悠若無繫勞勞非所安何因蕩蘭漿乘風叩柴關
引年倘貽壽終歲以盤桓

旅寓初成承李陳彭三學士枉顧志喜

人物聚京華通衢隘居第偶尋陋巷中經營作寒寓

吳竹坡詩集

卷六

四

所期在粗安非敢慕華麗乃墜大君子惠然遠相慰
開軒迂衣冠掃徑候車騎雖無衆肝肓羅列有恒饋
罪談窮朝昏觴酌亦隨意呼兒拜公相巽辭勞獎異
長吉咏高軒阿符識賓位風采動朝端衙門有光霽
送劉憲副歸文江

時清澹無事藩臬乘高軒出秉生民寄入陳忠悃言
如何憲臺副迺志歸田園夙昔逞鵬鵬振翮雄孤鶩
年來披華髮往績非所論乞身向丹旻優詔下金門

綰紳嚴祖道騎氣如雲屯故山有喬樹大宅羅幾垣
桃李結春實黃花候秋繁陶然北窓下時復傾一尊
贈戴瑞主事之南京

憶昔中秘選有如鴈隨陽朝遊青瑣闥晚退白玉堂
寶書散鸞帙宮硯和龍香恩榮比元凱謫謫參翱翔
鵠來緒風隔天路分幾行君從鳳臺去青雲快飛颺
地清望逾峻行題各益彰政成報宸寧不忝尚書郎
顧予守岑寂局縮翰墨場寸秩久難退夙心愧馮唐

吳竹坡詩集

卷六

五

念舊幸留戀別來閱星霜茲辰且豪飲來旦從參商
各勉庶常操音塵慰相望

喜同年江時用歸自遼左

君子遭世艱戮力就負荷拳拳思致身奚恤途頓挫
及茲困流落苦道隨坎坷側聞維新運賜便歸遼左
故山有衡茅渠柳飄婀娜先公植松檜亦復增礪砢
籬菊粲金錢溪桃獻珠顆偶從父老行爾汝無不可
安分自古來毋回亦無我

史成篆 特恩賜祖誥承尚書李秉陸瑜二公

過訪且辱先容贊詞賦此識感

史成獻丹陛寵賚何頻頻推恩來祖誥端捧光龍鱗
過蒙二先達車馬盈衡門展誦感明制開懷倒芳尊
先容列中座題品勞殷勤增榮益今昔撫惠兼後昆
所嗟乏瓊玖無由荅元勳

慈舟南還至安德二稚遠高俱會至濟河別去

慈容日云遠扶柩將南還時清存瘞典所嗟道縣縣

吳竹坡詩集

卷六

六

維舟治安德二稚來駢肩旅途逢骨肉聊以舒目前
晨征冒霜露暮宿同風烟詎知浮萍梗不得長周旋
王事有靡鹽應門難兩全吞聲濟陽浦泐毗分長天
戊子慈壙成承參議趙謐賁至 御製祭章竣
事還省垣

明公大藩傑方嶽時所貴手持御製章遠爲慈親至
恩推緣孝思禮錫體臣意山川開異香里開睹光霽
使還駕飛軒復向西江去泣血送雙旌福星照南裔

贈進士李顯竣工還朝

慈容隔仙塵恭沐湛恩降明公奉國書萬里來營壘
百堵何登登指日遂成壙山川自盤旋羊虎亦相向
竣功駕飛黃君命恐違曠嗟予阻衰經未得走供帳
泣血洒朱輪凝眸九天上

雨中久無來轍今晨稍霽姪子瑄瑾至聊慰岑
寂翌日別去賦此紀懷

荒村十日雨門巷無來車草長沒階砌松陰覆庭除

吳竹坡詩集

卷六

七

農人告春及將以事爾爾今晨稍開霽雲霧猶破虧
阿宜忽來覲欸欸容色舒淪茗瀝餘論烹葵當膏腴
憶昔少年日汝翁素同居挫貧無厚業勉我事詩書
孰知歟仕途歷歲三十餘制還守先壠愁緒成白顚
汝能重名義往來事勤渠不覺岑寂中流盼風景殊
謝庭誇寶樹寶砌繁五株殘年足自慰幸保山中樗
和陶徵君詩四首

舉世役塵務奔走勞其生貪天競錐末志士誇浮名

孰知三五夕，鬼魄無常明。穠葩改朝艷，茂草多風聲。
何如蓬廬士，淡寂保餘齡。良辰際陽九，得酒聊自傾。
雖無衆肝脰，黃菊羅前榮。呼兒誦周雅，亦足娛性情。
醉來忘出處，萬化同生成。

右世短意恒多

浮士矜遠遊，丹青飭車鞅。囊無銖兩資，常有千里想。
予懷期內足，遜志謝來往。詩書日漸漬，稍覺學業長。
學業幸已長，交際良已廣。不遇盛明時，終身守林莽。

吳竹坡公詩集

卷六

八

右野外罕人事

種禾楚山裡，苗秀實乃稀。十年九旱潦，抱得芻蕘歸。
田間有蹊徑，荆棘傷我衣。勞生豈足道，寸念已多違。

右種豆南山下

憶昔去鄉邑，抗手宦廬山。同行二三友，一一皆青年。
有如縱壑鱗，不肯藏深淵。丈夫有遠志，安用負郭田。
驅車大行路，息轡高林間。孰知中有阻，疲馬嘶不前。
俛眉訊歸路，還指墟里烟。開荒遠清澗，結屋依山巔。

時尋里中叟，高論消餘閒。雖無金滿橐，亦得心晏然。

右少無適俗韻

庚寅服闋之京，舟至南康，望白蓮社。

昔賢棄銅墨，陶然卧柴荆。雖辭五斗米，而有千載名。
廬山惠遠輩，招以蓮社名。其飲盃中酒，同忘世外情。
孰知名教樂，理寓超無形。軒冕既非貴，縉流何足貞。
振衣攢眉去，潔哉聖人清。

龍江市鱗魚

吳竹坡公詩集

卷六

九

維南有嘉魚，鱗族味兼殊。錦鱗過名魴，秀尾越叔魴。
方當梅雨初，潑潑出江汜。漁人增市沽，佳客得珍醢。
昔人幸多骨，切切致饕餮。予惜奇物直，道古如此。
陳平縱反間，亞父去西楚。汲黯卧淮陽，漢相公孫子。
剛正本難容，過後始堪喜。勉爲骨鯁臣，勿作脂膏侶。

舟至揚州饋鱸膾

鱸魚素所喜，欲之歎無從。十年因奔走，蹤跡隨西東。
茲辰莅瓜步，得膾來吳淞。欣然剖陶甕，適與佳客同。

無香尋助亦足娛情
杯行忽驟首不覺歸興濃
秋風起旦夕展轉懷江東

臆月謝恩後具疏丐休得請志喜

初節未易持晚節更難保
所以韓魏公作詩表貞操
老圃淡秋容寒花獨鮮好
洛陽尚耆英至道崇九老
有時尋高會亦足舒懷抱
世務徒營營潔全以爲寶

辛卯春承王寺卿陸司寇李都堂諸公預餞于

寶光寺

吳待坡金詩集

卷六

十

古寺臨通衢重門幾迴轉
高梧蔭松栢白日隱深殿
殿東有亭臺花卉蔚窗荷
蒙衆廷紳先期預相餞
寺卿惜交游拂拭具行卷
雄章啓司寇緒句繼都憲
羣公濡綵毫聯絡珠璣綯
盈盈泛金甌勃勃進香膳
人生無定蹤况此歸山縣
相逢不快飲臨別空留戀
明發潞河濱思君泪如霰

仲春望日辭朝蒙商萬彭三元老暨部寺諸公

出郊三餞而別

辭榮出形埤漸若青霄降
促裝解朝簪持持托鳩杖
徐行出長安已是丈人行
荷蒙衆朝英出知列供帳
放情効貞率恣飲不留量
徘徊望詞林如在九天上
游魚戀回淵羈獸思走壙
早晚下天津南舡有春漲

舟行渡相見灣

來舟下灘尾去舟上灘面
安知灘路迴一日幾相見
初擬犀角窮陡覺羊腸轉
斯須數千環解使心目眩
兒童江上漁鷗鳥波間旋
不識遠行人歸期疾如箭

吳待坡金詩集

卷六

十一

舟泊吳城山望匡廬峰內憶去日與同年萬齊
謝牧劉實四人過此今唯予一人還不能無
慨然者作詩叙懷

辭京理歸機漸至都湖東收纜吳城山遙望匡廬峰
五老出天際瀑泉下雲中
粧臺半明滅星灣亦溟濛
潮來雪波湧潮去鏡面空
石臺臨水際下撫馮夷宮
注目窮浩渺元氣相混融
憶昔上京國兩臉頰玉紅
同遊三四人志氣凌烟虹
攜手此遊覽吟詩奪天工

不常駐宛轉如轉蓬萬君性豪放經綸富心胸
出宰向陽朔聲價並魯恭鳥托神化羣黎祀歌鐘
謝令美皮政移簽撫廬封心期比秋水執操完初終
劉兄更英爽卓犖富詞鋒鸞坡稱斂捷京兆懷清通
金華偶簽署乘麾守南雍直節拒中貴封章感宸聰
天波洗冤獄史傳流清風蹇予托聯榜拘秩緣雕虫
留連兩京道冠屨困辟雍揆今四十載俄然成老翁
歸期遵舊路故交無復同惻惻恨遊目喪妻感慈容

吳竹坡公詩集

卷六

十二

希年已踰四齒豁頭亦童幸託金閭籍長懷謝塵蹤
將從謫仙誓於此巢雲松

歸田園居

舊廬在西山遠仕資隣守南還尋故業門徑荒已久
誅茆覆簷椽設席俟賓友皮閣無書存環堵有松茂
平曠稼未成遶澗泉初透蛙鼃鳴終宵林禽響新葺
用拙惟道存立休托天祐蕭蕭疏公葵濯濯同清柳
所幸完初終絮全已無負

種藥

嘗讀神農書藥性久論討歸休得佳苗羅列種池島
引鉏披荒穢插竹當羽葆晨光滋露華夕色送晴昊
結根托春深拾實俟秋早逍遙杖履間亦足舒懷抱
人生百年內服食良有道雖非彭聃姿嶺皓或可造
守真固當然茹素亦吾寶俛仰扶中衷悠悠以終老

衙門

衙門十日雨踟躕因書閣今晨始開門途徑已蕪莫

吳竹坡公詩集

卷六

十三

天桃滿地殷藂柳冒烟綠沈冥固若遠傾散亦隨欲
同心久不來雲山渺遐矚

吳竹坡先生詩集卷之七

五言聯句

臨川李巨來先生 鑒定

七世孫琦重梓

上呂梁洪與同官劉安止聯句

呂梁真天險厥初難具說節曾聞大古初有龍作妖
孽聖山堙水洪據此立巢穴止磨牙張利吻取物恣
餐養上感天帝怒奮起運寶玦勅召六丁神仗劍盡
誅滅節化為川石梗終古流泥軌止或為象吐牙或

吳竹坡詩集

卷七

一

猶馬駸駸或雄如蹲虎或銳如跋鼉節或顛角崢嶸
或猶齒噬齧或班如抽笋或黑如屈鉄萬狀不可名
一一皆詭譎止自從三皇來疏鑿勞聖哲去其男則
魁餘者咸瑣屑豈期千載後又復生嶽嶻來帆與去
施至此畏据拮節迴漩生浪花撞擊起濤雪片時罷
從中乃有千萬折既資神明扶亦藉牛馬拽繩纒失
堅牢窗牖盡傾裂止我初上神京見此卿止舌傍程
心匪寧遇食隨哽咽潛從峭碕行時以雙眼瞻節

願此心存焉用錐與鈔欣然得涯岸如獲脫鬼國止

側聞先達云遇險須戒切升高恐顛蹶泛遠防覆溺

蹇予歷仕途流浪逐南北於今三十載幾度走楚蹕

茲辰又重經蓬髮已蕭瑟此行擬陳詞乞身養愚拙

天恩倘休放便取巾車拭歸為山澤癯永斷江湖蹟

節

詠古鼎與同學鮑時王原聯句

庭中有奇器竝立良已久近瞻疑反顧熟視顛狂走

吳竹坡詩集

卷七

二

節嶢嶢齊几案廓落貯星斗熊筋跨三足龍耳貫雙

紐時宛如一元武又若於菟穀亭亭恒聳肩兀兀每

昂首原借問此何名見者皆杜口或云出陶山當以

音韻扣或云在典範宜取圖形究節伊昔古聖持鑄

物象百醜踈踈戴殷盤饗饗據周占鴈屬蟠螭節南

脛蹴蹴時必芬無犧牲細屑撒肝脰禴祠薦宗祊

郊祀禮高厚敷陳具工祝收貯付官守款識雖不周

一一憑篆籀原今茲睹完成莫察先與後揆時無甲

乙驗日缺子丑節月墓蝕癘斑沙虱蠹瘡痾曾經困
泥沙何幸脫塵垢時乃蒙君子顧列真琴書右雖非
俎豆倫可用宿火候燕坐焚香雲亦足娛賓友原楚
予生遲暮學識誠鄙陋博觀讓張華精鑒遜歐九承
問慚默然未敢妄遷就或恐是商羊試請質魯叟節

游武功與同學萬資中觀金燈聯句

武功壯且雄吳盤廻據袁吉荆吳剖封疆翼軫轉衡
輒萬瀟蕭峙嶺屹齊箕森萃律吳洪崖懸樛枝翠壁

吳竹坡公詩集

卷七

三

噴濺沫萬猿藤掛依稀鶴構奇枰机吳沅湘濟迢迢
嶺崎嶇歷歷萬東馳洑洞庭西駛匯彭澤吳崖幽蓄
雷雨澗險蟄蛟孽萬清宵駕紅霓白晝轟霹靂吳琪
花雜瑤草炳炳繡朱碧萬爰從二儀分扶輿奠南北
鍾氣產英豪攬秀芹仙佛吳葛洪鍊丹砂武姥詫玄
液萬遲遭蕭梁代陰翊佐邦國由茲闢神化遐邇共
傳述吳惟時屬秋半涼颼襲巾舄扳連藉才彥扶筇
往登陟萬仰瞻區宇隆俯視丘陵出蓬萊露青螺壘

望隔溟渤斷飛鳥不得問消息吳僧僚訝衣冠
綠雲遠祇揖招邀宿東林行厨具香積萬夜闌烟景
澄浩月照簾隙斯須喧雨廊通報金燈集吳欽裳啓
窗紗端坐看生戎萬初疑紫雲綻漸覺蚌胎坼吳或
頰若芙蓉或白若薺荷或猶龍旋霄或若鳳穿穴萬
或成黍米圓或類浮瑤缺吳宛然祝融降萬炬互迴
接又如太乙臨列宿咸拱揖萬海鰲變峰巒火樹幻
松栢三三五五頃刻數千百煌煌朱陵洞榮榮蕊

吳竹坡公詩集

卷七

四

珠闕燁哉光朗藏一一難具說吳惜無紫緘給聯絡
紅蓮結致令汗漫餘零落散川澤飄風起殘更滿目
皆黃葉萬嗟予慙寡知追逐衆貨末隨緣禮宸寤幸
獲親靈迹側聞古儒雅穎楮脩行役驅車遇形勝往
往滴翰墨杜陵謁岱宗昌黎接少室歐公寓青原蘇
子經赤壁至今載詩賦文采照雲日同游六七友學
業飽胸臆重來未可期嘉會誠罕得好乘登高興勿
吝隨名筆玲瓏續綺紉次第發金石永留鎮茲山萬

詩集卷七

燕宿謝氏永濟翁山樓聞松風與永升聯句

謝眺有書樓節構在青山麓升前臨遠深池後蔭
喬木節仰瞻逼乾蓋俯視托坤輿升遣安辭丹青尚
朴省雕琢排籤散經史延學聚館穀節惟時屬秋仲
霜早氣澄肅羣峰露青螺丹桂吐金粟升主人鄉先
達清直比康樂招邀諸同游參侍牛宗族節登高啓
華筵撫景蔽帷幕宛如坐中天萬象成在目升鏤鎔
吳符坡公詩集卷七 五
發壺矢剝琢節枳局進趨成禮容歡愛見醇酢節諧
談忘朝昏倏覺白駒過庭空散人影月色上東陸升
惠連航佳詠攀戀伴栖宿連床擁衾裯剪綵絢銀燭
樂爐燼初熟茶鼎浪新浴宵闌耿無寐得句卽聯絡
節斯須報司警斗轉衆星墮有聲動西南側耳肆驚
悸微微發璇穹稍稍下寥廓升初如奏笙簧浙若鼓
葵驚浩如波浪湧灘瀨相噴薄又如萬馬馳夾擊喧
劍槊節刁刁復調調終夕響落索升或云清嶺鳴或

謂秋聲作大哉天地根於此成復剝節晨興面空山

黃葉滿江壑升惟餘數株松鬱鬱翠如昨蒼龍尚蜿蜒

不見巢雲鶴孤撐挺狂風亦足驗卓犖呼童伸蘭

紙特扁松風閣永爲來哲觀次第續珠玉節

謁陵與定之克述馬上聯句

神京三月初按候屆寒食吳東風散陽和烟華同煖

律劉詞臣守彝典山陵謹祗謁李晨興侯西關衆車

喧轂擊吳忽聞五侯來前隊擁旌節劉又聞卿相至

吳符坡公詩集

卷七

六

鞍轡互連接李以茲混清塵避舍阻行役劉斯須升

大陽士女傾城出李綺羅耀朱紫台遊遍阡陌吳屋

角鞦韆飛神祠鼓聲急劉兒童走竹馬里巷喧雜劇

李或歌嘉樹陰或舞崇垣側吳岸花半含笑衛柳亂

垂結李排桃與紅杏粧典作春色吳乃知繁華地風

土素沿襲劉計程臨沙河解裝暫停息李所欣得時

果盤肝共羅列茅廬市流漓劬坐耶數啜吳王孫繼

經過皂纛愈輝赫李沙鑼棚數聲遐邇聚窺覲吳愈

橋遇中軍內貴森劍戟鷹犬恣飛揚驕駟紛蹀躞
逡巡入嶺口溪水鳴激汨吳兩崖高嵯峨羣岫上翠
嶺劉借問抱鋤者何許爲壽域李荅云去伊邇松檜
但咫尺吳薄暮抵永安雲林盡昏黑劉越越執金吾
扣之啓扇鏘李煌煌燃烈炬夾道如寓直寄宿學宮
傍拊散度今夕劉濁醪有妙理可取解饑渴共傾官
錦囊聯絡聚玉屑章成交股眠斗轉月斜綴凌晨謹
陪祀毋爲戀詩癖吳

吳竹坡先生詩集卷之八

歌行

臨川李巨來先生 鑒定

七世孫琦重梓

冬狩行

朔風亂捲紅雲開轅轅雪後無塵埃傳道君王將羽
徽水衝都尉奔如雷旌旗繽紛去千里翠華初出黃
金臺方瞳俊駒搖綠耳縱轡燕山驟風雨獵火晨飛
萬壑紅軍容睨合千崖紫倚天長劍標星虹鈺矛快
戟如攢峰勢撼五嶽欲傾倒網羅大野無西東生禽
狝猶殲犀兕紛紛進入葡萄宮羌胡愁絕不敢望六
龍駐在天山止何用長城衛古今毋將威德宣空曠
風沙不動舊邊除三驅已示回金輿鸞旂屬車擁前
後中有夜光照乘之明珠論功飲至彤墀裏殿上氎
毼卿雲起鈞天九奏日迎長孝祀初陳夜猶未入荒
一統咸歸王垂衣拱手同虞唐周王不用侈黃澤漢
武豈必誇長楊後車賢才盡登用靈臺已見多麟鳳

御鐫石鼓紀崇勲載筆樂前獻歌頌

內試邊將獻俘歌

大明威武超千古將帥桓桓總貔虎鉄馬頻年掃大荒
金戈幾度殲夷虜朔風昨日吹邊城邊頭大將提
天兵單于束手俘虜塞壯志奏凱歸龍庭聖皇時御
金鑾殿面縛成羣遠相見狐鼠跳梁自可憎鷹揚奮
迅真堪羨堯天蕩蕩何穹隆入荒一統歸神功有苗
既格重文治清河坐鎮蓬萊宮

吳竹垞詩集

卷八

二

瑞鳳圖

聖明御極天下寧海波不動撥効靈天生異鳥脩五
色嗚嗚噦噦來和鳴是時君王朝大清九成仙樂聲
鏗鐫蓬萊日出五雲綢甘泉露滴千花明一鳴和氣
叶音律融融瑞色開宮庭再鳴百獸盡率舞四方萬
國皆懽欣咸云此鳥不異得無乃驚驚之精英帝王
有追如來觀平時高舉翔青真良工載筆寫奇瑞流
傳圖畫觀儀形辟雍先生得此崇至寶裝潢展玩美

蓉屏精窮物理構文思何璫錦綉開晶熒他年叙績
見天子定向金門歌頌聲

壽山福海圖

壽山崔嵬幾千仞今乃在渤海之南扶桑之東層臺
屹立起霄漢環以玉宇連金宮其中真人不可彷彿
今云是南辰降誕爲仙翁厥首頌若何隆隆河目海
口瀛玉容爾來四萬八千歲依然兩臉桃花紅朝遊
蓬萊暮閭風飈霞服氣乘飛龍曾隨軒馭登崆峒指

吳竹垞詩集

卷八

三

揮元化開洪濛繼秦王母朝帝鴻時人號作東陽公
秦皇漢武不能以徑致今徒勞童男采女俱飄蓬謁
來人世觀塵蹤手携綠玉鏡青銅商山遇之成四皓
錢鏐受訣稱耆童方今聖德膺且聰八埏九有歌時
雍弘開壽域海宇同上與黃虞之世齊化功胡不喚
取安期與赤松遠來神州赤縣追華封捧此壽山福
海以獻瑞兮引領萬國同呼嵩

忠勤堂爲駙馬都尉趙輝作

鐘山龍蟠綠雲裏，威晚華堂傍雲起。畫梁何事題忠
勤，無乃都尉趙侯聖書語。前年逆虜寇天山，羽書迭
奏居庸關將軍不歸壯士死。幾人匹馬東南還，我侯
耿耿抱衷赤，怒髮衝冠指天立。誓欲長驅十萬兵，直
剪天驕飲其血。密書夜奏玉几前，披肝瀝膽千萬言。
臣今欲以死殉國，不與醜虜同蒼天。聖明天子踐新
位，手閱封章識經濟。詔留作鎮鳳凰臺，褒以忠勤荅
侯意。狼烟已息邊好通，上皇寶馬還金宮。重明日月

吳郡坡公詩集

卷八

四

麗晴吳金枝玉葉，同光風古。牙治安不常，得要在親
臣共休戚。玉音好扁示雲初，世道忠勤輔皇極。

紫金山圖爲永春舍人題

紫金之山五龍降，左蟠右蹙生晴浪。四時雷雨隱崖
叢，千載雲霞護屏帳。中有一峰勢最奇，凌空聳拔如
支犀。不知板緣至頂幾千仞，但見衆山拱揖皆低垂。
六朝偏安何足數，大明麗天照中土。金陵定鼎鎮華
夷，聖人出而萬物覩。石城巖崑斤斧開，大江洋洋天

際來九重王氣聚，宮闕慶雲繚繞鳳凰臺。列侯舊住
山之麓，今向東郊結書屋。開門正對最高峰，鳳舞龍
飛在雙目。大觀冥想天地初，陰陽陶鑄開洪爐。鎔液
山川作奇秀，千年有待爲神都。爲君作歌題此畫，紫
翠溟濛自天下。待得禪風送好音，矯首都門俟車駕。

畫龍歌

高堂忽然見龍首，恍忽非無亦非有。初疑垂髯下碧
霄，漸若驅烟出窻牖。人言龍性自有神，能大能小能

吳郡坡公詩集

卷八

五

屈伸爲羊角，卧九仙。館作劍脊，建平津。君不聞陶
侃梭悠，洋一去無迴波。杖見賢公，杖解入澄潭。湧層
浪，天生靈物不可常。變化飛騰千萬狀，吁嗟龍兮汝
能脫體化百物，胡不去鍾靈孕秀爲偉人。唐虞之時
有龍作納言，蜀漢之日亦有卧龍稱。盡臣穎川八龍
瑞荀爽，燕山五龍光禹鈞。方今治道適三五，聖德麗
天照中土。正好奮飛入金門，升紫府。出謀發慮佐中
興，若遇大旱用汝作霖雨。

白牡丹

洛陽東風二三月魏紫姚黃開春色衆中獨有醉瓊
妃占斷園林稱第一人言此種天上來西方大白凝
胚胎曾侍玉皇捧香案嫣然一笑龍顏開只今孕靈
生下土默默無言守玄圃待得裝成百寶闌載迴還
恩入天府

崖松海濤

狂風捲海海欲裂滄溟浸崖巒百千尺長松偃蹇走晚

吳郡坡全集

卷八

六

颯毛髮蓬鬆露筋骨遙聞日出海水紅仙家俱在扶
桑東此松若解變鱗甲吾欲騎爾往訪蓬萊宮

醉翁亭

滁州環城皆錦里望入西南富山水行行有路入琅
琊宛若芙蓉插天起石泉盡日鳴潺潺紫流瀉出雙
峰間山僧好事治亭榭栽花竹連溪灣醉翁一麾
來出守皂蓋朱旛駐山口醴泉爲酒啓華筵指點鶯
花樂賓友從來翰墨稱玉堂雄文字字皆輝光環滁

風景上圖畫至今海內爭傳揚山川不改名長久醉
翁之意不在酒客散林陰知幾年留題已有詩千首

御乘飛越峰歌

洪武四年西蜀明昇貢名馬其一白者長丈餘
首高九尺肉起頂下迫之卽人立而吼命祀馬
祖囊沙四百斤壓之久而循服及夕月清涼內
駕乘以出如躡雲乘風甚適賜名飛越峰予得
其圖謹書一歌題其上云

吳郡坡全集

卷八

七

皇威迅掃平八荒萬方畢覲爭歸王梯山航海修職
貢馳驅走日來遑遑蜀邦名馬聚百疋越隴經秦到
都邑品量毛色自成羣覆以黃羅獻雙闕羣中獨有
照夜白身長丈餘首九尺方瞳紫焰何熒熒肉髯磊
砢貫鳬臆奚官牽來負羈縻嘶動晴雲振長鬣有時
怒吼噴金御猛氣昂昂起人立天生異物必有神詔
祀馬祖陪明禋囊沙四百壓奇骨十旬休秣性如馴
聖皇知行將夕月鸞旂羅列長安陌親乘大白出都

門闌雲乘風去超忽禮成清涼兔魄圓夜步香街踏
晴雪天顏怡悅開重瞳嘉名特賜飛越峰周王八駿
未足擬唐宗九馬安可同吁嗟漢武逞兵力年年取
馬流沙北何如一德合天心時清自有真龍出

墨竹歌爲學錄蕭士高題

鳳池才子客臺客慣倚雲屏和新墨醉來揮灑展鯨
綃條見琅玕滿東壁數枝迸出疊石間一枝尾鳳何
彎環半窗雨意不可識但聞雜珮聲珊珊碎雍先生

吳竹坡公詩集

卷八

八

好蕭灑長年挂在軒楹下無錢買地種扶疎只把閒
情看圖畫先生好畫兼好詩呼兒抱此邀我題從來
練竹友君子不獨梧桐招鳳栖

鯉魚圖

潘家畫魚得各人鄉邑初傳貫之柳後來又復作朝
叅圍圍洋洋或先後劉郎自是同鄉人能爲獨鯉勢
逼真要將藝業驚鬼神筆尖點染江湖春須臾幻出
黃金身錦鱗璀璨眼如滌日光蕩射波鄰鄰近來秦

報九天上仁智殿前親賜賞拜官錫爵荷名封海內
流傳看漸廣羅君得此今幾時當中一鯉羣隊隨有
如濠梁聚真樂又若靈沼搏淪漪人言此魚負奇異
生來便有朝天志試看頭角起崢嶸變化爲霖九

射虎行

鍾山龍蟠朝輦轂猛虎何由據其麓平明道上欺行
人薄暮村中取黃犢五軍壯士如雲屯荷戈挾矢來
紛紛一人當前被生攫萬夫辟易驚心魂桓桓中貴

吳竹坡公詩集

卷八

九

勇且力上馬彎弓若神捷僕姑一發中懸喉三矢叅
連洞雙脇初來射虎懾虎威須臾虎死負虎歸鼓聲
揚聲震天地長安道士香塵飛聖朝從來重威武好
選軍客制驕虜行看一箭定天山永與皇家保疆土

梅花圖爲靈臺劉敬題

清江敬之我鄉友慣寫梅花得各人幾回拂素染輕
烟變幻瓊瑤作星斗靈臺劉君欣得之裝潢錦軸邀
我題恍然坐我北窗下羅列左右皆珠璣高梢叢叢

山林白疑是山陰晴後雪隨風點地如欲飛帶月巡
簷更成色靜觀此畫誠可珍宛然冰玉生精神有待
辭榮別京國與君歸看江南春

慣窮戴先生挽詩

有客來京華示我南江集南江先生墳已荒一生心
思誰能識我欲駐明月爲君照滄洲庶令雲水事俱
白滾滾萬古同長流衆人作官附炎熒先生不對公
車策衆人作賦干王侯先生不赴梁園求高風邈邈

吳竹坡公詩集

卷八

十

不可及古來惟有巢與由憶昔攜書托幽墅篝燈
對紗窗雨至今夢繞青楓林落月殘雲在何處已將
清淚寄潺湲滄波去後何時還惟有牀頭舊詩字長
留天地居人間

孔子泣麟圖

麒麟之形何大奇獨身牛尾而馬蹄體生鱗甲耀光
彩頭頂一角高巍巍堯舜之時游郊薮三王之時伏
靈圖自從六雄興戰爭欲覩禎祥世稀有天生大聖

居東魯德配兩儀冠今古經成理脩載春秋忽報麒
麟出西土鳳鳥不至吾已衰賸茲反袂空漣瀾自嗟
有道恨無位不得重見三皇時人言獲麟乃絕筆豈
知吾道無窮極正名定分扶綱常宇宙當空懸日月

吳竹坡公詩集

卷八

十一

吳竹坡先生詩集卷之九

歌行

臨川李巨來先生 鑒定

七世孫琦重梓

贈鮑主事時傳使 寧藩

王門天使諸侯上行擁旌旄坐儀仗朝封金冊進王
孫暮擁貂裘醉供帳紅門出入生光輝三司拜謁愁
皇威綉段員金銅雀硯勅賜飛龍馬上歸清江殘年
雪花白漳江門前棹相撥站兵播鼓送王程津吏疑
終擬高登用不獨星輶傳世間

牡丹歌

江南三月春晝長千葩萬蕊逞芬芳豈知牡丹恣含
笑令人一見眉掀昂半紅半白吐姿媚亦有魏紫兼
姚黃叢臺檀心爲最勝單葉單瓣皆尋常壽安延州
少人採後來獨盛稱洛陽石崇富侈黃金谷贊皇皓
愛平泉莊魏公午橋亦種此元與作賦誠精詳今君

吳竹坡詩集

卷九

何處得佳本無乃仙客來韓湘胡不載之雖玉樹令
人瑞捧陳君王乃來畫工運綵筆丹青描寫懸中堂
芝蘭爲朋石爲友紛紛粉蝶雙飛颺階前有花堂有
畫錦屏華屋相輝光主人邀我肆題品自慚才薄不
敢當佳時暇日縱筵賞親朋聚集同徜徉豈無少陵
與太白淋漓錦繡爲肝腸倘欲臨風發豪興花前先
進玻璃觴

井溪山水歌爲翔高翁作

吳竹坡詩集

卷九

二

井溪舊在安成西西山一帶高巍巍層巖峻嶒幾千
疊包藏雷雨鍾扶輿翁家住山之麓厦屋深藏隱
喬木縈紆苔逕出汀沙斷續溪橋架崖谷近邊有地
臨石渠土墻短短茅爲廬禾黍秋風滿場圃比鄰酒
熟相携扶荒山草長行人少漁舟遠勢絲綸小幾聲
牧笛出林扃亦有樵歌度雲表借問墨莊近何如瓊
臺令子今名儒丹桂花飄洒坊墨蒼松影落臨庭除
蹇予薄宦懷鄉里性癖頻年愛山水待約騎驢孟浩

然相尋直到雲深處

紙帳歌爲易雅望作

晴窗何事生虛白紙帳新裝最奇絕皎如瓊島聚春
雲恍若瑤臺墮秋月紫絲步障空有名馬融絳幘列
諸生何如半壁掛秋水置身已似居蓬瀛宣州石枕
斯州竹淡掃梅花伴幽獨豈無清夢到周公亦有神
遊降天祿看君妙思誰與儔東園翰墨堆山丘何時
拂却替纓累共卧君家聽雨樓

卷九

三

送袁州太守王宗敞致仕歸常州

宜陽太守南畿客少小爲官到頭白解將美績紀天
曹還引歸旌老鄉邑雷塘水碧袁山青笠春臺上桑
車鳴桃紅柳綠描春晴美人織錦機初成錦成結束
來如塢送君千里登雲程耆童攀附不得行聖明恩
深多畫錦皂蓋朱旂照鄉井黃霸終留百代名疏公
不另千金飲君家富貴等王侯儀賓嗣子更風流且
看金屋留南國不獨華堂比相州

草堂三顧圖

南陽一帶多雲氣諸葛當年卧龍處避地耶將書籍
看無求但把柴門閉大吠孤村薄霧開物色遑遑應
可猜霓旌鳳輦元戎騎何處明王親訪來草廬蕭索
勞三顧行李幡然爲誰赴海內英雄可氣吞篋中謀
策皆神數關張無命益城孤世事紛紜成此盧君臣
千載如魚水猶有人傳八陣圖

李白扶醉圖

卷九

四

滄洲無塵水清淺李白醉歸天欲晚一枝楊葉側秋
眉無數桃花艷春臉蕭蕭獨騎鉄連錢雙童倚棹曲
江邊招呼忘却君恩重落魄從教柳市眠四明山水
金陵道采石鶯花聚蓬島風流且作酒中仙何必天
台拾瑤草

題桂池羅處士遺卷

憶昔山翁招隱時龍池古桂盤高枝一竿恣意耶曠
適四時冉冉靈風吹一朝人去龍亦改桂樹蕭條駐

遺愛禮法多傳弟子師風雲不變詩詞海琴尊虛夜
月江漢明秋陽先公寶珮弘文館令弟銀魚白玉堂
桃林落葉愁幾片桂蕊飄香疾于霰百年旅寓信光
陰空有時人看遺卷

清池草樹歌爲劉知州題

槎芽老樹枝欲枯下有巨石如於菟苔花暝點翠銅
小藤蘿倒挂晴雲孤近邊仄徑春歸早烟縷蒙茸散
春草生意能教池沼清風光鮮映庭闈好宦游得此

吳旂坡公詩集

卷九

五

堪怡顏胡爲日夕懷鄉關直得歸榮着宮錦從容五
馬門前山

孝通祠龍子歌

山川無雲老龍死乳殼浮沉任流水仙妃俯拾向江
濱參養含靈得龍子幾日相辭去復來沉潭窟宅藏
風雷生供鮮食死埋骨擁沙作塚高崔嵬巍巍廟貌
非今日玉峽崩洪鎖危石從來孝順有人傳試看龍
宮顯遺蹟

湖山歌爲誠思翁父子作

湖山蒼蒼湖水凝湖風不動湖面平山光水色兩相
映對之可以清心形有時烟暝日西夕南山倒浸湖
影黑須臾明月輾上來萬頃琉璃蕩金壁人言此地
會落星化爲巨石沉精靈復有蛟龍蟄其下至今千
載眠不惺東風啼鳥幾更換湖中好景無人看盛時
卻有湖山翁結箇幽居與湖伴湖邊種柳風日佳繞
湖更種新荷花花濃柳翠夾門巷水中照見生雲霞

吳旂坡公詩集

卷九

六

此翁好詩仍好酒四時長覓同心友幾著殘菽送日
斜世事浮雲果何有我曾騎馬經湖埂與翁劇飲相
留連翁今已往令名在子孫滿眼皆才賢邇來宦路
倦羈旅構得林園托鄉里若教一日遂懸輿共買長
絲釣魴鱖

壽椿堂爲庶吉士伊侃作

君家壽親亦何異只把雕闌護椿樹豈非慣誦實家
詩愛此蒼蒼一株翠椿樹扶踈白晝長斑衣雜遝紛

成行金盤跪進珍鮮味玉碗行浮琥珀光安期三五
時相揖白鶴飛來樹頭立三百金丹出錦囊蒲林仙
錄推緇帙兄逢世泰無所爲椿陰教子聲吾伊子賢
折取丹桂枝青年讀盡中秘書一朝衣錦詞林歸庭
前椿樹生光輝願得嚴親多壽祉紫誥頒封到鄉里
遙聞大椿以八千歲爲春秋共祝親年亦如此

宋七賢圖爲都指揮孟嘉題

陳橋龍飛綵雲集趙相經營贊王業鼎鑄有耳非浪

吳竹坡公詩集

卷九

七

言一掃乾坤歸社稷同時武惠提重兵秋風迅掃江
南平輔成俊功有潘美雄姿黨尉尤英英重明日月
照黃閣虎榜求賢得文穆平步青雲來帝傍超遷不
用推華轂薛公舊相人共推錢公亦自登樞機七賢
事業佐三主至今霄漢名長飛萬全張侯領雄鎮坐
擁貔貅紹金印暇日能探遺像看撫時自得邊塵靜
吾聞將業在辛勤長城萬里當其身一朝青史載勲
烈便可齊芳並古人

山水畫爲王主事佐題

金臺何人重毫素援筆特寫瀟湘清天涯別意知幾
許朝來恍在江南行圖中似是文江曲新雨初晴烟
樹綠又如螺浦澄秋林山根削落滄波深遙山極浦
更何處浮雲已斷歸鴻吟漁郎舟輕何渺渺臨風遠
勢絲綸小渭水于今待獵多江潭自昔行吟少我慚
載筆承明廬朝看瓊島夕蓬池故山樵漁不得顧玉
署魂清饒夢思王君宦路清無比好向公餘翫山水

吳竹坡公詩集

卷九

八

醉來不減林中眠忘却鄉園七十里

孤竹爲谷口易居士題

月山道人寫孤竹欲抵人間萬戶侯偶然展向堂上
壁四座便覺生清秋一竿側出挺蒼玉裊裊橫梢爲
誰曲素練香凝翡翠背雲屏色絢琅玕綠想當迸笋
初生時玉階斜壓簷簷枝虛心不逐嚴霜改直節寧
并競秀遲只今已向雲端出況有丹青擅名筆谷口
烟霞憶舊遊直待南還訪真跡

曉亭送別贈姚子禮之湘中

長庚錯落天將明，扁舟欲發雙橈鳴。
紛紛祖餞出江浒，澄尊照月送君行。
行行胡爲顏色好，年年騎馬襄陽道。
湘娥祠下聽吹簫，鸚鵡洲邊弄芳草。
只今作別曉亭東，玉壺翠榼琉璃鍾。
楊花飄拂點頭白，桃蕊參差入面紅。
知君蹤跡無遠近，小阮湖南待鄉信。
大澤天寒換弊裘，洞庭月好看明鏡。
南游應過楚狂家，苔蘚蒼涼徑花人生得意念鄉井。
莫學陶朱去轉賒。

吳竹坡公詩集

卷九

九

賦得瑞溪歌送編修陳文還廬陵

詞垣陳君遠歸省，手持錦軸邀題品。
展圖彷彿識山川，乃是瑞溪之清景。
瑞溪遠在櫟山陽，紫流沃野帶崇岡。
昔年嘉禾獻丹旻，至今此地懷禎祥。
禎祥在物何足尚，陳君讀書起人望。
三場事業冠羣英，一朝平步青雲上。
瑞溪水清合衆流，華坊突兀當溪頭。
亭橋有路入山麓，長松修竹森且稠。
春光十里馳飛騎，出候陳君榮省至。
解元今作探花郎，歸拜雙親慰親意。

始知此瑞不在溪，溪靈孕秀生文儒。
今年畫錦來金闕，明年鳳詔封紫泥。
溪花照日紅綃動，澗草含風翠羽齊。
大丘德厚多餘胤，况有書香托芳潤。
簪纓滾滾並溪流，益信溪山以人勝。

天祿閣爲翰林劉吉士題

圖書府天祿閣，玉堂金馬散鱗次。
冉冉青雲自天落，平明記得漢官春。
接武聯珂几幾人，校讎豈是塵中客。
視草渾歸席上珍，太乙果何爲乘風。
夜相訪何用。

吳竹坡公詩集

卷九

十

金蓮枝自有青藜，杖潛輝耿耿頌儒林。
往事悠悠成古今，雄文不獨千金直。
喬樹仍將幾處陰，故人好事崇文雅。
展玩名圖省垣下，山川不改舊風情。
尚有餘光照深夜。

把酒問月圖爲李修撰作

詞林李供奉，逸興如流泉良宵俟明月。
把酒問青天，青天錯落星如織。
皓月離離碾空碧，玉兔踰四多愛。
驚嫦娥媚舞雲鬢濕，無情可娛目。
有影難同心千年。

晦魄從圓缺蓋世襟懷自古今故人寫圖愛豪族余亦新歸自天上詞林醉月可相同爭似文光高萬丈

兩村烟樹歌爲員外曾輩賦

西昌南去波聲小烟樹窻籠翳昏曉居人稠登有名家兩村一姓從來少碧梧翠竹連青槐根株盡是前人栽有時烟銷夕陽欽望中隱隱多樓臺東家聽琴依古木西舍談經語相續逕裏西風落葉黃田頭春雨秧苗綠方今時節當大平世家滾滾多雲仍秋官

吳竹坡詩集

卷九

十一

事業照青史羣從賢科傳盛名頸江一水東流去上邇龍洲知己處有待他年訪故知爲解征鞍繫烟樹
荷花圖爲尚寶丞楊瓚題

圖中似覺薰風起吹動蛟綃漾紋綺不知何處是重湖但見荷花耀洲渚花光水色相爭妍鵲鵲飛下猶翩翩波翻翠藻金錢碎露折殘荷珠串圓望中盡日無蘭棹疑是稽山少來往湘君舊宅深雲間賀監幽居鏡湖上水仙品第何足稱花中君子久傳名容華

豈受丹砂養直道偏宜孤翠停嚴君夙昔居天祿每有金蓮遞相促賜宴時從大液池看花多在延春閣今君繼美芙蓉姿觀圖可以賦新詩金塘旭日發初焰玉井銀塘流素輝况聞舊業龍洲側手種蓮房已堪摘何因得上春雨亭共覽先公舊行跡

息齋支離竹圖仲兄與栗得之因作歌以識其野人薙竹編籬落息齋見之解其束露滴新梢影未齊雨洗殘黃勢猶弱疎烟欲拂高且低枯枝帶葉亦

吳竹坡詩集

卷九

十二

何危鮒頤露鱗長難辨鳳管虛心自不移從來洪澳比君子扶植襟懷亦如此春色時從雨後添清風日向天邊起乃知直節不可摧李侯下筆生意同嶰谷青雲一片開不管霜威特地來君不見古來折腰事權貴何如此竹道拘繫一朝脫酒上層霄從此年年老蒼翠

嚴灘歌

雲山蒼蒼江水長一竿獨坐盤石涼羊裘不脫雪滿

裳風吹箬笠挂垂楊澄潭水深綠百尺游魚不驚聊
取適浪酒蘆花酒易醒潮生夢港舟難覓青山同錦
里白石砌圓蘆小橋轉行客物色近何如新豐樓臺
間花柳富貴浮雲我何有客星依舊照寒灘吁嗟先
生名不朽

洞府仙源歌

樓臺俯層漢花竹開重扉人間清景少曾見洞府風
情聊可知低簷隙閣青籬障白石爲階綵雲上仙翁

吳竹坡公詩集

卷九

十三

放鶴早開門高士騎驢遠相訪天台廬阜非閒處閩
苑仙源總烟霧十年書劍尚無成欲覓扁舟從此去

挽子曼卿廣文

日暮雲春天樹先生一去知何處殊方烟草幾回青
故園松篁待君翠記得那陽振鐸時春風隨處足新
詩武陵桃源花萬朵汝水羅浮梅幾枝龍樓未竟香
枴折琴劍憑誰問消息賢舍燈銷紙帳空門前柳彈
青衿淫才華筭無比慶源知有人雄藩勒石新題字

渭水潛節更愴神江楓愁來打紅片落月猶疑夜
見生芻無分到城南直得經過解孤劍

折尾竹歌爲同官克述檢討題

翰林檢討辭龍顏將以八月歸浮山鳳池才子贈蘭
紙揮灑墨竹居其間一竿直上折修尾無乃曾經撼
風雨鳳鳴解谷剪餘音龍化滄江未全去側聞任公
子手取最長竿六鰲一擲不再舉能令大海揚波瀾
知君曾作麟經伯意在經營特相比白玉堂中吉士

吳竹坡公詩集

卷九

十四

朝陽鳴鳳圖爲同年進唯彭主事作

東方欲曙天曠曉駿鳥一浴金波紅羲和攬轡驅六
龍須臾擁上扶桑宮丹霞赤燒尤彤彤有如字廟開
洪濛千時有靈鳥五色耀錦章遙從綵雲裏竚立來
高岡揚眉昂首相大陽梧桐傾枝俟其翔一鳴變風
景再鳴應宮商三鳴玉燭自調燮能令四海俱望禮

憶昔有虞御宸極簫韶九奏聲洋洋此鳥來儀亦堪
下寔與百獸同賡賡西周文武熙重尤岐山有穴
且良此鳥感之一來集遂使運祚增靈長我朝盛德
邁三五大明麗天日卓午海宇清寧品彙亨聖人作
而萬物睹神龜龍馬出虞淵騶虞麒麟見中土四靈
畢至總當時綵鳳翩翩向庭舞彭君有圖何俊奇無
乃自負鳴世姿秋官事業聲價馳皎如綵鳳鳳朝曦
嗟予落魄無所爲年年空賦詞林詩登科會共魁鄉
羽儀

吳竹坡詩集

卷九

十五

吳竹坡先生詩集卷之十

歌行

臨川李巨來先生 鑒定

七世孫琦 重梓

一樂卷爲同年修撰林恒簡題

林家一樂天下稀雙親具慶昔期願弟兄無事侍歡
笑翕然如奏埙與篪大郎中年曾及第翰苑泥金報
書至能令堂上啓權顏花萼芬芳伴沉醉一朝錦勃
來天門箋箋來報雙親恩羣龍展席向庭圮膝邊拜
舞多諸孫况聞國史進丹闕龍賜官衣與金帛許從
歸省獻親前畫錦尤華照鄉邑林家一樂誰能同矯
矯六子皆神龍上堂捧獻琉璃鍾願親壽考無終窮
遲遲化日常流轉孝順存心成天眷再三稽首拜
和聖皇萬壽親長健

得月樓爲隱士李志節題

盡樓重重瞰空碧海中有月常先得匿影應從地底
來含輝卻向波心出初如昆明沼紅蓮作蕙蕤又如

驪龍半夜睡方醒當天擎獻玻璃珠斯須歛起祥雲
上君家高樓正相向炯炯銅盤粲露華熒熒玉鏡生
晴浪此時謫仙孫子登高樓把酒問月真風流左顧
銀蟬右霜兔喚取嫦娥笑傲凌清秋元規南樓今已
矣齊雲落星徒爾爾何似君家得月樓樓高月好心
如水放懷樂意居世間甘與無情結知己近聞羣從
多讀書見月不斷聲吾伊試看明年展高步飛取蟾
宮月桂枝

吳竹坡公詩集

卷十

二

教授尹遜喜竹爲作愛竹歌一首

聞君青年無所爲竹林深處問書帷秋風幾度聽蕭
瑟夜月不斷聲吾伊一朝鼓笈游芹泮移植新篁對
窗面截取長竿釣巨鰲綠雲送上蓬萊殿天恩有許
任瀟湘中年振鐸天一方九疑七澤看欲遍烟光萬
頃浮滄浪滄浪之水如碧玉青矜色映琅玕綠胡瑗
門前絕薛苔馬融帳下多絲竹遷鶯飛過蒼梧東榕
陰不及竹陰濃慣撥晴雲看翠鳳解將化雨起蒼龍

攜家東南二十載還家見竹色不改榻上彈琴夜朱
火林間生笋春堪採柴門流水與悠然竹葉清香度
几筵風流豈必問江左逸興何如在渭川看君愛竹
世莫比知君直節亦如此明年換錦遠朝天可有青
雲坐中起

白雪歌送秋官曾暈歸泰和

朔風釀寒捲枯葉萬壑千山凍將裂何人乘興棹扁
舟載入江南看飛雪雪飛千里何續紛四方上下皆

吳竹坡公詩集

卷十

三

同雲霓裳有影從教散碎玉無聲何處聞去年長安
二尺許今年三白無遐邇自是天工許歲豐故將嘉
瑞符明主故人作官爲省郎迴流臘月歸西昌心清
行潔有如此溪山雪月同輝光舟中行李何蕭索白
雪陽春有珠玉雪晴雲散好歸朝莫學袁安恣高卧
榮慶堂爲陳瓊作

侯門自來深似海中有華堂何奕塏不將高座擁貔
貅卻把毼毼戲斑綵雙親壽考何康強齊眉白髮當

中央香焚寶鴨輕烟裊花撲珠簾清晝長春但殢盈
酒初熟捧獻杯中蟻浮綠一樂頻舒萊子願長生何
用安期祝吾聞武將思有爲如今且奉親期願一朝
手取黃金印忠孝雙全人始知

半窗竹爲順陽題

高堂何人寫修竹招引清風滿華屋巴戕揮灑墨淋
漓靜坐相看勝淇澳三竿直上何亭亭浮雲截斷秋
空青半窗空翠不可掃涼風颯颯來疎櫺昔年曾別

吳竹坡公詩集

卷十

四

瀟江渚推蓬厭聽簷簷雨至今夢繞鳳林橋斜日蒼
茫是何處浮山逸士心悠悠肯栽綠竹環居幽高梢
已截釣鯊去天生貴介真風流我慚愛竹徒能羨宦
路年年憶鄉縣會當一日謝浮名十里城南盡行過

壺山歌

壺山嵯峨白雲裏四面岡巒一溪水境開壺外見高
原地入壺中聚幽嶼竹籬茅舍環坡陀白石清泉連
澗阿溪橋烟暝行人少屢屋晴明幽意多君不見壺

丘子磊落胸懷富經史誨成列子解遊仙御氣飄風

行萬里又不見懸壺翁番身一躍藏壺中豈知包括

有天地五雲臺殿相玲瓏蹇予素慕壺山樂來壺盛

田結書屋只將稼圃爲生涯豈料軒居在空谷什途

一去三十年今來幸喜歸林泉舉觴邀月壺邊坐隱

几迎風壺上眠比鄰酒熟邀同社暫豁襟懷淡如也

不言天上盛繁華且向壺中叙清話有山可樵田可

耘有書可讀遺諸昆若論世上奔波事不及壺山一

吳竹坡公詩集

卷十

五

段春

六龍圖

僧繇畫龍稱妙手破壁飛騰得名久後來繼者奪化
工前元亦有陳所翁此圖乃是顏詩筆雲霧溟濛海
波裂四龍矯矯已天飛二龍隨孽蒼厓出罟聞聖人
登極時六龍御天升紫微雲車五色耀天地萬方畢
觀歌雍熙嗟哉羣龍何濟濟攀附重光盡如此胡不
見準變與諸葛大爲蒼生作霖雨

松月圖

山中有松人不屑度壑穿崖倦登歷不如生在溪水
傍水色松陰兩奇絕有時明月升滄溟宛然幻出蛟
龍形東枝倒卧西枝傾左攬右拏如奪爭月華在天
光在地松本無情結同類若教松陰月色影寒潭便
作蛟龍戲珠勢

梅花圖爲陳教諭題

陳君作官厭塵俗只喜梅花伴幽獨欣逢好事寫生

吳荷坡公詩集

卷十

六

綃招得春光滿華屋池芹引翠樹杏紅不如素英粲
粲開簾櫳有時講筵退食坐軒几席間稍稍來香風
高梢叢叢映虛白疑是朝來帶晴雪岷山玉碎寂無
聲天府珠圓自成色知君負才三十春愛君清白邁
等倫直待梅花結珠寶去作調和鼎鼐人

同年給事宋璉沒作些歌以哀之

根秀何丰茸些嘉禾易枯槁些傷心失良朋些痛哭
留蒼昊些憶昔秋風攀桂枝些束書共赴彤龍擲些

三千禮樂條清問些五色雲霞生繡衣些當時金榜

懸天表些百十人中君獨小些得意爭題紫鳳凰些

歸榮又載青駟馬些三年畫錦許淹留些殊恩特選

向瀛洲些覽旌鳳蓋常先導些青瑣黃門多勝游些

涼颺一夕吹西掖些清露梧桐墮蕭瑟些恒山木落

烏聲哀些遼海烟荒鶴飛急些韶華何短世何長些

旅櫬乘流歸故鄉些不將舊事論黃鳥些謾觀悲風

愁白楊些金川逝水何時竭些玉峽殘雲已無色些

吳荷坡公詩集

卷十

七

杜甫難消李白懷些空梁落月蕭蕭夜些

畫山水歌爲周處士題

吾聞大行山之脊千里萬里無窮極又聞五嶽四鎮
羅坤維歛藏雲雨鍾扶與其餘諸山盡小低浮嵐疊
翠相因依世間觀者誰能遍只讓周生馬跡健夸父
狂奔未足論子長豪縱耶堪羨人生多少行路難豈
能浪迹窮大觀不如懸金購名畫天涯移在屏帷間
靜觀此景生遐思好山好水真難遇王維浪說瀟川

莊杜甫虛傳浣花句中崢嶸立開芙蓉人言勢與崑
嶠俱試使青冥可升眺同看扶桑日初出

景德樓爲劉教諭作

南山一帶連天碧名家作樓遠相揖仰止應多列秀
峰具瞻不獨嶢嶠石長衢大宅羅西東書臺突兀城
之中山川雲雷秘精彩舞雩不斷鳴天風我昔攜琴
此經涉樓中主人最清直爲言先德啓昭城後來滾
滾相沿襲滇池別駕簞篋車廣文藻鑑懸清輝岑樓

吳竹坡公詩集

卷十

八

華扁照疏綺長歌短詠皆珠璣昔年貳館開南郭樓
前種桂成佳木坊墨天晴倚檻看經書夜永分燈讀
我慚宦游今十年倦飛未遂歸林泉安得乘風曳黎
杖爲君盡和登樓篇

林石禽鳥圖爲顧隱士題

丁香樹枝沉香骨下有盤根上無葉托交自許伴疎
篁借護寧教長荆棘亂石坡陀勢轉奇大皴小皴斜
復歌秋風過處龜龍瘠春雨零時虎豹肥世間此景

人難到亦有珍禽不知老堂上相看兩白頭雙雙似
在蓬萊島

鴝鵒圖爲鄰友題

高堂忽然見鴝鵒並立東風伴棲宿能呼春色吐枯
梢解喚晴光到幽谷聞道端陽學語成不須萬事說
天生喜隨人意難調字飛入花叢偏好聲世人紛紛
說鴝鵒爭似微禽戀鄉土瀏亮從教變楚音翩跹自
是同吳舞始知此鳥實足珍會見雲霄辨姓名若爲

吳竹坡公詩集

卷十

九

籠獻彤墀去一路諸侯也避行

吳竹坡先生詩集卷之十一

歌行

臨川李巨來先生 鑒定

七世孫琦重梓

泊青原承陳大守本深過訪

井梧飄葉秋尚多狂風作迅吹洪波帆檣如山不敢
進青原大守來相過朱幡皂盒黃金珮鷺渚螺川共
高會展席遙臨綠水前官情暫撥浮雲外前年射策
彤龍墀勞君分我金蓮枝九成仙樂響飄拂重門列

吳竹坡詩集

卷十一

戰光參差別來幾多時君恩亦何好勅書御墨粲淋
漓單車出守江南道看君到來各自香東風滿地回
春光弘農無虎渡河北潁川有鳳鳴朝陽丈夫所貴
二千石片言尺牘生顏色明朝解纜凌波亭矯首相
思隔溟渤

主事陳安送暹羅使歸國賦此爲贈

四知有麟梧有鳳航海梯山盡來貢暹羅使客早歸
朝上國春官遠相送着鞭一躍開通衢指南何屬當

先車皇華擬續三章後屬服同遊萬里餘淮河上
平如掌譯使低頭別東廣堯天有日見光輝炎海無
波任來往東風柳韓想南還定過清江碧韓間過門
不用頌同省禹稷何曾行路難

九日宴集得霜字

秋風瑟瑟天雨霜東籬菊綻金錢黃南宮主人清興
長臨芳展席慶重陽卿曹苑署多同鄉銀鞍綉轂宮
錦裳入門一笑生輝光德星粲粲照華堂傳籌急飲

吳竹坡詩集

卷十一

二

飛羽觴醉後狂吟追栢梁詩成音韻何鏗鏘有如金
薤垂琳琅方今賢俊俱周行淵明何用歸柴桑太平
令節已有常放懷取樂應無妨更約明年樂未央

九歌圖代李先生作

東皇之居大微庭神光照燭爛晶熒力幹造化惟天
成揚杵拊鼓竭忠誠事神願神怡且析苾苾浮空蓋
冥冥倏忽變態無畱行龍章帝服世所憑焱然遠舉
前相傾湘江渺渺連洞庭江流不動波不興靈神不

不更何營捐玦遺珮舉杜衡大鈞播物難可名貴賤
壽夭誰主令司命柄之莫敢櫻擁良殄穢爲民正海
天將旦霞流頽望舒啓馭中天升彎弧射落天狼星
四方萬國皆澄明黃河聲激如雷霆朱宮具闕何崢嶸
蛟河伯一去紛揚靈鯨魚遠送波浪迎山中之人幽
怪形嘗乘赤豹襲芳聲幽篁欲出離郊垌風光蕭蕭
猿夜鳴提戈衷甲事長征奮志效勇氣憑陵殪軀喪
元心不慙生無媿作死亦寧千秋享祀終相承楚人

卷十一

卷十一

三

事神詞不經三閭大夫人中英刪除燕昵歌德聲寄
以忠君愛國情昭垂萬古疇能評

荆都司行樂圖代李先生作

將軍雄畧不可當射犀搏虎如驅羊信手彎弓明月
張望空飛騎晴雲翔祖前父後佐君王豐功偉烈昭
旗常襲封陰爵荷恩光剖符分閭鎮一方東南國賦
百萬強頻年漕運提其綱雲輪羽委實厥倉歸來無
事得徜徉西湖天目及錢唐不乘不騎不揮揚從容

步武在周行沈思默慮若有忘胸中兵甲真難量
據肝膽効忠良他時勲業誰與亢麒麟閣上增輝光
送馮太守敏學之紹興

南宮柳新綠上苑花初紅春官遠出守五馬如遊龍
雙旌遙遙向何處都門冠蓋多于霧道上徐行只見
春軒中有冕還須露鏡湖流水青如苔山陰太守天
上來腰懸金帶擁高座黃堂政化須臾聞桑麻滿地
屯雲黑卧龍出下人烟密衙門長有讀書聲村徑應
無吏行蹟儀曹舊望人共稱况卿君命專名城君不
見一錢劉寵表遺愛只今史傳留芳名

東坡卧看秋山圖重和山谷韻

沙如練水如環左縈右折隨青山長橋有路向林樾
行人漸入依稀間遙空鴈來亦何遠可惜無聲度秋
晚崖瀉流蘇散瀑泉雲橫翠黛低眉巖邊村老樹
葉霜蕭蕭敗葉墮斜陽落霞孤鶩亂秋水茅亭倒映
江天光東坡晚愛郭熙筆山谷題時亦華髮但余并

金懸購詩與圖不羨人間二千石

橘樂爲螺山道者字定題

君不見陳丹丘清水色映方壺秋又不見易方外
懷似月情如海後來高第凡幾人皎如宇定猶精神
室中泥龍幻龍沈林下交遊多鳳麟昨來進揖彤龍
閣袖出名圖橘中樂千載商山絕後塵一代詞華總
名作嗟予遊宦逐東流紫極宮前曾泊舟有待他年
謝簪組不管傍觀爛柯斧

吳郡公詩集 卷十一

五

送周員外岐鳳致仕還文江

君不聞二疏解組歸去來道傍觀者稱賢哉清風先
爲掃林壑回頭一笑烟霞間紫芝歌竟無人和滄浪
之水無清濁白日誰看澗草幽芳春但見林花落礪
州達士揚清芬半生瀟灑在青雲職方事業明時重
璧水詞華天下聞一朝謁帝金鑾殿白髮蕭蕭乞歸
便光祿頻供御賜筵羣公爭把都門餞回風吹送不
蘭舟呂梁左蠡俱安流浮雲世事何所慕白石清泉

爲舊遊庭階令子詞林客欲挽行裝那可得瓊瑤宮
衣奪晚霞淋漓錦語輝晴日青原花開春水深高鶩
黃鵠無遺音別來欲寄相思字只恐鱗鴻無處尋

綉綵堂爲侍御章聰作

桃紅柳綠鶯三弄蜀錦吳絲盡來貢深宮制得綵衣
成持向金門日華動天恩勅賜憲臺郎九重出入生
輝光股公雲裘何足數桓典花駟行自香一朝歸省
雙親在羣季聯芳餐斑綵翩翩拜舞向堂前壽觴欲
灑春如海相州畫錦空自奇千金難買親期頤聖朝
若遣觀風使先採君家繡綵詩

滄洲圖

舜咨各畫不易得黃家有圖今見之筆意妙乃如
此令人坐對生遐思望中遠勢滄洲上有槎牙之
老柏微風吹動寄生枝無數龍髯恣飄拂近邊有竹
亦成林歲寒曾許結同心天生至節自爲偶堅貞不
受嚴霜侵溪邊好景無人住我欲携家不能去渺漫

吳郡公詩集 卷十一

六

滄波無盡期亭亭落日知何處煩君渡口繫扁舟明
當渡我歸林丘會應共聽滄浪曲日日行尋溪上遊

賦得春草詩贈大叅孫原貞之河南

東風一夕吹新律萬草紛紛盡凝碧宛如剪出亂雲
絲散與人間作春色天南塞北何逶迤重湖淺渚迷
東西誰家池上生殘夢何處天涯人未歸春官早歲
多才思慣向南宮看生意獻納頻舒桃李顏司存人
長青我翠一朝拜叅辭上都故人寫贈春草圖紫薇

吳村公詩集

卷十一

七

自昔多陽艷小草從今無瘁枯錦茵鋪出推丹轂千
里遙遙望伊洛送君愛君不可畱目斷如原馬蹄綠
介山駐節贈叅議鮑時之山西

君不見晉文公豪姿矯矯如游龍天教失所試艱險
追隨蝦蟇尋高蓬當時介子苦羈旅拔劍刳服何英
雄一朝曲沃風雲起四海驪虞望霖雨會盟踐土總
諸侯天子分明賜弓矢人生意得須懷恩時書午夜
懸官門介山烈火掃忠焰空餘古廟臨荒村大叅旬

宜此經涉應向祠垣駐旌節紫袍金帶問耆童能令
山水生顏色前朝遺事後人傳太平猶自禁新烟和
風不動宮中燭好雨時催繅上田年年國書省耕稼
不待薇垣事閒暇便中援筆表英靈亦可揚名遍天

淵明歸柴桑圖

沙棠爲舟桂枝櫓丁男快提健千虎獨向中流歸去
來望入柴桑是鄉土三逕蕭條五柳斜菊荒籬落半
開花蓬窗未拾退休蓼歡呼稚子迎江沙萍蹤宦轍
誠草草萬金不及還家好林逋倦鳥宿猶遲岫引還
雲迹如掃有溪可漁山可樵比隣酒熟足相招君不
見近來破膽事權貴豈獨逢迎但折腰

桃江錦石詩爲李巡官作

桃江一帶春流碧浪滾桃花錦爲石翩翩石上雙鶺鴒
鴂暮雨驚寒轉飛急前年洞簾陷州城李家兄弟提
鄉兵清風一掃磔餘醜能令黎庶安餘生聖明天子
嘉宣力勅授巡官鎮鄉邑首加烏帽藹春雲手挽銅

吳村公詩集

卷十一

八

章綯朝日孰知三五夕明月沉滄州斷鴻飛不度誰
爲原隰求難兄宿昔同忠義繪作名圖憶難弟江流
不轉石心堅歲折桃花濺新泪桃江滾滾痕痕多縈
流入海爲長波試教桃江水枯錦石磷李家兄弟名
不磨

朝天鯉魚圖爲鄉貢賀溥作

滄洲水暖春溶溶羣鱗作隊來朝宗
鯉魚奮向潮頭出直谷但見碧波湧透萬點桃花紅

泰陵金集

卷十一

九

上禹門隨霹靂揚鬚鼓鬚舞雲中此去天池應咫尺
天池乃是龍所居中有活水圓明珠養成奇質幻頭
角電光爲洗鱗甲光陸離世人攀附遇明主變化飛
騰亦如此若教九州四海望雲霓便聞威靈布甘雨
金陵白下亭送劉行人使南交

金陵白下江水橫中有勞勞送客亭維時春歸風日
晴垂楊夾岍啼新鶯遙聞使節自上京傾城冠蓋來
送迎玉壺滿泛杯中酒願君萬里登雲程雲程遙遙

渺無極雙旌直指南交國南交遠在炎海傍海天湯
漾玻璃色天書到日開紫泥藩王拜謁愁皇威三邊
無復縱風馬寸心仰照如傾葵椎牛擊鼓宴天使肴
核多傳海中味倍增犀象貢天朝雙捧金繒荅恩意
炎方秋爽好南還遍看海市窮山川漢時銅柱鎮邊
徼伏波遺跡猶依然丈夫所貴仗旌節不恤勞心與
勞力逢時專對在一言何須枉誦詩三百

鴻鴈圖爲志完題

泰陵金集

卷十一

十

畫圖咫尺無冬春地形可辨寒無垠汀蘆浙瀝難耳
聞中有鴻冥塞鴈相爲羣高飛彷彿翔寥廓啄食寧
求稻梁足暝色多從寥岍樓晨光每向湖田落文王
苑囿春融融湘靈錦瑟彈秋風傳書豈必天涯帛失
陣須防馬上弓汝南逸士悠悠者謂我幽栖久田野
料得隨陽亦有時高高鴈塔紅雲下

西昌羅昇母子歸自塞垣作萬里攜幼圖詞林
憐其間關賦詩以表之

龍山朔風高馬塞驚沙走行子畏長途况是閨中婦
記得羅門全盛時阿翁作官郎俊奇重門靜鎖鶯花
密深院垂簾風日遲一朝事變時亦與全家謫戍遼
陽地此身既及逐鷄飛焉知遠向天涯去邊城到日
茅為廬土風迥與江南殊眼前骨肉賴相保寧辭織
紉供軍需天傾地折郎亦逝孀居獨守携孤稚痛哭
殊方孰與憐家鄉萬里知何處聖明天子多仁恩近
親在庭勞致言特宣詔旨許蠲役卻放合家室天南還

卷十一

十一

扶携幸喜尋歸路冰雪間關未須訴行人相見賀生
全候吏停繻慰辛苦入門索笑含悲傷且掃先公舊
影堂階前喬木仍餘翠堂北萱叢送晚香人生百歲
渾如寄守節全孤謝天地孟姜不負杞梁妻流傳可
續邊城記

吳竹坡先生詩集卷之十二

歌行

臨川李巨來先生 鑒定

七世孫琦重梓

岳陽樓爲國博王原兄題

岳陽樓高瞰湖水上插青天下無底河流滉漾幾千
年鏡水虛明三百里每年春歸三月天花紅柳綠爭
織妍岳陽士女慣遊賞金鞍玉勒來翩翩搥鍾考鼓
恣譟譁縱覽憑高快心目插花弄綵闌繁華笑指浮
生枉勞碌開元寺裏僧定遲三閭祠前人立時松陰
驛路好騎馬往來不斷香風吹有時晴霞映林薄傳
聲報道神仙過樓中有客揖浮雲道上行人拜飛鶴
岳陽風土眞足誇帆檣影裏藏人家桑麻足衣魚可
食湖南湖北皆生涯原兄作官歷荆楚剩說三湘好
風土何因携手上高樓一覽湖山閱千古

送劉紀善丕武還廬陵

浮雲作雨還歸山翩翩倦鳥思林間人生宦遊到頭

白坊成業就須投閑念君英年起文水磊落胸懷富
經史早從泮水擁青毡步入王門躡珠履河間禮樂
頗掄揚東平爲善增封疆肯擬劉楨追忠悃耻同宋
玉鳴荒唐縹緲尚有新珠玉賢王去後無人和自分
青袍天上行且甘皓有林中坐故山南望歸田園柴
門流水興悠然莫訝交遊頻問訊待將詩字祝長年

秋山碧障圖爲御史魯蒙簡題

先公自是文章伯慣倚蓬萊看凝碧今君亦喜對秋

吳郡公詩集

卷十二

二

山無乃襟懷共澄澈西山並夾芙蓉屏中峯突出凌
空青不知嵐翠深幾許鴻飛盡入秋冥冥誰家樓臺
傍溪築疊石扶闌凡幾曲敞開林亭賞秋菊想是柴
桑酒初熟佳客未迎筵已促喬林半掩紗窗綠極浦
波光澹澹來近村黃葉紛紛落靜觀此景無窮期惹
起張翰思鱸魚十年宦轍何由歸吳山楚水今何如
知君亦是懷鄉者相府新除少閒暇朝回指點看圖
畫漫說雲山似親舍試教門前添種几株松歸時好

繫青驄馬

江天暮雪圖爲知縣俞寬題

俞公大作金華尹幾度臨風憶鄉井一朝歸省虎頭
城謾向江天看清景江天積雪晴未消遙山遠水皆
瓊瑰凍裂溪橋失行旅寒生嶺嶠迷歸樵蒼苔獨立
不知暮混合乾坤總玄素恍然如在水晶宮玉宇瓊
樓是何處揭來命工傳此圖天生景與精神俱白屋
無人怨統綺琴堂有客懸冰壺餘情往興皆如昨蒲

吳郡公詩集

卷十二

三

卷新詩總奇作爲君放筆寫狂吟不信陽春是仙曲

送同年鄧參議履純之闕藩

鄧公自是當朝傑碧梧翠竹同標格蚤年志氣吐虹
霓曾向丹墀獻長策承恩蒞職居秋官節操堅貞屬
水蘂政聲煒煒動朝端薦剡翩翩達金闕福星曉出
紫微垣祖筵盛集青雲客我曾聯第托同年謾舉難
杯壯行色梅蕊晴分白玉英驛驛曉試黃金勒青年
吉甫降維嵩爲壻爲城保邦國今君緋紫參大藩正

直剛柔諒惟一鳳臺士友念交遊閩海蒼生仰恩澤
鸞鳳終鳴泊世音鵬鵬益展扶翻佇看功績驗朱
書佩服重金進方伯

前元劉平以車載妻子避兵于南夜半虎攫平
去妻奮刀殺虎復夫仇好事圖之桃源謝先
生爲賦詩甚工命予和焉

川原無人繁草木細雨斜風車下宿家鄉蕩盡避兵
戎幸得眼前餘骨肉夜深乃有虎負嶠奮身開虎誇

吳竹坡公詩集

卷十二

四

健兒寸兵不制咆哮勢呼聲已斷荒村西皇天有誓
誰能負烈婦丹心正危苦抽刀結束向風前殺虎報
夫何勇武虎死何足惜夫死不復生襟中血泪已凝
臆夢裡嬌兒猶未醒吁嗟乎卞莊鼓勇無全力馮婦
下車膽應怯古今誰似劉平妻凜凜英風表貞烈

春日同賀志良張慎徽暨郁叔亨仲行季鑑劉
行忠行恕諸親友訪宿劉隱士達材山居池
以爲樂翌日歸途遙寄

青山欲來白雲去山鳥驚人啼不住流水平分溪上
田雜花不辨烟中樹小橋曲徑柴門開桑柘陰陰春
社來鄰翁見客扶筇竹穉子穿林掃綠苔去家幾日
誰非客高卧吾廬在君側對酒晴看屋上山分題夜
落當窗月張芝曉起忘草書知章騎馬將何之二劉
三郁隨履茶邀我散步觀龍池一溪初入盤清泥兩
崖合逕窮攀躋躑躅有無不可知但見一泓紺碧涵
淪漪綠蘿飛花數千點寒聲淅瀝侵人衣邊山白石
何離離亦有棄道仙人棋丁丁數着猶未了紅輪已
墮蒼厓西人生歡愛何須別門前楊柳絲如結明朝
別後知何如惟見山深水重疊

爲熊聽澗圖爲朱曼題

朱君平生好名畫得之不啻藏璫璣金臺携手一相
見示我水墨鷹熊圖維時清秋退殘暑素練霜風忽
然起懸厓東裂欲傾頽草樹寒深盡枯死蒼鷹飛來
何壯哉孤熊踞坐茵蒿萊氣雄志猛兩相敵賴有澗

吳竹坡公詩集

卷十二

五

水聲喧厖君不見韓彭功成被菹醢金谷珠沉爲財
賄當時只欠醒心泉後世空餘笑談海乃知畫石天
機深令人一見清塵襟張良遂志逐松子青冥黃鵠
無遺音還君此畫爲珍玩落日輕烟翳鄉縣高堂目
有金鏡圖勝寫丹青爲時勸

舖雛虎圖

荒山落日烟霧深猛虎兀坐長松陰橫身安尾耀雙
目飛來乾鵲驚投林二雛跳踉蹌威武一雛豹變文
可數若教四虎守邊隅天子無憂保中土君貶西平
奕葉忠孝全又不見曹彬教子升將壇丈夫生兒矯
矯有如此世上功名俱等閒

送二彭頌願賁詣還安成

彭家兄弟與二難經年萬里辭鄉關有如龍駒蹀足
上馳道又若鴻接羽層霄間難兄來省中郎叔難
弟思親望渠閣平明調膳侍早朝薄暮牽帷問寒煖
長安冠蓋多故知臨風一見皆嗟咨河東三鳳未足

擬席間雙壁誠希奇九重恩波何浩浩三世加封紫
鸞詔二雛雙捧向南還五色雲霞麗穹昊祖庭念念
候爾歸衣冠燕坐開重闥撾鍾考鼓發歌笑錦屏華
屋生光輝丈夫從來懷意氣二難素抱凌雲志相期
再下董子帷飛步躋官折丹桂

花魁梅爲修撰周旋題

永嘉風土多愛梅家家門巷爭栽培窮冬草木零落
盡長衢不斷香風來周家有梅忽呈瑞繁枝簇出花
魁字冰肌玉骨豈尋常奎璧天書儼相似化工造物
非徒然翹英特起魁羣仙臚傳丹殿首繹褐宴赴瓊
林先着鞭畫師寫圖良有以至此方知驗新喜點染
齊光玉署間橫斜疎影青雲裏花魁相對狀元郎詞
垣退食堪徜徉一朝結實東風後負鼎調珍陞廟廟

安石遊東山圖題江東寺壁

謝公卓犖非世儔一生好作山澤遊豪來縱博賭幽
豔興至著屐登高丘東風忽然景明媚山陰草色遶

人醉笑携歌妓抱箏箏指點山花千萬樹石橋橫
溪水清時時領盼朝雲行鉅蟬金鴈有餘朱黃鵲紫
燕多新聲歌闌高卧恣閑放不省蒼生負時望一朝
玉帛下林間衣冠欵起青雲上秦兵百萬臨淮肥指
揮迅掃如烟飛矯情鎮物謝當世依然酣宴東山睡
始知大賢如虎變小節規規何足羨後來欲識晉風
流請君試讀東山傳

勅繪狡狴歌 永樂十二年西域貢狡狴金毛

桑衍公詩集

卷十三

八

鉄齒喚目利爪能伏虎豹熊羆詔飼內苑用
鉄砮金鎖維之宣德中駕幸苑城以鼓樂從
狡狴聞音循城蹈舞咸中節奏上悅命指揮
商喜圖其形以傳士友周文進得異蹟予爲
之歌曰

金天白帝流精輝下生異獸名狡狴羣胡得之昧谷
西結束來獻彤龍擲金毛蒙茸齒如鉄眼若垂鈴唇
噴血爪藏利刃露鋒鋌厲聲一吼蒼厓裂蒙恩助飼

丹禁中繫以金鎖拖長虹虎豹遇之懼朝食熊羆一
見愁威風嗣皇一日巡西掖駕遙長楊看羽獵教坊
鼓吹導前行後狴蹈舞知音節昂頭交尾拜覓旌意
欲獻伎娛皇情特詔將軍上圖畫流傳海內彰其形
吾聞白象來南土又聞麒麟產東魯後狴飄拂來西
溟瑞應相承播今古商家墨妙世已稀丹青正好摹
屏帷時時百獸應率舞如今正是昇平時

鴻臚卿周顒挽歌

桑衍公詩集

卷十二

九

廣陽一夕風威烈威晚林中墜飛雪清鄉去作瀛洲
仙寶馬香車蒲城白記得英皇臨御時翩翩驛召來
山西庭階季子尚公主金枝玉葉同光輝文華殿前
曾賜宴萬歲山頭許遊行勅賜端陽清暑詩五色雲
霞綸宮扇名圖瑞菊年年開六龍矯矯皆長才元方
紫服金緋去仲氏高攀丹桂來椿陰正好增遐福內
府珍饈傳陸續豈知仙珮厭塵寰御駕騰車向寥廓
韶華漸遠世途長素幔乘流歸故鄉先望已有青鳥

記新墘還着白鶴翔繡衣聽馬揚名早鴻臚位進尊
元老百世流風自遠傳雲仍尚寶金花誥

吳竹坡先生詩集卷之十三

歌行

臨川李巨來先生 鑒定

七世孫琦 重梓

送彭願御史之南京

大明麗天海宇清賢科選迤來羣英天官奉旨海家
傑鳴珂衣繡東南行東南乃是舊京地虎踞龍蟠壯
形勢相臺正在水雲間前有鍾山岌蒼翠大平堤上
花成叢連城官舍槐陰濃金鞍玉勒蒲馳道行人只
避乘花驄有時出巡綬雙綰一道霜威飛白簡肯陳
民瘼達宸聰要使奸邪破心膽只今鹽徒盈海東聞
風必定潛其蹤左將鼠輩盡搜索庶令長江萬里清
若空人情自昔念鄉縣嗟我年來髮如霜天恩若許
放南還倚棹龍灣覓相見

錢舜舉畫馬爲王食憲題

錢唐有客筆力雄欲與造化爭神功能將墨妙恣揮
灑斯須點染成花驄是日奚官他勿秋牽出天閑選

奇骨滿川花影落毫芒不覺麒麟奔精魄世間昧者
那得知錢君妙畫能爾爲若使乘風駕鸞輅便作異
龍天上飛

鴻鴈圖

西風凝寒天雨霜滄江水白蘆葉黃冥鴻翩翩望南
去不知何處爲衡陽回翔審視無矰繳三三五五湖
邊落凌晨作字向雲排溥暮成羣背風宿天南塞北
隨所之春來秋去還有時陽和一日動黎廓便向文

卷十三

王靈固飛

浩然踏雪圖

浩然耽詩少曾見踏雪沉吟寒不厭窮冬臘月控寒
驢十里溪橋盡行遍雪花蔽天梅滿山香風撲面吹
凍顏乾坤清氣入肝腑珠璣磊落如連環吟成佳句
亦何補但覺當時用心苦于今寫入畫圖中一段標
懷徹千古

連峰歌一首送國博王原兄還安成

瀟溪先生重文雅昔年曾住連峰下不將農圃作生
涯只把雄辭擅聲價遙聞學士胡澹庵激怒時宰投
江南先生此筆贈長句滿朝見者皆懷慚夜郎遠謫
困奔走贏得聲名重山斗至今峰頂生端雲長有榮
光下飛繞先生去後家望存源源接武多諸孫辟雍
大博聘經濟十年師道揚青芬只今老去謝簪組神
拂還雲念鄉土屋前三五舊峰巒仍插青天照今古
嗟予忝爲王氏甥久依玉樹同股肱安得乘風送歸

卷十三

去聯轡連峰山上行

流觴曲水圖爲止端題

山陰有溪凡幾曲上有茂林與修竹右軍于此集朋
遊列坐溪頭散杯酌時逢上巳春景和羽觴泛泛浮
晴波雖無管絃與絲竹一觴一詠堪吟哦世人碌碌
無閒暇少得餘情叙清話若教有酒對蘭亭便見襟
懷兩瀟灑

梧竹雙清圖爲儼相司訓作

梧桐高高散朝旭，傍有新篁挺蒼玉。天生美質作雙清，故遣亭亭異凡木。托根得所知幾年，珊瑚礪硯香花鮮。堅貞不改世難比，標格勻停人共憐。王君振鐸東南去，脫贈此圖見清趣。露灑宮牆絳幘開，日臨講席青衿聚。還聞格竹結實時，枝頭常有鳳鸞飛。請君促駕上京國，來向天門爲羽儀。

墨梅爲劉學錄題

山中有梅少人見，畫中有梅人卽黃。疎影潛移移粉粉，浮香漸落風前片。靜觀此梅根不同，移來乃在天子之辟雍。上有晴雲長繞繞，下有璧水流溶溶。一枝橫出掛星斗，兩幹半翬驚魚龍。珠花叢叢疎復密，瓊柯倒浸如扇鉄。若教頂上有繁英，此處應符狀元出。杜陵曾咏烟雨黃楊州，何遜哦愁腸爭如西湖林處士。水邊籬落皆行藏，先生愛畫得殊品。購此不殊價，千錢時來氣味倘相投，還應調元薦金鼎。

山水爲南昌張御史題

晚移疾還鄉作詩送之

竹鶴山人善山水，每向公餘拂軒几。醉拈毫素染輕烟，頃刻雲山千萬里。此圖乃爲繡衣寫，上出層巒下平野。千年積水尚澄清，一帶平林淡如也。三峰屹立空翠間，人言此是南昌山。蛟宮一碧隱城市，劍津几曲流潺湲。縹緲衣昔年此行，樂猶有南園舊書屋。石徑從教樵客過，沙汀謾與漁郎宿。縱觀此景真絕奇，尚書品題天下稀。畫中有詩詩有畫，山川草木生餘輝。遼陽鎮戍彭表自虜庭得良馬，以歸命爲勇士。廬陵勇士邊城兒，往來射獵遼海西。孤鷹獨騎出秋草，生擒虎兇如驅糜。烟荒落日混塵土，時窮返被番酋虜。子卿豈是收羊徒，命墮還方受夷楚。自憐少小生漢家，漢恩未報徒咨嗟。一朝侵收竊竊馬，星流電激如飛沙。歸來結束見天子，龍顏坐在紅雲裏。從頭一一訴辛勤，勅賜三班帶弓矢。年過半百筋力衰，微丁補伍還州閭。老衰脫卻換斑綵，老來舞袖隨風吹。

皇天不負男兒志蓋殺卒陵沒胡地勿論離合與悲
歎請君自看遼陽記

知溪山水圖爲員外彥文作

智溪之山何嵯峨上出不礙浮雲過有時陽鳥浴滄
海朝光蕩漾生晴波昔年乘興曾觀覽綺綺聯絲拖
醉眼薰水花香不待春凌空秀色偏宜晚此中真樂
誰可同在時卻有蒼山翁龐眉皓髮雙臉童拄杖步
步饒東風阿翁去後留遺蹤相臺令子乘花驛諸孫

吳東齋集

六

亦復如遊龍春官事業青雲上翰苑才名丹禁中麟
經一脉傳來人桂樹陰森蔽窗牖夜色長流樹上螢
風尤不變門前柳曉早遊宦今七旬明當歸卧山中
雲便令拂拭車中塵頭上戴取烏角巾招邀白鶴作
僑侶來看年家山水春

九月廿三先慈愍忌值遠兒以諱官來歸松澗
舅亦復至止得同薦繆悞翌日別去作叙懷

一首爲贈云

黃河東去無回漩在再流尤似飛箭先慈去作蓬萊
仙望斷愁雲千萬片去年星使來京闕蒙恩勅至柳
陂山崇岡如龍石爲虎清溪一道流潏潏今年九月
逢生忌定省有孫天上至壽官元舅亦復來同折黃
花淚新泪茲晨骨肉幸滿堂明年服闕當辭鄉人生
蹤跡類萍梗離合悲歡那可常緒觀吾舅好風采九
十三春容不改烏紗宴坐錦屏中兀兀壽山鎮東海
母恩未報惟男存渭陽之水何云云雲山不隔往來

吳東齋集

卷十三

七

輒勿使離別驚心魄

真率會圖

洛陽城中千萬家朱甍畫棟爭繁華每逢春歸二三
月金鞭絡繹看名花良辰有會說真率無乃耆英聚
衆傑想當折簡走閭閻緩礪蒲輪盡來集入筵叙齒
不叙官淳風古道咸相安舉觴流行任三五隨時有
核同盃盤九人合壽七百歲俱是南辰降精神會啓
唐朝白樂天于今又集河陽地石崇徒侈金谷園

皇不用誇平泉名賢聚會有真樂聲光文物相流傳

讀書高處爲進士彭叙題

讀書之高人共知讀書之處人所爲何如讀書得深
趣書成便有高名垂應陵彭君里豪士燕翼貽謀與
人異不將畎畝計豐腹卻取詩書付經濟村前泱泱
漢水流彭君作樓溪上頭有時登樓訓諸子書聲上
澈霄雲浮賢郎丰神如玉立十載攻書未曾息前年
射策大江西登解前頭稱第一君門高高深幾重天
開金榜排雲紅谷題進士居其中歸來寶馬揚春風
人間萬事俱草草到此方知讀書好昔年脫屣向青
林此日騰身在蒼昊親恩浩浩滄海深滿簾不用千
黃金世人欲問登高事好把書編窗下尋

次兒高新除得安慶府通判臨分若悒悒者作

述懷詩一首與之

汝翁少年挂貧苦落魄無成守鄉土不將稼圃爲生
涯只把詩書論今古中年隨計登甲科一官置在金

鑾坡十年編纂蒙恩厚五載經筵立仗多南雍喬遷

袍換紫六館開通種桃李幸分官廩養慈親亦得乘

閒誨諸子汝兄已着獬豸衣汝今又載屏星車桐鄉

山水舊遊處臨岐何用情依依余忠宣公保名節仲

卿遺愛非今日肯將別駕比王祥便是人間好消息

君馬黃一首

君馬黃我馬白二馬同行起鄉邑東風幾踏鳳臺春
曉日常遊廣陽陌勅書一日下明光君馬選入中乘

黃五花散作雲蒲身追隨鸞輅相輝光天閑地位既
殊絕不願當年舊同擁京華奔走困風塵安得清閒
享芻秣君馬黃我馬白壯歲同遊晚殊轍早知賦命
有窮通懶向天涯苦筋骨

湘江烟雨圖爲同宗逸士題

湘江云云走萬里萬竹叢生間洲渚有時天簾起林
端霏霂輕烟散飛雨遙聞此境心已馳十年宦路無
日歸南轅望斷不得去幾度精神勞夢思同宗有客

航文雅肯費兼金買名畫手持八尺瀟湘圖云是夏
卿之所寫圖中彷彿春雨多綠溪亂石如龍龍高枝
攢青出雲表低枝結綠依洪波靜看墨妙有如此若
使生成更無比點水蜻蜓肯緩飛凌空翔鳳將高翥
君不見王子猷平生看竹最風流當時特操此君子
至今尚有芳名流吾宗季子曾辭國若擬王猷更奇
絕展圖正好慕高風世守延陵舊清節

觀泉圖爲舒彌極作軸有古愚題

卷十三

十

石泉長清山不改古樹無名少人採一道懸崖作雨
聲奔騰萬里終歸海阿誰野興慣幽棲蕭蕭獨立堂
前溪藥欄暝點烟光碧拄杖峭邀瀑布低剡藤半幅
傳來人如此滔滔果何有倘得拚閒直訴源評題不
讓觀瀾手

牧童詞

朝牧牛上隄
夕牧牛下滄洲
滄洲有溪牛可飲上
隄草深牛自肥
牛行戀羣不相觸
羣得身閒聞鴝鵒

君不見宣王愛牛憐散
不見甯戚飯牛扣牛角
何如惡少恣貪饕夜竊耕
正朝賣肉我願皇家重耕
稼描寫商風上圖畫太平
無事戢干戈年年放爾桃
林野

一躍禹門圖爲李元進士題

清溪有魚不盈尺黃金作身眼如漆或遊萍藻舞
澗或隱菰蒲吐流沫人言此魚生有靈燭燭龍性通
神明潛藏不肯因泥淥悠洋只欲投滄溟東望一朝

卷十三

十一

慶雷雨浪裏桃花汊洲猶翻身一躍過禹門頃刻雲
程千萬里追隨龍馭升紫霄四方八極從追遙回頭
顧盼同隊侶雲泥隔別何迢迢衆人觀魚愛閭閻我
今觀魚取雄偉試看明朝進士科變化飛騰亦如此
雲山圖爲伍鳳司訓作

安成直比美風景雲樹別來今十秋茲展展圖一披
拂恍然如在林間遊將軍山商富松竹君家正在山
之麓河陂流注下連村小嶺綠雲出江郭毛亭古

不夜存清溪石馬空氤氲呂仙題字夜燐燐至今夢
繞天涯雲先公員田置書籍諸孫讀書守先業別墅
猶存舊墨池華坊已續新題額鵲書壁三來青冥拂
衣逢上京華行經策初陳未央殿鐸聲便出文章城
錦衣已綢溪山色況是榮除近鄉邑看山盡足吟
情不比還方遠相憶

西域貢獅子歌

側聞月窟之下金天之西白皇孕靈產奇物特生異

吳希坡全詩集

卷十三

十二

獸爲青獅拳毛參差齒如截厲聲吼動行雲絕羶彌
遙見蒼光降虎兇過之膽應攝從來此獸性喜圓綵
毬描弄能周旋諸戎結束走萬里殿前拜舞瞻堯天
方今海岳効靈人鳳凰麒麟滿郊藪萊茸白象貢南
交又覩青獅獻西表韓侯赤豹空有名名伯旅焚何
足稱欲誇服遠修王會須將妙筆圖丹青

南昌獻白龜歌

西江天柱何巍巍洪崖一帶皆仙居山青水綠產奇

瑞人言其地多神龜或青或黃或玄碧洞窟深藏覆

著策細分山澤列星文白玉溫純爲第一高秋八月

風氣寒漁人拾得瓊瑰團州司傳聞崇至寶瞻天捧

獻雕龍盤詔賜千官遍輪視光映赤文顯朱字有如

納錫出九江又若負書呈洛渙宋元夢龜徒有言毛

寶放龜能報恩甲重三百此爲長至今易範相流傳

遙聞五總聚千歲一益十朋人所貴龜從筮從卿士

從協贊皇王寶天位

吳希坡全詩集

卷十三

十三

觀瀾圖爲尹直侍讀作

遙聞河源起積石環遶龍沙入中國又聞江源出岷
峨索流萬折經潛沱泰山有源更奔放宣聖曾經立
其上水哉水哉何所取逝者如斯幾惆悵後來孟軻
師孔顏觀水只喜觀其濶濤翻激勢層疊若蓬難
瀨聲潄潄玉堂仙客重名畫畫工爲寫觀瀾者宛然
一似鄒孟軻儒衣坐在長松下所觀或是汶水陽或
遊洙泗經其傍三千賢哲曾飲此至今聖澤流汪洋

側聞水與道爲體道在人身事堪比君不見千流萬
派總朝宗忠君孝親亦如此

吳分集詩集

卷十三

十四

吳竹坡先生詩集卷之十四

七言

臨川李巨來先生 鑒定

七世孫琦重梓

戊午宣廟實錄成因次蒙賜遊萬歲山十韻

光朝國史進明君勅向西湖聚蒙焚親睹文光騰宇

宙早知筆法灑烟雲金明池上流鳥影大波波小結

鳳紋午夜都城凝望處中天瑞色尚氤氳 焚史集

艮峰飛入廣陽城萬歲名山聳帝京疊石穩藏龍虎

氣高岡擁出鳳凰鳴九重宮闕雲端曉大地山河雨

外晴但願皇圖長鞏固年年登眺入西清 萬歲山

廣寒宮殿峙穹蒼一望京畿盡下方玉兔曉涼樓網

戶銀蟾日永暇雕梁窗虛長抱山河影桂老多沾雨

露香不敢妄携修月斧謾愁人世喚吳剛 廣寒殿

介福仙官倚碧山青真有路得躋攀致龍宛轉旋金

榜虎豹森嚴立石關曩曩繁花傾內錦離離新笋

朝班太平天子巡遊處時有恩波錫世間 介福宮

先皇昔日駐延休建祀朱明禮最優火樹階前分綵
仗銀花影裏見宸旒笙歌尚想當年盛士女同爲午
夜遊一別蓬萊今四載六龍飛去思悠悠 延休聖
羣仙聯步上瀛洲玉珮珊珊逐勝游殿室草長猶帶
雨龍宮花發不知秋遙疑海日當窗出稍覺清雲壓
地流我欲乘風撓鰲頂招邀泰華拱神州 瀛洲亭
綵雲擾擾向方壺山海流觀不用圖徑側設勞歌樹
引旌傾喜遇齊輔扶掖開方丈看懸象指點騰車入
吳希英公詩集 卷十四
有無安得輕身王子晉翩翩同共駕飛鳧 方壺
隱隱仙橋駕玉虹琪林有路喜相逢長天日出紅顏
歛列岫烟橫翠黛濃逸足雙龍超絕地曠懷暫得共
凌空遙知公輔登臨處自有雲霓在望中 玉虹
清露瀼瀼下碧林層階點點濕黃金迎空宜用銅盤
貯入華堪隨琥珀斟至瑞由來合天道滂思自足協
人心羣賢雅集相與看 吳希英公詩集 卷十四
瓊島陰陰石扇開聖恩猶在舊天厨近出黃金

鼎中使遣傳白玉盃人逐月明鮮海嶠雲隨山色上
蓬萊還家尚有青宵夢彷彿虛遊在上台 瓊島
元夕進觀燈詩四首
月華如水照晴空勅賜觀燈內苑中瑞鳳啄開金蕊
苞火龍啣出綉芙蓉輝輝玉燭調春景耿耿星河紫
彩虹自是豐年多樂事皇情應與萬方同
其二
鰲峰高聳勢巖岈火樹銀花四面攢五色雲霞旋碧
落一天星斗燦金鑾光催梅柳春歸早焰吐椒蘭夜
不寒踏遍蓬萊山上路月華猶未轉銅盤
其三
禁中元夕許觀燈大液池邊緩步行寶炬近分鴻鴈
影玉簫長度鳳凰聲香浮翠藻看春色花彈紅蓮賽
月明不信仙家能勝此便隨鰲背跨蓬瀛
其四
綵樓人簇不生塵天語傳呼宴近臣蓮炬巧藏花底

月桃壘深注窈頭春御筵喜溢千官醉樂府呈來百
戲新幸際大平同盛事微生何以答鴻鈞

謁陵四首簡李侍郎紹

文皇法駕奠中峰列聖仙靈陟降同綉壁錦幄俱向
北珠泉玉澗總朝東陰陰隧道森青栢隱隱仙橋駕
綵虹盡日五雲吹不散往來猶自候飛龍

其二

神皋南向兩厓寬先帝曾經此駐蹕碧玉澗邊嘶萬

吳希聖詩集

卷十四

四

馬紫雲崑下擁千官排山傑閣攢空起夾道穹碑仰
面看舊日詞臣今已老不勝清泪灑闌干

其三

寒食東風轉曉晴謁陵西去逐春卿御堤柳隰聽鶯
過馳道花深並馬行山挹神宮添畫筆水涵仙樂奏
金聲不辭建禮頻來往自有祥雲互送迎

其四

永安城下解聯鑣步入先陵路匪遙雲擁崆峒橫翠

閣星連河漢度金橋蒼龍隱隱藏深洞白鶴翩翩下
遠霄四聖與天齊壽考人間長得仰岩堯

懿獻宮挽詩四韻

中宮靈輦出重闈內外攀號不盡悲千載母儀傳肅
穆三朝懿範仰仁慈鷄鳴毋戒晨光早鸞珮常瞻夜
色遲玉葉金枝同灌溉碧天雨露自無私

右支韻

獻殿陵園啓隧封聖靈慈懿並西東千秋神水趨溟

吳希聖詩集

卷十四

五

海萬折朝山接岱宗玉壘漸看添紫草碧巖長是蔭
蒼松彩雲不斷天衢遠凝想輿車駕浪風

右東韻

聯綿綺繡拱神仙靈馭中藏境自寬宮華西歸同壽
藏廟謨東去鎮長安昔年金殿留玄統此夕椒房夢
紫鑾織女蓬萊更何處雲霞懸隔路漫漫

右舉韻

御河流大響潺潺遙望山陵紫翠間聖后宮車今日

去惡闢仙寐幾時還送行皇眷緇裳白聽詔黎民泪
臉斑附主自應題顯號共將大孝慰天顏

右刪韻

郊祀宿齋宮二首和建安楊少師韻

聖朝致治洽雍熙躬祀南郊御宿時仗擁天街春簇
簇更嚴禁鑲夜遲遲星河影動蒼龍闕輦轡香飄翠
鳳旗一派簫韶空外起扶桑曙色尚熒微

其二

吳興詩集

卷十四

六

金殿雲房白石階圓丘清肅勝蓬萊巍巍嶽鎮分方
域粲粲星辰拱上台香爇紫檀騰寶座篚陳蒼璧獻
瑤臺天心聖德今符協賴有調元輔相才

除夕詩二首和石首楊尚書韻

臘盡春歸一氣蘇名公此夕共圓顧人間瑞雪霑三
白天上明星煥六符何用椒花傳喜頌祗將寶鑑推
嘉謨正元上日華封祝領袖千官稽首呼

其二

昭代才當歐與蘇殘年何必惜霜顱三朝制作勞文
藻一德君臣合璽符曉誦緝熙資聖學夕裁忠悃助
神謨新元祝壽歸應早亦有黎民夾道呼

出師詩二首送刑部金尚書征閩沙

司寇承宣赴八閩雄兵百萬藉經綸手揮熊虎應無
敵腰斬鯨鯢覺有神要使球琳歸禹貢不煩干羽格
苗民薰風幾日來飛檄喜溢龍顏動紫宸

其二

吳興詩集

卷十四

七

肅鼓聲騰震九天權兼將相生樓船韓琦威望當今
日表度安危寄昔年殘寇盡俘來獻闕遺民樂業任
耕田聖皇預建凌烟閣遙望東南奏凱還

忠孝堂二首爲大師英國公作

昭代中興第一功推誠宣力屬元戎重扶日月青天
上屢掃烟塵紫塞中畫展經綸資膚箚夕調溫清奉
慈容皇圖鞏固烝嘗脩日擁金貂列上公

其二

魏魏大業冠凌烟至孝精忠海內傳
虜塞揮戈會駐日堯階立柱爲擎天
功光先德開茅土壽祝慈闈進綺筵
不獨丹青能繪像中興國史著千年

至日侍班

仙樂初陳徹綵輦旒旒端拱列羣仙
龍旗影裏風雲會羽扇叢中日月懸
萬國表陳方寸地三呼雷動九重天
十年宦路逢長至已得三回立御前

瑞雪詩和荅周叙劉儼二學士

共美明時景運長又逢三雪助豐穰
堯天自昔同光彩禹蹟于今始混茫
遠殿玉龍時弄影排空珠鳳盡翱翔
從來元氣資調燮賴有羣公爲贊襄

塞上進龍馬詩

昨夜房星照塞垣曉來神驥貢金門
嘶經丹殿晴雲動行過瑤階碧玉翻
榮水真龍應可並大宛名馬不須論
天生異瑞誠難致日駕鸞輿奉至尊

早朝遇雪簡王理路壁二給事

禮嚴朝覲列千官天灑琪花作大觀
影透重門看鳳舞光推三殿識龍璫
朱衣齊向瑤空拜盡戟分從玉陛攢
唯有案前諸給事金爐香近不知寒

登瀛圖

聞道瀛洲有路通巖臣十八眞仙蹤
驚花似覺移三島風日分明隔九重
染就天書詞煥爛步搖環珮語從容
人間咫尺超凡骨何用殫囊募赤松

朝天常極宮

通衢車馬日紛紛一入琳宮寂不聞
陰井蟄龍升水盤松老鶴張眉鬚
朝天榜額黃金字度世經綸玉文回
望帝城應未遠四時佳氣接氤氲

孝陵陪祀

入夕鍾山景象澄羣公陪祀謁先陵
連城虎豹鳴千栢夾道龍鱗列萬燈
韶樂近陳金奏響玉衣中擁瑞光騰
仰懷帝德成功大欲頌巍巍愧未能

廷試

聖明天子曉臨軒親降絲綸策俊賢合殿衣冠雜百
寮彤墀禮樂具三千瞻天共感風雲會伏地爭陳錦
繡篇明發數聲臚唱後紫薇花底叙同年

和柯潛學士約遊普恩寺

蒲陽學士侍嚴宸曾作登龍第一人秘府圖書消永
晝瀛洲風日隔清塵聲華不讓黃公度瀟灑何殊賀
季真憶自朝回勞折簡許隨轡轡探芳春

其二

吳興集詩集 卷十四
片簡飛來喜欲顛行尋古寺愛幽偏共叅祇樹林中
佛俱是蓬萊頂上仙已許長歌從設與何妨浪飲學
逃禪窗前剩有瀟瀟竹留取清風醒醉眠

其三

禪房花竹遠塵寰一段風光異世間勝覽已同天竺
國飛來更有補陀山素知色相非真幻且喜浮生得
暫閒况是花陰楸局在許消塵慮肯忘還

其四

木槿初開香滿籬蘆芽竹笋正鮮肥喜逢儒釋清談
日正是天人慶會時載酒不辭亭上酌折花欲插髮
邊枝山公酩酊何如我步出禪關已不知

挽彭養直翁詩

憶昔髫年早識君江鄉遺老最多聞空梁已落江南
月遠樹猶停蘇北雲林鶴唳歸愁獨步石麟秋老伴
孤墳行人欲問平生事只有穹碑照夕曛

贈吉村宜顯貢賦還家詩

吳興集詩集 卷十四
名家小阮素稱賢千里能來慰暮年官舍共聽吳地
峴峴程又問楚江舫道經采石多新咏家在書堂有
舊編歸到鄉園應念及好音毋惜屬南傳

其二

秋殘已別鳳凰臺冬早還迎栗嶽來國餉盡完都下
米祖筵奚惜掌中杯承家自昔多宦達幹蠱於今驗
治才歸見宗親如有問爲言白髮人相催

吳竹坡先生詩集卷之十五

七年律

臨川李巨來先生 鑒定

七世孫琦重梓

庚午正月郊祀分獻帝王壇二月遣祀魯府少

昊帝堯孔子一春五祀皆大禮也各賦一律

以表茲命之不偶云

清朝聖主拜郊壇分命詞林脩獻官湛湛齊香浮玉
竿珊珊珠珮染椒蘭九韶樂奏榮光滿萬舞歌陳夜

吳竹坡詩集 卷十五

邑聞幸執禮容瞻帝座此身渾在五雲端

其二

廟聖龍飛統八荒遺祠魯邸念親王淋漓瑞錦包神
帛璀璨彤雲降寶香宛承東流經壽域繹山西峙護
明堂英靈感會將誠後繡戶紗窗有耿光

其三

制帛戔戔自日邊壽丘東去祀金天道尊已續三皇
後德盛乃居五帝先樂奏丹墀雲影動禮成滿座月

華圓寸心對越踰千古時見彤爐起燼烟

其四

建禮乘春入魯關東平州北是堯山昔聞五鳳團金
篆今見雙龍捧聖顏盛德巍巍天廣大成功蕩蕩世
難攀一尊代祀黃封酒幸接夔龍玉筍班

其五

二月函香祀孔林東風正馬去駁駁聖賢聚會同疆
士道德流傳冠古今仰止檜亭心已切載瞻杏塢思

吳竹坡詩集 卷十五

迥深遭逢不及三千士日侍宮墀聽玉音

寄平江侯豫兼酌松石之惠二首

帝念臨清俯上流特恩遣鎮托君侯經營冀北三千
里控扼山東二百州劔戟叢中巡使節旌旗影裏度
漕舟太平無事封疆靜射柳看花作勝遊

其二

帥府多情念辟雍遠分松石自山東月明窗下疑躋
虎雨暗林中想化龍自昔建邦資柱石于今領鎮倚

元戎校頭如許容樓鶴亦欲翻飛捲遠空

郭熙九成宮圖

七德歌陳顯帝功盤輿時幸九成宮山迴複道青天
表雲擁層臺綠樹中隋政已荒存往鑑唐碑重刻頌
淳風從來此地消炎暑歲向宮前駐六龍

祭酒李先生病中以詩贈學正魏齡因閱而之

鵲噪橋門送喜聲司成力疾已全輕眠安夜枕無奈

豎膳進朝餐有魯生天遣南辰扶壽紀人思元老佐

吳郡公詩集

卷十五

文明于今乘傳憑誰馳魏祖元來重故情

與諸友登鵲鳴寺古塔

發立孤標數百層高垂瓊瑤鋼金際琉璃坎裏藏千

佛貝葉叢中有萬燈每有祥光疑露頂從教倒影轉

觚稜京華盡在扶闌外好躡晴雲一共登

送友人歸廬陵

十二春城散曉霞翩翩歸騎發京華路經廬阜看殘
雪家在青原俯白沙湖海清風留翰墨園林勝日集

鶯花送君不盡江南意望斷長亭酒幔斜

送李知府之吉安二首

聖代仁恩過九區牧民又見選文儒乍收壁水傳經
席遙領黃堂治郡符象簡耕袍辭魏闕朱旛皂蓋出
通衢知君素守廉明操一片清水照玉壺

其二

薦剡初陳五鳳樓郡侯超選荷恩庥香迎畫錦歸蘇
浦雲擁彤禧上吉州千里甘棠滋化雨萬家禾黍倍

吳郡公詩集

卷十五

清秋青臺致政司成在好在公車叙舊遊

寄松爲允濟題

落落長松俯碧溪下臨流水鑑虹霓風晨似覺蛟龍
舞月夕應來鶴鶴棲飽歷星霜經歲晏價升雲霧接
天齊華堂玩此堪怡壽剩有名公爲品題

早發新河簡劉檢討

五色微書落上台新河秋早片帆開江東雲樹連天
去冀北關河匝地來親舍難爲今日別仕途未卜幾

時同舟行頗有同心侶細綸新詩勸酒盃

重過臨清和友人韻

曲岍廻環俯碧波南商北客盡經過萬家烟火連衢巷數里帆樯限開河農圃乘春耕稼少粧樓入夕管絃多老來懶涉繁華地靜倚蓬窗聽棹歌

送楊司訓之陽朔裴修撰婿也

望日彤庭罷午朝送君直過玉河橋携家漸喜三湘近振鐸焉知五嶺遙絳幘春深花影密黉宮秋早桂

卷十五

五

香飄詞垣貳室留甥館因便封書慰寂寥

送彥實編修之南京考官

京尹開科選俊英國恩特命典文衡三場欲索千金寶一棹何辭半月行出岷縱鱗憑雨化食萍遊鹿醉歌聲江東多少新詩錦思歸朝獻聖明

吟溪餘韻為勗謔作

溪水泠泠淺復深望中遙聽似清吟響穿石罅銷鳴玉漱出沙灘湧碎金楊柳春深堪濯錦荷花秋老宋

抽簪杜陵司戶經遊後無限詩情述古今

送王道士歸海東

聞道仙家住海東五雲臺殿接空濛龍吟曉洞思霖雨鶴度晴霄托闕風每約赤松尋溟滓時逢玄女問崆峒他年脫屣來相訪勿謂瀛洲路不通

送全真子王英之吳楚

棄卻中軍萬戶侯往來吳楚事閒遊定王臺北經殘暑孺子亭邊看早秋已有信符鞭白虎豈無仙鍊拔

卷十五

六

金牛青萍得斬蛟龍後收拾行裝入帝州

喜雨詩和張純都憲韻

大夫獨負生民憂步行禱雨東崑幽椒蘭香噴曉親葵鍾鼓聲鏗夜不飲浹旬沛澤應時注千里溝塍相續流從此嘉禾載周誥名臣事業垂千秋

過青黎老人齊賢墓

內翰曾逢大乙仙君携藜杖嗣前賢龍雲景詠詩千首鴻寶囊存賦幾篇桐葉人飛知厚去杏花重發認

牛眠薄懷擬種先塋樹已近邠山紫翠邊

和李學士寄復古謝先生

復古先生居士林年年不廢短長吟
梅簷自任寒光重蘭砌儘教春意深
白日孤雲流素影碧霄玄鶴散遺音
郡齋尚有玄暉字留取清芬播古今

夜過白馬湖和同遊韻

萬頃波光漾碧空良宵一棹托輕風
星沉水底行看近月浸天涯望不窮
帆影參差驅馬驚櫓聲迢遞撼

吳荅公詩集卷十五

魚龍計理何必詢多少直待陽烏出海東

寄同年知府范理任荆湘

昔日魯同占兩魁惟君出牧見雄才
西荆惜送雙鳬去常武歡迎五馬來
青草洞庭民舍遠桃花流水郡城迴
明時賢守顯登用自有徵書落上台

鷺鷥圖爲李詩郭寬題

屬玉羣飛集水濱靜中閒玩足怡神
聲傳樂府應蔡調繡入宮袍定遇眞
供奉仙班儀更肅文王靈囿性

偏馴自來樂此惟賢者况對詞林翰墨臣

送檢討李克述子告還安成

與君握手自童蒙妙選登庸事事同
比屋幾回聽夜雨鄉山獨見棹秋篷
封親紫誥堪傳喜戀闕丹心自不窮
漸倚南樓看列宿一星又過大江東

送同年虞瑛之息縣尹

二八才華列衆仙承恩出宰又三年
離筵喜對尊中酒去路難分馬上鞭
已擬花封專息國不妨棠署奏

吳荅公詩集卷十五

虞絃還官自有規風使傳訪芳名到日邊

菱山書屋

幽居久住近菱山書屋連牆遠市闌
燈影深藏松栢裏墨香流出水雲間
將詩改友頌廣和問字嘶人口往還
聞道庭階多俊乂秋來丹桂許高攀

重題赤壁山

忘卻天涯謫宦情扁舟謾喜泛空青
一尊美酒屬秋夜萬樓洞簫吹月明
空濤潑潑應自舞橫江孤鶴向

誰鳴至今好事傳圖畫惟有當年二賦成

送張諫進士之楚府修塋

奉勅遙聞向楚鄉躬修典禮聖名王題封已進山陵
議馳侯那知驛路長隧道風前眠虎豹朝臺雲外舞
鸞凰明年秋早芙蓉發復命看君拜建章

琴書軒

曲闌深護小軒幽
理琴書得自由
綠綺絃中冊鳳舞
絳紗囊底素螢流
肯拚風雨連牀夜
慣聽波濤出

琴書軒

卷十五

九

映秋安得扁舟載圖局與君林下結同遊

南如書舍

南如書舍舊藏修
垂老投簪此處休
山色遠連吳塞去
水紋近繞練江流
鳥紗靜裏應憫著
竹杖閒來許獨遊
回憶哦松有餘味
七閩涼月思悠悠

同鄉古愚張先生得薦書

鵲噪晴簷送好音
微書幾日下喬林
人間韞匱多藏玉
天上層臺正築金
楚館已維青雀舫
商歌且緩白

頭吟東山高卧幡然起自是蒼生久望霖

送毓敬食憲督學之廣東

明時風雅正冲融
復選詞臣總泮宮
五色天書御紫鳳
百花雲錦簇青聰
風霜影裏千家靜
桃李陰中一
道通從此書聲徹
南海憲臺提督有文雄

送王邦英之景陵丞

街頭疎雨解炎蒸
送客之官向景陵
名重十年初領薦
政通百里喜爲丞
棠陰聽訟心應切
松下吟詩興

琴書軒

卷十五

十

自疑况有故鄉場
大尹玉堂秋水共清澄

送同年鄭建之處州通判

御榜同標自昔年
宦途相見每怡然
重輝錦綵瞻天表
再駕簪星別日邊
郡好斷金輸紫府
政成留璞種青田
高才曾應詞林選
有待同升玉署仙

送教諭徐安祖之安成

典教東吳有令名
超遷今喜向安成
風清丹殿鳴珂出
日麗都門振鐸行
泮沼柳搖青佩曉
黉宮花映綠

明言部尚有書臺在正野閣惟集後矣

吳竹坡先生詩集卷之十六

七言律

臨川李巨來先生 鑒定

七世孫琦重梓

讀文丞相遺藁有感

大元不釋文丞相美里三年甚汨羅誓死不忘宣父
訓餘生長抱魯陽戈身當砥柱沿洄少淚灑浮雲變
熊多試使西山放麋鹿歸來堪和採薇歌

送侍郎郝瑗陞極還南京

吳竹坡詩集

卷十六

司空虛左待策除恩旨親承出石渠才輔三朝前進
士祿增二品侍尚書浮光過處花爭發白下歸時柳
未疎南北兩京應未遠丹心長是戀宸居

送都憲 岐鎮遼東

都憲東行鎮小遼手持丹詔下雲霄叮嚀自覺龍顏
近蹠踐何知馬色遙剩有嘉禾同客并全憑威靈歷
天驕胡塵近掃邊疆靜快都鳴珂入聖朝

和王理學正詩韻

大學同官托故鄉斯文高會肯傾囊詩名已續唐摩詰經學何殊漢孔光春日楸游金谷地秋風先買綠筠莊請看白露沾庭草不及蒹葭奈雪霜

途中遇潘參路壁歸雲南

一封賀表自南滇親捧琅函覲帝庭象緯光中瞻北極雲霞影裏望前星千官拜舞班應肅萬國懽呼樂暫停遙想還官多故舊壺觴餞別滿郊坰

送戴冕還華亭令

吳符黎詩集卷十六
解榜超登自妙齡天教南去爲傳經致君素許心常赤出宰新傳服換青曉日聽鶯辭紫禁春風攜鶴上華亭江東行處添丰采不獨吳松望列星

送劉進士還朝

虎榜初題進士名天書特遣使南荆錦衣已達還家樂畫舫今爲入奏行枉顧遠勞鄉故重老來漸覺宦情輕明朝解纜新河口不盡臨流送別情

送彭內翰純道省親還安成

封事崇朝上紫冥曉承恩旨賜歸寧人間幸識尚書履天上潛移柱史星已有華堂陳畫錦祇將鸞詔祝還齡于今黃閣虛前席日向堯階筭落箕

送李宗伯克述移疾還安成

內閣修書書未成天教南去疾全輕羣公爭餞鑾坡句歸棹還尋鷺渚行隔塢看花閉白墮近窗煮藥聚黃精知君久負蒼生望勿倚東山作卧屏

送丁通政澄赴召之京

吳符黎詩集卷十六
星使翩翩出石渠天恩寵召欲何如南臺暫輟千官疏東壁初開大史書銖筆尚勞刊藻續玉聲一任放瓊琚且持正論分夷夏若辨三長已有餘

聞叔庸潘參之京約歸會晤

進聞北上捧琅函歸過江東且駐帆向關自應懷帝德還官正好合朋簪星垣風采推先達藩府功名屬左參須念范張千里約片鴻飛處想來緘

戴氏隱壺二甥省予京師及歸作此勉之

粲粲黃花繞帝畿，戴甥此日向南歸。
衣冠暫會蠶萍聚，弟妹凋零怨露晞。
酒盡吳江波浩渺，帆歸楚水樹依微。
到家努力承先業，同氣無忘下畫帷。

其二

旅寓何人慰宦情，遠來省侍有賢甥。
數間葭菼留三載，幾卷殘書坐五更。
白晝未聞閒日月，青春可判老羸癯。
南還暫展趨庭步，自有天風颺綵旌。

松坡劉適從居小桃源作詩慶喜

聞君新住小桃源，撤卻浮雲即是仙。
溪谷尚通漁父問，姓名何惜世人傳。
雲中鷄犬非無地，洞裏鶯花別有天。
我亦欲辭簪組累，來尋幽處謝塵緣。

寄馬練師

道骨仙風迥出羣，倍與深處卧松雲。
丹藏龍虎封泥龜，衣刺星辰入綉紋。
放鶴任從空外去，吹簫長向月中聞。
台城地僻無人到，時取天書入篆文。

與張都憲楊司寇薛理卿同宴荷亭二首

禁城一雨解炎曦，雨後郊原景物宜。
清賞設勞催曉簡，盛筵偏喜遇心知。
湖山一覽亭中勝，風月平分席上詩。
回首大平堤上路，驪鳴高柳夕陽時。

其二

湖亭波影弄朝曦，坐賞新荷此處宜。
憲府吏閒為欲集，柳堤人語鶴先知。
未聞安石東山趣，且和王維別墅詩。
此樂世間能有幾，年年須憶勝游時。

和抑庵王冢宰送行詩韻

紫殿傳宣曙景微，分祠東去儼駟騑。
帛傳天府金函重，姓滌神厨玉餌肥。
聖哲禮容春散彩，尼防山色夜含輝。
錦囊載得新詩句，已勝人間畫錦歸。

四月望夜舟中賞月

一葉扁舟萬里天，推蓬此夕看嬋娟。
廣寒宮闕光初透，大地山河影暫圓。
隔浦弄珠疑往事，渡江沉璧是何年。
清輝不負良宵賞，先取金盃醉謫仙。

與翰林諸公遊白雲觀得棲霞碧桃二韻

爲愛眞仙聚一家洞門高拱揭樓霞琪林雨過添清
藹瑶草春歸簇絳葩香噴曉凝玄石乳丹成夜變紫
河車欲知服氣修真訣笑指臆臙上碧紗
聞道玄門有碧桃羣公親賞得遊遊香飄十里層城
遠花簇三朝古殿高玄鶴與棲沾露頭道人曉謁絢
星袍不須服食傳青鳥自有仙童可任勞

赤壁圖

玉堂學士謫黃州乘興會爲赤壁遊斗酒帶憐風月

吳東坡全集卷十六

六

好扁舟任放水雲流一聲孤鶴推篷曉千里長江作
賦秋亦欲憑虛凌萬頃寄聲先問白蘋洲

愛蓮圖

渚晴沙白水如苔無數荷花相映開初日乍升張羽
蓋微風攪動羅瓊盃不論塵機凌波去祇喜清香隔
岬來憶自元公題品後臨溪處處有樓臺

長樂下車送王讓憲副之閩中

憲副觀風首下車且詢長樂近何如湖田水落皆宜

荷街巷人閒總讀書紫荔香清環郡郭青榕樹老蔭
村墟古來風俗今猶好盡在花廳攬轡餘

送給事中湯鼎行人高寅使安南二首

日侍黃門寵最優天恩特選使交州青卿紫鳳雲端
出樞泛星河海上流候館夜闌多聽雨炎方葉落不
知秋藩王歸命隆方貢叙績堪同博望侯

其二

西歸幾日共朝參又秣飛黃駕指南行捧天書勞遠

吳東坡全集卷十六

七

遊坐揮藩國在清談山當銅柱堪題字路入羊腸且
駐驂自昔大邦能字小好將聖德遍敷單

癸亥紀行十首

漸離華亭故郡西凌波欲渡釣龍磯日臨圓嶠青螺
小水落滄洲白鷺飛靈鼓迭迎方貢去錦帆時送使
旌歸府僚好客能傾蓋每向江頭坐翠微 凌波亭
章江楓葉灑寒流宦路奔馳此泊舟雲影正收千壘
窮月華是浸滿天秋僧鍾響落青泥渡漁火光分枳

北洲勝閣已空迷舊跡浦亭風物且淹留

南浦亭

朔風倚棹泊湖塘亭上登臨思渺然千里波光飛白

雪幾重山色落青烟古碑文字非今日遺廟丹青記

昔年一自蘇仙曾過此新詩處處盡流傳

望湖亭

廬阜東南五老峰曉晴凝望立從容牽風濕布千尋

白映日芙蓉萬朵紅秋滿湖山初度鴈雨飛崑崙盡

從龍經過欲問東林社落葉蕭蕭聞暮鍾

匡廬山

望里孤山立水濱行人千里提青芬滄江白石開龍

吳郡城金詩集

卷十六

八

峽古木粧臺擁翠雲淮浦汝湖通浩渺香爐晴色散

氤氲秋風不盡懷鄉思獨倚重閣數歸羣

小孤山

風阻蘭舟泊碧灣縱登聊上大孤山雲飛遠岫開簾

幙雨灑崇臺濕翠環行徑草荒人跡亂毀垣花落石

苔斑仙靈一去知何處空有餘蹤留世間

大孤山

隋帝南遊不憚賒錦帆隨處作皇家秋深殘菊開金

屋春蒲維楊駐翠華何用九重誇象箸且須行殿看

瓊花風流雨散知何處空有寒禽啄篆沙

隋帝祠

設向淮陰吊古祠西風落日意遲遲王孫舊宅迷芳

草澤母康墳野紫芝鹿過近村無吠犬魚遊深處有

垂絲英雄一去成塵跡時有行人覓斷碑

淮陰祠

秋風一棹過潯陽河水東流盡帶黃派遠漸看歸海

島源分應是注天潢千年遺廟會靈徵九曲紫煙向

渺茫日暮烟波千萬疊江南行客盡思鄉

清河縣

滌瑕汶水帶通津聖轍曾經駐綵輪登樓借風歌遙送

月早知龍德未逢春三千禮樂成前哲萬載詩書啓

吳郡城金詩集

卷十六

九

後人落日臨流信惆悵行藏有道且書紳

汶上縣

吳竹坡先生詩集卷之十七

七言律

臨川李巨來先生 鑒定

七世孫琦重梓

湖口石鍾山詩五首

腳元何似涉南河，砥爲鯨鍾在碧波。
浪激自能成逸響，霜清長是露嵯峨。
地當湓口潮聲小，山入淮南秀色多。
一自水經題品後，往來詞客幾摩娑。

其二

李渤當年喜勝游，石鍾山下暫維舟。
南音扣落滄波月，北韻敲殘澤國秋。
往事已隨黃葉去，遺蹤猶枕大江流。
世間清思人知少，附與漁郎荅棹謳。

其三

傳道蘇公別玉堂，潯陽東下此徜徉。
不將音韻分南北，卻取波流定抑揚。
鏗鞳未須懷魏子，喤咍應合憶川王。
扁舟底事乘殘月，自是詞人逸興長。

其四

丞相南還省故封，九江過處立從容。
山排玉節翔天表，地擁金鑪見水中。
千載衣冠傳盛事，一時烟景萃詞鋒。
當年不減神仙會，只少魔車駕閻風。

其五

憶昔高皇破僞陳，來從此處駐三軍。
千年事業歸真主，一統山河入化鈞。
雲物有時書鳳篆，波光長自煥龍麟。
武城大會潯陽郭，已勝周師渡孟津。

水塘齋

天上秋深墜老蟾，貯雲含霧已千年。
洗當玄圃涵清雨，漫送藍田帶翠烟。
吐魄未應同月殿，凝光長得灌霜泉。
如今流落芸香館，好與詩人醒醉眠。

送何侍郎玄淵移疾歸廣昌

五馬春游有盛名，秋臺入輔又揚聲。
展歌正擬同羣相，多病翻成似馬卿。
五色煥頒丹禁詔，一丘高卧故園情。
且將藥餌扶清健，再駕蒲輪佐太平。

梁紹彭自北負親骨歸葬因詩贈之

不惜邊城道路長，遠尋陋閭負親喪。單車夜月龍
月正，馬晨驅馬塞霜皮。閣斷雲凝總幙佳，城流水會
明堂鄉國昨日傳清議，行幸于今有壽昌。

送同年希璉薛瀾衣之江西

勅初傳降紫泥，銖冠捧出大江西。花迎綉斧來香
錦雲擁青驄，快碧蹄。稼圃秋風千石廩，柴門流水萬
家堤。備荒有政行應徧，訪古新詩處處題。

錦亭風木詩爲鄭典史作

樂府詩集卷十七
閭道先坐傍錦亭，無端風木響郊坰。空中天籟應時
息，月下林陰自少寧。草沒白羊吹不起，夜寒翁仲聒
難醒。近來欲棄功名事，長結茅廬此處聽。

送編修倪謙舉姻還鳳臺

金殿臚傳得俊英，詞垣列職更增榮。一經人誦桃夭
句，雙珮遙辭楓陛行。繡絲畫凝鸚鵡影，玉簫夜度鳳
凰聲。南還足慰重闈喜，始信探花有盛名。

臨溪樓爲孫蕙作

閭道臨溪景最幽，向明重得建高樓。天迎玉筍雲中
出，地湧金川日下流。百畝風烟從曠望，四時花鳥足
夷猶。知君有暇多新咏，倚徧扶闌看十洲。

承寧藩遣李儀賓賞賜未央瓦硯

寶甕曾經覆未央，賜從藩邸荷明王。龍香和露開玄
液，兎穎含雲潤紫芒。彷彿帝鴻存篆刻，不須銅雀嘆
星霜。千年尚友皆賢達，長與斯文有耿光。

賜逸卷爲中書伍昂作

樂府詩集卷十七
年歲曾工古篆文，直探孔壁到皇墳。六書人向經筵
進，特旨新從別殿聞。上國曉辭金馬去，故山秋老白
鷗羣。如今且適臨池興，有待巾車召右軍。

送世俊王大守之潞江

式節南行佐大邦，朱旛移守入潞江。烏蒙地遠聯金
齒，虎跡山高覆羽旌。蠻語漸通仍舊俗，夷歌慢舞變
新腔。于今諸甸咸遵化，劍珮從容下碧淙。

送恩訓焦龍之江西

金門佳氣曉氤氳，
鶴鳴珂別聖君。五色封章來日
進九重，天語去時聞。
手持白簡飛晴雪，步躡花驄逐
綵雲。我亦西江千里客，
因風長自挹清芬。

和滁守陳璉寄徵士楊胤詩韻

文采西江一老儒，
姓名曾應紫泥書。
鍾王字重千金璧，沈宋詩傾萬斛珠。
霄漢風情知漸遠，江湖豪氣未
應除。郡城幾夕青燈下，
不惜清談屢起予。

送吳道士住持之滁州二首

吳待坡詩集

卷十七

五

昔住朝天禹壽宮，
今移滁郡得仙蹤。
境連濠泗分清澗，
山入瑯琊足秀峰。
藥圃行春攜白鶴，
草堂喚雨檄蒼龍。
明年早釀松花蜜，
亦欲西來訪醉翁。

其二

聞道滁陽景物饒，
賦詩亦得問全椒。
山中落葉憑誰掃，
澗底荆薪可自樵。
白石煮來添宿火，
孤舟橫處待春潮。
黃庭讀罷無餘事，
好寄封書慰寂寥。

送高清紀還朝

遠傳帝命自天來，
廣布仁恩遍九垓。
虔祀祖陵瞻玉展，
誠通鍾阜薦金甌。
錦袍日麗家山近，
畫舫風清使節回。
歸報天顏應有喜，
定沾優渥下蓬萊。

謝陳教授秋鴻惠棕竹杖

舊聞棕竹出遐方，
寄惠成均意不忘。
百節豈能稽壽考，
一枝聊可伴行藏。
江心蟠石生來久，
湖上青峰引興長。
有待他年棄簪組，
相携同看洞庭霜。

送林坦公憲之湖廣

吳待坡詩集

卷十七

六

霜落都門爽氣清，
相携遠送牙冠行。
驕驄蹴踏香蹄碎，
鷲鳥橫飛錦翅輕。
天上星從中極拱，
湖南月傍外臺明。
知君再有趨朝約，
莫謂臨觴不盡情。

和參議鮑時寄韻

悠悠遠別奈情何，
一日相逢喜倍過。
旅館已陪殘夜雨，
題封兼得早秋歌。
不須伏枕懷鄉舍，
漸喜新恩出禁坡。
憶昨城南看車馬，
青雲誰似故人多。

和周旋修撰見寄

幾載追趨在碧霄重門出入共逍遙每將金匱羣書
禁慣聽簫韶百韻調紅藥庭邊鶯語滑紫薇花下馬
行驛相如消渴今全愈暫去還來謁聖朝

慶王侍郎士嘉八十壽詩

辭榮人已遂閒身獻壽今逢八十春卿士月華流北
渚老人星彩動南辰醢顏何用丹砂駐玉葦從斟綠
醕頻並美賢郎官漸達三槐名位又重新

送胡肅通判之西陽

風飄花信釀輕寒送客都亭不盡歡汙水吏迎新別
駕巴陵人識舊刑官棠陰蔽市城頭見郡舍參差水
面看料得公餘多暇日時封尺牘報長安

和中書夏相幽居韻二首

帝城東畔結幽居退會陶情得自如樹色宜人晴入
座花陰留客晚投車爐煙拂袖還通籍柳帶臨池已
捲書聞道清時多樂事玉壺銀燭醉公餘

其二

五色雲邊早卜居風情誰得似相如林間待漏鳴雙
珮花外迎香駐小車對月每懷傾白墮閉門無事草
玄書細將茶蕊薺薇露點染簪簪樂有餘

送御史張承翰貶海南驛宰

白簡霜飛振內臺明時謫宦共憐才都亭人語張綱
去瘴嶺雲迎禹錫來花蒲驛樓堪笑傲風清使館任
徘徊他年宣室虛前席定有天書遣召回

甲戌紀行七首

夜宿官亭月疊多曉來風便度淮河數聲離岫依稀
櫓幾聲中流自在歌北去定應朝鳳閣南來先此涉
鯨波奏功若出青雲上再駕龍驤跋浪過

右淮河

憶昔祁橋墮履時子房曾與赤松期一編黃卷開神
秘三尺青萍結主知秦地已分龍虎氣漢庭先得帝
王師功成不用留侯印卻向山中問紫芝

右邳州

一道長洪碣石開項王曾此建都來天心不遂屠龍
手地勢猶存戲馬臺帳下豈知豪士去江東虛望錦
衣回英雄成敗非今日時有行人奠酒盃

右徐州

牽路沿江面岍行舟中遙見濟寧城人烟負郭分隄
密開水交流混濁清無數絲樓留客醉幾多荒壠少
人耕經過不用閒登眺只認前帆作去旌

右濟寧

花縣人烟漸漸稠雨來北去久淹留參差碧玉江邊
市遲遲帆檣水面舟落日軍麾收別隊春風士女醉
歌樓從來一片繁華地遺鎮于今有列侯

右臨清

萬頃版倉壓水濱直沽東下卽天津驛亭簫鼓朝京
客野市魚鹽起海人斷壘麥黃猶惜雨滄洲草長易
爲春不須遲卒詢名姓曾向清朝作縉紳

右直沽

舟到京畿且駐帆公車至此亦停驂西山遶繞青如
綺潞水紫流翠似藍候館只聞迎貢賦居人不復問
田蚕明朝又上金臺路華髮從新理舊簪

右通州

送同年許南傑之南安大守

客臺幾度笑彈冠五馬今晨載去鞍象簡緋袍辭北
闕虎符熊軾照南安茸裳影裏春風轉布穀聲中宿
雨乾同學近來多顯達文星無復聚丘寒

桃源謝先生除賓州學正

辭卻桃源縣裏春遙持儒鐸向南賓琅玕已獻雲間
策錦繡終歸席上珍苑署交游多問訊海濱高第盡
垂紳玄暉自昔耽詩句芹泮鶯花覺有神

送戶部照磨康旭致仕還安成

出入金門及暮年清名共許直如絃祖筵且醉疏公
帳去路堪同賀監船月轉九霄無夜直日長孤館在
高眠人生誰似安還好何用紛紛嘆列仙

送同年通判方熙之潮州

屏星高擁望潮陽相送都門道路長終擬列星歸傳
說且升別駕比王祥庭前白髮迎新綵海上青山接
故鄉倘憶同時羣桂客南來鴈信好頻將

送歐陽隆之潮州司訓

成均十載姓名香此日都城別思長六一門清經鷺
渚昌黎文好自潮陽寶宮柳帶晴舒翠泮水芹芽晚
薦香料得青毡應永人高梧有待鳳翱翔

吳竹坡先生詩集卷之十八

七言律

臨川李巨來先生 鑒定

七世孫琦重梓

安慶謁余青陽廟

三年保境得人和世亂那知寇盜多援絕孤城無白
鴈手揮落日有金戈泉卿不負常山郡屈子其投楚
水汶聖代旌忠存廟祀一抔黃土鎮山河

市縣悼顏伯瑞和楊學士韻

手握金矛拯世危父前子後誓相隨三旬孤壘憑誰
援一死甘心祇自知大節人爲當代重全忠還作後
人師詞林學士經過日欲寫哀章已泪垂

重過小孤山和韻

孤山俯瞰大江邊上有粧臺鎖翠烟萬派奔騰俱赴
海一峰崢嶸獨擎天雲開島嶼堆青黛夜靜星河散
寶鈿多少風波游宦客往來納履謝金仙

送王一夔修撰省祭還南昌

黃榜題名作殿魁十年簪筆侍蓬萊金縢已向清廟
進畫錦爰從故里回鸞謁展時雲影動柳絮飛莫處露
華開春來好取行裝促莫待鋒車後命催

彭城曉渡送羅文振歸淮安

中流亂石響參差一棹彭城曉渡時戲馬臺空遺舊
跡釣魚磯在倚殘碑長橋入市停商貨候吏臨風樹
羽旗借問鴻溝分楚漢爾來遺事少人知

寄賀尚質封大尹

東山高卧人徜徉紫閣雙頰荷聖皇且喜烏紗行梓
里何須鴈印坐琴堂華筵集慶來珠履蘭砌飄香月
綵裳教子一經誰得似閭閻處處有輝光

送學士王英陞南京宗伯

先皇妙選列詞臣出入鑾坡四十春八座衣冠殊寵
渥四曹禮樂賴經綸恩辭北闕承天語望重南臺領
綬紳自昔文昌司建斗佇看行召秉陶鈞

西湖覽勝和蕭鑑侍讀韻

汪洋千頃聚精華映帶西山繞帝家風灑蒲香涼屬
鷺日凝波影絢雲霞高堂望倚天邊樹曲岍行看鏡
裏花欲訴淵源無盡處漫將餘興寄仙槎

寄選端潘鑑二秋曹

秋曹濟濟列仙郎粉署新裝獨而陽共檢白雲消永
晝長懸明月照華堂地清不隔衣冠會政暇從虞錦
繡章况有同年知已在文星相聚有輝光

與馬昂尚書一首

天恩優老賜榮歸林下游然樂有餘栢府士懷前憲
長敬垣人仰舊尚書青林訪友携孤鶴綠野看花駕
小車我幸安還須問訊耆英高會近何如

洞淵閣圖爲道會劉環靜題

洞淵福地古城邊高閣巍巍掃半天倚檻每多朱紫
客飛空常有羽衣仙林亭鳳宿簷簷竹石井龍吟並
水泉佇待秋風招白鶴來尋幽處共談玄

送御史張鑑之八閩

南薰曉拂大明宮侍御鳴珂別禁中三殿日華凝綵
鳳八閩風采度花驄堦輪人羨張綱直鑄幣今懷大
禹功竣事有期歸上國五雲深處覲重瞳

訪侍講徐瑄留飲歸途奉寄

霜落重城不起風尋君直過玉河東依牆竹色經冬
翠形壁桃花果歲紅墨妙未須誇國手詩清且喜奪
天工同袍況有知心侶倒盡春缸興未窮

商山圖爲許彬大常題

吳興集詩集

卷十八

四

白雲深處是商山四老優游古洞間仙果不須分異
品楸盤長得叙清閑眼前指點誰仙手世外贏輸付
笑顏只恐漢朝憂社稷尚勞車轍到人寰

送署正萬資中歸省

幾載恩封自上台歸寧乍覩荆蓬萊梧桐疎雨官亭
騎楊柳西風祖道杯家慶每將新錦製山房重爲故
人開薇垣栢府傳交薦只恐春深有詔催

呂昇少卿八十壽詩

栢臺棘士舊名卿解組歸來卸宦情絳縣不須誇甲
子洛陽幾度會蒼英斑衣重列丹霞綺綠醕頻傾碧
玉觥況是會稽山色裏春來正好服黃精

喜胡愷黃榮二博士陞檢討

職典賢關覲九天官聯史秩見喬遷王堂學士通名
姓璧水諸生候講筵鳳閣喜看珠珮出龍灣爭見錦
衣還南雍自此增詩價盡取烟雲載簡編

同侍講徐瑄修撰許彬夏官劉信遊西山疊濟

吳興集詩集

卷十八

五

寺贈密中上人二首

同遊三五儼羣仙望水尋山興浩然澗草翠添新雨
後曇花香度午風前乘閒喜有金盤客入座誰參玉
板禪向夕東林明月上聯鑣歸去懶揚鞭

其二

眞僧出世慕靈修寄跡祇林學選幽清梵曉從風外
度殘經夜向月中收黃金有像偏多臂白石無心會
點頭况是小軒題靜樂從來崑壑好藏舟

馬學士喻挽詩

昨夜文星翳碧空
曉來詞苑失文宗
四朝禮樂扶明盛
八座哀榮驗始終
瀚海塵飛無建信
玉堂人去失行蹤
尚留隧道穹碑在
長有虹光起露叢

九日分題得灌菊

學士庭前菊滿籬
幾回凭欄記曉時
明珠乍落枝微動
瀑布斜飛葉漸欹
半樹恩波偏有意
四時雨露豈無私
華堂此日開新宴
先飲花工賞未遲

卷十八

卷十八

六

建老巷爲同宗吳善有題

少年蹤跡滿人寰
垂老歸休只任閒
明鏡不須添白髮
匡牀且喜對青山
案頭仙錄堪怡性
囊裏黃精可駐顏
天上故人如問訊
擬開雲霧啓柴關

贈醫士胡養常

人住東華大道間
人人相見識芝山
每將書草朝懸市
不用懷金衣扣關
鳳篆未開地室能香和處進
天顏詞林獨有相如渴
欲向壺中問大還

送功叙周學士之南京

四朝文物負時名
學士榮陞向舊京
霞綵曉迎鸞誥去
雪花晴襯馬蹄行
位尊玉署恩偏重
地近鍾山景最清
先詠鳳臺三百首
春來封寄廣陽城

送縣尹劉仲行致仕歸廬陵

不向山濤問品題
歸尋陶令結幽棲
人聞蓮幕遺東海
再睹甘棠翳會稽
烏帽且將籠白髮
塵襟正好濯清溪
肯原鷺渚香山社
處處閒雲可杖藜

卷十八

卷十八

七

送修撰姜洪移疾還鄉

綵綵文星拱玉除
分輝又向斗牛墟
長卿去國緣多病
嗣輔還鄉爲著書
五月鶯花辭紫禁
十年松竹慕郊居
茹芝莫戀南山皓
常把丹心戀石渠

送同年庶吉士江淵還蜀分題得黃鶴樓峨嵋

亭二首

崔嵬樓榭出塵寰
一覽江湖雲水間
援筆肯題鸚鵡賦
披襟須對鳳凰山
秋風旅泊多舟楫
夜月仙遊想

珮環君去寧親經此地好招黃鶴問鄉關

其二

峨帽雙聳似雲屏遙對天門結綺亭
牛消雨餘看草綠鳳臺秋淨見山青
舟人來往帆應仰詞客登臨酒自醒
莫向風前誇李白玉堂吉士正歸寧

丁丑紀行五首

昔年曾獻河清頌今度黃河見碧漪
芳草不迷江上路垂楊漸長驛前枝
蓬窗展轉懷鄉久杯酒留連玩月時
豈惜宦游重過此祇憐華髮被風吹

吳符坡公詩集

卷十八

入

右清河

海內羣雄入殼中駕還豐沛喜從容
五年戰伐勞神策一統山河顯帝功
羅列新旗光里開拜瞻龍準走蒼童
從來王業非容易留取歌臺唱大風

右沛縣

萬人荷鍤止奔流此地曾經聖主憂
裂土已聞沉石馬凌波又見鑄金牛
洲連綠水帆堪度浪湧黃河勢

漸收南北往來通地脉觀光上國任優游

右沙灣

百尺崇墉據要衝民居闐闐雜兵戎
幽燕山勢皆從北齊魯河流總向東
水驛牛藏紅杏雨旗亭長拂綠楊風
行人欲市新槽酒漸近城邊落短蓬

右德州

水轉沙汀嘴柳堤津橋有路出河西
居人販海誇鹽貨戍卒臨江習鼓鼙
綠樹灣頭驚自語紅亭驛畔馬嘶嘶

吳符坡公詩集

卷十八

九

頻嘶近村多少閑田地爲惜春耕未動犁

右河西

送李庸修主事之南京

曾從江右掾魁名文采翩翩冠衆英
摧第再登榜之官又得鳳凰城
白雲點檢收細帙圓鏡高懸照綵楹
此去明刑須自勵展歌有待贊昇平

建安張六守瑞蓮詩

黃堂休暇種池蓮一本雙花色倍鮮
金炬並燃疑照

玉簪交插想朝天重重皂蓋風前擁
顯明珠月下圓何用兩岐歌秀麥張堪瑞應自流傳

送教授劉文之瓊州

鸞鶴天書降紫宸瓊臺遙待掌
綸紳帆經故里何知遠官到炎方不厭貧
柳葉暗蒸天上雨芹芽香露海中春
莫言萬里音書少自有乘槎霄漢人

臨溪樓

名家久住畫橋東水上危樓瞰碧空
百里山光延几

大竹坡公詩集

卷十八

十

席四時林影護簾櫳竹牀高枕三竿日
香鼎輕飄一線風有待携琴訪秋色細聽疎雨落梧桐

送大守王昇之撫州

昔宰安成奏七絃今乘五馬向臨川
早知卓魯名猶在且喜龔黃秩屢遷
黎庶聚時看露冕交游別處贈華旎
黃堂坐理渾無事自有芳聲到日邊

送侍郎鄭泰還南京

賦司邦憲列秋卿三載歸朝政已成
青瑣載瞻依北

闕白雲重檢向南京馬嘶都市離筵合
潮落淮河棹槳輕後夜相思何處是一輪月照鳳凰城

送都憲顧佐致仕還鄉

總肅綱維正內臺十年皇路少塵埃
人將藻鑑懸南土漸把丹心戀上台
綵鳳舞啣優詔下花驄步蹴故鄉來
遙知戀闕情無限翹首林間日幾回

舟行追周侍讀洪謨不及因風遙寄

共捧徵書入上京興州城下竟先行
范張鷟黍虛初

吳郡坡公詩集

卷十八

十一

約李郭仙舟夾舊盟白覺風雲隨後隊
從來鷹隼快前程如今已達長安路好待同朝謁聖明

問慣窮先生自北還

經年別思越還方聞道生還過呂梁
邊戍不應驅鮑照素封今喜出鄒陽
林間松菊荒猶未谷口烟霞夢自長
此夕相思雲片濶月華何處更蒼蒼

永新胡千戶過宿還官

困走烟波萬里餘春來喜遇鳳啣書
絃有道終須

直湯網無心久更疎都市交游揚別酒不別離
安居從今談笑青油幕閒謁孫吳自卷舒

賀廣寧伯襲爵

列侯勲業舊鷹揚爵位新承荷龍光世表河山存
券符分銅虎戟牙璋金貂曉擁紅雲近賀馬瞻紫
陌長況是貴遊年最少好將忠盡荅君王

挽鄉友管穀汝賀仕達

望斷鄉關憶舊遊衣冠零落正堪愁片鴻久缺三

吳竹坡詩集

卷十八

十二

信駐馬空懷十里樓漠漠亂雲偏易曉離離衰草
禁秋近來都下傳新詩未續哀章淚已流

吳竹坡先生詩集卷之十九

七言律

臨川李巨來先生 鑒定

七世孫琦重梓

和張都憲楷榮體詠雪詩八首

素白梅梨豐繁酒玉
粉瑤瓊果圖灞橋等字

片片斜飛入竹林須臾枝上失蕭森望窮雲海無高
下行過階除有淺深窟宅 藏愁變豹窠巢傾壓墮
寒食相臺都憲精詩句費盡長吟與短吟

吳竹坡詩集

卷十九

其二

衙門曉起盡醺醺上有人蹤不見苦飛舞自能高復
下悠揚何必去還來古城陰處寒猶重曲水池邊凍
不開閑死瀛洲凝望遠料應堆起九成臺

其三

世路崎嶇已漸平華堂都屋盡通明看山不見遠霄
勢隔塢惟開折竹聲寒雀 能升古木凍雲欲下壓
重城暫時起城何須較樂得庭除一段清

其四

隨風飄灑亂如麻或落山間或水涯勢急從教成色
相體輕何必論交加穿裳入袖應堪厭貼葉粘枝亦
可嘉盡日霏微看不足晚來啼殺後棲鴉

其五

玄雲凝結八方同緊塞窗櫺避朔風坐客休誇多寶
樹行人誤認九疑峰驅車出郭還留跡喚鶴歸林不
見蹤一望乾坤皆浩渺誰知義馭到天中

吳竹坡詩集

卷十九

其六

堆積光華不染塵樓臺高下一般新已看道路稀行
客那得江湖有散人映戶偏能先報曉穿林似覺巧
粧春一時魚鳥皆藏伏音問何由到遠親

其七

光凝書籍好沉潛坐久寒多自不嫌凍縮龍蛇蟠不
解塑成獅虎瘦堪添清輝積聚能侵骨體勢輕便會
迴簾昨日街頭尋故友往來屐齒不曾沾

其八

紛紛逐客撲征衣點點尋人打竹扉出郭已無鞍馬
埒沿江又失釣魚磯隨風點地聲應細見日漫空勢
漸稀最是殘年堪畫處幾行鴻鴈趁春歸

送恩封馬學士歸山東喻父

經年遠自謁楓宸兩受恩封紫詰新錦服日怡堂主
綵官臺時賜殿頭春東華冠蓋知名久里閭溪山人
裏頻明發都門看祖道東風細細碾蒲輪

吳竹坡詩集

卷十九

夜泊邊淮和同舟友韻

邊淮獨樹斂殘陽漸熾孤舟傍野墻漁火乍明沙浦
畔人家多往來雲鄉南還自覺關山遠北去誰憐道
路長目斷南湖三百里不知何處是維揚

魯橋遇雨和韻

曉來風雨正蕭蕭收拾蒲帆宿魯橋浦邑水光浮雲
箭嶂山雲氣隱孤標不辭暮景停官舫但覺輕寒襲
使貂欲訪尼防看秀色只愁泥滑馬蹄遙

憶興濟伯楊善

紫塞寒光耀鉄衣雙駟親扶六龍飛爵封興濟恩
重廟食關西世已稀漠漠高風開遠道荒荒斜日
餘輝經過不盡相思意爲惜遼城鶴未歸

送章侍郎大經還南部

南京少宰領羣仙來祝皇王壽萬年表捧不辭千
道嵩呼遙動九重天三朝忠悃青冥上一片丹心
玉陛前君去我留成底事只愁左史因長編

吳郡公詩集

卷十九

四

送王參政邦彥之河南

除書起拜大河南方嶽分符列左叅榮出聖皇新
渥秩同嚴父舊官銜金緋繁榮登三品朱轂煌
煌兩驂此去旬宜遍河洛未知何日盍朋簪

和大常卿余謙陪祀韻

巍巍清廟隔重門步玉隨行向寢園俎豆式陳
殘臘薦君臣同報萬年恩衣冠隊裏人皆寂松
栢陰中鳥不喧瓊璫禮成歸遠署共分神惡有
憐尊

望雲思親卷

一片孤飛起大荒幾回注目望江鄉迎風縹緲
心應切帶雨悠揚思更長不爲宦情愁遠道
祗緣親舍在殊方聞君作判河陽去正好殷勤
效秋梁

送侍郎俞綱還南京

朝元天子馭飛龍宗伯躬來覲九重玉匣啓時
黃衣進鳳書降處紫泥封珮聯楓陛千官肅聲
徹嵩呼萬國同竣事復還南省去錦袍隨處有
春風

吳郡公詩集

卷十九

五

和荅同宗吳純夫

十年遠道涉冰霜歸向禾山結草堂商嶺棋聲
自樂杜陵詩句謾誰長睽離不覺來幽冀高會
常懷在建康青史未成身已老深慚班馬負流
光

火焰夏竦八景之一

層巒高聳出塵氛九夏凝光絢綵紋靜裏幾回
生香謁望中長自帶細縷香爐頂上青烟合同
祿峰前紫焰分安得連陰遮四海化爲霖雨淨
熇焚

望海雲冊中作

晚倚梳檣望海雲，半空擁出勢嶙峋。
千尋臺閣將新壁，萬仞峰巒插紫旻。
童女樓船隨綵鳳，神仙洞府駕祥麟。
何因得與安期約，去作蓬萊頂上人。

送僉都盧祥鎮守殺德

都憲超還荷寵榮，撫巡邊徼任非輕。
春濃祖道千官送，日麗營門萬馬迎。
河水東流看砥柱，天山西去作長城。
胡塵迅掃封疆靜，再睹秋風古北平。

吳竹坡詩集

卷十九

六

賦得翰苑儲才送學士俱之南京

紫禁臚傳得俊英，玉堂仙客笑相迎。
初聯金馬門前步，漸向蓬萊頂上行。
時着錦袍遊內苑，日携彤管坐西清。
于今遷秩南都去，自有雄文擅兩京。

贈陳符美還廬陵

殷父經綸白玉堂，賢郎將命代焚黃。
蛟龍並起扶宸翰，鸞鳳雙飛載寵光。
故里溪山添瑞錦，先聲草木散天香。
三封名爵從來少，自是儒門慶澤長。

送黃推官之楊州

三載維楊掌郡刑，薰風叙績覲天庭。
珮搖珠露經黃道，神拂爐烟下紫冥。
已有令名傳薦剡，何須離別怨浮萍。
還官且慰生民望，佇待高鶩附鳳翎。

遐思卷首有張真人畫

閩嶠歸心未有期，十年宦路半驅馳。
閑看仙客舊圖畫，遙憶親庭久別離。
雲樹依稀微偏易，夕山川迢遞尚多岐。
近來讀遍遐思卷，漸有新愁染鬢絲。

吳竹坡詩集

卷十九

七

雲遊僧卷代李學士作

出世真僧自滌滌，雲遊萬里入中華。
朝攜杖錫聊爲伴，暮見禪林卽是家。
半榻靜眠無境界，一燈高照遍河沙。
祇今上國身堪寄，間向祇林掃落花。

林石軒爲陸敏題

聞君家住鳳凰城，林石陰森白晝清。
人過窗前知露重，鶴來幽處覺雲生。
遙疑秦華移風景，何用丹青寫戶楹。
欲向軒中分半榻，日揮毫素訂詩盟。

送周琳之清流教諭

江右曾同攀桂枝如君才調共稱奇劉黃乍屈南宮
策胡瑗終當泮水師宦路分飛勞夢想客窗聚落話
襟期明朝又向臨汀去渺渺浮雲不盡思

吳竹坡先生詩集卷之二十

七言律

臨川李巨來先生 鑒定

七世孫琦重梓

曉發龍江別京華親友二首

五月瓜期赴九關遠勞故舊出龍灣連雲祖帳橋關
外夾道軒車驛樹間爛熳新詩盈綵卷淋漓酒醉
離顏斯文倍有還官約只恐秋霜兩鬢斑

其二

蘭舟初發大江東估客爭傳喜順風十幅蒲帆張兩
翼數聲柔櫓夾雙龍具州遙見迎新浪鍾阜旋看失
舊峰頗有同心三四友中流詩酒話從容

送劉甥玉璫任廣東教職

送子南行道路長從來官冷喜炎方未經入客空囊
家且得榮親換錦裳故里松楸開曙謁泮池桃李待
春陽聖賢經史多餘味慎勿優游度景光

贈宋懷之南京尚寶丞

鳳凰池上喜同升尚質超遷作內丞輪給虎符初禁
旅護藏龍璽鎮金陵燃蔡何用諤劉向象簡終應繼
李水此去從容省朝謁不妨午夢擁青綾

送知州鄭厚之鄭州

桂籍曾傳五色文明時出守又超羣奏功乍喜朋簪
合送別那知驛路分五馬慣嘶新鄭雨寸心長憶舊
京雲臨行莫折長安柳留取春光更贈君

水亭勝景爲泰和楊孟固題計九首

東坡全集卷二十一

時雨溟濛過八荒東郊一望景蒼蒼解添楊柳枝頭
翠落盡桃花葉底香禾黍滿村回野秀燕鶯幾處競
春忙蒸藜行餉人間事豈獨當年輞上莊

右東皋春雨

金烏輪轉色猶明閑倚扶闌看晚晴蒼莢有期從自
換葵花無語似初傾林邊採蝶爭穿影檻外黃鸝不
住聲自昔桑榆多舊翼寸陰過隙不曾輕

右花塢夕陽

春到柳花香蒲林愛尋幽處撫理琴人惜別鶴絃
語新得黃鸝拍上吟靜裏無人同逸操枝頭有月即
知音選聞版築調羨者獨識南風大古心

右梅林琴韻

石橋隱隱卧長虹不盡溪流總向東淺起平沙飄白
練深渟絕澗映晴空題名自昔推司馬取屐于今少
赤松聞道近來詩字苦幾回獨步夕陽中

右石橋流水

東坡全集卷二十一

疎竹蕭蕭一徑幽清風長自伴行遊能推疎影迎初
日解送新涼報早秋客至每同看翡翠心閒聊可聽
琳球世間高致應如許何必當年說子猷

右竹徑清風

畫闌閒倚看新荷萬點青青漾綠波日出迴疑金鈿
小春深漸覺綺錢多漁人夜泛遲蘭棹遊女晨粧製
翠羅絕勝鏡湖風景好逢人不羨採菱歌

右日照新荷

無心芳草識天時每到東風長陸離
羽衣從行處軟綉茵多爲坐來歌
王孫人惜春歸早詩客常懷夕
夢遲不獨潏潏溪有生意邇來
雨露總無私

右東郊芳草

涼月蕭蕭上碧山一聲鳴鶴在松關
聲高疑向雲中落響徹應從谷口還
赤壁孤飛無音夢青日獨步有
餘閒何因卸卻簪纓累伴宿清泉白石間

右鶴鳴涼月

水面涼亭曉獨過遊魚無數躍清波
每隨日影環青荇時逐風聲動綠荷
興入濠梁情自適觀從靈沼樂還多
欲知真性悠然處試問天淵意若何

右魚泳晴波

送章副都之南京

星威人乘鎮南臺九戰功成謁上台
都憲嚴施尊左輔玉音親捧出蓬萊
花驄仍帶秋霜肅瑞鳳爭迎化日開
聖代名臣多倚重從來大業屬真才

送同年博士張子善還南京

聯典寅清屬大常明衣偏得宿雲房
素輕漢時非異禮慣審虞韶合舊章
夜火幾回封制簡晨星長自照鳴璫
今朝奏績南還去應有天風送御香

贈侍講刑寬歸淮北

金榜題名早占魁十年簪筆侍蓬萊
主恩日下心常切親舍雲邊首屢迴
畫錦已蒙優詔許祖筵仍向禁城開
鄒山行樂應無人定有天書遠召來

送劉存有致仕還書臺

別駕曾乘佐二州暮年有詔賜歸休
棠陰膏雨留新頌林下清風想舊遊
藉草任邀鷗鷺伴看花不到鳳凰樓
瀟溪桃水書臺路到處過從有勸酬

郡貳敦禮解官歸永新

是聞解組別衡陽華髮星星已半霜
垂老懶乘新別駕虛心長憶舊賢王
巾車載月尋棋墅拄杖饒雲過墨莊
襟度自來清似水不須漁父喚滄浪

送王體悅歸安成

鄉情羈思兩匆匆春到秋來自不同
北上幾回看斗建南還今喜順天風
月明淮浦蒹葭白霜落匡廬
紫江此去嚴親應有待烏紗迎笑大江東

賦得百步洪送大尹梁果之閩中

令尹扁舟過剡風翩翩南去下長洪
不辭一日經天險且喜千年見禹功
積石亂流喧過馬遙山夾峽送飛龍
坡仙援筆題名處好訪殘碑潯

朱希真詩集

卷二十一

六

送參政彭森之福建

人僉相府繡爲衣遷秩星垣又換緋
驄馬不須疑雪影簷帟且喜載春珥
路經江右携玄鶴境入閩中伴紫微
聖代已陞方岳貴時將忠悃報彤闈

送劉世之莆田尹

憶昔吟源叙舊遊雙峰行遍說春秋
纔看御筆題龍榜又見郎星出鳳樓
柳驛公庭呈墨綬花明官舍綯
裘莆陽若遇隨陽鴈因便封書寄九州

墨梅爲與潔兄題

吾兄自昔耽清致慣種梅花繞畫闌
靜裏早知春意動望中偏識露華傳
曉疑瓊珮來蓬島久引雲裳下廣寒
何日詞林放歸隱樓前華萼共盤桓

九日同六科諸友清涼山登高

九日羣公意味濃清涼東北訪高峰
攀緣祗樹昆盧頂望極間浮世界中
酒興淋漓寧有底詩情爛熳覺無窮
老來亦欲誇豪放斜着烏紗開列風

朱希真詩集

卷二十一

七

寄張輯徐昱二助教

花落年林碧草生黃鸝無語送春聲
那知此日金門步遙憶前年璧水行
教子已看登上甲回君長自念同寅
鱗鴻久缺相思字謾寫長懷表故情

許旌陽清泉劍爲洞清道士題

旌陽遺劍古來傳敬佩真風不記年
手握芙蓉朝上國腰懸星斗下三天
陰崖噉魅愁省遁靈窟蛟龍慙晝眠
直待濟人功行滿還歸洞府鎮山川

附七言長律

贈蔣都指揮點兵西征

韜略精閑自妙齡，先皇曾勅侍明廷。
天行幾逐飛龍馭，宿拱常依瑞鳳屏。
已沐恩深同內侍，復承優詔輔前星。
點兵屢坐元戎幕，習戰先登驃騎亭。
曉日旄頭雲盡赤，春風營外柳皆青。
機深鷺鳥皆藏影，陣巧神龍不見形。
生馬戰時嚴健勒，寶刀開處發新硎。
贊將一箭清遼海，直擬單車入井陘。
已分將門憑事業，况兼天語履叮嚀。
甲兵練習西征去，一曲饒歌帳下聽。

吳竹坡公詩集

卷二十

八

八月十二日壽蔡酒李先生

光苾大白燭，金天命世真。
儒啓壽筵黃閣高，風餘九老辟雍清。
旦集羣賢鸞音噦，噦雲端至麟紱煌煌日。
下懸一代衣冠師，道重四朝人物世間傳。
分香長有蟾宮桂，獻瑞應多玉井蓮。
座倚二仙圖異境，醞成義井和淳源。
前營尊俎羅軒几，內府珍饈列豆筵。
海屋籌添過七十，星躔歲紀待三千。
茲辰已覺秋將半，明

夕從教月自圓。
什襲錦衣皆御賜，寶藏紫誥總皇宣。
儒門人數參同契，仙籙何勞內景篇。
濟濟青衿皆國子，共將詩字祝長年。

吳竹坡公詩集

卷二十

九

吳竹坡先生詩集卷之二十一

五言律

臨川李巨來先生 鑒定

七世孫琦重梓

濟南帥府多泉予獲觀者曰珍珠北斗梅花馬

跑蓮花各爲一詩詠之

半壁貯溶溶清寒地脉通寶篆珠串小沙噴水晶融
月過還留影風來不見蹤何須愁意以明鑑在元戎

右珍珠泉

吳竹坡詩集

卷二十一

一線起平沙微微出水涯不成星宿拱卻學斗標斜
勢急應難剪形真即可誇踰觀誠瑣瑣只喜淨無瑕

右北斗泉

不惜天工造翻從地底來彎彎疑作輪點點卻成
人視方知巧初聞亦可猜叩堪寶玩賞何必究根荄

右梅花泉

亂石互交聲泉通自馬跑偶然逢踐踏未必肆咆哮
沁冷添沙溜虛明結水泡曉來無客賞流出小塘初

右馬跑泉

瀑瀑浪洞漩叢叢起白蓮近看形不異遠望色猶鮮
營結成三五連開可百千若教上圖書無處覓黃筌

右蓮花泉

片石水中央沿回蕩紫尤性堅從汨沒望重任低昂
漲海無全力隨波免盪觸極知天有意留此戒舟航

右水中石

柳翠何蕭索叢生大道邊未能辭剪伐安得長清妍

吳竹坡詩集

卷二十一

二

估客思樵爨行人借馬鞭無由植山谷珍重老風煙

右道傍柳

夜過薨湖

桶舟逢浪靜一棹過湖平月向天中滿人從鏡裏行
近帆偏有色遠樹寂無聲爲問南飛鴈何如羈旅情

與王司訓夜泛

故人能載酒相送過湖東月色同清畫波光接遠空
泛盃寧有欠霏論覺無窮欸欸沙頭別西林縣曙鍾

夜泊呂梁聞灘聲

薄暮響淙淙通宵迥不同自天來萬馬入地撼羣龍
勢急排山雨聲號倒岬風晨興問漁父云是呂梁洪

客裏逢重九二首

客裏逢重九停盃試問天如何當暮景猶自逐風烟
更辦那成趣尊醴未有綠秋光看漸過何許是歸年

其二

客裏逢重九停盃忽愴神長途無故友上國有慈親

宋史公詩集

卷二十一

三

白髮渾非舊緋袍少再新幸存松與菊留待老江濱

聞高兒有夢熊兆作詩志喜

近得鄉關訊遙傳信九兒喜聲動烏鵲祥夢叶熊羆

暮雪沾雙鬢晴窗見一枝詩書諒隨分且爲惜嬌癡

送武學陳教授致仕

師道重河汾辭榮別五軍正襟曾誨武解組竟從文

慈闕瞻紅日還山卧白雲馬周焚奏策無復策華勳

送楊脩還鄉

陌上一逢君相攜百感新功名成白首文采異青春

辭國身無累還鄉策未貧從來論休戚俱是任陶鈞

送大尹之永新

列宿煥長天都城集綺筵官公今三顯各自昔年傳

地近王喬舄人聽子賤絃雷封應未遠西上卽禾川

送張僉事之陝西

初捧均田詔今僉輔憲書榮光纔赴闕喜色已充聞

繡豸凝烏府花驄別玉除關西盛文勳有待駐公車

宋史公詩集

卷二十一

四

得驛報范高二子俱中鄉試賦此

驛使西江至遙持擢桂篇汝能皆中第吾可遂歸田

咸里勞車騎重關動綵筵喜來還自失忠孝兩難全

巖前桂二首和晦翁韻

冉冉巖前桂秋來獨擅芳看攢枝上綠葢縱葉心黃

月殿無新斧雲階有淡粧淮南口隱逸何用費詞章

其二

月下金盞翠鳳前玉作枝已辭云佩採全藉露華滋

澗菊耶同候山樊愧後時西崑如可宿來往叙襟期

送劉進士還朝

姓名登紫府天遣使南荆已遂還家樂今爲入奏行
依依鄉樹遠泛泛驛舟輕不盡龍河水難拚送別情

望武功諸峰

宦轍因西東南還見武功聯綿開錦綉層疊出芙蓉
星泛青冥表仙居紫翠中何由升楚望一覽最高峰

其二

吳郡公詩集

卷二十一

五

秀色占瀟瀟青天去匪遙常疑雲作幔今睹虹成橋
白日光堪駐滄溟勢可招西遊三百里處處見崑崙

其三

截案上齊雲亭亭勢欲分衡林橫作策觸石巧成雯
翠蓋凝春靄爐烟裊夕曛葛洪井在蓋日起氤氲

其四

箕峰高萬仞一碧插青天日出疑金表雲來助錦纏
香爐升突兀石笋萃消妍安得乘黃鶴排空禮上玄

零露

零露下霏微瀼瀼待日晞松梢墜靈液花瓣助香霏
清氣滋蟬腹涼聲透鶴衣曉看芳草色處處是珠璣

微雨

微雨灑清溪行人望眼迷紅添花露重翠結柳烟低
高樹沾鶯羽長途印馬蹄晚來斜日照牛壁有虹霓

如行書事

東郊逢小隊云是列侯孫走馬長楊苑看花沁水園

吳郡公詩集

卷二十一

六

綺羅淹歲月歌吹度晨昏不識之玄宇費金白滿門

郭主簿自袁徙晉陵

左陽佐新邑喬徙晉陵磯征旆雲端出高帆雨外飛
官旅民自遂政簡吏還稀有待鸞棲定明揚觀紫薇

送人遊浙東

旭日正東升逢君向四明波光搖遠樹山翠夾重城
問俗通吳語稽程認越旌代風歸興早勿遣戀華榮

邊江居室

百一 聚江如臨流結鳥巢湖平帆勢遠水落浪痕多
魚膾耶成貨蒲芽足應庖免鄉端可從試請問元包

送孫指揮征遼左

結髮事元戎英心自不容弓彎升寒月旗捲渡河風
殺氣凌沙鼓威聲震海東奏功應第一先遣報重瞳

墨竹爲廬陵郭璣題

曾醉汾陽席前榮竹幾枝陰分青玉案秀入絳紗帷
直節真堪羨虛心祇自知釣鯨如欲試拂拭繫長絲

溪居四首

昨夜江邊雨朝來漫漫波沙鳥依斷浴巢燕掠人過
紅墜桃花少青添柳線多溪居饒景趣對客好吟哦

其二

小水通村塢連山對草堂烟凝莎草綠風灑荇花涼
漁子持蘭漿幽人坐石牀晝長無外事正好玩荷香

其三

幾曲清溪水縈迴杜若洲涼生先退暑葉落早驚秋

暇日敲棋墅良霄得月樓人間有真樂萬事總悠悠

其四

衙門開樹底落葉亂紛紛晝帙明朝晃香爐煖夕牕
寒聲窗外竹暝色澗邊雲何日乘殘雪扁舟繫水濱

吳竹坡先生詩集卷之二十二

五言律

臨川李巨來先生 鑒定

七世孫琦 重梓

早朝

繡展臨中座衣冠起早朝
星隨仙仗拱風引御香飄
駐極瞻逾峻天顏望匪遙
近來恩浩蕩沾灑望青霄

午坐東閣遇雨

簷溜千行下淋漓不自休
穿階疑泐石向闕想垂旒

吳竹坡公詩集

卷二十二

一

脉脉能移晷滿堂已帶秋
霏談應有盡何必問源流

朝房致齋晝寢有故人和門作詩謝之

豈歎西廊署齋居保太和
豈知殘夢裏倘荷故人遇

暫覺舒懷好深慚長做多
明朝重相揖南陌駐鳴珂

朝退

御輦歸黃屋仙班退紫宸
香隨珠履散花逐錦袍新
捲霧收枝戟迴風舞佩紳
軒車滿南陌處處起清塵

八陣圖

蜀相驅神策馮夷擁地靈
風雲寧有迹龍虎自成形
往事沉斜日餘波護落星
不知江漢客過此幾停停

遊水心寺

突兀水中央沿洞接混沌
茫夜燈焚佛閣曉日浴禪房
鶴唳吳山遠雲拖紫塞長
塵纓如可濯來此問滄浪

其二

古寺占江心禪房帶石林
旛旌雲樹影梵唄海潮音
渠水鏘鳴玉沙灘湧碎金
何因維過舫有暇即登臨

吳竹坡公詩集

卷二十二

二

姪理中京闕宮而賦此

垣棘撤京圻新恩及阿宜
人傳龍榜姓工協鹿鳴詩

麗景迴片泮榮光上桂枝
泥金應有報送喜入庭帟

賦得飛花落葉

向曉覓芳菲殘紅處處稀
風前狂欲舞雨後濕還飛

點額非矜寵沾泥竟失依
愁心千萬緒都是送春歸

其二

一夕霜威重丹楓墜滿庭
有懷思敬帝無力制飄零

蛭蟻行迷穴巢禽宿見星因風隨聚散慎勿逐浮萍

玉堂燕

何似卿泥燕來棲白玉堂不緣尋地勢都爲聚恩光
接翅經黃屋傳呼語畫梁回看舊同侶不敢近雕墻

東陽山圖

觀圖識山勢宛似東陽峰簪石秋雲裏嘉陵夕照中
清幽道士宅迢遞梵王宮何日來相訪乘流一棹通

與務浦伍知縣

吳竹坡公詩集

卷二十二

三

廣右稱時宰無如務浦賢人閒皆挾冊民壯總耕田
機杼通晨夕鷄豚樂歲年隣封皆盜壤此地獨安然

閒居春暮

閒門因雨盡日掩柴關花片東風裏春光綠樹閒
海鷗應未下巢燕幾時還須待新陽霽徐行看碧山

送鄭肅司訓還三山

勝日集虞庠無端別意長可堪留藝苑何似憶江鄉
淮海乘霞白閩山荔子黃秋光盈老圃扶醉且徜徉

有懷劉昭王積二博士

成均賢大博育俊已多年聞望推詞苑才名紀內銓
幾朝紅日下長會綵雲邊有待還東壁同心草大玄

送簽判還道州

皎皎荆南判行輪到鳳臺千帆雲外下一舸日邊回
楚水簫簫綠春陵西窗開還官須奏最飛珮入蓬萊

大學曹昌汪讓駱子林除開邑湘陰信豐知縣

來謁念舊賦此

吳竹坡公詩集

卷二十二

四

壁水化龍梭飛騰入絳河一朝領冕易同是聽絃歌
好續棠陰賦從殷發秀歌何年重會面須待錦裳過

南臺祈雨有感和張都憲韻

被命鎮南臺頻年恤旱災晨光祠五嶽夜色禮三台
潤物資零雨瞻天仰迅雷稼田喜沾足亦任倒金甌

監生章緒將賓歸省與之以詩

朔雪正霏霏嚴裝賦遠歸幾年陪講席今日覲庭帟
珠玉排綃帙鶯花綢綵衣青雲應有待高步起鵬飛

葛蒲

片石浸危匭葛蒲散聚絳春深花自密秋老葉還稀
九節仙互服千齡壽可期若能明皓目移尔近書帷

瑞蓮

菡萏簇紅英含輝照水亭一莖初子立長蒂漸玲瓏
未可圖丹筆終堪插膽瓶禎祥如有驗於此謝湘靈

大學彭順彭鏞劉敏學楊觀除寧波廉州清漳

寧國貳守將行與詩以勉之

吳竹坡公詩集

卷二十二

五

拜命出皇州飛騰志已酬地迴新別駕離食舊同遊

翠柳迎官舍青山接郡樓王祥端可學慎勿去迷留

挽靖遠伯二首

司馬輔昌時功成轉武資奮戈平北虜飛劍斬南夷
紫塞魚龍陣金沙烏雀旗一從星殞後大樹不勝悲

其二

將閫鎮南臺傳呼保傳回排雲開畫省扶日上蓬萊
正擬圖三傑何知賦八哀殊恩旌粹德信史表雄才

紅牡丹禁紅字

旭日照京華凝輝助絳花粧成滋湛露臉醉托流霞
洛浦何須數延州亦可誇五侯互觀賞門有七香車

白牡丹禁白字

零露浥長空名花展素容貞明偏有色圓潔自爲工
瑞錦叢中見瓊臺月下逢天然謝雕飾堪獻玉皇宮

傳至南臺鄉錄有姪孫俊名喜而賦此

南臺鄉錄至中有姪孫名不負春秋業終叨雨露榮

吳竹坡公詩集

卷二十二

六

羣峰增突兀五桂集繁英料得鱗鴻便鄉山足送迎

送徐都事之蜀藩

離筵爲亂啼君赴錦城西風景丹中度詩情馬上題
槐陰看鶴舞薇省伴鸞栖異日頒登用何須惜解攜

題劉氏義井

一線起沙痕沿流合又分法穿石罅脉脉動雲根
自昔存仁里于今顯義門同宗今百室于此給晨昏

寄中書吳希純用東里韻

共作詞林客于今又幾秋金門時出入玉署每綢繆
筆意輕懷素詩情憶少游幸逢明盛世長得芳神州

其二

天上賜歸省梧桐已再秋雲霄頻入望川陸遠綢繆
詩字承元老題封賴舊游茲晨觀墨妙猶想待瀛洲

連峰絕澗圖

澗水下漾漾連峰上杳冥光涵初日白陰滿亂烟青
側徑通幽島長松帶遠汀何因拋俗事來此結茅亭

吳竹坡公詩集

卷二十二

七

蒲朮軒二首爲陳大醫題

吾愛堯時莊勤儉可引年九花香共簇寸節細相連
白石澄清水蒼苔染翠烟何因問丹室卽此可通仙

其二

嘗讀紫薇傳中藏龍朮名豈徒資藥品且喜得身輕
海上留仙秘籠中比列卿事親能具此可以祝長生

芳桂軒爲憲政題

叢桂何年種移來自小山林從先代盛枝許後人攀

月殿分香細雲階滴露斑不須招隱逸自可伴清閑

吳竹坡公詩集

卷二十二

八

吳竹坡先生詩集卷之二十三

五言律

臨川李巨來先生 鑒定

七世孫琦重梓

天津晚眺

二水合奔洪濬流入海東星躔當析木地險鎮崇墉
野戍依殘柳津橋接斷虹神祠臨古道亦欲問窮通

王榮樓

讀通登樓賦令人白髮生人知才敏捷轉覺氣崢嶸

吳竹坡公詩集

卷二十三

歸漢心應切依劉恨不平三湘逢墨客處處說嘉名

貢院夜坐二首

寂寂秋闈夜香消月漸斜揀珠從照影攻玉貴無瑕
蟾窟來仙桂星躔度漢槎名成隨計吏資爾輔皇家

其二

列棘護重重更闌夜色中隻疑逾弱水端似坐螭宮
藻鑑無餘彩權衡有至公不知揭清曉何許得才雄

孤鴈

夜人衆星稀瑤空一鴈飛聲從風外遠影落月中微
戀陣心猶切隨陽願已違雲程千萬里何處是南歸

聞蛙

野店俯塘蛙聲聚茅固知身瑣瑣何必語嘷嘷
入耳皆強聒聞風總亂勦若教謀食月取尔膾仙庖

魚樂

園圍復洋洋沿洞翠荇長隨風生浪影逐日照晴光
靜躍呈雙美羣遊遂兩忘唯賢能樂此何必在濠梁

吳竹坡公詩集

卷二十三

送僧遊越

托迹京華人今爲越地遊初安天姥雪漸開海門秋
錫影隨風度萍蹤信水流雲門堪挂衲經諷且淹留

關山月

今夕關山月閨中望獨濃留連青塞北迢遞絳河東
自可圓如鏡何須巧似弓良人罷征戍一任影朦朧

同栗兄登鷄鳴寺觀塔二首

屹立鷄鳴寺迢遙對鳳臺金從梁武施地應寶公來

合殿凌空起迴廊，碣石開禁城堪遍覽。鴈序且徘徊。

其二

一碧起岩堯，觚稜降紫霄。春城環古堞，雲樹簇孤標。
日下鸞歌近，風前鶴影遙。望鄉心共切，無計駕虹橋。

晚泊牛渚

晚泊依牛渚，秋江浪已平。殘霞收綠綺，斜日墮金鉦。
戍鼓林端起，漁燈浦外明。中流帆自在，須放月中行。

白燕

吳竹坡公詩集

卷二十三

三

白燕來何處，傳看自禁幃。豈知成皓質，竟爾脫烏衣。
肯起雕梁語，偏宜玉殿飛。珠林有餘樂，不用社前歸。
和少傅東里楊先生寄詩韻

中天樓觀圖

樓觀插中天，登臨俯上玄。遙疑窗戶裏，常有斗牛懸。
藻井分瑤席，雕闌立彩堦。無由升絕頂，極目望飛仙。

約蔣鐸姚華陽鏞三經衛午會

皎皎三經衛，才長衆所推。崇文咏麟鳳，講武誨熊羆。
夜景紅蓮幕，晨光白玉墀。何因一相見，高論叙襟期。

送友人還鄉

芳草金臺路，離亭潞水濱。幾回憐薄宦，長是送歸人。
江梅去千里，鶯花共一春。勿云南北遠，音問有鴻鱗。

寄蘭隣隱者戴二首

種蘭三百斛，芳芷亦同盟。翠佩飄青葉，丹砂灑綠英。

吳竹坡公詩集

卷二十三

四

其二

光凝宵露重，影弄曉風輕。日坐晴軒裏，清香散兩楹。
種蘭三百斛，紫蕙亦同倫。國色從輕世，天香不待人。
苗深新帶雨，葉密舊藏春。一室滋清化，何須重四隣。

題壽星

煜煜上南冥，祥光擁壽星。每因逢旦夕，於此望晶荧。
元氣根無始，陽精寓有形。重闕今百歲，資爾祝遐齡。

神源龍歸入景之一

神源龍隱處勝蹟古傳聞石鱗飛晴雨林端出紫雲
朝光分杳藹暮色辨氤氲幾度爲霖後穹碑益辭紋

舟中值風雨

客行逢驟雨欽粧掩孤篷濁湧漫沙浪聲號倒岍風
安心恃樓櫓側足恐兒童向晚開新霽青山露遠空

夜宿孫家淺逐盜

旅泊孫家淺舟人逐盜還空餘遺槩處散走衆溪灣
夜靜驚予覺年饑嘆爾艱何因化刀劍穀粟滿人寰

吳村公詩集

卷二十三

五

恐舟部縣行觀諸小家

謬作鑿坡客那知蠅舍寒耶移青雀舫近向綠林看
挿棘行垣短編蒲卧席單貧家幸相保但惜遇年乾

天津市蜨

聞說天津蜨秋來味可嘗尖整擎雪白圓臍載金黃
避患知誠拙橫行何大狂賓筵眞瑣瑣邸爾薦壺觴

銅陵七夕

晚泊銅陵邑高梧葉盡飄雙星初問渡靈鵲已成橋

夜色看逾滄秋聲聽漸進一生長用拙默默向重霄

送三白彭教諭之銅梁

合州千里道西去思悠悠排闥涪山出朝宗漢水繞
濂溪留學舍杜甫咏江樓講罷看桃竹煩遣一束秋

西莊詩爲彭發題

西莊開別業景物最清妍十里汀沙迴三村麥黍連
山雲護籬障花迎滾流泉人欲尋君去新詩和幾篇

送郭寺丞道昌之陝西行大僕寺

吳村公詩集

卷二十三

六

西行八千里盡處卽涼州華嶽雲端出黃河塞上流
境多樓鳳竹地畝收龍州有暇須行樂恩波處處優

贈陳睿吉士送幼子還鄉

萬里風孤飛將雛自北歸柳絲將別少花爲惜春稀
舊選恩如海新還錦作衣續膠應未久秋早候重扉

吳竹坡先生詩集卷之二十四

五言排律

臨川李巨來先生 鑒定

七世孫 琦 重梓

具慶詩爲會昌伯作

戚里今榮盛孫門瞻寵光
毓坤尊后德出震嗣天主
壽命榮階秩數名著會昌
望高人共仰福厚壽兼長
具慶標華扁重筵列錦堂
萱叢滋國色椿樹拂天香
一樂誠難保殊思自不常
官衣凝袋紫內膳蓋羅黃

吳竹坡公詩集

卷二十四

送弘彰鍾修撰省親還永豐

國史俱英選君才衆所推
聲從黃甲著名受玉堂知
秘閣來頻早經筵退仍遲
已多宮錦賜復領內金遺
濯濯封親勅煌煌諭積詞
還鄉章再舉望闕珮雙辭
二月驚初語三春柳漸垂
交遊將別意風景入新詩
荆樹花迎綵萱叢翠上
帷披雲昭翟超絢日喬瓊

家慶應無比君恩亦有期
歸朝須買棹莫過早秋時

送歸晚司業代祀之東魯

寶曆歸元良令函進秩宗
建儀推舊典代祀屬名公
卓犖司成傑才華內苑雄
受辭從帝側擁從向山東
侯吏迎手采祠官走敬恭
煌煌過鳧繹肅肅到龜蒙
少昊欽明薦陶唐威致崇
道尊宣父廟恩奠魯王宮
翼佑贊神化精嚴本聖躬
幣陳儷綵綯圭濯和香濃
德配神俱格誠事物自豐
禮成循踴躍樂徹更春容

吳竹坡公詩集

卷二十四

二

送康振僉事督學之四川

煌煌青瑣客濯濯玉堂仙
勁節昂天宇詞華倒峽泉
名飛霄漢鶚瑞應泮池鱣
北闕留清秩東華侍講筵
遲嘉文尚右政舉學爲先
乙夜勞宸斷崇朝防蠶絲
芹宮資過化栢府待繩愆
紫鳳雲端勅青驄日下鞭

看花辭上苑衣綉向西川桃李恩光透青莢雨露事
何須棊常袞已見得方平郁周文盛藐藐帝德宣
徧知巫峽景盡和錦城篇有待功成日度歌近九天

泰山春雲

岱嶽插天廷浮雲倏杳冥氤氲起崕谷膚寸出林垌
化鶴應無迹從龍卽有靈淮徐望霖雨齊魯畏風霆
海氣凝晨白山光送晚青崇朝漲行潦入夜失恆星
發育資羣品衍藏少定形秦皇雖叱咤松下且僂停

吳竹坡公詩集

卷二十四

三

奉送東里楊少傅扈北征

盛世文章伯明廷社稷臣一朝隨御輦萬里靖胡塵
寔亮誠超古謀猷定絕倫鷹鷂勞指顧帷幄仗忠誠
鼓角天山曙旌旗玉塞春森羅聯壁壘蕩滌到坤垠
一掃封疆靜從知貢獻頻衆情歸屠筭帝命表臣隣
紀德先周呂論功亞甫申光輝留史籍不數漢麒麟
同送建安楊少傅扈北征

鸞輿初出塞內相遠從征經畫三朝策揮揚百萬兵

英雄知素望夷狄仰嘉名尚父原精練留侯正老成
久隨黃幄駐曉傍翠華行天語頻敷咎軍符省合并
檄將彤筆草箭用錦囊盛指點胡天淨分抄馬塞平
紅雲低朔漠瑞日轉瑤京神武超千載方珍集八紘
君臣同盛業史傳著芳聲自此邊塵息羣黎頌大明
壽恩封檢討汝求劉先生

吳竹坡公詩集

卷二十四

四

泉石清心客簪纓白髮翁林間娛永日天上說高風
忠信由生質慈祥本降衷管寧才練達玄晏學疏通
且隱南山豹誰論渭北熊派源非近代出守自先公
嗣哲登詞苑孫賢步月宮錫封今代盛列職史官同
恩出雲霄上光分翰墨叢錦衣織霧氣銀帶綢寬紅
式遂生平願堪徵福慶隆八仙年未耄四皓貌仍童
玉臉虬領潤丹砂鶴頂紅陰符開要妙仙籙貫鴻濛
華旦秋初半光天日正中極星呈煥爛紫氣散冲融
香噴椒蘭火杯飛琥珀深親賓來雜選騶從集西東
壽獻將桃杖詩歌用角弓三朝逢有道一樂自無窮

共致長生祝雕蟲愧不工

小山書屋爲尹侍讀鳳岐作

昔日窮經處依然據小山遙峰青立玉近水翠相環
書榻晴窗裏琴臺疊石間巷通新市曲花驛綠溪灣
雨後芹堪採秋來桂可攀登瀛昭特選載筆著清班
補袞才方盛投簪憂欲還巢由何足數歐叟自須扳
國史書成後從容放白鵬

二慶堂爲費釗同知作

吳竹坡公詩集

卷二十四

五

高堂題二慶長爲奉雙親瑞色疑文藻印光動綉茵
軒楹留白日几杖駐青春玉笋時兼進銀鮮每並陳
斑衣同爛熳壽酒共斟酌影覆看慈竹枝高仰大椿
齊眉推令孝一樂遊天與孝感清朝議官乘別駕輪
養豐崇鼎食錦好耀鄉隣豈直良能貴還將薄俗淳
慶源深滾滾家訓日諄諄有待袞封至廻鸞降紫宸

村樂堂

西昌蕭隱士雅志樂村莊春到思耕墾秋來預築場

花開邀賞過酒熟放歌長徑僻憺朝雨林乾愛夕陽
情因庭草適機共渚鷗忘竹色侵窗几藤陰覆石牀
傳家存禮讓交際謹炎凉富貴知無分生涯亦有常
何須貪許史自可到羲皇待約還山日尋幽開草堂

送正倫陳太守復任之南陽

昭代推賢守名公姓字香朝天來北闕復任向南陽
嶺叙銓曹最恩承上國光羣龍爭致餞五馬欲騰驤
汴水朱旛度春陵皂蓋颺耆童迎道路衆來慶亞傷

吳竹坡公詩集

卷二十四

六

虎竹分新節鶯歌集錦坊仁風飄瑞麥膏雨洽甘棠
河潤經千里城專守一方銅章凝紫綬金佩絢霞裳
惠愛存終始芳馨足播揚黎民歌杜召青史載龔黃
有待功成日榮陞佐廟廊

吳竹坡先生詩集卷之二十五 七言絕句

臨川李巨來先生 鑒定

七世孫琦重梓

泰山十四詠

岱岳東南第一觀青天高聳碧巔
旣若教飛上峰頭立親見陽烏浴未乾

右日觀峰

突兀金堊岱岳西望中進似與天齊
姮娥自得通靈

吳竹坡詩集 卷之二十五

樂設解凌空駕碧梯

右月觀峰

金科玉檢瘞重泉鳳輦霓旌散紫烟
七十二君何處

去空遺玉表鎮山巔

右白玉表

絕頂方池若鏡空浮雲于此闕靈蹤
幾迴膚寸成

雨肯與蒼生作歲豐

右雲母池

古洞陰陰白晝寒羣仙曾此共盤桓
鸞笙去後無消息但見梅花灑石壇

右仙人洞

海內詩書已盡焚只將片石勒功勳
青門黃犬知何處尚有雕蟲學篆文

右丞相碑

十丈高崖削碧蒼前鐫功德後詞章
涪溪亦有神興頌不及東遊紀盛唐

吳竹坡詩集 卷之二十五

右唐

曾與秦皇托舊恩昂霄聳壑露盤根
可憐二世空塵土不及寒松有子孫

右秦松

怪雨狂飈歲幾回根株猶是漢時栽
界枝不掃東封跡還望當年武帝來

右漢祠

兩崖斷裂削崔嵬中有天門碣石開
若使飛空乘六

翼也須留此暫徘徊

右天門山

發度天書降紫清
宋宗曾此駐龍旌
野花啼鳥年年換
猶有人傳御帳坪

右御帳坪

帝遣共工馭六丁
驅帷架谷作雲屏
非關珠碎光明錦
要達宸聰謁萬靈

右碎錦屏

吳村公詩集

卷二十五

三

山遮人面石如刀
十八縈迴勢更高
須使登臨身力健
莫教回首誚猿猱

右十八盤

歷盡艱辛霄漢回
夕陽騎馬笑顏開
宣尼一望高天下
何必頻從此地來

右迴馬嶺

唐畫四幅奉魯藩命徵

金明池水遶蓬萊
中有荷花映日開
勅賜官壺須盡

飲不妨沉醉馬馱回

其二

沉香亭小玉闌干
三尺璫琴席上安
既有鍾期相對坐
高山流水任君彈

其三

殿閣風清散午涼
詞臣酣醉倚匡牀
須臾中使來催促
先寫金鸞急就章

其四

吳村公詩集

卷二十五

四

白玉楸盤四面閑
暫時浣洗下亭臺
請君莫設輕移子
須待先鋒敵手來

竹鶴圖

竹裏桃花澗底泉
雙雙白鶴唳青田
試教側耳風前聽
彷彿餘音在遠天

題龍虎二首

狂風亂捲海門東
雷雨須臾滿大空
欲使蒼生知利澤
掀開頭角五雲中

林下於菟猛氣豪一聲長嘯起松濤試看耀日山頭
坐絕勝英雄烈焰高

和東里先生二韻贈允寬楊秀才

霜落都門秋氣高潞河難急快輕舸知君不惜關山
遠回首親庭北望勞

其二

劍津南去路迢迢兩岼蒹葭色漸凋和得棹歌猶未
穩舟人已轉木蘭桡

吳村公詩集 卷二十五

五

送楊主事寧從征南夷五首

軍容使節別宸旒詔遣春官與運籌試看玉鞭遙指

處南風已掃麓川州

其二

二月樓船過洞庭旌旗雲閃燎空青軍符羽檄如星

過方略先圖報帝庭

其三

強兵百萬駐雲南欲剗高山奠碧潭幕府忽傳新號

今只擒渠師勿窮探

其四

春秋魯史好論兵奇正循環最有情文事必能兼武
備傍人莫道是書生

其五

鉄星印昔數楊津不似君能運鬼神待剪邊夷回玉
帳九重天上秉衡鈞

寫生四首

吳村公詩集 卷二十五

六

人從崑谷結蜿蜒忽遇風雲送上天化作井霖千萬
里蒼生自此慶豐年

右蛟龍

金天獅子逞神威勢壓熊羆伏象犀貢自藩王來上

國追隨麟趾拜彤墀

右獅子

雪花福鹿黑絲絛曾貢金門奉主恩一自年榮過

後高林疎雨幾黃昏

右獐鹿

徐行獨步紫斑籬忽見金獐駐目看若使相如從羽
獵長楊有賦獻金鸞

右獐獮

舒城大尹勸農圖胡紀員外畫十韻

二月東風景漸柔閒觀農務此優遊可嚶父老修新
堰莫遣春塘水亂流

其二

吳村坡公詩集

卷二十五

七

夾道垂楊翠葉濃幾回騎馬看東風今年若更添新
樹自有清陰一道通

其三

萬折青源帶日雲經流玉峽勢三分從今不許爭餘
灘碇石千年立水濱

其四

綠樹陰中置捲龍須臾能使碧池空大田無復憂枯
旱妙奪乾坤造化工

其五

舊隴新畬可漸開勤將蓺去蒿萊明年若復逢時
雨蜀秫桑麻一樣栽

其六

禾黍登場尚未齊且將收拾試雙犁須臾溪上人傳
信令尹盡興住柳堤

其七

九夏朱明候漸過來牟結實已盈坡欲知花縣清平

吳村坡公詩集

卷二十五

八

樂試聽風前發秀歌

其八

牛犢乘閒戀華門連雲禾黍熟東屯今年更倍常年
好且歛秋租奉至尊

其九

萬間官廩積崔嵬載橐均輸次第來科量只今平似
砥茅簷高詒且啣盃

其十

里巷衣冠慣送迎
衙門長聽讀書聲
舒庸亦有劉侯政
何必絃歌羨武城

雜畫四首

一路飛花眼
錦袍薰風江上好遊遨
征夫不識開元寺
遙指雲中鴈塔高

其二

白石離離染綠苔
畫橋門巷倚江開
壁間尚有題名處
應待當年駟馬回

吳竹坡公詩集

卷二十五

九

其三

隔水峰巒擁翠鬟
樓臺隱隱出雲間
料應此景人難到
惟有飛仙日往還

其四

梅花折取當行裝
袖拂天風繫一羊
憶自神仙行過後
能令大地變春光

枚舉宅

漢武殷勤索俊髦
殿前作賦得枚舉
淒涼舊宅無人

問空有荒蛙飲桔槔

謝玄墩

當年一戰掃秦兵
正好長驅逐虜營
何似淮陰猶建壘
南風不肯過彭城

赤松子橋

椿樹陰陰夾路岐
却橋車馬日驅馳
畱侯不遇赤松子
漢河因得國師

角里先生谷

角里先生白氎巾
英姿瀟灑出風塵
當時暫屈張良計
不是終身作漢臣

陳夷希石屏

煉就丹砂離世間
蒲風竹几伴清閒
況逢聖世無爲日
一任高眠對華山

泊東昌承伍庸司訓過宿舟中

水繞扁舟月在天
故人相伴宿風烟
良宵不盡同鄉話
隔嶼殘鍾尚未眠

吳竹坡公詩集

卷二十五

十

過武城蒙王侍郎來訪且惠白鷺

天上歸來謝玉珂
閑雲相伴醉顏酡
老來尚喜黃庭字
分惠交遊有白鷺

泊魯灣

烟樹蒼蒼月似鉤
魯家灣裏泊行舟
笛聲夜半來何處
吹落梅花滿地愁

柳花飛入舟中

兩岬楊花不送人
狂風吹散滿江津
天公知我耽詩癖
飛入舟中

吳竹坡公詩集

卷二十五

十一

句分與舟中

折枝禽鳥圖二首

老栢邊江卧石鯨
鵝鵝飛下兩和鳴
但教世事無關繫
共飲滄洲水也清

堂上清閑兩白頭
東風並立不關愁
試看人世空勞碌
何似林間得自由

楊郎中征虜還詢舟已行寄詩二首

聞說征南大將還
樓船驚鼓動淮山
臨風望斷征鴻去
送目遙看白鳥閒

使不及從容談笑間

南兵已下麓川州
裨將咸封萬戶侯
料得參軍歸日
日高懸卿月照新秋

爲劉教授題畫上有宸翰及解學士詩

鸞鵲雙雙下廣寒
乘風飛上碧琅玕
一從御筆新題後
自有時人仰面看

新得麕冠寄贈長兄與讓

新得麕冠點雪輕
回封聊此寄難兄
石橋流水松陰下
任與閑雲作伴行

吳竹坡公詩集

卷二十五

十二

下任與閑雲作伴行

尚書張瑛挽詩

才華本自舊官僚
雨露深沾歷四朝
料得精神逐龍馭
人間不用楚詞招

送致育梁先生致仕高要

盛世頻將教鐸遷
恩還今已是高年
薄懷素有門牆誼
目送晴雲入遠天

送侍講陳叔剛還閩中

送侍講陳叔剛還閩中

國書初進喜榮遷循例寧親又獨先莫向林泉入行
樂五雲凝望侍經筵

送修撰施槃父還蘇州

霜落長河凍未成南帆回首颺風輕詞林有子魁黃
甲竚待推恩下玉京

仙畫四幅

霞彩松花日可食暫將仙骨寓人寰一朝兩袖清風
起天上瓊樓咫尺間

吳竹坡公詩集

卷二十五

十三

其二

十二樓臺控五城羣仙來往駐霓旌亦知此景人間
少自是天邊白玉京

其三

林下徘徊興已清同瞻六合更多情馭風卻欲之何
處應向蓬萊頂上行

其四

樓臺高出碧雲中四面層巒春意濃仙侶謾遊塵不

到清虛疑是水晶宮

楊州遇建儲詔二

一封丹詔下青冥萬里風雲擁使旌共喜少陽居震
位維陽驛裏拜龍亭

前星光彩照雲衢紫鳳南飛報建儲遙想九重天上
路分明鶴駕從鸞輿

石頭城

帝遣天工統六丁遙持巨斧下青冥自從削斷蒼山

吳竹坡公詩集

卷二十五

十四

骨附與金陵作盡屏

集靈臺

虢國夫人上馬來君王已在集靈臺不須羯鼓催花
柳自有芙蓉帳底開

金人出獵圖

當年秣馬更調弓欲立吳山第一峰自謂山河堪席
捲不知南國有飛龍

明皇出遊圖

御柳條長夾路垂鸞與曉出護龍旂五王騎馬花邊
侯彷彿華清赴宴時

竹枝詞七首

春去秋來似有期
鬼鳥更替只須臾
但教世事無煩惱
且向尊前聽竹枝

其二

人世浮沉總望天
幾回杜閣坐簷前
試問九霄雲外月
清光何事不長圓

吳竹坡公詩集

卷一

五

十五

其三

陽臺雲雨久荒唐
英靈戀楚鄉
若使襄王重過此
離離衰草也堪傷

其四

瀟湘枝上淚痕斑
望斷重華去不還
幾度斜陽重回首
綵雲多在九疑山

其五

瞿塘峽口石崔嵬
舟入山川未易回
欲向中流認帆

影朝朝勤上望夫臺

其六

小姑洲前月似梭
彭郎磯畔泊舸多
湖水本來清徹底
何因日日起風波

其七

楚舞吳歌百越吟
春風隨處有知音
往來多少江湖客
得遇同心直萬金

乘槎吹笛圖爲王都指揮題

吳竹坡公詩集

卷二十五

十六

仙客乘槎泛碧波
天風吹送上銀河
若經牛渚休橫笛
驚散雙星不肯過

承諭德王憲洗馬江湖宗遠餞賦此二首

才華人已擅春坊
兼職猶聯白玉堂
此後相思天路遠
五雲凝望在文昌

其二

翰苑朝來聚別仙
紛紛冠蓋擁離筵
西川洗馬情偏厚
兩贈瓊瑤錦繡篇

寄酌員外左贊承諫古

吏部文章邁等倫近來隸古更精神
臨分贈我瓊琰軸不數陽水蔡有隣

舟次德州與修撰周旋別

同遊人作玉堂仙奉使扁舟喜共聯
此日中途暫分手歸時還約共朝天

吳竹坡先生詩集

卷二十五

十七

吳竹坡先生詩集卷之二十六 七言絕句

臨川李巨來先生 鑒定

七世孫琦重梓

友梅亭十二詠爲衍聖公彥縉作

數尺亭臺四面裝百般紅紫開春光
曉來疎雨過灑作花間萬點香

右小亭花雨

夾道青槐落影濃行人遙指素王宮
千年府第傳籍

吳竹坡先生詩集

卷二十六

袁何必臨汾說晉公

右夾道槐雲

芝蘭茁秀滿前雲朵朵朱粧昌紫莖
况有露華千點分明能助國香清

右蘭階清露

百尺龍湫咫尺天梧桐落影蔭虛圓
人知淡泊多滋味不向人前羨醴泉

右桐井甘泉

海棠沉醉玉顏酡翠葉遮藏當綺羅不是東風吹不醒托生勝地得春多

右海棠綴錦

葉剪輕雲盡似金金多堆積畫堂陰世間豈少忘憂草不及宜男有孝心

右萱草堆金

夜久松間鶴已眠青燈猶自對殘編偶然見月開窗戶放出書聲漸遠傳

吳竹坡公詩集

卷二十六

二

松窗皓月

曲塢東頭竹幾叢能招爽氣到簾櫳勿云刪後無詩句尚有淇園帶古風

右竹塢涼風

尼防秀色聳嶙峋歷涉風霜不記春一自聖神觀覽後苔花點染綉麒麟

右苔石墨翠

嫩蘂鮮葩數百叢幾多青翠簇繁紅但從靜裏看春

色便識乾坤化育功

右花圃繁紅

門牆數仞少能窺道德巍巍仰聖師唯有二三青翠栢當時已許歲寒姿

右古牆秀栢

方沼虛明一鑑開圓荷炫日散金杯花中君子誰能似況有聯芳送瑞來

右方沼瑞蓮

吳竹坡公詩集

卷二十六

三

望觀音巖

百丈高巖瞰曲灣梯雲架壑可躋攀晚年懶睹蛟龍窟遲禮觀音過碧山

儀真遇彭華編修得報遠兒正榜消息

儀真曉遇彭天使得報兒曹中甲科況是泥金有真信不妨引滿勸香螺

淮陽祭平江侯祠

曾從千萬下江兵疏鑿河流達兩京富國安邦功業

在千年淮甸饗神明

安山驛

幾年不到東平郡此日扁舟度碧灣
百里綵雲凝望久不知何處是堯山

德州遇同年沈尚書致仕

入座尚書位望存盛時解組荷天恩
料應歸到淮陽日花滿東籬酒滿尊

望京

吳府坡詩集

卷二十六

四

翠染西山入望濃五雲繚繞氣冲融
薰風好理朝天步玉笋班中拜六龍

畫冊二首爲楊軾題

圓杏山桃香滿林浣花溪上得春深
杜陵小騎行應緩爲有新詩細細吟

其二

秦嶺雲橫雪滿天潮陽刺史正南還
寸心只爲懷明主不是藍關馬不前

回寄彭李諸翰林

瑞鳳翩翩耀錦章相呼相喚入文昌
同時只有南飛鴈目斷遙天不作行

題馬送中書劉鉞之襄陽

王封親賁別明光萬里南行道路長
特遣奚官牽駿馬送君乘此到襄陽

春山圖爲劉推府希陽題

十里春山耐遠看臨溪雲樹尚團圓
樂如今已上青雲

吳府坡詩集

卷二十六

五

路何必仍懷舊考槃

桃源圖

緋桃萬樹夾江濱漸入青山有四隣
不是漁舟解深入只因貪看武陵春

戒岡寺

古寺重興幾百秋昔年曾向此中遊
同行冠蓋題名處壁上虹光尚未收

送余結事使琉球國

海邦拜命請選封帝遣詞臣出九重莫道滄波千萬里張騫嘗漢有遺蹤

送旌義張巨川還安成

去歲溪邊話舊遊今年天上復綢繆南還自有滄洲趣正好忘機狎海鷗

寄修撰劉儼

續學文江三十年今朝平步上青天莫嫌梁灝成名晚已作人間第一仙

吳希坡公詩集

卷二十六

六

墨梅爲希德題

不識春光何處來紛紛枝上散瓊瑰天工設欲供詩興故遣窗前一夜開

畫馬

大平無事出沙塲芳草萋萋化日長奚收不須勒控勒從教休息華山陽

聚禽圖爲平江侯題

翠鴿雙雙啄紫泥竹陰深處共幽棲若教毛質應時

選便有金籠載向西

右翠鴿

翠葦黃蘆間淺深冥鴻閑戲碧波心如今暫息凌霄翮準擬春來赴上林

右冥鴻

老樹凌寒落葉稀蒼鷹共立整毛衣崑前一日西風起便向九霄雲外飛

右蒼鷹

吳希坡公詩集

卷二十六

七

鷓鴣相呼戲水隈新蒲翠柳足徘徊昔年飛立金灘上曾北窗夢裏來

右鷓鴣

朔風吹雪點山茶絳蕊瓊英照歲華唯有白頭無一事雙雙並立鴈窗紗

右白頭

夏景將闌暑氣徂海榴結實墜珊瑚朝來鴿鴒輕輕啄放出縹囊萬顆珠

右鵲鵲

憶別鄉山已千年令原風景尚依然西風莫遣紅芳歇誰向中流唱採蓮

右鵲鵲

灼灼天桃吐絳英秦秦翠葉散新晴南園蝴蝶雙飛下爲報春光入禁城

右蝴蝶

林檎結實美容華沉醉東風帶綵霞莫道黃鸝輕啄

吳東坡公詩集

卷二十六

八

碎玉顏無復聚丹砂

右黃鸝

嫩葉玲瓏剪新綠海棠結子垂紅玉不因綠鶯傳身

飛枝上紛紛露珠墮

右練鵲

韓滉寫亮民擊壤圖

韓滉遊心慕古初精窮墨妙世間無當時慨想唐風

盛描得亮民擊壤圖

鄭虔畫陶潛高卧圖

杜陵常美鄭榮陽畫格新奇冠李唐十載無由覓真跡空餘陶令卧柴桑

齊月軒二首

午夜沉沉灝氣清一輪皓月在天明疏輝只照軒中客朗誦新詩寐不成

其二

玉壺倒影浸山河兔魄凝輝漸漸過石鼎茶香猶未

吳東坡公詩集

卷二十六

九

透露珠已濕桂花多

癸亥小泊青山承謝逸士承謙邀宿坎早別去

留詩以識

柳浪催程泛遠天青山念舊駐征船客窗不盡平生話無那明朝又慙

過湖口以書約王原兄不至

風便曾經報剡勝朝陽樹色望中殘片鴻豈爲遲歸

隔準擬西風會秣陵

同進士劉球萬節宿戴氏滁溪山水間畱別誠

辨隱者

高燒銀燭照華堂良父文星倍有光此別雲山千里
去幾回飛夢到滁陽

同遊張洪載壹追送至鳳橋

十年燈火伴清宵送別殷勤不憚勞南北漸看天路
遠鴻鱗須記鳳林橋

中秋泊徐州示李良

卷二十六

萬里歸期棹客舟彭城洪上過中秋一尊自可澆明
月盡興何須覓庾樓

中流砥柱爲助教段讚作

中流砥柱勞參天力拒狂瀾障百川試使寧龍經此
地也須低首作蜿蜒

金陵雜詠十二首

石削層城百尺高長江天堑更堅牢如何王濟樓航
下不見周郎一炬豪

右石頭城

朱雀飛飛去不回長橋過客幾徘徊無情最是開花
草每遇春風散漫開

右朱雀橋

歲歲營巢托此身烏衣巷口幾經春雕梁畫棟頽更
換何必還尋舊主人

右烏衣巷

班超投筆取封侯祖述揚鞭志復讎何似新亭諸將

卷二十六

相醉來兩臉淚交流

右新亭

故壘蕭蕭蘆荻生金陵西望不勝情齊梁往事今休
問此日空餘白下名

右白下

聞說樓臺不世才細觀文賦亦奇哉舊時第宅知何
處惟有秦淮浸綠苔

右陸機宅

冶城山下謝公墩舊址荒涼不復存此日琳宮人宿處蕭蕭涼月照黃昏

右謝公墩

鷄鳴塔寺插穹蒼擁出岡巒護國庠儒釋不須分異路林花到處散清香

右鷄鳴寺

平湖如鏡水溶溶萬朵荷花匝所紅欲向波心釣魴鯉只愁深處有潛龍

吳郡城金詩集

卷二十六

十二

右玄武湖

二月湖邊景物新大平堤上綺羅人鶯啼燕語千花發一任行歌踏早春

右大平堤

高臺突兀壓崇岡此地曾經宿鳳凰亦有梧桐三尺年年結實候鳴陽

右鳳臺

鍾山作鎮大江東虎踞龍蟠勢最雄憶昔先皇曾定

鼎至今雲彩護中峰

右鍾山

北河雜詠十二首

百尺長繩繫彩龍或從北去或從東須臾撇向虹腰過便覺滄溟有路通

右儀真堤

遙聞揚帝駐龍舟遍看瓊花作勝遊一自月娥收素彩世人誰餐八仙毬

吳郡城金詩集

卷二十六

十三

右楊州觀

驚鳥高飛托羽翰驕驍馳騁爲雕鞍淮陰不遇蕭丞相安得超登大將壇

右淮陰廟

手擊蘋花育此身一瓢曾用飯王孫貞心已卻生前報何用金駟沒後恩

右漂母墓

邦溝渾渾泗云云同會淮河入海濱何必苦分清與

濁無風無即通津

右清河

彭城每遇即淹留爲有長洪滯去舟况是蘇公遺跡
在何妨攜酒上黃樓

右徐州

勾引清泉注開河南船北施此經過只今江郭無開
地日起高樓醉綺羅

右臨清

吳竹坡公詩集

卷二十六

十四

衛河北去轉東流高岍迴環是德州若問長安知遠
近崇墉上有見京樓

右德州

天上箕星拱絡河人間津要鎖鯨波旗亭遷卒休呵
問亦有雲槎此處過

右天津

夕陽帆影照河西夾岍人家住柳堤遙望京師三百
里春風處處有鶯啼

右河西

上林苑路接平原幾度郊行倒酒尊一別都城經五
載春光又過百花園

右百花園

一官北上荷弓招不惜雲程萬里遙行近却關須問
禁從容緩步大通橋

右大通橋

晉別童緣徐溥二庶子

吳竹坡公詩集

卷二十六

十五

曉促行裝別廣陽途中相見喜非常逢人莫唱陽關
曲尚有東城庶子莊

其二

東風祖道出神京遠送郊原更幾程試聽慶豐橋下
水泠泠俱是別離情

雜畫四首

一拳水石種孤松偃蹇交柯翠幾重何用畢宏誇有
餘眼前咫尺有虬龍

右拳石孤松

青螺遺殼漫寒泉中有猗蘭色倍鮮春到葳蕤開更
早國香應是有人傳

右螺殼叢蘭

倭倭羅襪不生塵離卻江湖似有神若遇月明三五
夜無人不道是仙真

右石上水仙

冰心有石似中峰上有菖陽長翠茸直待靈根堪採

吳竹坡公詩集

卷二十六

十六

掇先將九節惠仙翁

右峰頂菖蒲

題荷花圖用錢舜舉韻

一朵圓荷照碧流臨溪聊可豁雙眸西風幾日催成
實不是紅芳不耐秋

其二

花荷嬌艷逞風流翠蓋高擎障遠眸彷彿驪山新浴
後宮門深鎖大長秋

山水四景

春山如綉柳如綿夏屋叢林絢綵椽亦有長橋騎馬
客看花指點度晴川

夏木陰陰碣石開臨溪處處有樓臺網魚沽酒排新
宴爲有高朋遠訪來

月小山高風浪微坡仙孤棹夜忘歸如何赤壁驚殘
夢忽見橫江一鶴飛

六出花飛白滿天玉樓人醉綺羅筵苦吟不怕寒威

吳竹坡公詩集

卷二十六

十七

重亦有騎驢孟浩然

春日二首

風輕鶯黃墜軟絲日烘鴨綠轉淪漪佳人睡起聽鶯
語正是春光浩蕩時

離宮別館起笙歌柳綠花明艷綺羅料得禁中花更

密新鶯飛入上林多

覆巾軟牀各一首

一幅烏紗綴覆巾隨風飄拂起閒身老來卻卻簪纓

累耳作尋常陌路人

細削青藤織軟床
惠來猶帶荔枝香
十年仕路心如
水只欠南樓一味涼

寄雞鳴戴長老十絕

蒼蔚叢中百鳥多
相呼相喚語音和
從來真境堪蕭
散不似人間有網羅

其二

寶塔凌空跨翠微
夜燈照徹散金微
望中似覺諸天

吳郡城公詩集

卷二十六

十八

近插住行雲不敢飛

其三

碧殿陰森夜色沉
微微清梵起潮音
萬緣消處無人

聽月在青天影在林

其四

翠草彤花映紫芝
碧幢琪樹隱翠巖
山迴雨雨銷金

奏時帶殘聲過別枝

其五

玄武湖光似鏡平
鍾山倒影浸蓬瀛
日長風起生鱗
甲疑是潛龍午夢醒

其六

真如不動守宗風
靜坐安禪性境融
午夜香消人寂
寂一鉤明月在簾櫳

其七

大學鍾發唱晚班
珠林亦自啓禪關
松風不掃橋門
跡時見羣僧下碧山

吳郡城公詩集

卷二十六

十九

其八

欽天山勢接鷄鳴
上有層臺對化城
入夜披襟試濯
望一天星斗護神京

其九

幾扣禪關到晚歸
石林嵐翠拂人衣
如今海北天南
望不及支公早息機

其十

前年簪筆赴清朝
杖錫隨行送使輅
一別春風又三

載何因重會北門橋

詠醉道士石

耗質玄門骨相清如何永日卧沙汀只因爛醉麻姑
酒夢入南柯更不醒

二喬觀書圖

國色當年數二喬圖中今得見嬌嬌二郎去後無消
息閒取春秋閱漢朝

牛身虎

畫虎何須全畫身安排牙爪即驚人試看一嘯長林
下便有威風震八垠

與楊溪劉秀才

憶昔楊溪肇講筵先公迎我上橋邊雲消雨散知何
處回首薰風四十年

圭齋訪友圖

黃閣清風一老臣功名獨占玉堂春歸來解組渾無
事騎馬看山訪故人

梨花青禽圖

兩兩青禽噪碧紗紛紛白雪祭梨花不知墨妙能如
許自是唐皇愛物華

題鴿鴻相聚圖送仲兄與蕭還書臺

塞北江南鴈影稀鴿原風雪暫相依只今懶作天涯
客只欲還鄉作陣飛

與春潮司訓同舟自下邳至新安別去

自昔人情重故鄉邳橋相送至新安今宵且盡舟中

樂只恐明朝離別難

金川門升閣

玉皇高閣水雲間華構巍巍倚碧山一望翠潯千萬
里不知何處是鄉關

吳竹坡先生詩集卷之二十七

五言絕句

臨川李巨來先生以鑒定

七世孫琦重梓

西湖遊

見說西湖蓮荷花醉飲酬何由覓孤艇來看大江南

遠景

遠岫蒼蒼蒼平蕪浪渺茫眼看雙鳥去漸入水雲鄉

圓坡

圓坡環四山青松夾路生風掃古人去月明今人行

金池

一掬聚盈盈沿洄鏡面平試看清夜永中有絳河明

偶興二首

秋郊芳草遍古道少人過落日歸期急行行信步多

其二

門前楊柳樹長條拂長條何事青雲客逢人懶折腰

茉莉

茉莉香微細水蕤翠葉重世人應不識偏重紫陽翁

瑞香

瑞香疑白蕊來自洞庭心唯有楊文節殷勤費賞音

屏山

綺綺何聯綿雲物亦縹緲借爾作屏山崔嵬鎮天表

珠嶺

秀嶺如圓珠拔地起千丈幾回漾明廓光徹九霄上

伏虎岡

嶺里有崇岡低昂如虎伏賴爾護川原勿阻行人過

旺龍谷

深谷蟄蜿蜒雲霧變成紫歲有假靈人時來乞甘雨

憶劉清劉詢姚正三司訓

舒城三百里何事缺來過幾度思君夢橫飛凌大河

其二

黃州楚南郡鱗鴻互來往不寄赤壁圖令人起遐想

湖天夏景圖

湖水渺微茫湖天曠千里九夏薰風來湖亭不知暑

楚狂

避世走遑遑長歌詠鳳凰不能回聖轍亦足表狎狂

水閣晴樓圖

水閣駕潺湲晴樓對遠山何人忘世界笑傲出塵寰

百花臺

碧山聳層臺上有仙靈住春到百花明往來途遊憩

萬石溪

庾亮若有倫羊馬亦無數始信萬石君當年俊豪富

桃花洞

深洞夾桃花花紅洞深碧不必武陵源此處有仙蹟

落星湖

湖以落星名見湖不見星星沉入湖底秀氣鍾英靈

雜曲

鴛鴦巢齊陰橘柚過淮綠只今江北女亦唱江南曲

江村夜泊

月黑翳烟霏江村樹影微遙看沙岬火應是釣船歸

採蒲二首

採蒲溪水中水白蒲芽短勿逐雙飛鴻驚起決雲漢

其二

採蒲鑑湖曲水濁蒲葉綠下有雙鯉魚洋洋恣游樂

碧山圖

碧山高嵯峨其下隱雲樹學士焚銀魚移家此中住

途中書事

騎戟擁紅塵揚揚是內臣不知民旱澇只解賽錢神

市魚

輕舟蕩飛梁中載雙鯉魚市此莫謾剖恐有故人書

湖風大作有感

不惜湖水長但厭湖風惡本來如鏡平胡爲自相搏

畫魚四幅

昨夜雷霆怒春江水盡渾錦鱗逐桃浪一躍過龍門

其二

渺渺金塘開盈盈翠荷長魚游知至樂不減在藻梁

其三

羣戲游香藻洋洋得自由但令無網罟來徃識沉浮

其四

止水明如鏡嘉魚白若霜何因跳玉尺俯取獻周王

蓬窗八詠

色然作書囊載此聖賢籍勿厭採取勤開卷良有益

右湘帙

吳郡樓金詩集

卷二十七

五

白玉點琴徽繁若華星小但存大古心未必知音少

右瑤琴

短檠護解楮光映蓬窗裏豈徒聚精華寸心亦如此

右書燈

萬物自天成胚臍藉元氣依微圖繪中默默看生意

右畫冊

刻石架淥沈削出三峰伏選疑玉井蓮宛在青天上

右筆架

小小王蟾蜍勤勤滴珠露多少飛騰人一往不再顧

右蟾蜍

交朱紫青絲客窗便移徙幾迴端坐間思念從此始

右繩牀

陶器煮月團令人快蘇醒毋使恣安便白晝事高寢

右茶竈

効崔國輔體二首

嬌戶春風軟粧奩夜月圓邇來多晝寢不敢向秋千

吳郡樓金詩集

卷二十七

六

其二

深院蒼苔滿空階紅葉稀夜來燈報盡應是藥砧歸

寄王儉都憲

建鄴烏衣巷荆湘黃鶴樓相思無遠近只隔洞庭秋

吳竹坡先生詩集卷之二十八

六言絕句

臨川李巨來先生 鑒定

七世孫琦、重梓

四時山水畫四首

綠水橋邊雲樹青山郭外樓臺看遍百花歸去明朝

騶從還來

斜瀑亂飛清雨雙松並擁樛枝貪看隔溪秋色扶闌

忘却歸時

吳竹坡詩集

卷二十八

點水圓荷散亂凌雲修竹青蒼不是凭闌避暑焉知

化日舒長

天上彤雲密布人間朔雪飄寒誤遣山童問訊綠溪

踏破瓊瑤

梅林清趣二首爲河運使題

逸興何如東閣地清原數孤山只爲梅花消息近來

歸老林間

拆避寒聲乍起參差梅蕊初開坐裏新詩未穩空中

白鶴飛來

山居四首

屏倚三峰翠峯門迎兩岫崔嵬勝日高堂燕集好教

賓主徘徊

十里溪橋異路幾家烟樹同鄉薄晚乘興歸去山公

酩酊何妨

石罇泉鳴滴瀝林端蟬韻鏗鏘自有金聲玉振何勞

鍾鼓笙簧

吳竹坡詩集

卷二十八

隴上楚雲升桁炕頭蘭雪成絲租吏揚塵已去一門

老稚熙熙

唐人名畫四幅

紫閣朱甍疊疊瑤臺畫樞重重多少宮車來往君王

何處相逢

聞苑千尋雲樹瀛洲百丈樓臺海外飈車已去空中

鶴馭飛來

峰頂青鸞飛繞巖前白鹿交馳且駐周王神駿謾勞

王母雲旂

綉嶺顚帷有路珠宮別館無門不是靖節仙骨何因
得到桃源

送道人之雲陽

白水雌西路狹定王臺北山高中有朱陵仙洞從教
杖屨遊遨

茅山景題問華陽子

未可騎茅作鳳何須叱石成羊爲問山中宰相于今

吳郡公詩集

卷二十八

三

別有華陽

寄李儀賓

新府光陰迅速故山雲水依稀綠遍金陵春草王孫
正好東歸

花木生意四首

桃蕊醺香莫比牡丹國色無雙今日探花龍首昔年

肄業鷄窗

珠浦錦蛇晒羽碧山樞火銷金不似葵花真性傾陽

一點丹心

天上風飄桂子人間秋浸芙蓉惹起東籬歸思白鵲
放出雕籠

已黃山茶勝錦更兼翟羽凝霞唯有梅花清淡白鵲
共守窗紗

吳郡公詩集

卷二十八

四

四言

嘉梅詩

皎皎嘉梅在泮之濱娟娟涼月自天煜之 水清月
白梅吐芳烈至性真姿同一芳潔 孰賦其美孰知
其奇有偉師儒襟懷澹如 開軒延賞若良有契妙
會神怡咏歌不廢 西湖邈矣東閣奚爲抑華就寔
鼎鼐之資 五章章四句

猗蘭詩

吳竹坡公詩集 卷二十八 五
莞彼叢蘭其色猗猗中有朱蕤可以佩褊匪曰佩褊
君子之儀 莞彼叢蘭其色青青中有紫莖可以擷
紉匪曰擷紉君子之清 依依蒼筠齒齒白石實有
國香媲美貞節 節以久固香以時颺九矣君子德
音不忘 前二章章六句後二章章四句

松竹雙清詩

有松斯清有竹斯名上有好鳥雙雙和鳴 其鳴伊
何爰以兆喜虛室生白吉祥至止 猗猗淇園峨峨

徂徠惟德之植惟善斯培 允矣君子觀物思舊德
音頻來以慰遐觀 四章章四句

玄雲詩

渺渺玄雲非霧非烟膚寸而合起于山川 風霆驅
之頃刻而雨漑潤百物長我禾黍 其來無蹟其往
何逢從龍變化與時成功 大哉玄雲芒無所繫歸
藏崕谷默與道契 四章章四句

2087364

G
51 21.5
16d

吳竹坡文集五卷詩集二十八卷

江西巡撫
採進本

明吳節撰節字與儉竹坡其號也安成人宣德庚戌進士官至太常寺卿兼侍讀學士是集爲其七世孫琦所刊後附彭華所作行狀稱其爲文章援筆卽就多至數千言滔滔不竭無刻苦艱窘態於詩五七言古今體隨題命意開合起伏不拘拘摹擬而自合矩度云云今觀其詩文皆直抒胸臆縱筆所如無不自達之意華所論頗得其真而淳蓄深厚亦遂不及古人所謂不踐迹亦不入室者歟



ZW 21181888575813